


Νyεμε Jορε Kadasι



The New Testament in Anufo (Chokosi)

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 25 Nov 2022 from source files dated 29 Jan 2022
fe36d0e6-2a60-5e15-8d1c-8bf275389598

Contents

MATIO	1
MARAKO	54
LUKA	85
YOHANE	139
SAYOOWAM	176
ROMAFOM	228
1 KORINTOFOM	252
2 KORINTOFOM	274
GALATIYAFOM	289
EFESOFOM	298
FILIPYAFOM	306
KOLOSİYAFOM	312
1 TESALONIKAFOM	317
2 TESALONIKAFOM	322
1 TIMOTI	325
2 TIMOTI	332
TITOSI	337
FILEMON	340
HIBURUFOM	342
YAKOBO	361
1 PETORO	367
2 PETORO	374
1 YOHANE	378
2 YOHANE	384
3 YOHANE	385
JUDA	386
SAYIKEREWA	388

Labari kpa n bo MATIO akere i ni

Kabo ba kere Yesu nam duma barasu ni

¹ Ahin duma kereewam kere ti Yesu Kristo nam busu wo, fiteeri Abraham ko tu Feme Davidi fa ba juuri sangha bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jaköbu, na Jaköbu awu Yuda ni i niemam, ³ na Yuda awu Farese ni Zara bo bu ni yo la Tama ni, na Farese awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemo, ⁵ na Salemo awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Feme Davidi ni.

To, na Feme Davidi awu Feme Solomon bo i ni yo la Yuriya yi ni, ⁷ na Feme Solomon gusu awu Feme Robowam, na Feme Robowam awu Feme Abiya, na Feme Abiya awu Feme Asafu, ⁸ na Feme Asafu awu Feme Yosafati, na Feme Yosafati awu Feme Yoram, na Feme Yoram awu Feme Yoziya, ⁹ na Feme Yoziya awu Feme Yowatam, na Feme Yowatam awu Feme Ahazi, na Feme Ahazi awu Feme Hezekiya, ¹⁰ na Feme Hezekiya awu Feme Manase, na Feme Manase awu Feme Amoni, na Feme Amoni awu Feme Yosiya, ¹¹ na Feme Yosiya awu Feme Yekoniya ni i niemam. Nyini sangha n ye bu miereeri Yisarelifom fiteeri bu asien su koori Babiloniya asien su n a.

¹² Bu faari bu koori Babiloniya n dee n sin ni, na Feme Yekoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jaköbu nyinga bekun, ¹⁶ na nyini Jaköbu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefo n bo Nyeme ase ka i sunma i ni.

¹⁷ To, nyini kere ka fiteeri Abraham fa ba juuri Feme Davidi, bu tiiri nanam buru ni nna wo, na fiteeri Feme Davidi fa ba juuri sangha bo bu miereeri Yisarelifom koori Babiloniya asien n su ni, bu tiiri nanam buru ni nna wo, na fiteeri nyini sangha n fa ba juuri sangha bo bu wuuri Kristo Tiidefo ni, bu gusu tiiri nanam buru ni nna wo.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wo, ama, kana bu ba ja i ko i hun n dika ni, na ba fa nu ka i bita nyinse bo i fite Nyeme Awiewie Casi n dee yiko nu wo. ¹⁹ I hun Yosefu yo ti sɔnɔ bo i yo sa bo i ko atin su Nyeme do o, nyini ti, wo koro ma ka i wura i yi n nyinse jama nu, na wo fa sunsunni ka i yaki i asiri nu. ²⁰ Sangha bo i wo birisi su n so ni, na Micerca n dee mereke aba i do alele nu, aba ase i ka, “Feme Davidi anuma Yosefu, ma a soro sere ka a ja Mariya, na a fa i ko i dika, dama Nyeme Awiewie Casi ni maari i nyinse n a. ²¹ I wu baabieso na a fere i ka Yesu, i bu la ka Tiidefo, dama yiri ba yi i minem fite bu satiem nu a.” ²² To, nyini n kere yoori

sɔ, adena i ma Nyeme nɔanie kanfɔ n nɔanie n bá yo yiiwa, kabo wo jɔɔ ka,

²³ “Sunḡuru bo wo nya si má bieso bá nyinse,

na i wú baabiesɔ,

na bu fére i ka *Emanuweli*,”

i bu la ka, Nyeme wo ya dɔ. ²⁴ Saḡga bo Yosefu tenḡeeri ni, na wo yo kabo Micera n dɛɛ mɛreke n seeri i ni, na wo fa Mariya aba i dika.

²⁵ Ama, i ni yiri asaḡga má bara ni bieso, haari Mariya ba wuuri baabiesɔ, na Yosefu atun i duma ka Yesu.

2

Kabo asarambaa kɔresiyifɔm baari Yesu busu nie ni

¹ Saḡga bo bu wuuri Yesu miɛ n bo bu fere i ka Betilehem na i wo Yudiya awɔre n nu ni, nyini saḡga ni Herode ti nyini awɔre n nu femɛ a. Na asarambaa kɔresiyifɔm nbem afite wie afiiri, aba Yerusalem aba abisa ka, ² “Baa n bo ba wu i na i bá yo Yudafɔm femɛ n wo ni wɔ? Ya ḡu i asarambaa wie afiiri dɔ, ye ya ḡa ya bá na ya bá kutu i a.” ³ Femɛ Herode tiiri sɔ ni, na jɔre n amie i ni Yerusalemfɔm kere. ⁴ Na wo fere Nyeme sayoowa dɔḡguyofɔm nkpienkpienn, ni Nyeme nɔanie kerefɔm kere atien bu nɔɔ, na wo bisa bu ka, “Ye bu wú Kristo Tiidefɔ n ni wɔ?” ⁵ Na ba bɔ i nu ka, “Betilehem bo i wo Yudiya asien n su ni, dama kabo Nyeme nɔanie kanfɔ n kerɛeri i lɛɛ. Micera n ḡa o,

⁶ Wɔrɔ Betilehem bo a wo Yuda asien n su ni,

a ti má miɛ kaan.

Wɔrɔ ti Yuda asien n su miɛm anyunuyifɔm kun a,

dama ka femɛ n bo m yí i na i bá yo m mine Yisarelifɔm tiifɔ ni,

i fite u dɔ o.’”

⁷ Na Femɛ Herode afere asarambaa kɔresiyifɔm n asiri nu na i si saḡga bo asarambaa n tiɛeri ni. ⁸ Na wo kere bu ka, “Am kɔ Betilehem, na am kɔ nienie nyunyumi, na nzen am ḡuuri baa ni, am kpie am nyi ba se m na m gusu kó kutu i.” ⁹ Femɛ n jɔjɔri bu dɔ wieeri sɔ n na ba de atin, bu wo kɔ su sɔ ni, na ba ḡu asarambaa n bo bu ḡuuri i wie afiiri ni, ka i du bu mɔ haari na wo kɔ ajina awuru n bo baa n wo nu n tii su. ¹⁰ Bu ḡuuri asarambaa n sɔ ni, na bu ahore ajo agaya. ¹¹ Na ba kɔ awura awuru n nu, na ba ḡu baa n ni i ni Mariya na ba kutu i, na ba yo i anse. Na ba nya ateke bu kurukum, na ba yi aceerim ace i. Aceerim n la sika, ni tulaalɛ nvanvanifo be, i ti samene wo, ni baka nyunvuin nvanvanifo. ¹² Nyini sin na ba fa atin be akpie bu nyi ako bu bɔsu, dama Nyeme ase bu alele nu ka má bu kɔ Femɛ Herode dɔ kun.

Kabo Yosefu faari Yesu ni i ni ḡmati kɔri Ijipiti ni

¹³ Asarambaa kɔresiyifɔm n kɔ wieeri ni, na Micera n dɛɛ mɛreke aba Yosefu dɔ alele nu, aba ase i ka, “Yasu fa baa n ni i ni na am ḡmati kɔ Ijipiti asien su, má nyini Femɛ Herode wo baa nienie su na i kun i. Am kɔ wo dɔ haari cɛen bo m bá kaaki ba ma am nɔɔ ka am yasu dɔ.”

¹⁴ Na Yosefu ayasu afa baa n ni i ni ḡmati kɔḡue n kere, na ba kɔ Ijipiti asien n su, ¹⁵ na ba wo dɔ haari Femɛ Herode aba awu. Ahin yoori sɔ ni, i ma kabo Micera n ma i nɔanie kanfɔm n yo jɔjɔri n yo yiiwa a. I ḡa, “Ma fere m wa n afite Ijipiti asien n su.”

Kabo Feme Herode ma bu kuunri nbaabieso kan kanm ni

¹⁶ Sanja bo Feme Herode ba faari nu ka asarambaa koresiyifom n adadaka i ni, na wo fa yaa agaya, na wo ma i sojam nɔɔ ka bu ko Betilehem mie n nu, ni i aheme aheme n kere su na bu ko kun nbaabieso kan kanm kere bo ba wu bu kisa, ko ju afo nnyo, dama i sunsun ka sanja n bo asarambaa koresiyifom n na asarambaa n tieeri ni, wo ju ka afo nnyo. ¹⁷ Nyini kere ka, kabo Nyeme noanie kanfo Jeremiya yo jɔjɔri n ayo yiiwa. I na,

¹⁸ “Ya ti awie bo nga Rama mie kpiri nu,
sun ni ahoresaaki wo do,
bara Rakeli susun i nbaam busu.

Wo kete ka ma be kpata i, dama i nbaam wo ma bere kun.”

Kabo Yosefu faari Yesu ni i ni fiteeri Ijipiti baari Nazareti ni

¹⁹ Sanja bo Feme Herode ba wuuri ni, na Micera n dee mereke aba Yosefu do alele nu Ijipiti asien n su, aba ase i ka, ²⁰ “Yasu fa baa n ni i ni, na am kpie am nyi ko Yisareli asien su, dama minem bo bu kpiiri ka bu kun baa ni, ba wu.” ²¹ Na Yosefu ayasu afa baa n ni i ni, na ba kpie bu nyi ako Yisareli asien n su. ²² Ama, sanja bo i tiiri ka Akilawu adi i si Feme Herode femeya n Yudiya awore n nu ni, na sere ati i ni kabo i ko wo do. Na Nyeme mereke aba i do alele nu, aba akere i kabo i yo, na wo yasu ako Galili awore n nu ako awo mie be bo bu fere i ka Nazareti n su. ²³ Nyini n kere ka, kabo Nyeme ma i noanie kanfom n jɔjɔri n yo yiiwa a, fa ko Kristo Tiidefo n do. I na, “Bu fere i ka Nazareti fo.”

3

Kabo Yohane Nyeme Nzue Biefo n kaanri Nyeme jore ni

¹ Nyini sanja n na Yohane Nyeme Nzue Biefo n ako Yudiya boro kpantain n nu, ko sukan Nyeme jore, i na, ² “Am kaaki am wo, dama sanja n adodo bo Nyeme Feme ba nie i minem su.” ³ Yiri Yohane n ye Nyeme noanie kanfo Esaya yo jɔjɔri i jore n a. I na, “Soɔɔ be subo ndoori boro kpantain n nu se ka,

‘Am sese Mibie n atin n su,
na am yo i atin n dongu.’”

⁴ Yohane wuraari sutura bo bu faari nyooma ndore wuuri i a. Na wo fa jina abo i wi nu. I diire yo la lalom ni wie wo. ⁵ Na mine afite Yerusalem mie kpiri n nu, ni Yudiya dee awore miem kere su, ni Yodan dee bue n kere aba i do, ⁶ na ba kan bu ngasi ni bu satie kere akere Nyeme, na Yohane abie bu Nyeme nzue Yodan kunma n nu.

⁷ Ama, sanja bo i ba nuuri ka Farasifom ni Sodusifom dongu suba i do ka i bie bu Nyeme nzue ni, na wo se bu ka, “Amberɛ burukoonufom bo am ti ka woom ni, nma seeri am ka am nmati fite nyini suicin kekereke n bo Nyeme sufa ba am do n nu a? ⁸ Am yo sakpa bo i kere ka am akaaki am wo. ⁹ Na ma am sunsun ka Abraham ti am na n dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. ¹⁰ Nyeme asi i samba n nana ase baka kere bu na i kpie i ji sin nu, yiri bo i suuwa ti ma kpa ni. ¹¹ Mini sufa nzue bie am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fa Awiewie Casi n ni sin yo am casi a, kabo soɔɔ bie

nzue na i yo casi ni. ¹² I bita i ngani kpaja fieeba bo i ba bobo ngani n gbangba n su, na i kpája yi ngani mbaa n fa go i bondo nu, na i nyá yara kunkun n sin n bo i je na i nɔ má n nu.”

Kabo Yohane biɛri Yesu Nyeme nzue ni

¹³ Nyini sanja n na Yesu afite Galili awɔre n nu, aba Yohane do Yodan kunma n nu ka Yohane bie i Nyeme nzue. ¹⁴ Ama, na Yohane akete ka i bie má Yesu Nyeme nzue ni. I ɲa, “Má i ti ye ni ka wɔro bie m Nyeme nzue a, ye nzu ti ye a ɲa mini bie u a?” ¹⁵ Ama, na Yesu abo i nu ka, “Ma ya yo so adena ya yo deke kere bo Nyeme koro ni.” I seeri so n na Yohane asoro su. ¹⁶ Sanja bo Yohane biɛri Yesu Nyeme nzue n wieweri n na i fiteiri nzue n nu ni, kpenga na angoro ateke, na wɔ ɲu ka Nyeme Awiewie n ajura ka tiwa dee su aba atana i ɲu. ¹⁷ Do na wo ti akonvi be ɲga angoro, i ɲa, “Ahin ti m wa a, m koro i agaya, m ahore ajo i ɲu.”

4

Kabo Sitana yoori Yesu na i nie ni

¹ Nyini sin na Nyeme Awiewie Casi n afa Yesu ako boro kpantain n nu ka Sitana ko yo i na i nie, ka i yo yiri Sitana n dee koroowa nzen i yo má. ² Do na Yesu acici i noo haari ceen aburana, kongue ni wiesu bo i di má pui, na ahoe aba ati i. ³ Na Sitana bo bu kaaki fere i ka Ngeesofo n aba ase i ka, “Nzen a ti Nyeme Wa, se ahin yabuem n na bu kaaki diire.” ⁴ Ama, na Yesu abo i nu ka, “Ba kere i Nyeme Jore Kadasi n nu ka,

‘Má diire ngumi ma sono ngoo a,

ama, i de noanie kere bo i fite Nyeme do n gusu.’ ”

⁵ Na Sitana n akaaki afa Yesu ako Yerusalem mie kpiri n nu, na wo ko afa i ajina Nyeme Sereebiri Awuru n tii su lenlenge, na wo se i ka, ⁶ “Nzen a ti Nyeme Wa, ti to asienngu na m nie. Dama ba kere i Nyeme Jore Kadasi n nu ka,

‘Nyeme má i merékem noo na bu nie u dika.’

Ba kaaki akere i ka,

‘Bu fá bu saa so u nu,

na má u jaa bo yabue be.’ ”

⁷ Na Yesu ase i ka, “Ba kaaki akere i Nyeme Jore Kadasi n nu bekun ka, ‘Má a yo Micera Nyeme n na a nie kabo i yiko ti barasu.’ ”

⁸ Nyini sin na Sitana n afa i ako buka be tii su lenlenge, na wo kere i durunya n nu asien kere, ni kabo bu ti na bu yo nyumi barasu. ⁹ Na wo se i ka, “Nzen a kutu suuri m, m fá nyinim n kere ma u.” ¹⁰ Na Yesu ase i ka, “Woro Sitana, fa cinsi m bi bere. Dama ba kere i Nyeme Jore Kadasi n nu ka,

‘Kutu Micera u Nyeme ni,

na a su yiri ngumi.’ ”

¹¹ Na Sitana n ako ayaki i, na Nyeme merékem aba i do na ba ba asu i.

Kabo Yesu boori i juma bu Galili awɔre n nu ni

¹² Na sanja bo Yesu ba tiiri ka ba tara Yohane anyi i dansaraka ni, na wo fite bere ako Galili awɔre n nu. ¹³ I yasuri Nazareti mie n nu ni, na wo ko awo Kapenam mie kpiri n bo i wo dodo Galili kunma

kpiri ni, na i wo Zabulonfɔm ni Nafatalifɔm dɛɛ awɔrɛ n nu ni. ¹⁴ I kɔ tanaari dɔ ni, adena kabo Nyɛmɛ nɔɔnɛ kanfɔ Esaya yo jɔjɔri n yo yiiwa. I ɲa,

¹⁵ “Zabulon ni Nafatalifɔm, am so am sui,
 ambɛrɛ bo am wo dodo kunma kpiri n bo i wo Yodan kunma n
 wiɛ afiiri dɛɛ bue ni,
 ambɛrɛ bo am wo Galili awɔrɛ n ni, deke bo bu ti má Yudafɔm wo
 ni, am so am sui.

¹⁶ Minɛm bo bu wo awosin nu ni,
 ba ɲu wein bambaka ni.

Na bo bu wo awosin ni yiwee nu ni,
 bɛrɛ ye sin ni jé ta wein ma bu a.”

¹⁷ Fite nyini sanɲa n na Yesu abo i bu sukan Nyɛmɛ jɔrɛ, i ɲa, “Am kaaki am wo, dama sanɲa n aju bo Nyɛmɛ Fɛmɛ bá niɛ i minɛm su.”

Kabo Yesu fereeri jombaa tarafɔ nbem ka bu su i su ni

¹⁸ Na sanɲa bo Yesu sunati Galili kunma kpiri n nɔɔ su ni, na wɔ ɲu mine nnyɔ nbem, bu ti sɔnɔ kun nbaam wɔ. Bɛrɛ la Simon bo bu fere i ka Petoro ni, ni i niɛma Andere. Bu wo bu diɛndiɛ sandi su kunma kpiri n nu, dama bu ti jombaa tarafɔm wɔ. ¹⁹ Na Yesu ase bu ka, “Am bra na am ba su m su na m má am tien minɛm nɔɔ ma m, kabo am tara jombaam ni.” ²⁰ I seeri sɔ ni, na ba kaba ayaki bu diɛndiɛm ni, na ba su i su.

²¹ I nati kɔɔri i nyunu kaan, na wɔ ɲu mine nnyɔ nbem bekun, bu ni bu si, bu fere i ka Zɛbɛdi, bɛrɛ la Yakobo ni i niɛma Yohane. Bu ni bu si n wo lee nu suyo bu diɛndiɛm dɔɲgu, na Yesu afere bu. ²² Dɔ na ba kaba afite lee n nu ayaki bu si ni, na ba su i su.

Kabo Yesu kaanri Nyɛmɛ jɔrɛ na i ma tukpakifɔm nyaari laifɛ ni

²³ Na Yesu abara aye Galili awɔrɛ n kɛrɛ nu, na i sukere minɛm bu tientiɛnbunɔɔ sɔɔm n nu, deke bo bu sere Nyɛmɛ na bu kere minɛm Nyɛmɛ jɔrɛ nu ni, na i sukan labari kpa n fa kɔ Nyɛmɛ fɛmɛya n su, na wɔ ma minɛm bo bu la tukpaki barasu barasu n kɛrɛ anya laifɛ. ²⁴ Na i duma ata abara aye Siriya awɔrɛ n kɛrɛ nu, na ba sɔ minɛm bo bu la tukpaki barasu barasu kɛrɛ, ni bo bu di yaari agaya bu ɲuniɛmbaa nu, aba i dɔ ka i ma bu nya laifɛ. Ajinim wo bu nbem ɲu, na nbem tɔ ɲgbiti, na nbem gusu saam ni bu jaam awu, na wɔ ma bu kere anya laifɛ. ²⁵ Na jama beberebe afite Galili awɔrɛ n nu, ni Mie Burum dɛɛ awɔrɛ n nu, ni Yerusalem miɛ kpiri n nu, ni Yudiya dɛɛ awɔrɛ n nu, ni Yodan kunma n sin dɔ, na bu kɛrɛ aba asu i su.

5

Kabo minɛm yo na bu nya terefɛ Nyɛmɛ dɔ ni

¹ Yesu ɲuuri jama n ni, na wɔ fun akɔ atana buka be su. Na i susufɔm n aba i dɔ. ² Na wɔ bo i bu ka i kere bu, i ɲa,

³ “Bɛrɛ bo bu ti jaarifɔm bu ahore su ni,
 terefɛ wo bu dɔ,
 dama Nyɛmɛ fɛmɛya n ti bu dɛɛ wɔ.

⁴ Bɛrɛ bo bu ahore asaaki ni,
 terefɛ wo bu dɔ,
 dama Nyɛmɛ dá bu ahore a.

⁵ Bɛrɛ bo bu yo bu ɲu kaan ma Nyɛmɛ ni,

terefie wo bu do,
dama Nyeme bá fa durunya n ma bere wo.

⁶ Bere bo bu nyunu aboro ka bu yo sa bo i ko atin su
kabo sono la konviki fa ko diire ni nzue busu ni,
terefie wo bu do,
dama Nyeme bá ma bu akunnuyi a.

⁷ Bere bo bu si anunfo ni,
terefie wo bu do,
dama Nyeme bá si bu anunfo a.

⁸ Bere bo bu ahorembaa ti casi ni,
terefie wo bu do,
dama bere bá nu Nyeme a.

⁹ Bere bo bu kpata aluwa ni,
terefie wo bu do,
dama Nyeme bá fere bu ka i nbaam a.

¹⁰ Bere bo bu yo sa bo i ko atin su n dee ti
na minem kere bu wuwuruwa ni,
terefie wo bu do,
dama Nyeme femeya n ti bere dee a.”

¹¹ Na Yesu akaaki ase ka, “Amberé bo minem bá kpie am nzuko, na bu kére am wuwuruwa, na bu bú kore barasu kere so am, na i kere fite ka am ti m deem dee ti, terefie wo am do. ¹² Bu bá yo am so, am ma am ahore jo agaya, dama am nyá nkato bambaka Nyeme do. I fite ka, kabo bu yo kereeri dawa dee Nyeme noanie kanfom n wuwuruwa n lee.”

Kabo Yesu na i susufom ti ka njin ni wein ni

¹³ Na Yesu ase ka, “Amberé, m susufom ni, am ti ka njin wo durunya n nu a. Ama, nzen njin fiefie nya ba saari wieeri, i koro yo má i fiefie kun. Nyini sangá ni, wo ka ngbeen lee, nka bu fá butu wo, na minem tientien sangá i ni fa. ¹⁴ Amberé ti wein bo i ta ma durunya n nufom a. Mie kere bo i wo kperé su, sono kere nu i wo. ¹⁵ Sono be nya so má fitana su na i fa gangá butu su, ama, i fa taka deke su angoro wo na i ta wein ma awuru n nufom kere. ¹⁶ Nyini ti, am ma am wein ta durunya n nu, na sono kere nu am sakpa yoowa, adena bu kansu am Si Nyeme bo i wo angoro ni.”

Kabo Yesu na ya su Nyeme noanie kpamaawa n su barasu ni

¹⁷ Na Yesu ase ka, “Fa ko Moyisi noanie kpamaawa n ni Nyeme noanie kanfom dee kereewa n su, má am sunsun ka ma ba ka m ba ce bu se wo. Ai, ma ba má ka m ba ce bu se wo, ama, ma ba ka m ma i kere bá yo yiiwa a. ¹⁸ Nahore ye m suse am n a, kabo angoro ni asienngu toko wo bere ni, bu yí má noanie n be haari kampiti so n mmoo fite má noanie kpamaawa n nu, haari na i deke n kere ba awieeri. ¹⁹ Nyini ti, sono kere bo i buuri Nyeme noanie maawa n kampiti so mmoo ngbeen, na i kereeri minem ka bere gusu yo so, bu fére i mi ka sono kaan Nyeme femeya n nu. Ama, sono kere bo i suuri Nyeme noanie kpamaawa n su na i kereeri minem ka bu gusu yo so, bu fére i mi ka sono bambaka Nyeme femeya n nu. ²⁰ Nyini ti, m suse am wo lee, ka, kana am bá wura Nyeme femeya n nu, má ka am yo sa bo i ko atin su Nyeme do n tara Farasifom, ni Nyeme noanie kerefom dee ni.”

Kabo Yesu kere fa kɔɔri yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Má a kun sɔnɔ,’ na ‘Nzen wɔɔ kere bo a kuunri sɔnɔ, bu dí u jɔɔ.’” ²² Ama, m suse am wɔ lɛɛ, ka, wɔɔ kere bo a faari yaa u bɛngu ŋu, wɔ yo daka ka bu di u jɔɔ. Sasu bekun, wɔɔ kere bo a seeri u bɛngu ka i ti sɔnɔ ŋgbɛɛn, wɔ yo daka ka bu fa u jina Yudaɔm jɔɔɔɔɔ nkpɛnkpɛnm n nyunu na bu di u jɔɔ. Na nzen wɔɔ kere bo a seeri u bɛngu ka i ti sinnzin, Nyɛmɛ fá u wura cɛɛma sin n nu. ²³ Nyini ti, nzen a fa u aceeri aba ka a ba sere Nyɛmɛ, na a tɛnge su ka u ni u bɛngu be la ŋgasi, ²⁴ yaki u aceeri n yoowa yoobiri n ka, na a kɔ na am kɔ yo am afɛn dɔŋgu, na a nya ba fa u aceeri n ma Nyɛmɛ. ²⁵ Nzen u ni be la jɔɔ, na nzen i koro ka i fa u kɔ jɔɔ diibiri, jɔkoti tara i mi n jaa, na má jɔɔ n ju jɔɔ diibiri n ni, má nyini, i mi ni fá u kɔ wura jɔɔɔɔɔ n saa nu, na yiri gusu fá u ma dansaraka niɛɔ ni, na yiri gusu nyá nyi u. ²⁶ Nahɔɔ ye m suse u n a, nzen a woori dɔ na a tɔ má kaari n kere awie má, a nyá má atin fite má dansaraka n nu.”

Kabo Yesu kere fa kɔɔri ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Má a saaki ajaa ciire.’” ²⁸ Ama, mini, m suse am wɔ lɛɛ, ka, wɔɔ kere bo a niɛ bara, na u konvi wuraari i, i ti ka a saaki ajaa ciire u ahore su wɔ lɛɛ. ²⁹ Nzen u nyumbaa n kun cin u wuraari satie nu, lokoti yi i tu. I ti ye ni ka a fun u ŋuniɛmbaa n bue kun, ni bo a fa u ŋuniɛmbaa n kere wura cɛɛma sin nu. ³⁰ Nzen u saa fɔmbɔɔ cin u wuraari satie nu, kaba kpɛ i tu. I ti ye ni ka a fun u ŋuniɛmbaa n bue kun, ni bo a fa u ŋuniɛmbaa n kere wura cɛɛma sin nu.”

Kabo Yesu kere fa kɔɔri bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sɔnɔ kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’” ³² Ama, mini, m suse am wɔ lɛɛ, ka, sɔnɔ kere bo i faari i yi jiiri, na wɔ yo má ka bara n akɔ somaya ye i fa i jiiri a, na nzen bara n kɔ jaari biɛsɔ fɔfɔɔ, i mi n ma bara n asaaki ajaa ciire lɛɛ. Na sɔnɔ bo i faari bara n jaari, yiri gusu asaaki ajaa ciire lɛɛ.”

Kabo Yesu kere fa kɔɔri ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Má a tan ndie na a kaaki wɔɔ u nɔɔ, ama, ma u sui wo ndie bo a tan i ama Micɛra n su, na a yo i.’” ³⁴ Ama, mini, m suse am wɔ lɛɛ, ka, má am tan ndie mmɔɔ fieo. Má am tan angoro, dama Nyɛmɛ femeya n woobiri lɛɛ. ³⁵ Má a tan asienɔgu gusu, dama i ti Nyɛmɛ jaa gbagbaa jinaabiri wɔ. Má a tan Yerusalem, dama i ti ya Micɛra Femɛ n dɛɛ mie kpɛri wɔ. ³⁶ Má a kaaki se ka a tan u tiiawa, dama a koro yo má u tiiɔmie kun mmɔɔ fofoe, wara biri. ³⁷ Am ma am nɔanie kere yo tika. Nzen i ti ‘ɛɛn,’ am se ka, ‘ɛɛn.’ Nzen i ti ‘Ai’ gusu a, am se ka, ‘Ai.’ Sin nyini sin, nɔanie kere bo i buka su n fite Sitana dɔ ɔ.”

Kabo Yesu kereeri ka má ya fa minɛm satie tɔ bu kaari ni

³⁸ Na Yesu akaaki ase ka, “Am ati ka ba se ka, ‘Nzen sɔnɔ yi u nyumbaa, wɔɔ gusu yi i mi dɛɛ, na nzen i bo tuuri u jee, wɔɔ gusu tu i mi dɛɛ.’” ³⁹ Ama, mini, m suse am wɔ lɛɛ, ka, nzen sɔnɔ yoori u satie,

má a wɔrɔ satie ma i mi. Haari nzen be fiinri u nyɔɔnu, kaaki bue nyinga n gusu ma i na i fin buka su. ⁴⁰ Nzen be cici u lekisi ka i fa u kɔ jɔre diibiri, na i de u tanlee kaan n be i wo i bu ni, kaba yi i tii su deɛ bambaka n mmɔɔ buka i su. ⁴¹ Nzen fanɔfaɔ be miɛeri u ka a sɔ i sɔori kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔnɔ bo i sereeri u deke be, má a kpie i, na sɔnɔ bo i ɲa a fie i deke be, má a kete.”

Kabo Yesu kereeri ka ya koro minem bo bu kpɔ ya ni

⁴³ Na Yesu akaaki ase ka, “Am ati ka ba se ka, ‘A koro sɔnɔ bo i koro u ni, na a kpɔ sɔnɔ bo i kpɔ u ni.’ ⁴⁴ Ama, mini, m suse am wɔ lee, ka, am koro am kpɔfɔm, na am sere Nyeme ma bo bu kere am wuwuruwa ni, ⁴⁵ adena am yó am Si Nyeme bo i wo angoro ni nbaam. Dama yiri ma wɛ fite ma satieyofɔm, ni sakpayofɔm kere a, na i kaaki ma nzue tɔ ma bo bu yo sa bo i kɔ atin su i dɔ ni, ni bo bu yo má sa bo i kɔ atin su i dɔ n kere. ⁴⁶ Nzen am nya koroori minem bo bu koro am ɲgumi ni, nzu ɲkatɔ, ye am nya i a? Dama haari lampodefɔm bo bu sisi minem ni mmɔɔ yo sɔ ɔ. ⁴⁷ Na nzen am bisa am danfom ɲgumi ahin, am sunsun ka am ayo nzu sakpa ye be koro yo má i a? Bo bu su má Nyeme ni mmɔɔ koro yo sɔ, má sɔ? ⁴⁸ Tɔ, am ma am woowa n ti kpa bo i la má anusu, kabo am Si Nyeme bo i wo angoro n deɛ woowa n ti kpa bo i la má anusu ni.”

6

Kabo Yesu kereeri ya ka ya ce yaarifɔm aceeri barasu ni

¹ Na Yesu ase bu ka, “Am si am ɲu sa, na má am yi am nyemesu sayoowa fite fofoe nu, adena minem ɲu i na bu kansu am. Nzen am yoori sɔ, am nya má ɲkatɔ be, am Si Nyeme bo i wo angoro n dɔ.

² Nyini ti, nzen a ɲa a ce yaarifɔm aceeri, má a bo ndoori na sɔnɔ kere ti, kabo burukɔɔnufɔm yo i bu tientienbunɔɔ sɔɔ n nu, ni mie kunnu atinɲberem n su ni, dama bu yo sɔ ɔ, adena minem kansu bu. Nahɔre ye m suse am n a, bere ɲkatɔ awieeri lee, ye ba du mɔ anya i n a. ³ Ama, nzen a ɲa a ce yaarifɔm aceeri, má a ma be ɲu i fieo, na bu si sa bo a suyo i ni, ⁴ adena u aceeri n yo asiri nu. Dɔ na u Si Nyeme bo i ɲu sa kere bo a yo i asiri nu ni, n tó u kaari.”

Kabo Yesu kereeri ya nyemesere atin barasu ni

⁵ Na Yesu akaaki ase ka, “Nzen sanɲa bo am ba susere Nyeme, má am yo kabo burukɔɔnufɔm yo ni, dama bere koro ka bu sujina bu tientienbunɔɔ sɔɔm n nu, ni deke bo atinɲberem jaja nu ni, na bu sere Nyeme adena minem ɲu bu. Nahɔre ye m suse am n a, bu ɲkatɔ awieeri lee, ye ba du mɔ anya i n a. ⁶ Ama, sanɲa bo a ba susere Nyeme, wura u sɔrɔ na a nyi u anɔ, na a sere u Si Nyeme bo be ɲu má i ni, na u Si Nyeme bo i ɲu sa kere bo a yo i asiri nu ni, nyá tɔ u kaari.

⁷ Na sanɲa bo am ba susere Nyeme, má am yo nanmie kabo bo bu su má Nyeme n yo ni, dama bu sunsun ka bu jɔjɔori beberebe n ye Nyeme de bu sere a. ⁸ Má amberɛ yo ka bere, dama am Si Nyeme si am sa koroowa kere n mmɔɔ ka, ye am nya sere i a.

⁹ Nyini ti, kabo i ti ye ni ka am sere Nyeme yaa.

‘Ya Si, bo a wo angoro ni,
ma minem bu u duma casi ni.

¹⁰ Ma u femeya n bra.

Ma u koroowa yo asiɛngu fɛn, ka alecɛɛma nu.

¹¹ Ma ya nyuma dɛɛ cɛɛn nu, ya nɔɔ nu diire.

¹² Fa ya ɲgasi fa ce ya,

kabo ya gusu afa ace bo bu do ya ɲgasi ni.

¹³ Má a ma deke be yo ya na ya wura satie nu,
ama, yi ya fite anyumbiri nu.

[Dama, u dɛɛ la femeya, ni faɲga, ni jirima saɲga kerɛ. Ami.]’

¹⁴ Dama nzen am fa minem ɲgasi ce bu, am Si Nyeme bo i wo aɲgoro n gusu fá am dɛɛ ce am. ¹⁵ Ama, nzen am afa má minem ɲgasi ace má bu, am Si Nyeme bo i wo aɲgoro n gusu fá má am dɛɛ ce má am.”

Kabo Yesu kereeri ya ka ya cici ya nɔɔ ni

¹⁶ Na Yesu akaaki ase ka, “Saɲga bo am sucici am nɔɔ, má am nie aɲunfo nie kabo burukɔɔnufɔm yo ni, bu yo má bu ɲu nyankandi, adena minem ɲu ka ba cici bu nɔɔ. Nahɔre ye m suse am n a, bu ɲkatɔ awieeri lɛɛ, ye ba du mɔ anya i n a. ¹⁷ Ama, nzen a ba sucici u nɔɔ, yo u ɲu nyankandi, ¹⁸ adena má minem si nu ka a sucici u nɔɔ, má ka u Si Nyeme bo be ɲu má i ni, na yiri u Si Nyeme bo i ɲu sa kerɛ bo a yo i asiri nu ni n tó u kaari.”

Kabo Yesu ɲa ya tien ajeke nɔɔ se Nyeme dika n nu ni

¹⁹ Na Yesu akaaki ase ka, “Má am tien ajeke nɔɔ se durunya n nu fɛn, bo watarawam muka i na i kpɔrɔ, na i tɔ ɲgambulaari, na awiefɔm gusu bá wura wɔ i. ²⁰ Ama, am tien ajeke nɔɔ se Nyeme dika n nu, bo watarawam koro muka má i, na i koro tɔ má ɲgambulaari, na awiefɔm gusu koro wura wɔ má i. ²¹ Dama deke bo u ajeke wo ni, u ahorembaa kerɛ gusu wó dɔ ɔ.”

Kabo Yesu kereeri anyumbaa kpa jɔre ni

²² Na Yesu akaaki ase ka, “Ya nyumbaa ni ti ka fitana ma ya ɲunie-mbaa n a. Nzen u nyumbaa nya ti kpa, u ɲuniembaa n kerɛ tá wein n wɔ lɛɛ. ²³ Ama, nzen u nyumbaa nya ti má kpa, u ɲunie kerɛ wo awosin nu wɔ lɛɛ. Nyini ti, nzen wein wo má u dɔ, nyini n la ka, a wo awosin bambaka bo i la má aɲusu nu lɛɛ.”

Kabo Yesu ɲa ya daafi Nyeme ɲu barasu ni

²⁴ Na Yesu akaaki ase ka, “Sono kun koro saɲga su má mibiɛm nnyɔ. Nzen i ɲa i yó sɔ, i kpó kun wɔ, na i kóro nyinga ni, wara i bóro i nyi su kun n wɔ, na i bú nyinga ni ɲgbɛɛn. Am koro saɲga su má Nyeme ni ajeke.”

²⁵ Na Yesu akaaki ase ka, “Nyini ti, m suse am wɔ lɛɛ, ka, má am tana sukoko fa kɔ am ɲgɔɔ su, kabo am dí, ni kabo am nú, na má am kaaki sukoko fa kɔ am ɲunie su, kabo am nyá suturam bo am fá wura na am kára. Dama ɲgɔɔ n tara diire, na aɲuniembaa n gusu tara suturam, má sɔ? ²⁶ Am nie anumam, haari ni bo bu dɔ má ni, na bu kaaki kpie má ni, bu tambu gɔ má bondo nu gusu, se am Si Nyeme ma bu diire ye bu di a. Amberɛ la anyunuyi tara anumam, má sɔ? ²⁷ Am nu, ɲma tana koko fa kɔ i koroowam su ye i mi koro buka i ɲgɔɔ tintiin su haari kaan sɔ a? ²⁸ Ye nzu ti ye am ma suturam sa mie am a? Am nie kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wɔ lɛɛ, ka, haari Feme Solomon, ni i nenje n kerɛ

bo i yo la i ni, wɔ la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a nɔ́ ka ba kpíe bu na bu yara bu, ye Nyeme nie bu dika, nzu ti ye i nie má amberɛ bo am tara wuram co n a? Amberɛ, am yarada n ti kaan sɔ. ³¹ Nyini ti, má am tana koko se ka, ‘Ye ya dí nzu wɔ?’ wara ‘Ya nú nzu wɔ?’ wara ‘Ya wúra nzu wɔ?’ ³² Dama bo bu su má Nyeme ni, bere sunsun sɔ sanɔa kerɛ a. Am Si Nyeme si ka am koro nyinim n kerɛ. ³³ Nyini ti, am du mɔ kpini Nyeme femeya n ni sa bo i kɔ atin su i dɔ n busu ka, na i nyá ba fa nyini dekem n kerɛ buka am su. ³⁴ Nyini ti, má am koko fa kɔ ahunma su, ahunma mmɔɔ kpíni i dɛɛ. Dama nyuma dɛɛ sunsunni mmɔɔ ase su.”

7

Kabo Yesu na má ya jɔjɔ be jɔɛ jaraki i ni

¹ Na Yesu ase bu ka, “Má am jɔjɔ be jɔɛ na am jaraki i, adena má Nyeme gusu jɔjɔ amberɛ jɔɛ jaraki am. ² Dama kabo am jɔjɔ am bengum jɔɛ jaraki bu ni, sɔ ye Nyeme gusu jɔjɔ am gusu jɔɛ jaraki am a. Gɔngɔ bo am fa susu ma minem ni, sɔ ye Nyeme gusu fá susu ma am a. ³ Nzu ti ye a nie ɲu wura mbaa n bo i wo u niwa nyumbaa nu, ye a nie ɲu má yeenzin n bo i wo u dɛɛ nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye sanɔa kerɛ yeenzin n wo u dɛɛ nyumbaa n nu a? ⁵ Wɔɔɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyuni na a yi wura mbaa n bo i wo u niwa n dɛɛ nyumbaa nu ni.

⁶ Má am se ka am fa deke bo i ti casi fa ma caam, nzen am yoori sɔ, bu kpíe bu nyi fɔn tara am wɔ, na bu kán titi am nu. Sasu bekun, má am se ka am fa afere fofodem bo bu la gɔ agaya, fa tu afam. Má nyini, bu tíentien i su wura fa nu wɔ.”

Kabo Yesu na Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme dɔ, na i má am. Am nienie deke bo am koro i dɔ, na am ɲú i. Am bobo anɔ ni, na i téke i ma am. ⁸ Dama sɔnɔ kerɛ bo i sere Nyeme deke be, i má i, na sɔnɔ kerɛ bo i nienie deke be, i ɲú i, na sɔnɔ kerɛ bo i bobo anɔ ni, i téke i ma i. ⁹ Amberɛ nu, ɲma ye i wa sere i diire, ye i mi kéte na i fá yabue ma i wa n a? Ai, be yo má sɔ. ¹⁰ Wara, amberɛ nu, ɲma ye i wa sere i jombaa ye i kéte na i fá woo ma i wa n a? Ai, be yo má sɔ. ¹¹ Tɔ, amberɛ, haari ni bo am ti satieyofom ni, am si aceeri kpam bo am fá ce am nbaam, nzu ti ye nzen am sereeri am Si Nyeme bo i wo anɔgoro ni, i koro ma má am aceeri kpam a?

¹² Nyini ti, kabo am koro ka minem yó ma am ni, am yo i sɔ ma bu, dama Nyeme nɔanie kpamaawa n jɔɛ n kerɛ lɛɛ, na i nɔanie kanfom dɛɛ buka su.”

Kabo Yesu jɔjɔ fa kɔɔri anɔ n bo i ti fii n jɔɛ ni

¹³ Na Yesu akaaki ase ka, “Am fa anɔ n bo i ti fii n na am wura. Dama atin n bo i fa minem kɔ saakiibiri ni, i anɔ n ti tetere wɔ, na i natiiri ti má kekere, nyini dɛɛ ti, minem dɔngɔ fa yiri wɔ. ¹⁴ Ama, atin n bo i fa minem kɔ ɲɔɔ woobiri ni, i anɔ n ti fii wɔ, na i atin gusu nati ti kekereke, nyini dɛɛ ti, minem bo bu ɲu nyini atin n na bu su i su ni, bu sunnu má.”

Kabo Yesu ŋa ya fa minem sayoowa fa si bu ni

¹⁵ Na Yesu akaaki ase ka, “Am si am ŋu sa ni kɔrɛfɔm bo bu yo bu ŋu ka bu ti Nyeme nɔaniɛ kanfɔm ni. Bu yo bu ŋu benle ka nbɔɛm wɔ, ama, bu ti ka bedim wɔ, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am aɲu ka buwe asu koto? Wara, am aɲu ka bedikantonɔga asu ndorowa? Ai. ¹⁷ Ama, i ti sɔɔ lɛɛ, ka baka kpa kere su suuwa kpa a, na baka ŋgbɛɛn kere su suuwa ŋgbɛɛnŋgbɛɛn. ¹⁸ Baka kpa koro su má suuwa ŋgbɛɛn, na baka ŋgbɛɛn gusu koro su má suuwa kpa. ¹⁹ Baka kere bo i su má suuwa kpa, bu kpɛi i wɔ, na bu fa ji sin nu. ²⁰ Nyini ti, bo bu yo bu ŋu ka bu ti Nyeme nɔaniɛ kanfɔm ni, bu sayoowa n nu, ye am koro fa si kabo bu ti barasu a.”

Kabo Yesu jɔjɔ fa kɔɔri jina cɛɛn n jɔrɛ ni

²¹ Na Yesu akaaki ase ka, “Má sɔnɔ kere bo i bo fere m ka, ‘M Mibiɛ, m Mibiɛ,’ ni wura Nyeme femɛya n nu a, se má ka bo bu yo m Si Nyeme bo i wo aɲgoro n dɛɛ koroowa ni. ²² Jina cɛɛn n ba juuri, mine dɔɲgu bá se m ka, ‘Ya Mibiɛ, niɛ e. Ya yo faari u dɛɛ duma, na ya fa akan Nyeme jɔrɛ, na ya fa u duma n afɔn ayi ajinim afite minem ŋu, na ya kaaki afa u duma n ayo alekutura sam dɔɲgu.’ ²³ Na m nya se bu ka, ‘Amberɛ satieyofɔm ni, am fa cinsi m bi bere. M si má am cɛɛn n be cɛɛn n be da.’”

Miɛnu fa kɔ ataari tafɔ nnyɔ nbem jɔrɛ

²⁴ Na Yesu akaaki ase ka, “Nyini ti, sɔnɔ kere bo i tiiri m dɛɛ nɔaniɛm n na i deer i na i fa yoori juma, i mi ti ka alecirafɔ be bo i taari i awuru na i seeri i jaa n yabue su n wɔ. ²⁵ Na nzue aba atɔ, na wawa n kere ayi asandi, na aɲuma akpisi awuru ni, ama, wɔ tɔ má, dama i jaa jina yabue su n dɛɛ ti. ²⁶ Ama, sɔnɔ kere bo i tiiri m dɛɛ nɔaniɛm n na wɔ de má i, afa ayo má juma, i mi ti ka sinnzin be bo i taari i awuru ŋmie nu n wɔ. ²⁷ Na nzue aba atɔ, na wawa n kere ayi asandi, na aɲuma akpisi awuru n na i kere abereki atɔ liim. Nyini awuru n tɔowa n tiiri tie haari.”

²⁸ Sanga bo Yesu ba jɔjɔɔri sɔ wieeri n na jama n ayo alekutura fa kɔ i kereewa n su, ²⁹ dama i kereewa n awo i ŋgumi ni Yudaɔm dɛɛ Nyeme nɔaniɛ kereɔm ni. I kereewa n nu la yiko.

8

Kabo Yesu tuntuunri kokofɔ be ni

¹ Sanga bo Yesu juraari buka n su ba juuri n na jama beberebe asu i su. ² Na kokofɔ be aba i dɔ, na wɔ ba akutu i nyunu asere i ka i buka i, i ŋa, “M Mibiɛ, nzen a koro ka a ma m nya laifie, a koro ma m nya i.” ³ Na Yesu atɛɲge i saa anana i ŋu, na wɔ se i ka, “M koro. Nya laifie.” Na kokobi n akaba ayaki sɔnɔ n na wɔ nya laifie. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ŋu kere Nyeme sayoowa dɔɲguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

Kabo soja kpɛn be yoori Yesu yarada agaya ni

⁵ Sanga bo Yesu kɔ wuraari Kapɛnam miɛ kpɛri n nu ni, na Romafɔm soja kpɛn be aba asere Yesu jande ka i buka i, ⁶ i ŋa, “M Mibiɛ, m gbefɛɛ da awuru, i saa ni i jaa kere awu, i sudi wahara agaya.” ⁷ Na

Yesu ase i ka, “M bá na m ma i nya laifíe.” ⁸ Na soja kpien n ase i ka, “M Mibié, m ti kaan ni be a ba m dika. Ama, haari a ma nɔanie n mmɔɔ, m gbefene ni nyá laifíe. ⁹ Dama mini mmɔɔ ni m tii n wo sɔnɔ saa nu wɔ, na mini gusu nya la m dɛɛ sojam bo m nie bu su. Na bo m nya se i ka, ‘Kɔ fen,’ na i kɔ, na m se nyiŋga gusu ka, ‘Bra fen,’ na i ba. Na m se m akɔɔ n gusu ka, ‘Yo ahin,’ na i yo i.” ¹⁰ Saŋga bo Yesu tiiri sɔ ni, na wɔ yo alekutura, na wɔ se minem bo bu su i su n ka, “Nahɔre ye m suse am n a, ma nya aŋu má sɔnɔ bo i la yarada agaya ka ahin sɔnɔ n ŋusu, haari fa saŋga ni Yisarelifɔm mmɔɔ. ¹¹ M suse am wɔ lɛɛ, ka, minem beberebe fite durunya n wiɛ afiiri, ni wiɛ atɔɔri kere, na bere, ni Abraham, ni Izaki, ni Jakabu bá saŋga tana Nyeme femeya n nu, na bu dí na bu nú. ¹² Ama, na minem n bo má i ti ye ni ka bere wo Nyeme femeya n nu ni, na Nyeme fa bu tu awosin nu. Dɔ na bu sún, na bu kán bu saa.” ¹³ Na Yesu anya ase soja kpien n ka, “Kɔ awuru. Kabo a yo yarada ni, i yó sɔ ma u a.” Na soja kpien n gbefene n anya laifíe, nyini saŋga n bo Yesu fa jɔjɔri ni.

Kabo Yesu tuntuunri tukpakifɔm beberebe Petoro dika ni

¹⁴ Saŋga bo Yesu wuraari Petoro dika n na wɔ ŋu ka Petoro sibara da sɔrɔ, i la má i ŋu, yakɔkɔ abo i. ¹⁵ Na Yesu aso i saa nu, na yakɔkɔ n ayaki i, na bara n ayasu, na wɔ kɔ ayo diire ama i.

¹⁶ Nyini cɛɛn n naasɔ, na ba fa minem beberebe n bo ajinim wo bu ŋu ni, aba Yesu dɔ. Na wɔ ma ajinim nɔɔ na ba fite, na wɔ tuntun tukpakifɔm na bu kere anya laifíe. ¹⁷ I yoori sɔ, na nɔanie n bo Nyeme nɔanie kanfɔ Esaya yo jɔjɔri i n yo yiiwa wɔ, i ŋa, “Na wɔ de ya afite ya tɔrem, ni ya tukpaki kere nu.”

Minem bo bu koro ka bu su Yesu su n jɔre

¹⁸ Saŋga bo Yesu ŋuuri jama n sɔ ni, na wɔ se i susufɔm n ka bu kpie kɔ kunma kpiri n buekun dɔ. ¹⁹ Na Nyeme nɔanie kerefɔ kun aba Yesu dɔ, aba ase i ka, “Ya Kerefɔ, deke kere bo a kɔ, m sú u su wɔ.” ²⁰ Na Yesu ase i ka, “Njaakum la kunmam, na anumam gusu la tierim, ama, mini Adamande Wa n yiri, m la má m tii daabiri.” ²¹ Na i susufɔm n kun be gusu ase i ka, “M Mibié, ma m du mɔ kɔ yo m si sutura ka, na m nyá ba su u su.” ²² Ama, na Yesu ase i ka, “Wɔrɔ su m su, na a yaki bo ba wu ni, na bu se bu bengɔ.”

Kabo Yesu kereeri ka i la yiko tara aŋuma ni nzue ni

²³ Nyini sin na Yesu awura lee nu, na i susufɔm n asu i su. ²⁴ Bu wo kɔ su sɔ ni, na aŋuma bambaka be ayasu nzue n nu, na i subo nzue gɔ lee n nu. Má lee ni suyi ni nzue wɔ. Ama, nyini saŋga na Yesu wo daafiri su. ²⁵ Na i susufɔm n akɔ atenge i, na ba se i ka, “Ya Mibié, de ya tii ji, má nyini, ya wu awie.” ²⁶ Na wɔ se bu ka, “Nzu ti ye am soro sere sɔ a? Ambere, am yarada n ti kaan sɔ ɔ.” Na wɔ yasu atien aŋuma n ni nzue n ŋu, na dika n kere atara jum. ²⁷ Na ba yo alekutura, na ba se ka, “Nzu sɔnɔmbiri barasu la ahin, bo aŋuma ni nzue n mmɔɔ de i nɔanie a?”

Kabo Yesu fɔn yiiri ajinim fiteeri minɛ nnyɔ nbem ŋu ni

²⁸ Saŋga bo Yesu kpiɛeri kunma kpiri n kɔ juuri awɔre n bo bu fere i ka Gadara n ni, na i ni minɛ nnyɔ nbem aye, bu fite fanjunmam nu wɔ, ajinim wo bu ŋu. Bu ti tie haari bo be koro nati sin má nyini

awɔre n nu. ²⁹ Bu ɲuuri Yesu sɔ ni, na ba tien afere i, bu ɲa, “Nyeme Wa, a koro nzu ya nu fen a? A ba ka a ba ma ya ɲu anyumboro wo ka, na sanɲa n nya ju, nzen se?” ³⁰ Nyini sanɲa afam beberebe wo di su, bu waari má ni bere, ³¹ na ajinim n asere Yesu ka, “Nzen a ɲa a fon ya fite minem n ɲu, ma ya ko fun afam n ɲu.” ³² Na Yesu ase bu ka, “Am ko.” Na ba fite ayaki minem ni, na ba ko afun afam n ɲu. Dika n nu bere, na bu kere aɲmati accɔndi akɔ ato kunma kpiri nzue n nu, na nzue n adi bu. ³³ Afa sasafom ni ɲuuri nyini n sɔ ni, na ba ɲmati akɔ mie n kunnu akɔ abo ndoori, fa ko sa n bo wo yo n su. Na ba kan sa kere bo i tuuri minem n bo ajinim woori bu ɲu ni. ³⁴ Na mie n nufom kere pepere afite akɔ Yesu do. Sanɲa bo bu ko ɲuuri i sɔ ni, na ba sere i jande ka i fite bu awɔre n nu.

9

Kabo Yesu tuntuunri sɔnɔ bo i saam ni i jaam awu ni

¹ Na Yesu akaaki awura lee n nu, akpie akɔ i bɔsu. ² Do na mine nbem afa sɔnɔ be aba i do, i saam ni i jaam awu. Bu sɔri i ni i dasu kere baari a. Yesu ɲuuri kabo bu yoori i yarada n sɔ ni, na wo se sɔnɔ n bo i saam ni i jaam awu n ka, “M wa, ma u ahore si, dama ma fa u satie ace u.” ³ Do na Yudafofom Nyeme noanie kerefofom nbem asunsun bu ahore su ka, “Ahin sɔnɔ n sujɔɔ wura Nyeme ɲgasi nu.” ⁴ Yesu siiri bu sunsunni nu sɔ ni, na wo bisa bu ka, “Nzu ti ye am bita sunsunni tie am ahore su a? ⁵ Bɔnɔ ti kekereke a, bo m se ka, ‘Ma fa u satie ace u,’ nzen, ‘Yasu fa u dasu n na a nati’ n a? ⁶ Ama, m kere am ka mini Adamande Wa n la yiko durunya n nu bo m fa minem satie ni bu ɲgasi ce bu.” Na wo se sɔnɔ n ka, “Yasu fa u dasu n na a ko awuru.” ⁷ Na sɔnɔ n ayasu, na wo ko awuru. ⁸ Sanɲa bo jama n ɲuuri nyini n sɔ ni, na ba yo alekutura, na ba kansi Nyeme, kabo wo ma minem nyini yiko n ni.

Kabo Yesu fereeri Matio ka i ba su i su ni

⁹ Na Yesu ayasu do akɔ. I wo ko su sɔ ni, na wo ɲu lampodefɔ be, bo bu fere i ka Matio, ka i tana i juma yoobiri. Na Yesu ase i ka, “Yasu bra na a ba su m su.” Na wo yasu asu i su.

¹⁰ Sanɲa bo Yesu wo Matio dika, sudi diire ni, na satieyofom, ni lampodefom beberebe aba Yesu ni i susufom n do, na ba sanɲa adi diire. ¹¹ Farasifom ɲuuri nyini sɔ ni, na ba bisa Yesu susufom n ka, “Nzu ti ye am kerefo n ni lampodefom, ni satieyofom sanɲa di diire a?” ¹² Na Yesu ati bu jɔɔɔwa n na wo bo bu nu ka, “Minem bo bu la laifie n koro má ayirifo, má ka bo bu la má laifie ni koro a. ¹³ Am ko na am ko fiiti Nyeme noanie n nu na am ti i bu, kabo ba kere i ka, ‘M koro aɲunfo si tara bo am yo yoowa ma m.’ Ma ba má ka m bá fere minem bo bu ɲa bu yo sa bo i ko atin su Nyeme do n wo, ama, m baari ka m bá fere satieyofom wo.”

Kabo Yesu kereeri nɔɔ cici jɔre ni

¹⁴ Na Yohane susufom n aba Yesu do, aba abisa i ka, “Nzu ti ye yere ni Farasifom cici ya nɔɔ, ye u deɛ susufom bere cici má?” ¹⁵ Na Yesu abo bu nu ka, “Am sunsun ka konyayafom koro wo ni ahoresaaki, sanɲa bo konyafan n toko wo bu do ni? Ama, sanɲa suba bo bu bá yi konyafan n fite bu nu, nyini sanɲa n ye bu nyá cici bu nɔɔ a.”

¹⁶ Na Yesu akaaki ase ka, “Be koro fa má sanvuin fɔfɔre kpa tɔ má tani dawa kunma, nzen i yoori sɔ, sanvuin fɔfɔre ni sɔn tani dawa n wɔ, na i téke i kunma buka su. ¹⁷ I kaaki ti sɔ ɔ bekun ka be koro fa má nzan nyiiwa fanɔgafɔ gɔ má dundu dawa bebete nu, nzen i yoori sɔ, dundu ni tíe wɔ, na i ká ngbɛɛn, na nzan n kere sóngi butu. Ama, i ti ye ni ka, bu fa nzan nyiiwa fanɔgafɔ gɔ dundu fɔfɔre biiwa nu wɔ, na bu fa taka bo pui yo má i.”

Bara tukpakifo be, ni baabara be yiwee jɔre

¹⁸ Saŋga bo Yesu wo jɔjɔ su sɔ ni, na Yudafoɔm kpien be bo i nie bu tientienbunɔɔ sɔɔ n su n aba akutu i nyunu, ase i ka, “M wa baabara awu, jina n nu bere. Bra na a ba fa u saa nana i ŋu, na i nyá ŋgɔɔ.”

¹⁹ Na Yesu ayasu, na i ni yiri ako, na i susufom n asu su.

²⁰ Dɔ na bara be woori jama n nu, i bita abiɛeri i afo buru ni nnyo lee bo i kpu na i kpie má. Na wɔ sakati awura jama n nu Yesu sin, afa i saa akan Yesu tanlee n jaa bu. ²¹ Dama i seeri i kunnu ka, “Haari m fa m saa kaanri i tanlee ni mmɔɔ, m nyá laifie.” ²² Na Yesu akaaki anie anu i, na wɔ se i ka, “M wa, ma u ahore si. Yarada n bo a yo m ni, yiri ma a nya laifie a.” Dika n nu bere, na bara n anya laifie.

²³ Saŋga bo Yesu kɔ juuri kpien n dika ni, na wɔ ŋu see mbie kanfoɔm, ni jamam ka bu wo nanmie su. ²⁴ Na wɔ se bu ka, “Am fa sin fite, baabara n awu má, wɔ daafi wɔ.” Ama, na ba siri i. ²⁵ I fɔɔnri jama n kere fite wieeri ni, na wɔ nya awura sɔɔ n bo baabara n da nu n nu, na wɔ kɔ atara i saa, na wɔ yasu. ²⁶ Na nyini labari n abara aye dɔ dee awɔre n kere nu.

Kabo Yesu tuntuunri anyinsin nnyo nbem na bu ŋuuri asi ni

²⁷ Na Yesu afite bere, i sukɔ n na anyinsin nnyo nbem asu i su, subo fere i, bu ŋa, “Feme Davidi anuma, si ya anunfoɔ.” ²⁸ Na saŋga bo Yesu kɔ wuraari awuru n nu ni, na anyinsinm n aba i dɔ na wɔ bisa bu ka, “Am yo yarada ka m koro ma am nya laifie?” Na ba bo i nu ka, “Een, ya Mibie, ya yo yarada.” ²⁹ Dɔ na wɔ fa i saa akan bu nyumbaam, na wɔ se bu ka, “Kabo am ayo m yarada ni, i yó sɔ ma am.” ³⁰ Na bu nyumbaam n ateke, na ba ŋu asi. Na Yesu abɔɔ bu ni nahore su ka, má bu ma be si sa n bo wɔ yo i ni. ³¹ Ama, na ba kɔ abo ndoori abara aye dɔ dee awɔre n kere nu, fa kɔ sa n bo Yesu ayo i ni.

Kabo Yesu ma bobo be nyaari laifie ni

³² Saŋga bo anyinsinm n fite kɔori n dee sin, na mine nbem afa sɔno be aba Yesu dɔ, ajini ayo i bobo wɔ. ³³ Yesu fɔn yiiri ajini n fiteeri sɔno n ŋu wieeri n na wɔ koro aɔjɔ. Na jama n ayo alekutura, na ba se ka, “Ya nya ŋu má ahin sa n be ŋusu cɛɛn be, Yisareli asien n su.” ³⁴ Ama, na Farasifoɔm n ase ka, “Ajanim kere dee feme ni ma i yiko ye i koro fɔn yi ajinim n a.”

Kabo Yesu siiri jama ni anunfoɔ ni

³⁵ Na Yesu abara aye mie ŋgbingbirim, ni kan kanm n kere su, na i sukere minem, bu tientienbunɔɔ sɔɔm n nu, na i sukan labari kpa n fa kɔ Nyeme femeya n su, na wɔ tuntun mine bo tukpaki barasu barasu n kere bita bu ni, na ba nya laifie. ³⁶ Saŋga bo Yesu juuri jama n na wɔ si bu anunfoɔ, dama ba di wahara, na bu la má bukafɔ. Bu ti ka nbɔem bo bu la má sasafɔ ɔ. ³⁷ Na wɔ se i susufom n ka, “Fiesu diire n

sunnu, ama, bo bu kɔ i tambu n sunnu má. ³⁸ Nyini ti, am sere Mibie n bo i dɛɛ la fie n ka i sunma jumayofɔm na bu kɔ i tambu.”

10

Kabo Yesu yiiri mine buru ni nnyɔ ka bu yo i jaramasam ni

¹ Na Yesu afere i susufɔ buru ni nnyɔm ni, na wɔ ma bu yiko ka bu kɔ sufɔn yi ajinim fite minem ŋu, na bu ma tukpakifɔm barasu barasu kere nya laifie. ² I jaramasa buru ni nnyɔm n bo i yiiri bu n duma n la Simon, bo bu fere i ka Petoro ni, ni i niema Andere, ni Yakobo ni i niema Yohane bo bu si la Zɛbedi ni, ³ ni Filipu, ni Batolomeyo, ni Tomasi, ni Matio bo i ti lampodefɔ ni, ni Yakobo bo i si la Alafeyo ni, ni Tadayɔ, ⁴ ni Simon bo i tu ŋgoni fa kɔ i asien su ni, ni Yudasi Isikariyoti bo i ba tɔɔri Yesu ni.

⁵ Na Yesu asunma nyini mine buru ni nnyɔm n na wɔ ma bu ahin nɔanie ni, i ŋa, “Má am kɔ miem bo bu ti má Yudafɔm miem n nu, wara am wura Samariyafɔm miɛ be nu. ⁶ Ama, am kɔ Yisarelifɔm bo bu ti ka nbɔɛm na ba mini n dɔ. ⁷ Am kɔ na am kɔ kan Nyemɛ jɔɛ kere bu, na am se bu ka, sanɓa n adodo bo Nyemɛ Fɛmɛ bá nie i minem su. ⁸ Na am ma tukpakifɔm nya laifie, na am tenge bo ba wu ni, na am ma kokofɔm nya laifie, na am fɔn yi ajinim fite minem ŋu. Kabo ma ma am ahin yiko n na ma de má pui ni, am gusu yo sɔ n na má am de pui. ⁹ Má am se ka am bita ŋwaa be, haari ŋwaa kaan mmɔɔ. ¹⁰ Ahin atin n bo am sukɔ i ni, má am se ka am bita kuruku, má am fa tanlɛɛ be buka bo am wura i n su, má am fa gbagbaa, má am fa kpama, dama jumayofɔ kere ti ye ni ka bu ma i diire wɔ.”

¹¹ Na wɔ se ka, “Miɛ kpiri, wara miɛ kan kan kere bo am kɔ wuraari nu, am nienie sɔnɔ kpa, na am kɔ wo i dɔ, haari am bá fite miɛ n nu. ¹² Awuru kere bo am kɔ suwura nu, am bisa bu dɔŋgu, na am se bu ka Nyemɛ yo bu kisi. ¹³ Nzen nyini awuru n nufɔm deeru am wɔfɔ, am ma nyini kisi n ka bu dɔ, ama, nzen ba de má am, am kaaki de nyini kisi n bu dɔ. ¹⁴ Sasu bekun, nzen awuru, wara miɛ bo am kɔ wuraari nu, na ba de má am wɔfɔ, wara ba soro má am su ka bu ti am nɔanie ni, am fite yaki nyini awuru n wara miɛ ni, na am kpɔnkpɔn yi am jaa tuturi kere. ¹⁵ Nahɔɛ ye m suse am n a, jina cɛɛn, Nyemɛ cín nyini miɛ n nufɔm sui tara Sodom ni Gomora miem n nu satieyofɔm ni.”

Kabo Yesu ŋa bu bá kere i jaramasam wuwuruwa barasu ni

¹⁶ Na Yesu akaaki ase bu ka, “Am ti fen. M susunma am wɔ lɛɛ kabo nbɔɛm kɔ sanɓa bedim nu barasu ni. Nyini ti, am fa ŋgonle na am tara am ŋu ka woom, na am yo am ŋu benle ka tiwam. ¹⁷ Am si am ŋu sa, dama mine bá fa am wura jɔredifɔm saa nu, na bu fín am ŋgbere bu tientienbunɔɔ sɔɔm n nu. ¹⁸ Mini dɛɛ ti, bu cín am wura gominam ni nfemɛm saa nu. Nyini má am atin na am di m daani kere bere a, ni bo bu ti má Yudafɔm n kere. ¹⁹ Sanɓa bo bu bá faari am wuraari jɔredifɔm saa nu ni, má am ma am ahore saaki fa kɔ kabo am kó jɔɔ barasu. Nyini sanɓa n ba juuri, Nyemɛ má am nɔanie ye am jɔɔ a. ²⁰ Nɔanie ni fite má am dɔ, ama, i fite am Si Nyemɛ dɛɛ Awiewie n dɔ, ye am jɔɔ a.

²¹ Gorɔm ni niemam bá tɔ bu beŋgu ma bu kpɔfɔm na bu kún bu, na nbaasim tɔ bu nbaam, na nbaam kéte bu wufɔm ŋu, na bu má minem

kun bu wufom ni. ²² Mini dɛɛ ti, sɔnɔ kɛrɛ kpɔ am. Ama, wɔrɔ kɛrɛ bo a mindi deeri nyini n kɛrɛ kɔ juuri i awieeri su, Nyemɛ dé u tii ji. ²³ Sangɔ bo bu bá sukere am wuwuruwa miɛ be su, am ŋmati kɔ miɛ nyinga su. Nahɔrɛ ye m suse am n a, am koro kan má Nyemɛ jɔrɛ bara ye má Yisareli miɛm kɛrɛ su ka, ye mini Adamande Wa ni kpíe m nyi ba.

²⁴ Sɔnsɔnfɔ tara má i kerefɔ, akɔɔ gusu tara má i mibiɛ. ²⁵ Nzen sɔnsɔnfɔ n ba juuri i kerefɔ n juubiri, i ti ye ni ka i nyunu yi i tii. Na nzen akɔɔ n ba juuri i mibiɛ n juubiri, i ti ye ni ka i nyunu yi i tii. Nzen bu nya fereeri awurufɔbiɛ n ka Belazɛbuli, bo bu kaaki fere i ka Sitana ni, nyini sangɔ bu fére i dikafom bɛrɛ kɛrɛ ka sɛ wɔ lɛɛ?”

Kabo wɔ yo daka ka ya soro Nyemɛ ŋgumi ni

²⁶ Na wɔ kaaki ase bu ka, “Nyini ti, má am soro sɛrɛ ni minɛm. Dama deke be wɔ má bɛrɛ bo i wɔ fiɛwa nu na bu bá ŋu má i, deke be gusu wɔ má bɛrɛ bo i wɔ asiri nu na bu bá si má i. ²⁷ Deke kɛrɛ bo m jɔjɔ seeri am kɔŋgɛ, wɔ yo daka ka am jɔjɔ i wiɛsu wɔ. Na deke kɛrɛ bo m tuuri i asuturi am dɔ, wɔ yo daka ka am bo i ndoori na sɔnɔ kɛrɛ ti i. ²⁸ Má am soro minɛm bo bu koro kun aɲuniɛmbaa n na bu koro kun má awiewiɛ n ni. Ama, am soro Nyemɛ bo i koro saaki awiewiɛ n ni aɲuniɛmbaa n kɛrɛ, cɛɛma sin nu ni. ²⁹ Am si ka njɔrɛm nnu ŋwaa ti kaan sɔ ɔ, má sɔ? Ama, bu kun n kpein mmɔɔ tɔ má asiɛŋgu bo i ti má ya Si Nyemɛ koroyanu. ³⁰ Haari am tiɲmiɛ kɛrɛ mmɔɔ bo i wɔ am tii su ni, Nyemɛ si i kɛrɛ nɔ. ³¹ Nyini ti, má am soro sɛrɛ. Am la anyunuyi Nyemɛ dɔ tara njɔrɛm beberebe.”

³² Na Yesu akaaki ase bu ka, “Sɔnɔ kɛrɛ bo i kan kɛrɛri minɛm ka i ti m susufɔ, mini gusu bá kan kɛrɛ m Si Nyemɛ bo i wɔ aɲgoro n ka i mi ti m dɛɛ wɔ. ³³ Ama, sɔnɔ kɛrɛ bo i keteeri minɛm nyunu ka i ti má m susufɔ, mini gusu bá kete m Si Nyemɛ bo i wɔ aɲgoro n nyunu ka i mi ti má m dɛɛ.”

Kabo Yesu ŋa wɔ fa kpakpaakinu aba barasu ni

³⁴ Na Yesu akaaki ase ka, “Má am sunsun ka ma ba ka m fa tanalaifɛ ba ma durunya n nufom wɔ. Ma ba má ka m fa tanalaifɛ ba, ama, m faari lɛɛ baari a. ³⁵ M baari ka m ba kpura baa ni i si tii wɔ, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sɔnɔ dikafom káaki i kpɔfom.

³⁷ Sɔnɔ kɛrɛ bo i koro i si, wara i ni tara mini, i ti má ye ni ka i mi wo m dɔ. Na sɔnɔ kɛrɛ bo i koro i wa baabiesɔ, wara baabara tara mini, i ti má ye ni ka i mi wo m dɔ. ³⁸ Na sɔnɔ kɛrɛ bo i sɔ má i yiwee baka jaanu n na i su m su, i ti má ye ni ka i mi wo m dɔ. ³⁹ Sɔnɔ kɛrɛ bo i ŋa i kpíni i ŋɔɔ busu, i mi bá fun i, ama, na sɔnɔ kɛrɛ bo i tɔɔri i ŋɔɔ mini dɛɛ ti, i mi nyá ŋɔɔ.”

Kabo sɔnɔ kɛrɛ bo i deeri Yesu susufom wɔfɔ nyá i ŋkatɔ ni

⁴⁰ Na Yesu akaaki ase bu ka, “Sɔnɔ kɛrɛ bo i de am wɔfɔ, i mi de mini wɔ lɛɛ, na sɔnɔ kɛrɛ bo i de mini, i mi de yiri bo i sunmaari m wɔ lɛɛ. ⁴¹ Sɔnɔ kɛrɛ bo i de Nyemɛ nɔaniɛ kanfɔ ka i ti Nyemɛ nɔaniɛ kanfɔ n dɛɛ ti, i mi nyá ŋkatɔ kabo Nyemɛ nɔaniɛ kanfɔ nya i n wɔ, na sɔnɔ kɛrɛ bo i de sɔnɔ bo i yo sa bo i kɔ atin su Nyemɛ dɔ, na wo de i ka i yo sa bo i kɔ atin su n dɛɛ ti, i mi nyá ŋkatɔ kabo sɔnɔ bo i yo sa bo i kɔ atin su n nya i n wɔ. ⁴² Nahɔrɛ ye m suse am n a, sɔnɔ

kere bo i saari nzue niniki kaan so mmoo, maari m susufo n bo i ti bu kere kaan n kun, ka i mi ti m dee susufo n ti, i mi nya i nkato.”

11

¹ Sangga bo Yesu jooori i susufom n do wieeri ni, na wo jengbe Galili awore n nu mie miem su, sukere minem, na wo kan Nyeme jore.

Kabo Yohane Nyeme Nzue Biefo n sunmaari i susufom Yesu do ni

² Nyini sangga ni, ba nyi Yohane Nyeme Nzue Biefo n dansaraka soro. Na wo ti sam kere bo Kristo Tiidefo n suyo bu ni, na wo sunma i susufom ka bu ko bisa i ka, ³ “Woro ye bu yo seeri ka a ba n a, nzen ya nminda sono fofore be wo?” ⁴ Na Yesu abo bu nu ka, “Am kpie am nyi ko se Yohane fa ko sam bo am ati bu na am anu bu ni, ka ⁵ anyinsinm anu asi, wobukam akoro anati, kokofom anya laifie, asuturim ati asui, minem bo ba wu n atenge, na jaarifom gusu akoro ati labari kpa ni. ⁶ Terefie wo minem bo bu yo m yarada na bu la ma sika be ni mini n do.”

⁷ Sangga bo Yohane susufom kaaki sukoni, na Yesu ajojo jama n do, fa ko Yohane nusu jore, i na, “Sangga bo am fite koori Yohane do, boro kpantain n nu ni, am koori ka am ko nu nzu wo? Am koori ka am ko nu sono bo i ti ka barankpaati fofoe bo anuma n kankan i wo? ⁸ Nzen ma nyini, nzu ti ye am koori a? Am na am ko nu sono bo i wura sutura ngbingbiri wo? Ai, am si ka minem bo bu wura nyini suturam ni, bu wo nfemem dika a. ⁹ Nzen ma nyini, nzu ti ye am koori a? Am koori ka am ko nu Nyeme noanie kanfo o? Een, m suse am wo lee, ka, am anu sono bo i tara Nyeme noanie kanfo. ¹⁰ Dama Yohane ye bu yo kereeri i Nyeme Jore Kadasi n nu ka,

‘Nyeme na o,

‘M du mo sunma m sunmafo n na i du u mo,

yiri ko yo u atin n dongu se u a.’”

¹¹ Nahore ye m suse am n a, Yohane Nyeme Nzue Biefo n la ma abengu, bo i tara i durunya n nu. Ama, sono kere bo i ti kaan, Nyeme femeya n nu n tara yiri Yohane.” ¹² Na Yesu akaaki ase ka, “Fite sangga bo Yohane Nyeme Nzue Biefo n boori Nyeme jore kan n bu ni, fa ba ju ni kisa, ye Nyeme femeya n juuri kekereke a, na minem afa anyumboro ka bu wura nu de i. ¹³ Nyeme noanie kanfom kere, ni Moyisi du mo kereeri Nyeme Jore Kadasi n nu fa ko Nyeme femeya n su ka, ye Yohane nya baari a. ¹⁴ Nzen am yo bu noaniem yarada, Yohane la yiri n bo bu yo kereeri ka Eliya kaaki ba n a. ¹⁵ Bo i koro ka i ti ahin jore n bu, i ti ye ni ka i so i sui na i ti.”

¹⁶ Na Yesu akaaki ase ka, “Ye m fa nzu fa sunsun kabo nyumafoti a? Bu ti ka nbaatuma kan kanm bo bu tana goosu wo. Na bu sufere bu bengu, ¹⁷ bu na, ‘Ya kan tere ama am, ama, am abo ma kereba. Ya di see jue ama am, ama, am asun ma.’ ¹⁸ Deke bo i ti na m se so n la ka, Yohane ba juuri ni, i ciciiri i noo o, i di ma diire, i nu ma nzan yiri fieo, nyini ti, na ba se ka ajini wo i nu a. ¹⁹ Ama, mini Adamande Wa n ba juuri, na m ni mine asanga adi, na ya sangga anu, na ba se ka, ‘Am nie, ahin sono n yiri, i ti ayaakpirifo o, na i nu nzan nahore su. Wo tara lampodefom, ni satieyofom danfoya.’ To, minem kere bo bu su Nyeme dee alecira n atin n su ni, bu sayoowam kere ka i ti nahore a.”

Kabo Yesu na mie nbem n nufom ba nu anyumboro barasu ni

²⁰ Miem bo Yesu yoori alekutura sam beberebe nu ni, bu minem n akaaki má bu wo, nyini ti, na Yesu akan bu ndie, ²¹ i ña, “Amberε Korazinfom, am bá ñu anyumboro. Amberε Besayidafom gusu, am bá ñu anyumboro. Alekutura sam bo m yo maari am ni, má nzen m yoori bu Tiro ni Sidon mie kpirim n nu, má minem n akaaki bu wo dada kere na bu fa pirim botó, ni nzuin yo bu yoowa n bo i kere ka bu ahore asaaki, bu satie yoowa n dεε ti ni. ²² Ama, m suse am wó lεε, ka, jina cεen, Nyeme bá cin am sui tara Tiro ni Sidon dεε satieyofom. ²³ Amberε Kapenamfom gusu, am sunsun ka Nyeme bá ye am su kó angoro wó? Ai, i bá yo am kaan wó, na i fá am còndi kó Yiweefom Woobiri nu. Alekutura sam bo m yo maari am ni, má nzen m yoori bu Sodom mie kpiri n nu, má kisa, mie n toko wo bere haari ni nyuma. ²⁴ Ama, m suse am wó lεε, ka, jina cεen, Nyeme bá cin am sui tara Sodom dεε satieyofom.”

Kabo Yesu jòjò fa kòori kabo i woowa ti barasu ni

²⁵ Nyini sangá n na Yesu ase ka, “M Si Nyeme, wòrò ti angoro ni asienngu kere Mibie a. M da u asi ka a fa nyini dekem bo alecirafo m ni sifom si má i ni, ayi akere bo bu ti ka nbaatam ni. ²⁶ M Si, i ti nahore wó, kabo a koroori ka i yo lεε.”

²⁷ Na wó kaaki ase bu ka, “M Si Nyeme afa deke kere awura m saa nu. Be si má Nyeme Wa ni, má ka i Si Nyeme si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²⁸ Na wó kaaki ase ka, “Amberε kere bo am so sòori nonòori n na am afie ni, am bra m dó, na m má am ñumiya. ²⁹ Am de m sòori ni, na am ma am wo ti kabo m dεε n ti ni, dama m ti benle wó, na m yo m ñu kaan. Mini dó ye am nyá ñumiya a. ³⁰ Dama kereewa n bo m fa ma am n ti má kekereke, na sòori n gusu bo m fa so am n wo má nò.”

12

Kabo Yesu jòjò fa kòori Ñumiya cεen jore ni

¹ Nyini sangá n na Yesu ni i susufom ni sunati sin alembaa fie be nu, Yudafo m Ñumiya cεen ni. Na ahoe ati i susufom ni, na ba bubu be akpese. ² Sangá bo Farasifom ni ñuuri nyini so ni, na ba se Yesu ka, “Nie fen. Kabo u susufom ni suyo ni, Nyeme noanie kpamaawa n kere ka má be yo so, Ñumiya cεen ni.” ³ Na wó se bu ka, “Am nya kan má Nyeme Jore Kadasi n nu, kabo Feme Davidi yo yoori sangá bo ahoe tiiri i ni i minem na ba si má kabo bu yo ni, nzen se? ⁴ Ahoe n ti, na wó kó awura Nyeme Sereebiri Awuru n nu, na wó di kpónó n bo ba fa ama Nyeme ni, na wó ma i minem ni be. Ama, am si ka ya dεε atin n su, Nyeme sayoowa donguyofom ñgumi ti ye ni ka bu di nyini kpónó n a. ⁵ Sasu bekun, am nya kan má Nyeme Jore Kadasi n nu, kabo Ñumiya cεen n kere cεen, na Nyeme sayoowa donguyofom ni saaki Ñumiya cεen n ciire ni, na bu yo bu yoowam Nyeme Sereebiri Awuru n nu, na be se má bu pui, nzen se? ⁶ M suse am wó lεε, ka, deke bo i tara Nyeme Sereebiri Awuru n wo fen. ⁷ Ba kere i Nyeme Jore Kadasi n nu ka, Nyeme ña o, ‘M koro anjunfo si tara bo am yo yoowa ma m.’ Nzen má am si nyini noanie n bu, má am ma má bu di minem jore cin bu

sui, bere bo bu la má ngasi be ni. ⁸ Dama mini Adamande Wa ni ti Njumiya ceen n Mibie n a.”

Kabo Yesu tuntuunri sɔnɔ asaa fuin be Njumiya ceen ni

⁹ Na Yesu ayasu dɔ akɔ awura bu tientienbunɔ sɔɔ n nu. ¹⁰ Sɔnɔ asaa fuin be woori dɔ. Na mine nbem akoro ka bu sɔ Yesu ngeɛ na bu jaraki i ka na wɔ saaki Njumiya ceen n ciire ni. Dɔ na ba bisa i ka, “Atin wo nu ka ya koro ma sɔnɔ nya laifie, Njumiya ceen ni?” ¹¹ Na Yesu abɔ bu nu ka, “Am nu, nma ye i bɔe ti kun n kpein ye i toori kunma ngongo nu Njumiya ceen n ye i mi wura yi má i a?” ¹² Adamande tara bɔe fieo. Nyini ti, ya dɛɛ atin n su, atin wo nu ka ya yo sakpa Njumiya ceen ni.” ¹³ Na wɔ nya ase sɔnɔ n ka, “Tenge u saa ni.” Na wɔ tenge i saa ni, na i saa n ayo fanja bekun ka nyinga ni. ¹⁴ Dɔ na, Farasifom n afite akɔ aseɛ bu nju su, kabo bu yó na bu kun Yesu.

Kabo amususufɔ n bo Nyeme ayi i n ti barasu ni

¹⁵ Sanja bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpakifom kere anya laifie. ¹⁶ Na wɔ bobɔ bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyeme nɔanie kanfɔ Esaya yo jɔjɔri n yo yiiwa a, i nja,

¹⁸ “Nyeme nja o,

‘M amususufɔ bo ma yi i ka i yo m sa koroowa n yaa.

Yiri ye m koro i a, m ahore ajo i nju.

M má m Awiewie n ba wura i nju.

Na i kó kan kere durunya n nufom kere
kabo m nahore atin n ti barasu.

¹⁹ I ni be sé má akuruwa, wara i tientien má.

I káaki yo má nanmie atingberem su.

²⁰ I búbu má janja wura bo wɔ biri,

na i nó má fitana bo i je má nyunyumi.

I wó bere sɔ

haari na m nahore atin n bá kunma deke n kere.

²¹ Na durunya n nufom kere bá ti i duma ni,

na bu yó i tama.’”

Kabo Farasifom tuunri Yesu nzuin ka i ni Sitana dɛɛ ti kun ni

²² Nyini sin na ba fa sɔnɔ be aba Yesu dɔ, ajini ayo i anyinsin ni bobo wɔ. Na Yesu ama wɔ nya laifie, na wɔ koro ajojo, na wɔ nju asi.

²³ Na minem kere ayo alekutura, na ba bisa bu nju nu ka, “Feme Davidi anuma n lɛɛ, nzen se a?” ²⁴ Ama, Farasifom tiiri sɔ n na ba se ka, “Belazɛbuli bo i ti ajinim kere dɛɛ feme ni, yiri ngumi ma ahin sɔnɔ n yiko dɛɛ ti, ye i koro fon yi ajinim n a.”

²⁵ Yesu siiri bu sunsunni n sɔ n na wɔ se bu ka, “Femeya kere bo i nya kpakpaakiiri nu wieeri, nyini femeya ni ká ngbeen wɔ. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sáandi wɔ. ²⁶ Nyini ti, nzen má Sitana bo i ti ajinim kere feme n nya fon i ajinim fite minem nju, má nyini kere ka ba kpakpaaki nu lɛɛ. Ye i yó se ye i femeya ni kóro jina a?” ²⁷ Tɔ, ye nzen am nja Belazɛbuli maari m yiko, ye m fa fon yi ajinim a, ye nma maari am dɛɛ minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la má nahore. ²⁸ Ama, Nyeme dɛɛ Awiewie ni ma m yiko

ye m fa fɔn yi ajinim a. Nyini n kere ka Nyeme Feme wo am nu sunie i minem su lee.

²⁹ Bekun, i bá yo se ye be koro wura sono fanɔfa dika na i fin i nenɔge a, má ka wo tara i fanɔfa acin i nyama ka? Nyini sin na i nyá koro fin i nenɔge bo i wo awuru n nu.

³⁰ Sono kere bo i jina má m sin, i mi ti m kpɔfo o. Na sono kere gusu bo i buka má m na ya tien minem noo, i mi sandi minem wo.

³¹ Nyini ti, m suse am wo lee, ka, Nyeme koro fa minem satie kere fa ce bu, haari fa ko sanɔa ni jore ngbeenngben kere bo bu jɔjɔri i fa ko Nyeme do, ama, sono kere bo i jɔjɔ wuraari Awiewie Casi ni ngasi nu, Nyeme fá má i mi ngasi ce má i. ³² Sono kere bo i jɔjɔ wuraari mini Adamande Wa ni ngasi nu, Nyeme fá i mi ngasi ce i. Ama, sono kere bo i jɔjɔ wuraari Awiewie Casi ni ngasi nu, Nyeme fá má i mi ngasi ce má i, fite kisa haari fa ko fa ba.”

Kabo Yesu na ya fa minem woowa fa si kabo bu ti ni

³³ Na Yesu akaaki ase bu ka, “Baka kere bo i nya ti kpa, su suuwa kpa a, na baka kere gusu bo i nya ti má kpa, su suuwa tietie wo. Dama baka kere suuwa, ye a fa si kabo i ti a. ³⁴ Amberɛ burukɔnufom ka woom ni, kabo am ti satieyofom so ni, am yo se koro yo sakpa bekun a? Dama dekem n bo am sunsun bu am ahore su n ye am jɔjɔ bu a. ³⁵ Sono kpa ni i deke kpa kere bo i bita i, fa sakpa ba a. Na sono tie gusu ni i deke tie bo i bita i, fa satie ba a. ³⁶ M suse am wo lee, ka, jina cɛn, Nyeme dí sono kere jore fa ko jore ngbeenngben kere bo i yo jɔjɔri i. ³⁷ Dama u noanie jɔjɔwa má a fite nu a, na u noanie jɔjɔwa gusu má bu di u jore cin u sui a.”

Kabo Yesu keteeri ka i yó má alekutura sa bo bu koro i ni

³⁸ Na Nyeme noanie kerefom, ni Farasifom nbem ase Yesu ka, “Ya Kerefo, ya koro ka a yo alekutura sa be kere ya na ya nu i.” ³⁹ Na Yesu ase bu ka, “Amberɛ nyumafom, satieyofom bo am su má Nyeme ni, ye am koro ka m yó alekutura sa be na am nie a? Ai, m yó má alekutura sa be na am nu i fieo, má ka alekutura sa n bo Nyeme yo yoori i maari i noanie kanfo Jona ni ngumi. ⁴⁰ Dama kabo Jona yo woori jombaa bambaka be kunnu ko juuri lesan, kongue ni wiesu ni, so ye mini Adamande Wa ni bá wo asien n bu ko ju lesan, kongue ni wiesu a. ⁴¹ Jona yo kaanri Nyeme jore kereeri Ninevafom na ba kaaki bu wo. Jina cɛn, bere bá yasu jina na bu járaaki amberɛ nyumafom, dama kisa, m suse am wo ka, mini tara Jona, ama, am akete ka am kaaki má am wo. ⁴² Feme bara be yo fiteeri haari i bosu Seba wo, na i bá ti Feme Solomon deɛ alecira jɔjɔwa noanie ni. Jina cɛn, yiri bá yasu jina na i járaaki amberɛ nyumafom nahore su, dama kisa, m suse am wo ka, mini tara Feme Solomon, ama, am ade má m noanie ni.”

Kabo ajini bá kaaki ba i woobiri dawa na i ti barasu ni

⁴³ Na Yesu akaaki ase bu ka, “Nzen ajini nya fite yakiiri sono, i ko jengbe bara ye boro kpantain nu wo, deke bo nzue wo má, na i ko nienie woobiri bo i tana yi i numi. Nzen wo nya má woobiri, ⁴⁴ nyini sanɔa, a ti ka i na, ‘Ma m kpie m nyi ko m woobiri dawa ni.’ Na i kaaki ko, i ko nu ka ba kpara dika n nyunyumi, asese deke kere su, be wo má nu. ⁴⁵ Na i nyá ko fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini sanɔa, a nu ka sono n woowa

ayo tie atara kabo i yo ti dawa ni. So ye i bá yo ma ahin nyumafom bo bu satieyo asunnu n a.”

Minem bo bu ti Yesu ni, ni i ninbaam nahore su n jore

⁴⁶ Yesu toko wo minem do jowo su ni, na i ni, ni i niemam aba aka ajina dasin, na ba se ka bu koro ka bu jowo i do o. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu jowo u do.” ⁴⁸ Sono n seeri i so wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wo fa i saa akere i susufom ni, na wo se ka, “Nie fen. M ni, ni m niemam n yaa. ⁵⁰ Dama sono kere bo i yo m Si Nyeme bo i wo angoro n dee sa koroowa, yiri ti m siwa, ni m niwa, ni m ni a.”

13

Mienu fa ko kabo dodoorifo be sandiiri alembaa ni

¹ Nyini ceen n na Yesu afite awuru n nu ako atana Galili kunma kpiri n nwo su, ka i kan Nyeme jore kere jama ni. ² Na jama beberebe atien bu nwo i do. Bu sunnuuri beberebe so n dee ti, na wo wura lee nu atana, na bere aka ajina nzue n nwo su. ³ Na wo bo mienum na wo kere bu dekem beberebe. I na, “Dodoorifo be fiteeri so o, ka i ko sandi alembaa. ⁴ Sangba bo i wo sandi su ni, na alembaa ni nbem atoto atin n nwo, na anumam aba atambu bu ami. ⁵ Na nbem atoto tieka su, deke bo fa sunnu ma ni, fa n sunnu ma n dee ti, wo ce ma, na wo fi, ⁶ ama, wie ba fiteeri agaya ni, na ba waandi, dama bunlui n akpama abi ma. ⁷ Na alembaa ni nbem atoto loloe nu, na loloe n anyi akata bu nu. ⁸ Ama, na alembaa ni nbem atoto asien kpa su, na wo nyi awura mbaa zoi zoi.” ⁹ Na Yesu ase bu ka, “Bo i koro ka i ti ahin jore n bu, i ti ye ni ka i so i sui na i ti.”

Deke bo i ti na Yesu boori bu mienu n ni

¹⁰ Nyini sin na i susufom n aba i do, aba abisa i ka, “Nzu ti ye a nya ba na a jowo minem do, a bo bu mienu a?” ¹¹ Na Yesu abo bu nu ka, “Ambere ye Nyeme ma am asi i femeya n nu asiri jore kere a, ama, bere bo ba ka ni, i ma bu si ma i. ¹² Dama sono kere bo wo nya deke be Nyeme do na i mi si i bita, Nyeme buka i su wo, na i nya beberebe, ama, bo i si ma i bita, haari ni nyini kaan n bo i la i ni, Nyeme de i do o. ¹³ Deke bo i ti na m bo bu mienu n la ka, bu nie wo, ama, bu nu ma pui. Bu so bu sui wo, ama, bu ti ma deke n bo bu so bu sui ka bu ti i n bu. ¹⁴ Bu ti so n dee ti, ye Nyeme noanie kanfo Esaya yo jowo niiri bu n a, i na,

‘Nyeme na o,

Am so am sui ni nahore su,

ama, am ti ma deke bo am so am sui

ka am ti i n bu.

Am kaaki nie ni nahore su,

ama, am nu ma pui.

¹⁵ Dama ahin minem tii ti kekereke,

ba to bu sui na ma bu ti,

ba kata bu nyumbaa na ma bu nu.

Ma nyini, bu nyumbaa nu i wo,

na bu sui ti,

na bu si bu ahore su,

na bu káaki bu wo,
na m má bu nya laifie.’

¹⁶ Ama, ambere la terefie, dama am ŋu asi, na am kaaki ti asui.
¹⁷ Nahore ye m suse am n a, Nyeme noanie kanfom ni minem beberebe bo bu yo sa bo i ko atin su Nyeme do n kere koroori ka bu ŋu deke bo am aŋu i ni, ama, ba ŋu má i, na ba koro ka bu ti deke bo am ati i ni, ama, ba ti má i.”

Kabo Yesu kereeri mienu n bu fa ko do do orifo n su ni

¹⁸ Na Yesu ase i susufom ni ka, “Am so am sui, na m se am mienu n bu, fa ko do do orifo n bo i sandiiri alembaa n su. ¹⁹ Nbem de Nyeme noanie n fa ko i femeya n su kabo alembaa n totoori atin noo n wo. Bu nya tiiri Nyeme noanie n na bu ti má i bu, i ce má, na Sitana bo i ti sono tie ni, bá yi noanie n fite bu ahore su, a ŋu ka bu wara afi i sa. ²⁰ Nbem gusu de Nyeme noanie n kabo alembaa totoori tieka su n wo. Bu nya tiiri Nyeme noanie ni, a ŋu ka ba de i ndende ni ahorejo, ²¹ ama, i da má bu ahore su. Bu kaaki ti ka alembaa n bo bu bunlui akpama abi má n wo. I woori bu do kaan so, na nzen wahara, wara kekereke be ba tuuri bu, fa ko bu Nyeme su n su, a ŋu ka ba fa ati. ²² Nbem gusu de Nyeme noanie n kabo alembaa n totoori loloe nu n wo. Bu nya tiiri Nyeme noanie ni, a ŋu ka bu sunsunni kere wo deke bo bu yo na bu asiri káta su, na bu koro kabo bu yo na bu nya ajekere kere, na bu ahore bi fa ko durunya n nu nengem su, na Nyeme noanie n koro da má bu ahore su na i yo juma. Bu ti ka alembaa n bo i wura má mbaa n wo. ²³ Ama, nbem de Nyeme noanie n kabo alembaa n totoori asien kpa su n wo. Bu nya tiiri Nyeme noanie ni, na bu de i, na bu fa yo juma, na i yo kperere beberebe.”

Mienu fa ko wura mbaa fiwa ni

²⁴ Na Yesu abo bu mienu be bekun. I ŋa, “Kabo Nyeme Feme bá nie i minem su yaa. Sono be ko sandiiri nvoni i fiesu a. ²⁵ Een n be kongue n so o, sanja bo sono kere ada adaafi ni, na i kporfo be anya ayasu ako afa janmanggu nvoni asandi nvoni fie n nu. ²⁶ Sanja bo nvoni n ba fi sukoo nyinse ni, na janmanggu nvoni n gusu atu sanja nvoni kpa n nu. ²⁷ Na awurufobie ni akoom aba i do, aba ase i ka, ‘Ya mibie, m ŋa ya sandiiri nvoni kpa fie n nu e. Ye janmanggu nvoni n fiteeri ni, ko sanjaari nu a?’ ²⁸ Na wo bo bu nu ka, ‘M kporfo be ko yoori nyini a.’ Na i akoom n abisa i ka, ‘Ye a koro ka ya ko tutu janmanggu nvoni n butu wo, nzen se a?’ ²⁹ Na wo bo bu nu ka, ‘Am yaki i, dama nzen am ŋa am tutu janmanggu nvoni ni, am sanja tutu i ni nvoni kpa n kere wo. ³⁰ Am ma bu kere sanja nyi, haari nvoni n kpie bá ju. Nyini sanja na m nya se nvoni kpiefom ni ka bu kpie i kere na bu cin woro janmanggu nvoni n tien i noo yara i ka. Nyini sanja na bu nya tien nvoni kpa ba go m bondo nu.’ ”

Mienu fa ko alembaa kaan be jore su

³¹ Na Yesu abo bu mienu be bekun. I ŋa, “Kabo Nyeme femeya n ti yaa, i ti ka alembaa kaan kabo nyem mbaa ti n wo, bo sono be doori i fiesu ni. ³² Yiri ti alembaam kere kaan, ama, bu nya ba doori na i fiiri, i tara toro nyawam n kere bambaka, i koro nyi na i tetereki asambaam bo anumam koro yo bu tierim su.”

Miɛnu fa kɔ kpɔnɔ ayiri n su

³³ Na Yesu akaaki abo bu miɛnu be bekun. I ɲa, “Kabo Nyeme femeya n ti yaa, i ti ka ayiri bo bu fa gɔ kpɔnɔ samene nu na i yasu ni, na bara be fa gɔɔri samene beberebe nu, na i kere yasuuri n wɔ.”

Deke bo i ti na Yesu boori nyini miɛnum ni

³⁴ Ahin n kere, Yesu boori jama n miɛnu wɔ. Nahɔre, i se má bu pui, má ka miɛnu ye i bo bu a. ³⁵ I yoori sɔ, adena nɔanie n bo Nyeme nɔanie kanfɔ n yo jɔjɔri n yo yiiwa a. I ɲa,

“Nyeme ɲa o,

‘M bó bu miɛnu wɔ,

na m má bu si deke n bo ba si má i,

fite haari durunya n bumboori ni.’ ”

Kabo Yesu kereeri wura mbaa fiwa n miɛnu n bu ni

³⁶ Saɲga bo Yesu cin yakiiri jama n na i kɔ wuraari awuru n nu ni, na i susufɔm n aba i dɔ, aba ase i ka, “Ya koro ka a yi jaɲmɔɲgu nvonɔ n dɛe miɛnu n bu kere ya.” ³⁷ Na wɔ bo bu nu ka, “Sɔnɔ n bo i sandiiri nvonɔ kpa n la mini Adamande Wa ni. ³⁸ Fie n la durunya ni, na nvonɔ n la minem bo bu fa Nyeme yo bu femɛ ni. Na jaɲmɔɲgu nvonɔ n la Sitana dɛe minem ni. ³⁹ Ye kpɔfɔ n bo i fa jaɲmɔɲgu nvonɔ n saɲga nvonɔ kpa n nu n la Sitana. Nvonɔ kpɛ saɲga n la durunya n awieeri, ye nvonɔ n kpɛfɔm la Nyeme merɛkem ni. ⁴⁰ Kabo bu tientienri jaɲmɔɲgu nvonɔ n nɔɔ, na bu yaraari i ni, sɔ ye i bá yo durunya n awieeri a. ⁴¹ Mini Adamande Wa ni súnma Nyeme merɛkem, na bu bá tambu yi satieyofɔm kere, ni deke kere bo i wura minem konvi na bu yo satie. ⁴² Na Nyeme merɛkem ni fá bu tu cɛema sin nu, dɔ na bu sún, na bu kán bu saa. ⁴³ Na bo bu yo Nyeme sa koroowa n yiri nya yo wein ka wie, bu Si Nyeme femeya n nu. Bo i koro ka i ti ahin jɔre n bu, i ti ye ni ka i so i sui na i ti.”

Miɛnu fa kɔ ajɛke n bo bu fundu seeri n su ni

⁴⁴ Na Yesu akaaki abo bu miɛnu be bekun. I ɲa, “Kabo Nyeme Feme nie i minem su yaa, i ti kabo sɔnɔ be kɔ ɲuuri ajɛke be, bo ba fundu i ase fie be nu n wɔ. I ɲuuri i sɔ n na wɔ kaaki akata su, na ahorejɔ aba i dɔ agaya, na wɔ kɔ atɔ i nenɲe kere bo i la i ni, na wɔ kpɛ i nyi aba ato nyini asien ni.”

Miɛnu fa kɔ afere fofoe be bo i la anyunuyi agaya n su ni

⁴⁵ Na Yesu akaaki ase ka, “Bekun, kabo Nyeme Feme nie i minem su yaa, i ti kabo watafɔ be bo i nati nienie afere fofoem bo bu la anyunuyi agaya na i to n wɔ. ⁴⁶ Saɲga bo i ba kɔ ɲuuri be bo i la anyunuyi na i la gɔ agaya ni, na wɔ kɔ atɔ i nenɲe kere, na wɔ fa ato i.”

Miɛnu fa kɔ jombaa tarafɔm diendie su ni

⁴⁷ Na Yesu akaaki ase ka, “Bekun, kabo Nyeme Feme nie i minem su yaa, i ti ka diendie be bo bu fa sandiiri nzue nu, na bu taraari jombaa barasu barasu kere n wɔ. ⁴⁸ Saɲga bo diendie n yiiri ni jombaam ni, na ba cin i afite kperɛ su, na ba tana ka bu yiiri jombaam tari. Bo bu nya ɲuuri ka bu ti kpakpam ni, na bu fa bere ji bu jombaa tara bɔtɔm nu. Na bu nya fa bo bu ti má kpam fikindi tu. ⁴⁹ I bá yo sɔ ɔ, durunya n awieeri, Nyeme má i merɛkem ni nati ba yi satieyofɔm n fite bo bu

yo sa bo i kɔ atin su Nyeme do nu, ⁵⁰ na i fa satieyofom ni tu cɛema sin nu. Do na bu sún, na bu kán bu saa.”

Miɛnu fa kɔ nenɛe fɔfɔre ni nenɛe dawa su ni

⁵¹ Na Yesu abisa bu ka, “Am ati ahin miɛnu n kere bu?” Na ba bo i nu ka, “Ya ti i bu.” ⁵² Na Yesu ase bu ka, “To, sono kere bo i kere Nyeme noanie ni, na i siiri kabo Nyeme Feme atin ti barasu, i mi ayo ka awurufobie bo i yi i nenɛe fɔfɔre ni i nenɛe dawa fite i nenɛe woobiri soɔ n nu, na i fa ma minem wo.”

Kabo Yesu na Nyeme noanie kanfo la ma jirima i bosu ni

⁵³ Sanga bo Yesu boori nyini miɛnu kere kɔ wieeri ni, na wo yasu dika n nu do. ⁵⁴ Na wo kpɛe i nyi ako i bosu. Na wo kan Nyeme jɔre akere minem, bu tientienbunoo soɔ n nu. Na bo bu tiiri i kereewa n kere ayo alekutura. Na ba bisa bu nɔnɔ nu ka, “Nifansu ye ahin sono n nyaari nyini alecira n ni yiko koro yo nyini alekutura sam n a? ⁵⁵ Má kampenta n wa n lee? Má i ni la Mariya a? Má Yakobo, ni Yosefu, ni Simon, ni Yudasi n goro n lee? ⁵⁶ Am nie e. Má i niema nbaram kere wo ya nu fen n a? Ye nifansu ye ahin sono n kɔ sonsɔnri i si n kere a?” ⁵⁷ Na ba bu i ngbeen. Na Yesu ase bu ka, “Deke n kere bu ma Nyeme noanie kanfo jirima a, ma ka i bosufom, ni i gisannufom ngumi do.” ⁵⁸ I bosufom ayo ma i yarada n dee ti, wo yo ma alekutura sam beberebe do.

14

Kabo bu kuunri Yohane Nyeme Nzue Biefo n barasu ni

¹ Nyini sanga ni, na Feme Herode ati Yesu nga. ² Na wo se i nkpienkpienm bo bu wo i nyunu n ka, “Yohane Nyeme Nzue Biefo n lee, ye wo tenɛe i yiwee n nu a, nyini ti ye i la yiko koro yo nyini alekutura sam kere a.” ³ Feme Herode yo ma bu taraari Yohane nyiiri i wo, dama yiri Feme Herode yo fiinri i goro Filipu yi Herodiya jaari wo. ⁴ Má pui ti, Yohane yo seeri Feme Herode ka, “Nyeme noanie kpamaawa n kere ka a la ma atin ka a fa u goro yi ja i ngoo su.” ⁵ Má Feme Herode yo koroori ka i kun Yohane wo, ama, i soroori Yudafom jama n wo, dama ba se ka Yohane ti Nyeme noanie kanfo o. ⁶ Na Feme Herode baawu cɛenkpiri di cɛen, na Herodiya wa sunguru ago agore feme ni i jama n kere nyunu, na feme n ahore ajo. ⁷ Nyini ti, na wo tan ndie ase sunguru n ka, “Deke kere bo a koro, se m, na m ma u.” ⁸ Na sunguru n ni ase i ka i kɔ se ka i koro Yohane Nyeme Nzue Biefo n tiawa a. Na wo kɔ ase feme n ka, “M koro ka na a fa Yohane Nyeme Nzue Biefo n tiawa ma m perente nu kisa kisa.” ⁹ Feme n tiiri so ni, na i ahore asaaki, ama, ndie n bo i taanri i jama n nyunu n dee ti, wo koro akaaki ma i noo. Na wo ma noo ka bu yo sunguru n koroowa ma i. ¹⁰ Nyini ti, na wo ma bu ako akpɛe Yohane tii dansaraka soɔ n nu do. ¹¹ Na ba fa i tiawa n ada perente n nu, aba ama sunguru ni, na yiri gusu afa ako ama i ni. ¹² Na Yohane susufom n aba afa fuin n ako ase i, na ba kɔ ama Yesu labari.

Kabo Yesu maari nbiesom akpii nnu ni bu minem diire ni

¹³ Yesu tiiri Yohane n jɔre labari n so ni, na wo fa lee ako deke bo mine n wo ma, i ni i susufom ngumi. Minem tiiri so ni, na ba fite mie miem su anati bu jaa su, asa i su. ¹⁴ Sanga bo Yesu kɔ fiteeri lee n nu

ni, na wɔ ɲu jama beberebe, na wɔ si bu aɲunfɔ, na wɔ ma tukpakifɔm bo bu woori dɔ n anya laifɛ. ¹⁵ Nyini cɛɛn n naaso sanɟa, na i susufɔm n aba i dɔ, aba ase i ka, “Kisa wiɛ atɔ, ya wo boro gusu wɔ lɛɛ. Ma minɛm n atin na bu kɔ miɛ kunnu, na bu kɔ nya diire be to di.” ¹⁶ Na Yesu ase bu ka, “I ti má deke bo bu kɔ pui, ambɛɛ mmɔɔ ni am tii nya deke be ma bu na bu di.” ¹⁷ Na ba se i ka, “Deke bo ya la i fɛn n kɛɛ ti kpɔnɔ nnu wɔ, ni jombaa nnyɔ.” ¹⁸ Na wɔ se bu ka, “Am fa bu ba ma m fɛn.” ¹⁹ Na wɔ ma minɛm nɔɔ ka, bu tantana wura fiefiɛɛwa n su. Na wɔ fa kpɔnɔ nnu ni, ni jombaa nnyɔ ni, na wɔ yɛ i tii su aɲgoro na wɔ da Nyɛmɛ asi. Na wɔ nya akpiekpie kpɔnɔ n nu afa ama i susufɔm ni, na bɛɛ gusu afa ama minɛm ni. ²⁰ Na sɔnɔ kɛɛɛ adi, na bu kunnu ayi. Na i susufɔm n atambu kpɔnɔ ni jombaa sinsin n bo bu diiri na i kaari ni, na ba nya kandie buru ni nnyɔ. ²¹ Minɛm bo bu diiri kpɔnɔ n ni jombaa n kɛɛ kɔ yasuuri nbiesɔm akpii nnu wɔ, ba kan má nbaram ni nbaatumam awura má nu.

Kabo Yesu natiiri nzue su ni

²² Nyini sin na Yesu ama i susufɔm n awura lee n nu na bu du i mɔ kpie kɔ kunma kpiri n buɛkun, na yiri aka na i kaari jama ni. ²³ I kaariiri jama n wieeri ni, na wɔ fun akɔ kperɛ be su i ɲgumi ka i kɔ sere Nyɛmɛ. Haari wiɛ ba tɔri kɛɛ, i toko wo dɔ i ɲgumi. ²⁴ Nyini sanɟa na lee n yiri wo nzue n afien dede dɔ, na nzue nyama sukpara i, dama aɲuma sun bu kɔ bu sin wɔ. ²⁵ Na fa kɔ akonyuma ciciri su, na wɔ nati nzue n su suba bu dɔ. ²⁶ Sanɟa bo bu ɲuuri ka i nati nzue n su ni, na sɛɛɛ ati bu agaya, bu ɲa, “Njumi lɛɛ o.” Na ba bo awie, sɛɛɛ n dɛɛ ti. ²⁷ Kpɛnɟa na Yesu aɔɔɔ bu dɔ, na wɔ se bu ka, “Am ma am ahore si, mini a, má am soro sɛɛɛ.”

²⁸ Na Petoro ase i ka, “M Mibie, nzen i ti wɔɔɔ nahɔɛ su a, se m ka m nati nzue n su bra u dɔ.” ²⁹ Na Yesu ase i ka, “Bra.” Na Petoro afite lee n nu sunati nzue n su sukɔ Yesu dɔ. ³⁰ Ama, sanɟa bo i ɲuuri ka aɲuma ni sukpie agaya sɔ ni, na sɛɛɛ akaaki ati i, kpɛnɟa i suwura nzue n bu. Na wɔ bo awie ase ka, “M Mibie, de m tii ji.” ³¹ Kpɛnɟa na Yesu alaandi i saa aso i nu, na wɔ se i ka, “Wɔɔɔ, u yarada n ti kaan sɔ. Nzu ti ye u sunsunni ti nnyɔ nnyɔ a?” ³² Na bu nnyɔ n kɛɛ awura lee n nu, na aɲuma n atara. ³³ Na i susufɔm bo bu wo lee n nu n kɛɛ akansi i, bu ɲa, “A ti Nyɛmɛ Wa a, nahɔɛ su.”

Kabo Yesu ma tukpakifɔm beberebe nyaari laifɛ ni

³⁴ Na ba kpie nzue n aba aju awɔɛɛ n bo bu fere i ka Genesareti ni. ³⁵ Na dɔfɔm asi ka Yesu lɛɛ, na ba sunma akɔ ase awɔɛɛ n nufɔm kɛɛ, na ba fa tukpakifɔm kɛɛɛ aba Yesu dɔ, ³⁶ na ba sere i jande ka i ma bu fa bu saa kan i tanlɛɛ n jaa bu. Na bo bu woori sɔ n kɛɛɛ anya laifɛ.

15

Yudafɔm nana sayoowa jɔɛ

¹ Na Farasifɔ nbem, ni Yudafɔm Nyɛmɛ nɔaniɛ kɛɛɛfɔm afite Yerusalem miɛ kpiri n nu aba Yesu dɔ, aba abisa i ka, ² “Nzu ti ye u susufɔm n akete ya nam sayoowa n a? Dama bu ɲmisi má bu saa ka, na bu nya di diire.” ³ Na Yesu abɔ bu nu ka, “Nzu ti ye am akete Nyɛmɛ nɔaniɛ maawa n ye am su am dɛɛ sayoowam su a? ⁴ Dama Nyɛmɛ ama nɔɔ ka, ‘Bu u si, ni u ni.’ Ye wɔ kaaki ase ka, ‘Sɔnɔ kɛɛɛ bo

i jɔjɔri i si, ni i ni jɔɛ tie, wɔ yo daka ka bu kun i mi.’⁵ Ama, amberɛ kere ka nzen sɔnɔ be la deke be bo i ti ye ni ka i fa buka i si, ni i ni, i koro se bu ka, ‘Deke bo má m ɲa m fa ma am ni, ma fa ayi saraka ama Nyeme.’⁶ Am suse ka i mi koro kpɛ i si, ni i ni n nyini deke n lɛɛ. Nyini n kere ka am abu Nyeme dɛɛ nɔaniɛ ni ɲgbɛɛn lɛɛ, ye am su am dɛɛ sayoowam n su a.⁷ Amberɛ burukɔɔnufɔm ni, nahɔɛ ye Nyeme nɔaniɛ kanfɔ Esaya yo kaanri am jɔɛ n a. Wɔ kere i kadasi n nu ka, Nyeme ɲa o,

⁸ ‘Ahin minem ni, bu ma m jirima bu nɔɔ nu bere wɔ,
ama, i wo má bu ahore su.

⁹ Bu kansɩ m ɲgbɛɛn wɔ,
dama bu kere minɛ adamande dɛɛ kereewam wɔ,
na bu se ka nyini kereewa n fite Nyeme dɔ ɔ.’”

Kabo Yesu ɲa diire diiwa koro yo má sɔnɔ fin ni

¹⁰ Na Yesu afere jama n aba i bi, na wɔ se bu ka, “Am so am sui na am ti jɔɛ n bo m sujɔɔ i ma am n bu.¹¹ Má diire bo i wura sɔnɔ nɔɔ nu n yo i fin a, ama, jɔjɔwa bo i fite sɔnɔ nɔɔ nu ni, yiri yo i fin a.”

¹² Na i susufɔm n aba i dɔ, aba abisa i ka, “A si ka u jɔɛ n bo a jɔjɔri i n asun má Farasifɔm n nu e?”

¹³⁻¹⁴ Na Yesu ase i susufɔm n ka, “Má am bɔ bu nu, bu ti ka anyinsinm wɔ. Anyinsin gusu nya bitaari i benggu anyinsin n kpama, bu kere kó to kunma nu wɔ. Baka kere bo m Si Nyeme bo i wo angoro n ata má i, i cín tu i wɔ.”

¹⁵ Na Petoro ase i ka, “Kere ya anyunderɛ n bu, bo a ɲa sɔnɔ nɔaniɛ jɔjɔwa yo i fin ni.”¹⁶ Na Yesu abisa bu ka, “Nka amberɛ gusu ati má jɔɛ n bu lɛɛ?¹⁷ Deke bo i wura sɔnɔ nɔɔ nu, wura i kunnu wɔ, na i kɔ je yi i, má sɔ?¹⁸ Ama, jɔjɔwa bo i fite sɔnɔ nɔɔ nu fite i ahore su wɔ, nyini yo i fin a.¹⁹ Dama deke bo i wo sɔnɔ ahore su ma i sunsunni tie a. I koro ma i nati sukun minem, na i suyo sakaraya, na i susaaki ajaa ciire, na i suwɔ, na i nati sudi kɔɛ daani, na i nati susaaki minem duma.²⁰ Nyini dekem kere koro yo sɔnɔ fin a. Ama, nzen sɔnɔ di diire na wɔ ɲmisi má i saa, i yo má i fin.”

Kabo bara bo i ti má Yudafo yoori Yesu yarada ni

²¹ Na Yesu afite bere akɔ awɔɛ n bo i dodo Tiro ni Sidon miɛ kpirim ni.²² Na bara be aba Yesu dɔ, i ti má Yudafo, i ti Kananafɔ ɔ, bo i fite nyini awɔɛ n nu. Na wɔ bo afere Yesu, ase i ka, “M Mibiɛ, Feme Davidi anuma, si m anunfo. Ajinim wo m wa baabara ɲu, sukere i yaari agaya.”²³ Ama, Yesu abɔ má i nu. Na i susufɔm n aba i dɔ, aba asere i jande, ase i ka, “Fɔn bara n na i kɔ. Nie kabo i su ya su, yo nanɲmie barasu a.”²⁴ Na Yesu ase ka, “Nyeme asunma m Yisarelifɔm bo bu ti ka nbɔɛm na ba mini ni ɲgumi dɔ a.”²⁵ Na bara n aba akutu i nyunu, ase i ka, “M Mibiɛ, buka m.”²⁶ Na Yesu ase i ka, “I ti má ye ni ka, a fa nbaatumam diire na a fa ma caam.”²⁷ Na bara n ase i ka, “M Mibiɛ, a la nahɔɛ, ama, haari ni nyini mmɔɔ, caam n tambu diire n bo bu fɔm di, na i tɔtɔ asiɛngu n na bu fa di.”²⁸ Na Yesu ase i ka, “A ti bara yaradayofɔ ɔ, nahɔɛ su. Nyini ti, kabo a koro ni, i yó sɔ ma u a.” Dika n nu bere, na i wa n anya laifɛ.

Kabo Yesu ma minɛ beberebe nyaari laifɛ barasu ni

²⁹ Na Yesu afite bere, asu Galili kunma kpiri n su, na wo ko afun atana buka be su. ³⁰ Na jama beberebe afa wobukam, ni anyinsinm, ni bo bu saam ni bu jaam awu ni, ni bobom, ni tukpakifom beberebe, ka i ma bu laifie, na wo ma bu anya laifie. ³¹ Na minem n ayo alekutura, ni kabo bu nyuri ka bobom sujojo, na minem bo bu saam ni bu jaam awu n anya laifie, na wobukam sunati, na anyinsinm suju asi ni, na ba kansu Nyeme n bo bere Yisarelifom su i ni.

Kabo Yesu maari nbiesom akpii nna ni bu minem diire ni

³² Na Yesu afere i susufom ni, na wo se bu ka, "Ahin jama n la m anunfo, dama i nyuma lesan lee bo bu wo m do na bu la ma deke bo bu di. M koro ma ka m yaki bu na bu ko awuru ni ahoe, ma nyini, bu nbem to cin atin nu wo." ³³ Na i susufom n abisa i ka, "Ye nifansu ye ya nya diire ma ahin jama beberebe n so n na bu di na bu kunnu yi a?" ³⁴ Na Yesu abisa bu ka, "Am la kpono nye wo?" Na ba bo i nu ka, "Ya la kpono nso wo, ni jombaa kan kan nbem." ³⁵ Na Yesu ama jama n noko ka bu tana asienngu. ³⁶ Na wo fa kpono nso n ni jombaa ni, na wo da Nyeme asi, na wo kpiekpie i nu, na wo fa ama i susufom ni, na bere gusu afa ama jama n ka bu di. ³⁷ Bu kere diiri, na bu kunnu ayi. Na i susufom n atambu sinsin kaawa n kandie nso. ³⁸ Minem bo bu diiri diire ni, nbiesom ngumi ko yasuuri akpii nna a, ba kan ma nbaram ni nbaatumam awura ma nu. ³⁹ Na Yesu anya kaari jama ni, na ba ko awuru, na wo nya awura lee nu, ako awore n bo bu fere i ka Magadan n nu.

16

Kabo Yesu keteeri ka i yo ma alekutura sa bo bu koro i ni

¹ Na Farasifom, ni Sadusifo nbem aba Yesu do, na ba koro ka bu so i ngee. Nyini ti, na ba se i ka i yo alekutura sa be bo i kere ka i yiko n fite Nyeme do o. ² Na Yesu ase bu ka, "Sanga bo wie nya ba suto, na am nyu ka angoro n kere ayo kokore, a ti ka am na, 'Aahunma dika ni bo, dama i ti kokore wo.' ³ Nzen ngarama fuun, na am nyu ka angoro asanga kokore ni biri, a ti ka am na, 'Nyuma nzue to.' Am koro nie angoro n na am si sa bo i ba yo, ama, am koro si ma sam bo bu suyo jina n nu n yiri bu. ⁴ Ambere nyumafu, satieyofom bo am su ma Nyeme ni, ye am koro ka m yo alekutura sa be na am nie? Ai, m yo ma alekutura sa be na am nyu i fieo, ma ka alekutura sa n bo Nyeme yo yoori i maari Jona ngumi ni." I seeri so wieeri ni, na wo yaki bu, na wo ko.

Bobowa fa ko Farasifom ni Sadusifom dee kereewam n su

⁵ Sanga bo Yesu susufom n kpie ko juuri kunma kpiri n bue kun do ni, na bu wara afi diire sa, ba bita ma kpono nu. ⁶ Na Yesu ase bu ka, "Am si am nyu sa ni Farasifom ni Sadusifom dee kpono ayiri n bo bu fa go kpono nu na i yasu ni." ⁷ Na ba se bu nyu nu ka, "Ya bita ma kpono aba ma n dee ti, ye i se so n a." ⁸ Na Yesu afa nu kabo i susufom n sujojo bu nyu nu ni, na wo se bu ka, "Ambere bo am yarada n ti kaan so ni, nzu ti ye am sujojo am nyu nu ka am bita ma kpono a? ⁹ Am nya ti ma sa n bu, nzen se? Am tenge ma su ka m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a? ¹⁰ Ye kpono nso n bo m yo fa kpiekpie maari mine akpii nna

n di? Kandie nye ye am sasaari a? ¹¹ Ye nzu ti ye am si má ka m sujojo má kpono jore a? M nja am si am nju sa ni Farasifom ni Sadusifom dee kpono ayiri n bo bu fa go kpono nu na i yasu ni.” ¹² Na ba nya asi ka i suse má bu ka bu si bu nju sa ni Farasifom ni Sadusifom dee kpono ayiri n wo, ama, i nja bu si bu nju sa fa ko bu kereewa n dee atin su wo.

Kabo Petoro kereeri ka Yesu ti barasu ni

¹³ Saŋga bo Yesu fa ba juuri Sizariya Filipiya dee mie kan kanm su ni, na wo bisa i susufom ka, “Minem fa mini Adamande Wa n bu nja a?” ¹⁴ Na ba bo i nu ka, “Nbem nja woro la Yohane Nyeme Nzue Biefo n a, nbem nja woro la Nyeme noanie kanfo Eliya, nbem nja woro la Nyeme noanie kanfo Jeremiya, ye nbem gusu nja a ti dawa dee Nyeme noanie kanfo nyingam n kun wo.” ¹⁵ Na wo nya abisa bu bekun ka, “Ye ambere fa m bu nja a?” ¹⁶ Na Simon Petoro abo i nu ka, “Woro ti Kristo Tiidefo n a, Nyeme n bo i wo bere saŋga kere n dee Wa ni.” ¹⁷ Na Yesu ase i ka, “Simon Jona wa, terefie wo u do. Dama má adamande yiiri ahin jore n bu kereeri u ka a jajo a, ama, m Si Nyeme bo i wo angoro ni yi kereeri u a.” ¹⁸ Nyini ti, m suse u wo lee ka, woro ti Petoro a, u duma bu la ka yabue ni. Nyini yabue n su ye m ma m jama minem kere jina a, na yiwee mmoo koro yo má bu pui. ¹⁹ M fá Nyeme femeya n ano kadambaam ma u, na deke kere bo a ma minem atin ka bu yo i durunya n nu fen, i ti so o lee, Nyeme do. Na deke kere bo a ma má minem atin ka bu yo i durunya n nu fen, i kaaki ti so o lee, Nyeme do.” ²⁰ Nyini sin, na Yesu abobo i susufom ni ka má bu ma be si ka yiri ti Kristo Tiidefo n a.

Kabo Yesu jajo fa koori i yiwee n su ni

²¹ Fite nyini saŋga n fa ko, na Yesu abo i bu sukere i susufom n ka, “Wo yo daka ka m ko Yerusalem na m ko di wahara donggu fite Yudafo m nkpienkpienm, ni Nyeme sayoowa dongguyofo nkpienkpienm, ni Nyeme noanie kerefom do na bu kun m. Ama, na i lesan ceen, na Nyeme má m tenje m yiwee n nu.” ²² Na Petoro afa i ako aheme, na wo jaraki i ase i ka, “M Mibie, má a se ka a se so, Nyeme yo u kisi ni nyini sa ni. Nyini koro yo má ceen be da.” ²³ Na Yesu ace anie Petoro na wo tien i nju ase i ka, “Sitana, fa cinsi m bi bere. A sukanda m atin wo. A sunsun má kabo Nyeme sunsun ni. A sunsun kabo adamande sunsun n wo.”

²⁴ Na Yesu ase i susufom n ka, “Sono kere bo i koro ka i su m su, wo yo daka ka i mi wara fi i tiengu sa koroowa sa, na i fa i yiwee baka jaanu n so, na i su m su. ²⁵ Dama sono kere bo i koro ka i fa i ngoo fie, i mi bá fun i. Ama, sono kere bo i toori i ngoo mini ni m labari kpa n dee ti, i mi nya ngoo. ²⁶ Nzen sono nyaari durunya n nu deke n kere, na i fuunri i ngoo, i kpere la bono? Nzu deke ye sono fá kaaki i ngoo a? ²⁷ Dama mini Adamande Wa ni bá ba ni m Si Nyeme jirima woowa n nu, ni i merékem ni, na m nya to sono kere kaari, kabo i juma, wara i sayoowa ti barasu. ²⁸ Nahore ye m suse am n a, am nbem wo fen bo am wu má, má ka am aba anju ka mini Adamande Wa ni suba ka m bá nie m femeya n su.”

17

Kabo Yesu nunie kaakiiri wo barasu ni

¹ Lesen cɛɛn sin na Yesu afa Petoro, ni Yakobo, ni yiri Yakobo niema Yohane, afun ako buka lenlenge be su, bu ni yiri ngumi. ² Bu woori do n na ba nu ka i nuni akaaki wo, na i nyunuawa aje ka wiɛ, na i tanlɛɛ n akaaki fofoe papasi. ³ Do na ba nu mine nnyo nbem atie bu nu, na bu ni Yesu subo anzama, bere la Moyisi ni Eliya, dawa dɛɛ Nyeme noanie kanfom ni. ⁴ Na Petoro ase Yesu ka, “M Mibie, i ti kpa ka na ya wo fen. Nzen ma a soro su, m bo nambue nsan fen, u dɛɛ kun, Moyisi kun, na Eliya gusu dɛɛ kun.” ⁵ Saŋga bo i jina wo jɔjɔri su n na yinyingu papasi akata bu nu, na ba ti akonvi be nga yinyingu n nu, na wo jɔjɔ bu do, i na, “M wa koroowa lɛɛ bo m ahore ajo i nu. Am de i noanie.” ⁶ I susufom n tiiri akonvi ni nga so ni, na sere ati bu agaya, na ba butu asienngu. ⁷ Na Yesu aba afa i saa akan bu, na wo se ka, “Ma am ma sere ti am, am yasu.” ⁸ Na ba ye bu tii su anie, ba nu ma sono be kun, ma ka Yesu ngumi.

⁹ Na saŋga bo bu ba sujura buka n su ni, na Yesu abobo bu ka, “Ma am be se ka i bo sa n bo am anu i n sufa kere sono be, haari fa ko saŋga bo mini Adamande Wa ni ba wu na Nyeme ba ma m tenge m yiwee n nu ka.” ¹⁰ Do na i susufom n abisa i ka, “Ye nzu ti ye Nyeme noanie kerefom n bita jɔjɔ ka wo yo daka ka Eliya du mo ba ka, ye Kristo Tiidefo ni ba ba n a?” ¹¹ Na wo bo bu nu ka, “I ti nahore wo ka, Eliya du mo ba na i ba sese deke n kere su. ¹² Ama, m suse am wo lɛɛ, ka, Eliya adu mo aba, na minem asi ma i, na ba yo i kabo bu koro. So ye mini Adamande Wa n gusu ba di wahara minem saa nu a.” ¹³ Do na i susufom n anya asi ka i jɔjɔ Yohane Nyeme Nzue Biefo n dɛɛ jore wo.

Kabo Yesu fon yiiri ajini fiteeri baa be nu ni

¹⁴ Saŋga bo Yesu ni i susufo nsanm ni kpieeri bu nyi ba juuri jama n bi ni, na sono be aba akutu i nyunu, ¹⁵ ase i ka, “M Mibie, si m wa baabieso n anunfo. I to ngbiti wo, bo i di wahara agaya. Saŋga kere bo i nya ba yasu i nu, i fa i wura sin nu wo, wara nzue nu. ¹⁶ Ma fa i aba u susufom n do lɛɛ ka bu ma i nya laifie, ama, ba koro atuntun ma i na i nya laifie.” ¹⁷ Na Yesu ase bu ka, “Amaa. Ambere satieyofom, am la ma yarada fieo. Nyuma sa ye m wo am do fen a? Ye m yo sawore ni ambere ko ju se wo? Am fa baa n ba ma m fen.” ¹⁸ Na Yesu atien ajini n nu, na wo fite ayaki baa ni. Dika n na bere, na baa n anya laifie.

¹⁹ Nyini sin na Yesu susufom n aba i do, bere ngumi, aba abisa i ka, “Nzu ti ye yere akoro afon ma nyini ajini n a?” ²⁰ Na Yesu abo bu nu ka, “I fite ka am yarada n ti kaan so n dɛɛ ti a. Nahore ye m suse am n a, nzen am yoori Nyeme yarada bo i ko juuri kabo nyem mbaa ti ni mmoo, am koro se nyini buka n ka, ‘Fite fen ko do,’ na i ko. Deke wo ma bere bo i yo kekereke ma am. [²¹ Ama, nyini ajini n nusu so koro fite yaki ma sono ngbeen so, ma ka nyemesere ni noo cici.]”

Kabo Yesu jɔjɔ fa kɔri i yiwee n su bekun ni

²² Saŋga bo i susufom ba tiɛnri bu noo Galili awore n nu ni, na Yesu ase bu ka, “Bu ba to mini Adamande Wa n ma mine nbem, ²³ na bu kun m, ama, bu kuunri m wieeri, i lesan cɛɛn, Nyeme ma m tenge m yiwee n nu.” I jɔjɔri so ni, na i susufom n ahore asaaki agaya.

Kabo Yesu toori Nyeme Serebiri Awuru n nu lampo kaari ni

²⁴ Saŋga bo Yesu ni i susufom n ba juuri Kapenam mie kpiri n nu ni, na Nyeme Sereebiri Awuru n nu lampodefom n aba Petoro do, aba abisa i ka, “Am kpien n to Nyeme Sereebiri Awuru n nu lampo kaari, nzen i to ma?” ²⁵ Na Petoro abo i nu ka, “I to wanla.” Saŋga bo Petoro ko juuri awuru n nu n na Yesu adu mo abisa i do ka, “Simon, ye woro na se wo? Nmam to lampo nwaa ma durunya n nu fen nfemem a, mienbaam nzen wofom?” ²⁶ Na Petoro abo i nu ka, “Wofom.” Na Yesu ase i ka, “Nzen i nya tiiri so de, mienbaam to ma lee. ²⁷ Ama, yere koro ma ka ya wura bu ngasi nu. Nyini ti, ko kunma kpiri n nu na a ko fa u kuwa n ji nu, jombaa kere bo a du mo taraari i, nie i noo nu, a nu nwaa bo i ju mini ni woro dee Nyeme Sereebiri Awuru n nu lampo nwaa to. Fa i na a fa ko to mini ni woro tii su kaari.”

18

Kabo Yesu kereeri sono bo i tara bu kere ni

¹ Nyini saŋga ni, na Yesu susufom n aba i do, aba abisa i ka, “Nma yo ya kere tii Nyeme femeya n nu a?” ² Do na Yesu afere baa kaan be, aba ajina bu afien. ³ Na wo se ka, “Nahore ye m suse am n a, am wura ma Nyeme femeya n nu, ma ka am kaaki am wo na am yo am nu ka baatuma kaan. ⁴ Nyini ti, sono kere bo i yo i nu kaan ka ahin baa ni, yiri ti minem kere tii Nyeme femeya n nu a. ⁵ Sono kere bo i deeri ahin baakan n nusu m dee ti, wo de mini wo lee.”

Kabo wo yo daka ka ma sono wura satie nu ni

⁶ Na Yesu akaaki ase ka, “Woro kere bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti ma kpa. Nzen ma bu faari ngani san yabue bambaka ciciiri u kom na bu fa u ko tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufom ba nu anyumboro, dama bu yo sam bo bu ma mine kaaki bu sin bo m dee atin n wo. Nyini sam ni yo wo, saŋga kere, ama, sono kere bo i ma nyini sam yoori ni, yiri ba nu anyumboro.

⁸ Nzen u saa, wara u jaa cin u wura satie nu a, kaba kpie i fa tu na a ka asaasin, wara, ajaasin, na a nya u nu ko Nyeme do. I ti ye ni bo a la u saa nnyo ni u jaa nnyo n kere, na bu ba fa u tu ceema sin n bo i no ma n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nya u nu ko Nyeme do. I ti ye ni bo a la u nyumbaa nnyo n kere na bu ba fa u tu ceema sin nu ni.”

Mienu fa ko boe bo wo mini n su ni

¹⁰ Na Yesu ase ka, “Ma am se ka am bu ahin nbaatuma kan kanm n be ngbeen. M suse am wo lee, ka, bu dee merkem bo bu wo angoro ni, wo m Si Nyeme nyunu saŋga kere a. [¹¹ Dama, mini Adamande Wa n baari ka m ba nienie bo ba mini n wo, na m de bu tii ji.]

¹² Nzen sono la nbem yaa, na bu nu kun miniiri, am sunsun ka i yo se wo? I yaki aburango na ni ngona n wura diibiri kpere n su, na i ko nienie kun n bo wo mini ni, ma so? ¹³ Nahore ye m suse am n a, nzen i nienie ko nuuri nyini kun ni, i ahore jo i nu tara aburango na ni ngona n bo ba mini ma ni. ¹⁴ I ti so o lee, am Si Nyeme bo i wo angoro n do, i koro ma ka ahin nbaatumam kun n kpein mmoo mini.”

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen wɔɔ kere bo u niwa yoori u satie be, kɔ i dɔ na u ni yiri mine nnyɔ ni ŋgumi, na a se i ka wɔ yo u satie. Nzen i tiiri i bu ka wɔ yo u satie, i toko ti u niwa lee. ¹⁶ Ama, nzen i keteeri, yo anie na a nya sɔɔ kun, wara mine nnyɔ buka u ŋu su, na am kɔ ŋu i, adena mine nnyɔ, wara mine nsan n bo ba ti jɔɔ n yo u daanifom. ¹⁷ Nzen i keteeri bere gusu, na a nya fa i sereya n kɔ Kristo jama n kere dɔ. Nzen i nya keteeri Kristo jama ni, am fa i ka sɔɔ bo i su má Nyeme, wara satieyofɔ bo wɔ kete ka i kaaki má i wo lee.”

¹⁸ Na Yesu akaaki ase ka, “Nahore ye m suse am n a, deke kere bo am ma minem atin ka bu yo i durunya n nu fen, i ti sɔɔ lee Nyeme dɔ, na deke kere bo am ma má minem atin ka bu yo i durunya n nu, i kaaki ti sɔɔ lee Nyeme dɔ.

¹⁹ Nahore ye m suse am bekun n a, sanja kere bo am mine nnyɔ yoori am nɔɔkun, na am sereeri m Si Nyeme deke be, i yó i ma am. ²⁰ Dama deke kere bo mine nnyɔ, wara nsan tieɛnri bu nɔɔ m dee duma n nu, m wo bu dɔ.”

Miɛenu fa kɔ kaari bitafɔ nnyɔ nbem su ni

²¹ Nyini sin na Petoro aba Yesu dɔ, aba abisa i ka, “M Mibie, nzen m niwa nati yo m satie sanja kere, kpe nye ye m fa i satie ce i a? Kpe nso, nzen se?” ²² Na Yesu abo i nu ka, “Ái, m suse u wɔ lee ka, má kpe nso co, ama, kpe aburasoso busu nso.” ²³ Na Yesu akaaki ase ka, “Nyini ti, kabo Nyeme femeya n ti yaa. Feme be yo woori bere a, cɛɛn n be na wɔ se ka i bu akunta ni i akɔɔm bo bu wo i dɔ yo juma ni, na i si ŋwaa bo bu bita i. ²⁴ Sanja bo i boori i bu na i bu akunta ni, na ba fa i akɔɔ n kun be bo i bita i ŋwaa kaari bo i la má nɔɔ, aba i dɔ. ²⁵ Kabo ŋwaa n sunnu sɔ na i koro tɔ má kaari n ni, na feme n ama nɔɔ ka bu tɔ i ni i yi, ni i nbaam, ni i deke kere bo i la i, na bu fa tɔ kaari ni. ²⁶ Na akɔɔ n akutu i mibie n nyunu asiɛɛngu, asere i ka, ‘Jande, si m aɲunfɔ, na m kó nienie ŋwaa n na m bá tɔ kaari ni.’ ²⁷ Na i mibie n asi i aɲunfɔ, na wɔ fa kaari n ace i, na wɔ yaki i aji. ²⁸ I fiteeri bere, na i ni i beɲgu akɔɔ n kun be bo i gusu bita i kaari n aye, i dee n sunnu má fieo. Na wɔ so i beɲgu n kɔm nu amie i, na wɔ se i ka, ‘Tɔ m kaari n kisa kisa bere.’ ²⁹ Na i beɲgu n akutu haari asiɛɛngu, asere i ka, ‘Jande, si m aɲunfɔ, na m kó nienie u ŋwaa na m bá tɔ u kaari.’ ³⁰ Ama, na wɔ kete, na wɔ kɔ anyi i beɲgu n saraka, na wɔ se i ka má ka wɔ tɔ i kaari ni. ³¹ I beɲgu nyingam ŋuuri sa n bo wɔ yo i n sɔ ni, na bu ahore asaaki agaya, na ba kɔ ase feme n sa n bo wɔ yo i n kere. ³² Dɔ na feme n afere i, ase i ka, ‘Wɔɔ satieyofɔ ŋgbɛɛn ni, a sereeri m dee ti, ye m yakiiri u kaari n kere bo a bita i n fa ceeri u a. ³³ Má wɔ yo daka ka wɔɔ mmɔɔ siiri u beɲgu n aɲunfɔ na a fa ce i, kabo m ŋuuri u aɲunfɔ na m fa ceeri u ni.’ ³⁴ Na yaa ati feme n agaya, na wɔ ma bu afa nyini akɔɔ n ako anyi i saraka, ka i kɔ di wahara dɔ, haari fa kɔ ju sanja bo i bá tɔ kaari n kere wie.” ³⁵ Na Yesu ase bu ka, “Nzen am afa má am beɲgum satie ace má bu am ahore su, sɔ ye m Si Nyeme bo i wo aɲgoro ni cín am sui a.”

19

Kabo Yesu kereeri minem fa kɔ ajaa ni ajaa yaki atin su ni

¹ Sanja bo Yesu jɔjɔori ahin jɔrem n kere wieeri ni, na wo yasu Galili awore n nu, ako Yudiya dee awore n nu, na wo ko akpie Yodan kunma n buekun do. ² Na jama beberebe asu i su, na wo ma tukpakifom bo bu wo jama n nu n anya laifie.

³ Na Farasifo nbem aba i do, ka bu ba so i nge fa ko i noanie jɔjɔowa n su, na ba bisa i ka, “Ya dee atin n su, atin wo nu ka sono koro fa i yi ji deke be dee ti?” ⁴ Na Yesu abo bu nu ka, “Ye ba kere i Nyeme jore Kadasi n nu se wo? Ba kere ka, fite durunya n bumboori, sanja n bo Nyeme yiiri adamande ni, i yiiri bieso ni bara wo, ⁵ na wo se ka, ‘Nyini dee ti, i ti ye ni ka bieso n kpaaki i gisan yaki i si ni i ni, na i ni i yi n sanja wo. Nyini sanja, bu mine nnyo n ayo deke kun lee.’ ⁶ Bu wo ma bu ngungumi kun. Nyini ti, deke bo Nyeme anya asanja i awie, ma sono kpaaki i nu kun.” ⁷ Na ba bisa Yesu bekun ka, “Ye nzu ti ye Moyisi yo maari atin ka, nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?” ⁸ Na Yesu abo bu nu ka, “Am ahorembaa kekereke n dee ti, ye Moyisi yo maari am nyini atin n a. Ama, fite durunya n bumboori, i yo ti ma so. ⁹ M suse am wo lee, ka, sono kere bo i faari i yi jiiri, na wo yo ma ka bara n ako somaya ye i fa i jiiri, na i jaari bara fofore, i mi n asaaki ajaa ciire lee.”

¹⁰ Na i susufom n ase i ka, “Nzen i nya tiiri so yiri, fa ko bieso ni bara do, i ti kpa ka ma be ja ajaa.” ¹¹ Na wo se bu ka, “Ma sono kere koro su ahin noanie n su a, ma ka bere bo Nyeme adu mo afa ama bu ni. ¹² Dama deke bo i ti na mine nbem ja ma ajaa n la ka, bu bieso dika yo ma juma n dee ti, nbem gusu, ba sa bu wo, ye nbem gusu kete ajaa fa ko Nyeme femeya n jore dee ti. Nyini ti, sono kere bo i koro de ahin noanie ni, i mi de i.”

Kabo Yesu yoori nbaatumam kisi barasu ni

¹³ Na mine nbem afa nbaatumam aba Yesu do, ka i fa i saa nana bu nu na i sere Nyeme ma bu. Ama, na i susufom n atien minem ni nu. ¹⁴ Na Yesu ase bu ka, “Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a.” ¹⁵ Na wo fa i saa anana bu nu na wo yo bu kisi, na wo nya afite bere ako.

Gbefene nenjefo n ni i nyemesu jore

¹⁶ Cen be, na gbefene be aba Yesu do, aba abisa i ka, “Ya Kerefo, m yo nzu sakpa ye m ba nya ngoo n bo i la ma awieeri n a?” ¹⁷ Na Yesu abo i nu ka, “Nzu ti ye a bisa m fa ko deke bo i ti sakpa su a? Sono kun n kpein wo bere bo i ti kpa. Nzen a koro ka a nya ngoo, su Nyeme noanie maawam n su.” ¹⁸ Na wo bisa Yesu ka, “Noanie maawa nbononm?” Na Yesu abo i nu ka, “Ma a kun sono. Ma a saaki ajaa ciire. Ma a wo. Ma a di kore daani. ¹⁹ Bu u si ni u ni. Koro u benju kabo a koro u nu ni.” ²⁰ Na gbefene n ase i ka, “Ma su nyini noanie maawa n kere su, ye nzu kaari a?” ²¹ Na Yesu ase i ka, “Nzen a koro ka u woowa n ti kabo Nyeme koro ka i ti n wo, ko na a ko to u aja kere, na a fa nwaa n ma jaarifom, na a ba nya ajeko Nyeme do, na a bra, ba su m su.” ²² Sanja bo gbefene n tiiri nyini so ni, na wo yasu ako ni ahoresaaki, dama i la nenje agaya n dee ti.

²³ Na Yesu ase i susufom n ka, “Nahore ye m suse am n a, i yo kekereke ni bo nenjefo wura Nyeme femeya n nu. ²⁴ M suse am wo bekun lee ka, kabo nyooma sin misini bue nu ni, i ti ma kekereke tara

má kabo nenḡefo yo na i wura Nyeme femeya n nu ni.”²⁵ Saḡa bo Yesu susufom n tiiri nyini n so ni, na ba yo alekutura agaya, na ba bisa i ka, “Ye nzen i ti so, ḡma koro fite nu a?”²⁶ Na Yesu anie bu do, na wo se ka, “Ahin ti deke bo adamande koro yo má i, ama, Nyeme do, i ti má pui, dama Nyeme koro yo deke kere.”

²⁷ Na Petoro ase i ka, “To, ye yere ayaki deke kere susu u su e. Ye ya nyá nzu wo?”²⁸ Na Yesu ase bu ka, “Nahore ye m suse am n a, saḡa bo mini Adamande Wa n ba tanaari m jirima tanaabiri n durunya fofore n nu, m má ambere bo am asu m su ni tana femeya bie buru ni nnyom n su, na am nie Yisarelifom ano buru ni nnyom n su.”²⁹ Na sono kere bo i yakiiri i awuru, wara i ninbaam, wara i si, ni i ni, wara i nbaam, wara i asienm, mini dee ti, i mi nyá nyini n kere ḡusu yaa i ḡoo su, na i káaki nya ḡoo bo i la má awieeri.³⁰ Am mine donḡu bo bu wo mo kisa ni bá ka sin, na bo bu ka sin kisa n bá du mo.”

20

Mienu fa ko fie fo be ni i npadifom su ni

¹ Na Yesu akaaki ase ka, “Nyeme femeya n ti ka sono be bo i yasuuri alectin ḡgarama fuun, ka i ko nienie npadifom na bu ko yo i fie juma n wo.”² Na i ni bere adi go, na wo soro su ka i to bu lekun jumayoowa ḡkato, jete ḡwaa kun. Na wo fa bu ako fie n su.³ Na fa ko kerefi ḡona saḡa, na wo kaaki ako anu ka mine nbem tana goosu, bu yo má pui.⁴ Na wo se bu ka, ‘Am ma ya ko m fie n su, na am ko yo m juma, na m to am kaari, kabo am jumayoowa ti barasu.’⁵ Nyini ti, na ba ko. Na kerefi buru ni nnyo saḡa, na wo kaaki ako goosu, ako anu ka mine nbem jina, na wo fa bu ako i fie n su. Na kerefi nsan saḡa, na wo yo so bekun.⁶ Na fa ko naaso kerefi nnu saḡa, na wo ko anu ka mine nbem jina ḡbreen, bu yo má pui. Na wo bisa bu ka, ‘Nzu ti ye am ba jina fen ḡgarama kun kere ḡbreen so, na am yo má pui a?’⁷ Na ba bo i nu ka, ‘Be afa má ya ka ya yo i juma.’ Na wo se bu ka bere gusu ko na bu ko yo juma i fie n su.⁸ Saḡa bo wie ba toori n na fiefo n fere i juma niesufo n na wo se i ka, ‘Fere jumayofom n kere na a to bu kaari. Bo i bu to bo bu baari kasin n ka, na a nya ba to bo bu duuri mo baari ni.’⁹ Na bo bu baari ka sin n kere aba, na wo to bu jete ḡwaa kun kun.¹⁰ Saḡa bo i ba kpuraari bo bu duuri mo baari ni, bu sunsuunri ka bu dee ḡkato tara bo bu kaari sin baari n dee n wo. Ama, bu toori bu kere jete ḡwaa kun kun wo, kabo bu toori kasinfom ni.¹¹ Bu deer ḡwaa wieeri so ni, na ba ḡnuti fie n fo ni.¹² Bu ḡa, ‘A to kasinfom bo ba yo má juma kpa be ni ḡkato nyunyumi, na kabo a toori bu ni, a to yere gusu bo ya baari ḡgarama kun kere, na ya ba adi yaari, na wie abo ya n gusu so o.’¹³ Ama, na fie n fo n abo nu, ase bu kun ka, ‘M don, ti fen, ma sisi má am e. Bo mini si i n la ka, am soroori su ka am yo lekun juma, na am de jete ḡwaa kun wo.’¹⁴ Nyini ti, de u ḡwaa na a ko. M koro ka m ma kasinfo n kabo m maari u n wo.¹⁵ M la má atin ka m yo m ḡwaa kabo m koro, nzen se? Wara, a si m kore fa ko m sakpa bo ma yo i n wo?”¹⁶ Na Yesu ase bu ka, “Ahin mienu n bu la ka, minem bo ba ka sin kisa ni, bá du mo, na bo ba du mo kisa n bá ka sin.”

Kabo Yesu jajo fa koori i yiwee n su kpe nsan su ni

¹⁷ Saɗga bo Yesu ni i susufɔm, ni jama n sukɔ Yerusalem miɛ kpiri n nu ni, bu wo kɔ su sɔ ni, na wo fere i susufɔ buru ni nnyɔm n akɔ ahɛmɛ, na wo se bu ka, ¹⁸ “Am ti fɛn. Ya sukɔ Yerusalem lɛɛ, dɔ ye bu kɔ tara mini Adamande Wa n a, na bu fá ma Nyemɛ sayoowa dɔɗguyofɔ nkpienkpiɛnm ni, ni Nyemɛ nɔaniɛ kerefɔm ni, na bu dí m jɔɛ, na bu sóro su ka bu kún m. ¹⁹ Na bɛrɛ gusu nyá fa m wura minɛm bo bu ti má Yudaɔm saa nu, na bu yó m anzasi, na bu fín m ɗgbere, na bu nyá kpama m baka jaanu n su na m wu, na i lesan cɛɛn, na Nyemɛ má m tenje m yiwee n nu.”

Kabo Yesu kereeri ka mɔfɔ yo i ɗu kaan ni

²⁰ Na Zɛbedi yi afa i nbaa nnyɔm n aba akutu Yesu nyunu, asere i ahɔrɔma ka i yo sa be ma i. ²¹ Na Yesu abisa i ka, “A koro ka m yo nzu ma u a?” Na bara n abɔ i nu ka, “M koro ka a ma nɔɔ ka saɗga bo a bá diiri u femɛya ni, a má m ahin nbaa nnyɔm ni atin na bu nu kun tana u saa fɔmbɔrɔ su, na kun gusu tana u saa biɛ su.” ²² Na Yesu ase bu ka, “Am si má deke bo am susere i n ti a. Am kóro di wahara n bo m dí i ni?” Na ba bɔ i nu ka, “Ɛɛn, ya koro yo i kɛrɛ.” ²³ Na Yesu ase bu ka, “Nahɔɛ, am dí wahara n bo m dí i ni. Ama, mini la má atin bo m má am be tana m saa fɔmbɔrɔ su, na be tana m saa biɛ su. Ama, m Si Nyemɛ asese nyini tanaabiri n su, afa ase minɛm bo yiri ni i tii ayi bu n a.”

²⁴ Saɗga bo i susufɔ burum n ba tiiri kabo Zɛbedi nbaa nnyɔm n seeri Yesu ni, na ba fa yaa bu ɗu. ²⁵ Na Yesu afere bu kɛrɛ aba i bi, na wo se bu ka, “Am si tenle su ka minɛm bo bu su má Nyemɛ, na bu yo bu ɗu nkpienkpiɛnm ni, bɛrɛ miɛ bu minɛm a, na bu teretereɔm gusu kere kabo bu yiko ti barasu. ²⁶ Ama, i ti má ye ni ka amɛrɛ yo sɔ. Nzen sɔnɔ bo i koro ka i wura i ɗu kpiri am kɛrɛ nu, wo yo daka ka i mi yo i ɗu kaan, na i su am. ²⁷ Na bo i kaaki koro ka i yo am mɔfɔ, i ti ye ni ka i mi yo am kɛrɛ akɔɔ, ²⁸ kabo mini Adamande Wa n ni m tii aba má ka minɛm su m ni, ama, m baari ka m ba su minɛm wo, na m wu ma bu, na m de mine dɔɗgu tii ji.”

Kabo Yesu tuntuunri anyinsin nnyɔ nbem na bu ɗuuri asi ni

²⁹ Saɗga bo Yesu, ni i susufɔm ni sufite miɛ kpiri n bo bu fere i ka Yeriko ni, na jama beberebe asu bu su. ³⁰ Bu sukɔ ni, anyinsin nnyɔ nbem tana atin n nɔɔ su. Saɗga bo bu tiiri ka Yesu susin ni, na ba bo afere i, bu ɗa, “Ya Mibiɛ, Fɛmɛ Davidi anuma, si ya aɗunfɔ.” ³¹ Na jama n atien bu ɗu ka bu yaki nanɗmiɛ. Ama, na ba kaaki abo afere abuka su ka, “Ya Mibiɛ, Fɛmɛ Davidi anuma, si ya aɗunfɔ.” ³² Na Yesu aka ajina, na wo fere bu, na wo bisa bu ka, “Am koro ka m yo nzu ma am a?” ³³ Na ba bɔ i nu ka, “Ya Mibiɛ, ya koro ka a ma ya ɗu asi wo.” ³⁴ Na Yesu asi bu aɗunfɔ, na wo fa i saa akan bu nyumbaa ni, kpɛnga na ba ɗu asi, na ba su i su.

21

Kabo Yesu fuunri kaako wuraari Yerusalem ka femɛ dɛɛ su ni

¹ Bu kɔ ɗa bu dodo Yerusalem miɛ kpiri n nu, na bu ɗa bu wura miɛ n bo bu fere i ka Befage ni, nyini miɛ n dodo buka n bo bu fere i ka Oliva Buka n wo, dama oliva bakam gɔ su wo. Dɔ na Yesu asunma i susufɔm n nu nnyɔ, ² na wo se bu ka, “Am kɔ miɛ kaan n bo i wo am

nyunu do ni, am ko juuri, am nju ka kaako be minda, i wa jina i bi bere. Am nyanji i ni baa n kere bra. ³ Nzen be bisaari am ka nzu ti ye am sunyanji i a, am se i ka Mibie ni koro bu a, na i ma am kaaki fa bu ba kisa kisa.”

⁴ Ahin yoori so o, adena Nyeme noanie kanfo n noanie n bo i yo jooori i n yo yiiwa a, i na,

⁵ “Se Siyonfom ka,

Am nie, am fema ni suba n a.

Wo yo i nu taraka, i fun kaako wo.”

⁶ Na i susufom n ako ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu nu, na Yesu afun atana su.

⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu na,

“Hosana. Ya kansa Fema Davidi anuma ni.

Terefie wo yiri n bo i suba Miera n dea duma n nu n do.

Ya kansa Nyeme bo i wo angoro ni.”

¹⁰ Yesu ko wuraari Yerusalem ni, na mie n abo nu, na ba bisa ka, “Ye sono bono la ahin a?” ¹¹ Na jama n abo nu ka, “Ahin ti Yesu wo, Nyeme noanie kanfo n bo i fite Nazareti mie n bo i wo Galili awore n nu ni.”

Kabo Yesu foonri watafom fiteeri Nyeme Sereebiri Awuru n nu ni

¹² Na Yesu ako awura Nyeme Sereebiri Awuru n nu, na wo fon nenje tofom ni tofom kere afite awuru n nu, na wo kaaki nwaa kaakifom teebirim, ni tiwa tofom biem kere alanlanga. ¹³ Na wo se bu ka, “Ba kere i Nyeme Jore Kadasi n nu ka, Nyeme na o, ‘M awuru ni, bu ba fere i ka awuru bo bu ba sere Nyeme nu wo.’ Ama, ambere afa i yo awiefom fieebiri.”

¹⁴ Na anyinsinm, ni wobukam aba i do, Nyeme Sereebiri Awuru n nu, na wo ma bu anya laifie. ¹⁵ Sanja bo Nyeme sayoowa doguyofon nkpienkpienm, ni Nyeme noanie kerefom n juuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntuunri i ka, “Hosana. Ya kansa Fema Davidi anuma ni,” na yaa ati bu. ¹⁶ Nyini ti, na ba bisa Yesu ka, “A ti kabo nbaatumam n ase ni e?” Na Yesu abo bu nu ka, “Een, ma ti. Am nya kan ma kabo ba kere i Nyeme Jore Kadasi n nu n wo? Bo ba kere ka,

‘Woro Nyeme ye a kere nbaatumam, ni nbaatuma kan kanm,

kabo bu kansa u nahore su a.’”

¹⁷ Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

¹⁸ I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. ¹⁹ Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo nu ma pui su, se nyawa ngumi a. Do na wo se baka n ka, “Sin nyuma sin, woro su ma suuwa kun.” Dika n nu bere, na baka n akaba awu.

²⁰ Sanja bo i susufom n juuri nyini n so ni, na ba yo alekutura. Na ba bisa i ka, “Nzu ti ye baka n wuuri ndende so a?” ²¹ Na Yesu abo bu nu ka, “Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, ‘Yasu ko to tieku n

nu,' i yó sɔ ɔ. ²² Nzen am yoori yarada, deke kere bo am sere Nyeme ka am koro i, Nyeme yó i ma am."

Kabo bu bisaari Yesu deke bo i yiko n fite ni

²³ Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su sɔ n na Nyeme sayoowa dɔnguyofom, ni Yudafom nkpienkpienm aba i dɔ, na ba bisa i ka, "Nma dɛɛ yiko nu ye a yo nyini sam kere a? Nma ma u nyini yiko ni, ye a yo nyini sam n a?" ²⁴ Na Yesu abɔ bu nu, ase bu ka, "Am ma m du mɔ bisa am bisaawa kun be ka, na nzen am bɔɔri m nu, na m gusu nyá se am deke bo m yiko n fite. ²⁵ Nma maari Yohane atin ye i ba bieeri minem Nyeme nzue n a? Nyeme nzen adamande?" Na ba se akuruwa bu nju nu, kabo bu bɔ Yesu nu barasu. Bu ŋa, "Nzen ya se i ka Nyeme maari i atin a, i bisa ya ka ye nzu ti ye ya da má Yohane ŋu a? ²⁶ Ama, nzen ya seeri i ka adamande dɔ, ya soro sere ka jama ni yáki má ya. Má pui ti, dama sɔnɔ kere soroori su ka Yohane yo tiiri Nyeme nɔanie kanfɔ ɔ nahɔre su." ²⁷ Nyini ti, na ba bɔ i nu ka, "Ya si má." Na yiri gusu ase bu ka, "Mini mmɔɔ sé má am sɔnɔ bo i dɛɛ yiko nu na m yo ahin sam n kere ni."

Miɛnu fa kɔ sɔnɔ be ni i nbaa nnyɔ nbem su

²⁸ Na Yesu abisa bu ka, "Am sunsun ka ahin miɛnu bu la ka se wo lɛɛ? Sɔnɔ be yo woori bere a, i la nbaabiesom nnyɔ. Cɛɛn be na wo kɔ kpien n dɔ, akɔ ase i ka, 'M wa, kɔ baka suuwam fie n nu, na a kɔ yo juma nyuma.' ²⁹ Na baa n ase i ka, 'M kó má.' Ama, kasin, na baa n aba akaaki i sunsunni, na wo kɔ. ³⁰ Na wo kɔ nyinga n dɔ, akɔ ase i gusu. Na baa n ase i ka, 'Ma ti, m kó.' Ama, wo kɔ má. ³¹ Tɔ, bu mine nnyom n nu, nma yoori i si n sa koroowa?" Na ba bɔ i nu ka, "Baakpien ni." Dɔ na Yesu ase bu ka, "Nahore ye m suse am n a, lampodefom ni sakaram kere sufa Nyeme yo bu femɛ yaki am. ³² Dama ka, Yohane baari ka i bá kere am sa bo i kɔ atin su Nyeme dɔ ɔ, ama, am ayo má i yarada, na lampodefom ni sakaram, bere ayo i. Haari ni bo am ŋuuri kabo bu yoori yarada ni, am akaaki má am wo, na am yo i yarada."

Kabo Yesu boori miɛnu niiri Yudafom nkpienkpienm ni

³³ Na Yesu ase bu ka, "Am so am sui na am ti miɛnu n be bekun. Awurufɔbie be yo woori bere a, na wo dɔ i baka suuwa barasu be fie, na wo kanda abara aye fie ni. Na wo lokoti yabue bambaka be kunma, ka i sumiemie baka suuwam ni nzue gɔ nu. Na wo ta kpafiri lenlenge be ka bu tana su sunie fie n kere su, na wo nya afa fie n awura i npadifom saa nu. Na wo kɔ atin. ³⁴ Saŋga bo i siiri ka wo ka kaan na baka suuwam n bí ni, na wo sunma i akɔom i npadifom n dɔ ka bu kɔ de i dɛɛ bo ba nya i n bra. ³⁵ Akɔom n kɔ juuri ni, na ba bo bu nu kun, na ba kun nyinga, na ba tu nyinga n gusu yabue. ³⁶ Na sɔnɔ n asunma i akɔo nyingam bekun, bu sunnu tara ciciri dɛɛm ni, na npadifom n ayo bu kabo bu yoori ciciri su dɛɛm ni. ³⁷ Na kasin, na wo ba asunma i wa, na wo se ka, 'Bu má m wa n yiri jirima.' ³⁸ Ama, saŋga bo npadifom n ŋuuri ka baa ni suba ni, na ba se bu nju nu ka, 'I wa n bo i dí i aja n lɛɛ suba n a. Am bra na ya kun i na aja n kere ká ya dɛɛ.' ³⁹ Dɔ na ba tara i, na ba cin i atu baka suuwa fie n aheme, na ba kun i." ⁴⁰ Na Yesu anya abisa bu ka, "Am sunsun ka fie fɔ n ba baari, i yó nyini npadifom ni se wo?" ⁴¹ Na ba bɔ i nu ka, "I bá ma nyini mine

tiéfóm n kéré wu kenkesi yiwee wó, na i fá fie n wura npadifo fófórem saa nu, beré bo bu má i nya i dɛɛ baka suuwam, sanja bo bu ba biiri ni.”

⁴² Na Yesu ase bu ka, “Am nya kan má kabo ba kéré i Nyemé Jore Kadasi n nu ni, nzen sɛ? Bu ɲa,

‘Yabuɛ n bo bondo tafóm n faari i tuuri ni,

yiri ye wó kaaki bondo n jaa yabuɛm n kéré tii a.

Micera ni yoori i so a.

Ya ɲu i na wó yo ya alekutura.’ ”

⁴³ Na Yesu ase bu ka, “M suse am wó lɛɛ, ka, bu dé Nyemé femɛya n fite am dɔ, na bu fá ma minem bo bu bita i na i la kperɛ ni.” [⁴⁴ Na wó kaaki ase ka, “Sɔnɔ kéré bo i kpaasiiri ahin yabuɛ n su, i mi búbu nu wó mumuku, na sɔnɔ kéré gusu bo ahin yabuɛ n tɔɔri i ɲu, i sán i mi samɛnɛ wó.”]

⁴⁵ Nyemé sayoowa dɔnguyofóm, ni Farasifóm n tiiri miɛnu n bo Yesu boori i so ni, na ba fa nu ka i boori i niiri beré wó. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wó, dama bu kéré ɲa i ti Nyemé noanie kanfó ɔ.

22

Miɛnu fa kɔ konyaya di ni nu bambaka n su

¹ Na Yesu akaaki abo miɛnu be bekun, i ɲa, ² “Kabo Nyemé femɛya n ti yaa. Fɛmɛ be yo sɛsɛeri i wa konyaya di ni nu su fa seeri a. ³ Na wó sunma i akɔɔm ka bu kɔ fere minem bo wó du mɔ abaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wó kaaki asunma akɔɔ nyingam ka bu kɔ se beré n bo wó du mɔ abaandi bu n ka, ‘Am bra, dama ma yo m di ni nu n siriya kéré awie. Haari ma kun m tooram, ni nengendɔre bo bu la lui ni, ayo siriya kéré awie. Am bra na am ba konyaya di ni nu ni.’ ⁵ Ama, bu be mmɔɔ abo má bu nu. Na ba ka bu juma n yo su. Kun kɔɔri i fiesu wó, na nyinga gusu akɔ i juma yoobiri. ⁶ Na nyingam n atara i akɔɔm ni, na ba kere bu wuwuruwa, na ba kun bu. ⁷ Dɔ na yaa ati fɛmɛ n agaya, na wó sunma i sojam, na ba kɔ akun nyini mine kunfóm ni kéré, na ba yara bu miɛ ni. ⁸ Na wó fere i akɔɔm ni, na wó se bu ka, ‘Konyaya di ni nu n ayo siriya, ama, minem bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atingberem su, na am kɔ fere minem barasu kéré bo am ɲuuri bu ni, ka bu bra konyaya di ni nu ni.’ ¹⁰ Na akɔɔm n akɔ atingberem su, akɔ atien minem kéré bo bu kɔ ɲuuri bu n nɔɔ aba, mine kpam ni tiem kéré. Na konyaya awuru n ayi ni jama beberebe.

¹¹ Na fɛmɛ n akɔ, ka i kɔ niɛ jama ni, na wó ɲu ka sɔnɔ kun be wo jama n nu, i wura má konyaya sutura. ¹² Na fɛmɛ n abisa i ka, ‘M dɔn, a yo sɛ wurari awuru n nu fɛn, ye a wura má konyaya sutura a?’ Ama, sɔnɔ n akoro abo má i nu. ¹³ Na fɛmɛ n ase i ngbefenem ka, ‘Am tara i, na am cici i saam, ni i jaam nyama, na am fa i tu dasin dɔ, awosin n nu. Dɔ na i sún, na i kán i saa.’ ” ¹⁴ Na Yesu anya ase bu ka, “Minem bo Nyemé afere bu n sunnu, ama, bo wó yi bu n sunnu má.”

Kabo bu sɔɔri Yesu ɲgɛɛ lampo tɔ busu ni

¹⁵ Na Farasifóm n afite akɔ asɛɛ su kabo bu sɔ Yesu ɲgɛɛ, na bu nya i taraabiri fa kɔ i noanie jɔjɔowa su. ¹⁶ Na ba sunma bu susufóm, ni

Feme Herode minem Yesu do, na ba ko ase i ka, “Ya Kerefo, ya si ka a ti nahore sefo o, na a kere minem kabo Nyeme atin ti nahore su, na u cece wo ma kabo minem jojo nu, dama a nie ma sono jinaabiri ti. ¹⁷ To, a na se wo? Ya dee atin n su, atin wo nu ka ya to lampo ma Romafom Feme Kpiri Siza, nzen atin wo ma nu?” ¹⁸ Ama, na Yesu asi ka bu bita sunsunni tie wo, na wo se bu ka, “Amberε burukoonufom ni, nzu ti ye am sukoro ka am so m ηγεε a? ¹⁹ Am fa ηwaa n bo bu fa to lampo kaari n bra na m nie.” Na ba fa ηwaa n aba ama i, ²⁰ na wo de ηwaa n anie, na wo bisa bu ka, “Nma dee tii ni i duma wo ηwaa n su n a?” ²¹ Na ba bo i nu ka, “Feme Siza dee a.” Na Yesu ase bu ka, “To, deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme.” ²² Sanja bo bu tiiri ahin noanie n so ni, na ba mie, na ba ko ayaki i.

Kabo bu bisaari Yesu fa koori yiwee tenge jore su ni

²³ Nyini ceen n gbingbin na Sadusifo nbem aba Yesu do. Bu dee kereewa la ka Nyeme tenge ma minem bu yiwee n nu n a. Na ba ba abisa i jore be, bu ηa, ²⁴ “Ya Kerefo, Moyisi yo seeri ka, nzen sono wu yakiiri i yi, na i ni bara n anya ma baa, wo yo daka ka i niema n fa kunafom n na bu wu nbaam ma yiri n bo wo wu ni. ²⁵ To, sono be yo laari nbaabiesom nso wo, ya nu fen, na baakpien n aja bara, na wo wu ayaki bara ni, ba wu ma baa. ²⁶ So ye bo i to i su nnyo su, ni nsan su n yoori a, haari fa ko kpuraari nso su ni. ²⁷ Na bara n ni i tii aba aka sin awu. ²⁸ To, kabo bu mine nso n kere aja bara n na ba wu so ni, ceen bo Nyeme ba tenge minem bu yiwee n nu ni, bara ni ka ηma dee tenle su a?”

²⁹ Na Yesu abo bu nu ka, “Am amini atin. Dama am ti ma deke bo ba kere i Nyeme Jore Kadasi n nu n bu, na am kaaki si ma kabo Nyeme yiko n ti barasu. ³⁰ Dama sanja bo Nyeme ba tenge minem bu yiwee n nu ni, ajaa wo ma bere kun. Ama, nyini ceen ni, sono kere kaaki ka Nyeme merkem bo bu wo angoro n wo, dama bu ja ma ajaa kun. ³¹ Na fa ko kabo Nyeme ba tenge minem bu yiwee n nu barasu ni, am akan ma Nyeme Jore Kadasi n nu kabo i yo seeri am n wo, nzen se? I ηa, ³² ‘Mini ti Abraham, ni Izaki, ni Jakobu dee Nyeme n a.’” Na Yesu asa su ase bu ka, “To, kabo Nyeme ηa i ti nyini minem n dee Nyeme ni, nyini kere ka bu toko la ηgo leε, dama Nyeme ti ma bo ba wu n dee Nyeme, ama, i ti bo bu la ηgo ni dee Nyeme a.” ³³ Minem n tiiri i kereewa n so ni, na ba yo alekutura.

Nyeme noanie maawa n bo i tara bu kere n jore

³⁴ Sanja bo Farasifom tiiri ka Yesu ajojo ayi Sadusifom ni, na ba tien bu noo i do. ³⁵ Na bu nu kun be, bo i ti Nyeme noanie kerefo n abisa Yesu bisaawa be ka i so i ηγεε. I ηa, ³⁶ “Ya Kerefo, Nyeme noanie maawa n bo i wo i noanie kpamaawa n nu ni, bono tara bu kere a?” ³⁷ Na Yesu abo i nu ka, “Ba kere ka, ‘Koro Micera u Nyeme ni, ni u ahorembaa kun, ni u awiewie, ni u sunsunni kere.’ ³⁸ Ahin ti noanie maawa n bo i tara i kere a. ³⁹ Bo i to su nnyo su n ti ka nyini n wo. Ka o, ‘Koro u benggu kabo a koro u ηu ni.’ ⁴⁰ Kabo ba kere Nyeme noanie kpamaawam n kadasi n nu, ni Nyeme noanie kanfom n dee n nu ni, i kere jina ahin noanie maawa nnyom n su wo.”

Kristo Tiidefo n bo i ti Feme Davidi anuma n jore

41 Sanja bo Farasifo nbem ba tientienri bu nɔɔ ni, na Yesu abisa bu jɔre be fa kɔ Kristo Tiidefo n su. I ɲa, 42 “Am fa Kristo Tiidefo n bu ɲma a? Am sunsun ka i ti ɲma dɛɛ anuma a?” Na ba bɔ i nu ka, “I ti Feme Davidi anuma a.” 43 Na Yesu abisa bu ka, “Ye nzu ti ye Nyeme Awiewie n ba wurari Feme Davidi ɲu, ye i fereeri i ka i Mibie a? I ɲa,

44 ‘Na Micera n ase m Mibie n ka,

“Ba tana m saa fomboro su fen,

haari m bá má u kpɔfɔm kere ba kutu u jaa bu.” ’

45 Tɔ, nzen Feme Davidi mmɔɔ ni i tii yo fereeri Kristo n ka i Mibie, ye Kristo n yo se kaaki yo Feme Davidi anuma a?” 46 Be akoro anya má noanie be abo má i nu. Nyini ti, fite nyini cɛɛn n sin, be abo má su ka i bisa Yesu jɔre bekun.

23

Kabo Yesu ɲa mine si bu ɲu sa ni Yudafɔm tereterefo nbem ni

1 Na Yesu ajojo i susufɔm n ni jama n dɔ, na wɔ se bu ka, 2 “Nyeme noanie kerefɔm, ni Farasifɔm n ade Moyisi dɛɛ jinaabiri ni, ye bu kere minem Nyeme noanie kpamaawa n a. 3 Nyini ti, deke kere bo bu fa kere am ni, am soro i su, ama, má am yo sam bo bu yo bu ni, dama bere yo má sam bo bu kere ka minem yo bu ni. 4 Bu cici sɔɔri nɔnɔɔri sɔ minem wɔ, ama, bere ni bu tii soro má su ka bu fa bu saa kan i. 5 Deke kere bo bu yo i, bu koro ka minem ɲu bu wɔ, na bu kansu bu. Bu kere Nyeme noanie n wɔ, na bu yo i ka sebe, na bu fa cici bu ɲuma su, adena minem ɲu i. Na bu yo bu tanɛɛ nɔɔ njɔrem tintiin. 6 Nyini minem n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka diire diibirim ni, bu koro ka bu tana kpirikoro tanaabirim wɔ. 7 Bu koro ka minem suyo bu anse gɔɔsu wɔ, na bu ma bu jirima, na bu fere bu ka, ‘Ya Kerefo.’ 8 Ambere, má am ma be fere am ka ‘Ya Kerefo,’ dama am la kerefo kun n kpein wɔ. Ambere kere ti nibaam wɔ. 9 Má am fere be ka am si, durunya n nu fen, dama am la Si kun n kpein wɔ, yiri wo aɲgoro n a. 10 Má am ma be fere am ka i kpɛn, dama am kpɛn ti kun n kpein wɔ, yiri la Kristo Tiidefo ni. 11 Bo i ti am kere tii ni, wɔ yo daka ka yiri su am a. 12 Sɔnɔ kere bo i wura i ɲu kpɛri, Nyeme yó i mi kaan, na sɔnɔ kere bo i yo i ɲu kaan, Nyeme wúra i mi kpɛri.”

Kabo Yesu ɲa Yudafɔm tereterefo nbem bá ɲu anyumboro ni

13 Na Yesu akaaki ase ka, “Ambere Nyeme noanie kerefɔm, ni Farasifɔm n bo am ti burukɔɔnufɔm ni, am bá ɲu anyumboro. Am kanda minem wɔ, adena má bu su Nyeme femeya n atin su, dama ambere ni am tii kete ka am su má i atin n su, na am sukanda bo bu koro ka bu su i su ni. [14 Ambere Nyeme noanie kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am sisi nkunafɔm na am fin bu neɲgem wɔ, na am jina sere Nyeme ce, adena minem ɲu ka am ti mine kpam wɔ. Jina cɛɛn, ambere bá nya suicin tara minem kere.]

15 Ambere Nyeme noanie kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am kpɛ tiekum wɔ, na am kɔ miem bo bu waarim su, adena am nya sɔnɔ kun mmɔɔ bo i káaki i wo na i su am su, na sanja bo am nya nyaari i mi, am ma i satie yoowa tara am dɛɛ wɔ, adena yiri dú am mɔ kɔ cɛɛma sin nu.

16 Ambere bo am ti ka anyinsinm na am kere minem atin ni, am bá ñu anyumboro. Am ña nzen sɔnɔ taanri ndie fa kɔ Nyeme Sereebiri Awuru n dɔ, i ti má pui. Ama, nzen sɔnɔ kere bo i taanri sika nenngem n bo bu wo Nyeme Sereebiri Awuru n nu ni, i mi ma i ndie taanwa n yo yiiwa. 17 Ambere bo am ti ka anyinsin sinnzinm ni, bonɔ tara i beŋgu a? Sika nenngem ni, nzen Nyeme Sereebiri Awuru n bo yiri ma sika nenngem n yo casi n a? 18 Am kaaki ña, nzen sɔnɔ taanri Mikun n yoowa yoobiri ni, i ti má pui. Ama, nzen sɔnɔ taanri aceerim bo ba fa ase Mikun n yoowa yoobiri n su ni, wɔ yo daka ka i mi ma i ndie taanwa n yo yiiwa. 19 Ambere bo am ti ka anyinsinm ni, bonɔ tara i beŋgu a? Aceerim ni, nzen Mikun n yoowa yoobiri n bo i ma aceerim n yo casi n a? 20 Nyini dɛɛ ti, sɔnɔ kere bo i taanri Mikun n yoowa yoobiri ni, i mi atan i ni dekem kere bo bu wo su n wɔ lɛɛ. 21 Na sɔnɔ kere bo i taanri Nyeme Sereebiri Awuru ni, i mi atan i ni Nyeme bo i wo nu n wɔ lɛɛ. 22 Na nzen sɔnɔ kere bo i taanri aŋgoro ni, i mi atan Nyeme femeya bie n wɔ lɛɛ, ni yiri Nyeme bo i tana su ni.

23 Ambere Nyeme ñoanie kerefɔm, ni Farasifɔm n bo am ti burukɔnufɔm ni, am bá ñu anyumboro. Am yi am jakam ma Nyeme wɔ, haari ni am maakunm, ni ngetem, ni nvannvanm kere, ama, am yo má sam bo Nyeme ñoanie kpamaawa n kere ka am yo bu n na bu la anyunuyi tara bu kere ni. Bere la nahore sam, ni aŋunfo si, ni yaradayo. Wɔ yo daka ka na am yo nyini sam saŋga kere, na am fa jaka yiiwam buka su. 24 Ambere ti ka anyinsinm na am kere minem atin ni. Am kpokpo yi ñminsɛnm bo bu ti kan kanm n wɔ, am deke nuuwam nu, ama, na am saŋga nu nyɔɔmam bere, am deke nuuwam nu.

25 Ambere Nyeme ñoanie kerefɔm, ni Farasifɔm n bo am ti burukɔnufɔm ni, am bá ñu anyumboro. Am ñmisi am kɔpum ni taalem sin wɔ, ama, na bu kunnu ayi ni dekem bo am fin bu faŋga, ni anyii sayoowam wɔ. 26 Wɔrɔ Farasifo bo a ti ka anyinsin ni, du mɔ yo u kɔpu n kunnu casi ka, na i sin n gusu nyá yo casi.

27 Ambere Nyeme ñoanie kerefɔm, ni Farasifɔm n bo am ti burukɔnufɔm ni, am bá ñu anyumboro. Am ti ka faŋkunmam bo ba bo bu nzue fofoe kpakpari, na bu yo nyunyumi n wɔ, ama, bu kunnu yiri ayi ni fuin buwem wɔ, ni fin barasu kere. 28 Am ti sɔ ɔ lɛɛ. Am ma minem ñu am ka am ti minem bo bu yo sa bo i kɔ atin su Nyeme dɔ n wɔ, ama, am ahore su ayi ni burukɔnu, ni satiem wɔ.”

Kabo Yesu ña Nyeme bá cin Yudaɓɓom tereterefo nbem sui barasu ni

29 Na Yesu asa su ase ka, “Ambere Nyeme ñoanie kerefɔm, ni Farasifɔm n bo am ti burukɔnufɔm ni, am bá ñu anyumboro. Am yo faŋkunmam dɔŋgu fa ma Nyeme ñoanie kanfɔm wɔ, na am yo minem bo bu yo sa bo i kɔ atin su Nyeme dɔ n faŋkunmam nyunyumi. 30 Na am se ka, nzen má ambere yo woori bere, am nam saŋga ni, má am kun má Nyeme ñoanie kanfɔm n ni, kabo am nam yo woori bu ni. 31 Nyini ti, am asoro su ka am ti bere bo bu yo kuunri Nyeme ñoanie kanfɔm n dɛɛ busu nufɔm wɔ lɛɛ. 32 Tɔ, i ti ye ni ka am de am nam jinaabiri ni, na am yo bu satie yoowam n kɔ wie. 33 Ambere burukɔnufɔm bo am ti woom na am ti ka pumpuni nbaam ni, am yo se ye am koro ñmati fite nu, bo am wura má cɛɛma sin n nu a? 34 Nyini ti ye m súnma Nyeme ñoanie kanfɔm, ni mine alecirafɔm, ni kerefɔm am dɔ n a. Am

kún bu nbem, na am fá bu nbem sense baka jaanu n su, na am fín bu nbem ngbere, am tientienbunoo soom n nu, na am kó mie miem su na am kere bu wuwuruwa. ³⁵ Nyini dee ti, Nyeme cin amberε sui fa kó kabo am nam yo kuunri minem bo bu yo sa bo i kó atin su Nyeme do durunya n nu. Bu yo yoori so o fite sanja n bo bu kuunri soño be bo i yo sa bo i kó atin su Nyeme do n na bu fere i ka Abeli ni, fa ba juuri sanja n bo bu kuunri soño be bo bu fere i ka Zakariya, Berakaya wa ni. Yiri ye am kuunri i Nyeme Sereebiri Awuru n nu, Casi Kere Casi Soo n ni Mikun yoowa yoobiri n afien n a. ³⁶ Nahore ye m suse am n a, nyini n kere dee ti ye Nyeme bá cin amberε nyumafom sui n a.”

Kabo Yesu ahore saaki maari Yerusalemfom barasu ni

³⁷ Na Yesu abo awie ase ka, “Keto, keto, amberε Yerusalemfom. Amberε kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Sanja kere m koroori ka m tien am noo, na m fa m saa bara ye am, kabo ako tien i nbaam noo, i lanjpetε nu ni, ama, am soro má m su. ³⁸ Am nie fen, Nyeme yáki am nu ji, na am mie n ká ngbeen. ³⁹ M suse am wo lee, ka, fite kisa fa kó, am nú má m kun, má ka sanja bo am bá se ka, ‘Terefie wo yiri n bo i suba Micera n dee дума n nu n do.’”

24

Kabo Yesu seeri ka Nyeme Sereebiri Awuru ni bá bereki barasu ni

¹ Sanja bo Yesu fiteeri Nyeme Sereebiri Awuru n nu na i wo kó su ni, na i susufom n aba i do, aba ase i ka i nie kabo Nyeme sereebiri n ti barasu a. ² Na wo se bu ka, “M na am anju ahinm kere e? Nahore ye m suse am n a, yabue kun n kpein n mmoo bá nana má i bengu su. Bu bá bereki i kere go o lee.”

Kabo Yesu kere fa koori durunya n awieeri su dee jore ni

³ Sanja bo Yesu fun kó tanaari Oliva Buka n su ni, na i susufom n aba i do, bu ni yiri ngumi, na ba se i ka, “Ya Kerefó, se ya, sanja bono ye ahin sam kere bá yo a? Ye nzu deke bá kere ya ka sanja n adodo bo a bá bekun, na durunya n bá awieeri a?”

⁴ Na Yesu abo bu nu ka, “Am si am nu sa, na má am ma be dadaka am. ⁵ Dama mine dongu bá fa m дума ba, na bu sé ka, ‘Kristo Tiidfo n la mini wo.’ Na bu dadaka mine beberebe. ⁶ Sanja bo am bá ti aluwa nga fen, wara bu sukun lue do, má am ma am ahore saaki. Wo yo daka ka nyini sam n kere bá yo sin ka, ama, má am nie ka durunya n awieeri lee. ⁷ Daanfie daanfie bá kun lue ni bu bengum, na nfemem kún lue ni bu bengu nfemem. Na asien bá kpisi awore aworem nu, na ahoe to. ⁸ Nyini n kere bá yo kabo bara kutu ceen bumboori dee wahara n ti n wo.

⁹ Nyini sanja, na bu tara am ma yikofom na bu kére am wuwuruwa, na bu kún am. Mini dee ti, soño kere kpó am. ¹⁰ Nyini sanja n na mine dongu bá kete m na bu su má m kun, na bu to bu bengu, na bu kpó bu bengu. ¹¹ Na korefom dongu bo bu yo bu nu ka bere ti Nyeme noanie kanfom ni bá ba, na bu dadaka minem beberebe. ¹² Satiyo bá sunnu n dee ti, mine dongu koro bá kó i sin. ¹³ Ama, woro kere bo a mindi deeri nyini n kere ko juuri i awieeri, Nyeme dé u tii ji. ¹⁴ Na bu bá

kan ahin labari kpa n fa kɔ Nyeme femeya n jɔre su, kere durunya n nufɔm, na adamande kere ti i ka, na durunya n nya bá awieeri.”

Anyumbaa ciire sa n bo i bá n jɔre

¹⁵ Na Yesu akaaki ase bu ka, “Am bá ɲu anyumbaa ciire sa be bo Nyeme mmɔɔ kpɔ i n na Nyeme nɔanie kanfɔ Danieli yo jɔjɔri i jɔre ni, ka i jina sɔɔ casi n bo i wo Nyeme Sereebiri Awuru n nu ni. Ma sɔnɔ kere bo i kan ahin kadasi n ti i bu nyunyumi. ¹⁶ Nyini sanɲa ni, wɔrɔ kere bo a tiiri i ɲga na a wo Yudiya asien n su, ɲmati kɔ bukam n su. ¹⁷ Wɔrɔ kere bo a wo kpata nu, má a wura gisan nu fa pui. ¹⁸ Na wɔrɔ kere gusu bo a wo fiesu, má a kpie u nyi kɔ awuru kɔ fa u sutura be. ¹⁹ Nyini sanɲa ni yó kekereke agaya ma nyinsefɔm, ni nbaram bo bu nbaam toko nu ni. ²⁰ Am sere Nyeme ka má nyini sa n yó buke sanɲa, wara Yudaɔm ɲumiya cɛen ni. ²¹ Nyini sanɲa ni wahara bo mine dí i, i tára wahara kere bo ba di i asin ni, fite sanɲa n bo Nyeme yiiri durunya ni, haari ni kisa. Nahɔre, nyini wahara n ɲusu bá má kun. ²² Ama, Nyeme akpie nyini sanɲa n su. Nzen má wɔ kpie má i su, má sɔnɔ wo má bere bo i nya ɲgɔɔ, ama, i dɛe tienɲu minem bo wɔ yi bu n dɛe ti, ye wɔ kpie sanɲa n su a. ²³ Nyini sanɲa ni, na nzen be bá se am ka, ‘Am nie, Kristo Tiidefɔ ni wo fen n a,’ wara, ‘Am nie, yiri wo dɔ n a,’ má am de i mi nɔanie ni. ²⁴ Dama kɔrefɔ nbem bá ba, na bu yó bu ɲu ka bere ti Kristo n a, na nbem gusu yó bu ɲu ka bu ti Nyeme nɔanie kanfɔm wɔ. Bu yó alekutura sam beberebe fa kere am, na nzen bu koro nyaari atin, bu dádaka Nyeme dɛe minem mmɔɔ bo wɔ yi bu ni. ²⁵ Amberɛ, am ti fen, ma se am wɔ lɛe ka, na sanɲa n nyá ba ju.

²⁶ Na nzen be bá seeri am ka, ‘Am nie, Kristo ni wo boro kpantain n nu dɔ n a,’ má am kɔ dɔ. Wara, nzen be bá seeri am ka, ‘Yiri fie sɔrɔ dɔ n a,’ má am yo i mi yarada. ²⁷ Dama mini Adamande Wa n ba ni, i bá ti kabo nzue kpese na i ta bara ye deke kere n wɔ, fite wie afiiri fa kɔ ju wie atɔori n wɔ. ²⁸ Deke kere bo deke fuin nya wo, petem bara ye dɔ ɔ.”

Kabo Adamande Wa ni bá kaaki ba barasu ni

²⁹ Na Yesu akaaki ase bu ka, “Sanɲa bo nyini wahara n kere ba siinri, ‘Awosin káta wie n su,

na sara n gusu tá má bo minem ɲu i.

Na asarambaam fite angoro titi totɔ,

na angoro n kere kpísi.’

³⁰ Nyini sanɲa ni, na mine ɲú deke be angoro bo i kere ka mini Adamande Wa ni suba. Na minem bo bu wo durunya n nu n kere bó awie, na bu nyá ɲu ka mini Adamande Wa ni sufite angoro yinyinɲu n nu suje piɛpiɛu suba ni yiko bambaka ni. ³¹ Na bu tí ka awie be sukpara ni fanɲa su, na m nyá sunma Nyeme merékem durunya n awɔre n kere nu, na bu tien minem bo Nyeme ayi bu durunya n nu n kere nɔɔ.”

Kabo Yesu ɲa ya fa damba baka fa se nyaari barasu ni

³² Na Yesu akaaki ase ka, “Am fa damba baka n fa se nyaari. Sanɲa bo am ba ɲu ka i nyawa akpɔnkpɔn, na i sufieɛie fɔfɔre ni, am si ka dɔdɔri sanɲa adodo lɛe. ³³ Mini Adamande Wa n ba ni bá yo sɔ ɔ. Sanɲa bo am ba ɲu ka nyini sam kere bá suyo ni, am si tenle

su ka san̄ga n adodo læ, i cé má kun. ³⁴ Nahõre ye m suse am n a, ahin nyumafõm busu kere wú wie má ka, ye nyini sam kere bá yo a. ³⁵ An̄goro n ni asienḡu n kere bá la awieeri, ama, m dæe nõanie n yiri la má awieeri cæen be.”

Kabo Yesu seeri ka ya si ya ñu sa fa kò i ba n su ni

³⁶ Na Yesu akaaki ase ka, “Be si má san̄ga ni, wara cæen n bo m bá kp̄ie m nyi ba ni. Haari Nyeme merékem bo bu wo i dõ ni, ni mini bo m ti i wa ni mmõõ si má. Má ka ya Si Nyeme ñgumi si a. ³⁷ Mini Adamande Wa n ba san̄ga ni yó kabo sõnõ be bo bu fere i ka Nowa san̄ga na i yoori n wõ. ³⁸ San̄ga bo wõmbu n nya di má durunya n ni, sõnõ kere woori di ni nu su wõ, na nbaram ni nbiesõm suja bu bengum, fa kò juuri haari cæen n bo Nowa wuraari lee bambaka n nu ni. ³⁹ Minem ayo asi má sa bo i bá yo ni, haari cæen n bo wõmbu n ba diiri bu kere ni. I yó sõ õ, fa kò san̄ga n bo mini Adamande Wa ni bá ba ni. ⁴⁰ Nyini san̄ga ni, minẽ nnyõ bá wo juma yo su fiesu, na Nyeme má bu bá fa kun n kò yaki kun ni. ⁴¹ Na nbaram nnyõ wo ñgani saanbiri, na Nyeme má bu bá fa kun n kò yaki kun ni. ⁴² Tõ, nyini ti, má am fa am ñu ji na am daafi, dama am si má cæen n bo am Mibiẽ ni bá ni. ⁴³ Am si tenle su ka nzen má awurufõbie n si san̄ga bo awiefõ ni bá i dika na i bá wõ i, má i tana ñminda a, na awiefõ n koro ba wura má. ⁴⁴ Nyini ti, amberẽ gusu kpa am ñu san̄ga kere, dama mini Adamande Wa ni, m bá san̄ga bo am sunsun má ka m bá n wõ.”

Miẽnu fa kò akõõ nbem dabuñu n jõre

⁴⁵ Na Yesu akaaki ase ka, “Akõõ kp̄ien n bo i la dabuñu na i kaaki la alecira n la ñma a? Yiri la bo i mibiẽ n afa akõõ nyingam awura i saa nu ka i kpaaki diire nu ma bu, san̄ga bo i ti ye ni ka i ma bu ni. ⁴⁶ Nzen i mibiẽ n ba ñuuri ka i suyo i juma kabo i seeri ka i yo ni, terefie wo nyini akõõ n dõ. ⁴⁷ Nahõre ye m suse am n a, mibiẽ ni fá i aja kere wura nyini akõõ n saa nu wõ, na i nĩe i dika. ⁴⁸ Ama, nzen i ti akõõ tiefõ, i sũsun ka i mibiẽ ni kp̄ie má i nyi nde. ⁴⁹ A ñu ka i subo akõõ nyingam wõ, na i sudi, na i ní nzan nufõm sunu bo. ⁵⁰ Dõ, na i mibiẽ n ba kp̄ieeri i nyi baari cæen bo i sunsun má ka i bá, na i kaaki si má ba n san̄ga ni. ⁵¹ Nyini san̄ga n na i mibiẽ n cín i sui agaya, na i fá i bo burukõõnufõm n su. Dõ na i sún, na i kán i saa.”

25

Miẽnu fa kò nsunguru buru nbem jõre

¹ Na Yesu akaaki ase bu ka, “San̄ga bo mini Adamande Wa ni bá ba, na Nyeme Feme bá nĩe i minem su ni, i yó ka nsunguru buru nbem bo bu faari bu fitanam ka bu kò kpa konyafan atin n wõ. ² Bu minẽ nnu tiiri alecirafõm wõ, na nnu nyingam n ati sinnzinm. ³ Na sinnzinm n afa bu fitanam, ama, ba bita má ñguin nu, ⁴ na alecirafõm n bere afa ñguin abita nu. ⁵ Na ba kò añminda konyafan n ace, wõ ba má nde, na daafiri aba ati nsungurum ni, na ba daafi. ⁶ Na jinanjin san̄ga, na ba ti ka bu subo ndoori ka, ‘Konyafan ni suba o, am fite na ya kò kpa i atin.’ ⁷ Na nsunguru burum kere ayasu, ayo bu fitanam dõngu. ⁸ Na sinnzinm n ase alecirafõm ni ka, ‘Am bu am ñguin n be ma ya, ya fitanam ni sunõ.’ ⁹ Na alecirafõm n ase bu ka, ‘Aĩ, ya ñguin ni koro ju má ya ni amberẽ kere. Am kò ñguin tõfõm dõ, na am kò to.’ ¹⁰ Na

nsunguru sinnzinm n akɔ ka bu kɔ to ŋguin ni. Bu kɔ wieweri ni, na konyafan n aju. Na nsunguru nnum bo ba kpa bu ŋu ni, asu i su, awura konyaya awuru n nu. Na ba tu anɔ ni. ¹¹ Kasin, na nsunguru nyinŋam bo bu kɔɔri ŋguin to ni, aba ajina anɔ n nu, abo afere i ka, ‘Ya mibie, ya mibie, teke anɔ n ma ya na ya wura.’ ¹² Na konyafan n ase bu ka, ‘Ai, nahɔre ye m suse am n a, m si má am cɛen be cɛen be.’” ¹³ Na Yesu ase i susufɔm n ka, “Tɔ, nyini ti, má am fa am ŋu ji na am daafi, dama am si má cɛen n bo m bá ni.”

Miɛenu fa kɔ akɔɔ nsan nbem dabuŋu n jɔre

¹⁴ Na Yesu ase bu ka, “Sanŋa bo m bá ba ni, i yó kabo sɔnɔ be suko atin, na i fereeri i akɔɔm, na i faari i nenŋe kere wuraari bu saa nu, ka bu nie i dika n wɔ. ¹⁵ Na wɔ fa ŋwaa akpaaki bu kere nu, kabo bu koro bita i barasu. I faari ŋwaa n busu nnu maari kun wɔ, na wɔ fa busu nnyɔ n ama kun gusu, na wɔ nya afa busu kun n ama nyinga ni. Na wɔ kɔ atin ni. ¹⁶ Na bo i maari i busu nnu ni afa abo wata bu, na wɔ nya i ŋusu nnu abuka su. ¹⁷ Na bo i maari i busu nnyɔ n gusu ayo sɔ, na wɔ nya i ŋusu nnyɔ abuka su. ¹⁸ Ama, bo i maari i seseewa kun ni kɔ funduuri kunma wɔ, na wɔ fa i dɛɛ ŋwaa n awura nu, na wɔ kata su. ¹⁹ Na bu mibie n akɔ ace dɔ, haari na wɔ ba aba ka i ba nie kabo bu bita i ŋwaa n barasu ni. ²⁰ Na bo i maari i busu nnu n afa i dɛɛ ŋwaa aba, na wɔ se i mibie n ka, ‘M mibie, nie. A maari m ŋwaa n busu nnu wɔ, ama, ma nya i ŋusu nnu abuka su.’ ²¹ Na i mibie n ase i ka, ‘Nfan. Wɔrɔ akɔɔ kpa bo a la dabuŋu ni, kabo a kere ka a la dabuŋu nie deke kaan su ni, m fá dɔŋgu n mmɔɔ wura u saa nu na a nie i dika. Bra na a ba nya ahorejɔ n bo ma nya i n be.’ ²² Na bo i maari i busu nnyɔ n gusu aba ase i mibie n ka, ‘M mibie, nie. A maari m ŋwaa n busu nnyɔ ɔ, ama, ma nya i ŋusu nnyɔ abuka su.’ ²³ Na i mibie n ase i ka, ‘Nfan. Wɔrɔ akɔɔ kpa bo a la dabuŋu ni, kabo a kere ka a la dabuŋu nie deke kaan su ni, m fá dɔŋgu n mmɔɔ wura u saa nu na a nie i dika. Bra na a ba nya ahorejɔ n bo ma nya i n be.’ ²⁴ Kasin, na bo i maari i seseewa kun ni aba, na wɔ se ka, ‘M mibie, m si u sa ka a ti sɔnɔ fangfaɔ ɔ. Deke bo a dɔ má i ni, a kpie nyini wɔ. Na deke bo a bobo má i ni, a tientien nyini nɔɔ a. ²⁵ Nyini ti ye sere tiiri m a, na ma fundu kunma afa u ŋwaa n afie i nu. Yiri yaa, de u deke.’ ²⁶ Na i mibie n akaaki ase i ka, ‘Wɔrɔ akɔɔ tie nviɛyafɔ ni, a si tenle su ka deke bo ma dɔ má i ni, m kpie nyini wɔ, na deke bo ma bobo má i ni, m tientien nyini nɔɔ a. ²⁷ Tɔ, má a si ka i ti sɔ ni, má wɔ yo daka ka a fa m ŋwaa n kɔ seeri banƙifɔm dɔ, na má m ba kpieri m nyi baari, má m de m de m de m nya kperɛ buka su.’ ²⁸ Dɔ na mibie n ase i minem ka, ‘Tɔ, am de ŋwaa ni i dɔ kisa kisa, na am fa ma akɔɔ n bo i bita ŋwaa n busu buru ni. ²⁹ Dama sɔnɔ kere bo wɔ nya deke na i mi si i bita, bu má i buka su wɔ, na i nyá beberebe, ama, bo i si má i bita, haari ni nyini kaan n bo i la i ni, bu cín de i dɔ ɔ. ³⁰ Ama, m ahin akɔɔ ŋgbɛen ni, am fa i tu awosin n nu, deke bo i sún, na i kán i saa.’”

Kabo Yesu bá di minem jɔre barasu ni

³¹ Na Yesu akaaki ase ka, “Sanŋa bo mini Adamande Wa ni bá baari ni m jirima woowa n nu ni, ni Nyeme merekem kere ni, m bá tana m jirima femeya bie n su. ³² Na durunya n nu minem kere bá tien bu

nɔɔ m nyunu, na m kpáaki bu nu, busu nnyɔ, kabo bɔesasafo kpaaki yi nbɔem ni sirim nu barasu ni. ³³ Na m má m dɛɛ minem bo bu ti ka nbɔem ni jina m saa fɔmbɔɔ su, na m má bo ba ka na bu ti ka sirim ni jina m saa biɛ su. ³⁴ Na mini femɛ n sé bo bu wo m saa fɔmbɔɔ su n ka, ‘Ambere bo m Si Nyeme ayo am kisi ni, am bra na am ba de femeya n bo wɔ sɛsɛ i su ase ama am, fite durunya n bumboori kere ni. ³⁵ Deke bo i ti na m se am sɔ n la ka, ahɔɛ yo tiiri m, na am ama m diire. Nzuehɔɛ yo tiiri m, na am ama m nzue. M yo baari am dɔ ka wɔfo, na am ade m. ³⁶ M yo kaari m bu ngbɛɛn, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am akɔ anie m busu.’ ³⁷ Dɔ na m minem bo bu yo sa bo i kɔ atin su ni nyá bɔ m nu ka, ‘Ya Mibiɛ, sanɔa bɔnɔ ye ya nyuuri ka ahɔɛ ati u, ye ya maari u diire a, wara nzuehɔɛ ati u, ye ya maari u nzue a?’ ³⁸ Sanɔa bɔnɔ tenle su, ye a baari ya dɔ ka wɔfo, ye ya deeru u a, wara sanɔa bɔnɔ ye a kaari u bu ngbɛɛn, ye ya maari u sutura a?’ ³⁹ Sanɔa bɔnɔ ye ya nyuuri ka a daari tukpaki, wara sanɔa bɔnɔ ye bu nyiiri u dansaraka, ye ya kɔ nieeri u busu a?’ ⁴⁰ Dɔ na m nyá bɔ bu nu ka, ‘Nahɔɛ ye m suse am n a, sanɔa kere bo am yo yoori sakpa fa maari m ahin ninbaa kan kanm ni kun, am yo maari mini wɔ lɛɛ.’ ⁴¹ Na m nyá se bo bu wo m saa biɛ su n ka, ‘Ambere bo m Si Nyeme ayo am ngbɛɛn na wɔ fa nɔɔ tie ase am nyu ni, am fa cinsi m bi bere na am kɔ wura sin n bo i nɔ má n nu, nyini sin n ye ba tɔɔ i afa ase Sitana ni i dɛɛ merɛkem n a. ⁴² Deke bo i ti na m se am sɔ n la ka, ahɔɛ yo tiiri m, ama, am ama má m diire. Nzuehɔɛ yo tiiri m, ama, am ama má m nzue. ⁴³ M yo baari am dika, ama, am ade má m wɔfo. M yo kaari m bu ngbɛɛn, ama, am ama má m sutura. M yo daari tukpaki, wara m yo woori dansaraka nu, ama, am akɔ anie má m busu.’ ⁴⁴ Dɔ na bere bo bu wo m saa biɛ su ni nyá bɔ m nu ka, ‘Ya Mibiɛ, sanɔa bɔnɔ ye ya nyuuri u ka ahɔɛ ati u, wara nzuehɔɛ ati u, wara a baari ya wɔfo, wara a kaari u bu ngbɛɛn, wara a daari tukpaki, wara a woori dansaraka, ye ya buka má u a?’ ⁴⁵ Na m nyá kaaki se bu ka, ‘Nahɔɛ ye m suse am n a, sanɔa kere bo am ayo má sakpa, ama má m ahin ninbaa kan kanm ni kun, am ayo ama má mini wɔ lɛɛ.’ ⁴⁶ Na nyinim bere kó wo suicin n bo i la má awieeri n nu. Ama, na bo bu yo sa bo i kɔ atin su Nyeme dɔ ni, bere kó wo ngɔɔ bo i la má awieeri n nu.”

26

Kabo bu sɛsɛeri su ka bu tára Yesu ni

¹ Sanɔa bo Yesu kereeri nyini kereewam kere wieeri ni, na wɔ se i susufɔm ni ka, ² “Am si ka wɔ ka lennyɔ ɔ, na bu di Butara cɛɛnkpiri ni. Dɔ ye bu nyá mini Adamande Wa n taraabiri a, na bu kpáma m baka jaanu n su.”

³ Dɔ na Nyeme sayoowa dɔnguyofɔ nkpienkpienm ni, ni Yudafɔm nkpienkpienm n atien bu nɔɔ bu kpien n dika, bu fere i ka Kayafasi, yiri ti Nyeme sayoowa dɔnguyofɔm kere kpien a, ⁴ na ba fa sɛsesu ka bu tara Yesu asiri nu na bu kun i. ⁵ Na ba se bu nyuɔ nu ka, “Má am ma ya yo i cɛɛnkpiri n sanɔa. Má nyini, minem ni kéte yo nanɔmie wɔ, na bu sutientien.”

Kabo bara be faari tulaalɛ gɔɔri Yesu tii su ni

⁶ Yesu woori Betani miƛe n nu wɔ, sɔnɔ be dika, bu fere i ka Simon, i yo ti kokofɔ ɔ. ⁷ Saŋga bo Yesu wo diire di su ni, na bara be aba i dɔ, ni tulaaleƛe tuwa nvanvani bo i la gɔ agaya. Na wɔ teke tulaaleƛe tuwa n nɔɔ, na wɔ kaaki tulaaleƛe n kere ago Yesu tii su. ⁸ Yesu susufɔm ni ŋuuri i sɔ ni, na yaa ati bu agaya, na ba bisa bu ŋuŋu nu ka, “Nzu ti ye wɔ saaki i sɔ a?” ⁹ Má ya tɔɔri nyini tulaaleƛe ni, má ya nyá ŋwaa beberebe, na má ya fá nyini ŋwaa n ma yaarifɔm.” ¹⁰ Na Yesu asi sunsunni bo bu bita i, na wɔ se bu ka, “Nzu ti ye am sukan bara ni ndie a? Sakpa lee ye wɔ yo ama m n a. ¹¹ Am ni yaarifɔm ni wo bere saŋga kere a, ama, mini, m wó má am dɔ saŋga kere. ¹² Tulaaleƛe n bo wɔ kaaki ago m ŋu ni, i kere ka i nzee bo wɔ fa ayo m siriya afa aŋminda m yiwee cɛen lee. ¹³ Nahɔre ye m suse am n a, deke kere bo bu bá kaanri Nyeme labari kpa n durunya n kere nu, bu kán i sayoowa n na minem tenje i su.”

Kabo Yudasi seseeri su ka i tó Yesu ni

¹⁴ Na Yesu susufɔ buru ni nnyɔm nu kun bo bu fere i ka Yudasi Isikariyoti ni, akɔ Nyeme sayoowa dɔnguyofɔ nkpienkpienm ni dɔ, ¹⁵ akɔ abisa bu ka, “Nzen m tɔɔri Yesu maari am, am má m nzu wɔ?” Na ba kan jete ŋwaa aburasan, afa ama i. ¹⁶ Fite nyini cɛen n na Yudasi akpini atin kabo i yó na bu nya Yesu taraabiri.

Kabo Yesu ni i susufɔm diire cɛenkpiri diire ni

¹⁷ Na cɛenkpiri n bo bu di i ni kpɔnɔ bo bu gɔ má ayiri nu na i yasu ni, i lekun cɛen, na Yesu susufɔm n aba i dɔ, aba abisa ka, “A koro ka ya kɔ ni kɔ sese Butara cɛenkpiri n diire n su se a?” ¹⁸ Na wɔ se bu ka, “Am kɔ miƛe n kunnu, sɔnɔ be wo dɔ, na am kɔ se i ka, ‘Ya Kerefɔ n ŋa ɔ, i saŋga n aju. Na i ni i susufɔm ni bá di Butara cɛenkpiri diire ni, u dika n nu.’” ¹⁹ Na Yesu susufɔm n akɔ ayo kabo i seeri bu ni, na ba sese Butara cɛenkpiri n diire n su.

²⁰ Na naasɔ saŋga, na Yesu ni i susufɔ buru ni nnyɔm n aba atana ka bu di diire ni. ²¹ Saŋga bo bu tana wo diire n di su ni, na Yesu ase bu ka, “Nahɔre ye m suse am n a, am nu kun bá tɔ m ma m kpɔfɔm a.” ²² Na bu ahore asaaki, na bu kun kun n kere abisa i ka, “M Mibie, ye m ŋa má mini yiri e?” ²³ Na Yesu abɔ bu nu ka, “Am nu kun bo m ni yiri saŋga fa ya saa wura taale kun nu ni, yiri tó m a. ²⁴ Mini Adamande Wa ni wú kabo ba kere i Nyeme Jɔre Kadasi n nu ase ka m wú n wɔ, ama, sɔnɔ n bo i tɔ mini Adamande Wa n ni, i mi bá ŋu anyumboro. Má ba wu má i mi n mmɔɔ, má i ti ye.” ²⁵ Na Yudasi bo i tó Yesu n abisa i ka, “Ya Kerefɔ, m ŋa má mini yiri e?” Na Yesu abɔ i nu ka, “Kabo a jɔjɔri ni, i ti sɔ ɔ.”

Ya Mibie kasin diire n jɔre

²⁶ Saŋga bo Yesu ni i susufɔm ni wo diire n di su ni, na Yesu afa kpɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, “Am de ahin kpɔnɔ n na am di, i ti m ŋuniembaa a.” ²⁷ Na wɔ kaaki afa awa ni nzan, na wɔ da Nyeme asi, na wɔ fa ama bu, na wɔ se bu ka, “Am kere nu be. ²⁸ Ahin nzan n ti m mbunja a lee, ye m sufa ma am n a. M mbunja n deƛe ti, ye Nyeme sufa sesesu na i di i di n a. Minem dɔngu satie deƛe ti, ye m mbunja ni songi gɔ a, na Nyeme fa bu satie ce bu.” ²⁹ Na wɔ kaaki ase bu ka, “M suse am wɔ lee, ka, m

nú má ahin nzan bekun, má ka cɛɛn be bo m ni ambere bá sanɔa nu i fɔfɔre, m Si Nyeme femeya n nu ni.”

³⁰ Nyini sin na ba di jue akansi Nyeme, na ba fite akɔ Oliva Buka n su.

Kabo Yesu seeri i susufɔm n ka bu bá ηmati yaki i ni

³¹ Dɔ na Yesu ase i susufɔm ni ka, “Nyuma dɛɛ kɔŋɔue n nu, am kere ηmáti yaki m, dama ba kere i Nyeme Jɔre Kadasi n nu ka, Nyeme ηa, ‘M bó kun bɔɛsasafɔ ni, na nbɔɛm bá sandi.’”

³² Ama, m bá tengeeri m yiwee n nu, m dú am mɔ kɔ Galili awɔre n nu.” ³³ Na Petoro ase i ka, “Nzen ahinm kere ηmati yakiiri u, mini ηmáti yaki má u da.” ³⁴ Na Yesu ase Petoro ka, “Nahɔre ye m suse u n a, nyuma kɔŋɔue n nu, kana akɔnyuma bá bo, a kete kpe nsan ka a si má m.” ³⁵ Na Petoro akaaki ase i ka, “Mini sé má sɔ da. Nzen haari wɔ yo daka ka mini ni wɔrɔ kere sanɔa wú mmɔɔ, ηka ya wú wɔ.” Na i susufɔm n kere ase sɔ.

Kabo Yesu jeke tiiri na i kɔ sereeri Nyeme ni

³⁶ Na Yesu ni i susufɔm n ayasu akɔ aju awɔre be bo bu fere i ka Gesemane ni, na Yesu ase i susufɔm ni ka, “Am tana fen ηminda m, na m kó dɔ kɔ sere Nyeme.” ³⁷ Na wɔ fa Petoro ni Zebedi nbaa nnyɔm ni, na ba kɔ mɔ kaan. Bu kɔ juuri dɔ, na ahoresaaki aba i dɔ agaya, na i jeke ati. ³⁸ Na wɔ se bu ka, “Ahoresaaki aba m dɔ agaya, i yo m ka m wu wɔ mmɔɔ. Am wɔ fen na am ηminda m. Má am daafi.” ³⁹ Na wɔ kɔ dede kaan, na wɔ butu i kunnu su. Na wɔ sere Nyeme, i ηa, “M Si Nyeme, nzen má a soro su, yi m fite ahin anyumboro n bo i suba m dɔ n nu. Haari ni nyini mmɔɔ, má a yo kabo m koro ni, ama, yo kabo a koro ni.”

⁴⁰ I sere Nyeme wieeri ni, na wɔ kpɛ i nyi akɔ aɔu ka i susufɔ nsanm ni wɔ daafiri su. Na wɔ bisa Petoro ka, “Nzu ti ye am mine nsan n kere be mmɔɔ koro kpɛ má daafiri haari kaan sɔ mmɔɔ a?” ⁴¹ Na wɔ kaaki ase bu ka, “Am kpɛ daafiri, na am sere Nyeme adena má deke be yo am na am wura satie nu. Ahorembaa n koro nyemesu, ama, aɔuniembaa n ayɔrɔki.”

⁴² Na wɔ kaaki akɔ asere Nyeme bekun, i ηa, “M Si Nyeme, nzen i ti u dɛɛ koroyanu ka m fite má ahin anyumboro n bo i suba m dɔ n nu, ma u dɛɛ koroowa n yo.” ⁴³ Na wɔ kpɛ i nyi aba i susufɔm n dɔ, na wɔ ba aɔu ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wɔ kɔ asere Nyeme kpe nsan su, ni nyini nɔaniɛ jɔjɔɔwa kun bo i du mɔ jɔjɔɔri i ni. ⁴⁵ Nyini sin, na wɔ kpɛ i nyi aba i susufɔm n dɔ, aba aɔu ka bu toko wɔ daafiri su, na wɔ se bu ka, “Am toko daafi yi am ηumi wɔ? Am niɛ, sanɔa n aju, wɔ tɔ mini Adamande Wa ni ama satieyofɔm. ⁴⁶ Am niɛ, sɔnɔ n bo wɔ tɔ m lɛɛ. Am yasu na ya kɔ.”

Kabo bu taraari Yesu barasu ni

⁴⁷ Na sanɔa bo Yesu toko wɔ jɔjɔɔri su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni kɔrɔmam. Nyeme sayoowa dɔŋɔguyofɔm, ni Yudafofɔm nkpienkpienm ni sunmaari bu a. ⁴⁸ Na Yudasi bo i tɔɔri Yesu ni akere jama n nyaari su kabo bu si Yesu na bu tara i. I ηa, “Sɔnɔ n bo m kó biti i ni, yiri lɛɛ. Am tara i.” ⁴⁹ Sanɔa bo bu kɔ juuri deke bo Yesu wo ni, na Yudasi

akaba ako i do, na wo se i ka, “Ya Kerefɔ.” Na wo biti i, na wo yo i anse.
⁵⁰ Na Yesu ase i ka, “M don, yo deke n bo a koro ka a yo i ni ndende.”
 Na minem n aba atara Yesu, na ba bita i kenken. ⁵¹ Na Yesu susufom
 n nu kun acin aworo i takobe, na wo kpie sono be sui, nyini sono n ti
 Nyeme sayoowa donguyofom kpien n akoo o. ⁵² Na Yesu ase i ka, “Fa
 u takobe n kaaki wura i bue nu. Dama minem kere bo bu fa takobe
 yo juma ni, bere gusu ba wu ni takobe wo. ⁵³ A si ma ka nzen ma m
 sereeri m Si Nyeme, i sunma i merkem asese asese buru ni nnyo, na
 bu ba buka m kisa kisa bere? ⁵⁴ Ama, nzen m nya yoori so, kabo ba
 kere i Nyeme Jore Kadasi n nu ka wo yo daka ka i yo so ni, i yo se ye i
 ba yo yiiwa?”

⁵⁵ Na Yesu abisa jama n ka, “M ti finfo o, ye am fa takobem ni
 koromam na am ba tara m a? Ceen kere ceen m ni amberɛ wo Nyeme
 Sereebiri Awuru n nu a, ye m kere minem a, ama, am atara ma m.
⁵⁶ Ama, ahin kere yo so, adena kabo Nyeme noanie kanfom akere i
 Nyeme Jore Kadasi n nu n yo yiiwa a.” Do na i susufom n kere anmati
 ayaki i.

Kabo bu fa Yesu koori jore diibiri ni

⁵⁷ Na bo bu taraari Yesu n afa i ako Kayafasi do, yiri ti Nyeme sa-
 yoowa donguyofom kpien n a. I dika n nu ye Nyeme noanie kerefom
 ni, ni Yudafo nkprienkpienm n tieenri bu noo a. ⁵⁸ Na Petoro asu
 Yesu su, i woori dede kaan ni yiri, haari i ko wuraari Nyeme sayoowa
 donguyofom kpien n dika gisan nu. I wuraari gisan n nu ni, na wo ko
 asanga atana tintinjinafom nu, adena i nu sa n bo i yo n awieeri. ⁵⁹ Na
 Nyeme sayoowa donguyofom nkprienkpienm ni, ni Yudafo tereterefo m
 n kere anienie minem bo bu ba di kore daani fa ko ngasi bo Yesu ado i
 ni, adena bu nya i taraabiri na bu kun i. ⁶⁰ Haari ni bo mine beberebe
 fite jina diiri kore daani n kere, ba nya ma jore bo bu fa kpie so i. Kasin
 na mine nnyo nbem ayasu ajina, ⁶¹ na ba se ka, “Ahin sono n na yiri
 koro fufu Nyeme Sereebiri Awuru ni, na i kaaki ta i lesan afien.” ⁶² Na
 Nyeme sayoowa donguyofom kpien n ayasu ajina, na wo bisa Yesu ka,
 “A la ma bonu be fa ko ahin jore n bo minem ni akpie aso u n su?”
⁶³ Ama, na Yesu amo i noo. Na Nyeme sayoowa donguyofom kpien n
 ajojo i do bekun, i na, “Kisa, m koro ka a tan Nyeme bo i wo bere sangga
 kere ni. Nzen woro ti Nyeme Wa n bo i ti Kristo Tiidefo ni, se ya.” ⁶⁴ Na
 Yesu abo i nu ka, “Kabo a jojori ni, i ti so o. Ama, m suse am kere wo
 lee ka,

‘Fite nyuma fa ko, am ba nu mini Adamande Wa ni

ka m tana Nyeme Yikofa n saa fomboro su,
 na am nu ka m fite angoro yinyingu n nu suba.’ ”

⁶⁵ Yesu bo nu so wieeri ni, na Nyeme sayoowa donguyofom kpien n
 ason i tanlee. Na wo se ka, “Wo jojo awura Nyeme ngasi nu. Ya koro
 ma daanifo bekun. Amberɛ mmoo ti kabo wo jojo awura Nyeme ngasi
 n nu e. ⁶⁶ Ye am na se wo?” Na bu kere ase ka, “Wo kan ciire jore lee,
 wo yo daka ka i wu.”

⁶⁷ Na ba yi nanzue ago Yesu nyunuawa nu, na ba bo i, na ba bo i
 nyoonu, ⁶⁸ na ba se i ka, “Woro Kristo Tiidefo ni, nma bo u a? Kan
 kere ya.”

Kabo Petoro keteeri ka i si ma Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wo se Petoro ka, “Woro mmoo yo woori nyini Yesu Galilifo n do o.” ⁷⁰ Ama, na Petoro akete bu kere nyunu ase ka, “Ai, m si ma nyini jore n bo a sujojo i ni mmoo.” ⁷¹ Na Petoro afite ako gisan n ano n nu, na afani nyinga be aba anu i, na wo se minem bo bu jina bere n ka, “Ahin sono ni mmoo yo woori Yesu Nazaretifo n do o.” ⁷² Na Petoro akete bekun, na wo tan ndie, i na, “Mini si ma nyini sono ni mmoo.” ⁷³ Wo ce ma na minem n bo bu jina bere n gusu ase Petoro ka, “Nahore, a ti bu kun wo, dama u jooowa ni kere so a.” ⁷⁴ Na Petoro atan ndie afa i saa awura sin nu, i na, “M si ma nyini sono ni.” Kpenga na akonyuma abo. ⁷⁵ Na Petoro atenge su kabo Yesu seeri i ni, i na “Kana akonyuma ba bo, a kete kpe nsan su ka a si ma m.” Na wo fite ako asun agaya.

27

Kabo bu faari Yesu ko jinaari Gomina Pilato nyunu ni

¹ Na alecin sangha na Nyeme sayoowa danguyofa nkpienkpienm, ni Yudafom nkpienkpienm n atana asese su kabo bu yo barasu na bu kun i. ² Na ba wura i joroko, na ba fa i ako ama Pilato bo i ti Romafom gomina ni.

Kabo Yudasi kuunri i nu ni

³ Sangha bo Yudasi bo i toori Yesu n tiiri ka ba ma noo ka bu kun Yesu ni, na wo yo m si n so, na wo kaaki aworo jete nwaa aburasan n aba ama Nyeme sayoowa danguyofa nkpienkpienm, ni Yudafom nkpienkpienm ni. ⁴ Na wo se bu ka, “Ma yo satie kabo ma to sono bo i la ma ngasi be na bu kun i ni.” Na ba se i ka, “Ya cee bone wo nyini nu a? U dee jore lee.” ⁵ Na Yudasi afa nwaa n atu Nyeme Sereebiri Awuru n nu, na wo fite ako awura i kom nyama akun i nu.

⁶ Na Nyeme sayoowa danguyofa nkpienkpienm n afa nwaa ni, na ba se ka, “Ahin nwaa n ti mbunja yiiwa nwaa a. Nyeme noanie kpamaawa n kere ka ma be fa i nusu fa sangha Nyeme Sereebiri Awuru dee nwaa n nu.” ⁷ Na ba yo anose, afa nwaa n ato asien be, bo bu fere i ka yakati tafa juma yoobiri ni, ka bu fa yo wofom seebiri. ⁸ Nyini ti ye bu fere nyini asien n ka Mbunja Asien, haari ni nyuma so n a. ⁹ Do na noanie n bo Nyeme noanie kanfo Jeremiya yo jooori n ayo yiiwa, i na, “Ba fa jete nwaa aburasan n bo Yisarelifom kere soroori su ka bu to i kaari, sono n dee ti ni, ¹⁰ na ba fa nwaa n ato yakati tafa juma yoobiri, kabo Micera n seeri m ka bu yo lee.”

Kabo Gomina Pilato bisaari Yesu jore ni

¹¹ Na ba fa Yesu ako ajina Gomina Pilato n nyunu, na wo bisa Yesu ka, “Woro ti Yudafom feme n a?” Na wo bo i nu ka, “Kabo a jojo ni, i ti so o.” ¹² Na Nyeme sayoowa danguyofa nkpienkpienm, ni Yudafom nkpienkpienm akpie jore aso Yesu, ama, wo bo ma be nu. ¹³ Na Gomina Pilato abisa i ka, “A ti ma jore n kere bo ba kpie aso u ni?” ¹⁴ Ama, Yesu abo ma jore n haari kun be mmoo nu, na gomina n abirisi agaya kabo wo bo ma nu ni.

Kabo Gomina Pilato maari noo ka bu kun Yesu ni

¹⁵ Afo kere afo, Butara ceenkpiri n nya ba ju, Romafom gomina yi dansaraka n bo jama n koro ka i yi i ji n wo. ¹⁶ Nyini sangha ni, sono

be woori dansaraka n nu dɔ, bu fere i ka Barabasi, i ti má jɔre bu, sɔnɔ kere si i sa. ¹⁷ Na sanɔa bo jama n kere ba tienri bu nɔɔ ni, na Gomina Pilato abisa bu ka, “Am koro ka m yi nɔma ma am a, Barabasi ni, nzen Yesu n bo bu fere i ka Kristo Tiidefo ni?” ¹⁸ I seeri sɔ ni, dama i siiri tenle su ka bu si Yesu kɔre ti ye bu faari i ba wuraari i saa nu a.

¹⁹ Sanɔa bo Gomina Pilato wo Yesu jɔredi su ni, na i yi asunma ase ka, “Má a se ka a yo nyini nahɔrefɔ n sa be, dama anuma kɔngue, ma cin alele fa kɔ nyini sɔnɔ n dɔ bo wɔ miɛ m agaya.”

²⁰ Ama, na Nyeme sayoowa dɔnguyofɔ nkpienkpienm, ni Yudafɔm nkpienkpienm n awura jama n bu sin ka bu sere Gomina Pilato ka i yi Barabasi ma bu, na i kún Yesu. ²¹ Ama, na Gomina Pilato akaaki abisa jama n ka, “Nyini mine nnyɔm ni nu, am koro ka m yi nɔma ma am a?” Na ba bɔ i nu ka, “Barabasi.” ²² Na Gomina Pilato abisa bekun ka, “Ye ahin Yesu n bo bu fere i ka Kristo Tiidefo ni, am koro ka m yó i se wɔ?” Na bu kere abɔ i nu ka, “Kpama i baka jaanu n su na i wu.” ²³ Na Pilato abisa ka, “Ye nzu satie ye wɔ yo i a?” Ama, na ba kaaki atien kpa agaya bekun ase ka, “Kpama i baka jaanu n su na i wu.”

²⁴ Sanɔa bo Gomina Pilato nɔuri ka i koro yo má jɔre n dɔngu, haari ni bo wɔ boro i nyi na i yo i dɔngu ni, jama n akete sukoro ka bu yo nanmie. Nyini ti, na wɔ fa nzue aɔmisi i saa, jama n kere nyunu, na wɔ se bu ka, “M saa wo má ahin sɔnɔ n yiwee nu. Am dɛɛ jɔre lɛɛ.” ²⁵ Na jama n kere ase i ka, “Tɔ, ma i yiwee ni ngasi su ya su, ni ya anumam kere.” ²⁶ Dɔ na Gomina Pilato ayi Barabasi aji, na wɔ ma sojam n afín Yesu nɔbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu benggu sojam kere nɔɔ abara aye i. ²⁸ Na ba yi Yesu sutura bo i wura i ni, na ba fa tanlɛɛ kɔkɔre yorom be ka femeya tanlɛɛ dɛɛ su awura i. ²⁹ Na ba fa buwe aɔɔ i ka kaba dɛɛ su, na ba fa aforo i tii ka femeya kere dɛɛ su. Na ba fa kpama awura i saa nu, na ba kutu i nyunu suyo i anzasi, bu nɔa, “Yudafɔm Feme ni, ya yo u anse.” ³⁰ Na ba yi nanzue aɔɔ i nɔ, na ba de kpama ni i dɔ, na bu sufin i tii baka. ³¹ Bu ba yoori i anzasi n wieeri ni, na ba yi tanlɛɛ kɔkɔre yorom ni, na ba kaaki afa i tienɔgu dɛɛ sutura n awura i. Na ba nya afa i ako ka bu kɔ kpama i baka jaanu n su.

Kabo bu kpamaari Yesu baka jaanu n su ni

³² Sanɔa bo bu sukɔ ni, na bu ni Sirenefo bie be aye, bu fere i ka Simon. Na sojam n amie i ka i sɔ Yesu baka jaanu ni. ³³ Na ba kɔ aju awɔre be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba sanɔa nzan ni ayiri wiwi barasu be ama Yesu ka i nu na i jɔ yaari ni, ama, i kaanri i nɔɔ ɔ, na wɔ kete, wɔ nu má i. ³⁵ Na ba nya akpama i baka jaanu n su, na ba ye i su ajina. Bu yoori sɔ wieeri ni, na ba tu mbaa na bu si kabo bu kpaaki i suturam nu, bu nɔnɔ nu. ³⁶ Nyini sin na ba ka atana sunie Yesu. ³⁷ Na ba kere jɔre n bo bu kpie sɔori i ni, afa abo akpama i baka jaanu n tii su, kereɛwa n la ka, “Yesu bo i ti Yudafɔm Feme n lɛɛ.” ³⁸ Na ba kpama finfo nnyɔ nbem baka jaanu su adodo i, bu kpamaari kun i saa fɔmbɔɔ su, na ba kpama kun n gusu i saa bie su.

³⁹ Na minem kere bo bu sin do ni, subobo bu tii, na ba kpie i nzuko, bu na, ⁴⁰ “Woro bo a na a fufu Nyeme Sereebiri Awuru n na a kaaki ta i lesan afien n lee, de u tii ji. Nzen a ti Nyeme Wa nahore su, jura baka jaanu n su.” ⁴¹ So ye Nyeme sayoowa donguyofo nkpienkpienm, ni Nyeme noanie kerefom, ni Yudafom nkpienkpienm n gusu yoori i anzasi a, ⁴² bu na, “Wo de minem tii aji, ama, i sukoro de ma yiri ni i tii. M na i ti Yisarelifom Feme n wo e. To, ma i jura baka jaanu n su bra kisa kisa na ya nie, na ya yo i yarada. ⁴³ I daafi Nyeme nu a, ye i na i ti Nyeme Wa a. To, nzen Nyeme koro i a, ma i de i tii ji kisa na ya nie.” ⁴⁴ Haari na finfo nnyom n bo bu kpamaari bu dodoori Yesu ni mmoo akpie i nzuko so.

Kabo Yesu wuuri ni

⁴⁵ Wiesu kerefi buru ni nnyo sanja na awosin akata asien n kere su, haari naaso kerefi nsan. ⁴⁶ Na fa ko nyini sanja ni, na Yesu abo awie kpa ase ka, “Eli, Eli, lama sabatani?” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri so ni, na ba se ka, “Am ti, ahin sono n sufere Eliya.” ⁴⁸ Kpenga na bu nu kun armati afa mene, ado nzan gagaraki be nu, na wo fa awo baka su alaandi ato Yesu noo ka i nu. ⁴⁹ Ama, na nyingam n ase ka, “Am yaki na ya nie, ka Eliya ba de i tii ji?”

⁵⁰ Na Yesu abo awie kpa, na wo nya ayo Nyeme dee. ⁵¹ Do na tani bambaka n bo bu fa kanda kpaakiiri Soo Casi n bo i wo Nyeme Sereebiri Awuru n nu n ati nu nnyo, fa i angoro ko jura i asienju. Na asien n akpisi, na yabue ngbingbirim akpakpaaki nu. ⁵² Na fanjunmam ateke, na Nyeme minem dongu bo ba wu n atenje bu yiwee nu. ⁵³ Na ba fite fanjunmam n nu, na sanja bo Yesu ba tengeeri i yiwee n nu ni, na ba ko awura Yerusalem mie kpiri n nu, na mine dongu anju bu. ⁵⁴ Na soja kpien n ni i sojam n bo bu jina niere Yesu ni, na bu nuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, “Ahin sono n ti Nyeme Wa a nahore su.”

⁵⁵ Na nbaram beberebe bo bu su i su fite Galili awore n nu na bu buka i ni, ajina dede sunie Yesu. ⁵⁶ Bu nu nbem la Mariya bo i fite Magadala mie n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sanja na nengefom be aba, i fite Aramatiya mie kpiri n nu wo, bu fere i ka Yosefu. Yiri mmoo ti Yesu susufom kun wo. ⁵⁸ Na wo ko asere Gomina Pilato ka i fa Yesu nunie n ma i. Na Gomina Pilato ama noo ka bu ko fa ma i. ⁵⁹ Na Yosefu ako ayi Yesu fuin n apooni nzee fofore nu, ⁶⁰ na wo ko ase i fanjunma nu, yiri Yosefu dee tienju yabue bu fanjunma n bo ba lokoti i fofore ni. Na wo nya akundu yabue bambaka afa ato fanjunma n ano ni, na wo ko. ⁶¹ Na Mariya Magadalafo ni, ni Mariya nyinga n atana afa bu nyunu awo fanjunma ni.

Kabo tintinijinafom jina nmindaari Yesu fanjunma ni

⁶² Na alecin fofore bo i ti Yudafom Njumiye een ni, na Nyeme sayoowa donguyofo nkpienkpienm, ni Farasifom n ako Gomina Pilato do. ⁶³ Na ba ko ase i ka, “Ya si, ya tenge su ka sanja bo nyini korefo n yo la ngoo ni, na wo se ka yiri wuuri, i lesan een, i tenge i yiwee n nu.

⁶⁴ Nyini ti, ma nɔɔ na bu kɔ jina ɲminda i faɲkunma ni, fa kɔ ju haari lesan cɛɛn ni, má nyini, i susufɔm ni koro kɔ wɔ yi i ɲunie ni, na bu bu kɔre ka wɔ tenge wɔ. Nyini saɲga, kasin dɛɛ kɔre ni tára bumboori dɛɛ ni.” ⁶⁵ Na Gomina Pilato ase bu ka, “Am fa tintinijinafɔm, na am ma bu kɔ jina ɲminda i faɲkunma n kabo am koro i barasu ni, na má be koro yo pui.” ⁶⁶ Nyini ti, na ba kɔ ata atɔ faɲkunma n anɔ n kɛrɛ, na ba ma tintinijinafɔm n ajina aɲminda abara aye i, adena má be koro yo pui.

28

Kabo Yesu tengeeri i yiwee n nu ni

¹ Yudafɔm ɲumiya cɛɛn n sin dɛɛ alecin, bakue n bumboori, mɔne cɛɛn ɲgarama fuun, na Mariya Magadalafɔ ni, ni Mariya nyinga ni, akɔ ka bu kɔ niɛ Yesu faɲkunma ni. ² Kpenɲa na asien n akpisi agaya, dama Micera n mereke be fiteeri aɲgoro jura ba kundu yiiri yabue bambaka n faɲkunma n anɔ n su a, na wɔ fun atana su. ³ Na wɔ ta fofoe papasi ka nzue kpɛsɛwɛ dɛɛ su, na i sutura n kere ayo fofoe ka cisen. ⁴ Na sɛrɛ ati tintinijinafɔm ni, na bu ɲunie subobo bu, na ba yo ka ba wu dɛɛ su wɔ.

⁵ Na Nyeme mereke n ase nbaram n ka, “Má am ma sɛrɛ ti am. M si ka am niɛniɛ Yesu bo bu kpamaari i baka jaanu n su n wɔ. ⁶ I wo má fɛn. Wɔ tenge i yiwee n nu, kabo i yo seeri am ni. Am ba niɛ deke bo bu faari i seeri ni. ⁷ Am kpie am nyi na am kɔ se i susufɔm ni ka wɔ tenge i yiwee n nu. Am ti fɛn, i sudu am mɔ kɔ Galili awɔre n nu, dɔ ye am kó ɲu i a. Ma se am lɛɛ.”

⁸ Na ba fite faɲkunma n nu ndende ni sɛrɛ, ama, ni ahorejo, na ba ɲmati na bu kɔ se i susufɔm ni. ⁹ Bu sukɔ ni, kpenɲa na bu ni Yesu aye, na wɔ yo bu anɛ. Na ba kutu i jaa bu, na ba ma i jirima. ¹⁰ Na wɔ se bu ka, “Má am ma sɛrɛ ti am. Am kɔ se m ninbaam ka bu kɔ Galili, dɔ ye bu kó ɲu m a.”

Kabo tintinijinafɔm seeri sa n bo i yoori ni

¹¹ Saɲga bo nbaram n wo kɔ su ni, na tintinijinafɔm nbem akɔ miɛ n kunnu, akɔ ama Nyeme sayoowa dɔɲguyofɔ nkpienkpienm ni labari, fa kɔ sa n kere bo wɔ yo n su. ¹² Na Nyeme sayoowa dɔɲguyofɔ nkpienkpienm, ni Yudafɔ nkpienkpienm n atien bu nɔɔ, afa asese su, na ba ma tintinijinafɔm ni ɲwaa beberebe, ¹³ na ba se bu ka, “Am se minem ka, saɲga bo am adaafi kɔɲgue n ye i susufɔm ni ba wɔ yiiri i a. ¹⁴ Na nzen haari gomina n ba tiiri nyini labari ni, yerɛ kán de am tii, na i yó má am pui.” ¹⁵ Na tintinijinafɔm n ade ɲwaa n na ba kɔ ase minem kabo nkpienkpienm n seeri bu ni. Nyini dɛɛ ti ye nyini labari n abara aye Yudafɔm dɔ, fa ba ju haari ni nyuma n a.

Kabo Yesu faari i ɲu kereeri i susufɔm ni

¹⁶ Na i susufɔ buru ni kunm n akɔ Galili awɔre n nu na ba fun ako buka n su, deke bo Yesu seeri bu ka bu kɔ ni. ¹⁷ Saɲga bo bu kɔ ɲuuri i ni, na ba kutu ama i jirima, ama, bu nbem asunsun ka má yiri lɛɛ. ¹⁸ Na Yesu acin adodo bu, na wɔ se bu ka, “Nyeme afa aɲgoro ni asiɲgu fɛn kere yiko, afa awura m saa nu. ¹⁹ Nyini ti, am kɔ durunya n kere nu, na am ma daanfɛ kere yo m susufɔm. Na am biɛ bu Nyeme nzue, Si, ni Baa, ni Awiewɛ Casi n dɛɛ duma nu. ²⁰ Na am kere bu ka bu de

m noaniε maawa n kεrε bo ma fa ama am ni. Am ti fεn, m wo am dɔ, sanga kεrε, fa kɔ haari durunya n awieeri.”

Labari kpa n bo MARAKO akere i ni

Kabo Yohane Nyeme Nzue Biefo kaanri Nyeme jore ni

¹ Ahin jore ni, i ti Nyeme Wa Yesu Kristo dee labari kpa n wo. Kabo i boori i bu yaa. ²⁻³ Nyeme yo seeri i wa n ka, “Ti fen, m sunma m sunmafɔ n na i dú u mo, yiri sése u atin n su a.

Yiri kó subo ndoori boro kpantain n nu se ka,
‘Am sese Mibie n atin n su,
na am yo i atin n dongu.’”

Na Nyeme ama ba kere nyini jɔjɔwa n kere Nyeme noanie kanfo Esaya dee kadasi n nu. ⁴ Nyini sono n bo Nyeme sunmaari i n la sono be bo bu fere i ka Yohane Nyeme Nzue Biefo ni. I baari boro kpantain n nu, na i sukan Nyeme jore, i na, “Am kaaki am wo na m bie am Nyeme nzue, na Nyeme fa am ngasi ni am satie kere ce am.”

⁵ Na Yudiya asiensufom, ni Yerusalem mie nufom kere afite aba i do, na ba kan bu ngasi ni bu satie kere bo ba yo i akere Nyeme, na Yohane abie bu Nyeme nzue Yodan kunma n nu.

⁶ Yohane sutura wuraawa yo ti deke bo bu faari nyoma ndore wuuri i a, na wo fa jina abo i wi nu. I diire yo la lalom ni wie wo. ⁷ I kaanri Nyeme jore, i na, “Sono be wo m sin suba, i tara m fieo, m ti kaan ni bo m dodo i. ⁸ Mini afa nzue abie am a, na am yo casi, ama, yiri fá Nyeme Awiewie Casi n wura am nju yo am casi a, kabo sono bie nzue na i yo casi ni.”

Kabo Yohane bieeri Yesu Nyeme nzue ni

⁹ Nyini sanja n na Yesu afite Nazareti, mie n bo i wo Galili awore n nu ni, na wo ba Yohane do, na Yohane abie i Nyeme nzue Yodan kunma n nu. ¹⁰ Sanja bo Yesu fiteeri nzue n nu ni, kpenja na wo nju ka angoro n ateke, na Awiewie Casi n ajura ka tiiwa dee su aba atana i nju. ¹¹ Na wo ti akonvi be nja angoro, i na, “Woro ti m wa a, m koro u agaya, m ahore ajo u nju.”

Kabo Sitana yoori Yesu na i nie ni

¹² Nyini jinaabiri n nu na Awiewie Casi n ama Yesu ako boro kpantain n nu. ¹³ I woori do een aburana, i ni boro nengem woori do a, na Sitana ayo i na i nie ka, i yó yiri Sitana n dee koroowa, nzen i yó má. Ama, Yesu asoro má su. Na Nyeme merkem aba asu i.

Kabo Yesu fereeri jombaa tarafɔ nna nbem ka bu su i su ni

¹⁴ Sanja bo bu taraari Yohane nyiiri i dansaraka n sin, na Yesu ako Galili awore n nu, na i sukan labari kpa n fa ko Nyeme atin n su kere minem, ¹⁵ i na, “Sanja n aju bo Nyeme Feme bá nie i minem su. Am kaaki am wo, na am de Nyeme labari kpa n na am yo i yarada.”

¹⁶ Ye i ba sunati sin Galili kunma kpiri n nɔɔ su, na wo nju jombaa tarafɔ nnyo nbem. Bere la Simon ni i niema Andere. Bu wo bu diendie sandi su kunma kpiri n nu. ¹⁷ Na Yesu ase bu ka, “Am bra na am ba su

m su, na m má am tien minem nɔɔ ma m, kabo am tara jombaa ni.”
 18 I seeri sɔ ni, na ba kaba ayaki bu diendiem ni, na ba su i su.

19 I nati kɔɔri mɔ kaan bekun, na wɔ ɲu mine nnyɔ nbem. Bɛrɛ la Yakobo ni i niɛma Yohane. Bu fere bu si ka Zɛbɛdi. Bu wo lee nu suyo bu diendiem dɔɲgu. 20 Dɔ na wɔ fere bu ka bu su i su, na ba yaki bu si ni, ni i npaadifɔm n lee n nu, na ba su i su.

Kabo Yesu fɔn yiiri ajini sɔɔ be ɲu ni

21 Na ba kɔ aju miɛ kpiri n bo bu fere i ka Kapenam su. Na Yudaɔm Ɗumiyi cɛɛn na Yesu awura bu tientienbunɔɔ sɔɔ n nu, bo bu sere Nyɛmɛ na bu kere Nyɛmɛ jɔrɛ nu ni, na wɔ kan Nyɛmɛ nɔaniɛ akere minem ni. 22 Na bu kɛrɛ ayo alekutura fa kɔ i kereewa n su, dama i kereewa n awo i ɲgumi ni Yudaɔm dɛɛ Nyɛmɛ nɔaniɛ kerefɔm ni. I kereewa n la yiko. 23 Nyini sanɲa n nu na sɔɔ bo ajini wo i ɲu n aba bu dɔ bu tientienbunɔɔ sɔɔ n nu, na wɔ bo awie 24 ase ka, “Yesu Nazaretifɔ, a koro nzu ya nu fɛn a? A ba ka a ba yo ya ɲgɛɛn wɔ? M si u sa, wɔrɔ ti sɔɔ casi n bo Nyɛmɛ asunma u n a.” 25 Na Yesu atien ajini n ɲu ase ka, “Mɔ u nɔɔ bɛrɛ, na a fite yaki sɔɔ ni.” 26 Na ajini n akpisi sɔɔ ni, na wɔ ciindi afite ayaki i. 27 Na minem kɛrɛ ayo alekutura akɔ asin su, na ba bisa bu ɲuɲu nu ka, “Ee. Nzu la ahin? I ti kereewa fɔfɔrɛ wɔ. Ahin sɔɔ n la yiko bo i koro ma ajinim n mɔmɔɔ nɔɔ na bu de i.” 28 Nyini ti na Yesu duma akaba ata abara aye Galili awɔrɛ n kere nu.

Kabo Yesu tuntuunri tukpakifɔm beberebe Simon dika ni

29 Sanɲa bo i fiteeri tientienbunɔɔ sɔɔ n nu ni, na i ni Yakobo ni Yohane akɔ awura Simon ni Andere dika. 30 Bu kɔ juuri awuru n nu ni, na ba se Yesu ka Simon sibara la má i ɲu, yakɔkɔ abo i, i da sɔrɔ. 31 Na wɔ kɔ aso i saa nu aye i su atana, na yakɔkɔ n ayaki i, na wɔ kɔ ayo diire ama bu.

32 Nyini cɛɛn n naaso, dika bibiri sanɲa, na minem afa tukpakifɔm kɛrɛ ni minem bo ajinim wo bu ɲu n aba Yesu dɔ. 33 Na miɛ n nu jama n kɛrɛ aba atien bu nɔɔ i dɔ anungbere n nu. 34 Na wɔ tuntun tukpaki barasu barasufɔm beberebe, na ba nya laifɛ, na wɔ fɔn ayi ajinim gusu beberebe. Wɔ du má su na ajinim n jɔjɔ, dama bu si i sa.

Kabo Yesu kaanri Nyɛmɛ jɔrɛ Galili awɔrɛ n nu ni

35 Na alecin akɔnyuma ciciri su, na Yesu ayasu afite akɔ dede awɔrɛ be nu i ɲgumi, na wɔ kɔ asere Nyɛmɛ. 36 Na Simon ni i beɲgum akɔ i niɛniɛ. 37 Bu kɔ ɲuuri i ni, na ba se i ka, “Sɔɔ kɛrɛ suniɛniɛ u busu.” 38 Na Yesu ase bu ka, “Am ma ya kɔ miɛ nyingam n su na m kɔ kan Nyɛmɛ jɔrɛ kere bu gusu, dama ka nyini ti ye m baari durunya n nu a.” 39 Na wɔ bara aye Galili awɔrɛ n kere nu, sukan Nyɛmɛ jɔrɛ bu tientienbunɔɔ sɔɔm n nu, ye i fɔn yi ajinim minem ɲu a.

Kabo Yesu tuntuunri kokofɔ be ni

40 Na kokofɔ be aba Yesu dɔ, na wɔ ba akutu i nyunu asere i jande ka i buka i. I ɲa, “Nzɛn a koro ka a ma m nya laifɛ, a koro ma m nya i.” 41 Na Yesu aɲu i aɲunfɔ, na wɔ tenge i saa anana i ɲu, na wɔ se i ka, “M koro. Nya laifɛ.” 42 Na kokobi n akaba ayaki sɔɔ n na wɔ nya laifɛ. 43 Na Yesu ama i atin ka i kɔ, na wɔ bɔbɔ i 44 ase i ka, “Má a se ka a se be ahin jɔrɛ ni, ama, kɔ na a kɔ fa u ɲu kere Nyɛmɛ sayoowa

dɔŋguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”⁴⁵ Ama, na wɔ kɔ abo ndoori, na labari n abara aye deke n kere, nyini ti, Yesu akoro ayi má i ŋu fofoe nu miem be nu kun, i fiɛri i ŋu aheme wɔ, na mine afite awɔre n kere nu aba i dɔ.

2

Kabo Yesu tuntuunri sɔɔ bo i saam ni i jaam awu ni

¹ I yoori lennyɔ na Yesu akpie i nyi aba Kapenam mie kpiri n nu, na labari abara aye ka i wo awuru, ² na mine atien bu nɔɔ i dɔ agaya haari fofoe anya má anɔ n bo bu fa wura sɔɔ n nu mmɔɔ, na Yesu akan Nyeme jɔre sukere bu. ³ I wo bu kere su ni, na mine nbem aba i dɔ, bu nu mine nna sɔ sɔɔ bo i saam ni i jaam awu. ⁴ Jama n sunnuuri sɔ n dɛɛ ti, ba koro anya má fofoe bo bu fa sɔɔ n dodo Yesu, na ba fiiti sɔɔ n bo Yesu wo nu n angoro bukun, na ba fa i ni i dasu n kere acɔɔndi afa i ada sɔɔ n nu. ⁵ Yesu ŋuuri kabo bu yoori i yarada n sɔ ni, na wɔ se sɔɔ n bo i saam ni i jaam awu n ka, “M dɔn, ma fa u satie ace u.”

⁶ Tɔ. Yudafɔm Nyeme nɔanie kerefɔm nbem tana bere, na ba sunsun bu ahore su ka, ⁷ “Ahin sɔɔ n la atin bɔɔ ye i jɔjɔ wura Nyeme ŋgasi nu sɔ a? Be wo má bere bo i koro fa minem satie ni bu ŋgasi ce, sin Nyeme ŋu.” ⁸ Na Yesu afa nu i ahore su fa kɔ bu sunsuni bo bu bita i n su, na wɔ bisa bu ka, “Nzu ti ye am bita nyini sunsuni ni am ahore su a? ⁹ Bɔɔ ti kekereke a, bo m se sɔɔ n ka, ‘Ma fa u satie ace u,’ nzen, ‘Yasu fa u dasu n na a nati n a?’ ¹⁰ M kére am ka mini Adamande Wa n la yiko durunya n nu bo m fa minem satie ni bu ŋgasi ce bu.” Na wɔ se sɔɔ n ka, ¹¹ “Wɔɔ, yasu fa u dasu n na a kɔ awuru.” ¹² I kaba yasu faari i dasu n wɔ, na wɔ fite jama n kere nyumbaa nu. Na bu kere ayo alekutura, na ba kansi Nyeme, na ba se ka, “Ya nya ŋu má ahin sa n ŋusu cɛɛn be.”

Kabo Yesu fereeri Levi ka i su i su ni

¹³ Na Yesu akaaki akpie i nyi akɔ Galili kunma kpiri n nɔɔ su, na jama beberebe akɔ atien bu nɔɔ i dɔ, na wɔ kan Nyeme jɔre akere bu. ¹⁴ I wo natiiri su susin ni, na wɔ ŋu lampodefɔ be bo bu fere i ka Levi, Alafeyo wa ni, ka i tana i juma yoobiri, na Yesu ase i ka, “Yasu bra na a ba su m su.” Na wɔ yasu asu i su.

¹⁵ Na Yesu akɔ Levi dika ka i kɔ di diire. Na satieyofɔm, ni lampodefɔm beberebe asu i su. Diire n diibiri dɔ ni, na bu dɔŋgu aba atana Yesu ni i susufɔm n dɔ, na ba saŋga adi diire. ¹⁶ Na Nyeme nɔanie kerefɔm nbem bo bu su Farasifɔm dɛɛ atin su ni, aŋu ka Yesu ni satieyofɔm, ni lampodefɔm tana sudi diire, na ba bisa i susufɔm ni ka, “Nzu ti ye Yesu ni lampodefɔm, ni satieyofɔm saŋga di diire a?” ¹⁷ Na Yesu ati bu jɔjɔowa n na wɔ bɔ bu nu ka, “Minem bo bu la laifie n koro má ayirifo, má ka bo bu la má laifie ni koro a. Ma ba má ka m bá fere minem bo bu ŋa bu yo sa bo i kɔ atin su Nyeme dɔ n wɔ, ama, m baari satieyofɔm n dɛɛ ti wɔ.”

Kabo Yesu kereeri nɔɔ cici jɔre ni

¹⁸ Cɛɛn be na Yohane dɛɛ susufɔm ni Farasifɔm sucici bu nɔɔ, na mine nbem aba na ba bisa Yesu ka, “Nzu ti ye Yohane susufɔm ni Farasifɔm dɛɛ susufɔm cici bu nɔɔ, ye u dɛɛm bere cici má?” ¹⁹ Na

Yesu abo bu nu ka, “Am sunsun ka konyayafom koro cici bu nɔɔ sanja bo konyafan n toko wo bu do ni, nzen se? Ai, sanja bo konyafan n wo bu do ni, bu yo ma nyini. ²⁰ Ama, sanja suba bo bu ba yi konyafan n fite bu nu, nyini sanja n ye bu nya cici bu nɔɔ a.”

²¹ Na Yesu akaaki ase ka, “Be koro fa ma sanvuin fofore kpa to ma tani dawa kunma, nzen i yoori so, sanvuin fofore ni son tani dawa n wo, na i teke i kunma n agaya buka su. ²² I kaaki ti so o bekun ka be koro fa ma nzan nyiwa fangafogoo ma dundu dawa bebete nu, nzen i yoori so, dundu ni tie wo, na i ka ngbeen, na nzan n kere songi. Ama, i ti ye ni ka bu fa nzan nyiwa fangafogoo dundu fofore biiwa nu.”

Kabo Yesu jɔɔ fa kɔɔri Njumiya cɛɛn n jɔɛ ni

²³ Yudafo Njumiya cɛɛn be, na Yesu ni i susufom ni sunati sin alembaa fie be nu, na i susufom n abubu be akpese. ²⁴ Na Farasifom n ase i ka, “Nie fen. Nzu ti ye u susufom ni suyo so a? Nyeme noanie kpamaawa n kere ka ma be yo so, Njumiya cɛɛn ni.” ²⁵ Na wo bo bu nu ka, “Am nya kan ma Nyeme Jore Kadasi n nu, kabo Feme Davidi yo yoori sanja bo i ni i minem miɛeri diire busu n wo, nzen se? ²⁶ Nyini sanja Abiyata yo ti Nyeme sayoowa donguyofom kere kpian n a. Ahoe n ti, na Feme Davidi ako awura Nyeme Sereebiri Awuru n nu, na wo di kpɔnɔ n bo ba fa ama Nyeme ni, na wo ma i minem be. Ama, am si ka ya dee atin n su, Nyeme sayoowa donguyofom ngumi di nyini kpɔnɔ n a.”

²⁷ Na Yesu akaaki ase bu ka, “Adamande dee ti ye Nyeme yiiri Njumiya cɛɛn n a, ma Njumiya cɛɛn n dee ti ye Nyeme yiiri adamande a. ²⁸ Nyini ti, Njumiya cɛɛn ni mmoo, mini Adamande Wa ni ti i Mibie a.”

3

Kabo Yesu tuntuunri sɔnɔ asaa fuin be Njumiya cɛɛn ni

¹ Na Yesu akaaki ako tientienbunoo soo n nu do bekun. Sɔnɔ asaa fuin be woori do. ² Na minem bo bu wo do n atu bu nyumbaa anie Yesu, na bu nie ka i tuntun asaa fuin n Njumiya cɛɛn ni, nzen i tuntun ma i, adena bu so i nge na bu jaraki i ka wo saaki Njumiya cɛɛn n ciire ni. ³ Na Yesu ase asaa fuin n ka, “Ba jina afien fen.” ⁴ Na wo bisa bu ka, “Ya dee atin n su, atin wo nu ka ya yo sakpa Njumiya cɛɛn ni, nzen ya yo satie wo? I kaaki ti ye ni ka ya de ngoo, nzen ya yi ngoo o?” Ama, ba bo ma i nu. ⁵ Na Yesu anie bu nyunu abara aye, na wo fa yaa bu nu, na i ahore asaaki fa ko bu atii kekere n dee ti, na wo se sɔnɔ n ka, “Tenge u saa ni.” Na wo tenge i saa ni, na wo yo fanga bekun. ⁶ Na Farasifom n akaba afite tientienbunoo soo n nu ako Feme Herode minem do, na ba sese bu nu su kabo bu yo na bu kun Yesu.

Kabo jama beberebe tieɛnri bu nɔɔ Yesu do ni

⁷ Nyini sin na Yesu ni i susufom n afite ako kunma kpiri n nɔɔ su, na jama beberebe afite Galili awore n nu asu i su. Nbem gusu fiteeri Yudiya dee awore n nu, ⁸ ni Yerusalem mie kpiri n nu, ni Idumeya dee awore n nu, na nbem gusu afite Yodan kunma n wie afiiri ni, ni Tiro ni Sidon dee bue ni. Bu tiiri kabo Yesu yoori alekutura sam barasu ni, nyini ti ye bu baari i do a. ⁹⁻¹⁰ Yesu ama tukpakifom beberebe anya laife n dee ti, bo bu la tukpaki kere koro ka bu mie bu nyi wo, na bu sakati wura na bu fa bu saa kan i. Nyini ti, na wo se i susufom ni ka

bu kpa bu ɲu ni lee ma i, na nzen minem ba ɲa bu miɛ i ɲu na i koro wura lee n nu. ¹¹ Saɲga kere bo minem bo ajinim wo bu ɲu n nya ɲuuri i, bu kutu i nyunu wo, na bu ciindi na bu se ka, “Wɔɔ ti Nyeme Wa n a.” ¹² Na wo bɔbɔ ajinim ni ni anyumboro ka, má bu ma be si i sono nzuin nu.

Kabo Yesu yiiri mine buru ni nnyɔ ka bu yo i jaramasam ni

¹³ Na Yesu afun akɔ buka be su, na wo fere mine n bo i koroori ka bu ba i dɔ ni, na ba ba i dɔ. ¹⁴ Na wo yi bu nu buru ni nnyɔ, na wo fa bu ayo i jaramasam ka bu wo i dɔ, na i susunma bu ka bu kɔ sukan Nyeme jɔɛ, ¹⁵ na wo ma bu yiko ka bu kɔ sufɔn yi ajinim minem ɲu. ¹⁶ I jaramasa buru ni nnyɔm ni bo i yiiri bu n la Simon bo Yesu tuunri i duma ka Petoɔ ni, ¹⁷ ni Yakobo ni i niema Yohane, bo bu si la Zɛbedi na Yesu kaaki tuunri bu duma ka *Bowanaje*, i bu la ka bu tientien agaya ka nzue wo. ¹⁸ Bu nbem gusu la Andere, ni Filipu, ni Batolomeyo, ni Matio, ni Tomasi, ni Yakobo bo i si la Alafeyo ni, ni Tadayɔ, ni Simon bo i tu ɲgoni fa kɔ i asien su ni, ¹⁹ ni Yudasi Isikariyoti bo i ba tɔɔri Yesu ni.

Kabo minem ɲa Yesu ni Sitana dɛɛ ti kun ni

²⁰ Na Yesu akɔ awuru, na jama aba atien bu nɔɔ bekun bo i ni i susufɔm n akoro anya má tana bo bu di diire mmɔɔ. ²¹ Na saɲga bo i minem tiiri i ɲga ni, na ba kɔ ka bu kɔ fa i ba awuru, dama minem ɲa i nyunu akan i. ²² Na Yudaɔm Nyeme nɔɔnie kerefɔm bo bu fiteeri Yerusalem miɛ kpiri n nu n ase ka, “Belazɛbuli bo i ti ajinim kere dɛɛ femɛ ni, wo i ɲu a.” Na ba kaaki ase ka, “Yiri ajinim kere femɛ ni ma i yiko ye i koro fɔn yi ajinim n a.” ²³ Bu seeri sɔ ni, na Yesu afere bu, na wo bo bu miɛenu. I ɲa, “Sitana koro yo se fɔn yi i dɛɛ ajinim minem ɲu a? ²⁴ Ya fa i ka, nzen femɛya nya kpakpaakiiri nu wieeri, nyini femɛya ni kóro jina a? Ai, i kóro jina má. ²⁵ Na nzen awuru gusu bo i minem nya kpakpaakiiri nu, nyini awuru ni kóro jina a? Ai, i kóro jina má. ²⁶ Nzen Sitana dɛɛ femɛya n nya kpaakiiri nu wieeri, i kóro jina a? Ai, i kóro jina má. Nzen i nya yoori sɔ, i faɲga wie wo. ²⁷ Be koro wura má sɔɔ fangafɔ dika na i fin i neɲge, má ka wo tara i faɲga acin i nyama ka, ye i nya koro fin i neɲge n bo i wo awuru n nu a.”

²⁸ Na Yesu akaaki ase ka, “M suse am nahɔɛ wo lɛɛ ka, Nyeme koro fa minem satie kere fa ce bu, haari fa kɔ saɲga jɔɛ ɲgbɛɛɲgbɛɛɛ kere bo bu jɔjɔri i fa kɔ Nyeme dɔ, ²⁹ ama, sɔɔ kere bo i jɔjɔ wuraari Awiewie Casi ni ɲgasi nu, Nyeme fá má i mi ɲgasi ce má i, dama i mi ayo satie bo i la má awieeri lɛɛ.” ³⁰ Deke bo i ti na Yesu seeri sɔ n la ka, bere Nyeme nɔɔnie kerefɔm ni, bu ɲa ajini wo i ɲu a.

Minem bo bu ti Yesu ni, ni i ninbaam nahɔɛ su n jɔɛ

³¹ Na Yesu ni, ni i niemam aba i dɔ awuru n bo i wo nu ni, na ba ka ajina dasin asunma ka bu fere i. ³² Na jama beberebe atana abara aye yiri Yesu na ba se i ka, “Ti fen. U ni, ni u niemam wo dasin koro u.” ³³ Na wo se bu ka, “Am ma m kere am bo bu ti m ni, ni m niemam.” ³⁴ Na wo nie abara aye minem bo bu tana bara yeeri i ni, na wo se bu ka, “Am nie. M ni, ni m niemam n yaa. ³⁵ Sono kere bo i yo Nyeme sa koroowa, yiri ti m siwa, ni m niwa, ni m ni a.”

4

Miɛɛnu fa kɔ kabo dɔdɔɔrifɔ be sandiiri aɛmbaa ni

¹ Na Yesu akaaki akɔ Galili kunma kpiri n nɔɔ su, na wɔ bo i bu sukere minɛm Nyɛmɛ jɔrɛ, na jama beberebe atien bu nɔɔ i dɔ. Jama n sunnuuri beberebe n dɛɛ ti, na wɔ wura lee nu atana nzue n nu, na jama n kɛrɛ atien bu nɔɔ fa dodo nzue n nɔɔ su. ² Na wɔ bo miɛɛnu, na wɔ kere bu dekem beberebe. I ɲa, ³ “Am ti fɛn. Dɔdɔɔrifɔ be yo fiteeri sɔ ɔ, ka i kɔ sandi aɛmbaa. ⁴ Saɲga bo i wo sandi su ni, na aɛmbaam nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, na fa sunnu má n dɛɛ ti, na wɔ cɛ má, na wɔ fi, ⁶ ama, saɲga bo wie ba fiteeri agaya ni, na wɔ waandi, dama bunlui n akpama abi má n dɛɛ ti. ⁷ Na aɛmbaa ni nbem atɔtɔ lɔlɔɛ nu, na lɔlɔɛ n anyi akata i ɲu, nyini ti, wɔ koro awura má mbaa. ⁸ Ama, na aɛmbaam ni nbem atɔtɔ asien kpa su, na wɔ nyi awura mbaa zɔi zɔi.” ⁹ Na Yesu ase bu ka, “Bo i koro ka i ti ahin jɔrɛ n bu, i ti ye ni ka i so i sui na i ti.”

Deke bo i ti na Yesu boori bu miɛɛnu n ni

¹⁰ Na saɲga bo i kaari i ni i susufɔ buru ni nnyɔm ni, ni minɛm bo bu wo i dɔ saɲga kɛrɛ ni, na ba bisa i nyini miɛɛnu n bu. ¹¹ Na wɔ bo bu nu ka, “Amberɛ ye Nyɛmɛ ama am asi i femɛya n nu asiri jɔrɛ a, ama, minɛm bo bu su má m su ni, m bo i miɛɛnu kere bu a, ¹² adena i yó kabo ba kɛrɛ i Nyɛmɛ Jɔrɛ Kadasi n nu ni, ka, ‘Bu níe ni nahɔrɛ su, ama, bu ɲú má pui. Bu só bu sui ni nahɔrɛ su, ama, bu tí má deke n bo bu so bu sui ka bu ti i n bu, dama nzen má bu tiiri i bu, má bu káaki bu wo wɔ, na Nyɛmɛ fá bu satie ce bu.’”

Kabo Yesu kereeri miɛɛnu n bu ni

¹³ Na Yesu abisa bu ka, “Am ati má ahin miɛɛnu n bu? Ye am yó sɛ ti miɛɛnu nyingam n kɛrɛ bu a? ¹⁴ Ahin miɛɛnu n bu la ka, dɔdɔɔrifɔ n ti ka sɔnɔ n bo i kan Nyɛmɛ jɔrɛ n wɔ. ¹⁵ Mine nbem de Nyɛmɛ nɔanie n kabo aɛmbaa n tɔtɔɔri atin n nɔɔ n wɔ. Bu nya tiiri Nyɛmɛ nɔanie n na bu de i, i cɛ má, na Sitana bá yi nɔanie n fite bu ahore su, a ɲu ka bu wara afi i sa. ¹⁶ Mine nbem gusu de Nyɛmɛ nɔanie n kabo aɛmbaa n tɔtɔɔri tieka su n wɔ. Bu nya tiiri Nyɛmɛ nɔanie ni, a ɲu ka ba de i ndende ni ahorejo, ¹⁷ ama, i da má bu ahore su. Bu kaaki ti ka aɛmbaa n bo i bunlui akpama abi má n wɔ. I woori bu dɔ kaan sɔ na nzen wahara, wara kekereke be ba tuuri bu fa kɔ bu nyɛmesu n su, a ɲu ka ba fa ati. ¹⁸ Nbem gusu de Nyɛmɛ nɔanie n kabo aɛmbaa n tɔtɔɔri lɔlɔɛ nu n wɔ. Bu nya tiiri Nyɛmɛ nɔanie ni, ¹⁹ ama, bu sunsunni kɛrɛ wo kabo bu yó na bu asiri káta su, na bu koro kabo bu yó na bu nyá ajɛke kɛrɛ, na bu ahore bi fa kɔ durunya n nu nɛngem su, na Nyɛmɛ nɔanie n koro da má bu ahore su na i yo juma. Bu ti ka aɛmbaa n bo i wura má mbaa n wɔ. ²⁰ Ama, mine nbem de Nyɛmɛ nɔanie n kabo aɛmbaa n tɔtɔɔri asien kpa su n wɔ. Bu nya tiiri Nyɛmɛ nɔanie ni, na bu de i, na bu fa yo juma na i yo kperɛ beberebe.”

Kabo sɔnɔ koro so má sin su na i fa fiɛ ni

²¹ Na Yesu abisa bu ka, “Am nya ñu ka sɔnɔ be aso fitana su na i fa ganɔga butu su, nzen má nyini i fa kɔ se gado bu? I fa taka deke su aɲgoro wɔ bo sɔnɔ kere koro ñu i, má sɔ?” ²² Dama deke be wo má bere bo i wo fieɛwa nu, na bu bá ñu má i, na deke be gusu wo má bere bo i wo asiri nu, na bu bá si má i. ²³ Sɔnɔ kere bo i koro ka i ti ahin jɔre n bu, i ti ye ni ka i so i sui na i ti.”

²⁴ Na wɔ se bu ka, “Am si am ñu sa ni kabo am ti nɔaniɛ barasu ni. Gɔngɔ bo am fa susu ma minem ni, sɔ ye Nyeme gusu fá susu ma am a, na bo Nyeme yó ma am ni tara sɔ n mmɔɔ. ²⁵ Dama sɔnɔ kere bo wo nya deke be Nyeme dɔ na i mi si i bita, Nyeme búka i su wɔ, ama, bo i si má i bita, haari ni nyini kaan n bo i la i ni, Nyeme dé i dɔ ɔ.”

Miɛnu fa kɔ kabo aɛmbaa fi barasu ni

²⁶ Na wɔ kaaki ase bu ka, “Nyeme femeya n ti ka kabo dɔdɔɔrifɔ be kɔ sandi aɛmbaa i fiesu n wɔ. I dɛɛ la ka i sandi wɔ, ²⁷ na i kɔ da kɔngue, na i tenɔge alectin. Nyini sanɔga n ye aɛmbaa n fi a, na i sunyi, i si má kabo i yoori barasu. ²⁸ Asien n buka aɛmbaa n ye i fi a. I nya fi wieeri, na i nyi, na i nyinse, na i wɔrɔ, na i nya bi mbaa. ²⁹ Aɛmbaa n ba bi ni, i kpɛɛ sanɔga lɛɛ, na i kpɛɛ i.”

Aɛmbaa kaan be jɔre

³⁰ Na wɔ kaaki ase bu ka, “Ya fá nzu deke fa sunsun Nyeme femeya n a? Wara ya fá miɛnu barasu bɔnɔ ye ya bó i fa kere kabo Nyeme femeya n ti a? ³¹ I ti ka nyem mbaa bo bu dɔ i wɔ. Yiri ti aɛmbaa n kere kaan durunya n nu a. ³² Ama, bu nya ba dɔɔri i na i fiiri, i tara toro nyawam n kere bambaka, i koro nyi na i tetereki asambaa asambaa bo anumam koro yo bu tiɛrim nu.”

³³ Na Yesu afa nyini miɛnu n ni miɛnu nyingam beberebe akan Nyeme jɔre akere bu, kabo sɔnɔ kere koro ti i bu barasu. ³⁴ Jama n nya woori i dɔ, i se má bu pui, má ka miɛnu ye i bo bu a, ama, i ba kaari i ni i susufɔm ni, na i nya yi i bu kere kere bu.

Kabo Yesu kereeri ka i la yiko tara aɲuma ni nzue ni

³⁵ Nyini cɛɛn n naasɔ sanɔga, na Yesu ase i susufɔm n ka, “Am ma ya kpɛɛ kɔ kunma kpiri n buekun dɔ.” ³⁶ Na i susufɔm n acin ayaki jama ni, na ba ba awura lee n bo Yesu wo nu n nu, na ba kɔ. Na nbem gusu afa lee nbem na ba su i su. ³⁷ Na aɲuma bambaka be ayasu, na i subo nzue gɔ lee n nu. Má lee ni suyi ni nzue wɔ. ³⁸ Nyini sanɔga ni, Yesu afa piti asɔn i tii, ye i wo daafiri su lee n sin, na ba ba atenɔge i ase i ka, “Ya Kerefɔ, nzen ya suwu, u cɛɛ wo má ya nu fan?” ³⁹ Na wɔ yasu na wɔ tien aɲuma n ñu, na wɔ se nzue n ka, “Da surum.” Na aɲuma n atara, na dika n kere atara jum. ⁴⁰ Na wɔ se bu ka, “Nzu ti ye am soro sere sɔ a? Am yo má m yarada?” ⁴¹ Na sere akaaki ati bu agaya, na ba bisa bu ñuñu nu ka, “Nzu sɔnɔmbiri barasu la ahin bo aɲuma ni nzue n mmɔɔ de i nɔaniɛ a?”

5

Kabo Yesu fɔn yiiri aɲinim sɔnɔ be ñu ni

¹ Na Yesu ni i susufɔm n akpɛɛ kunma kpiri n akɔ aju Gerasafɔm dɛɛ awɔre n nu. ²⁻³ Sanɔga bo Yesu fiteeri lee n nu ni, na sɔnɔ be afite fanɔkunma nu aba akpa i atin. Nyini sɔnɔ n nati da fanɔkunma nu wɔ,

dama ajini wo i ɲu. Sɔnɔ be wo má bɛrɛ bo i koro tara i cici i ni jɔrɔkɔ n mmɔɔ kun, ⁴ dama sanɔa kɛrɛ bu bo i tobari wɔ na bu wura i jɔrɔkɔ buka su, ama, haari ni nyini n mmɔɔ i titi jɔrɔkɔ n wɔ na i kaaki bo sandi tobari n nu. Be wo má bɛrɛ bo i la fanɔa koro tara i jina kun. ⁵ Kɔŋɔgɛ ni wiesu kɛrɛ i wo fanɔkunma nu sɔ ɔ, ni bukam su na i suciindi, na i sufa yabue kpiekpie i ɲu. ⁶⁻⁸ Na wɔ ɲu Yesu sanɔa bo i toko wo dede ni yiri ni, na Yesu atien ajini n ɲu ase i ka, “Ajini, fite yaki nyini sɔnɔ ni.” Na sɔnɔ n aɲmati akɔ akutu Yesu nyunu, na wɔ ciindi ase ka, “Yesu, Micera Nyeme Kpiri n Wa, a koro nzu m do fen a? M sere u wɔ, Nyeme ti, má a ma m ɲu anyumboro.” ⁹ Na Yesu abisa i ka, “Bu fere u se?” Na wɔ bɔ i nu ka, “Bu fere m ka Jama Beberebefɔ, dama ya sunnu.” ¹⁰ Na wɔ sere Yesu jande ka má i fɔn bu fite nyini awɔrɛ n nu. ¹¹ Nyini sanɔa afam beberebe wo dodo bɛrɛ, bu wo buka be su sudi, ¹² na ajinim n asere Yesu ka, “Ma ya kɔ fun afam n ɲu.” ¹³ Na Yesu ama bu atin na ba fite akɔ afun afam n ɲu. Afam n ju akpii nnyɔ dika, na bu kɛrɛ aɲmati aɔɔndi akɔ ato kunma kpiri nzue n nu, na nzue n adi bu.

¹⁴ Afa sasafɔm ɲuuri nyini n sɔ ni, na ba ɲmati akɔ abo ndoori mie kunnu, ni aheme aheme kɛrɛ su. Na mine aba anie sa n bo i yoori ni. ¹⁵ Na ba ba Yesu do, na ba ɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su, na sere ati bu. ¹⁶ Na minem bo bu ɲuuri sa n yoobiri ni, akan jɔrɛ n kɛrɛ akere jama n fa kɔ sa n bo i tuuri sɔnɔ n bo ajinim yo woori i ɲu ni, ni sa n bo i tuuri afam ni. ¹⁷ Bu tiiri jɔrɛ n sɔ ni, na ba nya asere Yesu jande ka i yasu bu awɔrɛ n nu. ¹⁸ Sanɔa n bo Yesu suwura lee n nu na i kɔ ni, na sɔnɔ n bo ajinim yo woori i ɲu ni, asere i jande ka i ma i su i su. ¹⁹ Ama, na Yesu akete, na wɔ se i ka, “Kpie u nyi kɔ awuru na a kɔ kan kere u lamokom fa kɔ sakpa n bo Mibie n ayo ama u ni, ni kabo wɔ si u aɲunfo barasu ni.” ²⁰ Na sɔnɔ n akpie i nyi akɔ akan sakpa n kɛrɛ bo Yesu ayo ama i ni, abara aye Mie Burum dee awɔrɛ n nu, na sɔnɔ kɛrɛ ayo alekutura.

Bara tukpakifo be, ni baabara be yiwee jɔrɛ

²¹ Na Yesu awura lee n nu akpie i nyi akpie kunma kpiri n buekun do, na jama beberebe aba atien bu nɔɔ i bi nzue n nɔɔ su. ²² Na Yudaɔm kpien be wo bɛrɛ, yiri nie bu tientienbunɔɔ sɔɔ n su a. Bu fere i ka Yarusi. Na wɔ ba Yesu do nzue n nɔɔ su na wɔ kutu i jaa bu, ²³ na wɔ sere i jande. I ɲa, “M wa sunguru ato cin. Bra na a ba fa u saa nana i ɲu na i nya ɲɔɔ ni laifie.” ²⁴ Na Yesu asu i su na ba kɔ.

Na jama beberebe asu Yesu su haari bu kɔ sumie i ɲu. ²⁵ Bara be woori jama n nu, i bita abieeri i afo buru ni nnyɔ lɛɛ bo i kpu na i kpie má. ²⁶ Wɔ di wahara, na wɔ saaki i ɲwaa kɛrɛ atuntun i ɲu ayirifom do dede haari wɔ ba afie, ama, wɔ nya má laifie se tukpaki n buka su kɔ ɔ. ²⁷ Na wɔ ti Yesu ɲga, na wɔ sakati awura jama n nu Yesu sin, afa i saa akan Yesu tanlɛɛ ni. ²⁸ Dama i seeri i kunnu ka, “Nzen m koro yoori anie faari m saa kaanri i tanlɛɛ n mmɔɔ, m nyá laifie.” ²⁹ Na wɔ yo sɔ n kpenɔa na i abieeri n akpie, na yiri ni i tii aɲu ka wɔ nya laifie. ³⁰ Jina n nu bɛrɛ na Yesu afa nu ka i yiko n be afite i ɲunie nu akɔ ayo juma. Na wɔ kaaki anie jama n nu, na wɔ bisa ka, “Nma faari i saa kaanri m tanlɛɛ n a?” ³¹ Na i susufom n ase i ka, “Wɔrɔ mmɔɔ aɲu

kabo jama n amie u barasu, ye nzu ti ye a bisa ka, nma fa i saa kaanri u a?" ³² Ama, na wo nie abara aye na i si sono n bo i yoori so ni. ³³ Na sere ati bara ni, i jina, i nunie kere subobo i fa ko sa n bo i tuuri i ni, na wo ba akutu Yesu nyunu, na wo kan jore n kere ni i nahore atin su akere i. ³⁴ Na Yesu ase i ka, "M wa, yarada n bo a yo m ni, yiri ma a nya laifie a. Ko awuru ni ahoreda, na ma u tore n ba u nu kun."

³⁵ Saŋga n bo Yesu toko wo jojo su ni, na mine nbem afite tientienbunoo soo n kpien n dika aba ase i ka, "U wa n wo ma bere. Nyini ti, ma a dama ya Kerefo n kun." ³⁶ Na jore n ato Yesu sui nu, ama, na wo se kpien n ka, "Ma a ma sere ti u, woro yo m yarada." ³⁷ Wo soro ma su ka be su i su kun, ma ka Peto, ni Yakobo, ni i niema Yohane. ³⁸ Bu ko juuri kpien n dika ni, na Yesu awura anu ka mine beberebe suyo nanmie, bu susun subo awie. ³⁹ Na wo bisa bu ka, "Nzu ti ye am suyo nanmie sun so a? Baabara n awu ma, wo daafi wo." ⁴⁰ Na ba siri i. Na wo fon bu kere afite, na wo fa baabara n si ni i ni, ni i susufo nsanm ni, na ba ko soo n bo baabara n da nu ni. ⁴¹ Na wo ko atara i saa, na wo se i ka, "Talita kumi." I bu la ka, "Sunjuru kaan, n ja a yasu." ⁴² Kpenja na sunjuru n ayasu anati. I yo ti afo buru ni nnyo baa a. Na minem kere bo bu woori bere n ayo alekutura agaya. ⁴³ Na Yesu abobo bu ni nahore su ka ma bu ma be si sa n bo wo yo i ni, na wo se ka bu ma baa n deke be na i di.

6

Kabo Yesu na Nyeme noanie kanfo la ma jirima i bosu ni

¹ Ye Yesu yasu koori i bosu na i susufom n asu i su. ² Na Yuda-fom Niumiyi een n na wo ko bu tientienbunoo soo n nu, na wo ko akan Nyeme jore akere bu. Minem bo bu tiiri i kereewa n kere yoori alekutura. Na ba bisa bu nju nu ka, "Nifansu ye ahin sono n ko sonsoonri i si n kere a? Bu maari i alecira bono o? Ye alekutura sam bo i yo bu ni, i yo se yo bu a?" ³ Ma Mariya wa n bo i ti kamenta n lee? Ma Yakobo ni Yose ni Yuda ni Simon n goro n lee? Am nie e. Ma i niema nbaram mmoo wo ya nu fen n a?" Na ba bu i ngbeen. ⁴ Na Yesu ase bu ka, "Deke kere bu ma Nyeme noanie kanfo jirima, ma ka i bosufom ni i lamokom ni i gisannufom do ngumi." ⁵ Nyini ti, wo koro ayo ma alekutura sa be i bosu do se i faari i saa nanaari tukpakifo nbem nu wo, na ba nya laifie. ⁶ Na wo yo i awarabo kabo i bosufom n ayo ma i yarada ni.

Kabo Yesu sunmaari i susufo buru ni nnyom ni

Na Yesu abara aye aheme miem n kere su, na i sukere minem. ⁷ Na wo fere i susufo buru ni nnyom ni, na wo sunma bu nnyo nnyo, na wo ma bu yiko ka bu ko sufon yi ajinim fite minem nu. ⁸⁻⁹ Na wo se bu ka, "Ma am fa puitiripui ko ahin atin n bo am sukoni, diire o, kuruku o, njwaa o. Ama, am fa kpama ni gbagbaa yiri. Ma am se ka am fa tanlee buka bo am wura i n su." ¹⁰ Na wo kaaki ase bu ka, "Am ko juuri mie be su, awuru kere bo am ko wuraari nu, am ka nyini awuru n nu, haari am ba fite mie n nu. ¹¹ Sasu bekun mie bo am ko wuraari nu na ba de ma am wofa, na ba kaaki asoro ma am su ka bu ti am noanie ni, am fite yaki nyini mie n ni, na am kponkpon yi am jaa tuturi kere. Nyini di daani kere bu ka bu woowa ti ma kpa." ¹² Na i susufom n afite ako akan Nyeme jore akere minem ka bu kaaki bu wo. ¹³ Na ba

fɔn ayi ajinim minem beberebe ɲu, na ba sere Nyeme ama tukpakifom dɔŋgu, na ba fa ɲguin agɔ bu ɲu, na ba nya laifie.

Kabo bu kuunri Yohane Nyeme Nzue Biefo n barasu ni

¹⁴ Na Feme Herode ati nyini sa n kere, dama Yesu duma ata abara aye deke kere. Na mine nbem ase ka, “Yohane Nyeme Nzue Biefo n ye wo tenge i yiwee n nu a, nyini ti ye i la yiko koro yo nyini alekutura sam kere a.” ¹⁵ Ama, na nbem ase ka, “Yiri la Eliya a.” Na nbem gusu ase ka, “I ti Nyeme noanie kanfo ka dawa dem wo.” ¹⁶ Ama, Feme Herode tiiri nyini ni, na yiri ase ka, “Yohane bo m kpieeri i tii n ye wo tenge a.”

¹⁷ Feme Herode yo ma bu taraari Yohane nyiiri wo, dama yiri Feme Herode afin i goro Filipu yi Herodiya afa aja. ¹⁸ Ma pui ti, dama Yohane ase Feme Herode ka, “Nyeme noanie kpamaawa n kere ka a la ma atin ka a fa u goro yi ja i ngoo su.” ¹⁹ Yohane seeri so ni, na Herodiya afa i ngasi na wo fo anminda i kabo i nya i na i kun i. Ama, wo koro anya ma i, ²⁰ dama Feme Herode ni i tii soroori Yohane ka i ti sono fofoe bo i yo sa bo i ko atin su Nyeme do o. Wo koro ma ka pui yo i. Na Feme Herode ajimi fa ko noanie n kere bo Yohane kan maari i n su, ama, haari ni nyini mmoo, i koro ka i suti n noanie n wo.

²¹ Ceen be so o na Herodiya aba anya Yohane taraabiri. Nyini ceen n ye Feme Herode sugo i baawu ceen agore n a. Na wo fere i gomina mine ngbingbirim, ni i soja nkpienkpienm, ni Galili mine tereterefom kere ka bu ba di na bu nu. ²² Agore n nu ni, na Herodiya wa sunjuru awura agɔ akere Feme Herode ni i jamam, na bu kere ahore ajo. Do ye feme n seeri sunjuru n ka, “Deke kere bo a koro, se m, na m ma u.” ²³ Na wo tan ndie ase i ka, “Haari a ɲa m kpaaki m femeya n buekun ma u mmoo, m fa ma u.” ²⁴ Na sunjuru n afite ako abisa i ni ka, “Ye m sere nzu wo?” Na i ni n ase i ka, “Ko se i ka a koro Yohane Nyeme Nzue Biefo n tiiawa a.” ²⁵ Na wo ɲmati akpie i nyi ndende aba ase Feme Herode n ka, “M koro ka na a fa Yohane Nyeme Nzue Biefo n tiiawa ma m perente nu kisa kisa.” ²⁶ Feme n tiiri so ni, na i ahore asaaki agaya, ama, ndie n bo i taanri i jama n nyunu n dee ti, wo koro akaaki ma i noo. ²⁷ Kpenja na feme n asunma soja ɲmindafom n kun ka i ko fa Yohane tiiawa bra. Na wo ko akpie i tii dansaraka soo n nu do. ²⁸ Na wo fa ada perente n nu aba ama sunjuru ni, na yiri gusu afa ako ama i ni ni. ²⁹ Sanga bo Yohane susufom tiiri so n na ba ba afa fuin n ako ase i.

Kabo Yesu maari nbiesom akpii nnu ni bu minem diire ni

³⁰ Na jamasam n akpie bu nyi aba i do, na ba kan sam kere bo ba yo i n akere i, ni kabo ba kan Nyeme jore akere mine barasu. ³¹ Jama n dee ti, ba nya ma anyunkoro bo bu di diire. Nyini ti, na Yesu ase bu ka, “Am ma ya ko deke bo minem wo ma, na am ko yi am ɲumi.” ³² Na bere ngumi afa lee ni na ba ko. ³³ Bu yasu sukɔ ni, na minem dɔŋgu aɲu bu, na ba si bu, na ba fite mie miem su anmati adu bu mo ako aju deke bo bu sukɔ ni. ³⁴ Sanga bo Yesu fiteeri lee n nu ni, na wo ɲu jama beberebe, na wo si bu anunfo, dama bu ti ka nbem bo bu la ma sasafɔ o, na wo kere bu dekem beberebe. ³⁵ Na sanga bo wie ba suto ni, na i susufom n aba i do aba ase i ka, “Kisa, wie suto, ya wo boro gusu wo lee. ³⁶ Ma minem n atin na bu ko mie kunnu ni

aheme aheme miem su na bu ko nya diire be to di.”³⁷ Ama, na Yesu ase bu ka, “Amberɛ mmɔɔ ni am tii nya deke be ma bu na bu di.” Na ba se i ka, “Nzen a ɲa ya to kpɔnɔ ma ahin jama n kere, ya di ɲwaa beberebe.”³⁸ Na wɔ bisa bu ka, “Amberɛ la kpɔnɔ nye wɔ? Am nienie na am nie.” Na ba ko anie na ba bo i nu ka, “Kpɔnɔ nnu ni jombaa nnyɔ wo bere a.”³⁹ Na Yesu ase i susufɔm n ka bu ma jama n tana asese asese wura fiefiɛɛwa n su.⁴⁰ Na ba tana asese asese yaa yaa ni aburunu nnu.⁴¹ Na wɔ fa kpɔnɔ nnu ni, ni jombaa nnyɔ ni, na wɔ ye i tii su angoro, na wɔ da Nyeme asi. Na wɔ kpiekpie kpɔnɔ nnu n nu, na wɔ fa ama i susufɔm n ka bu fa ma minem ni, na wɔ fa jombaa nnyɔ n gusu akpaaki bu kere nu.⁴² Na bu kere adi na bu kunnu ayi.⁴³ Na ba tambu kpɔnɔ, ni jombaa sinsin bo bu diiri na i kaanri ni, na ba nya kandie buru ni nnyɔ.⁴⁴ Minem bo bu diiri kpɔnɔ n ni jombaa n kere yasuri nbiesɔm akpii nnu wɔ.

Kabo Yesu natiiri nzue su ni

⁴⁵ Nyini sin na Yesu ama i susufɔm n awura lee n nu na bu du i mɔ kpie ko Besayida mie nu kunma kpiri n buekun, na yiri aka na i kaari jama ni.⁴⁶ I kaari bu wieeri ni, na wɔ fun ako buka n su ka i ko sere Nyeme.⁴⁷ Saɲga bo ale ba saanri ni, lee n aju kunma kpiri n afien, na Yesu ɲgumi aka kunma kpiri n sin.⁴⁸ Na wɔ ɲu ka i susufɔm n sudi wahara lee n kaanbiri, dama aɲuma sun bu ko bu sin wɔ. Na fa ko akonyuma ciciri su, na wɔ nati nzue n su suba bu do, na wɔ yo ka i susin bu ɲu.⁴⁹ Saɲga bo bu ɲuuri ka i nati nzue n su ni, na ba sunsun ka, ɲumi a, na ba bo awie.⁵⁰ Bu kere ɲuuri i so ni, na sere ati bu agaya. Kpenɲa na Yesu ajojo bu do, na wɔ se bu ka, “Am ma am ahore si, mini a, ma am soro sere.”⁵¹ Na wɔ wura lee n nu, na aɲuma n atara. Na i susufɔm n kere ayo alekutura agaya.⁵² Dama ba koro ati ma i bu kabo i la yiko koro faari kpɔnɔ nnu maari jama beberebem ni, bu ahorembaa ti kekereke n deɛ ti.

Kabo Yesu ma tukpakifɔm beberebe nyaari laifie ni

⁵³ Na ba kpie nzue n aba aju awɔre n bo bu fere i ka Genesareti n nu, na ba minda lee n aheme.⁵⁴ Bu fiteeri lee n nu kpenɲa ni, na minem n asi ka Yesu lee.⁵⁵ Na ba ɲmati abara aye miem n kere su, na deke kere bo bu tiiri i ɲga, bu so bu tukpakifɔm ni bu dasum kere ba i do o.⁵⁶ Na nzen i koori aheme miem wara mie kunnu, deke kere bo i fa, bu fa bu tukpakifɔm ba i do so o, na bu sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

7

Yudafɔm nana sayoowa jɔre

¹ Na Yudafɔm Nyeme nɔanie kerefɔm nbem bo bu fite Yerusalem mie kpiri n nu ni, ni Farasifɔm n aba atien bu nɔo Yesu do.² Na ba ɲu ka Yesu susufɔm n nbem sudi diire bu saa fin, ba ɲmisi ma bu saa kabo bu nana sayoowa ti barasu ni.³ Dama Farasifɔm ni Yudafɔm kere la bu saa ɲmisi sayoowa bo i ti bu nana sa a. Bu nya ɲa bu di diire, bu du mɔ yo nyini sa n wɔ ka, na bu nya di.⁴ Nzen haari bu fiteeri go ba juuri awuru, bu di ma nenɲem bo ba fa aba ni, ma ka ba ɲmisi i ka, na bu yo bu nana sayoowa bo bu yo na bu di ni. Bu sayoowam sunnu. Bu nbem la ka bu ɲmisi awam ni dundum ni ayabam wɔ.⁵ Na Farasifɔm

ni, ni Yudafoṃ Nyeme nɔaniɛ kerefoṃ n abisa Yesu ka, “Nzu ti ye u susufoṃ n su má ya nam sayoowa n su, ye bu di diire bu saa fin a?”

⁶ Na Yesu ase bu ka, “Nahore ye Nyeme nɔaniɛ kanfo Esaya yo kaanri am jore ka am ti burukɔɔnufoṃ n a. Wo kere i kadasi n nu ka, Nyeme ŋa o,

‘Ahin minem ni, bu ma m jirima bu nɔɔ nu bere wo,
ama, i wo má bu ahore su.

⁷ Bu kansi m ŋgbɛɛn wo,

dama bu kere mine adamande dɛɛ kereewam wo,
na bu se ka nyini kereewa n fite Nyeme do o.’”

⁸ Na Yesu ase bu ka, “Am aɛ Nyeme nɔaniɛ maawa n ase bu ekun, na am nya susu adamande dɛɛ sayoowam su.”

⁹ Na wo se bu bekun ka, “Am la nahore bo am akpie mbenle ayaki Nyeme nɔaniɛ maawa n na am asu am dɛɛ sayoowam su ni. ¹⁰ Dama Moyisi ase ka, ‘Bu u si ni u ni.’ Na wo kaaki ase ka, ‘Sɔɔ kere bo i jɔɔri i si, ni i ni jore tie, wo yo daka ka bu kun i mi.’ ¹¹ Ama, ambere kere ka nzen sɔɔ be la deke be bo i ti ye ni ka i fa buka i si ni i ni, i koro se bu ka ‘I ti *Koroban* wo.’ I bu la ka, ‘Deke bo má m fa ma am ni, ma fa ayi saraka ama Nyeme.’ ¹² Nyini sanɔa ni, am akere ka i mi n koro buka má i si n ni i ni n lɛɛ. ¹³ Nyini n kere ka am abu Nyeme dɛɛ nɔaniɛ n ŋgbɛɛn lɛɛ, ye am su am dɛɛ sayoowam n bo am kere bu n su a. Na am la ahin sayoowam dɔŋgu bo am kaaki yo bu sɔ o.”

Kabo Yesu ŋa diire diiwa koro yo má sɔɔ fin ni

¹⁴ Na Yesu akaaki afere jama n aba i bi bekun, na wo se bu ka, “Am kere so am sui na am ti jore n bo m sujɔɔ ma am n bu. ¹⁵ Deke bo i wura sɔɔ nɔɔ nu koro yo má i mi fin, ama, deke bo i fite i mi ahore su yo i mi fin a. [¹⁶ Bo i koro ka i ti ahin jore n bu, i ti ye ni ka i so i sui na i ti.]”

¹⁷ Sanɔa bo Yesu ba cinsi yakiiri jama n na i wuraari awuru n nu ni, na i susufoṃ n abisa i nyini anyunderɛ n bu. ¹⁸ Na wo se bu ka, “Ŋka ambere gusu ati má jore n bu lɛɛ? Ambere si má ka deke bo i wura sɔɔ nɔɔ nu koro yo má i fin, ¹⁹ dama deke bo sɔɔ di, i wura má i ahore su se i wura i kunnu wo, na i kaaki je yi i, má sɔ?” Yesu afa ahin jɔɔowa n akere ka diire be la má ciire. ²⁰ Na wo kaaki ase bu ka, “Deke bo i fite sɔɔ ahore su, nyini yo i fin a. ²¹ Dama deke bo i wo i ahore su ma i sunsunni tie a. I koro ma i nati suyo sakaraya, na i suwo, na i sukun mine, ²² na i susaaki ajaa ciire, na i nyunu suboro nenge kpini su, na i suyo satietiem, na i sudadaka minem, na i suyo sa ŋgbɛɛnŋgbɛɛn bo i cɛɛ wo má nu, na i susi kore, na i nati susaaki minem duma, na i la karambani, na i nati suyo sinnzinya sam. ²³ Nyini satie n kere mmɔɔ nya fite sɔɔ ahore su, nyini ma i mi kaaki findifo a.”

Kabo bara bo i ti má Yudafo yoori Yesu yarada ni

²⁴ Na Yesu ayasu ako awore n bo i wo dodo Tiro ni Sidon mie kpirim ni, na wo ko awura awuru be nu benle ka má sɔɔ be ŋu i. Ama, wo koro afie má i ŋu. ²⁵ Na bara be ati i ŋga na wo ba ndende aba akutu i jaa bu. Ajini wo i wa baabara ŋu. ²⁶ Bara n ti má Yudafo, i ti Fonisiyafɔ o, bo i fite Siriya awore n nu wo. Na wo sere Yesu jande ka i fon yi ajini n bo i wo i wa n ŋu ni. ²⁷ Na Yesu ase i ka, “Ma nbaatumam n du mo di na bu kunnu yi ka, dama i ti má ye ni ka a fa nbaatumam

diire na a fa ma caam.”²⁸ Ama, na bara n ase i ka, “M Mibiε, a la nahōre, ama, haari ni nyini mmō, caam n tambu nbaatumam n diire n bo bu di na i tōtō asiεngu n na bu fa di.”²⁹ Na Yesu ase i ka, “U nōanie jōjōwa n dεε ti, kō awuru. Ajini n afite ayaki u wa ni.”³⁰ Na wō kō awuru akō anu ka i wa n da i dasu su, ajini n afite ayaki i.

Kabo Yesu tuntuunri asuturi be barasu ni

³¹ Na Yesu ayasu Tiro awōre n nu akō aju Sidon miε kpiri n nu, na wō fa bere asin Miε Burum dεε awōre n nu, aba aju Galili kunma kpiri n nōo su.³² Na mine nbem afa sōnō be aba Yesu dō, i ti asuturi wō, na i koro jōjō má nyunyumi. Na ba sere Yesu jande ka i fa i saa nana i ŋu na i nya laifε.³³ Na Yesu afa sōnō n afite jama n nu, i ni yiri ŋgumi, na wō fa i saa marakam awura i suim nu, na wō yi nanzue agō i saa su afa akan sōnō n taferema,³⁴ na Yesu aye i tii su anie angoro na wō ŋuundi, na wō se sōnō n ka, “Efata.” Nyini la ka, “Teke.”³⁵ Jina n nu bere, na sōnō n sui n ateke, na i taferema n gusu akaaki anyanji nu, na wō koro ajōjō nyunyumi.³⁶ Na Yesu abōbō bu ka má bu ma be ti ka wō tuntun sōnō ni, ama, kabo i bōbōori bu barasu ni, bu boori ndoori n gusu sō o bara yeeri a.³⁷ Na mine ayo alekutura haari akō asin su, bu ŋa, “I sayoowa kere kaba ti kpa a. I ma asuturim ti asui wō, na bobom jōjō.”

8

Kabo Yesu maari minem akpii nna diire ni

¹ Nyini sanga n na jama beberebe aba atien bu nōo Yesu dō bekun, bu la má deke bo bu di, na wō fere i susufōm ni, na wō se bu ka,² “Ahin jama n la m anunfo, dama i nyuma lesan lεε bo bu wo m dō na bu la má deke bo bu di.”³ M koro yaki má bu na bu kō awuru ni ahōε, má nyini, bu tō cin atin nu wō, dama bu nbem fite dede.”⁴ Na i susufōm n ase i ka, “Ye nifansu ye ya koro nya diire ahin boro n nu fen ma ahin minem n kere na bu kunnu yi a?”⁵ Na wō bisa bu ka, “Am la kpono nye wō?” Na ba bō i nu ka, “Nso.”⁶ Na wō ma jamam n nōo ka bu tana asiεngu, na wō fa kpono nso n na wō da Nyeme asi. Na wō kpiekpie i nu ama i susufōm n ka bu fa ma jama ni. Na bere gusu afa akpakpaaki bu nu.⁷ Bu la jombaa kan kan nbem gusu, na wō fa ada Nyeme asi, na wō fa ama i susufōm n ka bu fa nyini n gusu ma jama ni.⁸ Bu diiri na bu kunnu ayi. Na i susufōm n atambu sinsin kaawa n kandie nso.⁹ Jama ni ju akpii nna dika. Na Yesu anya akaari bu na ba kō awuru.¹⁰ Na i ni i susufōm n awura lee akō Damanuta dεε awōre n nu.

Kabo Farasifōm koroori ka Yesu yo alekutura sa na i keteeri ni

¹¹ Na Farasifō nbem aba i dō, na ba se akuruwa ni Yesu. Bu koroori ka i yo alekutura sa be bo i kere ka i yiko n fite Nyeme dō o, adena bu nya i ŋgeε sōbiri.¹² Na wō ŋuundi ni dimi i ahore su, na wō se ka, “Nzu ti ye ambere nyumafōm koro ka m yo alekutura sa na am ŋu i a? M suse am nahōre wō lεε ka, m yó má alekutura sa ma má ambere nyumafōm fuu.”¹³ Na wō yasu ayaki bu, na wō wura lee n nu akpie akō kunma n buekun dō.

Bōbōowa fa kō Farasifōm ni Feme Herode kereewam n su

¹⁴ Na i susufōm n wara afi diire sa, ba bita má pui, má ka kpono kun n kpein woori lee n nu a.¹⁵ Na Yesu atu bu fō, i ŋa, “Am si am ŋu sa ni

Farasifom, ni Feme Herode dee kpono ayiri n bo bu fa go kpono n nu na i yasu ni.”¹⁶ Na ba jɔɔ bu nɔnɔ nu ka, “Ya la má kpono n ti, ye i su se so n a.”¹⁷ Na Yesu afa nu kabo i susufom n sujɔɔ bu nɔnɔ nu ni, na wo bisa bu ka, “Nzu ti ye am sujɔɔ ka am bita má kpono a? Am nya si má deke bo m sujɔɔ i ni, am nya ti má sa n bu? Am ahorembaa ti kekereke wanla.¹⁸ I baari se ye am la anyumbaa na am ɔu má asi a? Ye am la asui na am ti má? Am tenge má su ka¹⁹ m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a?” Na ba bo i nu ka, “Kandie buru ni nnyo.”²⁰ Na Yesu akaaki abisa bu bekun ka, “Ye kpono nso n bo m yo fa kpiekpie maari mine akpii nna n di? Sinsin kandie nye ye am sasaari a?” Na ba bo i nu ka, “Kandie nso.”²¹ Na wo se bu ka, “Haari ni kisa, am nya ti má i bu?”

Kabo Yesu tuntuunri anyinsin be na i ɔuuri asi ni

²² Bu ko juuri Besayida mie n nu, na mine nbem afa anyinsin be aba Yesu do, na ba sere i jande ka i fa i saa nana i ɔu na i nya laifie.²³ Na wo so sɔno n saa nu afa i afite mie n nu, na wo yi nanzue ago i nyumbaa n nu. Na wo fa i saa anana i ɔu, na wo bisa i ka, “A nie, a ɔu deke be e?”²⁴ Na anyinsin n aye i tii su anie, na wo se Yesu ka, “M ɔu minem ka bu nati, ama, bu ti ka bakam wo.”²⁵ Na Yesu akaaki afa i saa anana i nyumbaa n su bekun, na anyinsin n anie gbirim, na wo ɔu ka i nyumbaam n ateke, na wo ɔu deke kere casi.²⁶ Na Yesu ase i ka, “To atin nu ko awuru, na má a se ka a fa mie n nu.”

Kabo Petoro kereeri ka Yesu ti barasu ni

²⁷ Na Yesu ni i susufom n ayasu ka bu ko Sizariya Filipu mie kan kanm su. Bu wo natiiri su ni, na wo bisa i susufom n ka, “Minem fa m bu ɔma a?”²⁸ Na ba bo i nu ka, “Bu ɔa wɔɔ ti Yohane Nyeme Nzue Biefo n a, nbem ɔa wɔɔ ti Nyeme noanie kanfo Eliya a, ye nbem gusu ɔa a ti dawa dee Nyeme noanie kanfo nyingam n kun wo.”²⁹ Na wo bisa bu bekun ka, “Ye amberɛ fa m bu ɔma a?” Na Petoro abo i nu ka, “Wɔɔ ti Kristo n a, Tiidefo n bo Nyeme ase ka i sunma i ni.”³⁰ Na Yesu abobo bu ka má bu ma be si ka yiri ti Kristo Tiidefo n a.

Kabo Yesu jɔɔ fa kɔɔri i yiwee n su ni

³¹ Nyini sin na wo bo i bu sukere i susufom n ka, “Wo yo daka ka mini Adamande Wa n di wahara dongu, na Yudafo nkpienkpienm, ni Nyeme sayoowa donguoyo nkpienkpienm, ni Nyeme noanie kerefom kere ba kete m ɔu na bu kun m. Ama, lesan ceen sin na m tenge m yiwee n nu.”³² Na wo kan sa n kere bu kpain akere bu. Na Petoro afa i ako aheme, na wo jara i ase i ka, “Má a se ka a kan nyini jore ni.”³³ Ama, na Yesu ace anie i susufom ni, na wo tien Petoro ɔu ase i ka, “Sitana, fa cinsi m bi bere. A sunsun má kabo Nyeme koro ni. A sunsun kabo adamande koro n wo.”

Kabo Yesu jɔɔ fa kɔɔri kabo minem su i su ni

³⁴ Na Yesu afere jama n ni i susufom n na wo se bu ka, “Sɔno kere bo i koro ka i su m su, wo yo daka ka i mi wara fi i tiengu sa koroowa sa, na i fa i yiwee baka jaanu n so, na i su m su.³⁵ Dama sɔno kere bo i koro ka i fa i ngɔɔ fie, i mi ba fun i. Ama, sɔno kere bo i toori i ngɔɔ mini ni m dee labari kpa n dee ti, i mi nya ngɔɔ.³⁶ Nzen sɔno nyaari durunya n nu deke n kere na i fuunri i ngɔɔ, i kperɛ la bono? ³⁷ Nzu

deke ye sɔnɔ koro fa kaaki i ngɔɔ a? ³⁸ Nyumafɔm ti satieyofɔm wɔ, bo bu su má Nyeme. Amberɛ bo am wo bu nu, na nyinse ti am fa kɔ mini ni m nɔanie n dɛɛ ti ni, sɔ ye nyinse tí mini Adamande Wa n gusu fa kɔ am su, sanɓa bo m bá ba ni m Si Nyeme jirima woowa n nu, ni i merɛke casim ní.”

9

¹ Na wɔ se bu ka, “Nahɔre ye m suse am n a, am nbem wo nu fɛn bo am wú má, má ka am aba aɗu ka Nyeme femɛya n aba ni yiko.”

Kabo Yesu njunie kaakiiri wo barasu ni

² Lesen cɛɛn sɪn na Yesu afa Petoro ni Yakobo ni Yohane afun buka lenlenɓe be su, bu ni yiri ngumi. Bu wo dɔ n na ba ɗu ka i njunie akaaki wo, ³ na i tanlɛɛ n akaaki fofoe papasi bo i ɗusu nya má durunya n nu. ⁴ Dɔ na mine nnyɔ nbem atie bu ɗu, na bu ni Yesu subo anzama. Bere la Eliya ni Moyisi, dawa dɛɛ Nyeme nɔanie kanfɔm ni. ⁵⁻⁶ Na sere ati Petoro ni susufɔ nyingam ni, na Petoro ajimi agaya na i nɔɔ afinfin i. Nyini ti na wɔ se Yesu ka, “Ya Kerefɔ, i ti kpa ka ya wo fɛn. Ma ya bo nambue nsan, u dɛɛ kun, Moyisi dɛɛ kun, na Eliya gusu dɛɛ kun.” ⁷ Na yinyingu akata bu ɗu, na ba ti akonvi be nga yinyingu n nu, na wɔ jɔjɔ bu dɔ. I ɗa, “M wa koroowa lɛɛ. Am de i nɔanie.” ⁸ Bu tiiri jɔjɔowa n sɔ ni, kpenɓa na ba nienie abara aye, ama, ba ɗu má sɔnɔ be kun, má ka Yesu ngumi wo bu dɔ a.

⁹ Na sanɓa bo bu ba sujura buka n su ni, na Yesu abɔbɔ bu ka, “Má am be se ka i bo sa n bo am aɗu i n su fa kere sɔnɔ be, haari fa kɔ sanɓa bo mini Adamande Wa ni bá wu na m tɛngɓe m yiwee n nu ka.” ¹⁰ Na ba de i nɔanie ni, ama, na ba bakati abisa bu ɗuɗu nu ka, “Ye nzu la ka, i bá wu na i tɛngɓe i yiwee n nu a?” ¹¹ Na ba bisa Yesu ka, “Ye nzu ti ye Nyeme nɔanie kerefɔm n bita jɔjɔ ka Eliya dú mɔ ba ka, ye Kristo Tiidefɔ ni bá ba n a?” ¹² Na wɔ bɔ bu nu ka, “I ti nahɔre wɔ ka Eliya dú mɔ ba na i bá sese deke n kere su. Bu kerɛeri se Nyeme Jɔre Kadasi n nu fa kɔ Adamande Wa n dɔ a? Ba kere ka i bá di wahara agaya, na mine bú i ngbɛn.” ¹³ Ama, m suse am wɔ lɛɛ, ka, Eliya adu mɔ aba, na minem ayo i kabo bu koro, kabo ba kere i Nyeme Jɔre Kadasi n nu lɛɛ.”

Kabo Yesu fɔn yiiri ajini fiteeri baa be ɗu ni

¹⁴ Sanɓa bo Yesu ni i susufɔ nsanm ni kpieeri bu nyi ba juuri i susufɔ nyingam bi ni, na ba ɗu ka jama beberebe atien bu nɔɔ abara aye bu. Ye Nyeme nɔanie kerefɔm n nbem bita bu ni akuruwa. ¹⁵ Jama n ɗuuri Yesu sɔ ni, na ba yo alekutura, na ba bo nu aɗmati akpa i atin ayo i anse. ¹⁶ Na wɔ bisa bu ka, “Am se nzu akuruwa a?” ¹⁷ Sɔnɔ be woori jama n nu na wɔ bɔ i nu ka, “Ya Kerefɔ, ma fa m wa baabiesɔ aba u dɔ ka a tuntun i ma m, dama ajini bobom wo i ɗu. ¹⁸ Sanɓa kere bo ajini n anya aba afa i, a ɗu ka wɔ fa i abo asienɓu, na i nanzue sufite fufuku, na i sukɓese i jee, na i kese i ɗu. Ma sere u susufɔm n ka bu fɔn yi ajini ni, ama, ba kura má nu.” ¹⁹ Na Yesu ase bu ka, “Amaa. Amberɛ nyumafɔm, am la má yarada fieo. Nyuma sa ye m wo am dɔ fɛn a? Ye m yó sawɔre ni amberɛ kɔ ju se wɔ? Am fa baa n ba ma m.” ²⁰ Na ba fa baa ni aba i dɔ, na sanɓa bo ajini n ɗuuri Yesu ni, kpenɓa na wɔ kpisi baa ni, na wɔ fa i abo asienɓu, na wɔ da sukundu, na nanzue fufuku sufite i nɔɔ nu. ²¹ Na Yesu abisa i si n ka, “Sanɓa bɔnɔ ye tukpaki n

taraari i a?" Na si n abo i nu ka, "I kaan nu kere a. ²² Saŋga kere bo i nya ba yasu i ŋu, i fa i wura sin nu wo, wara nzue nu ka i kun i. Nyini ti, nzen a koro buka ya, si ya anunfo na a buka ya." ²³ Na Yesu ase i ka, "Nzu ti ye a ŋa nzen m koro buka u a? Deke be ti má kekereke ma má minem bo bu yo Nyeme yarada ni." ²⁴ Kpenga na baa n si asa Yesu nwo su ka, "Ma yo yarada, ama, i sunnu má. Buka m na i sunnu." ²⁵ Na Yesu anu ka jama n sunmati ba i do, na wo tien ajini n ŋu, i ŋa, "Woro ajini n bo a ma baa n ayo bobo ni asuturi ni, mini suse u ka a fite yaki i a, na má a kpie u nyi ba i do kun." ²⁶ Kpenga na wo ciindi na wo kpisi baa n agaya, na wo fite ayaki i, na baa n aka ada ka wo wu dee su. Na minem n dongu ase ka wo wu wo. ²⁷ Ama, na Yesu atara i saa aye i su, na wo jina.

²⁸ Yesu ba wuraari awuru n nu ni, na i susufom n aba i do, bere ngumi, abisa i ka, "Nzu ti ye yere akoro afon má nyini ajini n a?" ²⁹ Na wo bo bu nu ka, "Be koro fon má nyini ajini n nusu so, má ka nyemesere."

Kabo Yesu jajo fa koro i yiwee n su bekun ni

³⁰ Na Yesu ni i susufom n ayasu bere ako asin Galili awore n nu. Wo koro má ka be si i woobiri, ³¹ dama i sukere i susufom wo. Na wo se bu ka, "Bu ba to mini Adamande Wa n ma mine nbem na bu kun m, ama, bu kuonri m wieeri, i lesan cen sin, na m tenge m yiwee n nu." ³² I jajo koro ni, i susufom n ati má i bu, ama, sere dee ti, ba koro abisa má i jore be.

Kabo Yesu kereeri sono bo i tara bu kere ni

³³ Na ba ko aju Kapenam mie kpiri n nu, na saŋga bo bu wo awuru n nu ni, na Yesu abisa i susufom n ka, "Am wo atin n nu suba ni, am se nzu akuruwa a?" ³⁴ Ama, na bu kere ato amuna, dama bu wo atin n nu do ni, na ba se akuruwa bu ŋuŋu nu fa ko sono bo i tara bu kere bu nu. ³⁵ Na wo tana, na wo fere bere i susufo buru ni nnyom ni, na wo se bu ka, "Sono kere bo i koro ka i kaaki mfo, wo yo daka ka i mi yo i ŋu kaan tara am kere na i kaaki yo am kere dee amususufo." ³⁶ Na wo fa baa kaan be aba ajina bu afien, na wo biti i, na wo se bu ka, ³⁷ "Woro kere bo ade ahin baakan n nusu m dee ti, a deer mini wo lee. Bekun, woro kere gusu bo a nya deer mini, a de m Si Nyeme bo i sunmaari m wo lee."

Kabo Yesu ŋa bo i fite má i sin, jina i sin ni

³⁸ Na Yohane ase i ka, "Ya Keref, ya ŋuuri ka sono be afa u dama sufa fon yi ajinim fite minem ŋu, ye ya ŋa ya yaki má i, dama i wo má ya nu n dee ti." ³⁹ Na Yesu ase ka, "Má am se ka am kanda i, dama sono kere bo i nya sufa m dama n yo alekutura sam, i mi ba koro kaaki jajo má jore tie fa ko m do. ⁴⁰ Dama sono kere bo i fite má ya sin, i mi jina ya sin wo lee. ⁴¹ M suse am nahore wo lee, ka sono kere bo i maari am nzue ka am nu dama am su mini dee ti, i mi nya i ŋkato."

Kabo wo yo daka ka má sono wura satie nu ni

⁴² Na Yesu akaaki ase bu ka, "Woro kere bo u sayoowa ma ahin nbaatuma kan kanm n be bo i yo m yarada n be wuraari satie nu, i ti má kpa. Nzen má bu faari ngani san yabue bambaka ciciiri u kom, na bu fa u ko tu tieku nu, i ti ye tara bo a ma ahin nbaatuma kan kanm n be wura satie nu ni. ⁴³⁻⁴⁴ Nzen u saa n be cin u wura satie nu a, kaba

kpíe i na a ka asaasin, na a nyá u ñu kò Nyeme dò. I ti ye ni bo a la u saa nnyò n kere na a wura ceema sin n bo i nò má n nu. ⁴⁵⁻⁴⁶ Nzen u jaa n be cin u wura satie nu a, kaba kpíe i na a ka ajaasin, na a nyá u ñu kò Nyeme dò. I ti ye ni bo a la u jaa nnyò n kere na bu ba fa u tu ceema sin nu. ⁴⁷ Nzen u nyumbaa kun gusu cin u wura satie nu a, lokoti yi i tu, na a ka anyunu kun, na a wúra Nyeme femeya n nu. I ti ye ni bo a la u nyumbaa n nnyò n kere na bu ba fa u tu ceema sin nu. ⁴⁸ Dò dee kakabam ni bo bu wura mine bo ba wu ni, bere wu má ceen be, na sin n gusu bo i je nò má.

⁴⁹ Kabo bu fa njin nyina saraka nenge kere su fa ma Nyeme, na i yo casi barasu ni, so ye Nyeme cin sòno kere sui na i yó casi. ⁵⁰ Ya si ka njin yo fie, ama, nzen i fiefie nya ba saari wieeri, i koro yo má fiefie kun. Am ma am wo yo fie ka njin am bengu nu, na am wo ni tanalaifie.”

10

Kabo Yesu kereeri minem fa kò ajaa ni ajaa yaki atin su ni

¹ Yesu yasuuri Kapenam mie kpíri n nu, na wò kò Yudiya dee awore n nu, na wò kpíe akò Yodan kunma n buekun dò fan, na jama beberebe ayandi aba atien bu nòo i dò. Na wò kere bu kabo sanja kere na i kere bu barasu ni.

² Na Farasifo nbem aba i dò ka bu so i ngefe fa kò i noanie n jòjòowa su, na ba bisa i ka, “Ya dee atin n su, atin wo nu ka sòno koro fa i yi ji i?” ³ Na Yesu abò bu nu ka, “Noanie maawa bònò ye Moyisi yo fa maari am a?” ⁴ Na ba bò i nu ka, “Moyisi yo maari atin ka nzen sòno koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji.” ⁵ Na Yesu ase bu ka, “Am ahorembaa kekereke n dee ti ye Moyisi yo kereeri nyini noanie maawa n maari am a. ⁶ Ba kere i Nyeme Jore Kadasi n nu ka fite durunya n bumboori, ‘Nyeme yiiri biesò ni bara a.’ ⁷ Na wò se ka, ‘Nyini dee ti, i ti ye ni ka biesò n kpaaki i gisan yaki i si ni i ni, na i ni i yi sanja wo. ⁸ Nyini sanga bu mine nnyò n ayo deke kun lee.’ Bu wo má bu ngungumi kun. ⁹ Nyini ti, deke bo Nyeme anya asanja i awie, má sòno kpaaki i nu kun.”

¹⁰ Sanga bo Yesu ni i susufòm ba juuri awuru ni, na ba bisa i nyini noanie n bu. ¹¹ Na wò se bu ka, “Sòno kere bo i faari i yi jiiri, na i jaari bara fòfòre, i mi n asaaki ajaa ciire ni i yi n bo wò fa i aji n lee. ¹² Sasu bekun, bara kere bo i yakiiri i hun ajaa, na i kò jaari biesò fòfòre, nyini bara n gusu asaaki ajaa ciire lee.”

Kabo Yesu yoori nbaatumam kisi ni

¹³ Minem sufa bu nbaam ba Yesu dò ka i fa i saa nana bu ñu na i yo bu kisi, ama, na i susufòm n atien bu ñu. ¹⁴ Yesu ñuuri i susufòm sayoowa n so ni, na yaa ati i, na wò se bu ka, “Am ma nbaatumam n bra m dò, má am fòn bu. Dama bere ñusu so ye Nyeme femeya n ti bu dee a. ¹⁵ Nahore ye m suse am n a, wò kere bo a de má Nyeme femeya n nu jore kabo baatuma de deke i saa nnyò ni, a wúra má Nyeme femeya n nu.” ¹⁶ Na wò kuku nbaatumam ni i saa nu, na wò fa i saa anana bu ñu, na wò yo bu kisi.

Nengefo n ni nyemesu jore

17 Nyini sin na Yesu ayasu do sukɔ. I wo kɔ n su ni, na sɔno be anmati aba akutu i nyunu, na wo bisa i ka, “Ya Kerefɔ sɔno kpa, m yɔ se ye m bá nya ngɔɔ n bo i la má awieeri n a?” 18 Na Yesu abɔ i nu ka, “Nzu ti ye a fere m ka sɔno kpa a? Be ti má kpa sin Nyeme nju. 19 Ye m nja a si Nyeme noanie maawam ni e, bu nja, ‘Má a kun sɔno. Má a saaki ajaa ciire. Má a wo. Má a di kɔre daani. Má a sisi sɔno. Bu u si ni u ni.’” 20 Na sɔno n abɔ i nu ka, “Ya Kerefɔ, ma su nyini noanie maawa n kere su haari m kaan nu.” 21 Na Yesu anie sɔno n na wo koro i agaya, na wo se i ka, “Deke kun ye wo kpɛe u su a. Kɔ na a kɔ to u aja kere, na a fa nwaa n ma yaarifom, na a bá nya ajɛke Nyeme do, na a bra ba su m su.” 22 Yesu seeri i so n na i njunie ayoroki i. Na wo kɔ awuru ni ahoresaaki, dama i la nenje agaya n deɛ ti.

23 Na Yesu anie i susufom n abara aye, na wo se bu ka, “I yɔ kekereke bo nenjefɔ wura Nyeme femeya n nu.” 24 Na i susufom n ayo alekutura ni nyini jɔjɔwa ni. Ama, na Yesu ase bu bekun ka, “Njam, i ti kekereke ka nenjefom wura Nyeme femeya n nu. 25 Kabo nyɔɔma sin misini bue nu ni, i ti má kekereke tara má kabo nenjefo yo na i wura Nyeme femeya n nu ni.” 26 Na i susufom n amie ako asin su, na ba bisa bu nju nu ka, “Ye nzen i ti so e, nma koro fite nu a?” 27 Na Yesu anie bu do na wo se ka, “I ti deke bo adamande koro yo má i, ama, Nyeme do, i ti má pui, dama Nyeme koro yo deke kere.”

28 Na Petoro ase i ka, “To, ye yere ayaki deke kere susu u su e.” 29 Na Yesu ase ka, “Nahore ye m suse am n a, sɔno kere bo i yakiiri i awuru, wara i ninbaam, wara i ni, wara i si, wara i nbaam, wara i asien, mini ni m labari kpa n deɛ ti, 30 i mi nyá nyinim so nusu yaa i ngɔɔ su. I nyá awurum, ni ninbaam, ni nim, ni nbaam, ni asienm, na minem má i di wahara, na fa kɔ fa ba i nyá ngɔɔ bo i la má awieeri. 31 Ama, mine dongu bo bu wo mo kisa ni bá ka sin, na bo bu ka sin kisa n bá du mo.”

Kabo Yesu jɔjɔ fa kɔri i yiwee n su kpe nsan su ni

32 Sangga bo Yesu ni i susufom sukɔ Yerusalem mie kpɛri n nu ni, na Yesu adu bu mo sunati, na i susufom n ajimi, na sere ati minem bo bu suuri i su ni, na wo kaaki afere i susufo buru ni nnyom n ako aheme, na wo jɔjɔ bu do bekun fa kɔ sa n bo i bá tu i ni. 33 I nja, “Am ti fen. Ya sukɔ Yerusalem lee, do ye bu kɔ tara mini Adamande Wa n a, na bu fá m ma Nyeme sayoowa donguyofɔ nkpienkpienm ni, ni Nyeme noanie kerefom ni, na bu dí m jɔre, na bu sóro su ka bu kún m. Na bere gusu nyá fa m wura minem bo bu ti má Yudafo m saa nu, 34 na bu yɔ m anzasi, na bu yí nanzue go m nju, na bu fin m ngbere, na bu nyá kun m, na i lesan ceen sin, na m ténge m yiwee n nu.”

Kabo Yesu kereeri ka mɔfo yo i nju kaan ni

35 Na Zebedi nbaam Yakobo ni Yohane aba Yesu do aba ase i ka, “Ya Kerefɔ, ya koro ka deke kere bo ya sere u, a yo i ma ya.” 36 Na wo bisa bu ka, “Am koro ka m yo nzu ma am a?” 37 Na ba se i ka, “Sangga bo a bá tana u jirima tanaabiri ni, ya koro ka a ma ya kun tana u saa fomboro su, na kun gusu tana u saa bie su.” 38 Na Yesu ase bu ka, “Am si má deke n bo am susere i n ti a. Am koro di wahara n bo m dí i ni, am káaki koro wo yiwee n bo m wú i ni, nzen se?” 39 Na ba bo i nu ka, “Een, ya koro yo i kere.” Na Yesu ase bu ka, “Nahore. Am dí wahara

n bo m dí i ni, na am káaki wu yiwee n bo m wú i ni. ⁴⁰ Ama, mini la má atin bo m má am be tana m fomboró su, na be tana m bié su. Ama, Nyeme asese nyini tanaabiri n su, afa ase ama minem bo yiri ni i tii ayi bu n a.”

⁴¹ Sangá bo i susufó burum ni tiiri kabo Yakobo ni Yohane n seeri Yesu ni, na ba fa yaa bu ñu. ⁴² Na Yesu afere bu kere aba i bi, na wó se bu ka, “Am si tenle su ka minem bo bu su má Nyeme n na bu yo bu ñu nkpienkpienm ni, bere mie bu minem a, na bu tereterefóm gusu kere kabo bu yiko ti barasu. ⁴³ Ama, wó ti má ye ni ka ambere yo só. Nzen sɔnɔ be koro ka i wura i ñu kpiri am kere nu, i ti ye ni ka i mi yo i ñu kaan, na i su am. ⁴⁴ Na bo i kaaki koro ka i yo am mɔfó, i ti ye ni ka i mi yo am kere akɔ. ⁴⁵ Dama mini Adamande Wa n ni m tii aba má ka minem su m wó, ama, m baari ka m ba su minem wó, na m wu ma bu, na m de minem dongu tii ji.”

Kabo Yesu tuntuunri anyinsin be na i ñuuri asi ni

⁴⁶ Na ba kó aju mie kpiri n bo bu fere i ka Yeriko ni. Sangá bo Yesu ni i susufóm, ni jama beberebe n sufite mie n nu ni, anyinsin be tana atin n nɔɔ wo sere su. Bu fere i ka Batimeyo, Timeyo dɛɛ wa. ⁴⁷ I tiiri ka Yesu Nazaretifó ni susin ni, na wó tien afere i, i ña, “Yesu, Feme Davidi anuma, si m aɗunfó.” ⁴⁸ Na jama n atien i ñu ka i yaki nanmie. Ama, na wó kaaki atien kpa abuka su ka, “Feme Davidi anuma, si m aɗunfó.” ⁴⁹ Na Yesu aka ajina, na wó se bu ka, “Am fere i ma m.” Na ba fere anyinsin ni, na ba se i ka, “Ma u ahore si na a yasu, i fere u.” ⁵⁰ Na wó fikindi i zaba n atu, na wó warakpin, na wó ñmati akó Yesu dɔ. ⁵¹ I kó juuri dɔ n na Yesu abisa i ka, “A koro ka m yo nzu ma u a?” Na anyinsin n abó i nu ka, “Ya Kerefó, m koro ka a ma m ñu asi wó.” ⁵² Na Yesu ase i ka, “Kó. Yarada n bo a yo m ni, nyini ma a nya laifie a.” Kpenɓa na wó kaba aɗu asi, na wó su i su akó.

11

Kabo Yesu wuraari Yerusalem ka feme dɛɛ su ni

¹ Bu kó ña bu dodo Yerusalem mie kpiri n nu, na bu ña bu wura miem bo bu fere bu ka Befage ni Betani n ni, nyini miem n dodo buka n bo bu fere i ka Oliva Buka n wó, dama oliva bakam gó su wó. Dɔ na Yesu asunma i susufóm n nu nnyo, ² na wó se bu ka, “Am kó mie kaan n bo i wo am nyunu dɔ ni, am kó ña am wura mie n nu, am ñú ka kaakobaa be minda, be nya fun má i. Am nyanɓi i bra. ³ Nzen be bisaari am ka nzu ti ye am sunyanɓi i a, am se i ka am Mibie ni koro i a, ama, i má am kaaki fa i kpie i nyi ba kisa kisa.” ⁴ Na ba kó, na ba kó aɗu ka kaakobaa n minda anɔ be nu atingbere n su, na ba nyanɓi i. ⁵ Na mine n bo bu jina dɔ n abisa bu ka, “Am suyo nzu lɛɛ, am sunyanɓi kaakobaa n kó ni wó?” ⁶ Na ba se minem n kabo Yesu seeri bu ni, na ba ma bu atin. ⁷ Na ba fa kaakobaa n aba Yesu dɔ, na ba fa bu suturam anana kaakobaa n ñu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa ase atin n nu. ⁹ Na bo bu du i nyunu n ni bo bu wo i sin n kere subo kuyigindi, bu ña,
“*Hosana*. Ya kansii Nyeme.

Terefie wo yiri n bo i suba Micera n dɛɛ duma n nu n dɔ.

¹⁰ Terefiε wo ya si Davidi femεya n bo i suba n dɔ.
Ya kansi Nyεmε bo i wo angoro ni.”

¹¹ Na Yesu awura Yerusalem miε kpiri n nu, na wɔ kɔ Nyεmε Sereebiri Awuru n nu. I kɔ juuri dɔ na wɔ niε abara aye deke n kere. Nyini sanja wie ato, nyini ti, na i ni i susufɔ buru ni nnyom n akpie bu nyi ako Betani.

Kabo Yesu yoori damba baka be nɔbεen ni

¹² Na i alecin na ba yasu Betani miε n nu sukɔ, na ahɔε ati Yesu.
¹³ Na wɔ niε anu damba baka be ni i nyawa, ka i wo dede, na wɔ kɔ anie ka i nyá suuwa n be di. Sanja bo i kɔ juuri baka n bu ni, wɔ nu má pui su, baka n jina ni nyawa nɔgumi wɔ, dama nyini sanja n ti má damba su sanja. ¹⁴ Na wɔ se baka n ka, “Sin nyuma sin, sɔnɔ di má u suuwa kun.” I seeri sɔ n na i susufom n ati.

Kabo Yesu fɔɔnri watafom fiteeri Nyεmε Sereebiri Awuru n nu ni

¹⁵ Sanja bo Yesu ni i susufom kɔ juuri Yerusalem miε kpiri n nu ni, na wɔ kɔ awura Nyεmε Sereebiri Awuru n nu, na wɔ fɔn nenje tɔfom ni tɔfom kere afite awuru n nu, na wɔ kaaki nɔwaa kaakifom n teebirim n ni tiywa tɔfom n biem kere alanlanga. ¹⁶ Wɔ soro má su na be sɔ sɔori nati sin Nyεmε Sereebiri Awuru n nu. ¹⁷ Na wɔ kere minem ka, “Ba kere i Nyεmε Jɔre Kadasi n nu ka, Nyεmε nɔa o, ‘M awuru ni, bu bá fere i ka awuru n bo bu bá sere Nyεmε n nu fa ma durunya n nufom kere wɔ.’ Ama, ambere afa i ayo finfom woobiri.”

¹⁸ Nyεmε sayoowa dɔnguyofɔ nkpienkpienm n ni Nyεmε nɔanie kerefom n tiiri sa n bo Yesu yoori i ni, na ba kpini atin kabo bu yó na bu kún i, dama ba soro i. Deke bo i ti na bu soroori i n la ka, mine dɔngu tiiri i kereewa n na ba yo alekutura. ¹⁹ Nyini cεen n naasɔ, na Yesu ni i susufom n afite mie n nu.

Kabo Yesu seeri ya ka ya yo Nyεmε yarada ni

²⁰ Alecin nɔgarama bu ba susin sukɔ na ba nu ka damba baka n awu ako akpura haari i bunlui. ²¹ Na Peto atenje su kabo Yesu seeri baka n ni, na wɔ se i ka, “Ya Kerefɔ, nie. Damba baka n bo anuma na a jɔjɔ gɔori i nu ni, wɔ wu.” ²² Na Yesu ase bu ka, “Am yo Nyεmε yarada. ²³ Nahɔre ye m suse am n a, wɔrɔ kere bo a se ahin buka n ka, ‘Yasu kɔ to tieku n nu,’ na a yo má sika na a yo yarada ka deke n bo a seeri i ni, i yó, Nyεmε yó i ma u. ²⁴ Nyini ti, m suse am wɔ lee, ka, deke kere bo am sere Nyεmε ka am koro i, am yo yarada ka am anya i, Nyεmε yó i ma am wɔ. ²⁵ Sanja kere bo am ba susere Nyεmε, na be ado am nɔgasi, am fa i mi ni nɔgasi ce i ka, adena am Si Nyεmε bo i wo angoro n gusu fá am dεε ce am. [²⁶ Nzen am fa má am benɔgum nɔgasi ce má bu, am Si Nyεmε bo i wo angoro n gusu fá má am dεε nɔgasi ce má am.]”

Kabo bu bisaari Yesu deke bo i yiko n fite ni

²⁷ Bu fa ba juuri Yerusalem miε kpiri n nu bekun, na Yesu awura Nyεmε Sereebiri Awuru n nu, na i sunati bara ye i. I wo dɔ sɔ ɔ n na Nyεmε sayoowa dɔnguyofɔ nkpienkpienm, ni Nyεmε nɔanie kerefom, ni Yuda fɔm nkpienkpienm n aba i dɔ, ²⁸ na ba bisa i ka, “Nma dεε yiko nu ye a yo nyini sam kere a? Nma ma u nyini yiko n ye a yo nyini sam n a?” ²⁹ Na Yesu abɔ bu nu ka, “Am ma m du mɔ bisa am bisaawa kun be ka, na nzen am bɔori m nu, na m gusu nyá se am deke bo m yiko

n fite. ³⁰ Njma maari Yohane atin ye i ba biɛeri minɛm Nyɛmɛ nzue n a? Nyɛmɛ nzen adamande? Am bɔ m nu.” ³¹ Na ba se akuruwa bu nɔnɔ nu, kabo bu bɔ Yesu nu barasu. Bu ɔa, “Nzen ya seeri i ka Nyɛmɛ maari i atin a, i bisa ya ka, ye nzu ti ye ya da má Yohane nɔ a? ³² Ama, nzen ya se i ka adamande dɔ?” Dɔ gusu na ba soro jama ni. Má pui ti, dama sɔnɔ kere soroori su ka Yohane yo ti Nyɛmɛ nɔanie kanfɔ ɔ nahɔre su. ³³ Nyini ti, na ba bɔ i nu ka, “Ya si má.” Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kere ni.”

12

Kabo Yesu boori miɛnu niiri Yudafɔm nkpienkpienm ni

¹ Na Yesu abo bu miɛnum. I ɔa, “Sɔnɔ be yo woori bere a, na wɔ dɔ i baka suuwa barasu be fie, na wɔ kanda abara aye fie ni. Na wɔ lokoti yabuɛ bambaka be kunma, ka i sumiɛmiɛ baka suuwam ni nzue gɔ nu. Na wɔ ta kpafiri lenlɛnge be ka bu tana su suniɛ fie n kere su, na wɔ nya afa fie n awura i npadifɔm saa nu. Na wɔ kɔ atin. ² Sangba ba juuri bo i si ka baka suuwam n abi ni, na wɔ sunma i akɔɔm kun i npadifɔm n dɔ ka i kɔ de i dɛɛ bo ba nya i n bra. ³ Akɔɔ n kɔ juuri ni, na ba tara i abo i, na ba fɔn i akpie i nyi i saa nɔgbɛɛn. ⁴ Na fie n fɔ n asunma i akɔɔ n kun bekun, na ba tara i abo i atie i tii, na ba kpa i nyinyɛ. ⁵ Na wɔ kaaki asunma kun bekun, na ba kun yiri. Akɔɔ kere bo fie n fɔ n nya sunmaari i a, a nɔ ka bu bo i wɔ, wara bu kun i wɔ. ⁶ Sɔnɔ kun n kpein be ba kaari a, yiri la i wa koroowa ni. Yiri ye i ba kaari sin sunmaari a, na wɔ se ka, ‘Bu má m wa n yiri jirima.’ ⁷ Ama, na nyini npadifɔm n ase bu nɔnɔ nu ka, ‘I wa n bo i dí i aja n lɛɛ suba n a. Am bra na ya kun i na aja n kere ká ya dɛɛ.’ ⁸ Dɔ na ba tara i, na ba kun i, na ba cin i afite fie n nu afa i atu.”

⁹ Na Yesu anya ase bu ka, “Am sunsun ka fie n fɔ ni yó se wɔ? I bá kun nyini npadifɔm n kere wɔ, na i fá fie n wura mine fɔfɔrem saa nu.” ¹⁰ Na wɔ sa su ase ka, “Amberɛ ni am tii akan Nyɛmɛ Jɔre Kadasi n nu aɔu i kabo ba kere i barasu. Bu ɔa, ‘Yabuɛ n bo bondo tafɔm n faari i tuuri ni, yiri ye wɔ kaaki bondo n jaa yabuɛm kere tii a.

¹¹ Mícera ni yoori i sɔ a.

Ya nɔ i, na wɔ yo ya alekutura.’ ”

¹² Yesu seeri sɔ ni, na Yudafɔm nkpienkpienm n akpini atin kabo bu yo na bu tara i, dama bu faari nu ka miɛnu n bo i boori i ni, i niiri bere wɔ, ama, bu soroori jama n dɛɛ ti, na ba yasú akɔ ayaki i.

Kabo bu sɔɔ Yesu nɔɔ fa kɔ lampo tɔ busu ni

¹³ Nyini sin na nkpienkpienm n asunma Farasifɔm ni Fɛmɛ Herode mine nbem na bu ba sɔ Yesu nɔɔ na bu ti i nɔanie. ¹⁴ Na ba ba ase i ka, “Ya Kerefɔ, ya si ka a ti nahɔre sefɔ ɔ, u cɛɛ wo má kabo mine jojo nu, dama a niɛ má sɔnɔ jinaabiri ti, ama, a kere minɛm wɔ nahɔre su kabo Nyɛmɛ atin ti barasu. Tɔ, ya dɛɛ atin n su, atin wo nu ka ya tɔ lampo ma Romafɔm Fɛmɛ Kpíri Siza, nzen atin wo má nu?” ¹⁵ Ama, na Yesu asi ka bu ti burukɔɔnufɔm wɔ, na wɔ bisa bu ka, “Nzu ti ye am sukoro ka am sɔ m nɔɔ a? Am fa nɔwaa bra na m niɛ.” ¹⁶ Na ba fa nɔwaa n aba ama i. Na wɔ de nɔwaa n anie, na wɔ bisa bu ka, “Njma dɛɛ

tii ni i duma wo njwaa n su n a?" Na ba bo i nu ka, "Feme Siza dee a." ¹⁷ Na Yesu ase bu ka, "Deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme." Na ba mie ni i noanie ni.

Kabo bu bisaari Yesu fa koori yiwee tenge jore su ni

¹⁸ Na Yudafo m ase se barasu nbem bo bu fere bu ka Sadusifom ni, aba Yesu do. Bu dee kereewa la ka Nyeme tenge ma minem bu yiwee n nu n a. Na ba ba abisa i jore be, bu na, ¹⁹ "Ya Kerefo, Moyisi yo kereri noanie be maari ya, ka nzen sono wu yakiiri i yi, na i ni bara n anya ma baa, wo yo daka ka i niema n fa kunafo n na bu wu nbaam ma gozo n bo wo wu ni. ²⁰ To, sono be yo laari nbaabiesom nso, na baakpien n aja bara, na wo wu ayaki bara ni, ba nya ma baa. ²¹ Na bo i to i su n afa kunafo n aja, na yiri gusu awu ayaki bara ni, ba nya ma baa. Na bo i to i su nsan su n gusu afa i aja bekun. ²² I yo so o, na bu nso n kere aja bara n abara aye, na bu kere awu ayaki i, ba nya ma baa, na bara n gusu aba aka sin awu. ²³ Kabo bu mine nso n kere aja bara n na ba wu so ni, ceen n bo Nyeme ba tenge minem bu yiwee n nu ni, bara ni ka nma dee wo?"

²⁴ Na Yesu abo bu nu ka, "Am amini atin. Deke bo i ti na am amini atin n la ka, am ti ma deke bo ba kere i Nyeme Jore Kadasi n nu n bu, na am kaaki si ma kabo i yiko n ti barasu. ²⁵ Dama sanja bo Nyeme ma minem tenge bu yiwee n nu ni, ajaa wo ma bere kun. Ama, nyini ceen ni, sono kere kaaki ka Nyeme merkem bo bu wo angoro n wo. ²⁶ Na fa ko kabo Nyeme ba tenge minem bu yiwee n nu ni, am kaanri Moyisi dee kadasi ni, nzen am akan ma i? Kabo i kereri fa ko sanja bo sin n jeeri buwe baka n su n na Nyeme jooori i do ni, i na, 'Mini ti Abraham, ni Izaki, ni Jakabu dee Nyeme n a.' " ²⁷ Na Yesu asa su ase bu ka, "Kabo Nyeme na i ti nyini minem n dee Nyeme ni, nyini kere ka bu toko la ngoo lee, dama Nyeme ti ma bo ba wu n dee Nyeme, ama, i ti bo bu la ngoo n dee Nyeme a. Nyini ti, kabo am na Nyeme tenge ma minem bu yiwee n nu, am amini fieo."

Nyeme noanie maawa n bo i tara bu kere n jore

²⁸ Na Nyeme noanie kerefo m kun anu kabo Sadusifom ni Yesu seeri bu benju akuruwa ni, i tiiri kabo Yesu boori bu nu nyunyumi so ni, na wo ba abisa i ka, "Nyeme noanie maawam ni, sono tara bu kere a?" ²⁹ Na Yesu abo i nu ka, "Noanie n bo i tara bu kere n yaa, ba kere ka, 'Ambera Yisarelifom, am ti fen, ya Micera Nyeme n ti kun wo. ³⁰ Koro Micera u Nyeme ni, ni u ahorembaa kun, ni u awiewie, ni u sunsunni, ni u fanga kere.' ³¹ Bo i to su nnyo n la ka o, 'Koro u benju kabo a koro u nu ni.' Noanie maawa be wo ma bere bo i tara ahin nnyom ni." ³² Na Nyeme noanie kerefo n ase Yesu ka, "Angba. Ya Kerefo, i nahore atin su lee ye a kan i n a. Ya Micera Nyeme n ti kun wo. Nyeme be wo ma bere sin i nu. ³³ Wo kaaki ayo daka ka ya koro Nyeme ni ya ahorembaa kun, ni ya sunsunni, ni ya fanga kere, na ya kaaki koro ya benju kabo ya koro ya nu ni, nyini nnyom n ti ye tara bo ya yo tiem, ni bo ya yi sarakam ma Nyeme ni." ³⁴ Na Yesu anu ka sono n abo i nu kpa, na wo se i ka, "A waari ma ni Nyeme femeya ni." Nyini sin, be abo ma su ka i bisa Yesu jore bekun.

Kristo Tiidefo n bo i ti Feme Davidi anuma n jore

³⁵ Saŋga bo Yesu woori Nyeme Sereebiri Awuru n nu sukere Nyeme noanie ni, na wo bisa minem jore be fa ko Kristo Tiidefo n su. I na, “Nzu ti ye Nyeme noanie kerefom n bita joro ka Kristo n ti Feme Davidi anuma a?” ³⁶ Dama Awiewie Casi n yo wuraari Feme Davidi nu ni, na yiri ni i tii ase ka,

‘Na Miceera ase m Mibie n ka,

“Ba tana m saa fomboro su fen,

haari m ba ma u kprofom kere ba kutu u jaa bu.”’

³⁷ To, Feme Davidi mmoo ni i tii fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu na mine si bu nu sa ni Nyeme noanie kerefom ni

Ye jama beberebe n jina tiiri Yesu noanie n ni ahorejo a. ³⁸ I woori bu kere n su ni, na wo se bu ka, “Am si am nu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. ³⁹ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁰ Nyini minem n so fin nkunafom nengem wo, na bu jina sere Nyeme ce, adena minem nu ka bu ti mine kpam wo. Jina ceen, bere ba nya suicin tara minem kere.”

Kabo kunafu be yiiri saraka barasu ni

⁴¹ Na Yesu ako atana adodo alaka bo minem yi bu saraka nwaa wura nu ni, na i sunie kabo minem yi saraka barasu. Nengefom dongu yiiri nwaa beberebe wuraari saraka n nu. ⁴² Na kunafu yaariffo be gusu aba ayi nwaa kaan be bo i koro to ma pui awura saraka n nu.

⁴³ Do na Yesu afere i susufom n na wo se bu ka, “Nahore ye m suse am n a, nyini kunafu n ayi nwaa atara minem n kere. ⁴⁴ Dama nengefom la nwaa beberebe n dee ti, ye ba yi be a. Ama, nyini kunafu n ni i yaari n kere, i deke kere bo i la i lee, ye wo yi i n a.”

13

Kabo Yesu seeri ka Nyeme Sereebiri Awuru ni ba bereki barasu ni

¹ Saŋga bo Yesu sufite Nyeme Sereebiri Awuru n nu ni, na i susufom n nu kun be aba ase i ka, “Ya Kerefo, nie nyini yabue ngbingbirim ni. Nie kabo bu ti a. Nie nyini awuru bambaka ni. Nie kabo ba ta i barasu a.” ² Na Yesu ase i ka, “M na a nu nyini ataari ngbingbirim n e? Yabue kun n kpein n mmoo ba nana ma i bengu su. Bu ba bereki i kere go lee.”

Kabo Yesu kere fa koori durunya n awieeri su dee jore ni

³ Na Yesu ako afun atana Oliva Buka n su sunie Nyeme Sereebiri Awuru ni. Na saŋga bo yiri ni Petoro ni Yakobo ni Yohane ni Andere woori bu ngumi ni, na ba bisa i ka, ⁴ “Ya Kerefo, se ya, saŋga bono ye ahin sam n kere ba yo a? Ye nzu deke ba kere ya ka saŋga n adodo bo nyini sam n kere ba yo a?” ⁵ Na Yesu anya ase bu ka, “Am si am nu sa na ma am ma be dadaka am. ⁶ Dama mine dongu ba fa m duma n ba, na bu se ka, ‘Yiri la mini n a.’ Na bu dadaka mine beberebe. ⁷ Saŋga bo am ba ti aluwa nga fen, wara bu sukun lue do, ma am ma am ahore saaki. Wo yo daka ka nyini n kere ba yo ka, ama, ma

am nie ka durunya n awieeri lee. ⁸ Daanfie daanfie bá kun lue ni bu beŋgum, na nfemem kún lue ni bu beŋgu nfemem. Na asien bá kpisi awore awore nu, na ahoe tó. Nyini n kere bá yo kabo bara kutu ceen bumboori dee wahara n ti n wo.

⁹ Am si am ŋu sa, dama bu bá fa am wura joredifom saa nu, na bu bó am bu tientienbunoo soom n nu. Mini dee ti, na bu dí am jore gominam ni nfemem nyunu. Nyini má am atin, na am di m daani kere bu a. ¹⁰ Ama, wo yo daka ka daanfie kere du mo ti labari kpa n ka, ye durunya n awieeri bá ju a. ¹¹ Saŋga n bo bu bá faari am koori jinaabiri, na bu ko di am jore ni, má am ma am ahore saaki fa ko kabo am kó jjo barasu. Noanie kere bo i tó am noo nyini saŋga ni, am jjo i, dama i fite Awiewie Casi n do o, i fite má am do.

¹² Gorom ni niemam bá to bu beŋgu ma bu kpofom na bu kún bu, na sim tó bu nbaam, na nbaam kéte bu wufom ŋu, na bu má minem kun bu wufom ni. ¹³ Ama, woro kere bo a mindi deer ni nyini n kere ko ju i awieeri, Nyeme de u tii ji.”

Anyumbaa ciire sa n bo i bá ba n jore

¹⁴ Na Yesu akaaki ase bu ka, “Am bá ŋu anyumbaa ciire sa be bo Nyeme mmoo kpo i, ka bu má i jina Nyeme Sereebiri Awuru n nu, deke bo wo yo má daka ka i jina, na i saaki i ni. Ma sono kere bo i kan ahin kadasi n ti i bu nyunyumi. Nyini saŋga ni, woro kere bo a tiiri i ŋga, na a wo Yudiya asien n su, ŋmati ko bukam n su. ¹⁵ Woro kere bo a wo kpata nu, má a wura gisan n nu fa pui. ¹⁶ Na woro kere gusu bo a wo fiesu, má a kpie u nyi ko awuru ko fa u sutura be. ¹⁷ Nyini saŋga ni yó kekere agaya ma nyinsefom, ni nbaram bo bu nbaam toko nu ni. ¹⁸ Am sere Nyeme ka má nyini sa n yó buke saŋga. ¹⁹ Nyini saŋga ni, wahara bo mine dí i, i tara wahara kere bo ba di i asin, fite saŋga n bo Nyeme yiiri durunya ni haari ni kisa, nyini wahara n ŋusu bá má kun. ²⁰ Ama, Micera n akpie nyini saŋga n su. Nzen má wo kpie má i su, má sono wo má bere bo i nyá ŋgoo, ama, i dee tieŋgu minem bo wo yi bu n dee ti, wo kpie saŋga n su a. ²¹ Nyini saŋga ni, nzen be bá se am ka, ‘Am nie, Kristo Tiidefo ni wo fen n a,’ wara ‘Am nie, yiri wo do n a,’ má am de i mi noanie ni. ²² Dama korefo nbem bá ba na bu yó bu ŋu ka bere ti Kristo n a, na nbem gusu yó bu ŋu ka bu ti Nyeme noanie kanfom wo. Bu yó alekutura sam beberebe fa kere am, na nzen bu koro nyaari atin, bu dadaka Nyeme dee minem bo wo yi bu ni. ²³ Am bere, ma se am i kere wo lee ka, na saŋga n nyá ba ju. Am si am ŋu sa.”

Kabo Adamande Wa ni bá kaaki ba barasu ni

²⁴ Na Yesu akaaki ase bu ka, “Saŋga bo nyini wahara n kere ba siinri, ‘Awosin káta wie n su,

na sara n gusu tá má bo minem ŋu i.

²⁵ Na asarambaam fite aŋgoro titi toto,

na aŋgoro n kere kpisi.’

²⁶ Na minem nyá ŋu ka mini Adamande Wa ni sufite aŋgoro yinyinggu n nu suje piepieu suba ni yiko bambaka. ²⁷ Na m nyá sunma Nyeme merékem durunya n awore n kere nu, na bu tientien Nyeme minem bo Nyeme ayi bu durunya n nu n kere noo.”

Kabo Yesu ŋa ya fa damba baka fa se nyaari barasu ni

²⁸ Na Yesu akaaki ase ka, “Am fa damba baka n fa se nyaari. Sanja bo am ba ŋu ka i nyawa akpɔnkpɔn, na i sufiefie fɔfɔre ni, am si ka dɔdɔɔri sanja adodo lɛɛ. ²⁹ Mini Adamande Wa n ba ni bá yo sɔ ɔ. Sanja bo amberɛ gusu bá ŋu ka nyini sam kere bá suyo ni, am si tenle su ka sanja n adodo lɛɛ, i cé má kun. ³⁰ Nahɔre ye m suse am n a, ka bo bu la ŋɔɔ kisa n wú wie má ka, ye nyini sam kere bá yo a. ³¹ Aŋgoro ni asienɔgu kere bá la awieeri, ama, m dɛɛ noanie n yiri la má awieeri cɛɛn be.”

Kabo Yesu seeri ka ya si ya ŋu sa fa kɔ i ba n su ni

³² Na Yesu akaaki ase ka, “Be si má sanja ni, wara cɛɛn n bo m bá kpie m nyi ba ni. Haari Nyeme merɛkem n bo bu wo i dɔ ni, ni mini bo m ti i wa n mmɔɔ si má. Má ka ya Si Nyeme ŋgumi si a. ³³ Nyini ti, am si am ŋu sa. Má am fa am ŋu ji, dama am si má sanja n bo m bá ni. ³⁴ Mini Adamande Wa n baawa ni bá yo ka sɔnɔ be ye wɔ yasu i dika ka i kɔ atin. Sanja bo i ba sukɔ ni, na wɔ fa i awuru n awura i akɔɔm saa nu, na wɔ ma bu kere ni bu juma bo bu yo. Na wɔ se danmindafɔ n ka má i fa i ŋu ji haari fa kɔ sanja bo i bá ba. ³⁵ Amberɛ mmɔɔ si má sanja bo mini Awurufɔbie ni bá ba. Nzen ŋgarama a? Naaso ɔ? Kɔngue jinanjin? Akɔnyuma bo sanja? Be si má. Nyini ti, má am fa am ŋu ji, ³⁶ na má am daafi na m bá fura am nu. ³⁷ Deke bo m sujojo se am ni, m jojo ni sɔnɔ kere pepere wɔ lɛɛ, ka, má am fa am ŋu ji na am daafi.”

14

Kabo bu sɛsɛeri su na bu tára Yesu ni

¹ Nyini sanja ni, wɔ ka lennyɔ ɔ, na bu di bu cɛɛnkpiri nbem. Bu fere kun n ka Butara cɛɛnkpiri, bo bu di i na bu tenge su kabo Nyeme yo deeri bu nam tii fiteeri Ijipitifɔm asien su ni. Na kun la bo bu di i ni kpɔnɔ bo bu gɔ má ayiri nu na i yasu ni. Na Nyeme sayoowa dɔnguyofɔ nkpienkpienm ni, ni Nyeme noanie kerefɔm ni, anienie atin kabo bu yó barasu na bu tára Yesu kun i fiɛɛwa nu. ² Na ba se bu ŋuɔ nu ka, “Má am ma ya yo i cɛɛnkpiri n sanja. Má nyini, minem ní kété yo nanɔmie wɔ, na bu sutientien.”

Kabo bara be gɔɔri Yesu tii su tulaalɛ ni

³ Yesu woori Betani mie n nu wɔ, sɔnɔ be dika, bu fere i ka Simon, i yo ti kokofɔ ɔ. Sanja bo Yesu wo diire di su ni, na bara be aba ni tulaalɛ tuwa nvanvani bo i la gɔ agaya. Na wɔ bo abu tulaalɛ tuwa n nɔɔ, na wɔ kaaki tulaalɛ n kere ago Yesu tii su. ⁴ Na yaa ati minem ni nbem bo bu wo dɔ ni, na ba se bu ŋuɔ nu ka, “Nzu ti ye wɔ saaki tulaalɛ n sɔ a? ⁵ Má ya tɔɔri i, má ya nyá ŋwaa beberebe, na ya fá ma yaarifɔm.” Na ba kan bara ni ndie agaya. ⁶ Na Yesu ase bu ka, “Am yaki i benle. Má am kan i ndie. Sakpa lɛɛ ye wɔ yo ama m n a. ⁷ Am ni yaarifɔm ni wo bere sanja kere a, na nzen sanja be am ba koro ka am yo bu sakpa, am yo bu. Ama, mini, m wo má am dɔ sanja kere. ⁸ Wɔ yo i dɛɛ fanja nyaari lɛɛ, wɔ kaaki tulaalɛ n ago m ŋu ka i dɛɛ nzee bo wɔ fa ayo m siriya fa kɔ m yiwee cɛɛn lɛɛ. ⁹ Nahɔre ye m suse am n a, deke kere bo bu bá kaanri Nyeme labari kpa ni durunya n kere nu, bu kán i sayoowa n na minem tenge i su.”

Kabo Yudasi sɛsɛeri su ka i tó Yesu ni

¹⁰ Na Yudasi Isikariyoti bo i ti Yesu susufo buru ni nnyom ni kun be ni, ako Nyeme sayoowa donyuyofon nkpienkpienm ni do, ka i ko to Yesu ma bu. ¹¹ Bu tiiri labari n so ni, na bu ahore ajo, na bu gusu atan ndie ama i ka bu ma i nwaa. Na Yudasi akpini atin kabo i yo barasu na bu nya Yesu taraabiri.

Kabo Yesu ni i susufom diiri ceenkpiri diire ni

¹² Na ceenkpiri n bo bu di i ni kpono bo bu go ma ayiri nu na i yasu ni, i lekun ceen, nyini ceen ye bu kun nbombaam bo bu di na bu tenje Butara ceenkpiri n su n a, na Yesu susufom n abisa i ka, “A koro ka ya ko ni ko sese Butara ceenkpiri n diire n su se a?” ¹³ Na Yesu afere bu nu nnyo na wo se bu ka, “Am ko mie n kunnu. Am ni sono be ye. I so nzue dundu. Am su i su, ¹⁴ ko awuru n bo i ko wura nu ni, na am bisa awurufobie n ka, ‘Ya Kerefon n, so onono nu ye i ni i susufom ni di Butara ceenkpiri n diire n a?’ ¹⁵ Na i kere am angoro so bambaka n bo ba yo i dongu ase ni, do ye am sese diire n su se ya.” ¹⁶ Na i susufom ni ako mie n nu, na ba ko anu deke n kere so, kabo Yesu seeri bu ni, na ba sese Butara ceenkpiri diire n su.

¹⁷ Na naaso sanja, na Yesu ni i susufo buru ni nnyom ni kere aba do. ¹⁸ Na sanja bo bu tana wo diire n di su ni, na Yesu ase bu ka, “Nahore ye m suse am n a, am nu kun ba to m ma m kofom a. I mi ni mini susanja di diire n a.” ¹⁹ Na bu ahore asaaki, na bu kun kun n kere abisa i ka, “Ye m nja ma mini yiri e?” ²⁰ Na Yesu abo bu nu ka, “Ambera buru ni nnyom nu kun yo nyini a, i mi ni mini susanja fa ya saa wura taale kun nu a. ²¹ Mini Adamande Wa ni wu kabo ba kere i Nyeme Jore Kadasi n nu ase ka m wu n wo, ama, sono n bo i to mini Adamande Wa n ni, i mi ba n anyumboro. Ma ba wu ma i mi n mmoo, ma i ti ye.”

Ya Mibie kasin diire n jore

²² Sanja bo Yesu ni i susufom ni wo diire n di su ni, na Yesu afa kpono, na wo da Nyeme asi, na wo bubu i nu, na wo fa ama bu, na wo se bu ka, “Am de ahin kpono n na am di, i ti m juniembaa a.” ²³ Na wo kaaki afa awa ni nzan, na wo da Nyeme asi, na wo fa ama bu, na bu kere anu be. ²⁴ Na wo se bu ka, “Ahin nzan n ti m mbunja lee, ye m sufa ma am n a. Yiri ye Nyeme sufa sesesu na i di i di n a. Minem dongu satie dee ti, ye m mbunja ni songi go a.” ²⁵ Na wo kaaki ase bu ka, “Nahore ye m suse am n a, m nu ma nzan be kun, ma ka ceen n bo m ba nu i fofore Nyeme femeya n nu ni.”

Kabo Yesu seeri i susufom n ka bu ba nmati yaki i ni

²⁶ Nyini sin na ba di jue akansi Nyeme, na ba fite ako Oliva Buka n su. ²⁷ Na Yesu ase i susufom n ka, “Am kere ba nmati yaki m, dama ba kere i Nyeme Jore Kadasi n nu ka, Nyeme nja,

‘M bo kun boesasafon ni,
na nbom ba sandi.’

²⁸ Ama, m ba tengeeri m yiwee n nu ni, m du am mo ko Galili awore n nu.” ²⁹ Na Petoro ase i ka, “Nzen ahinm kere nmati yakiiri u, mini nmati yaki ma u da.” ³⁰ Na Yesu ase Petoro ka, “Nahore ye m suse u a, nyuma kongue n nu, kana akonyuma ba bo kpe nnyo su, a kete kpe nsan ka a si ma m.” ³¹ Na Petoro abo i hoe ase i ka, “Mini se ma so

da. Nzen haari wɔ yo daka ka mini ni wɔrɔ kerɛ sɔŋga wu mmɔɔ, ya wú ɔ.” Na i susufɔm n kerɛ ase sɔ.

Kabo Yesu jeke tiiri na i kɔ sereeri Nyeme ni

³² Na ba yasu ako aju awɔre be bo bu fere i ka Gesemane ni, na Yesu ase i susufɔm ni ka, “Am tana fen ɲminda m, na m kó sere Nyeme.”
³³ Na wɔ fa Petoro ni Yakobo ni Yohane na ba kɔ mɔ kaan. Bu kɔ juuri dɔ na ahoresaaki aba i dɔ agaya, na i jeke ati. ³⁴ Na wɔ se bu ka, “Ahoresaaki aba m dɔ agaya, i yo m ka m wú ɔ mmɔɔ. Am wo fen na am ɲminda m. Má am daafi.” ³⁵ Na wɔ kɔ dede kaan, na wo butu i kunnu su, na wɔ sere Nyeme ka nzen má i koro ma ahin anyumboro n sin yaki i. ³⁶ I ɲa, “*Abba*,” i bu la ka, “M Si, wɔrɔ koro yo sa kerɛ a. Nyini ti, yi m fite ahin anyumboro n bo i suba m dɔ n nu. Ama, má a yo kabo m koro ni, se kabo a koro ni.”

³⁷ I sere Nyeme wieeri ni, na wɔ kpɛ i nyi ako aɲu ka i susufɔ nsanm ni wo daafiri su. Na wɔ tenge bu na wɔ se Simon Petoro ka, “Simon, a daafi wɔ? A koro kpɛ má daafiri, haari kaan sɔ mmɔɔ?” ³⁸ Na wɔ kaaki ase bu ka, “Am kpɛ daafiri, na am sere Nyeme, adena má deke be yo am na am wura satɛ nu. Ahorembaa n koro nyemesu, ama, aɲuniembaa n ayɔrɔki.” ³⁹ Na wɔ kaaki ako asere Nyeme bekun ni nyini nɔaniɛ jɔjɔwa kun bo i du mɔ jɔjɔri ni. ⁴⁰ Na wɔ kpɛ i nyi aba i susufɔm n dɔ, na wɔ ba aɲu ka ba daafi bekun, dama daafiri ati bu agaya. Ba koro ase má i pui.

⁴¹ Na wɔ kɔ asere Nyeme kpe nsan su, akaaki aba aɲu ka bu toko wo daafiri su, na wɔ se bu ka, “Am toko daafi yi am ɲumi wɔ? Wɔ se su. Saɲga n aju, wɔ tɔ mini Adamande Wa ni ama satɛyofɔm. ⁴² Am nie, sɔnɔ n bo wɔ tɔ m lɛɛ. Am yasu na ya kɔ.”

Kabo bu taraari Yesu barasu ni

⁴³ Na saɲga bo Yesu toko wo jɔjɔri su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni kɔrɔmam. Nyeme sayoowa dɔɲguyofɔ nkpienkpienm n ni Nyeme nɔaniɛ kerefɔm ni, ni Yudafɔm nkpienkpienm ni sunmaari bu a. ⁴⁴ Na Yudasi bo i tɔri Yesu ni akere jama n nyaari su kabo bu sí Yesu na bu tara i. I ɲa, “Sɔnɔ n bo m kó biti i ni, yiri lɛɛ. Am tara i, na am bita i kenken, na am fa i kɔ.” ⁴⁵ Saɲga bo i kɔ juuri ni, i kaba kɔri Yesu dɔ ɔ, na wɔ bo afere i ka, “Ya Kerefɔ.” Na wɔ biti i, na wɔ yo i anse. ⁴⁶ Na minɛm n atara Yesu na ba bita i kenken. ⁴⁷ Na Yesu susufɔm bo bu jina berɛ n nu kun acin ayi i takobe, na wɔ kpɛ sɔnɔ be sui, nyini sɔnɔ n ti Nyeme sayoowa dɔɲguyofɔm kpɛn n akɔɔ ɔ. ⁴⁸ Na Yesu abisa bu ka, “M ti finfɔ ɔ ye am fa takobem ni kɔrɔmam na am ba tara ma a? ⁴⁹ Cɛɛn kerɛ cɛɛn m ni ambere wo Nyeme Sereebiri Awuru n nu a, ye m kere minɛm a, ama, am atara má m. Tɔ, i ti ye ni ka kabo ba kerɛ i Nyeme Jɔre Kadasi n nu ka bu yó m ni yo yiiwa.” ⁵⁰ Na i susufɔm n kerɛ aɲmati ayaki i.

⁵¹ Na gbefɛne be gusu su Yesu su. I kara tani ɲgumi wɔ. Na ba laandi ka bu tara i, ⁵² na wɔ foro bu saa aɲmati ayaki tani ni, i bu ɲgbɛɛn.

Kabo bu fa Yesu kɔri jɔre diibiri ni

⁵³ Na ba fa Yesu ako Nyeme sayoowa dɔɲguyofɔm kpɛn n dika, na Yudafɔm tereterefɔm kerɛ aba atien bu nɔɔ. Berɛ la Nyeme sayoowa dɔɲguyofɔ nkpienkpienm ni, ni Yudafɔm nkpienkpienm ni, ni Nyeme

noanie kerefom ni. ⁵⁴ Na Petoro asu Yesu su, ama, i woori dede kaan ni yiri, na wo ko awura Nyeme sayoowa dɔnguyofom kpien n dika gisan nu. Na wo ko asaŋga atana tintinijinafom n nu atun sin. ⁵⁵ Na Nyeme sayoowa dɔnguyofom nkpienkpienm ni, ni Yudafom tereterefom n kere anienie minem bo bu ba di daani fa ko ngasi bo Yesu ado i ni, adena bu nya i taraabiri na bu kun i, ama, ba nya ma jore bo bu fa kpie so i. ⁵⁶ Na daani difom beberebe afite ajina akpie kore aso Yesu, ama, bu noanie n ayo ma kun. ⁵⁷ Na mine nbem gusu ayasu ajina akpie kore aso Yesu, ⁵⁸ bu na, “Ya tiiri ka i na, i fufu ahin Nyeme Sereebiri Awuru n bo minem taari i ni, na lesan afien, na i kaaki ta fofore bo i ti ma kabo adamande ataari ti ni.” ⁵⁹ Haari ni nyini n mmoo, bu noanie ni ayo ma kun.

⁶⁰ Na Nyeme sayoowa dɔnguyofom kpien ni ayasu ajina tereterefom n afien, na wo bisa Yesu ka, “A la ma bonu be fa ko ahin jore n bo minem ni akpie aso u n su?” ⁶¹ Ama, na Yesu amoo i noo, wo bo ma jore be nu.

Na Nyeme sayoowa dɔnguyofom kpien ni abisa i bekun ka, “Woro ti Nyeme n bo ya kere kansi i n de Wa, Kristo Tiidefo n a?” ⁶² Na Yesu abo i nu ka, “Mini lee. Na ‘am ba nu mini Adamande Wa ni, ka m tana Nyeme Yikofon saa fomboro su, na am nu ka m fite angoro yinyingu n nu suba.’ ”

⁶³ Yesu bo nu so wieeri ni, na Nyeme sayoowa dɔnguyofom kpien ni ason i tanlee. Na wo se ka, “Ya koro ma daanifo bekun. ⁶⁴ Ambere mmoo ti kabo wo joro awura Nyeme ngasi n nu e. Ye am na se wo?” Na bu kere ase ka wo kan ciire jore, nyini ti, wo yo daka ka i wu. ⁶⁵ Bu kaanri so wieeri ni, na bu nbem ayi nanzue ago Yesu nu, na ba fa sanvuin acin akata i nyumbaa, na ba bobo i, na ba se i ka, “Woro Nyeme noanie kanfo ni, kan kere ya sono n bo i boori u ni.” Na tintinijinafom n gusu afinfin i nyoonu.

Kabo Petoro keteeri ka i si ma Yesu ni

⁶⁶ Bu wo nyini kere su ni, na Petoro toko wo gisan n nu, na afani be aba i bi, yiri ti Nyeme sayoowa dɔnguyofom kpien n de afani kun a. ⁶⁷ Saŋga bo i nie nuuri Petoro ka i wo sin tuunbiri n ni, na wo nie Petoro nyunu dika ghirim, na wo se i ka, “Woro mmoo yo woori nyini Yesu Nazaretifo n do o.” ⁶⁸ Na Petoro akete, i na, “Ai, m si ma nyini jore n bo a sujoro i ni.” Na wo fite gisan n nu aba lee n nu. Nyini saŋga ni na akonyuma abo kpekun. ⁶⁹ Na afani n aba anu i do, na wo kaaki ase minem bo bu jina bere ni ka, “Ahin sono n ti bu nu kun wo.” ⁷⁰ Ama, na Petoro akete bekun.

Wo ce ma na bo bu jina bere n gusu ase Petoro ka, “Nahore a, a ti bu nu kun wo, dama woro mmoo ti Galilifo o.” ⁷¹ Na wo tan ndie afa i saa awura sin nu, i na, “M si ma sono n bo am sujoro i jore ni.” ⁷² Kpenga na akonyuma n abo kpe nnyo su, na Petoro atenge su kabo Yesu seeri i ni, i na, “Kana akonyuma ba bo kpe nnyo su, a kete kpe nsan su ka a si ma m.” Na i ahore asaaki, na wo sun.

15

Kabo bu faari Yesu ko jinaari Gomina Pilato nyunu ni

¹ Na alecin sanja na Yudafom tereterefom kere atien bu nɔɔ. Bere la Nyeme sayoowa dɔnguyofɔ nkpienkpienm ni, ni Yudafom nkpienkpienm ni, ni Nyeme nɔanie kerefom ni. Na ba tana asese su kabo bu yɔ Yesu. Na ba wura i jɔrɔkɔ, na ba fa i akɔ ama Gomina Pilato. ² Na Gomina Pilato abisa i ka, “Wɔrɔ ti Yudafom femɛ n a?” Na wɔ bɔ i nu ka, “Kabo a jɔɔ ni, i ti sɔ ɔ.” ³ Na Nyeme sayoowa dɔnguyofɔ nkpienkpienm ni akpie jɔre beberebe asɔ i. ⁴ Na Gomina Pilato abisa i bekun ka, “A la má nɔanie bo a bɔ bu nu? Niɛ jɔre beberebe bo ba kpie asɔ u a.” ⁵ Ama, Yesu abɔ má jɔre be nu, na Gomina Pilato abirisi kabo Yesu abɔ má nu ni.

⁶ Afo kere afo Butara cɛenkpiri n nya ba ju ni, Gomina Pilato yi dansaraka n bo jama n sere i ka i yi i ji n wɔ. ⁷ Nyini sanja ni sɔnɔ be woori dansaraka sɔɔ n nu dɔ, bu fere i ka Barabasi. Sanja be minem yo keteeri gomina n ɲu wɔ, na ba tu luɛ, na i ni i beɲgu ketemafɔ nbem akun minem, nyini ti, na ba tara bu anyi bu dansaraka. ⁸ Tɔ. Kabo afo kere afo Gomina Pilato n yi dansaraka n kun ma bu ni, na jama n aba atien bu nɔɔ i bi na bu kere sɔnɔ n bo i yí ma bu ni. ⁹ Na Gomina Pilato abisa bu ka, “Am koro ka m yi Yudafom femɛ ni ma am a?” ¹⁰ I seeri sɔ ni, dama i si tenle su ka Nyeme sayoowa dɔnguyofɔ nkpienkpienm ni si Yesu kɔre ti ye bu faari i ba wuraari i saa nu a. ¹¹ Na Nyeme sayoowa dɔnguyofɔ nkpienkpienm n awura jama n bu sin ka bu se Gomina Pilato ka i yi Barabasi ji ma bu. ¹² Na Gomina Pilato abisa bu ka, “Ye ahin sɔnɔ n bo am fere i ka Yudafom femɛ ni, am koro ka m yo i sɛ wɔ?” ¹³ Na jama n atien ase ka, “Kpama i baka jaanu n su na i wu.” ¹⁴ Na Gomina Pilato ase bu ka, “Ye nzu satie ye wɔ yo i a?” Ama, na ba kaaki atien agaya bekun ase ka, “Kpama i baka jaanu n su na i wu.” ¹⁵ Dɔ na Gomina Pilato akoro ka i jɔ jama n ahore, nyini dɛɛ ti, na wɔ yi Barabasi aji, na wɔ ma sojam afin Yesu ɲgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo bu yoori Yesu anzasi ni

¹⁶ Na ba fa Yesu awura gomina n gisan n nu, na ba fere bu beɲgu sojam kere ka bu tien bu nɔɔ. ¹⁷ Na ba wura Yesu tanlɛ kɔkɔre yorom ka femeya tanlɛ su, na ba fa buwe aɲɔ i ka kaba dɛɛ su, na ba fa aforo i tii ka femeya kere dɛɛ su, adena bu yo i anzasi. ¹⁸ Na ba yo bu ɲu ka bu suma i jirima, bu ɲa, “Yudafom Femɛ ni, ya yo u anse.” ¹⁹ Na bu sufinfin i tii baka, na bu suyi nanzue gɔ i ɲu, na bu sukutu i nyunu. ²⁰ Bu ba yoori i anzasi n wieeri ni, na ba yi tanlɛ kɔkɔre yorom ni, na ba kaaki afa i tienɲu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

²¹ Sanja bo bu sukɔ ni, na bu ni Sirenefɔ biɛ be aye, bu fere i ka Simon, Alekizanda ni Rufusu si lɛɛ. I fite aheme suba miɛ kunnu, na sojam n amie i ka i sɔ Yesu baka jaanu ni. ²² Na ba fa Yesu akɔ deke bo bu fere i ka *Gologota* ni, *Gologota* n bu la ka Tereawa Woobiri. ²³ Na mine nbem asaɲga nzan ni ayiri barasu be ama i ka i nu, na i jɔ yaari, ama, wɔ nu má i. ²⁴ Bu yoori nyini n kere wieeri ni, na ba nya akpama i baka jaanu n su, na ba ye i su ajina, na ba tu mbaa na bu si kabo bu kpaaki i suturam nu, bu ɲuɲu nu.

²⁵ Bu kpamaari i baka jaanu n su ngarama kerefi ngɔna a. ²⁶ Na ba kere jɔre n bo bu kpie sɔori i ni, na ba fa abo akpama i baka jaanu n tii su, kerɛewa n la ka, “Yudafɔm Fɛmɛ n lɛɛ.” ²⁷⁻²⁸ Na ba kpama finfo nnyɔ nbem baka jaanu su adodo i, bu kpamaari kun i saa fɔmbɔɔ su wɔ, na ba kpama kun n gusu i saa biɛ su. ²⁹ Na minɛm kere bo bu sin dɔ ni subobo bu tii, na bu sukpie i nzuko, bu ɲa, “Ɛɛnhɛɛn, wɔɔ bo a ɲa a fufu Nyɛmɛ Sereebiri Awuru n na a káaki ta i lesan afien n lɛɛ, ³⁰ jura baka jaanu n su na a de u tii ji.” ³¹ Na Nyɛmɛ sayoowa dɔnguyofɔ nkpiɛnkpiɛnm ni, ni Nyɛmɛ nɔaniɛ kerefɔm ni gusu suyo i anzasi bu ɲɲu nu, bu ɲa, “Wɔ de minɛm tii aji, ama, i sukoro de má yiri ni i tii. ³² Am ma ya niɛ Yisarelifɔm Fɛmɛ n bo i ɲa i ti Kristo Tiidefɔ ni, nzen i koro juraari baka jaanu n su kisa kisa, ya yó i yarada.” Na mine nnyɔm ni bo bu kpamaari bu dodoori i ni mmɔɔ akpie i nzuko.

Kabo Yesu wuuri ni

³³ Wiɛsu kerefi buru ni nnyɔ sanɲa na awosin akata asien n kere su, haari naaso kerefi nsan. ³⁴ Na nyini sanɲa ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyɛmɛ, m Nyɛmɛ, nzu ti ye a yaki m aji a?” ³⁵ Na minɛm nbem jinaari bere, bu nbem n tiiri sɔ ni, na ba se ka, “Am so am sui na am ti, i sufere Eliya.” ³⁶ Na bu kun nu aɲmati afa mɛnɛ adɔ nzan gagaraki be nu, na wɔ fa awɔ baka su alaandi atɔ Yesu nɔɔ ka i nu, na wɔ se ka, “Am yaki i na ya niɛ, ka Eliya bá jura i baka jaanu n su.” ³⁷ Na Yesu abo awie kpa kpekun, na wɔ nya ayo Nyɛmɛ dɛɛ. ³⁸ Na tani bambaka n bo bu fa kpaakiiri sɔɔ casi n bo i wo Nyɛmɛ Sereebiri Awuru n nu n ati nu nnyɔ, fa i angoro kɔ jura asienɲu. ³⁹ Na soja kpiɛn n bo i jinaari baka jaanu n nyunu ɲuuri kabo Yesu boori awie na i wuuri barasu ni, na wɔ se ka, “Ahin sɔnɔ n ti Nyɛmɛ Wa a nahɔre su.”

⁴⁰ Na nbara nbem ajina dede suniɛ Yesu. Bu nu nbem la Mariya bo i fite Magadala miɛ n nu ni, ni Salome, ni Mariya n bo i nbaam la Yakobo kaan n ni Yose. ⁴¹ Bere yo suuri Yesu su wɔ sanɲa bo i wo Galili awɔre n nu na bu subuka i. Nbaram beberebe gusu yo woori dɔ bo bu suuri i su baari Yerusalem miɛ kpiri n nu.

Kabo bu yoori Yesu sutura barasu ni

⁴² Kabo nyini cɛɛn n tiiri Njumiya cɛɛn n kpokpo cɛɛn ni, i naaso wie, ⁴³ na Yosefu bo i fite Aramatiya miɛ kpiri n nu ni, na wɔ fa ahoresi na wɔ kɔ aɲu Gomina Pilato, na wɔ sere i ka i fa Yesu ɲuniɛ n ma i. Yosefu yo ti sɔnɔ jirimafɔ ɔ Yudafɔm tereterefɔm n nu, na i sunsunni kere yo la ka, i ɲminda sanɲa bo Nyɛmɛ bá di i femeya n wɔ. ⁴⁴ Gomina Pilato tiiri kabo wɔ se ni, na wɔ yo alekutura kabo Yesu akaba awu ni. Na wɔ sunma afere soja kpiɛn n na i bisa i na i ti ka Yesu wuuri ni, wɔ cɛ? ⁴⁵ I tiiri soja n nɔaniɛ wieeri ni, na wɔ ma Yosefu atin ka i kɔ fa i ɲuniɛ ni. ⁴⁶ Na Yosefu ato nzee, na wɔ yi fuin n baka jaanu n su, na wɔ fa nzee ni apɔɔndi i. Na wɔ kɔ afa i awura yabue buɛ bo ba lokoti i ayo i faɲkunma n nu, na wɔ fa i ase nu, na wɔ kundu yabue bambaka afa atɔ faɲkunma n anɔ ni. ⁴⁷ Na Mariya Magadalafɔ ni, ni Mariya n bo i wa la Yose ni ajina anie aɲu deke bo bu seeri Yesu ni.

16

Kabo Yesu tengeeri i yiwee n nu ni

¹ Na naaso sanɗa bo Njumiya cɛɛn n asin ni, na Mariya Magadalafo ni, ni Salome, ni Mariya n bo i wa la Yakobo ni, aba ato tulaaleɛ nvanvani ka bu fa ko go Yesu nuniɛ n su. ² Na Yudafoɓ bakue n bumboori, mone cɛɛn ngarama fuun, fa ko wie tie sanɗa, na ba ko Yesu fanɗunma n su. ³ Sanɗa bo bu sukɔ ni, na ba bisa bu beɗgu ka, “Nma ko kundu yi yabue n bo i to fanɗunma n anɔ n ma ya?” ⁴ Deke bo i ti na bu seeri so n la ka, yabue n ti bambaka agaya. Na ba tu bu tii anie anu ka yabue n to ma anɔ ni. ⁵ Na ba wura yabue buɛ fanɗunma n nu anu ka gbefene be tana nu saa fomboro su, i wura tanlee fofoe yorom be, na ba yo alekutura. ⁶ Na wo se bu ka, “Ma am yo alekutura. M si ka am nienie Yesu Nazareti fo n bo bu kpamaari i baka jaanu n su n wo. Wo tenge i yiwee n nu. I wo ma fen. Am nie, deke bo bu faari i seeri n yaa. ⁷ Am kpie am nyi na am ko se Petoro ni nyingam n kere ka wo du am mo sukɔ Galili, do ye am ko nu i a, dama kabo i yo seeri am lee.” ⁸ Na ba fite fanɗunma n nu ni nmatiiri, na bu nuniɛ subobo bu ni sere. Ba bo ma su ase ma be, dama sere ati bu agaya.

Kabo Yesu faari i nu kereeri Mariya Magadalafo ni

[⁹ Mone cɛɛn ngarama fuun ye Yesu tengeeri i yiwee n nu a. I du mo yiiri i nu kereeri Mariya Magadalafo n wo. Yiri la bara n bo Yesu fon yiiri ajini nsom i nu ni. ¹⁰ Na wo ko atu Yesu susufom ni ka bu wo ahoresaaki ni sun su, na wo se bu ka wo nu Yesu. ¹¹ Sanɗa bo i seeri bu ka Yesu atenge i yiwee n nu na wo nu i ni, ba de ma i noanie ni.

Kabo Yesu faari i nu kereeri i susufo nnyo nbem ni

¹² Nyini sin na Yesu susufo nnyo nbem afite Yerusalem mie kpiri n nu sukɔ aheme, na wo yi i nu akere bu, bo ba koro afa ma nu nde ka yiri lee. ¹³ Na ba kpie bu nyi aba ase nyingam n ka ba nu Yesu, ama, haari ni nyini mmoo, ba de ma.

Kabo Yesu faari i nu kereeri i susufo buru ni kunm ni

¹⁴ Nyini kere sin na sanɗa bo i susufo buru ni kunm n wo diire di su ni, na wo yi i nu akere bu. Na wo jaraki bu kabo bu ahorembaa ti kekereke ni, ni kabo ba yo ma yarada ni minem bo bu nuuri i sanɗa bo i tengeeri i yiwee n nu na bu ba seeri bu ni. ¹⁵ Na wo se bu ka, “Am ko durunya n kere nu na am ko kan m labari kpa n kere adamande kere. ¹⁶ Na sono kere bo i yoori m yarada, na am bieeri i Nyeme nzue, Nyeme de i tii ji, ama, bo ba yo ma yarada ni, Nyeme di bu jore na i yo bu ngbeen. ¹⁷ Na bo bu yoori yarada, bu nya yiko bo bu koro yo ahin alekutura sam ni. Bu fa m duma fon yi ajinim fite minem n nu, na bu joro anie barasu barasu bo bu si ma bu, ¹⁸ na nzen bu taraari woom wara bu diiri nenge diiwa n mmoo, i yo ma bu pui. Bu fa bu saa nana tukpakifom nu, na bu nya laifie.”

Kabo Nyeme faari Yesu fun koori angoro ni

¹⁹ Sanɗa bo Mibie Yesu joro ni bu do wieeri ni, na Nyeme afa i afun ako angoro ako atana i saa fomboro su. ²⁰ Na i susufom n ako deke n kere ko sukan i labari kpa ni, na Mibie n awo bu do abuka bu, na wo ma bu yiko, na ba yo alekutura sam bo i kere ka bu labari kpa kaanwa n kere ti nahore wo.]

Labari kpa n bo LUKA akere i ni

¹ Ya si Teyofilosi, mine dongu boroori bu nyi na ba kere sam bo bu yoori ya nu fen n afa ase. ² Kabo jore n ti na bu kereri i ni, yiri ye minem seeri ya n a, nyini minem bo bu woori i bumboori ni, bere nuuri i a, bere kaanri a. ³ To, kabo mini ni m tii ayi koresi anie sereya n kere, fite sangha n bo jore n boori i bu ni, ma nu ka i ti kpa ka mini gusu kere i kere sese i su na i ko atin su fa ma woro Teyofilosi bo a la anyunuyi ni, ⁴ adena a si ka bo ba kan akere u n kere ti nahore wo.

Kabo Nyeme mereke n koori Zakariya do n jore

⁵ Sangha bo Herode yo ti Yudiya feme ni, Nyeme sayoowa donguyofo be wo bere, bu fere i ka Zakariya. I fite Abiya dee Nyeme sayoowa donguyofom asese n nu wo. Bu fere i yi duma ka Elizabeti, yiri mmoo ti Aaron busu nufo o. ⁶ Bere nnyom kere yo ti minem bo bu su Nyeme nahore su wo, na bu deeri i noanie maawam ni, na bu yoori dekem kere bo i se ka minem yo i ni. ⁷ Ama, ba wu ma baa, dama Elizabeti ti noroka a, na bekun i ni i hun n kere ayo nkpienm agaya.

⁸ Ceen n be, na Zakariya awo Yudafom Nyeme Sereebiri Awuru n Soo Casi n nu suyo i Nyeme sayoowa donguyofo juma, dama nyini ceen n ti bu dee busu nufom ceen wo. ⁹ Nyeme sayoowa donguyofom la bu nana sayoowa be. Bu tu mbaa a, na bu yi bu nu kun. Nyini ceen ni, bu yiiri Zakariya a, ka i wura bu Nyeme Sereebiri Awuru n Soo Casi n nu, na i kunkun ayiri kunkuunwa nvanvani. Nyini ti, na wo ko awura nu. ¹⁰ Ayiri nvanvani n kunkun sangha ba juuri ni, na jama kere aka gisan nu susere Nyeme. ¹¹ Na Nyeme mereke aba ayi i nu akere Zakariya, i jina Mikun n yoowa yobiri fomboro su, deke bo wo kunkun ayiri nvanvani n ni. ¹² I nuuri mereke n so ni, na wo bo biri, na sere ati i. ¹³ Ama, na mereke n ase i ka, "Zakariya, ma a ma sere ti u. Nyeme ade u sere ni. U yi Elizabeti ba wu baabieso, na a tun i duma ka Yohane. ¹⁴ Baa n bo i wu i n dee ti, u ahore jo agaya ko sin su, na mine dongu gusu ahore jo. ¹⁵ Baa ni ba yo sono bambaka a Nyeme do. Wo yo ma daka ka i nu nzan fieo. Haari i ni kunnu, ye Nyeme Awiewie Casi ni wura i nu a. ¹⁶ Na i ma Yisareli busu nufom dongu kpie bu nyi ba yiri Micera Nyeme n bo i ti ye ni ka bu su i n do. ¹⁷ Awiewie Casi n fanga wo yiri nu ka Nyeme noanie kanfo Eliya a, yiri du Micera nyunu a, adena i yo nbaasim ni bu nbaam afien dongu a, na i kaaki mine keteewam sunsunni, na bu yo mine kpaam, na i sese Nyeme minem su se i."

¹⁸ Na Zakariya ase Nyeme mereke n ka, "Nzu deke ye m fa si ka jore n bo a sujojo i ni yo nahore a? Dama ma yo kpien, m yi gusu ayo buke."

¹⁹ Na mereke n ase i ka, "Bu fere m ka Gabiriyeli. Mini wo Nyeme nyunu a. Ye wo sunma m u do ka m fa ahin labari kpa n ba ma u a. ²⁰ Ti fen. Noanie n bo m sujojo i ni ba yo nahore wo, sangha bo Nyeme koro ka i yo ni. Ama, a yo ma m noanie n yarada dee ti, a to amuna, na a koro jojo ma haari ceen bo a ba nu ka noanie n bo m sujojo i n ayo nahore."

²¹ Nyini sanƙa n kere minem n toko jina gisan nu n̄minda Zakariya, na ba birisi deke bo i ti na wɔ ce Sɔɔ Casi n nu sɔ ni. ²² Sanƙa bo i ba fiteeri ni, wɔ koro ajojɔ má bu dɔ. Dɔ na ba fa nu ka wɔ n̄u alekutura deke be Sɔɔ Casi n nu. Dama wɔ koro ateke má i n̄ɔɔ ajojɔ má, se i fa i saa jɔjɔ bu dɔ a.

²³ Sanƙa bo Zakariya ba yoori i juma kere wieeri Nyeme Sereebiri Awuru n nu ni, na wɔ kp̄ie i nyi ako i bɔsu. ²⁴ Wɔ ce má, na i yi Elizabeti anyinse. Wɔ yi má i n̄u fofoe nu haari sara nnu. ²⁵ Na wɔ se ka, “Kisa, ya Micera n anie ān̄u m ān̄unfɔ. Wɔ yi m afite nyinse bambaka nu.”

Kabo Nyeme mereke n kɔɔri Mariya dɔ n jɔre

²⁶ Sanƙa bo Elizabeti nyinse n ba juuri sara nsen ni, na Nyeme asunma mereke Gabiriyeli mie be bo i wo Galili awɔre n nu, na bu fere i ka Nazareti ni, ²⁷ ka i kɔ fa labari ma sunguru be bo bu fere i ka Mariya ni. Nyini sanƙa, ba fa i ace biesɔ be, bu fere i ka Yosefu, i fite Feme Davidi deɛ busu n nu wɔ. I ni Mariya nya sanƙa da má, dama wɔ nya ja má i. ²⁸ Na mereke n awura i n̄u, na wɔ se i ka, “Sunguru, m yo u anse ni terefie. A di Nyeme ahɔroma, na i kaaki wo u dɔ.” ²⁹ Mariya tiiri ahin nɔanie n ni, na wɔ yo i alekutura, na wɔ birisi ase ka, “Ahin anse yoowa n bu la ka se wɔ lɛɛ?” ³⁰ Na mereke n ase i ka, “Mariya, má a ma sere ti u. A di Nyeme ahɔroma beberebe. ³¹ So u sui na a ti. M n̄a a bá nyinse, na a wú baabiesɔ, na a tún i duma ka Yesu. ³² I bá yo sɔnɔ bambaka, na bu fere i ka, Nyeme Feme Kpiri n Wa. Ya Micera Nyeme fá i na Davidi femeya bie ma i, ³³ na i yó Jakobu busu nufɔm femɛ sanƙa kere, na i deɛ femeya ni lá má awieeri.” ³⁴ Na Mariya abisa mereke n ka, “Ye ahin yó se koro yo a? Dama m nya si má biesɔ.” ³⁵ Na mereke n abɔ i nu ka, “Nyeme Awiewie Casi ni bá wura u n̄u, na Nyeme deɛ yiko n bá wo u dɔ. Nyini ti, baa n bo a wú i ni, i bá yo baa casi wɔ, na bu fére i ka Nyeme Wa. ³⁶ Nie fen, Elizabeti bo i ti u lamɔko ni, yiri bo bu n̄a i ti n̄ɔrɔka ni, haari ni bo wɔ yo buke ni, wɔ nyinse, i sara nsen lɛɛ. ³⁷ Pui wo má bere bo Nyeme koro yo má i.” ³⁸ Na Mariya ase i ka, “Tɔ, m ti Micera n afani wɔ. Ma nyini sam kere yo ma m kabo a se ni.” Na mereke n ako ayaki i.

Kabo Mariya kɔ nieeri Elizabeti busu ni

³⁹ Nyini deɛ sin, wɔ ce má, na Mariya akpa i n̄u, na wɔ yasu ndende akɔ Zakariya ni i yi Elizabeti bɔsu ka i kɔ nie bu busu. Nyini mie n wo Yudiya asien n su bukam n afien wɔ. ⁴⁰ Na wɔ kɔ awura Zakariya dika, na wɔ yo Elizabeti anse. ⁴¹ Elizabeti tiiri Mariya anse yoowa n ni, na baa n bo i wo i kunnu n akpisi i n̄u. Dɔ na Awiewie Casi n awura Elizabeti n̄u, ⁴² na wɔ bo awie kpa, i n̄a, “Nyeme ayo u kisi atara nbaram kere, wɔ kaaki ayo baa n bo a bita i nyinse n kisi. ⁴³ Nzu jirima la ahin n bo Nyeme afa ama m n a, ka m Mibie deɛ ni aba anie m busu a? ⁴⁴ Dama m tiiri u anse yoowa n na baa n bo i wo m kunnu ni, akaba akpisi i n̄u ni akunnujɔ. ⁴⁵ Terefie wo u dɔ, dama a yo yarada ka Mibie n nɔanie n bo wɔ kan akere u ni, i bá yo yiiwa angba.”

Kabo Mariya diiri jue kansiri Nyeme ni

⁴⁶ Na Mariya ase ka,

“M kansi Mibie ni m ahorembaa su.

⁴⁷ M ahore ajo Nyeme n̄u, yiri bo i ti m Tiidefo ni.

- 48 Haari ni bo m ti i afani n kere ni, i wara afi má m sa.
Fite nyuma fa kó, minem kere bá fere m ka terefiéfo.
- 49 Dama ka Micera yiko kere fo ni ayo sakpa beberebe ama m,
i duma ti casi.
- 50 Saŋga kere saŋga i si aŋunfo o,
i si minem bo bu soro i n kere aŋunfo o.
- 51 Wo fa i yiko asaa ni, afon asandi karambanifom,
ni bu sunsunni tie n kere.
- 52 Wo yi nfeme bambakam afite bu femeya biem n su,
na wo ye tarakam saa su.
- 53 Wo ma ahofom nenje kpakpam na bu kunnu ayi,
na wo fon nengefom na ba ka bu saa ngbeen.
- 54-55 Sesesu n bo i yo faari na i diiri i di ni ya nam ni,
wo ma i ayo yiiwa,
ye wo ba abuka Yisarelifom bo bu su i ni.

I wara afi má Abraham sa.

Wo si i ni i sinfom kere aŋunfo saŋga kere.”

56 Na Mariya aka Elizabeti bi, sara nshan, na wo nya aba akaaki ako i bosu.

Kabo bu wuuri Yohane Nyeme Nzue Biefo n ni

57 Elizabeti kutu ceen ni, na wo wu baabieso. 58 Na Elizabeti tanafom, ni i lamosim tiiri ka Micera n ayo i sakpa bo i la má aŋusu ni, na bu ni yiri kere kunnu ajo. 59 Baa n lemocue ceen n ba juuri ni, na ba tien bu noo na bu wura i kenkenne, na bu tun i duma. Má bu koro ka bu fa i si Zakariya duma fa tun i a. 60 Ama, na i ni ase ka, “Ai, bu fére i ka Yohane wo.” 61 Na ba se i ka, “U lamosi nu, bu fere nma so a?” 62 Na ba fa bu saa ajojo baa n si n do, na bu si duma bo i koro ka bu fa tun i wa ni. 63 Do na Zakariya afa i saa akere ka, bu má i deke be na i kere, na wo de i na wo kere ka, “I duma la Yohane.” Na nyini jore n ayo bu kere alekutura. 64 Jina n nu bere, na Nyeme ateke i noo na wo bo i bu ajojo beku, na i sukansi Nyeme. 65 Na sere ati bu tanafom kere. Na minem akan nyini sa n bo i yoori n jore abara aye Yudiya awore n bukam n kere su. 66 Na minem kere bo bu tiiri i n afa jore n ase bu ahore su na bu susunsun, na ba bisa bu nju ka, “Baa n ba nyiiri, i yó nzu baa lee?” Bu seeri so ni, dama bu kere aŋu ka Micera n yiko n wo i nju.

Kabo Zakariya kaanri Nyeme noanie n ni

67 Na Awiewie Casi n awura baa n si Zakariya nju, na wo kan Nyeme noanie, i nja,

68 “Am ma ya kansu ya Micera ni,
yiri bo i ti Yisarelifom Nyeme ni.

Dama ka wo ba anie i minem busu,
na wo de bu tii aji.

69 Wo ma ya tiidefo fangafó,
i fite i amusuifó Feme Davidi dee busu n nu wo.

70 Nyeme yo maari i noanie kanfo casim jooori dawa saŋga

71 ka i bá de ya tii fite ya kpofom,
ni bo bu koro má ya n saa nu.

72 So ye i kereeri ka i si ya nam aŋunfo,
na i wara fi má i sesesu casi n sa a.

73-74 I yo faari nyini sesesu n na wo di i di ni ya na Abraham

ka i de ya tii fite ya kpɔfɔm saa nu,
 adena ya koro su i bo ya soro má sere,
 75 na ya yo casi na ya yo sa bo i kɔ atin n su i dɔ,
 haari ni ya ɲgɔɔ awieeri.
 76 Wɔɔ, m wa ni, bu bá fere u ka
 Micera Nyeme Kpɔri n dɛɛ nɔaniɛ kanfɔ.
 Dama a dú ya Micera n mɔ
 na a kó sɛsɛ i atin su ɲmindai.
 77 Na a má i minem si ka i fá bu satie ce bu n dɛɛ ti,
 ye i dé bu tii ji a.
 78 Dama Nyeme si ya aɲunfɔ agaya n dɛɛ ti,
 i má angoro wein n ta ma ya.
 Nyini wein n ti kabo wie fite na i ti n wɔ,
 79 na i má wein ta ma minem bo bu wo awosin nu
 na bu soro yiwee sere ni.
 Na i bá kere ya atin bo i ma ahoreda.”
 80 Na baa n anyi, na Nyeme ayo i sunsunni fanja, na wɔ kɔ awo
 boro kpantain nu dɔ i ɲumi, haari cɛɛn n bo i ba yiiri i ɲu fiteeri fofoe
 nu kere Yisarelifɔm ni.

2

Kabo bu wuuri Yesu ni

¹ Nyini sangá na Romafɔm fɛmɛ kpɔri n bo bu fere i ka Siza Agusito
 ni, ama nɔɔ ka bu kere i minem kere duma. ² Nyini sangá ni tiiri ciciri
 su dɛɛ minem duma kereɛwa n ɲusu a. Nyini sangá n ye sonɔ be bo
 bu fere i ka Kurenɔsi n ti Siriya awɔre n nu gomina n a. ³ Nyini ti, na
 deke bo sonɔ kere wo na ba kɔ bu na miɛ su na bu kɔ kere bu duma.
⁴ Dɔ na Yosefu gusu afite Nazareti miɛ n bo i wo Galili awɔre n nu ni,
 na i kɔ kere i duma. I kɔɔri miɛ n bo bu fere i ka Betlehem na i wo
 Yudiya awɔre n nu wɔ, dɔ ye bu wuuri Fɛmɛ Davidi a. Yosefu ti Fɛmɛ
 Davidi dɛɛ busu nufɔ n ti ye i kɔɔri awɔre n nu dɔ a. ⁵ I ni Mariya bo
 ba fa ace i ni kɔɔri a. Nyini sangá ni, Mariya bita nyinsɛ. ⁶ Bu wo dɔ
 n na sangá n aju bo Mariya wu baa. ⁷ Ba nya má fofoe wɔfɔm daabiri
 n nu bo bu da. Nyini ti, na ba kɔ awura deke bo bu fa nenjendɔrem
 wura, dɔ na wɔ wu i sunjuru baa, baabiesɔ. Na wɔ fa baa n apɔɔndi
 sanvuin nu, na wɔ fa i ada nenjendɔrem diire diibiri alaka nu.

Kabo merɛkem tiɛeri nbɔɛsasafɔm ɲu ni

⁸ Nbɔɛsasafɔm nbem wo nyini awɔre n nu dɔ sunie bu nbɔɛm dika,
 kɔɲgue, ⁹ na Micera n merɛke akaba atie bu ɲu, na Micera n ama i
 wein ata abara aye bu, na sere ati bu agaya, ¹⁰ ama, na merɛke n ase
 bu ka, “Má am ma sere ti am. Ma ba ka m ba ma am labari kpa a.
 Nyini labari ni, yiri má minem kere ahore jɔ agaya. ¹¹ Ahin kɔɲgue
 n nu bere, ba wu am Tiidefɔ ni, Fɛmɛ Davidi bosu n nu, yiri ti Kristo
 n bo Nyeme ase ka i súnma i n a, am Mibiɛ ni. ¹² Deke bo i kere am
 na am sí nu n la ka, am kó ɲu ka ba fa i apɔɔndi sanvuin nu afa i
 ada nenjendɔrem diire diibiri alaka nu.” ¹³ Jinaabiri n nu bere na
 merɛkem beberebe akaba afite angoro abuka nyini kun n su, na bu
 sukansi Nyeme, bu ɲa,
¹⁴ “Kansi wo Nyeme bo i wo angoro n dɔ.

Na ahoreda wo minem bo bu wo asienju fen n dɔ

na Nyeme ahore ajo bu ñu ni.”

¹⁵ Sanja bo merékem n fiteeri bu do kpíeeri bu nyi koori angoro ni, na nbɔesasafoṃ ni ase bu ñuñu nu ka, “Am ma ya ko Betilehem mie n nu na ya ko ñu deke n bo wo yo na Micera n ayi akere ya ni.” ¹⁶ Nyini ti, na ba ko ndende, na ba ko anju Mariya ni Yosefu, na ba ñu baa n gusu ka i da nengendorem diire diibiri alaka n nu. ¹⁷ Sanja bo bu ko ñuuri baa n ni, na ba kan noanie n kere bo meréke n fa maari bu fa ko baa n ñusu jore n akere minem. ¹⁸ Na minem kere bo bu tiiri kabo nbɔesasafoṃ seeri bu ni, n ayo alekutura. ¹⁹ Na Mariya afa nyini sereya n kere bo i yoori ni ase i ahore su. ²⁰ Na nbɔesasafoṃ n akpie bu nyi ako bu nbɔem n bi, na bu sukansi Nyeme na bu subo tuntun i fa ko deke n kere bo ba ñu i na ba ti i n deɛ ti. Deke n kere yoori kabo meréke n seeri bu n wo.

Kabo bu tuunri Yesu duma ni

²¹ Sanja bo lemocue cɛen n ba juuri ni, na ba wura baa n kenkenne, na ba tun i duma ka Yesu. Duma n bo meréke n fa maari i ka, na i ni nyinseeri i n leɛ.

Kabo bu faari Yesu koori Nyeme Sereebiri Awuru n nu barasu ni

²² Na cɛen n aju bo Yosefu ni Mariya ko yo bu fin ñmisi sayoowa kabo Nyeme noanie kpamaawa n bo i fa maari Moyisi n kereeri ka bu yo ni. Nyini ti, na ba fa baa n ako Yerusalem mie kpiri n nu na bu ko fa i wura Micera n saa nu. ²³ Kabo ba kere i Micera n noanie kpamaawa n nu ni, ba kere ka, “Baabieso kere bo i ti i ni sunguru baa, i ti ye ni ka bu fa i ko ma Micera ni, na i yo i deɛ.” ²⁴ Na ba ko ayo yoowa, kabo Micera n noanie kpamaawa n akere ka bu yo i ni, bu faari bumbuku wara tiiwa nnyo yoori yoowa n a.

²⁵ Nyini sanja ni, sono be wo Yerusalem, bu fere i ka Simeyon. I yo ti sono bo i yo sa bo i ko atin su Nyeme do o, na i ti sono bo i soro Nyeme, na i ñminda fa ko sanja bo Yisarelifom nya bu tiide n wo. Na Awiewie Casi n wo i ñu. ²⁶ Na Awiewie Casi n ama wo si ka i wu má, má ka i nyumbaa aba anju Kristo ni, Tiidefo n bo Micera n ase ka i sunma i ni. ²⁷ Na Awiewie Casi n ama Simeyon ako Nyeme Sereebiri Awuru n nu. Nyini sanja n ye Yesu si ni i ni gusu afa i ako ka bu ko yo yoowa kabo Nyeme noanie kpamaawa n akere ka bu yo n a. ²⁸ Simeyon ñuuri baa n so ni, na wo kaba ade baa ni i saa nu, na wo kansu Nyeme, i ña,

²⁹ “M Mibie, u noanie n bo a yo seeri m ni, ayo yiiwa,

ma mini u akoo n atin kisa na m fite durunya n nu ni ahoreda.

³⁰ Dama kisa mini ni m tii nyumbaa anju Tiidefo ni,

³¹ yiri ye a sese i su,

ye a ma minem kere nyumbaa anju i a.

³² Yiri ti wein n a, na i kere minem u atin ni,

berɛ bo bu ti má Yudafoṃ ni,

na i wura Yisarelifom kpiri,

berɛ bo bu ti u deɛ minem ni.”

³³ Simeyon jooori baa n jore so ni, na i si ni i ni ayo alekutura. ³⁴ Na Simeyon asere Nyeme, na wo yo bu kisi. Na wo se baa n ni ka, “Ahin baa n ye Nyeme ayi i ka i má Yisarelifom dongu kpaasi, na dongu gusu yasu n a. Yiri yo deke bo i ti alekutura sa, na minem dongu bá kete i.

³⁵ So ye i bá yi bu asiri nu sunsunni tiem kere fite fofoe nu a. Na yiri ti, u ahore saaki agaya, kabo takobe kpíe sono na i yo ya ni.”

36-38 Nyini san̄ga n nu nɔ ɔ, na bara be, i ti Nyeme nɔanie kanfɔ ɔ, na i gusu wo dɔ, na wo ba baa n bi. I duma la Anna, na bu fere i si ka Fanuweli, Aseri dɛɛ busu nufɔa. Bara n ti buke wo nahɔre su, i jaari i hun, bu afo nso ye i kaari kunafo a. Nyini san̄ga ni, i la afo aburamocue ni nna. Wo kpaaki ayaki ma Nyeme Sereebiri Awuru ni, i cici i nɔɔ sɔ ɔ, na i ko susere Nyeme, wiesu ni kongue. I ba juuri baa n bi ni, na wo da Nyeme asi na yiri gusu ajojo baa n jore akere minem kere bo bu nminda ka Nyeme sunma Tiidefo n na i de Yisarelifom tii ji ni.

Kabo bu faari Yesu kɔɔri awuru ni

39 Sanga bo Yosefu ni Mariya yoori yoowa n kere bo Micera n nɔanie kpamaawa n kere ka bu yo n wieeri ni, na ba kpie bu nyi ako bu bosu Nazareti bo i wo Galili awore n nu ni. 40 Na baa n anyi, na wo nya fan̄ga ni alecira, na Nyeme ahoroma awo i do agaya.

Kabo bu faari Yesu kɔɔri Yerusalem mie kpiri n nu ni

41 Afo kere afo, Yesu si ni i ni ko Yerusalem mie kpiri n nu wo, na bu ko di Butara cɛenkpiri, bo bu di i na bu tenge su kabo Nyeme yo deeri bu nam tii fiteeri Ijipitifom asien su ni. 42 Sanga bo Yesu ba juuri afo buru ni nnyo ni, na ba ko na bu ko di cɛenkpiri n kabo bu yo afo kere afo ni. 43 Bu ba diiri cɛenkpiri n wieeri na bu sukpie bu nyi ko awuru ni, na Yesu yiri aka Yerusalem do. I si ni i ni asi ma ka wo ka do. 44 Bu sunsunni la ka i wo abenggu natiirifom n nu wo, nyini dɛɛ ti, bu wo ko su wo haari wie ko suto. Do na ba bo i bu sunienie i, bu lamosim ni bu danfom nu. 45 Ama, ba nu ma i, na ba nya kpie bu nyi ako Yerusalem na bu ko nienie i. 46 I lesan cɛen na ba ko anu ka i tana Nyeme Sereebiri Awuru n nu, Nyeme nɔanie kerefom afien suso i sui, na i subisa bisaawam. 47 Na minem bo bu tiiri i nɔanie n kere ayo alekutura, fa ko kabo i la si na i bo nɔanie bisaawam nu barasu ni. 48 Na sanga bo i si ni i ni ba nuuri i n na ba mie, na i ni abisa i ka, “M wa, nzu ti ye a yo ya so a? A ma mini ni u si ahore asaaki ako asin su, haari ya nati wo u nienie su.” 49 Na wo se bu ka, “Nzu ti ye am nati nienie m busu a? Am si ma ka wo yo daka ka m wo m Si awuru n nu wo?” 50 Ama, ba ti ma nɔanie n bo i seeri bu nu n bu.

51 Na Yesu asu bu su, na ba kpie bu nyi ako Nazareti mie n nu, na wo de bu nɔanie. Na i ni afa nyini sam kere ase i ahore su. 52 Na Yesu sunyi, na i alecira subuka su, na i sayoowam susun Nyeme ni adamande kere nu.

3

Kabo Yohane Nyeme Nzue Biefo n kaanri Nyeme jore ni

1 Romafom femɛ kpiri bo bu fere i ka Siza Tiberiyosi n diiri i femeya ni, afo buru ni nnu, nyini san̄ga ye sonɔ be bo bu fere i ka Pontiyɔ Pilato n ti Yudiya awore n nu gomina, na sonɔ be bo bu fere i ka Herode n nie Galili awore n nu su, na i goro bo bu fere i ka Filipu n gusu nie awore nnyo nbem bo bu fere bu ka Iturayo ni Taronitido n su, na sonɔ be bo bu fere i ka Lusaniya n gusu nie awore n bo bu fere i ka Abilene n su. 2 Nyini sanga ni, Anasi ni Kayafasi jina Nyeme sayoowa don̄guyofom kere kpien n jinaabiri a. Na Nyeme afa i nɔanie n ama Yohane Zakariya wa, boro kpantain n nu. 3 Nyini ti, na Yohane

ako Yodan kunma n awɔre n kere n nu sukan Nyeme jore, i na, “Am kaaki am wo na m bie am Nyeme nzue, na Nyeme fa am ngasi ni am satie kere ce am.” ⁴So ye wo yo yiiwa, kabo Nyeme ma ba kere i nonie kanfo Esaya dee kadasi n nu ka,

“Sono be subo ndoori boro kpantain n nu ka,
 ‘Am sese Mibie n atin su,
 na am yo i atin n dongu.

⁵ Na bu ba bereki bukam n ni kperem kere,
 na bu ba toto kunma kunma kere bo i wo buka n bu,
 na atin kere bo wo biri, bu ba tenge,
 na bu ba toto i kunma kunma n kere.

⁶ Na adamande kere ba nu kabo Nyeme de bu tii ji barasu ni.’ ”

⁷ Na jama beberebe afite aba Yohane do ka i bie bu Nyeme nzue. Na wo se bu ka, “Ambere burukonufom bo am ti ka woom ni, nma seeri am ka am nmati fite suicin kekereke n bo Nyeme sufa ba am do n nu a?” ⁸ Am yo sakpa bo i kere ka am akaaki am wo. Na ma am sunsun ka, Abraham ti am na dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. ⁹ Nyeme asi i samba n nana ase baka kere bu na i kpie i ji sin nu, yiri bo i suwa ti ma kpa ni.”

¹⁰ Na jama n abisa Yohane ka, “Ye ya yo se wo lee kisa n a?” ¹¹ Na wo bo bu nu ka, “Sono kere bo i la tanlee nnyo, i mi ma sono bo i la ma be n kun, na bo i la diire gusu yo so.” ¹² Na lampodefo nbem aba i do ka i bie bu Nyeme nzue, na ba bisa i ka, “Ya Kerefo, ye ya yo se wo?” ¹³ Na wo se bu ka, “Ma am de nwaa ko tara kabo i ti ye ni ka am de ni.” ¹⁴ Na soja nbem gusu aba i do aba abisa i ka, “Ye yere di, ya yo se wo?” Na wo se bu ka, “Ma am mie be de nwaa i do, na ma am tun be nzuin. Am ma am nyunu yi am nkatso.”

¹⁵ Na minem bo bu tana nie Kristo n atin nu ka i ba ni, yiri Tiidefo n bo Nyeme ase ka i sunma i ni, bu sunsun ka, beni, kisa Yohane ti Kristo Tiidefo n a. ¹⁶ Yohane siiri nyini dee ti, na wo se bu ka, “Mini sufa nzue bie am a, na am yo casi, ama, bo i tara m fieo wo m sin suba. M ti kaan ni bo m dodo i. Yiri fa Awiewie Casi n ni sin yo am casi a, kabo sono bie nzue na i yo casi ni. ¹⁷ I bita i ngani bakiti fieeba suba, na i ba bakiti yi ngani mbaa n busu go i bondo nu, na i nya yara kunkun n sin n bo i je na i no ma n nu.”

¹⁸ So ye Yohane kaanri labari kpa n kereeri minem a, na wo jojo jore dongu ase bu ka bu kaaki bu wo. ¹⁹ Ama, na Yohane akan Feme Herode ndie ka wo fa i goro yi Herodiya aja i hun ngoo su, na wo kaaki ayo sa ngbeenngbeen beberebe. ²⁰ I satie bo i ti tie tara i kere n la ka i taraari Yohane nyiiri i dansaraka a.

Kabo Yohane bieeri Yesu Nyeme nzue barasu ni

²¹ Sangha bo Yohane bieeri minem Nyeme nzue ni, na wo bie Yesu gusu. Bu bieeri i wieeri, na i susere Nyeme ni, do na angoro n ateke, ²² na Awiewie Casi n ajura aba atana i nu ka tiiwa dee su. Na wo ti akonvi be nga angoro, i na, “Woro ti m wa a, m koro u agaya, m ahore ajo u nu.”

Yesu Kristo nam дума yaa

²³ Sanġa bo Yesu boori i juma n bu ni, nyini sanġa i la afo aburasan. Mine yo sunsun ka i si la Yosefu bo i ti Heli wa n wo, na Heli si la ²⁴ Matati, na Matati si la Levi, na Levi si la Meleki, na Meleki si la Yanayi, na Yanayi si la Yosefu nyinga n bo ²⁵ i si la Matatiya ni, na Matatiya si la Amosi, na Amosi si la Nahumu, na Nahumu si la Esili, na Esili si la Nagayi, ²⁶ na Nagayi si la Maati, na Maati si la Matatiya nyinga n bo i si la Semeni ni, na Semeni si la Yoseki, na Yoseki si la Yoda, ²⁷ na Yoda si la Yowanani, na Yowanani si la Resa, na Resa si la Zorobabeli, na Zorobabeli si la Salatiyeli, na Salatiyeli si la Nieri, ²⁸ na Nieri si la Meleki nyinga n bo i si la Adi ni, na Adi si la Kosamu, na Kosamu si la Elimadamu, na Elimadamu si la Eri, ²⁹ na Eri si la Yosuwa, na Yosuwa si la Eliyeza, na Eliyeza si la Yorimu, na Yorimu si la Matati nyinga bekun, na nyini Matati n si la Levi nyinga bekun, ³⁰ na nyini Levi n si la Simeyon, na Simeyon si la Yuda, na Yuda si la Yosefu nyinga n bo i si la Yonamu ni, na Yonamu si la Eliyakimu, ³¹ na Eliyakimu si la Meliya, na Meliya si la Menna, na Menna si la Matata, na Matata si la Natani, na Natani si la Feme Davidi, ³² na Feme Davidi si la Jese, na Jese si la Yobedi, na Yobedi si la Boosi, na Boosi si la Sala, na Sala si la Naasoni, ³³ na Naasoni si la Aminadabu, na Aminadabu si la Adimini, na Adimini si la Arani, na Arani si la Hesarom, na Hesarom si la Faresε, na Faresε si la Yuda nyinga n bo ³⁴ i si la Jakobu ni, na Jakobu si la Izaki, na Izaki si la Abraham, na Abraham si la Tara, na Tara si la Nakoro, ³⁵ na Nakoro si la Seruku, na Seruku si la Ragawu, na Ragawu si la Faleki, na Faleki si la Ebera, na Ebera si la Sala nyinga bekun, ³⁶ na nyini Sala n si la Keena, na Keena si la Arafakadi, na Arafakadi si la Semu, na Semu si la Nowa, na Nowa si la Lameki, ³⁷ na Lameki si la Matusala, na Matusala si la Henoki, na Henoki si la Yareti, na Yareti si la Malcheeli, na Malcheeli si la Keena nyinga bekun, ³⁸ na Keena n si la Enosi, na Enosi si la Seti, na Seti si la Adam, na Adam si la Nyeme.

4

Kabo Sitana yoori Yesu na i nie ni

¹ Awiewie Casi n woori Yesu ŋu agaya, na wo fite Yodan kunma n awore n nu, na Awiewie Casi n afa i ako boro kpantain n nu ko sukere i atin. ² I woori do ceen aburana, na Sitana ayo i na i nie ka, i yo yiri Sitana n dee koroowa, nzen i yo ma i. Nyini ceen aburana n kere ni, wo di ma pui, nyini dee sin, na ahoe aba ati i. ³ Na Sitana n ase i ka, "Nzen a ti Nyeme Wa, se ahin yabue n na i kaaki diire." ⁴ Ama, na Yesu abo i nu ka, "Ba kere i Nyeme Jore Kadasi n nu ka, ma diire ngumi ma sono ngoo a."

⁵ Na Sitana afa i afun ako angoro lenlenge, na i nyumbaambaa n nu bere, na wo kere i durunya n nu asien n kere. ⁶ Na wo se i ka, "Woro ye m ma ma i nie ahin asien n kere su a, na m fa bu ajekem kere ma u, dama Nyeme afa i kere awura m saa nu, na mini gusu koro fa ma sono kere bo m koro. ⁷ Nzen a kutu suuri m, m fa nyinim kere ma u." ⁸ Na Yesu ase i bekun ka, "Ba kaaki akere i Nyeme Jore Kadasi n nu ka, 'Kutu Micera u Nyeme ni, na a su yiri ngumi.'" "

⁹ Na Sitana n akaaki afa Yesu ako Yerusalem mie kpiri n nu, na wo fa i ako ajina Nyeme Sereebiri Awuru n tii su lenlenge, na wo se i ka, “Nzen a ti Nyeme Wa, fite fen ti to asienngu na m nie. ¹⁰ Dama ba kere i Nyeme Jore Kadasi n nu ka,

‘Nyeme má i merkem noo ka bu nie u dika
na bu kanda u.’

¹¹ Ba kaaki akere i ka,
‘Bu fá bu saa so u nu,
na má u jaa bo yabue be.’ ”

¹² Ama, na Yesu akaaki ase i ka, “Ba kaaki akere i Nyeme Jore Kadasi n nu ka, ‘Má a yo Micera Nyeme n na a nie kabo i yiko ti barasu.’ ”

¹³ Sanja bo Sitana n yoori Yesu yoowa barasu n kere na i nie i ni, na wo ko ayaki Yesu ka.

Kabo Yesu boori i juma bu Galili awore n nu ni

¹⁴ Na Yesu akpie i nyi ako Galili awore n nu, ni Awiewie Casi n dee yiko nu. Na i labari abara aye nyini awore n kere pepere nu. ¹⁵ Na wo kere minem Yudafom tientienbunoo soom nu, na sono kere akansi i.

Kabo Yesu na Nyeme noanie kanfo la má jirima i bosu ni

¹⁶ Na Yesu ako Nazareti mie n nu, do ye bu taari i a, na wo nyi, na Yudafom Njumiyi ceen n be, na wo ko bu tientienbunoo soo n nu, kabo i nati ko ni. Na wo yasu ajina ka i kan Nyeme Jore Kadasi ni, ¹⁷ na ba fa Nyeme noanie kanfo Esaya dee kadasi n ama i. Na wo teke i, na wo nie anu awore n bo ba kere i nu ka,

¹⁸ “Micera n Awiewie n wo m do,
dama wo yi m ka m kan labari kpa n kere jaarifom.

Na wo sunma m ka m ko minem bo ba tara bu domuem n do,
na m se bu ka m ba de bu tii ji,

na m ko anyinsinm do,
na m se bu ka m ba teke bu nyumbaa,

na m ko minem bo bu bita bu mie n do,
na m se bu ka m ba de bu tii ji,

¹⁹ na m bo ndoori ka,

afu n nu Micera ni má i minem di i ahoroma.”

²⁰ Na Yesu akan awie, na wo kata Nyeme Jore Kadasi n su, na wo fa ama i bitafo ni, na wo tana. Na minem kere bo bu wo tientienbunoo soo n nu n afa bu nyumbaa akpama i nu. ²¹ Na wo se bu ka, “Nyuma dee ceen n nu, ahin Nyeme Jore Kadasi n bo ma kan i na am ati i ni, ayo yiiwa.” ²² Na sono kere akan kpa ama i, na ba yo alekutura kabo i noanie jooowa n ti kpa barasu ni, na ba bisa bu nju nu ka, “Má Yosefu wa n lee?”

²³ Na Yesu ase bu ka, “M si tenle ka am bo m ahin anyunderi ni ka, ‘Ayirifo, tuntun u nu.’ Na am se m ka, ‘Sam n bo ya tiiri ka a yoori bu Kapenam mie kpiri n nu ni, yo bu u bosu fen gusu na ya nie.’ ” ²⁴ Na Yesu akaaki ase bu ka, “Nahore ye m suse am n a, Nyeme noanie kanfo la má jirima haari kaan so mmoo i bosufom do. ²⁵ Am tenge su kabo Nyeme noanie kanfo Eliya dee sanja n na nzue ato má afu nsan ni kpaaki nu, na ahoe bambaka toori ni. I ti nahore wo ka, nyini sanja, kunafom beberebe woori Yisareli asien n su, ²⁶ ama, Nyeme asunma má Eliya nyini kunafom be do, se i sunmaari i kunafu kun be do a, i wo mie be bo bu fere i ka Zarefati na i ti má Yudafom mie kpiri n wo,

i wo Sidon dɛɛ awɔrɛ n nu wɔ. ²⁷ Sasu bekun, Nyɛmɛ nɔaniɛ kanfɔ Elisa dɛɛ sanɔa, i ti nahɔrɛ wɔ ka kokobi yo taraari minɛm beberebe Yisareli asien n su, ama, Nyɛmɛ ama wɔ tuntun má bu kun n kpein mmɔɔ, se i tuntuunri kokofɔ kun be wɔ, bu fere i ka Naama, i ti má Yudafo, i fite Siriya awɔrɛ nu wɔ.”

²⁸ Minɛm bo bu wo sɔɔ n nu n tiiri sɔ ni, na yaa ati bu agaya. ²⁹ Na ba yasu aso i nu, acin i afite miɛ n nu akɔ kperɛ n bo miɛ n wo su ni, ka bu fa i ji buka n bu asienɔgu. ³⁰ Ama, na wɔ nati asin jama n afien akɔ.

Kabo Yesu fɔn yiiri ajini sɔnɔ be ɲu ni

³¹ Dɔ na wɔ kɔ miɛ kpiri n bo bu fere i ka Kapenam na i wo Galili awɔrɛ n nu ni, na ɲumiyi cɛɛn ni, na wɔ kɔ awura bu tientienbunɔɔ sɔɔ n nu sukere minɛm. ³² Na ba yo alekutura fa kɔ i kereewa n su, dama i jɔjɔwa n la yiko. ³³ Na sɔnɔ be wo tientienbunɔɔ sɔɔ n nu dɔ, ajini wo i ɲu, na wɔ bo awie kpa ase ka, ³⁴ “Oi, Yesu Nazaretifo, a koro nzu ya nu fɛn a? A ba ka a ba yo ya ɲgbɛɛn wɔ, nzen sɛ? M si u sa, wɔrɔ ti sɔnɔ casi bo Nyɛmɛ asunma u n a.” ³⁵ Na Yesu atien ajini n ɲu ase ka, “Mɔ u nɔɔ bɛrɛ na a fite yaki sɔnɔ ni.” Na ajini n akpisi sɔnɔ n abo asienɔgu jama n kɛrɛ nyunu, na ba fite ayaki sɔnɔ ni, ba ma má i mandim be. ³⁶ Na minɛm kɛrɛ ayo alekutura, na ba bisa bu ɲuɲu nu ka, “Nzu alekutura nɔaniɛ jɔjɔwa n la ahin? Dama i la yiko nahɔrɛ su bo i koro na ajinim nɔɔ na bu fite yaki sɔnɔ.” ³⁷ Na i labari n abara aye nyini awɔrɛ n kere nu.

Kabo Yesu tuntuunri tukpakifɔm beberebe Simon dika ni

³⁸ Na Yesu afite tientienbunɔɔ sɔɔ n nu, na wɔ kɔ awura Simon dika, na ba se i ka Simon sibara la má i ɲu, yakɔkɔ abo i agaya. ³⁹ Na Yesu akɔ ajina i bi, na wɔ ma yakɔkɔ n nɔɔ ka i fite yaki bara ni. Na wɔ fite ayaki i, na bara n akaba ayasu, na wɔ kɔ ayo diire ama bu.

⁴⁰ Na naaso dika bibiri sanɔa, na minɛm n afa tukpaki barasu barasu fɔm kɛrɛ aba Yesu dɔ ka i tuntun bu, na wɔ fa i saa anana bu ɲu, na bu kɛrɛ anya laifɛ. ⁴¹ Na wɔ fɔn ayi ajinim n gusu afite minɛm beberebe ɲu, na ajinim n acindi, na ba se i ka, “Wɔrɔ ti Nyɛmɛ Wa n a.” Ama, na Yesu akan ajinim n ndiɛ, wɔ du má su na bu jɔjɔ, dama bu si ka yiri ti Kristo n a, Tiidefo n bo Nyɛmɛ ase ka i súnma i ni.

Kabo Yesu kɔ kaanri Nyɛmɛ jɔrɛ Yudafoɔm tientienbunɔɔ sɔɔm nu ni

⁴² Ale ba ciinri, na Yesu afite miɛ n nu akɔ awo awɔrɛ be nu i ɲgumi. Na minɛm n akɔ i niɛniɛ, na sanɔa bo bu kɔ ɲuuri i ni, na ba kpini atin kabo bu yo na má i kpaaki yaki bu. ⁴³ Ama, na wɔ se bu ka, “Wɔ yo daka ka m kɔ miɛ nyingam gusu su na m kɔ kan labari kpa fa kɔ Nyɛmɛ fɛmɛya n su kere bu gusu, dama ka nyini ti ye Nyɛmɛ sunmaari m a.” ⁴⁴ Nyini ti, na wɔ bara aye sukan Nyɛmɛ jɔrɛ ni, tientienbunɔɔ sɔɔm nu bu awɔrɛ n kere nu.

5

Kabo Yesu fereeri i susufɔ ciciri su dɛɛm ni

¹ Cɛɛn be na Yesu jina Genesareti kunma kpiri n nɔɔ su, na jama beberebe abara aye i, na bu susun bu bengɔ ka bu ju i bi na bu ti Nyɛmɛ nɔaniɛ ni. ² Dɔ na wɔ ɲu lee nnyɔ nbem ka bu wo kunma n nɔɔ su. Jombaa tarafɔm n afite ayaki leem wo bu diendiem ɲmisi su.

³ Na Yesu awura lee n kun nu, nyini lee n ti Simon dɛɛ wɔ, na Yesu ase Simon ka i sun lee n kɔ kaan. Na Yesu atana lee n nu, na i sukere jama ni.

⁴ Saŋga bo i kere wieeri ni, na wɔ se Simon ka, “Sun lee n na i kɔ ŋɔŋɔ n nu, na am sandi am diendiem na am tara jombaa.” ⁵ Na Simon ase Yesu ka, “M Mɔfɔ, ya yo jumam ni anyumboro anuma kɔŋgue kere fa ba ju haari ni kisa, ya tara má pui. Ama, nzen a se sɔ yiri, m fá diendiem n sandi nzue n nu.” ⁶ Na ba fa diendiem n asandi nzue n nu, na ba tara jombaa beberebe haari má diendiem ni jinaari ka bu sɔn ɔ. ⁷ Nyini ti, ba fa bu saa apaati bu lamɔkɔm bo bu wo lee nyiŋga n nu ka bu ba buka bu. Na ba yi yi jombaam n aɔ lee nnyɔ n nu, na ba yi haari leem ni jinaari ka bu sa nzue wɔ. ⁸ Saŋga bo Simon Petoŋo ŋuuri nyini sɔ ni, na wɔ kɔ akutu Yesu jaa bu ase i ka, “M Mibiɛ, cinsi m bi bere, dama m ti satieyofɔ ɔ.” ⁹ Deke bo i ma i seeri sɔ n la ka, i ni nyiŋgam kere ayo alekutura fa kɔ kabo ba tara nyini jombaa beberebe n barasu ni. ¹⁰ Yakobo ni Yohane gusu woŋori bere, bu si la Zebedi, bu ni Simon saŋga tara jombaa n a. Na bu gusu ayo alekutura. Na Yesu ase Simon ka, “Má a ma sere ti u, fite kisa fa kɔ, m má a sutien minem nɔɔ ma m, kabo a tara jombaa ni.” ¹¹ Na ba cin ayi lee n afite nzue n aheme, na ba yaki deke n kere bere, na ba su i su.

Kabo Yesu tuntuunri kokofɔ be ni

¹² Cɛɛn n be sɔ ɔ, na Yesu wo mie be su, kokofɔ be wo nyini mie n nu. Saŋga bo i ŋuuri Yesu sɔ ni, na wɔ ŋmati aba akutu, na wɔ fa i nyunu abutu asiɛŋgu, na wɔ sere i jande ka, “M Mibiɛ, nzen a koro ka a ma m nya laifie, a koro ma m nya i.” ¹³ Na Yesu atenge i saa anana i ŋu na wɔ se i ka, “M koro. Nya laifie.” Na kokobi n akaba ayaki sɔnɔ ni. ¹⁴ Na Yesu abɔbɔ i ase i ka, “Má a se ka a se be, ama, kɔ na a kɔ fa u ŋu kere Nyeme sayoowa dɔŋguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

¹⁵ Ama, haari ni nyini mmɔɔ, na i labari abara aye deke n kere, na minem aba i dɔ na bu ba ti Nyeme jɔre kaanwa n na i tuntun bu tukpaki barasu barasu kere na bu nya laifie. ¹⁶ Ama, yiri ba yo, i yi i ŋu kɔ deke bo minem wo má n wɔ, na i kɔ sere Nyeme.

Kabo Yesu tuntuunri sɔnɔ bo i saam ni i jaam awu ni

¹⁷ Cɛɛn n be sɔ ɔ, Yesu wo minem kere su, na Farasifɔm nbem, ni Yudaɔm Nyeme nɔaniɛ kerefɔm tana bere. Bu fiteeri mie miem bo bu wo Galili ni Yudiya awɔrem n nu, ni Yerusalem mie kpiri n nu baari a. Na Nyeme ama Yesu yiko bo i tuntun tukpakifɔm na bu nya laifie. ¹⁸ Dɔ na minɛ nbem asɔ sɔnɔ be ni i dasu aba, i saam ni i jaam awu, na bu sumie bu nyi ka bu fa i wura sɔɔ n nu wɔ, na bu fa i se Yesu nyunu. ¹⁹ Ama, jama n sunnuuri sɔ n dɛɛ ti, ba koro anya má atin. Nyini ti, na ba fa i afun sɔɔ n tii su, na ba fiiti anya fofoe, na ba cɔɔndi i ni i dasu n kere ase jama n afien Yesu nyunu. ²⁰ Yesu ŋuuri kabo bu yoori i yarada n sɔ ni, na wɔ se bie n ka, “Ma fa u satie ace u.”

²¹ Na Nyeme nɔaniɛ kerefɔm ni Farasifɔm n abisa bu ŋuŋu nu ka, “Sɔnɔ bɔnɔ la ahin bo i jɔɔ wura Nyeme ŋgasi nu sɔ a? Be wo má bere bo i koro fa minem satie ni bu ŋgasi ce bu, sin Nyeme ŋgumi ŋu.” ²² Na Yesu afa nu fa kɔ bu sunsunni bo bu bita i n su, na wɔ se

bu ka, “Nzu ti ye am bita nyini sunsanni ni am ahore su a? ²³ Bɔnɔ ti kekereke a, bo m se ka, ‘Ma fa u satie ace u,’ nzen, ‘Yasu nati’ n a? ²⁴ M kere am ka mini Adamande Wa n la yiko durunya n nu bo m fa satie ni ngasi ce.” Na wo se sonɔ n bo i saam ni i jaam awu n ka, “Wɔrɔ, yasu fa u dasu n na a kɔ awuru.” ²⁵ Kpenɔa na sonɔ n ayasu jama n kere nyunu, na wo fa i dasu n na i sukansi Nyeme suko awuru. ²⁶ Na bu kere ayo alekutura agaya, na ba kansi Nyeme, na sere ati bu, bu ŋa, “Nyuma, ya ŋu alekutura sam bo ya nya ŋu má i.”

Kabo Yesu fereeri Levi ka i ba su i su ni

²⁷ Nyini sin, na Yesu afite bere, na wo kɔ aɲu lampodefɔ be bo bu fere i ka Levi, i tana i juma yoobiri. Na Yesu ase i ka, “Yasu bra na a ba su m su.” ²⁸ Na Levi ayaki deke n kere, ayasu asu i su.

²⁹ Na Levi afa Yesu ako i dika, na wo kɔ ayo di ni nu bambaka, na ba tien bu nɔɔ adi, bu ni lampodefɔm beberebe, ni mine nyinga nbem. ³⁰ Na Farasifo nbem ni Nyeme noanie kerefɔm nbem bo bu ni bere wo ni, aɲuɲuti i, na ba bisa Yesu susufɔm n ka, “Nzu ti ye am ni lampodefɔm, ni satieyofɔm saɲga di diire na am nu nzan a?” ³¹ Na Yesu ase bu ka, “Minem bo bu la laifie n koro má ayirifo, má ka bo bu la má laifie ni koro a. ³² Ma ba má ka m ba fere minem bo bu ŋa bu yo sa bo i kɔ atin su Nyeme do n wo, ama, m baari ka m ba fere satieyofɔm wo, na bu kaaki bu wo.”

Kabo Yesu kereeri nɔɔ cici jɔre ni

³³ Na mine nbem aba abisa Yesu ka, “Nzu ti ye Yohane dee susufɔm ni Farasifɔm deem cici bu nɔɔ na bu sere Nyeme saɲga kere saɲga ye u deem bere di ye bu nu a?” ³⁴ Na Yesu abo bu nu ka, “Am koro mie má konyayafɔm ka bu cici bu nɔɔ, saɲga bo konyafan n toko wo bu do ni. ³⁵ Ama, saɲga suba bo bu bá yi konyafan n fite bu nu, nyini saɲga n ye bu nyá cici bu nɔɔ a.”

³⁶ Na Yesu abo ahin mieenu n akere bu, i ŋa, “Sonɔ koro fa má sanvuin fɔfɔre kpa tɔ má tani dawa kunma, nzen i yoori so, sanvuin fɔfɔre ni sɔn dawa n wo, i tɔ má su. ³⁷ I kaaki ti so o bekun ka be koro fa má nzan nyiiwa fanɲafo go má dundu dawa bebete nu, nzen i yoori so, dundu ni tie wo, na i ká ŋgbɛɛn, na nzan n kere sɔŋgi butu. ³⁸ Ama, i ti ye ni ka bu fa nzan nyiiwa fanɲafo go dundu fɔfɔre biiwa nu. ³⁹ Sonɔ nya nuuri nzan nyiiwa wieweri, i koro má nzan mone kun. A tí ka i ŋa, ‘Nzan nyiiwa ni ti kpa a.’”

6

Kabo Yesu jɔɔ fa kɔori Numiyi cɛɛn jɔre ni

¹ Numiyi cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be, na ba nunuka i bu saa nu akpese. ² Na Farasifo nbem abisa bu ka, “Nzu ti ye am suyo so a? Nyeme noanie kpamaawa n kere ka má be yo so Numiyi cɛɛn.” ³ Na Yesu abisa bu ka, “Am nya kan má Nyeme Jɔre Kadasi n nu, kabo Feme Davidi yo yoori saɲga bo ahɔe tiiri i ni i minem na ba si má kabo bu yo n wo, nzen se? ⁴ Ahɔe n ti, na wo kɔ awura Nyeme Sereebiri Awuru n nu, na wo fa kpɔnɔ n bo ba fa ama Nyeme ni, na wo di, na wo ma i minem be. Ama, am si ka ya dee atin n su, Nyeme sayoowa donɲuyofɔm ŋgumi

di nyini kpɔnɔ n a.” ⁵ Na Yesu ase bu ka, “Mini Adamande Wa ni ti Njumiyi cɛɛn n Mibiɛ a.”

Kabo Yesu tuntuunri sɔnɔ asaa fuin be Njumiyi cɛɛn ni

⁶ Na Njumiyi cɛɛn n be bekun, na Yesu ako awura tientienbunɔɔ sɔɔ n nu, na wɔ kere minem. Sɔnɔ be woori dɔ, i saa fɔmborɔ awu. ⁷ Nyemɛ nɔɔnɛ kerefɔm ni Farasifɔm nbem woori dɔ, na ba koro ka bu nya nɔɔɛ bo bu sɔ Yesu na bu nya i taraabiri. Nyini ti, ba tu bu nyumbaa anɛ Yesu, na bu niɛ ka i tɔntun sɔnɔ asaa fuin n Njumiyi cɛɛn ni, nzen i tɔntun mǎ i. ⁸ Ama, na Yesu asi bu sunsunni bo bu bita i, na wɔ se sɔnɔ asaa fuin n ka, “Yasu bra ba jina afien fɛn.” Na sɔnɔ n ayasu ako ajina dɔ. ⁹ Na Yesu abisa bu ka, “Ya dɛɛ atin n su, atin wo nu ka ya yo sakpa Njumiyi cɛɛn ni, nzen ya yo satɛ wɔ? I kaaki ti ye ni ka ya de nɔɔɔ, nzen ya kun wɔ?” ¹⁰ Na Yesu anɛ bu nyunu abara ayɛ, na wɔ nya ase sɔnɔ asaa fuin n ka, “Tɛnge u saa ni.” Na sɔnɔ n ayo sɔ, na i saa n ayo faɔga bekun. ¹¹ Na yaa ati bu agaya, na ba bo i bu afa sesesu kabo bu yɔ Yesu barasu.

Kabo Yesu yiiri minɛ buru ni nnyɔ ka bu yo i jaramasam ni

¹² Nyini saɔga n na Yesu afun ako buka be su ka i kɔ sere Nyemɛ, na wɔ sere Nyemɛ nyini kɔngue n kere. ¹³ Saɔga bo ale ba ciinri ni, na wɔ fere i susufɔm ni, na wɔ yi bu nu, buru ni nnyɔ, na wɔ fa bu ayo i jaramasam. ¹⁴ Bere la Simon bo Yesu tuunri i duma ka Petoro ni, ni i niɛma bo bu fere i ka Andere ni, ni Yakobo, ni Yohane, ni Filipu, ni Batolomeyo, ¹⁵ ni Matio, ni Tomasi, ni Yakobo bo i si la Alafeyo ni, ni Simon bo i tu nɔgoni fa kɔ i asien su ni, ¹⁶ ni Yudasi bo i si la Yakobo ni, ni Yudasi Isikariyoti bo i ba tɔɔri Yesu ni.

Kabo Yesu kaanri Nyemɛ jɔre na i ma tukpakifɔm nyaari laifɛ ni

¹⁷ Na Yesu ni i jaramasam n acɔɔndi buka n aba ajina awɔre be nu, i susufɔm nyiɔgam beberebe woori dɔ, ni jama beberebe. Bu fiteeri Yudiya dɛɛ awɔre n kere nu wɔ, ni Yerusalem miɛ kpiri n nu, ni Tiro ni Sidon awɔre n bo i wo tieku n nɔɔ su ni. ¹⁸ Bu baari ka bu ba ti i kereewa n wɔ, na i tuntun bu, na minem bo ajinim wo bu nɔ kere bu yaari n gusu aba, na wɔ tuntun bu, na ba nya laifɛ. ¹⁹ Minem kere boro bu nyi wɔ, na bu fa bu saa kan i, dama yiko fite i dɔ ye bu kere nya laifɛ a.

Kabo terefɛ ni anyumboro ti barasu ni

²⁰ Na Yesu anɛ i susufɔm, na wɔ se bu ka, “Amberɛ bo am ti jaarifɔm ni,

terefɛ wo am dɔ,

dama Nyemɛ femeya n ti am dɛɛ wɔ.

²¹ Amberɛ bo ahɔɛ ati am kisa ni,

terefɛ wo am dɔ,

dama Nyemɛ bá ma am akunnuyi.

Amberɛ bo am ahore asaaki kisa ni,

terefɛ wo am dɔ,

dama Nyemɛ bá ma am ahoreda.

²² Amberɛ bo minem bá kpɔ am, na bu kéte am, na bu kpɛ am nzukɔ, na bu sáaki am duma ka am ti satɛyofɔm ni, nzen i kere fite ka mini Adamande Wa n dɛɛ ti, terefɛ wo am dɔ. ²³ Bu bá yoori am sɔ, am ma am ahore jɔ, na am tutu am kɔm. Dama am bá nya nɔkatɔ

bambaka Nyeme do. Kabo bu nam yo yoori dawa de Nyeme noanie kanfom n lee.

²⁴ Ama, amberε bo am la ajεke beberebe kisa ni,
am bā ηu anyumboro bambaka,
dama am adu mo ayo am koroowa n deε ti.

²⁵ Amberε bo am adi na am kunnu ayi kisa ni,
am bā ηu anyumboro bambaka,
dama ahεε bā ti am.

Amberε bo am siri kisa ni,
am bā ηu anyumboro bambaka,
dama am bā sun haari na am bā nya má nyunvuin.

²⁶ Amberε bo sɔno kerε kansi am ni, am bā ηu anyumboro bambaka,
dama sɔ ye bu nam yo kansiri korεfom n bo bu yo bu ηu ka bu ti
Nyeme noanie kanfom n a.”

Kabo i ti ye ni ka ya koro ya kpɔfom barasu ni

²⁷ Na Yesu ase bu ka, “Ama, m se amberε bo am suso am sui na am ti n wo lee ka, am koro am kpɔfom, na am yo sakpa ma bo bu yo am satie ni. ²⁸ Minem bo bu jojo noanie tie go am ηu ni, am yo bu kisi, na minem bo bu kere am wuwuruwa ni, am kaaki sere Nyeme ma bu.

²⁹ Nzen be fin u nyɔɔnu, kaaki bue nyinga n gusu ma i na i fin i buka su, na nzen be de u tanlee bambaka, kaba fa u tanlee kaan n bo i wo i bu mmɔɔ n buka i su. ³⁰ Sɔno kerε bo i sere u deke be, má a kpie i, na sɔno kerε bo i fa u deke be, má a bisa i busu kun. ³¹ Kabo am koro ka minem yo ma am ni, am yo i sɔ ma bu.”

³² Na wo kaaki ase bu ka, “Nzen am nya koroori minem bo bu koro am ni ηgumi, i kansi la bono o, ye am ba nya i a? Dama haari satieyofom mmɔɔ yo sɔ o. ³³ Na nzen am nya yoori sakpa maari minem bo bu yo sakpa ma am ni, i kansi la bono o? Dama haari satieyofom mmɔɔ yo sɔ o. ³⁴ Na nzen am fa nenge fie minem bo am sunsun ka bu bá to am kaari ni, i kansi la bono o, ye am bá nya i a? Dama haari satieyofom mmɔɔ fie bu benju satieyofom wo, na bu bá de i ηusu sɔ. ³⁵ Ama, wo yo daka ka am koro am kpɔfom, na am yo sakpa ma bu, na má am fie be nenge be, na am sunsun ka i tó kaari. Do ye am nyá i ηkatɔ bambaka a, na am yó Micera Nyeme Kpiri ni nbaam. Dama yiri yo sakpa ma satieyofom, ni bo bu si má aye ni. ³⁶ Am si anunfo kabo am Si Nyeme si anunfo ni.”

Kabo Yesu ηa má ya jojo be jore jaraki i ni

³⁷ Na Yesu ase bu ka, “Má am jojo be jore na am jaraki i, na Nyeme gusu dí má am jore na i jaraki am. Má am ma bu di be jore cin i sui, na Nyeme gusu dí má am jore cin má am sui. Am fa minem satie ce bu, na Nyeme gusu fá am deε ce am. ³⁸ Am ma minem deke bo bu koro, na Nyeme gusu má am. Kabo Nyeme má am n la ka, i fá goηgo doηgu susu ma am a, na i yí ko butu. Nyini ti, goηgo bo am fa susu ma minem ni, sɔ ye Nyeme gusu fá susu ma am a.”

³⁹ Na Yesu abo ahin anyunderε n akere bu, i ηa, “Anyinsin koro bita má i benju anyinsin kpama, nzen i yoori sɔ, bu nnyo n kerε kó to kunma nu wo. ⁴⁰ Sɔnsɔfɔ tara má i kerεfɔ, ama, sanɔa bo wo ba asonson juma n awie, i ni i kerεfɔ n kerε ase wo lee.”

41 Na wɔ bisa bu ka, “Nzu ti ye a nie ɲu wura mbaa n bo i wo u niwa nyumbaa nu, ye a nie ɲu má yeenzin n bo i wo u dɛɛ nyumbaa n nu a? 42 A yo sɛ koro se u niwa ka, ‘Ma m yi wura mbaa n bo i wo u nyumbaa nu ni,’ ye a ɲu má yeenzin n bo i wo u dɛɛ nyumbaa n nu n a? Wɔɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyumi, na a yí wura mbaa n bo i wo u niwa n dɛɛ nyumbaa nu ni.”

Kabo Yesu ɲa ya fa minɛm sayoowa fa si kabo bu ti ni

43 Na Yesu ase ka, “Baka bo i ti kpa su má suuwa tie, na baka bo i ti má kpa gusu su má suuwa kpa. 44 Baka kere suuwa kere kabo baka n ti barasu a. Sɔɔ kere si ka a koro titi má damba buwe baka su. A kaaki koro titi má cacabu kpanji baka su. 45 Sɔɔ kpa ni i deke kpa kere bo i bita i ahore su, fa sakpa ba a. Na sɔɔ tie gusu ni i deke tie bo i bita i ahore su, fa satie ba a. Dama dekem bo am sunsun bu am ahore su sanɲa kere n ye am joɔ bu a.”

Miɛnu fa kɔ ataari tafɔ nnyɔ nbem jɔɛ

46 Na Yesu akaaki ase ka, “Nzu ti ye am fere m ka, ‘Ya Mibie, ya Mibie,’ ye am yo má deke bo m se ka am yo a? 47 Sɔɔ kere bo i baari m dɔ, na i tiiri m nɔaniɛm n na i deeri bu na i fa yoori juma, m kére am kabo i mi ti barasu. 48 I mi ti ka sɔɔ bo i ɲa i tá awuru na i fundu kunma ɲɔɲɔ na i kɔ kpura yabue, na i se sɔɔ n jaa. Wɔmbu koro wura n nzuetinm kere koro yi sandi ba kpura awuru ni, i yó má i pui, dama ataari n ayo fanɲa n ti. 49 Ama, sɔɔ kere bo i tiiri m nɔaniɛm n na wo de má i, afa ayo má juma, i mi ti ka sɔɔ bo i taari i awuru na wɔ se má i jaa yabue su n wɔ. Wɔmbu ba wuraari na nzuetinm kere ba yi kpura nyini awuru ni, na i kaba tɔ fanɲa su bo i busu ɲu má n wɔ.”

7

Kabo soja kpɛn be yoori Yesu yarada agaya ni

1 Sanɲa bo Yesu joɔɔri minɛm dɔ ni nyini nɔaniɛm n kere wieeri ni, na wɔ kɔ Kapɛnam miɛ kpɛri n nu. 2 Na Romafɔm soja kpɛn be wo dɔ, i la i akɔ bo i koro i agaya, wɔ da tukpaki sukoro ka i wu. 3 Soja kpɛn n tiiri Yesu ɲa ni, na wɔ sunma Yudaɔm nkpiɛnkpiɛnm nbem ka bu kɔ sere i ka i ba tuntun i akɔ n na i nya laifɛ. 4 Na ba kɔ Yesu dɔ akɔ asere i jande ka, “I ti ye ni ka a ba buka ahin soja kpɛn ni. 5 Dama i koro ya minɛm n agaya haari wɔ ta tientienbunɔɔ sɔɔ ama ya.” 6 Dɔ na Yesu asu bu su akɔ. Sanɲa bo bu kɔ dodoori awuru n kaan sɔ ni, na soja kpɛn n asunma i danfom Yesu dɔ, bu kɔ juuri ni, na ba se i ka, “Ya Mibie, soja kpɛn n ɲa má a fie u ɲu. I ɲa i ti kaan ni bo a ba i dika. 7 Nyini ti ye i ɲa wɔ bu má ka i ti pui bo i ba u nyunu n a. Ama, haari a maari nɔaniɛ n mmɔɔ, i akɔ ni nyá laifɛ. 8 Dama yiri mmɔɔ ni i tii wo sɔɔ saa nu wɔ, na yiri gusu nya la i dɛɛ sojam bo i nie bu su. Na bo i nya se i ka, ‘Kɔ fɛn,’ na i kɔ, na i se nyinga gusu ka, ‘Bra fɛn,’ na i ba. Na i se i akɔ n gusu ka, ‘Yo ahin,’ na i yo i.” 9 Sanɲa bo Yesu tiiri sɔ ni, na wɔ yo i alekutura, na wɔ kaaki anie jama n bo bu su i su n na wɔ se ka, “M suse am wɔ lɛɛ, ka, ma nya anɲu má sɔɔ bo i la yarada agaya ka ahin sɔɔ n ɲusu, haari fa sanɲa ni Yisarelifom

mmɔɔ.” ¹⁰ Na minem bo soja kpɛn n sunmaari bu n akpie bu nyi ako i dika. Bu kɔ juuri, na ba ŋu ka i akɔɔ n anya laifɛ.

Kabo Yesu tengeeri kunafo be wa i yiwee nu ni

¹¹ Nyini sin, wɔ cɛ má, na Yesu ako miɛ kpiri be bo bu fere i ka Nayin n su, i ni i susufɔm, ni jama beberebe kɔɔri a. ¹² Saŋga bo i kɔ ŋa i wura miɛ n nu ni, kpenɔa i ni minem ayɛ, sɔnɔ be awu miɛ n nu, bu susɔ i fite na bu kɔ se i. Sɔnɔ n bo wɔ wu n ti bara kunafo be wa a, i wa kerɛ la yiri ŋgumi kpein wɔ. Na jama beberebe afite miɛ n nu susu kunafo n su. ¹³ Mibiɛ Yesu n ŋuuri kunafo n sɔ ni, na aŋunfo ati i, na wɔ se i ka, “Má a sun.” ¹⁴ Na Yesu ako afa i saa akan danɔu n bo fuin n da su ni, na minem bo bu sɔ i n aka ajina. Na Yesu ase ka, “Gbɛfɛnɛ, m suse u wɔ lɛɛ, yasu.” ¹⁵ Dɔ na gbɛfɛnɛ n ayasu atana na wɔ joɔ minem dɔ, na Yesu akaaki afa i ama i ni. ¹⁶ Na sɛrɛ ati sɔnɔ kerɛ, na ba kansɛ Nyɛmɛ, na ba se bu ŋunɔ nu ka, “Nyɛmɛ nɔaniɛ kanfo bambaka be aba ya dɔ. Nyɛmɛ aba anie i minem busu.” ¹⁷ Sa n bo Yesu yoori i n dɛɛ ti, na i labari n abara ayɛ Yudiya awɔrɛ n kerɛ, ni awɔrɛm kerɛ bo bu dodo berɛ ni.

Kabo Yohane Nyɛmɛ Nzue Biefo n sunmaari i susufɔm Yesu dɔ ni

¹⁸ Saŋga bo Yohane dɛɛ susufɔm ba kaanri nyini jɔrɛm kerɛ kereeri i ni, na wɔ fere bu mine nnyɔ, ¹⁹ na wɔ sunma bu Mibiɛ Yesu n dɔ ka bu kɔ bisa i ka, “Wɔrɔ ye bu yo seeri ka a bá n a, nzen ya ŋminda sɔnɔ fɔfɔrɛ be wɔ?” ²⁰ Bu ba juuri Yesu dɔ n na ba se i ka, “Yohane Nyɛmɛ Nzue Biefo ni sunmaari ya u dɔ a, na ya ba bisa u ka, ‘Wɔrɔ ye bu yo seeri ka a bá n a, nzen ya ŋminda sɔnɔ fɔfɔrɛ be wɔ?’ ” ²¹ Nyini saŋga n nu, na Yesu atuntun mine beberebe bo bu la tukpaki barasu barasum, na wɔ fɔn ayi ajinim afite minem ŋu, na wɔ ma anyinsinm beberebe aŋu asi. ²² Na Yesu ase minem bo Yohane sunmaari bu n ka, “Am kpɛ am nyi na am kɔ se Yohane fa kɔ sam bo am ati bu na am aŋu bu ni, ka anyinsinm aŋu asi, wɔbukam akoro anati, kokofɔm anya laifɛ, asuturim ati asui, minem bo ba wu n atɛnɔge, na yaarifɔm gusu akoro ati labari kpa ni. ²³ Terefiɛ wo minem bo bu yo m yarada na bu la má sika be, ni mini n dɔ.”

²⁴ Saŋga bo minem bo Yohane sunmaari bu n kɔ wieeri ni, na Yesu ajoɔ jama n dɔ, fa kɔ Yohane ŋusu jɔrɛ. I ŋa, “Saŋga bo am fite kɔɔri Yohane dɔ boro kpantain n nu ni, am kɔɔri ka am kɔ ŋu nzu wɔ? Am kɔɔri ka am kɔ ŋu sɔnɔ bo i ti ka barankpaati fofoe bo aŋuma n kankan i wɔ? ²⁵ Nzen má nyini, am fite kɔɔri ka am kɔ ŋu nzu wɔ? Am ŋa am kɔ ŋu sɔnɔ bo i wura sutura kpakpa a, nzen sɛ? Ai, am si ka minem bo bu wura nyini suturam na bu di fiefie ni, bu wo nfemem dika a. ²⁶ Nzen má nyini, am kɔɔri ka am kɔ ŋu nzu wɔ? Am kɔɔri ka am kɔ ŋu Nyɛmɛ nɔaniɛ kanfo ɔ, nzen sɛ? Eɛn, m suse am wɔ lɛɛ, ka, am aŋu sɔnɔ bo i tara Nyɛmɛ nɔaniɛ kanfo. ²⁷ Dama Yohane ye bu yo kereeri i ŋusu jɔrɛ, Nyɛmɛ Jɔrɛ Kadasi n nu ka, ‘Nyɛmɛ ŋa o,

‘M dú mɔ sunma m sunmafɔ n na i dú u mɔ,
yiri kó yo atin n dɔnɔgu se u a.’ ’ ’ ”

²⁸ Dɔ na Yesu ase bu ka, “M suse am wɔ lɛɛ, ka, sɔnɔ wo má durunya n nu fɛn bo i tara Yohane. Ama, sɔnɔ kerɛ bo i ti kaan Nyɛmɛ femeya n nu n tara yiri Yohane.”

²⁹ Minem kere bo bu woori do ni, haari fa sanja ni lampodefom ni, tiiri kabo Yesu jooori ni, na ba soro su ka Nyeme dee atin ni ti atin nahore a, dama ba ma Yohane adu mo abie bu Nyeme nzue. ³⁰ Ama, na Farasifom ni Nyeme noanie kerefom n akete kabo Nyeme kereeri ka bu yo ni, dama ba kete ka ma Yohane bie bu Nyeme nzue.

³¹ Na Yesu ase bekun ka, “Ye m fa nzu fa sunsun kabo nyumafu ti a? Bu ti ka nzu wo? ³² Bu ti ka nbaatuma kan kanm bo bu tana goosu wo, na bu sufere bu benggu, bu na,

‘Ya kan tere ama am, ama, am abo ma kereba.

Ya di see jue ama am, ama, am asun ma.’

³³ Deke bo i ti na m se so n la ka, Yohane Nyeme Nzue Biefo n ba juuri ni, i ciciiri i noo o, i di ma diire, i nu ma nzan yiri fieo, nyini ti, na am ase ka ajini wo i nu. ³⁴ Ama, mini Adamande Wa n ba juuri, na m ni mine asanja adi, na ya sanja anu, na am ase ka, ‘Am nie, ahin sono n yiri, i ti ayaakpirifo o, na i nu nzan nahore su. Wo tara lampodefom, ni satieyofom danfoya.’ ³⁵ To, minem kere bo bu su Nyeme dee alecira n atin n su ni, bere kere ka i ti nahore a.”

Kabo Yesu kooori Simon Farasifo n dika ni

³⁶ Farasifo be yo baandiiri Yesu a, ka i bra i dika ba di diire, na Yesu ako i dika, na wo ko awura ka i di diire ni. ³⁷ Bara be woori nyini mie n nu, i ti satieyofu o. I tiiri ka Yesu wo Farasifo n dika n wo diire di su, na wo fa tulaalee nvanvani tuwa kun aba. ³⁸ Na wo ba ajina Yesu jaa dika, na i susun, na i nyunvuin sugo Yesu jaa su. Na wo kutu aso i jaa nu, na wo fa i tiinjmie tintiin anunuka i, na wo kaaki tulaalee n ago i jaa nnyo n kere su. ³⁹ Na Farasifo n bo i baandiiri Yesu n ase i kunnu ka, “Ahin sono n ti ma Nyeme noanie kanfo, nzen ma i ti Nyeme noanie kanfo, ma i si ahin bara n bo i sufa i saa kan i n kabo i woowa ti barasu, ma i si ka i ti satieyofu.” ⁴⁰ Do na Yesu ase i ka, “Simon, m koro ka m se u jore be.” Na wo se Yesu ka, “Ya Kerefo, se m.” ⁴¹ Na Yesu ase i ka, “Mine nnyo nbem wo bere a, na ba ko nwaafu be do ako afie nwaa. Kun dee kaari n sunnu ma, ama, kun n yiri dee sunnu, i kpaaki ciciri dee n nusu buru. ⁴² Bu mine nnyo n nu, bu be mmoo akoro ato ma nwaafu n kaari ni, nyini ti, na wo yaki nwaa n ace bu. Ye a sunsun ka bu mine nnyo n nu, nma koro nwaafu n agaya?” ⁴³ Na Simon abo Yesu nu ka, “Mini do, m sunsun ka sono n bo i kaari sunnuuri ni, yiri koro i agaya.” Na Yesu ase i ka, “A la nahore.” ⁴⁴ Do na Yesu ace anie bara ni, na wo se Simon ka, “M na a nu ahin bara ni e? M ba juuri u dika n nu ni, a ma ma m nzue ka m nmisi m jaa, ama, yiri afa i nyunvuin anmisi m jaa, ye wo fa i tiinjmie n anunuka m jaa n na i wu. ⁴⁵ Bekun, a biti ma m na a yo m anse ni ba mmoo, ama, kabo m ba juuri, yiri akere kabo i koro m, wo yaki ma m jaa so nu. ⁴⁶ A fa ma ngnin ka a kpakpa ma m tii, ama, yiri afa tulaalee akaaki ago m jaa su. ⁴⁷ Nyini ti, m suse u wo lee ka, i satie sunnu ye Nyeme afa i kere ace i a, nyini dee ti, wo kere m i koro agaya. Ama, sono bo i satie sunnu ma na Nyeme afa ace i a, i mi koro mmoo sunnu ma.” ⁴⁸ Do na Yesu ase bara n ka, “Ma fa u satie kere ace u.” ⁴⁹ Mine nyingam n bo bere gusu tana wo diire n di su n tiiri so ni, na ba bisa bu nnu nu ka, “Nma la ahin sonombiri n bo i koro fa minem satie ce bu a?” ⁵⁰ Na Yesu akaaki ase bara n ka, “Yarada n bo a yo m ni, nyini ma a nya u tii a. Ko awuru ni ahoreda.”

8

Kabo nbara nbem bukaari Yesu barasu ni

¹ Nyini sin na Yesu ajengbe miε kpirim, ni aheme aheme miem su, na i sukan labari kpa n fa ko Nyeme femeya n su. I ni i susufo buru ni nnyom ni koori a. ² Na nbara beberebe nbem gusu asu i su. Bu nbem ye i tuntuunri bu tukpaki barasu barasu n a. Bu kun ye i fon yiiri ajinim nso fiteeri i nju n a, bu fere i ka Mariya Magadalafo ni, ³ ni kun bo bu fere i ka Yowana, na i hun la sɔnɔ be bo bu fere i ka Cusa na i nie Feme Herode dika n kere su ni, ni bara bo bu fere i ka Susanna ni. Nyini nbaram kere fa bu tienngu deke bo bu la i wo, na ba fa abuka Yesu ni i susufom ni.

Miεnu fa ko kabo dɔdɔrifɔ be sandiiri alembaa ni

⁴ Na jama beberebe atien bu nɔɔ Yesu dɔ, bu fiteeri miε su miε su baari a. Na wo bo bu ahin miεnu ni, i nja, ⁵ “Dɔdɔrifɔ be fiteeri sɔ ɔ, ka i ko sandi alembaa. Saŋga bo i wo sandi su ni, na nbem atoto atin n nɔɔ, na minem atientien su asin, na anumam aba atambu bu ami. ⁶ Na nbem atoto tieka su, na wo fi, wo ce má na wo waandi, dama niniki awo má asien n bu n dɛɛ ti. ⁷ Na alembaa ni nbem atoto lolɔe nu, na lolɔe n anyi akata i nju. ⁸ Ama, na nbem atoto asien kpa su, na wo nyi awura mbaa zɔi zɔi.” Yesu seeri sɔ wieeri ni, na wo nya atien kpa ase ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miεnu n ni

⁹ Dɔ na Yesu susufom n abisa i nyini miεnu n bu, ¹⁰ na wo bo bu nu ka, “Amberε ye Nyeme ama am asi i femeya n nu asiri jɔre kere a, ama, bo ba ka ni, m bobo i miεnu kere bu a. Adena i yó kabo ba kere i Nyeme Jɔre Kadasi n nu ni, ka,

‘Bu níε wo,

ama, bu nju má pui.

Bu só bu sui wo,

ama, bu tí má deke n bo bu so bu sui ka bu ti i n bu.’ ”

Kabo Yesu kereeri miεnu n bu ni

¹¹ Na Yesu asa su ase bu ka, “Tɔ, miεnu n bo m boori i n bu yaa. Alembaa n ti Nyeme nɔaniε n wo lɛɛ. ¹² Alembaa n bo bu totɔori atin nɔɔ n la minem bo bu ti Nyeme nɔaniε ni, i ce má, na Sitana bá yi i fite bu ahore su, adena má bu yó yarada na bu nyá tiide. ¹³ Alembaa n bo bu totɔori tieka su n la minem bo bu ti Nyeme nɔaniε n na bu de i ni ahorejo, ama, i da má bu ahore su. Bu kaaki ti ka alembaa n bo i bunlui akpama abi má n wo. I woori bu dɔ kaan sɔ, na saŋga bo kekereke be ba tuuri bu, a nju ka ba fa ati. ¹⁴ Alembaa n bo bu totɔori lolɔe nu n la minem bo bu nya tiiri Nyeme nɔaniε ni na bu su i atin su, a nju ka bu sunsunnyi kere wo kabo bu yó na bu asiri káta su, na bu nyá durunya n nu ajekem, na bu yó bu koroowa, a nju ka Nyeme nɔaniε n koro da má bu ahore su na i yo juma. Bu ti ka alembaa bo i bi má n wo. ¹⁵ Ama, alembaa n bo bu totɔori asien kpa su n la minem bo bu ti Nyeme nɔaniε n na bu de i ni bu ahore fofoe nahore su, na bu de i ni bu saa nnyɔ, na bu mindi bita i, na bu fa i yo juma ni.”

Kabo sɔnɔ koro so má sin su na i fa fie ni

¹⁶ Na Yesu ase ka, “Sɔnɔ be nya so má fitana su na i fa ganja butu su, wara i fa se gado bu, ama, i fa taka deke su angoro wo, adena minem

bo bu ba wura awuru n nu n koro ɲu asi. ¹⁷ Deke be wo má bere bo i wo fieɛwa nu na bu bá ɲu má i, deke be gusu wo má bere bo i wo asiri nu na bu bá si má i. ¹⁸ Nyini dɛɛ ti, am si am ɲu sa ni kabo am ti nɔaniɛ n barasu ni. Dama sɔnɔ kere bo wo nya deke be Nyemɛ dɔ na i mi si i bita, Nyemɛ búka i su wo, ama, bo i si má i bita, haari ni nyini kaan n bo i sunsun ka wo nya i ni, Nyemɛ dé i dɔ ɔ.”

Minɛm bo bu ti Yesu ni, ni i ninbaam nahɔre su n jɔre

¹⁹ Na Yesu ni, ni i niemam aba i dɔ, ama, jama sunnuuri i dɔ n dɛɛ ti, ba koro aju má i bi. ²⁰ Na be ase i ka, “M Mibiɛ, u ni, ni u niemam jina dasin koro u.” ²¹ Na Yesu ase bu ka, “M ni, ni m niemam la minɛm bo bu ti Nyemɛ nɔaniɛ n na bu de i na bu fa yo juma n wo.”

Kabo Yesu kereeri ka i la yiko tara aɲuma ni nzue ni

²² Cɛɛn n be sɔ ɔ, na Yesu ni i susufɔm n awura lee nu, na wo se bu ka, “Am ma ya kpiɛ kɔ kunma kpiri n buekun dɔ.” Nyini ti, na ba yasu na bu kɔ. ²³ Bu wo kɔ su ni, na Yesu adaafi, na aɲuma bambaka be ayasu na i subo nzue gɔ lee n nu. Má lee ni suyi ni nzue wo, na anyumboro atu bu. ²⁴ Na Yesu susufɔm n akɔ atɛnɛge i, na ba se i ka, “Ya Mɔfɔ, ya Mɔfɔ e, ya wu awie.” Na Yesu ayasu, na wo tien nzue n ni aɲuma n bo i subo n ɲu, na ba tara, na dika n atara jum. ²⁵ Dɔ na Yesu ase i susufɔm ni ka, “Nzu ti ye am yo má m yarada a?” Na ba yo alekutura na sere akaaki ati bu agaya, na ba bisa bu ɲuɲu nu ka, “Nzu sɔnɔmbiri barasu la ahin bo i ma aɲuma ni nzue mmɔɔ nɔɔ na bu de i a?”

Kabo Yesu fɔn yiiri ajinim fiteeri sɔnɔ be ɲu ni

²⁶ Na Yesu ni i susufɔm n akpiɛ kunma kpiri n akɔ aju Gerasafɔm dɛɛ awɔre n nu, na kunma kpiri n wo i ni Galili dɛɛ awɔre n afien ni. ²⁷ Yesu fiteeri lee n nu ni, na miɛ n nu sɔnɔ be aba akpa i atin, ajinim wo i ɲu, wo cɛ, i nati i bu ɲgbɛɛn wo saɲga kere, i da má awuru, má ka faɲkunma nu. ²⁸ I ɲuuri Yesu ni, na wo bo awie kpa, na wo kutu haari Yesu jaa bu, na wo ciindi ase ka, “Yesu, Micɛra Nyemɛ Kpiri n Wa, a koro nzu ya nu fɛn a? M sere u wo ka, má a ma m ɲu anyumboro.” ²⁹ Deke bo i ti na i seeri sɔ n la ka, Yesu ama ajinim n nɔɔ ka bu fite yaki i. Saɲga kere saɲga ajinim n fun i ɲu wo, haari ni bo bu niɛ i dika, na bu bo i tobari, na bu wura i jɔrɔkɔ buka su ni, i sandi i kere wo, na ajinim n fa i kɔ boro kpantain n nu.

³⁰ Na Yesu abisa i ka, “Bu fere u sɛ?” Na wo bo i nu ka, “Bu fere m ka Jama Beberɛbefɔ.” Deke bo i ti na i seeri sɔ n la ka, ajinim beberebe wo i ɲu wo. ³¹ Na ba sere Yesu jande ka má i fɔn bu kɔ wura kunma n bo i kɔ ɲgonɔgo na i la má awieeri n nu.

³² Nyini saɲga afam beberebe wo dodo bere, bu wo buka be su sudi, na ajinim n asere Yesu ka i ma bu kɔ fun afam n ɲu, na wo ma bu atin. ³³ Na ba fite ayaki sɔnɔ ni, na ba kɔ afun afam n ɲu. Dika n nu bere, na bu kere aɲmati acɔɔndi akɔ ato kunma kpiri nzue n nu, na nzue n adi bu.

³⁴ Afa sasafɔm n ɲuuri nyini n sɔ ni, na ba ɲmati akɔ abo ndoori miɛ kunnu, ni aheme aheme kere su. ³⁵ Na minɛm aba na bu ba niɛ sa n bo wo yo ni, na ba ba Yesu dɔ, aɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su. Dɔ na sere ati bu. ³⁶ Na minɛm n bo bu ɲuuri sa n yoobiri ni, akan jɔre n kere akere

jama n kabo i ba yoori na sɔnɔ n bo ajinim yo woori i ɲu n anya laifie ni. ³⁷ Na minem kere bo bu fite nyini awɔre n nu n asere Yesu jande ka, i yasu bu awɔre n nu bere, dama sere ati bu agaya. Na Yesu ayasu awura lee nu ka i ko.

³⁸ Do na sɔnɔ n bo ajinim afite ayaki i n asere Yesu ka, i ma i su i su. Ama, Yesu asoro má i su, na wo se i ka, ³⁹ “Kpie u nyi ko awuru, na a ko kan kere minem fa ko sakpa n bo Nyeme ayo ama u n su.” Na sɔnɔ n akpie i nyi ako akan akere mie n nufom kere fa ko sakpa n kere bo Yesu ayo ama i ni.

Bara tukpakifo be, ni baabara be yiwee jore

⁴⁰ Saŋga bo Yesu kpieeri i nyi ko juuri kunma kpiri n buekun do ni, i ko ɲu ka jama n atien bu noo sunminda i wo, na ba yo i anse ni ba. ⁴¹ Do na sɔnɔ be aba Yesu do, yiri ti kpien bo i nie bu tientienbunoo soo n su a, bu fere i ka Yarusi. Na wo ba akutu asiɛngu Yesu jaa bu asere i ka, jande i bra i dika, ⁴² dama i wa baabara kun n kpein bo i la i n suwu, i la afo buru ni nnyo o.

Yesu wo ko su n na jama n amie i ɲu agaya. ⁴³ Bara be woori jama n nu, i bita abieeri i afo buru ni nnyo lee, bo i kpu na i kpie má, ama, be akoro atuntun má i na i nya laifie. ⁴⁴ Na wo sakati awura jama n nu Yesu sin, afa i saa akan Yesu tanlee n jaa bu ni, kpenga na abieeri n ajina. ⁴⁵ Na Yesu abisa ka, “Nma fa i saa kaanri m a?” Na sɔnɔ kere ase ka ba si má, na Petoro ase i ka, “Ya Mofɔ, wɔro mmoo ɲu kabo jama n abara aye na bu mie u ɲu barasu.” ⁴⁶ Ama, na Yesu ase ka, “Sɔnɔ be afa i saa akan m, dama ma fa nu ka m yiko n be afite m ɲunie nu ako ayo juma.” ⁴⁷ Na bara n aɲu ka i koro fie má i ɲu, na wo ba ajina Yesu nyunu, i ɲunie kere subobo i. Na wo kutu haari Yesu jaa bu akan jore n akere i, jama n kere nyunu, kabo i ba yoori na i kaba nyaari laifie ni. ⁴⁸ Na Yesu ase i ka, “M wa, yarada n bo ayo m ni, yiri ma a nya laifie a. Ko awuru ni ahoreda.”

⁴⁹ Saŋga n bo Yesu toko wo jɔjo su ni, na sɔnɔ be afite tientienbunoo soo n kpien n dika aba ase i ka, “U wa n wo má bere. Nyini ti, má a dama ya Kerefɔ n kun.” ⁵⁰ Ama, na Yesu ati jore n na wo se baa n si n ka, “Má a ma sere ti u, wɔro yo m yarada, i nyá laifie.” ⁵¹ Bu ko juuri kpien n dika n nu ni, wo soro má su, na be wura buka i su, má ka Petoro, ni Yakobo, ni i niema Yohane, ni baa n si, ni i ni. ⁵² Minem kere bo bu woori do n wo awie bo su wo, na bu sukoko. Nyini dee ti, na Yesu ase ka, “Má am sun, wo wu má, wo daafi wo.” ⁵³ Na ba siri i, dama bu si ka wo wu wo. ⁵⁴ Ama, na Yesu ako atara i saa, na wo tien kpa ase i ka, “M wa, yasu jina.” ⁵⁵ Na wo nya ngoo bekun, na wo kaba ayasu ajina, na Yesu ase ka bu ma baa n deke be na i di. ⁵⁶ Na baa n si, ni i ni ayo alekutura ako asin su, ama, na Yesu aboo bo bu ni nahore su ka, má bu ma be si sa n bo wo yo ni.

9

Kabo Yesu sunmaari i susufɔ buru ni nnyom ni

¹ Na Yesu afere i susufɔ buru ni nnyom ni, na wo tien bu noo, na wo ma bu yiko ka bu ko sufɔn yi ajini barasu barasum kere fite minem ɲu, na bu ma tukpakifom nya laifie. ² Do na wo sunma bu ka bu ko kan Nyeme jore fa ko kabo Nyeme bá nie i minem su ni, na bu tuntun tukpakifom na bu nya laifie, ³ na wo se bu ka, “Má am fa puitiripui ko

ahin atin n bo m susunma am ni, kpama o, kuruku o, diire o, ηwaa o. Má am fa tanlɛɛ be mmɔɔ buka bo am wura i n su. ⁴ Am kɔ juuri miɛ be su, na awuru kɛɛ bo am kɔ wurari nu, am ka nyini awuru n nu haari am bá fite miɛ n nu. ⁵ Sasu bekun, miɛ bo am kɔ wurari nu, na ba de má am wɔfɔ, am fite yaki nyini miɛ ni, na am kɔnkɔn yi am jaa tuturi kɛɛ. Nyini dí daani kere bu ka bu woowa tí má kpa.” ⁶ Na i jaramasam n ako ajɛngbe abara aye miɛ miɛm su akan labari kpa n jɔɛ akere minem deke n kɛɛ bo bu kɔɔri ni, na ba tuntun tukpakifɔm na ba nya laifɛ.

Kabo Fɛmɛ Herode birisi fa kɔɔri Yesu sayoowam su ni

⁷ Na Fɛmɛ Herode ati sa n kɛɛ bo Yesu ayo i ni, na wɔ birisi, dama mine nbem ηa Yohane Nyɛmɛ Nzue Biɛfɔ n ye wɔ tɛngɛ i yiwee n nu a, ⁸ ye nbem ηa Nyɛmɛ nɔaniɛ kanfɔ Eliya ye wɔ yi i ηu afite fofoe nu, na nbem gusu ase ka dawa dɛɛ Nyɛmɛ nɔaniɛ kanfɔ nyinga n be ye wɔ kaaki atɛngɛ aba a. ⁹ Na Fɛmɛ Herode ase ka, “M ma ba kpɛ Yohane tii e, ye ηma la ahin sɔnɔ n bo m ti i sayoowam ηga sɔ n a?” Na wɔ boro i nyi ka i ηu Yesu.

Kabo Yesu maari nbiesɔm akpii nnu ni bu minem diire ni

¹⁰ Sanja bo Yesu jaramasam n kpɛeri bu nyi baari i dɔ ni, na ba kan sam kɛɛ bo ba yo i n akere i. Na wɔ fa bu na ba kɔ awo miɛ be su awɔɛ be nu bɛɛ ηgumi. Bu fere miɛ n ka Besayida. ¹¹ Jama n tiiri Yesu ηga sɔ ni, na ba sa i su ako dɔ. Na wɔ de bu, na wɔ kan Nyɛmɛ jɔɛ fa kɔ kabo Nyɛmɛ bá niɛ i minem su barasu. Na wɔ tuntun tukpakifɔm, na ba nya laifɛ.

¹² Sanja bo wie ba sukɔ tɔ ni, na i jaramasam n aba i dɔ aba ase i ka, “Ma minem n atin na bu kɔ miɛ kunnu ni ahɛmɛ ahɛmɛ miɛm su na bu kɔ niɛniɛ diire di na bu nya daabiri da, dama deke bo ya wo ni, ya wo boro wɔ lɛɛ.” ¹³ Ama, na Yesu ase bu ka, “Amberɛ mmɔɔ ni am tii nya deke be ma bu na bu di.” Na ba se i ka, “Deke bo ya la i kɛɛ la kɔnɔ nnu wɔ, ni jombaa nnyɔ, i jú má. A koro ka ya kɔ to diire ba ma ahin jama n kɛɛ wɔ, nzen se a?” ¹⁴ Deke bo i ti na bu seeri sɔ n la ka, nbiesɔm kɔ yasuuri mine akpii nnu wɔ. Na Yesu ase i susufɔm n ka, “Am ma bu tana asese asese aburunu nnu na bu di.” ¹⁵ I susufɔm ni maari bu kɛɛ tanaari sɔ wieeri ni, ¹⁶ na Yesu afa kɔnɔ nnu ni, ni jombaa nnyɔ ni, na wɔ ye i tii su aɲgoro, na wɔ da Nyɛmɛ asi, na wɔ kpɛkpɛ i kɛɛ n nu, na wɔ fa ama i susufɔm ni ka bu fa ma minem ni. ¹⁷ Na bu kɛɛ adi, na bu kunnu ayi. Na ba tambu kɔnɔ, ni jombaa sinsin bo bu diiri na i kaari ni, na ba nya kandɛ buru ni nnyɔ.

Kabo Petoro kereeri ka Yesu ti barasu ni

¹⁸ Cɛɛn n be sɔ ɔ, Yesu wo nyɛmɛsere su i ηgumi, i susufɔm ni wo i bi. I sereeri Nyɛmɛ wieeri n na wɔ bisa bu ka, “Minem fa m bu ηma a?” ¹⁹ Na ba bɔ i nu ka, “Bu ηa wɔɔɔ ti Yohane Nyɛmɛ Nzue Biɛfɔ n a, nbem ηa wɔɔɔ ti Nyɛmɛ nɔaniɛ kanfɔ Eliya, ye nbem gusu ηa wɔɔɔ ti dawa dɛɛ Nyɛmɛ nɔaniɛ kanfɔ nyinga n be ye wɔ tɛngɛ aba a.” ²⁰ Na wɔ nya abisa bu bekun ka, “Ye amberɛ fa m bu ηma a?” Na Petoro abɔ i nu ka, “Wɔɔɔ ti Kristo n a, Tiidefɔ n bo Nyɛmɛ ase ka i súnma i ni.”

Kabo Yesu jɔɔ fa kɔɔri i yiwee n su ni

²¹ Na Yesu aboɔɔ bu ka, má bu se ka bu se be jore n bo Petoro ajoɔɔ i ni, ²² i ɲa, “Wɔ yo daka ka mini Adamande Wa n di wahara dɔŋgu, na Yudafoɔ nkpɛnkpɛnm, ni Nyeme sayoowa dɔŋguyofɔ nkpɛnkpɛnm, ni Nyeme noanie kerefom kere bá kete m ɲu, na bu kún m. Ama, na i lesan cɛn, na Nyeme má m tenge m yiwee n nu.”

Kabo Yesu jɔɔ fa kɔɔri kabo minem su i su ni

²³ Na wɔ se bere kere pepere ka, “Sɔnɔ kere bo i koro ka i su m su, wɔ yo daka ka i mi wara fi i tienɔgu sa koroowa sa, na i fá i yiwee baka jaanu n sɔ, na i su m su cɛn kere cɛn. ²⁴ Dama sɔnɔ kere bo i koro ka i fa i ɲɔɔ fie, i mi bá fun i. Ama, sɔnɔ kere bo i tɔɔri i ɲɔɔ mini dɛɛ ti, i mi nyá ɲɔɔ. ²⁵ Nzen sɔnɔ nyaari durunya n nu deke n kere na i fuunri i ɲɔɔ na i kaari ɲgbɛn, i kperɛ la bɔnɔ? ²⁶ Sɔnɔ kere bo nyinse ti i fa kɔ mini ni m noanie n su, sɔ ye nyinse tí mini Adamande Wa n gusu fa kɔ bu su a, saɲga bo m bá ba ni m jirima woowa n nu, ni m Si Nyeme dɛɛ jirima woowa ni, ni i mereke casim ni. ²⁷ Nahore ye m suse am n a, am nbem wo nu fen bo am wú má, má ka am aba aɲu ka Nyeme femɛya n aba.”

Kabo Yesu ɲunie kaakiiri wo barasu ni

²⁸ Yesu jɔɔɔri nyinim kere wieeri sɔ ni, fa kɔ i lemɔue cɛn, na wo fa Petoro ni Yohane ni Yakobo na ba fun ako buka be su ka bu kɔ sere Nyeme. ²⁹ I wo nyemesere n su ni, na i nyunuawa akaaki wo, na i tanlɛɛ n akaaki fofoe papasi. ³⁰ Dɔ na minem nnyɔ nbem atie bu ɲu, bu ni Yesu subo anzama. Bere la Moyisi ni Eliya, dawa dɛɛ Nyeme noanie kanfom ni. ³¹ Na bere gusu ata fofoe papasi, na bu sujɔɔɔ i dɔ fa kɔ kabo i saɲga bá ju bo i kɔ Yerusalem mie kpɛri n nu ni, na i yoori sɔ na Nyeme koroowa n yó yiiwa. ³² Nyini saɲga, Petoro ni i bɛngum wo daafiri su, bu ba tengeeri n na ba ɲu kabo Yesu woowa n akaaki barasu, i ni mine nnyom ni jina. ³³ Saɲga bo minem n ba sukɔ yaki Yesu ni, na Petoro ase i ka, “Ya Mɔfo, i ti kpa ka ya wo fen. Ma ya bo nambue nsan, u dɛɛ kun, Moyisi dɛɛ kun, na Eliya gusu dɛɛ kun.” I jɔɔɔ, wɔ si má kabo i seeri ni. ³⁴ I toko wo jɔɔɔri su n na yinyingɔ akata bu ɲu liim, na sere ati i susufom ni, saɲga bo yinyingɔ n sukata bu ɲu ni. ³⁵ Na ba ti akonvi be ɲga yinyingɔ n nu, i ɲa, “M wa lɛɛ, yiri ye ma yi i a. Am de i noanie.” ³⁶ Bu tiiri jɔɔɔwa n sɔ ni, bu ɲu ka Yesu ɲgumi jina a. Nyini saɲga ni, i susufom n abo má su akan akere má be fa kɔ sam n bo bu ɲuuri i n su.

Kabo Yesu fɔn yiiri ajini fiteeri baa be ɲu ni

³⁷ Na i alecin, na Yesu ni i susufɔ nsanm ni sujura buka n su ni, na jama beberebe akpa i atin. ³⁸ Dɔ na sɔnɔ be awo jama n nu atien ase ka, “Ya Kerefɔ, m sere u wɔ, si m wa baabiesɔ n aɲunfɔ, m wa kere lɛɛ. ³⁹ Niɛ, ajini wo i ɲu, saɲga kere bo i ba ɲa i yasu i ɲu, i kaba bo awie kungerekun wɔ, na i fa i bo asienɔgu, na i nanzue sufite fufuku, i bita i kere i wahara sɔ sɔ saɲga kere, i koro má ka i fite yaki i. ⁴⁰ Ma sere u susufom ni lɛɛ ka bu fɔn yi ajini ni, ama, ba kura má nu.” ⁴¹ Na Yesu ase ka, “Amaa. Ambere nyumafɔ satieyofom, am la má yarada fieo. Nyuma sa ye m wo am dɔ fen a? Ye m yó sawore ni ambere kɔ ju se wa?” Dɔ na wɔ se baa n si ka, “Fa baa n bra fen.” ⁴² Saɲga bo baa ni suba Yesu dɔ ni, na ajini n abo i aji asienɔgu, na wɔ da sukpisi. Na

Yesu atien ajini n ɲu na baa n anya laifɛ, na wɔ kaaki afa i ama i si. ⁴³ Na minɛm kɛrɛ amɛ fa kɔ yiko bambaka bo Nyɛmɛ la i ni.

Kabo Yesu jɔɔ fa kɔɔri i yiwee n su bekun ni

Sam n kɛrɛ bo Yesu woori bu yo su n dɛɛ ti, nyini ma minɛ kɛrɛ yoori alekutura n a. Dɔ na wɔ se i susufɔm ka, ⁴⁴ “Amberɛ, am so am sui na am ti deke bo m koro ka m se am ni. Bu bá tɔ mini Adamande Wa n ma minɛ nbem.” ⁴⁵ Ama, i jɔɔɔri sɔ ni, i susufɔm n ati má i bu. Nyɛmɛ ayi má i nyi akere má bu, nyini ti ye ba koro ati má i bu. Ama, sɛrɛ dɛɛ ti, ba koro abisa má i fa kɔ nyini jɔrɛ n su.

Kabo Yesu kereeri sɔnɔ bo i tara bu kɛrɛ ni

⁴⁶ Na i susufɔm n ase akuruwa bu ɲuɲu nu fa kɔ sɔnɔ bo i tara bu kɛrɛ ni. ⁴⁷ Yesu siiri bu sunsunni bo bu bita i n dɛɛ ti, na wɔ fa baa kaan be ajina bu afien i bi, ⁴⁸ na wɔ se bu ka, “Wɔrɔ kɛrɛ bo a deeri ahin baakan n ɲusu m dɛɛ ti, a deeri mini wɔ lɛɛ. Bekun, wɔrɔ kɛrɛ gusu bo a nya deeri mini, a deeri m si bo wɔ sunma m wɔ lɛɛ. Dama bo am sunsun ka i ti kaan am kɛrɛ nu ni, yiri ti kpiri tara am kɛrɛ a.”

⁴⁹ Dɔ na Yohane ase i ka, “Ya Mɔfɔ, ya ɲuuri ka sɔnɔ be afa u dama sufa fɔn yi ajinim fite minɛm ɲu, ye ya ɲa ya yáki má i, dama i wo má ya nu n dɛɛ ti.” ⁵⁰ Na Yesu ase ka, “Má am se ka am kanda i, dama sɔnɔ kɛrɛ bo i fite má am sin, i mi jina am sin wɔ lɛɛ.”

Kabo Samariyaɔm keteeri ka bu de má Yesu ni

⁵¹ Saɲga n ba dodoori bo Nyɛmɛ má Yesu fun kɔ aɲgoro ni, na wɔ bu i tii nu ka i ti ye ni ka i kɔ Yerusalem miɛ kpiri n nu. ⁵² Na wɔ sunma sunmafɔm Samariya ahɛmɛ miɛ be su ka bu kɔ suyo deke kɛrɛ siriya ɲminda i. ⁵³ Ama, na Samariyaɔm n akete ka bu de má i, dama ka i susin kɔ Yerusalem n dɛɛ ti. ⁵⁴ Yakobo ni Yohane ɲuuri nyini n sɔ ni, na ba se ka, “Ya Mibiɛ, a koro ka ya ma sin fite aɲgoro ba di bu, nzen se a?” ⁵⁵ Na Yesu aɛɛ aniɛ, na wɔ jaraki bu. ⁵⁶ Dɔ na Yesu ni i susufɔm n asin ako miɛ nyiɲga be su.

Minɛm bo bu koro ka bu su Yesu su n jɔrɛ

⁵⁷ Saɲga bo Yesu ni i susufɔm n wo kɔ su ni, na sɔnɔ be aba ase Yesu ka, “Deke kɛrɛ bo a kɔ, m sù u su wɔ.” ⁵⁸ Na Yesu ase i ka, “Naakum la kunmam, na anumam gusu la tiɛrim, ama, mini Adamande Wa n yiri, m la má m tii daabiri.”

⁵⁹ Na wɔ se sɔnɔ nyiɲga be ka, “Su m su.” Ama, na sɔnɔ n ase i ka, “M Mibiɛ, ma m du mɔ kɔ yo m si sutura ka, na m nyá ba su u su.” ⁶⁰ Na Yesu ase i ka, “Yaki bo ba wu ni, na bu se bu beɲgu, wɔrɔ kɔ na a kɔ kan Nyɛmɛ jɔrɛ fa kɔ kabo Nyɛmɛ Fɛmɛ bá niɛ i minɛm su ni.”

⁶¹ Na sɔnɔ nyiɲga be bekun ase Yesu ka, “M Mibiɛ, m bá su u su, ama, ma m kɔ kaari m dikafɔm ka, na m bá.” ⁶² Na Yesu ase i ka, “Sɔnɔ kɛrɛ bo i ti ka toora dɔdɔɔrifɔ na i wo dɔ su, na i kaaki niɛ i sin, i ti má ye ni ka Nyɛmɛ yo i mi fɛmɛ.”

10

Kabo Yesu sunmaari i susufɔ aburaso ni nnyɔm ni

¹ Nyini sin na Mibiɛ Yesu n ayi i susufɔ aburaso ni nnyɔ nyiɲga nbem, na wɔ sunma bu nnyɔ nnyɔ ka bu du mɔ kɔ miɛ miɛm kɛrɛ bo yiri ni i tii ase ka i bá kɔ su ni. ² Na wɔ se bu ka, “Fiesu diire n sunnu, ama,

bo bu kɔ i tambu n sunnu má. Nyini ti, am sere Mibie n bo i dɛɛ la fie n ka i sunma jumayofɔm na bu kɔ i tambu. ³ Ama, am ti fɛn. Am kɔ. M susunma am wɔ lɛɛ, kabo nbɔmbaam kɔ sanɓa bedim nu barasu ni. ⁴ Má am se ka am fa njwaa, wara kuruku, wara gbagbaa, má am se ka am jina atin nu yo be mmɔɔ anse. ⁵ Awuru kɛɛ bo am kɔ wuraari nu, am du mɔ se ka, ‘Nyeme ma am tanalaifie.’ ⁶ Nzen tanalaifieɓo wo nyini awuru n nu, am ma am tanalaifie n ka i mi n dɔ, ama, nzen wɔ ti má sɔ, Nyeme dé tanalaifie ni i mi n dɔ. ⁷ Awuru bo am kɔ wuraari nu na bu deeri am wɔfɔ, am ka nyini awuru n nu, na am di na am nu deke kɛɛ bo bu fa ma am, dama i ti ye ni ka jumayofɔ nya i juma ni njkatɔ. Má am nati awuru kɛɛ nu. ⁸ Am kɔ juuri mie be su na bu deeri am wɔfɔ, am di deke kɛɛ bo bu fa ma am. ⁹ Am tuntun tukpakifɔm bo bu wo dɔ n na bu nya laifie, na am se bu ka, ‘Sanɓa bo Nyeme Feme bá nie i minem su n adodo am lɛɛ.’ ¹⁰ Ama, nzen am kɔ juuri mie be su na ba de má am wɔfɔ, am fite kɔ atingbere n su, na am se bu ka, ¹¹ ‘Haari am mie n tuturi mmɔɔ mata má ya jaa, ya kpɔnkpɔn yi i wɔ, nyini di daani kere ka am woowa ti má kpa. Ama, i ti ye ni ka am si ka sanɓa bo Nyeme Feme bá nie i minem su n adodo lɛɛ.’ ¹² Nyini ti, m suse am wɔ lɛɛ, ka, jina cɛɛn, nyini mie n nufɔm, Nyeme cín bu sui tara Sodom mie kpiri n nu satieyofɔm.”

¹³ Na Yesu akaaki ase ka, “Tɔ, ambere Korazinfɔm, am bá ɗu anyumboro. Ambere Besayidafɔm gusu, am bá ɗu anyumboro. Alekutura sam bo m yo maari am ni, má nzen m yoori bu Tiro, ni Sidon mie kpirim n nu, má minem n akaaki bu wo dada kɛɛ na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n dɛɛ ti ni. ¹⁴ Ama, ambere, Nyeme bá cin am sui tara Tiro ni Sidon dɛɛ satieyofɔm. ¹⁵ Ambere Kapenamfɔm gusu, am sunsun ka Nyeme bá ye am su kɔ angoro wɔ, nzen se? Ai. I bá yo am kaan wɔ, na i fá am cɔondi kɔ Yiweefɔm Woobiri.”

¹⁶ Na Yesu ase i susufɔm ka, “Sɔnɔ kɛɛ bo i de am nɔanie, i mi de m dɛɛ nɔanie wɔ lɛɛ, na sɔnɔ kɛɛ bo i kete am nɔanie, i mi kete m dɛɛ nɔanie wɔ lɛɛ, na sɔnɔ kɛɛ bo i kete m dɛɛ nɔanie, i mi kete yiri n bo i sunmaari m wɔ lɛɛ.” I jojo wieeri, na ba ko.

¹⁷ Sanɓa bo i susufɔ aburaso ni nnyɔm ni kpieeri bu nyi baari Yesu dɔ ni, na bu ahore ajo agaya, na ba se i ka, “Ya Mibie, haari ajinim mmɔɔ de ya nɔanie wɔ, nzen ya nya atien bu ɗu u dɛɛ duma n nu.”

¹⁸ Na Yesu ase bu ka, “M ɗuuri Sitana ka wɔ fite angoro atɔ, kabo nzue kpese na i ti barasu n wɔ.” ¹⁹ Na Yesu ase ka, “Am ti fɛn. Ma ma am yiko adena am tientien woom ni bundaanim ɗu, na am kunma yiri kpɔfɔ n fanɓa kɛɛ na pui yó má am. ²⁰ Haari ni nyini kɛɛ ni, má am ma am ahore jo ka ajinim de am nɔanie ɗgumi n dɛɛ ti, ama, am ma am ahore jo ka ba kɛɛ am duma ase Nyeme dika.”

²¹ Nyini sanɓa n na Awiewie Casi n ama Yesu ahorejo akɔ sin su, na wɔ sere Nyeme ase ka, “M Si Nyeme, worɔ ti angoro ni asienɗu kɛɛ Mibie a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. M Si, i ti nahore wɔ, kabo a koroori ka i yo lɛɛ.” ²² Yesu sereeri Nyeme n wieeri ni, na wɔ se ka, “M Si afa deke kɛɛ awura m saa nu. Be si má Nyeme Wa ni, má ka i Si Nyeme ni si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²³ Dɔ na Yesu ace anie i susufom ni, na wo jɔɔ bere ngumi dɔ, i ɲa, “Amberɛ la terefie ka am aɲu dekem bo am ɲu bu ni. ²⁴ M suse am wo lɛɛ, ka, Nyemɛ nɔanie kanfom ni nfemem beberebe koroori ka bu ɲu deke n bo am ɲu i ni, ama, ba ɲu má i, na ba koro ka bu ti deke n bo am ti i ni, ama, ba ti má i.”

Miɛnu fa kɔ Samariya sɔnɔ aɲunfo sifo be

²⁵ Na Nyemɛ nɔanie kerefo be aba Yesu dɔ ka i ba sɔ i ɲɛɛ. Na wo bisa Yesu ka, “Ya Kerefo, ye m yo se wo, ye m nyá ɲɔɔ n bo i la má awieeri n a?” ²⁶ Na Yesu abɔ i nu ka, “Ba kere i se wo, Nyemɛ Jɔre Kadasi n nu a? A ti i bu se wo?” ²⁷ Na sɔnɔ n abɔ Yesu nu ka, “Ba kere ka, ‘Koro Micera u Nyemɛ ni, ni u ahorembaa kun, ni u awiewie, ni u fanja, ni u sunsunni kere, na a koro u beɲgu kabo a koro u ɲu ni.’” ²⁸ Na Yesu ase i ka, “A kan nahore wo, yo sɔ na a nyá ɲɔɔ.”

²⁹ Ama, na Nyemɛ nɔanie kerefo n akoro ka i yo i ɲu ka i ti sɔnɔ bo i yo sa bo i kɔ atin su Nyemɛ dɔ ɔ, nyini ti, na wo bisa Yesu ka, “M beɲgu la ɲma a?” ³⁰ Na Yesu abɔ i nu ka, “Sɔnɔ be yo woori bere a, na wo yasu Yerusalem ka i kɔ mie kpiri be su, bu fere dɔ ka Yeriko, na atin bujaanufom akɔ atara i ade i nenge kere, na ba bo i akɔ ayaki i ɲɔɔ n kaan sɔ ɔ. ³¹ I ba yoori ka Nyemɛ sayoowa dɔnguyofɔ kprien be su nyini atin n su, ama, saɲga bo i kɔ ɲuuri sɔnɔ n bo atin bujaanufom abo i ni, na wo san asin ayaki i. ³² I tiiri sɔ bekun, na Levi busu nufɔ be susin bere, na wo ɲu i, na i gusu asan asin. ³³ Ama, na Samariyafɔ be gusu ba bita nyini atin ni, na wo ba aɲu sɔnɔ ni, i ɲuuri i sɔ ni, na aɲunfo ati i. ³⁴ Na wo kɔ sɔnɔ n bi, na wo fa ɲguin ni nzan afa aɲmisi kambuem ni, na wo cici i, na wo fa sɔnɔ n na wo ma wo tana i kaako su, na wo fa i akɔ wɔfom deebiri, na wo kɔ anie i dika. ³⁵ Alecin na wo yi ɲwaa be ama sɔnɔ bo i nie awuru n su ni. Na wo se i ka, ‘De na a nie i dika ma m, na m ba kpieeri m nyi baari, m tɔ deke kere bo a saaki i afa anie i dika ni.’ ³⁶ Tɔ, u sunsunni nu, nyini mine nsanm n nu, bɔnɔ kere ka i ti sɔnɔ n beɲgu a?” ³⁷ Na Nyemɛ nɔanie kerefo n abɔ i nu ka, “Sɔnɔ n bo i siiri i aɲunfo ni.” Na Yesu ase i ka, “Kɔ na a kɔ yo sɔ.”

Yesu ni Marata ni Mariya jɔre

³⁸ Saɲga bo Yesu ni i susufom n wo kɔ su ni, na ba kɔ aju mie be su, bara be woori dɔ, bu fere i ka Marata, na wo de Yesu wɔfɔ i dika. ³⁹ Marata la i niema be, bu fere i ka Mariya, na wo tana Yesu bi, na i suti kabo Yesu kere barasu ni. ⁴⁰ Ama, na wo yo Marata ahoresaaki kabo yiri ngumi wo juma yo su ni, nyini ti, na wo ba ase Yesu ka, “M Mibie, u cece wo má nu ka m niema n ayaki juma n kere aji mini ngumi saa su, nzen se? Se i ka i ba buka m.” ⁴¹ Na Mibie n abɔ i nu ka, “M danfo Marata, a fa juma beberebe ata u ɲu nyi, ye a suwaraki a, ⁴² ama, deke kun n kpein be akpie u su a. Mariya yiri, deke bo i ti kpa tara i kere ye wo yi i n a, na be wo má bere bo i koro de i dɔ.”

11

Kabo Yesu kereeri ya nyemesere atin barasu ni

¹ Cɛɛn n be sɔ ɔ, na Yesu wo nyemesere su awore be nu. I ba sere wieeri ni, na i susufom ni kun ase i ka, “Ya Mibie, kere ya nyemesere

atin, kabo Yohane kereeri i dɛɛ susufom ni.” ² Na Yesu ase bu ka, “Sanja bo am ba susere Nyeme, am se ka o,
‘Ya Si Nyeme,

ma minem bu u duma casi ni.
Ma u femeya n bra.

³ Ma ya nɔɔ nu diire cɛɛn n kere cɛɛn.

⁴ Fa ya satie ce ya,

dama yere gusu fa ce bo bu do ya ngasi n wo.

Má a ma deke be yo ya na ya wura satie nu.’”

⁵ Na Yesu ase ka, “Ma m fa i ka, nzen am nu kun kɔɔri i danfo dika kɔngue jinanjin, na i kɔ se i ka, ‘M danfo, fie m kponɔ nsan. ⁶ M danfo atin natiirifo be aba m dika jina n nu bere lee, m gusu la má diire bo m fá ma i.’ ⁷ Na yiri n bo i wo sɔɔɔ n ase ka, ‘Má a mie m. Ma tu ano awie, na m nbaam da a. M koro yasu má na m má u pui.’ ⁸ Tɔ, m suse am wo lee, ka, má ka am ti danfoya n dɛɛ ti ye i yásu na i ma u kponɔ n a, ama, i bá yasu na i ma u deke kere bo a koro, dama ka a fie ni sere n dɛɛ ti.

⁹ Nyini ti, m suse am wo lee, ka, am sere deke bo am koro i Nyeme do, na i má am. Am nienie deke bo am koro i do, na am nú i. Am bobo ano ni, na i téke i ma am. ¹⁰ Dama sɔɔɔ kere bo i sere deke be Nyeme do, i má i, na sɔɔɔ kere bo i nienie deke be, i nú i wo, na sɔɔɔ kere bo i bobo ano ni, i téke i ma i. ¹¹ Ambere bo am ti nbaasim ni, nma ye i wa sere i jombaa ye i mi kéte na i fá woo ma i wa n a? Ai, be yo má so. ¹² Wara, ambere nu nma ye i wa sere i karafo ye i kéte na i fá bundaani ma i wa n a? Ai, be yo má so. ¹³ Tɔ, ambere, haari ni bo am ti satieyofom ni, am si aceeri kpam bo am fa ce am nbaam, nzu ti ye nzen am sereeri am Si Nyeme bo i wo angoro ni, i koro ma má am Awiewie Casi n a?”

Kabo minem na Yesu ni Sitana dɛɛ ti kun ni

¹⁴ Sanja be na Yesu afon ayi ajini afite sɔɔɔ be nu, wo yo i bobo. Ajini n fite yakiiri sɔɔɔ n so ni, na wo koro ajojo. Na jama n ayo alekutura. ¹⁵ Ama, na mine nbem ase ka, “Belazebuli bo i ti ajinim kere dɛɛ femɛ n na bu kaaki fere i ka Sitana ni, yiri ma ahin sɔɔɔ n yiko ye i koro fon yi ajinim a.” ¹⁶ Na nbem gusu akoro ka bu so i ngeɛ. Nyini ti, na ba se i ka i yo alekutura sa be bo i kere ka i yiko n fite Nyeme do o. ¹⁷ Ama, Yesu siiri bu sunsunni n so ni, na wo se bu ka, “Femeya kere bo i nya kpakpaakiiri nu wieeri, nyini femeya ni ká ngbeen wo. Awuru gusu kere bo i kpakpaakiiri nu wieeri, nyini awuru ni sánda wo. ¹⁸ Na nzen Sitana dɛɛ femeya n nya kpaakiiri nu wieeri, i koro jina a? Ai, i koro jina má. Deke bo i ti na m se so n la ka, am na Belazebuli ma m yiko ye m koro fa fon yi ajinim a. ¹⁹ Tɔ, ye nzen am na Belazebuli maari m yiko, ye m fa fon yi ajinim a, ye nma maari am dɛɛ minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la má nahore. ²⁰ Ama, Nyeme dɛɛ yiko nu ye mini fon yi ajinim a. Nyini n kere ka, Nyeme wo am nu sunie i minem su lee.

²¹ Nzen sɔɔɔ fanfafa nya faari i biesoya nenge kere jina nmindaari i dika, pui koro yo má i awuru n nu nenge be. ²² Ama, nzen sɔɔɔ nyinga nya taraari i fanja, i koro tu ngonni ni yiri na i kunma i fanja, na i de i biesoya nenge n bo i daafi i nu ni, na i fin i nenge kere ko na i ni i bengum ko kpaaki nu.

²³ Sónò kere bo i jina má m sin, i mi ti m kpófó ɔ. Na sónò kere gusu bo i buka má m na ya tien minem nɔɔ, i mi sandi minem wɔ.

²⁴ Nzen ajini nya fite yakiiri sónò, i kò jengbe bara ye boro kpantain nu wɔ, deke bo nzue wo má, na i kò nienie woobiri bo i tana yi i n̄umi. Nzen wɔ nya má woobiri, nyini san̄ga, a ti ka i n̄a, ‘Ma m kp̄ie m nyi kò m woobiri dawa ni.’ ²⁵ Na i kaaki kò, i kò n̄u ka ba kpara dika n nyunyumi, asese deke kere su. ²⁶ Na i nyá kò fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini san̄ga, a n̄u ka sónò n woowa ayo tie atara kabo i yo ti dawa ni.”

²⁷ San̄ga bo Yesu seeri sɔ wieeri ni, bara be wo jama n nu, na wɔ se Yesu ka, “Terefié wo bara n bo i wuuri u na i maari u nyufini n dɔ.”

²⁸ Ama, na Yesu ase i ka, “Terefié wo minem bo bu ti Nyeme n̄anie n na bu de i ni dɔ a.”

Kabo Yesu keteeri ka i yo má alekutura sa bo bu koro i ni

²⁹ San̄ga bo minem sutien bu nɔɔ bara ye Yesu sɔ ni, na wɔ se bu ka, “Amberé nyumafóm ti satieyofóm wɔ. Am koro ka m yo alekutura sa na am n̄u i wɔ, ama, m yó má i, má ka alekutura sa n bo Nyeme yo yoori i maari i n̄anie kanfó Jona ni n̄gumi. ³⁰ I ti sɔ l̄e, kabo sa n bo i yo tuuri Jona n kereeri N̄inevafóm ka Nyeme sunmaari i ni, sɔ ye sa n bo i bá tu mini Adamande Wa n gusu kére amberé nyumafóm ka Nyeme asunma m a. ³¹ Feme bara be yo fiteeri haari i b̄osu Seba wɔ, na i ba ti Feme Solomon d̄e n̄ḡon̄le j̄oj̄owa n̄anie ni. Jina c̄ēn, yiri bá yasu jina na i j̄araki amberé nyumafóm nah̄ore su, dama kisa, m suse am wɔ ka, mini tara Feme Solomon, ama, am ade má m n̄anie ni. ³² Jona yo kaanri Nyeme j̄ore kereeri N̄inevafóm na ba kaaki bu wo. Jina c̄ēn, bere bá yasu jina na bu j̄araki amberé nyumafóm, dama kisa, m suse am wɔ ka, mini tara Jona, ama, am akete ka am kaaki má am wo.”

Kabo Yesu kereeri anyumbaa kpa j̄ore ni

³³ Na Yesu akaaki ase ka, “Sónò koro so má fitana su na i fa se fīewa nu, wara i fa gan̄ga butu su. Ama, i fa taka deke su an̄goro wɔ, adena minem bo bu ba wura awuru n nu n koro n̄u asi. ³⁴ Ya nyumbaa ni ti ka fitana ma ya n̄uniembaa n a. Nzen u nyumbaa nya ti kpa, u n̄uniembaa n kere ta wein n wɔ l̄e. Ama, nzen i nya ti má kpa, u n̄uniembaa n kere wo awosin nu wɔ l̄e. ³⁵ Nyini ti, si u n̄u sa na má a se ka wein wo u dɔ, ama, i ti awosin wɔ. ³⁶ Nzen u n̄uniembaa n kere woori wein nu, na awosin be awo má nu, i tá a papasi, kabo fitana sin ta wura u ni.”

Kabo Yesu n̄a Yudafóm tereterefóm nbem bá n̄u anyumboro ni

³⁷ San̄ga bo Yesu j̄oj̄o wieeri sɔ ni, na Farasifó be asere i ka i bra na bu di diire i dika, na Yesu akò awura ka i di diire ni. ³⁸ Na Farasifó n abirisi kabo Yesu an̄misi má i n̄u ka, ye i sudi diire ni. ³⁹ Na Mibie n ase i ka, “Amberé Farasifóm, am n̄misi am k̄opu ni am taale sin wɔ, ama, am kunnu ayi ni anyii sayoowam, ni sunsunni tiem wɔ. ⁴⁰ Amberé sinnzinm ni, sónò kere si ka Nyeme yoori deke kere kunnu ni i sin a. ⁴¹ Má nzen am fa deke bo i wo am k̄opu ni am taale kunnu ma jaarifóm, má deke kere bo am yo i, má i yo casi ma am wɔ Nyeme dɔ.

⁴² Amberé Farasifóm ni, am bá n̄u anyumboro, dama am yi am jakam ma Nyeme wɔ, haari ni am maakunm, ni n̄getem, ni nvannvanm kere,

ama, am yo má nahore sam, na am kaaki koro má Nyeme. Wo yo daka ka am yo nyini sam sanja kere, na am fa jaka yiwam buka su.

⁴³ Amberé Farasifom ni, am bá ñu anyumboro. Am koro ka am tana kpirikoro tanaabirim wo, am tientienbunoo soom n nu, na am koro ka minem yo am anse goosu wo, na bu ma am jirima. ⁴⁴ Am bá ñu anyumboro. Am ti ka fanjunmam bo bu la má nyaari seewa be n wo, na minem nati su na bu si má ka fanjunma lee.”

⁴⁵ Na Nyeme noanie kerefom n kun ase Yesu ka, “Ya Kerefó, nzen a seeri so, a kpie nzuko asanga ya kere mmoo lee.” ⁴⁶ Na Yesu ase i ka, “Amberé Nyeme noanie kerefom ni, amberé mmoo bá ñu anyumboro. Am cici soori nonoori so minem wo, ama, amberé ni am tii soro má su ka am fa am saa kan i.

⁴⁷ Amberé bá ñu anyumboro. Am yo fanjunmam dongu fa ma Nyeme noanie kanfom wo, bere bo am nam yo kuunri bu ni. ⁴⁸ Nyini kere ka amberé ni am tii saa woori sa n bo am nam yo yoori i n nu lee. Bere kuunri Nyeme noanie kanfom n a, na amberé ata bu fanjunmam.

⁴⁹ Nyini ti, ye Nyeme Alecirafó n seeri ka, ‘M sunma m noanie kanfom, ni m jaramasam bu do, na bu kún nbem, na bu kére nbem wuwuruwa.’

⁵⁰ Nyini ti, Nyeme cin amberé nyumafom sui fa ko kabo am nam yo kuunri Nyeme noanie kanfom, fiteeri durunya n bumboori fa ba ju haari ni kisa ni. ⁵¹ Bu yo yoori so o, fite sanja n bo bu kuunri sono be bo bu fere i ka Abeli n fa ba juuri sanja n bo bu kuunri sono be bo bu fere i ka Zakariya ni. Yiri ye bu kuunri i Nyeme Sereebiri Awuru n nu, Casi Kere Casi Soo n ni Mikun yoowa yobiri n afien n a. Nahore ye m suse am n a, nyini sam kere dee ti ye Nyeme bá cin amberé nyumafom sui n a.

⁵² Amberé Nyeme noanie kerefom ni, am bá ñu anyumboro. Am akere má minem Nyeme atin, kabo i ti ye ni ka am kere bu ni, na amberé ni am tii akete ka am su má i atin n su, ye am akanda bo bu koro ka bu su i su ni.”

⁵³ Sanga bo Yesu yasuuri nyini dika n nu ni, na Nyeme noanie kerefom, ni Farasifom n afa i kpo agaya, na ba bisa i bisaawam beberebe, ⁵⁴ na ba boro bu nyi na bu so i ngee, adena i jajo wura Nyeme ngasi nu.

12

Kabo wo yo daka ka ya soro Nyeme ngumi ni

¹ Sanga n bo nyini n kere sukó su ni, na jama beberebe aba atien bu nso haari bu ko sutenant bu benggu ñu. Na Yesu abo i bu ka i jajo, na wo du mo ase i susufom n ka, “Am si am ñu sa ni Farasifom dee kpono ayiri n bo bu fa go kpono nu na i yasu ni. M suni bu dee burukoonu sayoowam wo. ² Deke be wo má fiéewa nu bo bu bá ñu má i, deke be gusu wo má asiri nu bo bu bá si má i. ³ Nyini ti, deke kere bo am jajoori i kongue, bu bá jajo i wiesu wo. Na deke kere bo am tuuri i asuturi so, bu bá bo i ndoori wo, na sono kere ti i.”

⁴ Na Yesu akaaki ase ka, “M danfom, m suse am wo lee, ka, má am soro minem bo bu koro kun anuniembaa ni, na nyini sin, bu koro yo má pui kun ni. ⁵ Ama, m kére am sono bo i ti ye ni ka am soro i. Am soro Nyeme, yiri koro kun anuniembaa n a, na i kaaki la yiko bo i koro fa i ji ceema sin nu. M suse am wo lee, ka, yiri ti sono bo am soro i a.

⁶ Am si ka njorem nnu nwaa ti kaan so o, má so? Ama, bu kun n kpein

mmoo wo má bere bo Nyeme nie má i dika. ⁷ Haari am tiinmie mmoo bo i wo am tii su ni, Nyeme si i kere no. Nyini ti, má am soro sere. Am la anyunuyi Nyeme do tara njorem beberebe.”

⁸ Na Yesu akaaki ase bu ka, “M suse am wo lee, ka, sono kere bo i kan kereeri minem ka i ti m susufo, mini Adamande Wa n gusu ba kan kere Nyeme merékem n ka i mi ti m dee wo. ⁹ Ama, sono kere gusu bo i keteeri minem nyunu ka i ti má m susufo, mini Adamande Wa n gusu ba kete Nyeme merékem nyunu ka i mi ti má m dee. ¹⁰ Sono kere bo i joo wuraari mini Adamande Wa ni ngasi nu, Nyeme fá i mi ngasi ce i, ama, sono kere bo i joo wuraari Awiewie Casi ni ngasi nu, Nyeme fá má i mi ngasi ce má i. ¹¹ Sangga bo bu ba faari am baari bu tientienbunoo soom nu, wara nfemem ni nfanjafom nyunu ka bu di am jore, má am ma am ahore saaki fa ko kabo am joo barasu. ¹² Dama nyini sangga n ba juuri, Awiewie Casi ni kere am noanie kere bo wo yo daka ka am joo i a.”

Mienu fa ko sono nenjefo sinnzin be su

¹³ Sono be woori jama n nu, na wo se Yesu ka, “M Kerefo, se m goro ka i kpaaki aja bo ya si ayaki i ama ya n nu, na i fa m dee ma m.” ¹⁴ Na Yesu ase i ka, “Woro, nma ayi m, ka m di am jore na m kpaaki am aja nu ma am a?” ¹⁵ Na Yesu ase jama n kere ka, “Am nie am tii su dongu na am si am nu sa fa ko anyii barasu kere sa, dama sonombiri nenje ti má i ngoo, haari i mi n koro i la i ka se.” ¹⁶ Do na Yesu abo bu ahin mienu ni, i na, “Sono nenjefo be yo woori bere a, na wo do i fie, na wo nya diire beberebe. ¹⁷ Na wo sunsun i tii nu na wo se ka, ‘M la má deke bo m fa ahin diire n kere se. Ye m yo se wo?’ ¹⁸ Na wo se ka, ‘Kabo m yo yaa, m sun m bondom kere ji wo, na m tá ngbingbirim, na m fá m diire n ni nenje kere bo m la bu n wura nu. ¹⁹ Na m nya se ka ma di terefie, puitiripui kpie má m su kun, m tána a, ahin afo nye nye n kere, na m dí na m nú na m ahore jó.’ ²⁰ Ama, na Nyeme ase i ka, ‘Woro sinnzin ngbeen ni. Ahin kongue n nu bere, m yi u ngoo n fite u do. Na m nie ka nyini nenje n kere bo a tien i noo ni ká nma dee wo?’” ²¹ Na Yesu akaaki ase bekun ka, “I ti so o lee, fa ko minem bo bu kpini nenje beberebe fa se durunya n nu fen ni, ama, Nyeme do, bu la má pui.”

Kabo Yesu na má ya tana koko ni

²² Na Yesu ase i susufom n ka, “Nyini ti, m suse am wo lee, ka, má am tana sukoko fa ko am ngoo su, kabo am dí, na má am kaaki sukoko fa ko am njunie su, kabo am nya suturam bo am fá wura na am kára. ²³ Dama ngoo tara diire, na anuniembaa n gusu tara suturam. ²⁴ Am nie anumam, haari ni bo bu do má ni, na bu kaaki kpie má ni, bu la má bondo gusu, bo bu fa diire wura nu, se Nyeme ma bu diire ye bu di a. Amberé la anyunuyi tara anumam e. ²⁵ Am nu, nma tana koko fa ko i koroowam su ye i mi koro buka i ngoo tintiin su haari kaan so a? Ai, be wo má bere. ²⁶ Nzen am koro yo má nyini deke n kaan n be so, nzu ti ye dekem bo bu kaari n kere mie am a? ²⁷ Am nie kabo wuram bo pum barasu barasu a. Bu yo má juma be, bu kaaki tu má gise. Ama, m suse am wo lee, ka, haari Feme Solomon ni i nenje n kere bo i yo la i ni, wo la má sutura bo i yo nyumi juuri nyini wura pum ni be. ²⁸ Nzen wuram bo bu wo bere nyuma, na ahunma a nu ka ba kpie bu na bu

yara bu, ye Nyeme nie bu dika, nzu ti ye i nie má amberé bo am tara wuram co n a? Amberé, am la má yarada fieo. ²⁹ Nyini ti, sanja kere, má am ma am sunsunni wo deke bo am dí, ni deke bo am nú su. Má am tana koko fieo. ³⁰ Dama durunya n nufóm bo bu su má Nyeme ni, bere sunsun so o sanja kere. Am Si Nyeme si ka am koro nyini dekem ni. ³¹ Má am yo so, ama, am kpini Nyeme femeya n busu ka, na i nya ba fa nyini dekem n buka am su.”

³² Na Yesu akaaki ase ka, “Má am soro sere, haari ni bo am ti ka nbœm bo bu sunnu má ni, dama am Si Nyeme ayi am ka am ni yiri sánja di i femeya n a. ³³ Am to am deke bo am la i, na am fa nwaa n ma jaarifóm. Am kpini ajéke seebiri bo i saaki má n busu. Am fa ajéke bo i kpie má su n fa se Nyeme dika n nu, do ye awiefó koro wura wo má i a, na watarawam gusu koro muka má i. ³⁴ Dama deke bo am ajéke wo ni, am ahorembaa kere gusu wó do o.”

Kabo Yesu na i susufóm ni kpa bu nu nminda i sanja kere ni

³⁵ Na Yesu ase ka, “Am kpa am nu wo, na am so am fitana sunnminda. ³⁶ Am yo so o, ka minem bo bu tana nminda bu mibie bo wo ko konyaya, na i bá n wo, na sanja bo i ba boboori anó n kpenja ni, bu kaba teke i wo na i wúra. ³⁷ Terefie wo nyini akóom n do, nzen bu mibie n ba nu ka bu toko tana nminda i. Nahore ye m suse am n a, i má bere tana a, na yiri ni i tii fá diire ba ma bu na bu di. ³⁸ Nzen haari i kpieeri i nyi ba juuri kongue jinanjin, wara akonyuma bo sanja, na i ba nu ka bu toko tana nminda i, terefie wo bu do. ³⁹ Am si tenle ka nzen má awurufobie n si sanja bo awiefó ni bá i dika na i ba wo i, má i tana nminda a, na awiefó n koro ba wura má. ⁴⁰ Amberé gusu kpa am nu sanja kere, dama mini Adamande Wa ni bá sanja bo am sunsun má ka m bá n wo.”

⁴¹ I jooori so n na Peto abisa i ka, “Ya Mibie, a bo ahin mieenu n ni yere wo, nzen a ni sono kere wo?” ⁴² Na Yesu abisa i ka, “Amusuisufó kpien n bo i la dabuju na i kaaki la alecira n la nma a? Yiri la bo i mibie n afa amusuisufó nyingam awura i saa nu ka i kpaaki diire nu ma bu, sanja bo i ti ye ni ka i ma bu ni. ⁴³ Nzen i mibie n ba juuri ka i suyo juma n kabo i seeri i ka i yo i ni, terefie wo nyini amusuisufó n do. ⁴⁴ Nahore ye m suse am n a, nyini amusuisufó n mibie ni fá i aja kere wura i saa nu wo, na i nie i dika. ⁴⁵ Ama, nzen i ti amusuisufó tiefo, i sunsun ka i mibie ni kpie má i nyi ba má nde. A nu ka i subo amusuisufó nyingam ni, bu nbiesóm ni nbaram kere, na i sudi na i sunu nzan bo, ⁴⁶ do na i mibie n bá kpie i nyi ba cœn bo i sunsun má ka i bá, na i kaaki si má ba n sanja ni. Nyini sanja n na i mibie n cin i sui agaya, na i fá i bo minem bo bu yo má i yarada n su.

⁴⁷ Na nzen amusuisufó n si deke bo i mibie n koro ka i yo i, na wo yo má siriya na i yo deke bo i mibie n koro ka i yo ni, i bó i wo nyunyumi. ⁴⁸ Ama, nzen amusuisufó bo i si má deke bo i mibie n koro ka i yo i, na i yoori deke be bo i ti ye ni ka i cin i sui, i deœ suicin n ti kaan so o. Sono kere bo bu ce i aceeri beberebe, i ti ye ni ka i mi fa yo deke bo wo yo daka ka i yo i, na sono kere bo Nyeme ce i aceeri beberebe agaya, i ti ye ni ka i mi su i ko tara so.”

Kabo Yesu na wo fa kpaakpaakinu aba ni

49 Na Yesu akaaki ase bu ka, “Ma fa Nyeme jore n aba ka i yara durunya n nufom ka sin dee su wo. Má nyini sin n jeeri kisa, má m koro. 50 Ama, m la wahara be bo i ti ye ni ka m di i, má ka ma di i awie, m ahore dá má. 51 Am sunsun ka ma fa tanalaifie aba durunya n nu a? Ai, m suse am wo lee, ka, ma fa má tanalaifie baari a, ama, ma fa kpakpaakinu aba a. 52 Fite kisa fa ko, awuru kun nufom mine nnu kpakpaaki nu. Mine nsan ti bu busu bu ngumi wo, na mine nnyo ti bu busu bu ngumi. 53 Baabieso ni i si koro má bu benju jore, na baabara ni i ni koro má bu benju jore, na baa n ni, ni i wa yi koro má bu benju jore.”

Kabo Yesu jarakiiri minem ka bu si má sam bo bu suyo n bu ni

54 Na Yesu ase jama n ka, “Sanga bo am nu ka nzue yinyingu atien i nso wie afiiri, a ti ka am na, nzue bá nyuma, a nu ka i bá a gusu. 55 Na sanga bo am nu ka ajuma sukpie fite nyunu ndiema bie su, a ti ka am na, nyuma wie fite agaya, a nu ka i fite wo. 56 Ambere burukonufom ni, nzu dee ti ye am koro nie angoro ni asienju na am si sam bo bu bá yo n a, ye am nie ye am koro si má sam bo bu suyo ahin sanga n bu a?”

57 Na Yesu akaaki ase bu ka, “Nzu ti ye ambere ni am tii sunsun má na am si sa bo i ko atin su a? 58 Nzen u ni be la jore, na nzen i koro ka i fa u ko joredifo do, jokoti tara i mi n jaa, na má jore n ju joredifo n do, má nyini, i mi ni cin u ko joredifo n do, na yiri gusu fá u ma dansaraka niefo ni, na yiri gusu nyá nyi u. 59 M suse am wo lee, ka, nzen a woori do, na a to má kaari n kere awie má, a nyá má atin fite má dansaraka n nu.”

13

Kabo i ti ye ni ka ya kaaki ya wo barasu ni

1 Nyini sanga n na mine nbem wo do, na ba se Yesu kabo Galilifo nbem yo koori ka bu ko yo yoowa ma Nyeme, na bu wo yo su ni, na Gomina Pilato gusu ama minem aba akun bu. 2 Na wo se bu ka, “Ye kabo bu kuunri nyini Galilifom ni, am sunsun ka nyini kere ka bu dee satie yoowa tara Galilifom kere dee wo, nzen se? 3 Ai, i ti má so fieo. M suse am wo lee, ka, nzen am akaaki má am wo, ambere mmoo bá ka ngbeen so o lee. 4 Ye mine buru ni mocuem bo Silowam dee awore n nu kobe bambaka n to koori bu nu n di? Am sunsun ka i kere ka bu dee satie yoowa tara Yerusalemfom kere dee wo, nzen se? 5 Ai, i ti má so fieo. M suse am wo lee, ka, nzen am akaaki má am wo, ambere mmoo bá ka ngbeen so o lee.”

Mienu fa ko damba baka n bo wo su má n su

6 Do na Yesu abo bu ahin mienu ni, i na, “Sono be yo woori bere a, ye damba baka jina i baka suuwa barasu barasum fie nu. Na wo ko anienie ka i nie, beni i nu suuwa su, ama, wo nu má puitiripui su. 7 Nyini ti, na wo ko ase fie n niefo n ka, ‘Nie, afo kun kun so nsan lee, bo m ba nie ahin damba baka n su ka, beni m nu suuwa a, ama, m nu má pui su. Nyini ti, kpie i ji. Nzu ti ye i jina bere susaaki asien n a?’ 8 Ama, na fie n niefo n abo i nu ka, ‘M mibie, yaki i benle, na ya nie i ko ju afo kun bekun na ya nie. M fúndu kunma bara ye i bu wo, na

m gó i nanyeti. ⁹ Dó na nzen baka n suuri suuwa, i ti kpa, nzen wó su má, na a koro ma m kpié i ji.’ ”

Kabo Yesu tuntuunri bara be Nnumiyi céen n ni

¹⁰ Nnumiyi céen n be sò ò, na Yesu wo minem kere su, tiéntienbunòò sòom kun nu. ¹¹ Bara be woori dò, ajini wo i ñu, wó bu i wi, i afó buru ni mòcúe lée, i koro yasu jina má. ¹² Sanja bo Yesu ñuuri i n na wó bo afere i, na wó se i ka, “Bara, a nya u tii afite u tukpaki n nu.” ¹³ Sanja bo Yesu suse sò n na wó fa i saa anana i ñu, kpenja na wó tenje i ñu ajina, na wó kansi Nyeme.

¹⁴ Ama, na yaa ati tiéntienbunòò sòò n kpien ni, ka Yesu atuntun sòò Nnumiyi céen ni. Na wó se minem ni ka, “Ya la lesen bo wó yo daka ka ya fa yo juma, nyini ti, am bra nyini céenm ni, na bu bá tuntun am, ama, má Nnumiyi céen n yiri.” ¹⁵ Na Yesu ase i ka, “Ambere burukòonufóm ni. Nnumiyi céen ni, am ñma nu ye i nyanggi má i naani, wara i kaako, na i kó ma i nzue a? ¹⁶ Ye ahin bara ni mmòò ti Abraham busu nufòò, ye Sitana afa i ayo i dèe, afó buru ni mòcúe lée, wó yo má daka ka m tuntun i Nnumiyi céen n na i nya laifíe, nzen se?” ¹⁷ I seeri sò n na wó wura i kpófóm ni nyinse, ama, na minem n bere ahore ajó fa kó alekutura sam bo wó yo bu n su.

Mienu fa kó alembaa kaan be jòre su

¹⁸ Na Yesu akaaki ase bu ka, “Nyeme femeya n ti ka nzu wó? Ye m fá nzu deke fa sunsun kabo i ti a? ¹⁹ I ti ka alembaa kaan kabo nyem mbaa ti n wó, bo sòò be dòori i fiesu ni, na wó fi, na wó nyi atetereki asambaa asambaa, na anumam akoro ayo bu tièrim su.”

Mienu fa kó kpòò ayiri n su

²⁰ Na Yesu akaaki ase bu bekun ka, “Ye m fá nzu deke fa sunsun kabo Nyeme femeya n ti a? ²¹ I ti ka ayiri bo bu fa gó kpòò samene nu na i yasu ni, na bara be fa gòori samene beberebe nu, na i kere yasuuri n wó.”

Kabo Yesu jòjò fa kòori anò n bo i ti fii n su ni

²² Yesu suko Yerusalem mie kpiri n su ni, na wó nati asin mie ngbingbirim ni kan kanm su, sukere minem. ²³ Na sòò be abisa i ka, “Ya Mibié, minem bo Nyeme dé bu tii ji ni, bu sunnu, nzen bu sunnu má?” Na Yesu ase bu ka, ²⁴ “Am boro am nyi na am fa anò n bo i ti fii n na am wura, dama m suse am wó lée, ka, mine beberebe bá koro ka bu wura, ama, bu bá koro wura má. ²⁵ Sanja n ba juuri, awurufobie ni yásu nyi anò n wó, nyini sanja n na am jina anò n su, subobo, na am sére i jande ka, ‘Ya Mibié, teke anò n ma ya.’ Na i gusu nyá se am ka, ‘Ai, m si má am sa.’ ²⁶ Dó na am sé i ka, ‘Ya ni wòò yo diiri a, na ya nu, na a kere minem ni yere kere, ya bòsu dó.’ ²⁷ Ama, na i káaki se am bekun ka, ‘Ambere satieyofóm ni, m si má am sa fieo, am cinsi m bi bere.’ ²⁸ Na am ñú ka Abraham, ni Izaki, ni Jakóbu, ni Nyeme nòanie kanfóm ni, ka bu wo Nyeme femeya n nu, na kabo ba fa ambere atu dasin ni, dó na am sún, na am kán am saa. ²⁹ Na minem fite durunya n awòre nna n kere nu, na bu bá tana Nyeme femeya n nu, na bu dí na bu nú. ³⁰ Am ti fen. Minem bo bu wo mò kisa ni, bá ka sin, na bo bu ka sin kisa n bá du m.”

Kabo Yesu ahore saaki maari Yerusalemfóm barasu ni

³¹ Nyini san̄ga n na Farasifo nbem aba Yesu d̄o aba ase i ka, “I ti ye ni ka a n̄mati fite f̄en, na a k̄o deke be, dama F̄eme Herode koro ka i kun u w̄o.” ³² Na Yesu ase bu ka, “Am k̄o na am k̄o se nyini n̄aaku s̄on̄ombiri ka o, ‘Ti f̄en. M suf̄on ajinim fite min̄em n̄u w̄o, na m ma tukpakif̄om nya laif̄ie, nyuma ni ahunma n̄gumi w̄o, na ahieni na m w̄ie m juma.’” ³³ Haari ni nyini mm̄o, w̄o yo daka ka m suk̄o o, nyuma, ni ahunma, ni ahieni, dama Nyeme n̄oan̄ie kanf̄o ker̄e ti ye ni ka bu kun i Yerusalem mīe k̄piri n nu w̄o.”

³⁴ Na Yesu abo awie ase ka, “Oi, ambere Yerusalemf̄om. Ambere kuunri Nyeme n̄oan̄ie kanf̄om n a, na min̄em bo Nyeme sunmaari bu am d̄o ni, am atu bu yabue. San̄ga ker̄e m koro ka m tien am n̄o, na m fa m saa bara ye am, kabo ako tien i nbaam n̄o, i lan̄kpete nu ni, ama, am soro má m su. ³⁵ Am nīe f̄en, Nyeme yáki am nu ji. M suse am w̄o l̄e, ka, fite kisa fa k̄o, am n̄ú má m kun, má ka san̄ga bo am bá se ka, ‘Terefīe wo yiri n bo i suba Micera n d̄e duma n nu n d̄o.’”

14

Kabo Yesu tuntuunri s̄on̄o be N̄umiyi c̄een ni

¹ N̄umiyi c̄een n be s̄o o, na Farasif̄om k̄pien be afere Yesu ka i bra i dika na bu di diire, na Yesu ako. San̄ga bo i wo diire n di su ni, na mine aba atana suyi i k̄oresi. ² K̄pen̄ga na s̄on̄o be ayasu ajina Yesu nyunu, i saam ni i jaam ker̄e awura, ³ Yesu n̄uuri s̄on̄o n s̄o ni, na w̄o bisa Nyeme n̄oan̄ie keref̄om ni, ni Farasif̄om n ka, “Ya d̄e atin n su, atin wo nu ka ya tuntun tukpakif̄o N̄umiyi c̄een ni, nzen atin wo má nu?” ⁴ Ama, ba bo má i nu, na Yesu ama s̄on̄o n anya laif̄ie, na wo ma i atin na w̄o k̄o. ⁵ D̄o na w̄o nya abisa bu ka, “Am nu n̄ma ye nzen i wa baabieso, wara i naani, toori bura nu, N̄umiyi c̄een ni, ye i mi kába yi má i fite má?” ⁶ Ama, ba koro abo má i ahin bisaawa n nu.

Kabo Yesu tuuri bu f̄o fa k̄o k̄pirikoro sam su ni

⁷ Na Yesu an̄u kabo w̄of̄om nbem sunien̄ie k̄pirikoro tanaabiri na bu tana ni, d̄o na w̄o bo ahin mīenu ni, akere bu ker̄e. ⁸ I n̄a, “San̄ga ker̄e bo s̄on̄o be ba fere u ka a bra ba di konyaya diire i dika, a k̄o, má a tana jirima tanaabiri ni, a yoori s̄o, a k̄o n̄u ka wo fere s̄on̄o be bo i tara u, ⁹ nyini san̄ga n na s̄on̄o n bo wo fere am ker̄e ni, yiri nyá ba u d̄o na i bá se u ka, ‘M d̄on, yasu ma ahin s̄on̄o n tanaabiri.’ Nyini san̄ga, a n̄u ka wo wura u nyinse l̄e, na a k̄o kaan koobiri. ¹⁰ Ama, s̄on̄o fereeri u ka a bra i dika ba di diire, a k̄o juuri, du m̄o k̄o tana kaan tanaabiri ka. D̄o na s̄on̄o n bo wo fere u ni, yiri nyá ba u d̄o na i bá se u ka, ‘M d̄on, yasu bra na a ba tana ahin tanaabiri nyunyumi ni.’ Nyini n s̄o koro wura u k̄piri, u ben̄gu w̄of̄om ker̄e n nyunu a. ¹¹ Dama s̄on̄o ker̄e bo i wura i n̄u k̄piri, Nyeme yó i mi kaan w̄o, na s̄on̄o bo i yo i n̄u kaan, Nyeme w̄ura i mi k̄piri.”

¹² D̄o na Yesu anya ase s̄on̄o n bo i baandiiri i n ka, “San̄ga bo a n̄a a fere min̄em na bu ba di diire u dika, má a fere u danfom, wara u ninbaam, wara u lam̄oyam, wara u ben̄gum bo bu la ajek̄e, nzen a yoori s̄o, bere gusu bá fere u c̄een n be s̄o o, nyini san̄ga ni, ba t̄o u kaari awie l̄e. ¹³ Ama, san̄ga ker̄e bo a n̄a a baandi mine na bu ba di diire u dika, baandi yaarif̄om, ni w̄obukam, ni bo bu saam ni bu jaam awu ni, ni anyinsinm. ¹⁴ A nya yoori s̄o, terefīe wo u d̄o. Bere koro t̄o

má u kaari, ama, Nyeme bá tɔ u kaari a, cɛɛn bo minem bo bu yo sa bo i kɔ atin su Nyeme dɔ n bá tenge bu yiwee n nu ni.”

Miɛnu fa kɔ di ni nu bambaka n su

¹⁵ Yesu seeri sɔ n na wɔfɔm nu kun ase i ka, “Nka terefie wo minem bo bu bá tana Nyeme femeya n nu di diire n dɔ.” ¹⁶ Na Yesu ase i ka, “Sɔnɔ be yo woori bere a, na wɔ yo diire beberebe, na wɔ baandi jama beberebe ka bu ba di diire ni. ¹⁷ Na sanɔ n bo diire n ba yoori siriya ni, na wɔ sunma i akɔɔ ka i kɔ se minem n bo wɔ du mɔ abaandi bu n ka, ‘Am bra, deke kere ayo siriya.’ ¹⁸ Na bu kun kun kere asere atin ka bu koro ba má diire n di. Na ciciri su dɛɛ sɔnɔ n ase akɔɔ n ka, ‘Jande, m sere u wɔ, ma to asien, i ti ye ni ka m kɔ nie kabo i ti wɔ, m koro ba má.’ ¹⁹ Na nyinga n ase ka, ‘Ma to m tooram asese busu nnu, m koro ka m kɔ fa bu yo juma kisa kisa na m nie, m sere u wɔ jande, m koro ba má.’ ²⁰ Na nyinga n gusu ase ka, ‘Ma ja bara kisa lɛɛ, nyini dɛɛ ti, m koro ba má.’ ²¹ Na akɔɔ n akpie i nyi akɔ ase i mibie n kabo minem kere ase i ni. Dɔ na yaa ati awurufobie n agaya, na wɔ se yiri akɔɔ n ka, ‘Yo ndende na a kɔ mie kunnu atingberem kere su, na a kɔ fere yaarifɔm, ni wɔbukam, ni anyinsinm, ni minem bo bu saam ni bu jaam awu ni, na a fa bu bra.’ ²² Wɔ cɛ má na akɔɔ n akɔ aba, na wɔ se ka, ‘M mibie, ma yo kabo a seeri ka m yo ni, ama, fofoe toko ka.’ ²³ Na awurufobie n ase i ka, ‘Fite kɔ mie n aheme aheme, ni i korokam kere nu, na a kɔ fere minem ka bu bra, adena m awuru n yi ni jama. ²⁴ M suse am wɔ lɛɛ, ka, nyini minem kere bo m baandiiri bu na ba ba má ni, bere kun n kpein mmɔɔ nɔɔ kán má m diire n kun.’”

Kabo ya yaki deke kere na ya su Yesu su ni

²⁵ Sanɔ bo Yesu wo kɔ su ni, na jama beberebe asu i su, na wɔ cɛ anie bu, na wɔ se bu ka, ²⁶ “Sɔnɔ kere bo i koro ka i ba m dɔ, i koro yo má m susufɔ, má ka i mi akoro m atara i si, ni i ni, ni i yi, ni i nbaam, ni i ninbaam, ni i sinbaam, ni haari yiri mmɔɔ ni i tii. ²⁷ Sɔnɔ kere bo i koro sɔ má i yiwee baka jaanu n na i su m su, i mi koro yo má m susufɔ. ²⁸ Ma m fa i ka sɔnɔ nja i ta awuru, i du mɔ tana wɔ, na i bu akunta ka, na i nie ka i la nɔwaa bo i koro ju awuru n ta. ²⁹ Nzen i nɔwaa ju má bo i ta awuru n wie, na i boori i bu na wɔ wie má i, sɔnɔ kere bo i sin nɔuri sa n bo wɔ yo i ni, i mi síri wɔ, ³⁰ na bu sé ka, ‘Ahin sɔnɔ n boori i awuru n bu wɔ, ama, wɔ koro awie má i.’ ³¹ Ma m kaaki fa i ka nzen femɛ bo i la i sojam akpii buru ye i koro ka i kɔ lue ni i benɔu femɛ be bo yiri la sojam akpii aburanyɔ, i tána sunsun wɔ ka, na i nie ka i koro kun lue ni i benɔu ni. ³² Nzen i nɔuri ka i koro kɔɔ má nu, i dú mɔ sunma sɔnɔ ɔ, na i kpá i benɔu femɛ n atin na i kɔ sere i ka, i má bu yo jɔɔɛ n dɔnɔɔ.” ³³ Na Yesu ase ka, “I ti sɔ ɔ lɛɛ, ni ambere gusu dɔ, sɔnɔ kere bo i wara afi má i tienɔɔ deke, i mi koro yo má m susufɔ.”

Njin bo i la má kperɛ n dɛɛ jɔɔɛ

³⁴ Na Yesu akaaki ase ka, “Njin yo fie, ama, nzen i fiefie nya ba saari wieeri, i koro yo má fiefie kun. ³⁵ I koro buka má asien ni mmɔɔ na i kaaki koro buka má nanyeti na i yo diire, nka bu fa butu wɔ. Bo i koro ka i ti ahin jɔɔɛ n bu, i ti ye ni ka i mi so i sui na i ti.”

15

Miɛnu fa kɔ bɔɛ n bo i miniiri n jɔɛ

¹ Cɛɛn n be sɔ ɔ, na lampodefɔm ni satieyofɔm beberebe aba Yesu dɔ na bu ba ti i kereewam ni. ² Na Farasifɔm ni Yudaɔm Nyeme nɔaniɛ kerefɔm n anɔnɔti, bu ɲa, “Ahin sɔnɔ n de satieyofɔm wɔ, haari na i ni bere sanɲa di diire wɔ mmɔɔ.” ³ Dɔ na wɔ bo bu ahin miɛnu ni, i ɲa, ⁴ “Nzen ambere be nu la i nbɔɛm yaa, na kun miniiri, i mi yɔ sɛ wɔ? I yáki nbɔɛ aburaɲɔna ni ɲɔnam ni boro n nu wɔ, na i kɔ nienie kun n bo wɔ mini ni haari i bá ɲu i. ⁵ Sanɲa bo i ba ɲuuri wieeri ni, na i ahore jɔ na i fá i fa bo i bɛɛ, ⁶ na i fá i fa ba awuru. Dɔ na i fére i danfom ni i tanafom kere na bu tien bu nɔɔ, na i sé bu ka, ‘M ahore ajo ka ma ɲu m bɔɛ n bo i miniiri ni. Nyini ti, am ma m ni ambere kere kunnu jɔ.’ ⁷ M suse am wɔ lɛɛ, ka, i ti sɔ ɔ lɛɛ, nzen sɔnɔ kun kaakiiri i wo, ahorejo wó Nyeme dika n nu tara mine aburaɲɔna ni ɲɔna bo bu ɲa bu yo sa bo i kɔ atin su Nyeme dɔ na wɔ yo má daka ka bu kaaki bu wo ni.”

Miɛnu fa kɔ ɲwaa n bo i miniiri n jɔɛ

⁸ Na Yesu abo bu miɛnu bekun, i ɲa, “Nzen bara be la i jete ɲwaa buru, na kun miniiri, i mi yɔ sɛ? I só sin su wɔ, na i kpára bara ye awuru n nu, na i nienie deke n kere, haari i bá ɲu i. ⁹ Na sanɲa bo i ba ɲuuri ni, i fére i danfom ni i tanafom kere, na bu tien bu nɔɔ, na i sé bu ka, ‘M ahore ajo ka ma ɲu m ɲwaa n bo i miniiri ni. Nyini ti, am ma m ni ambere kere kunnu jɔ.’ ¹⁰ M suse am wɔ lɛɛ, ka, i ti sɔ ɔ lɛɛ, nzen satieyofɔ kun kaakiiri i wo, ahorejo wó Nyeme merékem n dɔ.”

Miɛnu fa kɔ bie be bo i wa miniiri n jɔɛ

¹¹ Na Yesu akaaki abo bu miɛnu be bekun, i ɲa, “Sɔnɔ be yo woori bere a, i la nbaabiesɔm nnyɔ. ¹² Cɛɛn n be sɔ ɔ, na kaan n ase i si n ka, ‘M si, kpaaki u aja kere nu na a fa m dɛɛ ma m kisa.’ Na i si n akpaaki aja n nu, na wɔ fa bu nnyɔ n kere dɛɛ ama bu. ¹³ Wɔ cɛ má, na kaan n atɔ i dɛɛ nenɲe n kere bo i si n fa maari i ni. I nyaari ɲwaa n wieeri sɔ ni, na wɔ yasu akɔ asien dede be su. Dɔ na wɔ kɔ adi ɲwaa ni ɲgbɛɛnɲgbɛɛn haari na i kere aba awie. ¹⁴ Sanɲa bo i ba diiri ɲwaa n kere wieeri n na ahɔɛ bambaka be atɔ nyini asien n su. Dɔ, wɔ la má pui bo i di kun. ¹⁵ Nyini ti, na wɔ fa i ɲu akɔ awura nyini asien n su miebaa be saa nu, ka i yo juma ma i mi ni, adena i nya diire di. Dɔ na miebaa n afa i akɔ i fiesu ka i kɔ sunie i afam dika. ¹⁶ Na ahɔɛ aba ati i agaya, haari i ba koro ka i di afam dɛɛ diire n be mmɔɔ ɔ, ama, be ama má i deke be na i di. ¹⁷ Kasin, na wɔ ba anɔ i ɲu ɲgbɛɛn fa kɔ sa n bo wɔ yo i n su, na wɔ bu i tii nu, na wɔ se i ɲu ka, ‘M si npadifom kere di diire wɔ na i ka, ama, mini ba wo fen suwu ni ahɔɛ n a. ¹⁸ M kpíe m nyi kɔ m si dɔ ɔ, na m kó se i ka, “M si, ma do Nyeme ni wɔɔ kere ɲgasi. ¹⁹ I ti má ye ni ka a fere m ka u wa kun, fa m yo u npadifom ni kun.”’ ²⁰ Dɔ na wɔ yasu na i kpíe i nyi kɔ i si do.

Sanɲa bo i toko wo dede suba ni, na i si n anɔ i, na wɔ si i anɔnɔ agaya. Na wɔ ɲmati akpa i atin, na wɔ fa i saa abara aye i, na wɔ biti i. ²¹ Na baa n ase i si n ka, ‘M si, ma do Nyeme ni wɔɔ kere ɲgasi. I ti má ye ni ka a fere m ka u wa kun.’ ²² Ama, na i si n afere i akɔɔm, na wɔ se bu ka, ‘Am kɔ ndende na am kɔ nie suturam kere nu bo i ti kpa, na am fa ba wura i, na am fa ɲgaa ba wura i saa maraka, na am

fa gbagbaa ba wura i jaa. ²³ Na am nya ko nie naanim n nu, na am tara bo i la anyunuyi bra, na am ba kpie i kom yo i dongu, na am ma ya di na ya nu. ²⁴ Dama na ahin wa ni, i wuuri wo, ye wo tenge a, i miniiri wo, ye ma nju i a.' Do na ba bo i bu ni di ni nu.

²⁵ Nyini sangha n kere baakpien n toko wo fiesu. I ba suba awuru, na sangha bo i ba dodoori awuru n na wo ti ka bu wo agore go su ni jue. ²⁶ Do na wo fere i si akoom kun, na wo bisa i ka, 'Nzu sa yoori awuru a?' ²⁷ Na akoo n abo i nu ka, 'U niema ye wo ba awuru a, ye u si ama noo ye ya kpie naani bo i la anyunuyi n kom, dama u niema n aba awuru ni laifie n ti.' ²⁸ Na yaa ati baakpien ni agaya, haari na wo kete ka i wura ma awuru n nu. Nyini ti, na i si n afite aba asere i jande ka i wura. ²⁹ Ama, na wo se i si n ka, 'Ti fen, afo nye nye lee bo m wo u do yo juma ma u, ka m ti akoo o, ma kete ma u nonie be. A koro ama ma m puitiripui, haari sirimbaa mmoo ka m gusu fa na m ni m danfom fa di na ya nu. ³⁰ Ama, u ahin wa n yiri, wo fa u aja bo a fa ama i n ako boro, na wo ko ayo i koroowa ni nbarasakaram. Haari ni nyini n kere ni, i kpieeri i nyi ba juuri awuru ni, a ma noo ka bu kpie naani bo i la anyunuyi n kom ma i.' ³¹ Na i si n ase i ka, 'M wa, sangha kere mini ni woro wo bere a, deke kere bo i ti m dee ti u dee wo. ³² Ama, wo yo daka ka ya di na ya nu na ya go agore, dama u niema ni, i wuuri wo, ye wo tenge a, i miniiri wo, ye ma nju i a.'"

16

Mienu fa ko amusuisufo kpien n bo wo la ma daburu ni

¹ Na Yesu ase i susufom n ka, "Bie nengeto be woori bere a, i la i amusuisufo kpien bo yiri nie i nengete n kere su a. Na minem aba nengeto n do aba se i ka i amusuisufo kpien ni susaaki i nengem ni. ² Nyini ti, na wo fere i, na wo se i ka, 'M suti jore nbem fa ko u do. Nyini ti, ba bu akunta kere m na m si kabo a bita m nengem barasu, dama a koro nie ma bu dika kun.' ³ Na amusuisufo kpien n ase i tii nu ka, 'Ye kisa na m mibie ni sufom m fite m juma n nu ni, m yo se wo? M la ma fanga bo m koro do, m gusu nyunu asin ni bo m nati susere. ⁴ Eenheen, kisa m si kabo m yo, na haari nzen m ba fuunri m juma ni, m fun ma m danfom bo m ko wo bu do.' ⁵ Nyini ti, na wo fere minem kere bo bu bita i mibie n kaari n kun kun. Na wo bisa ciciri su dee sono n ka, 'A bita m mibie n kaari nye wo?' ⁶ Na wo bo i nu ka, 'M bita i nguin nzue so ganga yaa kun wo.' Na amusuisufo kpien n ase i ka, 'De u kaari kadasi ni, na a tana, na a kere ka a bita ganga aburunu wo.' ⁷ Na wo nya abisa nyinga gusu ka, 'Ye woro di, a bita kaari nye wo?' Na wo bo i nu ka, 'M bita i alembaa pirim boto yaa kun wo.' Na amusuisufo kpien n ase i gusu ka, 'De u kaari kadasi na a kere ka a bita pirim boto aburamocue wo.' ⁸ I mibie juuri so ni, na wo kansi i fa ko nyini ngonle bo i la i n su, haari ni bo i la ma daburu ni. Kabo i ti lee, durunya n nufom la ngonle fa ko durunya n nu dee sayoowam n su tara minem bo Nyeme ma bu wo wein n nu ni."

⁹ Na Yesu ase bu bekun ka, "M suse am wo lee, ka, am fa durunya n nu dee fin ajekere bo am la i n fa tara danfoya, adena ajekere n ba nmati yakiiri am, na minem ba de am wura woobiri kpa bo i la ma awieeri n nu.

10 Sɔnɔ kere bo minem koro daafi i ɲu ka i bita deke kaan ni nahɔre atin, yiri ye bu koro daafi i ɲu ka i bita deke bambaka mmɔɔ ni nahɔre atin a. Ama, sɔnɔ kere bo bu koro daafi má i ɲu ka i bita deke kaan ni nahɔre atin, bu koro daafi má i mi ɲu ka i bita deke bambaka mmɔɔ.

11 Tɔ, nzen ambere la má dabuɲu bo am koro bita durunya n nu deɛ fin ajekem ni nahɔre atin, ɲma fá Nyeme deɛ ajekem wura am saa nu?

12 Na nzen am la má dabuɲu bo am koro bita be deɛ ajekem ni nahɔre atin, ɲma fá deke bo i bá yo am tienɲu deɛ ma am a?

13 Sɔnɔ kun koro sanɲa su má mibiɛm nnyɔ. Nzen i ɲa i yó sɔ, i kpó kun n wɔ, na i kóro nyinga ni, wara, i bóro i nyi su kun wɔ, na i bú nyinga ni ɲgbeɛn. Am koro sanɲa su má Nyeme ni ajekɛ.”

Kabo Yesu tuuri Farasifɔm fɔ barasu ni

14 Sanɲa bo Farasifɔm n tiiri ahin n kere n sɔ ni, na ba siri i, dama bu ti ɲwaa korofɔm wɔ. 15 Na Yesu ase bu ka, “Ambere ɲa am ti minem bo bu yo sa bo i kɔ atin su Nyeme dɔ na minem ɲu am n a, ama, Nyeme yiri si am ahore su kere. Dama deke bo adamande sunsun ka i ɲusu nya má ni, nyini ye Nyeme kpɔ i a.

16 Nyeme Jɔre Kadasi n bo Moyisi ni Nyeme nɔanie kanfɔm kereɛri i n wo bere ka, ye Yohane nya baari a, nyini n sin, na ba kan labari kpa n akere minem fa kɔ Nyeme femeya n su, na sɔnɔ kere suboro i nyi ka i kpini atin na i wura nu. 17 I ti má kekereke na angoro ni asiɲɲu kere bá mini, ama, Nyeme deɛ nɔanie kpamaawa n kampiti sɔ mmɔɔ ká má ɲgbeɛn.

18 Sɔnɔ kere bo i faari i yi jiiri na i jaari bara fɔfɔre, i mi n asaaki ajaa ciire lɛɛ. Na sɔnɔ kere bo i jaari bara bo wɔ fite i hun ajaa bu, i mi n asaaki ajaa ciire lɛɛ.”

Miɛenu fa kɔ nenɲefɔ be ni Lazarosi jɔre

19 Na Yesu ase bu ka, “Nenɲefɔ be yo woore bere a, sanɲa kere sanɲa, i wura sutura kpa kpa bo i la gɔ ɔ, na i sudi i koroowa cɛɛn n kere cɛɛn.

20 Na yaarifɔ be gusu wo bere, bu fere i ka Lazarosi, kambue abara aye i deke kere. Na bu sufa i ba tana nenɲefɔ n anɔ nu, 21 adena nenɲefɔ n ba sudi diire, na nzen be tɔtɔ asiɲɲu, na i gusu fa di. Haari na caam ba sutafi i kambue n nu. 22 Na sɔnɔ yaarifɔ n aba awu, na Nyeme merɛkem aba afa i akɔ angoro Abraham bi. Na nenɲefɔ n gusu aba awu na ba se i, 23 na yiri akɔ Yiweefɔm Woobiri. I wo wahara di su dɔ sɔ ni, na wɔ ye i tii su anɲu Abraham dede dɔ, Lazarosi wo i bi. 24 Dɔ na wɔ bo afere Abraham ase i ka, ‘Ya si Abraham, si m anɲunfɔ. Na a sunma Lazarosi na i fa i saa maraka dɔ nzue nu na i fa ba dɔ m taferema, dama m wo wahara bambaka nu wɔ, sin nu fen.’

25 Ama, na Abraham ase i ka, ‘Tenɲe su ka sanɲa bo a la ɲgɔɔ wo durunya n nu ni, a yoori u koroowa a, na Lazarosi yiri adi durunya n nu wahara n kere. Ama, kisa yiri wo fie di su, ye worɔ wo wahara di su n a. 26 Bekun, kunma ɲɔnɔnɔ wo u ni yere afien, bo be koro fite má fen na i kɔ u bi. Be gusu koro fite má u bi dɔ na i ba ya dɔ fen.’ 27 Na nenɲefɔ n ase ka, ‘Ya si Abraham, m sere u wɔ, ka a sunma Lazarosi na i kɔ m si awuru n nu, 28 m ninbaam nnu wo dɔ, na i kɔ bɔbɔ bu ka bu si bu ɲu sa na má bu bá wo ahin wahara bambaka woobiri n bo m wo ni.’ 29 Na Abraham ase i ka, ‘Nyeme Jɔre Kadasi n bo Moyisi ni Nyeme nɔanie kanfɔm kere maari bu ni, i wo bu dɔ. Wɔ yo daka

ka bu so bu sui na bu ti i bu, na bu si bu n̄u sa.’³⁰ Na nen̄gefo n ase i ka, ‘Ya si Abraham, bu dé má i. Ama, nzen s̄on̄o fiteeri minem bo ba wu n d̄o k̄ōori bu d̄o, bu k̄aaki bu wo.’³¹ Ama, na Abraham ase i ka, ‘Nzen ba so má bu sui na bu ti Nyeme J̄ore Kadasi n bo Moyisi ni Nyeme n̄on̄ie kanf̄om kere maari bu ni, haari nzen s̄on̄o ten̄geeri i yiwee n nu mm̄o baari, bu dé má i.’”

17

Kabo Yesu kereeri minem fa k̄o nyemesu barasu ni

¹ Na Yesu ase i susuf̄om n ka, “Sam nbem bo bu yo na bu fa mine wura satie nu ni, nyini sam ni bá yo san̄ga kere, ama, anyumboro wo s̄on̄o kere bo i ma nyini sam yoori n d̄o. ² Nzen má bu faari ngani san yabue ciciiri i mi k̄om na bu fa i k̄o tuuri tieku nu mm̄o, má i ti ye tara bo i mi ma ahin yaradayof̄om n be wura satie nu.

³ Nyini ti, am si am n̄u sa. Nzen w̄oro kere bo u niwa yoori u satie be, jaraki i, na nzen i kaakiiri i wo, na a fa i satie n ce i. ⁴ Nzen i yoori u satie k̄o jinaari haari kpe nso mm̄o wie kun nu, na i baari u d̄o ba seeri u ka, ‘Ma yo u satie,’ fa i satie n ce i.”

⁵ Na Yesu jaramasam n ase i ka, “Buka ya na ya yarada yo biiwa.”
⁶ Na Mibie n ase bu ka, “Nzen má am la yarada bo i k̄o ju kabo nyem mbaa ti ni mm̄o, má am koro se ahin koto baka n ka, ‘Kpekiti ni u bunl̄u n kere na a k̄o jina tieku n nu,’ má i de am n̄on̄ie n w̄o.

⁷ Ma m fa i ka, am nu, nzen be la ak̄o na i wo fiesu wara i sasa nb̄oem w̄o, na i ba baari awuru, am nu n̄ma ye i kaba se ak̄o n ka, ‘Ba tana na a di diire’ a? ⁸ Am be se má i s̄o da. Ama, kabo a se i n la ka, ‘Yo m diire siriya, na a jina n̄minda na m di na m nu ka, na a nya k̄o yo u d̄e di.’ ⁹ Nzen u ak̄o n deeri u n̄on̄ie na i yoori juma bo a se i ka i yo i ni, a se má i ka, ‘M da u asi.’ ¹⁰ I ti s̄o o l̄e, ambere gusu d̄o, san̄ga bo am ayo juma n kere bo am mibie n ase ka am yo i ni, am se ka, ‘Yere ti ak̄oem w̄o, ya ti má ye ni ka bu kans̄i ya, dama ya juma l̄e, ye ya yo i n a.’”

Kabo Yesu tuntuunri kokof̄o buru nbem na bu nyaari laifie ni

¹¹ San̄ga bo Yesu suk̄o Yerusalem mie kp̄iri n nu ni, na w̄o sin Samariya ni Galili aw̄oem n afien. ¹² I k̄o n̄a i wura mie kaan be nu, na i ni kokof̄o buru nbem aye. Na ba jina dede ¹³ atien kpa ka, “Ya M̄of̄o Yesu, si ya an̄unfo.” ¹⁴ I n̄uuri bu s̄o n na w̄o se bu ka, “Am k̄o na am k̄o fa am n̄u kere Nyeme sayoowa d̄on̄guyof̄om ni, na bu fiiti am na bu nie.” Na ba de atin suk̄o, bu wo k̄o su n na bu kere an̄u ka ba nya laifie. ¹⁵ D̄o na bu nu kun n̄uuri ka w̄o nya laifie s̄o ni, na w̄o kp̄ie i nyi aba Yesu d̄o sutien kpa sukansi Nyeme. ¹⁶ Na w̄o ba akutu haari Yesu jaa bu asien̄gu, na w̄o da i asi. Nyini s̄on̄o n ti Samariyaf̄o o. ¹⁷ D̄o na Yesu abisa ka, “Má mine buru nyaari laifie a, ye nḡona nyingam n wo ni? ¹⁸ Nzu ti ye ahin s̄on̄o n bo i ti má Yudaf̄o ni ngumi aba ka i ba da Nyeme asi a?” ¹⁹ D̄o na w̄o se s̄on̄o n ka, “Yarada n bo a yo m ni, yiri ma a nya laifie a. Yasu na a k̄o awuru.”

Kabo Nyeme Feme bá nie i minem su barasu ni

²⁰ Na Farasifo nbem abisa Yesu ka, “Ye san̄ga b̄on̄o ye Nyeme Feme bá nie i minem su a?” Na w̄o bo bu nu ka, “Sa be wo má bere bo i koro kere am san̄ga bo Nyeme Feme bá nie i minem su. ²¹ Be se má ka, ‘Am

niε, yiri yaa fεn,' wara, 'Yiri lεε dɔ.' Dama m se am nahɔrε wɔ lεε ka, Nyemε wo am nu fεn jina n nu, suniε i minem su."

²² Na wɔ se i susufɔm ni ka, "Sanja suba bo am bá koro ka am ηu mini Adamande Wa n ba sanja ni, haari cεen kun mmɔɔ, ama, am ηú má i. ²³ Nbem bá ba na bu sé am ka, 'Am niε, yiri lεε dɔ,' wara, 'Yiri yaa fεn.' Ama, má am fite kɔ su bu su. ²⁴ Dama mini Adamande Wa n ba cεen ni, i tí kabo nzue kpεse na i ta papasi bara ye deke kere n wɔ. ²⁵ Ama, kana ahin kere bá yo, wɔ yo daka ka m du mɔ di wahara beberebe, na amberε nyumafɔm bá kete m.

²⁶ Mini Adamande Wa n ba sanja ni yó kabo ya na Nowa sanja na i yoori n wɔ. ²⁷ Nyini sanja ni, sɔnɔ kere woori di ni nu su wɔ, na nbaram ni nbiesɔm suja bu bengum, fa kɔ juuri haari cεen n bo Nowa wuraari lee bambaka n nu, na wɔmbu n ba diiri deke kere n wɔ. ²⁸ I yo sɔ ɔ lεε bekun, ka Loti dεε sanja ni. Nyini sanja ni, sɔnɔ kere woori di ni nu su wɔ, na nbem suto, na nbem suto, na nbem sudo dɔdɔɔri, na nbem suta fa. ²⁹ Cεen n bo Loti fa yasuri Sodom miε kpiri n nu ni, nyini cεen n ye sin ni ferewita sin fiteeri aɲgoro a, na wɔ ba ato miε n nu adi deke n kere. ³⁰ Kabo cεen n bo mini Adamande Wa ni bá yi m ηu kere lεε."

³¹ Na Yesu akaaki ase ka, "Nyini cεen ni, wɔrɔ kere bo a wo kpata nu, na u nenje wo awuru n nu, má a wura gisan nu fa pui. I ti sɔ ɔ lεε, wɔrɔ kere gusu bo a wo fiesu, má a kpie u nyi kɔ awuru. ³² Am tenje su fa kɔ sa bo i yoori Loti yi ni. ³³ Dama sɔnɔ kere bo i ηa i kpini i ηɔɔɔ busu, i mi bá fun i, ama, na sɔnɔ kere bo i tɔɔri i ηɔɔɔ maari m, i mi nyá ηɔɔɔ. ³⁴ M suse am wɔ lεε, ka, nyini cεen n kɔɲgue, mine nnyɔ ɔ dá dasu kun su wo daafiri su a, na Nyemε má bu bá fa kun n kɔ yaki kun ni. ³⁵ Na nbaram nnyɔ kási wo ηgani san su, na Nyemε má bu bá fa kun n kɔ yaki kun ni. [³⁶ Na biesɔm nnyɔ bá wo juma yo su fiesu, na Nyemε má bu bá fa kun yaki kun ni.] ³⁷ I susufɔm tiiri sɔ ni, na ba bisa i ka, "Ya Mibiε, nifansu ye ahin sam kere bá yo a?" Na wɔ bɔ bu nu ka, "Deke kere bo deke fuin nya wo, petem bara ye dɔ ɔ."

18

Miεenu fa kɔ bara kunafɔ n ni jɔredifɔ be jɔrε

¹ Dɔ na Yesu abo miεenu akere i susufɔm n ka wɔ yo daka ka bu sere Nyemε sanja kere, na má bu yaki i sere. ² I ηa, "Jɔredifɔ be woori miε be su a, i soro má Nyemε, na i kaaki bu má be. ³ Na bara kunafɔ be awo nyini miε n su, sanja kere i ba jɔredifɔ n dɔ ɔ, na i ba sere i ka, 'Jɔrε bo mini ni m kpɔfɔ n bita i ni, buka m na m nya nahɔrε.' ⁴ Na wɔ cε bo jɔredifɔ n bɔ má i n nu. Ama, na kasin, na wɔ ba asunsun i tii nu, na wɔ se ka, 'Haari ni bo m soro má Nyemε na m bu má be ni, ⁵ ama, kabo sanja kere na ahin kunafɔ n bita kpie m daafiri n dεε ti, m má i nya nahɔrε wɔ. Nzen ma yo má sɔ, i suba m dɔ sɔ ɔ, haari i bá ma m wara yi m ηu.'"

⁶ Na Yesu akaaki ase bu ka, "Ye m ηa am ati kabo nyini jɔredifɔ findifɔ n seeri ni. ⁷ Ye nzu ti ye Nyemε búka má i dεε minem bo bu sun fere i kɔɲgue ni wiesu kere a, na bu nyá nahɔrε a? I cé má ni bu buka. ⁸ M suse am wɔ lεε, ka, i búka bu wɔ na bu nya nahɔrε ndende.

Ama, haari ni nyini mmɔɔ, saɔga bo mini Adamande Wa n ba baari, m bá ɔɔ minem bo bu toko yo m yarada, nzen se a? Ai, m ɔɔ má be.”

Miɛenu fa kɔ Farasifo n ni lampodefɔ n jɔre

⁹ Na Yesu akaaki abo ahin miɛenu n akere minem bo bu sunsun ka bere yo sa bo i kɔ atin su Nyeme dɔ na bu bu má be ni. ¹⁰ I ɔɔ, “Cɛen n be sɔ ɔ, na mine nnyɔ nbem akɔ ka bu kɔ sere Nyeme, Nyeme Sereebiri Awuru n nu. Kun n ti Farasifo ɔ, na nyinga n ti lampodefɔ. ¹¹ Na Farasifo n ajina i ɔgumi abo i hoe asere Nyeme ka, ‘Micera Nyeme, m da u asi ka m ti má kabo mine nyingam ti barasu ni. M ti má anyiifo, m ti má findifo, m saaki má ajaa ciire, haari m ti má ka nyini lampodefɔ n bo i jina dɔ ni. ¹² Leso kun kun kere nu, m cici m ɔɔ kpe nnyɔ nnyɔ ɔ, na deke buru kere bo m la i, m yi i kun kun ma u wɔ.’ ¹³ Ama, na lampodefɔ n ajina dede, haari wɔ koro má ka i ye i tii su nie angoro mmɔɔ, na wɔ fa i saa ataka i beɔgu nu, na wɔ se ka, ‘Micera Nyeme, m ti satiesyofɔ ɔ, si m aɔunfo.’” ¹⁴ Na Yesu ase ka, “M suse am wɔ lee, ka, nyini mine nnyɔm ni sereeri Nyeme wieeri, na bu kɔ juuri awuru ni, Nyeme deer lampodefɔ ni ka i ti sɔɔ bo i yo sa bo i kɔ atin su i dɔ a, má Farasifo ni. Dama sɔɔ kere bo i wura i ɔɔ kpiri, Nyeme yó i kaan wɔ, ama, na sɔɔ bo i yo i ɔɔ kaan, Nyeme wúra i mi kpiri wɔ.”

Kabo Yesu yoori nbaatumam kisi ni

¹⁵ Cɛen be na mine nbem sufa bu nbaam ba Yesu dɔ ka i fa i saa nana bu ɔɔ na i yo bu kisi. I susufɔm n ɔɔuri i sɔ ni, na ba tien minem n ɔɔ. ¹⁶ Ama, na Yesu afere nbaatumam ni, na wɔ se ka, “Am ma nbaatumam n bra m dɔ, má am fɔn bu. Dama bere ɔɔsu sɔ ye Nyeme femeya n ti bu dee a. ¹⁷ Nahore ye m suse am n a, wɔɔ kere bo a de má Nyeme femeya n nu jore kabo baatuma de deke i saa nnyɔ ni, a wúra má Nyeme femeya n nu fieo.”

Nenɔgefɔ n ni nyemesu jore

¹⁸ Na Yudafo nkpienkpienm be abisa Yesu ka, “Ya Kerefo sɔɔ kpa, m yó se ye m bá nya ɔɔɔ n bo i la má awieeri n a?” ¹⁹ Na wɔ bo i nu ka, “Nzu ti ye a fere m ka sɔɔ kpa a? Be ti má kpa sin Nyeme ɔɔ. ²⁰ Ye m ɔɔ a si Nyeme noanie maawam ni e, bu ɔɔ, ‘Má a saaki ajaa ciire. Má a kun sɔɔ. Má a wɔ. Má a di kore daani. Bu u si ni u ni.’” ²¹ Na sɔɔ n ase i ka, “Ma su nyini noanie maawam n kere su haari m kaan nu.” ²² Yesu tiiri sɔ n na wɔ se i ka, “Deke kun be ye wɔ kpie u su a. Kɔ na a kɔ tɔ u aja n kere, na a fa ɔɔaa n ma yaarifɔm, na a bá nya ajeke Nyeme dɔ, na a bra ba su m su.” ²³ Ama, sɔɔ n tiiri sɔ n na i ahore asaaki, dama i la nenɔgefɔ agaya n dee ti. ²⁴ Na Yesu anie sɔɔ n nyunu, na wɔ se i ka, “I ti kekereke bo nenɔgefɔ wura Nyeme femeya n nu. ²⁵ Kabo nyɔɔma sin misini bue nu ni, i ti má kekereke tara má kabo nenɔgefɔ yo na i wura Nyeme femeya n nu.” ²⁶ Minem ni tiiri sɔ ni, na ba bisa ka, “Ye nzen i ti sɔ e, ɔɔma koro fite nu a?” ²⁷ Na wɔ bo nu ka, “Deke bo adamande koro yo má i, Nyeme koro yo i.”

²⁸ Na Petoro ase i ka, “Tɔ, ye yere ayaki ya dekem kere susu u su e.” ²⁹ Na wɔ se bu ka, “Nahore ye m suse am n a, sɔɔ kere bo i yakiiri i awuru, wara i yi, wara i ninbaam, wara i wufɔm, wara i nbaam, Nyeme femeya n dee ti, ³⁰ i mi nyá nyinim ɔɔsu sɔ yaa i ɔɔɔ su, na fa kɔ fa ba, i nyá ɔɔɔ n bo i la má awieeri ni.”

Kabo Yesu jɔjɔ fa kɔɔri i yiwee n su kpe nsan su ni

³¹ Na Yesu afere i susufɔ buru ni nnyom n ako aheme, na wɔ se bu ka, “Am ti fɛn. Ya sukɔ Yerusalem lɛɛ, dɔ ye bu kɔ yo mini Adamande Wa n kabo Nyeme nɔaniɛ kanfom akere ka bu yɔ m n a.” ³² Na bu fá m wura minem bo bu ti má YudaƆom saa nu, na bu yɔ m anzasi, na bu kpíe m nzuko, na bu yí nanzue go m ɲu, ³³ na bu fín m ɲgbere, na bu nyá kun m, na i lesan cɛɛn, na m tɛɲge m yiwee n nu.” ³⁴ Ama, i susufom n ati má i jɔjɔowa n be bu. Nyeme ayi má i nyi akere má bu, nyini ti, ba koro ati má i bu.

Kabo Yesu tuntuunri anyinsin be na i ɲuuri asi ni

³⁵ Saɲga bo Yesu kɔ sudodo miɛ kpiri be bo bu fere i ka Yeriko ni, na anyinsin be tana atin n nɔɔ su wo sere su. ³⁶ I tiiri ka jama n wo sin su ni, na wɔ bisa ka, “Nzu suyo a?” ³⁷ Na ba se i ka, “Yesu Nazaretifɔ ni susin a.” ³⁸ Dɔ na wɔ tien afere i, i ɲa, “Yesu, Feme Davidi anuma, si m aɲunfɔ.” ³⁹ Na minem n atien i ɲu ka i yaki naɲmie. Ama, haari ni nyini mmɔɔ, na wɔ kaaki atien kpa abuka su ka, “Feme Davidi anuma, si m aɲunfɔ.” ⁴⁰ Yesu tiiri sɔ n na wɔ ka ajina, na wɔ se ka bu fa i bra i dɔ. Na ba fere i ama i. I ba dodoori ni, na Yesu abisa i ka, ⁴¹ “A koro ka m yo nzu ma u a?” Na wɔ bo i nu ka, “M Mibie, m koro ka a ma m ɲu asi wɔ.” ⁴² Na Yesu ase i ka, “ɲu asi bekun. Yarada n bo a yo m ni, nyini ma a nya laifie a.” ⁴³ Kpenɲa na wɔ kaba aɲu asi, na wɔ su i su, sukansi Nyeme. Jama n ɲuuri i sɔ n na bu kere gusu akansi Nyeme.

19

Yesu ni Zakayosi dɛɛ jɔre

¹ Yesu kɔ wuraari Yeriko miɛ kpiri n nu na wɔ koro ka i sin. ² Bie be woori dɔ, bu fere i ka Zakayosi, i ti lampodefom kere kprien wɔ, na i la ajeke agaya. ³ Na wɔ boro i nyi ka i ɲu Yesu na i si i. Ama, jama asunnu agaya n dɛɛ ti, wɔ koro aɲu má i, dama i ti sɔnɔ tika a. ⁴ Nyini ti, na wɔ ɲmati adu jama n mɔ ako afun baka na i ɲu i, dama wɔ ɲu ka Yesu fá nyini baka n bu sin a. ⁵ Saɲga bo Yesu ba juuri nyini awɔre n nu n na wɔ nie aɲgoro, na wɔ se i ka, “Zakayosi, jura bra ndende, dama wɔ yo daka ka m yo u wɔfɔ ɔ nyuma.” ⁶ Na wɔ jura ndende, na wɔ kɔ ade i wɔfɔ ni ahorejɔ bambaka. ⁷ Na bo bu ɲuuri i n kere aɲunuti. Bu ɲa, “Ahin sɔnɔ n ako na i kɔ da satieyofɔ dika.” ⁸ Na Zakayosi ayasu ajina, na wɔ se Mibie n ka, “M Mibie, ti fɛn. M kpáaki m ajeke kere nu busu nnyo, na m fá bukun n ma yaarifom. Na nzen ma sisi be, m tɔ i sɔ ɲusu nna, na m fá ma i mi.” ⁹ Na Yesu ase i ka, “Nyuma dɛɛ cɛɛn n nu, Nyeme ade ahin awuru n nufom tii aji, dama ahin sɔnɔ ni mmɔɔ ti Abraham busu nufɔɔ. ¹⁰ Nahore, mini Adamande Wa n baari ka m bá nienie minem bo ba mini n wɔ na m dé bu tii ji.”

Miɛnu fa kɔ akɔɔ buru nbem dabuɲu n jɔre

¹¹ Saɲga bo minem ni toko so bu sui ti ahin jɔrem bo Yesu sujɔjɔ bu ni, na Yesu akaaki abo bu miɛnu be, dama nyini saɲga ni wɔ ka kaan sɔ na i wúra Yerusalem miɛ kpiri n nu, na minem asunsun ka saɲga n akaba aju bo Nyeme bá nie i minem su lɛɛ. ¹² Nyini ti, na wɔ se bu ka, “Feme baa be yo woori bere a, cɛɛn be sɔ ɔ, na wɔ yasu ka i kɔ asien dede be su ka i kɔ di femeya na i kpie i nyi ba. ¹³ Kana i ba kɔ ni, na wɔ fere i akɔɔm buru, na wɔ fa ɲwaa akpaaki bu kere nu, na

wɔ se bu ka, ‘M kɔ wieeri, amberɛ si kabo am yo ahin ηwaa n a, haari m bá kpɛ m nyi ba.’ ¹⁴ Nyini sɔnɔ n gusu, i minɛm akoro má ka i yo bu fɛmɛ, bu kpɔ i wɔ, nyini ti, na ba sunma minɛm ka bu kɔ se ka, ‘Ya koro má ka ahin sɔnɔ n bá yo ya fɛmɛ.’

¹⁵ Na sɔnɔ n ako adi fɛmɛya ni, na wɔ kpɛ i nyi aba. I ba juuri kpɛngɔ i kaba tiɛnri i akɔɔm ni nɔɔ ɔ, adena i si kpɛrɛ bo ba nya i fite i ηwaa bo i fa maari bu n nu. ¹⁶ Na akɔɔ n bo i du mɔ baari n ase i ka, ‘M mibiɛ, u ηwaa n bo a fa maari m ni, ma nya i ηusu buru abuka su.’ ¹⁷ Na i mibiɛ n ase i ka, ‘Nfan. Wɔrɔ akɔɔ kpa, kabo a kere ka a la dabuɲu niɛ deke kaan su ni, m má a niɛ miɛm buru su.’ ¹⁸ Na akɔɔ n bo i tɔ su nnyɔ su n aba, na wɔ se ka, ‘M mibiɛ, u ηwaa n bo a fa maari m ni, ma nya i ηusu nnu abuka su.’ ¹⁹ Na wɔ se nyini n gusu ka, ‘M má a niɛ miɛm nnu su.’ ²⁰ Na akɔɔm n kun be aba ase ka, ‘M mibiɛ, u ηwaa n bo a fa maari m yaa, m fa pɔɔndiiri sanvuin nu fa seeri wɔ. ²¹ M soroori sɛrɛ wɔ, dama a ti u sɔnɔ fangafɔ ɔ. A de deke bo i ti má u dɛɛ, na a kaaki kpɛ deke bo a dɔ má i.’ ²² Na wɔ se akɔɔ n ka, ‘Wɔrɔ akɔɔ tiefɔ ni, u nɔaniɛ n bo a jojo i n ye m fá yo u ηgbɛɛn a. A ηa a si tenle ka m ti m sɔnɔ fangafɔ ɔ, na m de deke bo i ti má m dɛɛ, na m kaaki kpɛ deke bo ma dɔ má i, má sɔ? ²³ Tɔ, ye nzu ti ye a fa má m ηwaa n ako ase má banƙifɔm dɔ a? Na má m ba kpɛieri m nyi baari, má m nya kpɛrɛ buka su.’ ²⁴ Dɔ na wɔ se bo bu jina dɔ n kɛrɛ ka, ‘Am de ηwaa n fite i dɔ, na am fa ma akɔɔ n bo wɔ nya m ηwaa n ηusu buru abuka su ni.’ ²⁵ Ama, na ba se i ka, ‘Ya mibiɛ, ye yiri du mɔ la u ηwaa n ηusu buru e.’ ²⁶ Na wɔ se bu ka, ‘M suse am wɔ lɛɛ, ka, sɔnɔ kɛrɛ bo i la deke be, bu má i be buka su wɔ. Ama, sɔnɔ kɛrɛ bo i la má pui, haari ni nyini kaan n bo i la i ni, bu cín de i dɔ ɔ. ²⁷ Ama, m ahin kpɔfɔm bɛrɛ yiri, má ba koro má ka m yo bu fɛmɛ, am fa bu ba jina m nyunu fɛn na am kun bu kɛrɛ.’ ”

Kabo Yesu wurari Yerusalem ka fɛmɛ dɛɛ su ni

²⁸ Yesu seeri sɔ wieeri ni, na wɔ du bu nyunu na bu kɔ Yerusalem miɛ kpɛri n nu. ²⁹ I ba dodoori miɛm bo bu fere bu ka Befage ni Betani, nyini miɛm ni dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na wɔ sunma i susufɔm n nu nnyɔ, ³⁰ na wɔ se bu ka, “Am kɔ miɛ kaan n bo i wo am nyunu dɔ ni, am kɔ ηa am wura miɛ n nu, am ηú ka kaakobaa be minda, be nya fun má i. Am nyangɔ i bra fɛn. ³¹ Nzen be bisaari am ka nzu ti ye am sunyangɔ i a, am se i ka Mibiɛ ni koro i a.” ³² Na bɛrɛ n bo i sunmaari bu n ako, ako anu kaakobaa n ka i minda kabo i seeri bu ni. ³³ Sangɔ bo bu sunyangɔ i ni, na i fɔm n abisa bu ka, “Nzu ti ye am sunyangɔ kaakobaa n a?” ³⁴ Na ba bɔ bu nu ka, “Mibiɛ ni koro i a.” ³⁵ Na ba fa i aba Yesu dɔ, na minɛm n atɛrɛki bu suturam anana kaakobaa n ηu, na ba buka Yesu na wɔ fun. ³⁶ I fun tanaari su wieeri n na i wo kɔ su ni, na minɛm n afa bu suturam atɛrɛki ase atin n nu. ³⁷ Sangɔ bo i ba dodoori Yerusalem miɛ kpɛri n nu, fa kɔ awɔrɛ n bo i atin kaba cɔɔndi Oliva Buka n su ni, na i susufɔm bebɛrɛbe sukansi Nyɛmɛ ni ahorejo, na bu subo kuyigindi, dama ba ηu alekutura sakpakpam bo wɔ yo i n dɛɛ ti. ³⁸ Bu ηa,

“Tɛrɛfi wo fɛmɛ n dɔ,
Yiri n bo i suba Mícɛra n dɛɛ duma n nu ni.
Ahoreda wo angoro,
na kansɔ wo Nyɛmɛ bo i wo angoro n dɔ.”

³⁹ Dɔ na Farasifɔm nbem bo bu wo jama n nu n ase Yesu ka, “Ya Kerefɔ, tien u susufɔm n ɲu ka bu yaki naɲmie.” ⁴⁰ Na wɔ se bu ka, “M suse am wɔ lɛɛ, ka, nzen má bere yakiiri naɲmie, má am ɲu ka yabuɛm bo bu da bere n ayasu suyo naɲmie.”

Kabo Yesu suunri Yerusalemfɔm n dɛɛ ti ni

⁴¹ Saɲga bo Yesu ba dodoori Yerusalem mie kpiri n na i ɲuuri i so ni, na wɔ sun mie n dɛɛ ti, ⁴² na wɔ se ka, “Nzen má nyuma dɛɛ cɛɛn n nu am si sam bo bu fa ahoreda ba ni, má i ti má so. Ama, kabo i ti ni, am koro ɲu má nyini sam ni. ⁴³ Saɲga ni suba bo am kpɔfɔm bá ta kanda bara ye am deke kere na am koro fite má nu. ⁴⁴ Bu kún am ni am nbaam, na bu fúfu am ahin mie n kere pepere, haari yabuɛ kun n kpein mmɔɔ bá nana má i beɲgu su. Ahin n kere bá yo so, dama am asi má saɲga n bo Nyeme baari ka i ba de am tii ji ni.”

Kabo Yesu fɔɔnri watafɔm fiteeri Nyeme Sereebiri Awuru n nu ni

⁴⁵ Dɔ na Yesu ako awura Nyeme Sereebiri Awuru n nu, na wɔ bo i bu sufɔn yi watafɔm, ⁴⁶ na wɔ se bu ka, “Ba kere i Nyeme Jɔɛ Kadasi n nu ka, Nyeme ɲa o, ‘M awuru ni, bu bá fere i ka awuru bo bu bá sere Nyeme nu.’ Ama, ambere afa i ayo awiefɔm fieɛbiri.”

⁴⁷ Cɛɛn n kere cɛɛn, Yesu kere minem wɔ Nyeme Sereebiri Awuru n nu. Na Nyeme sayoowa dɔɲguyofɔ nkpienkpienm, ni Nyeme nɔanie kerefɔm, ni Yudaɔm teretereɔm n akoro ka bu kun i, ⁴⁸ ama, ba koro anya má atin, dama minem n kere koroori ka bu so bu sui wɔ, na bu ti i kereewam ni.

20

Kabo bu bisaari Yesu deke bo i yiko n fite ni

¹ Cɛɛn be so ɔ, Yesu wo Nyeme Sereebiri Awuru n nu sukere minem, na i sukan labari kpa n kere bu. I wo kere su n na Nyeme sayoowa dɔɲguyofɔ nkpienkpienm, ni Nyeme nɔanie kerefɔm, ni Yudaɔm nkpienkpienm aba i dɔ ² aba ase i ka, “Nma dɛɛ yiko nu ye a yo nyini sam kere a? Kan na ya ti. Nma ma u nyini yiko ni, ye a yo nyini sam n a?” ³ Na wɔ bo bu nu ka, “Am ma m du mɔ bisa am bisaawa kun be ka. Kisa, ambere kan na m ti, ⁴ ɲma maari Yohane atin ye i ba bieeri minem Nyeme nzue n a? Nyeme nzen adamande?” ⁵ Na ba bisa bu ɲɲu nu kabo bu bo i nu barasu, bu ɲa, “Nzen ya seeri i ka Nyeme maari i atin a, i bisa ya ka, ye nzu ti ye ya da má Yohane ɲu a? ⁶ Ama, nzen ya seeri i ka adamande dɔ, minem kere tú ya yabuɛ wɔ, dama bu kere soroori su ka Yohane yo tiiri Nyeme nɔanie kanfɔ ɔ nahore su.” ⁷ Nyini ti, na ba bo i nu ka, “Ya si má sɔnɔ bo i maari i atin.” ⁸ Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kere ni.”

Kabo Yesu boori miɛnu niiri Yudaɔm nkpienkpienm ni

⁹ Dɔ na Yesu abo minem ahin miɛnu ni, i ɲa, “Sɔnɔ be yo woori bere a, na wɔ dɔ i baka suuwa barasu be fie. Na wɔ nya afa awura i npadifɔm saa nu, na wɔ kɔ atin ako aɛɛ. ¹⁰ Saɲga ba juuri bo i si ka baka suuwam n abi ni, na wɔ sunma i akɔɔm kun i npadifɔm n dɔ, ka i kɔ de i dɛɛ bo ba nya i n bra. Akɔɔ n kɔ juuri ni, na ba tara i abo i, na ba fɔn i akpie i nyi i saa ɲgbɛɛn. ¹¹ Na fie n fɔ n asunma i akɔɔ n kun bekun, na ba tara i abo i, na ba kpa i nyinye, na ba ma wɔ kpie

i nyi i saa n̄gbɛɛn. ¹² Kpe nsan su ni, na wɔ sunma akɔɔ nyinga, na ba tara i abo i, na ba ma i mandim, na ba fa i atu baka suuwam fie n ahɛmɛ. ¹³ Dɔ na fie n fɔ n ase ka, ‘Ye m yɔ sɛ wɔ lɛɛ kisa? M súnma m tien̄gu wa koroowa n wɔ, beni, bu má yiri jirima.’ ¹⁴ Ama, sanga bo npadifɔm n n̄uuri ka baa ni suba ni, na ba se bu n̄ju nu ka, ‘Í wa n bo i dí i aja n lɛɛ suba n a. Am bra na ya kun i, adena aja n kerɛ ká ya dɛɛ.’ ¹⁵ Dɔ na ba cin i atu baka suuwam fie n ahɛmɛ, na ba kun i.” Na Yesu anya abisa bu ka, “Am sunsun ka fie n fɔ ni yɔ bu sɛ wɔ? ¹⁶ I bá kun nyini npadifɔm n kerɛ wɔ, na i fá fie n wura mine fɔfɔrɛm saa nu.”

Sanga bo minem ni tiiri sɔ n na ba se ka, “Nyemɛ yo ya kisi ni nyini.” ¹⁷ Na Yesu ace anie bu dɔ na wɔ se bu ka, “Kabo ba kerɛ i Nyemɛ jɔrɛ Kadasi n nu ni, am tiiri i bu sɛ wɔ? Bu n̄a, ‘Yabue n bo bondo tafɔm n faari i tuuri ni, yiri ye wɔ kaaki bondo n jaa yabuem kerɛ tii a.’”

¹⁸ Sɔnɔ kerɛ bo i kpaasiiri nyini yabue n su, i mi búbu nu wɔ mumuku, na sɔnɔ kerɛ gusu bo nyini yabue n tɔɔri i n̄u, i sán i mi samɛnɛ wɔ.”

¹⁹ I seeri sɔ ni, na Nyemɛ nɔanie kerefɔm ni, ni Nyemɛ sayoowa dɔnguyofɔ nkpienkpienm n akaba akpini atin kabo bu yo na bu tara i, dama bu faari nu ka miɛenu n bo i boori i ni, i bo niiri bere wɔ, ama, bu soroori minem dɛɛ ti, na ba yaki i.

Kabo bu sɔɔri Yesu n̄gɛɛ lampo tɔ busu ni

²⁰ Nyini ti, na Nyemɛ nɔanie kerefɔm ni, ni Nyemɛ sayoowa dɔnguyofɔ nkpienkpienm n akpini atin kabo bu yo na bu nya Yesu taraabiri. Na ba bo mine nbem ajaakpien ka bu yo bu n̄u ka bu ti mine kpam wɔ, na bu ba sɔ i n̄gɛɛ na bu bisa i nɔanie nbem, adena bu koro fa i wura gomina yikofɔ n saa nu. ²¹ Na nyini minem n ase Yesu ka, “Ya Kerefɔ, ya si ka u nɔanie jɔjɔwa ni u kereewa kerɛ ti nahɔrɛ wɔ, na a tantambu má nu, ama, a kere minem wɔ nahɔrɛ su kabo Nyemɛ atin ti barasu. ²² Tɔ, ya dɛɛ atin n su, atin wo nu ka ya tɔ lampo ma Romafɔm Fɛmɛ Kpiri Siza, nzen atin wo má nu?” ²³ Ama, na wɔ fa nu ka bu koro ka bu kpie i mbenle wɔ, na wɔ se bu ka, ²⁴ “Am fa n̄waa bra na m nie.” Bu fa baari ni, na wɔ bisa bu ka, “Am nie ahin n̄waa ni. Nma dɛɛ tii ni i duma wo su a?” Na ba bo i nu ka, “Fɛmɛ Siza dɛɛ a.” ²⁵ Na wɔ se bu ka, “Tɔ, deke bo i ti Fɛmɛ Siza dɛɛ, am fa ma Fɛmɛ Siza, na deke bo i ti Nyemɛ dɛɛ, am fa ma Nyemɛ.”

²⁶ Dɔ na ba n̄u ka bu koro nya má i taraabiri minem nyunu bere, ama, kabo i bɔɔri bu nu n dɛɛ ti, na ba mie, na ba tɔ amuna.

Kabo bu bisaari Yesu fa kɔɔri yiwee ten̄ge jɔrɛ su ni

²⁷ Na Yudaɔm asɛsɛ barasu nbem bo bu fere bu ka Sadusifɔm ni, aba Yesu dɔ. Bu dɛɛ kereewa la ka Nyemɛ ten̄ge má minem bu yiwee nu n a. Na ba ba abisa i jɔrɛ be, bu n̄a, ²⁸ “Ya Kerefɔ, Moyisi yo kerɛeri nɔanie be maari ya, ka nzen sɔnɔ wu yakiiri i yi na i ni bara n anya má baa, wɔ yo daka ka i niema n fa kunafɔ n na bu wu nbaam ma gɔrɔ n bo wɔ wu ni. ²⁹ Tɔ, sɔnɔ be yo laari nbaabiesɔm nso a, na baakpien n aja bara, na wɔ wu ayaki bara ni, ba nya má baa. ³⁰ Sɔ ye bo i tɔ i su nnyɔ su, ³¹ ni nsan su n yoori a, haari fa kɔ kpuraari nso su ni, bu be mmɔɔ anya má baa ye bu wuuri a. ³² Kasin na bara n gusu aba awu. ³³ Tɔ, kabo bu mine nso n kerɛ aja bara n na ba wu sɔ ni,

cɛɛn n bo Nyemɛ bá tenge minɛm bu yiwee n nu ni, bara ni ká n̄ma dɛɛ wɔ?” ³⁴ Na Yesu abo bu nu ka, “N̄baram ni n̄biesɔm bo bu wo bɛrɛ kisa ni ja ajaa, ³⁵ ama, n̄baram ni n̄biesɔm bo Nyemɛ an̄u ka bɛrɛ ti ye ni ka bu bá tenge bu yiwee n nu fa kɔ fa ba ni, bɛrɛ ja má ajaa kun, ³⁶ dama bu wu má kun. Bu wo bɛrɛ ka Nyemɛ mɛrɛkɛm wɔ. Bu ti Nyemɛ n̄baam wɔ, dama ka ba tenge bu yiwee n nu. ³⁷ Na fa kɔ kabo Nyemɛ bá tenge minɛm bu yiwee n nu ni, Moyisi mmɔɔ yo kereeri ka i ti sɔ ɔ. Wɔ kɛrɛ i Nyemɛ Jɔrɛ Kadasi n nu, fa kɔ san̄ga bo sin n jeeri buwe baka n su ni, ka, Micɛra ni ti Abraham, ni Izaki, ni Jakɔbu dɛɛ Nyemɛ a.” ³⁸ Na Yesu asa su ase bu ka, “Tɔ, kabo Micɛra n ti nyini minɛm dɛɛ Nyemɛ ni, nyini kere ka bu toko la n̄gɔɔ lɛɛ. Nyemɛ ti má bo ba wu n dɛɛ Nyemɛ, i ti bo bu la n̄gɔɔ ni dɛɛ Nyemɛ a, dama sɔnɔ kɛrɛ n̄gɔɔ fite yiri dɔ a.”

³⁹ Dɔ na Nyemɛ nɔan̄iɛ kerefɔ n̄bem ayasu ase i ka, “Nfan. Ya Kerefɔ, u bɔ nu n ti kpa.” ⁴⁰ Nyini sin, be abo má su ka i bisa i jɔrɛ bekun.

Kristo Tiidefɔ n bo i ti Fɛmɛ Davidi anuma n jɔrɛ

⁴¹ Na Yesu ajojɔ minɛm dɔ fa kɔ Kristo Tiidefɔ n su, na wɔ bisa bu ka, “Ye nzu ti ye bu bita jɔjɔ ka Kristo n ti Fɛmɛ Davidi anuma a?” ⁴² Dama kabo ba kɛrɛ i Kansi Jue kɛrɛɛwam n nu ni, Fɛmɛ Davidi ni i tii ase ka, “Na Micɛra n ase m Mibie n ka, “Ba tana m saa fɔmbɔrɔ su fɛn,

⁴³ haari m bá ma u kpɔfɔm kɛrɛ ba kutu u jaa bu.” ’

⁴⁴ Tɔ, Fɛmɛ Davidi mmɔɔ fereeri Kristo n ka i Mibie wɔ, ye Kristo n yo sɛ kaaki yo Fɛmɛ Davidi anuma a?”

Kabo Yesu n̄a mine si bu n̄u sa ni Nyemɛ nɔan̄iɛ kerefɔm ni

⁴⁵ San̄ga bo minɛm n kɛrɛ jina wo i nɔan̄iɛ n ti su sɔ ni, na Yesu ase i susufɔm n ka, ⁴⁶ “Am si am n̄u sa ni Nyemɛ nɔan̄iɛ kerefɔm ni, deke bo bu koro i n la ka, bu wura sutura n̄gbingbirim wɔ, na bu nati sujɛngbe, na sɔnɔ kɛrɛ suyo bu anse gɔɔsu. Nyini minɛm n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka diire diibirim ni, bu koro ka bu tana kpirikoro tanaa-birim wɔ. ⁴⁷ Nyini minɛm n sɔ fin nkunafɔm nɛngɛm wɔ, na bu jina sere Nyemɛ cɛ, adena minɛm n̄u ka bu ti mine kpam wɔ. Jina cɛn, bɛrɛ bá nya suicin tara minɛm kɛrɛ.”

21

Kabo kunafɔ be yiiri saraka ni

¹ Tɔ, na Yesu an̄iɛ an̄u kabo nɛngɛfɔm suyi bu n̄waa wura alaka bo minɛm yi saraka wura nu ni. ² Kunafɔ yaarifɔ be gusu woori dɔ, na wɔ ba ayi n̄waa kaan be bo i koro to má pui awura saraka n nu, na Yesu an̄u i. ³ Dɔ na wɔ se ka, “Nahɔrɛ ye m suse am n a, nyini kunafɔ n ayi n̄waa atara minɛm kɛrɛ. ⁴ Dama nɛngɛfɔm la n̄waa beberebe n dɛɛ ti, ye ba yi be a. Ama, nyini kunafɔ n ni i yaari n kɛrɛ, i deke kɛrɛ bo i la i lɛɛ ye wɔ yi i n a.”

Kabo Yesu seeri ka Nyemɛ Sereebiri Awuru ni bá bereki ni

⁵ Na Yesu susufɔ n̄bem ajojɔ fa kɔ Nyemɛ Sereebiri Awuru n su, kabo ba ta i ni yabue n̄gbingbirim ni aceerim bo bu fa ba ce Nyemɛ na i yo nyumi barasu ni. Bu wo jɔjɔ n su sɔ ni, na Yesu ase ka, ⁶ “Nyini dekem

bo am ɲu bu ni, saɲga suba bo yabus kun n kpein n mmɔɔ bá nana má i beɲgu su. Bu bá bereki i kere go o lee.”

Kabo Yesu kereeri fa ko durunya n awieeri su dee jore ni

⁷ Na Yesu susufom n abisa i ka, “Ya Kerefɔ, saɲga bono ye ahin sam kere bá yo a? Ye nzu deke bá kere ya ka saɲga n adodo bo ahin sam n kere bá yo a?” ⁸ Na wo se bu ka, “Am si am ɲu sa, na má am ma be dadaka am. Dama mine donɲu bá fa m dumba ba, na bu sé ka, ‘Yiri la mini a.’ Na bu káaki se am ka, ‘Saɲga n aju lee.’ Ama, má am su bu su. ⁹ Saɲga bo am bá ti aluwa nga fen, wara bu sukun lue do, má am ma sere ti am. Dama wo yo daka ka nyini sam n kere bá yo sin ka, ama, i kere má ka durunya n awieeri lee.”

¹⁰ Na wo kaaki ase bu ka, “Daanfie daanfie bá kun lue ni bu beɲgum, na nfemem kún lue ni bu beɲgu nfemem. ¹¹ Na asien bá kpisi agaya, na ahoe tó, na alɔɔba tó awore aworem nu, na ya bá ɲu anyumbaa ciire sa nbem ka bu sutie fite angoro n nu.

¹² Ama, kana ahin sam kere bá yo ni, bu tara am, na bu kere am wuwuruwa, na bu fá am wura yikofom saa nu, na bu dí am jore bu tientienbunoo soom nu, na bu nyí am dansaraka, na bu fá am wura nfemem ni gominam saa nu, na bu fá am jina bu nyunu, mini dee ti. ¹³ Ahin má am atin a, na am koro kan labari kpa n kere bu. ¹⁴ Ama, am du mo yo am sunsunni nu na má am ma i mie am, kabo bu ko bisa am na am jojo barasu. ¹⁵ Dama mini má am alecira noanie bo am joo a, na am kpofom be mmoo koro la má noanie be bo bu koro joo bo am asi, wara bu fá ta am nyi. ¹⁶ Haari am wufom, ni am ninbaam, ni am lamosim, ni am danfom mmoo bá to am ma nfangafom, na bu kún am nbem. ¹⁷ Mini dee ti, sono kere kpo am. ¹⁸ Ama, am tiɲmie kun n kpein mmoo ká má ngbeen. ¹⁹ Nzen am mindi deer ni nyini n kere, am nya ngoo.”

Kabo Yesu jooori ka Yerusalem mie ni bá saaki barasu ni

²⁰ Na Yesu akaaki ase i susufom n ka, “Saɲga bo am bá ɲu ka sojam abara aye Yerusalem mie kpiri n ni, am si tenle su ka i cé má, bu saaki mie n kere lee. ²¹ Nyini saɲga ni, woro kere bo a tiiri i nga na a wo Yudiya asien n su, ɲmati ko bukam n su. Woro kere bo a wo mie n nu, ɲmati fite nu. Na woro kere gusu bo a wo mie n aheme, má a kpie u nyi ko mie n nu kun. ²² Dama ahin suicin kekereke saɲga ni yo yiiwa, kabo ba kere i Nyeme Jore Kadasi n nu n kere. ²³ Nyini saɲga ni yo kekereke agaya ma nyinsefom, ni nbaram bo bu nbaam toko nu ni. Dama minem n bo bu wo ahin asien n su ni dí yaari agaya, na Nyeme cin bu sui. ²⁴ Na bu kún nbem lue nu, na bu tara nyingam domue, na bu fá bu ko asien asienm n kere su, na minem bo bu ti má Yudafom ni saaki mie n kere haari fa ko ju saɲga bo bu yiko bá wie.”

Kabo Adamande Wa ni bá kaaki ba barasu ni

²⁵ Na Yesu ase bu ka, “Na alekutura sam nya ba tie fite wie n ni sara n, ni asarambaam kere nu. Na durunya n nu fen, asien asienm n sufom kere ahore tánda, na sere ti bu, fa ko kabo tieku nzue n bo barasu, na i yo nanmie agaya ni. ²⁶ Sam bo bu bá yo durunya n nu n dee ti, nyini má sere ti minem na bu tó cin, dama angoro n kere kpisi wo. ²⁷ Na minem nya ɲu ka mini Adamande Wa ni sufite angoro yinyingu n nu suje piepieu suba ni yiko bambaka. ²⁸ Saɲga bo nyini sam n kere bá

suyo ni, am yasu na am ye am tii su ni ahoresi, dama sanja n adodo bo Nyeme bá de am tii lee.”

Kabo Yesu na ya fa damba baka fa se nyaari barasu ni

²⁹ Do na Yesu abo ahin mienu n akere bu. I na, “Am nie damba baka ni baka nyingam kere. ³⁰ Sanja bo am nya ba nu ka bu sufie nyawa fofore ni, ambere ni am tii si ka dooori sanja adodo lee. ³¹ Kabo Nyeme Feme bá nie i minem su ni, i yó so o. Sanja bo ambere gusu bá nu ka nyini sam kere suo ni, am si tenle ka i cé má, Nyeme Feme bá nie i minem su lee.

³² Nahore ye m suse am n a, bo bu la ngoo kisa ni wú wie má ka, ye ahin sam kere bá yo a. ³³ Angoro n ni asienyu n kere bá la awieeri, ama, m dee noanie n yiri, i la má awieeri ceen be.”

Kabo Yesu seeri ka ya si ya nu sa fa ko i ba n su ni

³⁴ Na Yesu ase i susufom n ka, “Am si am nu sa, na má am susaaki am sanja sutien am noo sunu nzan subo, na má am ma durunya n nu sa koroowa mie am, na má m ba ni fúra am nu ³⁵ kabo toroku tara deke ni. Dama nyini ceen bá fura minem bo bu wo durunya n nu wo. ³⁶ Má am fa am nu ji, am sere Nyeme sanja kere ka i ma am fanja na am koro fite nyini kekereke n kere bo bu suba n nu, na am bá koro jina mini Adamande Wa n nyunu.”

³⁷ Ale kere bo i cin, Yesu ko Nyeme Sereebiri Awuru n nu wo, na i ko sukere minem, ale nya ba san, na i ko Oliva Buka n su. ³⁸ Ale kere bo i cin ngarama fuun, minem ni ba i do Nyeme Sereebiri Awuru n nu wo, na bu ti i kereewam ni.

22

Kabo bu seseeri su ka bu kun Yesu ni

¹ Sanja n ba dooori bo bu di bu ceenkpiri n bo bu di i ni kpoo bo bu go má ayiri nu na i yasu ni. Yiri ye bu kaaki fere i ka Butara ceenkpiri n a. ² Na Nyeme sayoowa donyuyofonkpienkpienm ni, ni Nyeme noanie kerefom ni, anienie atin kabo bu yo barasu na bu kun Yesu, dama bu soroori minem ni ahore wo.

³ Na Sitana awura Yudasi Isikariyoti ni, yiri ti Yesu susufon buru ni nnyom ni kun be a. ⁴ Nyini ti, na wo ko asese su ni Nyeme sayoowa donyuyofonkpienkpienm ni, ni Nyeme Sereebiri Awuru n tintinijinafonkpienkpienm ni, kabo i to Yesu ma bu ni. ⁵ Bu tiiri nyini n so ni, na bu ahore ajo, na ba se ka bu má i njwaa. ⁶ Na Yudasi asoro su, na wo kpini atin na i to Yesu ma bu, sanja bo jama wo má i do ni.

Kabo Yesu ni i susufom seseeri su ka bu di ceenkpiri diire ni

⁷ Na ceenkpiri ceen n aju, ceen n bo bu di kpoo bo bu go má ayiri nu na i yasu ni. Nyini ceen n ye wo yo daka ka bu kpie nbombaam kom n a, na bu fa tenge Butara ceenkpiri n su. ⁸ Na Yesu asunma Petoro ni Yohane, i na, “Am ko sese Butara ceenkpiri n diire n su na ya ba di.” ⁹ Na ba bisa i ka, “A koro ka ya ko ni ko sese diire n su a?” ¹⁰ Na wo bo bu nu ka, “Am ti fen, am ko na am wura mie n nu, am ni sono be kaba ye, i so dundu ni nzue. Am su i su ko wura awuru n bo i ko wura nu ni. ¹¹ Na am bisa awurufobie n ka, ‘Ya Kerefo n na, soo bono nu ye i ni i susufom ni di Butara ceenkpiri diire n a?’ ¹² Na i kere am angoro soo bambaka n bo ba yo i kere donyu ni, do ye am sese diire n su se

ya.”¹³ I ɔɔɔ wieeri ni, na ba kɔ aɲu deke n kere sɔ kabo Yesu seeri bu ni, na ba sese Butara cɛɛnkpiri diire n su.

Kabo Yesu ni i susufɔm ni diiri Butara cɛɛnkpiri diire ni

¹⁴ Saɲga n ba juuri, na Yesu ni i jaramasam n aba atana ka bu di diire ni. ¹⁵ Na wɔ se bu ka, “Kabo m koroori lɛɛ, m boroori m nyi wɔ ka m ni amberɛ saɲga di ahin Butara cɛɛnkpiri diire n ka, na m nyá di m wahara ni. ¹⁶ Dama m suse am wɔ lɛɛ, ka, m dí má ahin diire n kun, má ka i bá yo yiiwa Nyemɛ femɛya n nu.”

¹⁷ Dɔ na wɔ fa awa ni nzan, na wɔ da Nyemɛ asi, na wɔ se bu ka, “Am de na am nu, na am fa ma am beɲgu. ¹⁸ M suse am wɔ lɛɛ, ka, m nú má ahin nzan n kun, má ka cɛɛn n bo Nyemɛ Femɛ bá niɛ i minem su.”

¹⁹ Na Yesu akaaki afa kɔɔɔ, na wɔ da Nyemɛ asi, na wɔ bubu i nu, na wɔ fa ama bu, na wɔ se bu ka, “Ahin kɔɔɔ n ti m ɲuniembaa lɛɛ, ye m sufa ma am n a. Am yo ahin sɔ adena am fa teɲge m su.” ²⁰ Bu diiri diire n wieeri ni, na wɔ kaaki afa awa ni nzan ni, na wɔ yo sɔ, na wɔ se bu ka, “Ahin nzan n ti sesesu fɔfɔre n bo Nyemɛ sufa m mbunja n sudi i di n a. Amberɛ dɛɛ ti ye m mbunja ni soɲgi gɔ a.

²¹ Ama, am niɛ. Sɔɔɔ n bo i tó m ni wo diire n diibiri fen, m ni yiri susaɲga di diire n a. ²² Mini Adamande Wa ni wú kabo Nyemɛ adu mɔ acici ka m wú n wɔ, ama, sɔɔɔ n bo i tɔ m ni, i mi bá ɲu anyumboro.” ²³ Dɔ na ba bisa bu ɲuɲu nu ka, “Ye ya nu ɲma koro yo ahin sa n a?”

Kabo Yesu kereeri ka mɔfɔ yo i ɲu kaan ni

²⁴ Na Yesu jaramasam n ase akuruwa bu ɲuɲu nu fa kɔ sɔɔɔ bo i tara bu kere bu nu. ²⁵ Na Yesu ase bu ka, “Minem bo bu su má Nyemɛ n dɛɛ nfemem, bere miɛ bu minem a, na bere bo bu la yiko minem ɲu ni, bu fere bu ka bukafɔm. ²⁶ Ama, má amberɛ yo sɔ. Sɔɔɔ bo i tara am kere am nu ni, i ti ye ni ka i mi yo i ɲu kaan, na bo i ti am mɔfɔ n gusu, i ti ye ni ka i mi yo i ɲu kaan na i su am. ²⁷ Sɔɔɔ bo i tana di diire ni, ni bo i su amusui ni, ɲma tara i beɲgu a? Yiri la bo i tana di ni, má sɔɔɔ? Ama, mini wo am nu ka sɔɔɔ bo i su amusui wɔ.

²⁸ Saɲga kere bo m woori kekereke nu, amberɛ jinaari m sin a. ²⁹ Kabo m Si Nyemɛ ama m atin ka m di femɛya ni, sɔ ye mini gusu fá ma am a, ³⁰ na am dí na am nú m femɛya n nu, na am tána femɛya biem su, na am níɛ Yisarelifɔm aɔɔ buru ni nnyɔm n su.”

Kabo Yesu seeri ka Simon Petoro bá kete i ni

³¹ Na Yesu ase Simon ka, “Simon, ti fen. Sitana asere atin ka i kpaja am kabo bu kpaja ɲgani n wɔ. ³² Ama, ma sere Nyemɛ ama u na má a yaki m yaradayo. Na saɲga bo a ba kaaki ba suuri m su bekun ni, buka u ninbaam ni, na bu nya ahoresi.” ³³ Na wɔ se i ka, “M Mibiɛ, m ɲmáti yaki má u da, ɲka bu saɲga nyi wɔɔɔ ni mini kere wɔ, na ya saɲga wu.” ³⁴ Na Yesu ase i ka, “Petoro, m suse u wɔ lɛɛ ka, nyuma, kana akonyuma bá bo, a kéte kpe nsan su ka a si má m.”

Kabo Yesu seeri i susufɔm fa kɔ sa kekerekem bo bu bá yo ni

³⁵ Na Yesu abisa i susufɔm n ka, “Saɲga bo m sunmaari am na am abita má ɲwaa kuruku, wara kuruku, wara gbagbaa ni, nzu kpiɛɛri am su a?” Na ba bo i nu ka, “Pui akpiɛ má ya su.” ³⁶ Na wɔ se bu ka, “Ama, kisa, wɔɔ kere bo a la ɲwaa kuruku, wara kuruku, fa i, na wɔɔ kere

bo a la má takobe, tɔ u tanlɛ na a fa n̄waa n to be. ³⁷ Dama ba kere i Nyeme Jore Kadasi n nu ka, ‘Bu faari m buuri satieyofom kun wɔ.’ M suse am wɔ lɛɛ, ka, wɔ yo daka ka, mini dɛɛ ti, na i yo yiiwa. Nahore, deke n bo bu kere niiri mini ni, i suyo yiiwa.” ³⁸ Na ba se i ka, “Ya Mibie, nie. Takobe nnyɔ yaa fen.” Na wɔ se bu ka, “Wɔ se su.”

Kabo Yesu jeki tiiri n na i ko sereeri Nyeme ni

³⁹ Na Yesu afite mie n nu, na wɔ ko Oliva Buka n su, kabo i nati yo ni, na i susufom n asu i su. ⁴⁰ Sanja bo i ko juuri do ni, na wɔ se i susufom n ka, “Am sere Nyeme, adena má deke be yo am na am wura satie nu.” ⁴¹ Do na wɔ yaki bu, na wɔ ko mo kaan, na wɔ kutu asere Nyeme. ⁴² I na, “M Si Nyeme, nzen i ti u koroyanu, yi m fite ahin anyumboro n bo i suba m do n nu. Haari ni nyini mmoo, má a yo kabo m koro ni, ama, se kabo a koro ni.” ⁴³ Na Nyeme mereke be atie afite angoro aba asi i ahore. ⁴⁴ Ahoretanda n bo i tuuri i n dɛɛ ti, na wɔ sere Nyeme ni anyumboro abuka su, na i anjuye sukpinkpin asienngu ka mbunja dɛɛ su.

⁴⁵ I sereeri Nyeme n wieeri ni, na wɔ yasu akpie i nyi ako i susufom n do, i ko nuuri ka bu wo daafiri su, dama bu ahore asaaki agaya n dɛɛ ti. ⁴⁶ Na wɔ se bu ka, “Nzu ti ye am da daafi a? Am yasu jina na am sere Nyeme, adena má deke be yo am na am wura satie nu.”

Kabo bu taraari Yesu ni

⁴⁷ Na sanja bo i toko wo jooori n su ni, na jama be aba aju. Yudasi bo i ti i susufo buru ni nnyom nu kun ni, duuri bu mo a, na wɔ ko Yesu do ka i ko biti i, ⁴⁸ ama, na Yesu abisa i ka, “Yudasi, a biti m ye a ma bu nya mini Adamande Wa n taraabiri a?”

⁴⁹ Sanja bo i susufom bo bu wo i do n nuuri sa n bo i suba ni, na ba bisa i ka, “Ya Mibie, ya kpie bu takobe, nzen se?” ⁵⁰ Na bu nu kun akpie ayi sono be sui, i saa fomboro dɛɛ ni, nyini sono n ti Nyeme sayoowa donguyofo n kere kpien n akoo o. ⁵¹ Ama, na Yesu atien i susufom n nu ka, “Má am yo so kun.” Na wo fa i saa akan sono n sui ni, na wo nya laifie. ⁵² Do na Yesu ase Nyeme sayoowa donguyofo nkpienkpienm ni, ni tintinijinafo nkpienkpienm ni, ni Yudafo nkpienkpienm kere bo bu baari ka bu ba tara i n ka, “M ti awiefo o, ye am fa takobem ni koromam na am ba tara m a? ⁵³ Cɛɛn n kere cɛɛn m ni ambere wo Nyeme Sereebiri Awuru n nu a, am atara má m. Ama, kisa ti sanja bo Nyeme ama atin, na am ni Sitana bo i wo awosin nu n kere am yiko a.”

Kabo Petoro keteeri ka i si má Yesu ni

⁵⁴ Na ba tara Yesu afa i ako awura Nyeme sayoowa donguyofom n kere kpien n dika, na Petoro asu bu su, ama, i woori dede kaan ni bere wo. ⁵⁵ Mine nbem atoro sin gisan n afien, atana abara aye i, na Petoro ako abuka bu su. ⁵⁶ I tanaari na sin wein n goori i nu ni, na afani be anu i. Na wo nie i nyunu dika gbirim, na wo se bu ka, “Ahin sono ni mmoo ti i susufo o.” ⁵⁷ Ama, na wo kete, i na, “Bara, m si má i.” ⁵⁸ Nyini sin, wo ce má, na sono be gusu aba anu i, na wo se i ka, “Woro mmoo ti bu kun wo.” Ama, na wo se i ka, “Woro, m ti má bu kun.” ⁵⁹ Na fa ko sanja su bekun, na sono kun be ajina su kekereke ase ka, “Nahore, ahin sono n ti bu kun wo, dama yiri gusu ti Galilifo o.” ⁶⁰ Ama, na wo se i ka, “Woro, m si má ahin jore n bo a sujojo i ni mmoo.” Sanja bo i toko wo jooori n su ni, na akonyuma akaba abo. ⁶¹ Na Mibie Yesu

n ace anie Petoro nyunu, na wo tenge su kabo Mibie n seeri i ni, i na, “Nyuma, kana akonyuma ba bo, a kete kpe nsan su ka a si ma m.”
 62 Na wo fite ako asun agaya.

Kabo bu yoori Yesu anzasi na bu boori i barasu ni

63 Na minem bo bu bita Yesu ni, ayo i anzasi, na ba bo i. 64 Na ba fa sanvuin acin akata i nyumbaa, na ba bisa i ka, “Woro Nyeme nɔanie kanfo ni, nna bo u a? Kan kere ya.” 65 Na ba kpie i nzuko barasu barasu n kere.

Kabo Yudafo tereterefo ni diiri Yesu jore barasu ni

66 Na ale acin, na Yudafo tereterefo atien bu nɔɔ, Nyeme sayoowa dɔnguyofɔ nkpienkpienm ni, ni Nyeme nɔanie kerefo n gusu buka su, na ba fa Yesu aba bu tientienbunɔɔ n nu. 67 Na ba se i ka, “Nzen a ti Kristo Tiidefo n a, se ya.” Na wo se bu ka, “Nzen m seeri am ka yiri la mini, am de ma, 68 na nzen m bisaari am bisaawa, am bo ma m nu. 69 Ama, fite kisa fa ko, mini Adamande Wa ni ba tana Nyeme Yikofɔ n saa fomboro su wo.” 70 Do na bu kere abisa i ka, “Nka woro ti Nyeme Wa n a?” Na wo bo bu nu ka, “Kabo am joro ni, i ti so o.” 71 Na ba se ka, “Ya koro ma daanifo be kun. Yere mmɔɔ ni ya tii ati kabo wo se ni.”

23

Kabo bu faari Yesu ko jinaari Gomina Pilato nyunu ni

1 Na bu tereterefo n kere bo ba tien bu nɔɔ n ayasu, na ba fa Yesu ako ama Gomina Pilato. 2 Na ba bo i bu sujarki i, bu na, “Ya ko anu ka ahin sono ni sudaka ya minem ka bu kete gomina ni, na ma bu to lampo kaari ma Feme Kpiri Siza, i na ka yiri ni i tii ti Kristo Tiidefo n a, nyini la ka i ti feme wo lee.” 3 Na Gomina Pilato abisa i ka, “Woro ti Yudafo feme n a?” Na wo bo i nu ka, “Kabo a joro ni, i ti so o.” 4 Do na Gomina Pilato ase Nyeme sayoowa dɔnguyofɔ nkpienkpienm ni, ni jama n kere ka, “Ma nu ma ngasi bo ahin sono n ado i.” 5 Ama, na ba jina kun su, na ba jaraki i, bu na, “I kereewa n ama Yudiya awore n nu minem kere ahore ayasu. I boori i bu Galili awore n nu wo, ye kisa wo fa aba fen n a.”

Kabo bu faari Yesu ko jinaari Feme Herode nyunu ni

6 Gomina Pilato tiiri so ni, na wo bisa ka, “Sono n ti Galifo o?” 7 I tiiri ka i fite do ni, na wo ma ba fa i ako Feme Herode do, dama yiri yo nie nyini awore n su a. Nyini sanga ni, Feme Herode gusu woori Yerusalem mie kpiri n nu. 8 Feme Herode nuuri Yesu ni, na wo yo i fie ako asin su, dama wo ti i ngga ace, na wo koro ka i nu i na i yo alekutura sa nbem na i nie. 9 Nyini ti, na wo bisa Yesu bisaawam beberebe, ama, wo bo ma i nu. 10 Na Nyeme sayoowa dɔnguyofɔ nkpienkpienm ni, ni Nyeme nɔanie kerefo n afite ajina sujarki i ni anyumboro su. 11 Na Feme Herode ni i sojam n ayo Yesu anzasi, na ba bu i ngbeen, na ba fa tanlee nyunyumi awura i, na ba fa i akpie i nyi ako Gomina Pilato do. 12 Nyini sanga ni, Feme Herode ni Gomina Pilato yo kpo bu benju wo, ama, nyini seen n gbingbin na ba kaaki danfom.

Kabo Gomina Pilato maari nɔɔ ka bu kun Yesu ni

13 Na Gomina Pilato afere Nyeme sayoowa dɔnguyofɔ nkpienkpienm ni, ni Yudafo tereterefo ni, ni minem ni, 14 na wo se bu ka, “Am

faari ahin sɔnɔ n baari m dɔ, na am ase ka i sukere minem na bu kete gomina n wɔ. Mini ni m tii anie jɔre n nu am nyunu fen, ama, ma ŋu má ŋgasi bo wɔ do i. ¹⁵ Feme Herode mmɔɔ ni i tii aŋu má i ŋgasi be, nyini dɛɛ ti ye wɔ kaaki i aba ama ya n a. Nahɔre, ahin sɔnɔ n ado má ŋgasi be bo bu kun i. ¹⁶ Nyini ti, m má bu fin i ŋgbere na m yáki i na i kɔ.” [¹⁷ Afɔ kere afɔ, Butara cɛenkpiri n nya ba juuri ni, wɔ yo daka ka Gomina Pilato yi dansaraka n kun ji.] ¹⁸ Ama, na jama n kere atien kungerekun ase ka, “Yi ahin sɔnɔ ni ŋɔɔ, na a yi Barabasi ma ya.” ¹⁹ Yiri Barabasi ni i beŋgu ketemafo nbem yo kpɛɛri jɔre, Yerusalem miɛ kpiri n nu, na ba di aluwa na ba kun mine. Nyini ti ye bu taraari i dansaraka n a.

²⁰ Gomina Pilato koroori ka i yaki Yesu nu ji n dɛɛ ti, na wɔ kaaki ajojo jama n dɔ bekun. ²¹ Ama, na bu sutientien suse ka, “Kpama i baka jaanu n su na i wu. Kpama i.” ²² Na wɔ kaaki ase bu kpe nsa su ka, “Ye nzu satie ye wɔ yo i a? Mini aŋu má satie be bo wɔ yo i na bu kun i. M má bu fin i ŋgbere wɔ, na m yáki i na i kɔ.” ²³ Ama, na ba kaaki atien kpa amie i ka i kpama Yesu baka jaanu n su. Na bu nanmie yoowa agaya n akunma Gomina Pilato. ²⁴ Na wɔ ma nɔɔ ka bu yo Yesu kabo minem koro ni. ²⁵ Na wɔ yi sɔnɔ n bo minem n koroori i n aji, yiri bo i kpiniiri jɔre na i kuunri minem na bu nyiiri i dansaraka ni. Ama, Yesu yiri, na wɔ ma bu nɔɔ ka bu kun i, kabo Yudafom koro ni.

Kabo bu kpamaari Yesu baka jaanu n su ni

²⁶ Na sojam n afa Yesu afite, na sanja bo bu wo kɔ su ni, na bu ni bie be aye, bu fere i ka Simon, i ti Sirenefo ɔ. I fite aheme suba miɛ kunnu, na sojam n amie i ka i sɔ baka jaanu n su Yesu su. ²⁷ Na jama beberebe asu i su, bu nbem ti nbaram wɔ, na bu susun, na bu sukoko, i dɛɛ ti. ²⁸ Na Yesu ace anie bu, na wɔ se bu ka, “Yerusalem nbaram, má am sun mini dɛɛ ti, ama, am sun amberɛ ni am nbaam dɛɛ ti.” ²⁹ Am ti fen, sanja ni suba bo minem bá se ka, ‘Terefie wɔ nɔɔkam n dɔ, ni bo bu nya wu má nbaam ni, ni bo nbaam nya nu má bu nyufini ni.’

³⁰ Nyini sanja n ye minem sé ka,
 ‘Nzen má bukam bereki go ya ŋu,
 na kperem kata ya ŋu,
 má i ti ye.’

³¹ Nzen bu faari baka mone wuraari sin nu na i jeeri, ye baka wuruuwa yiri yó se wɔ lɛɛ?”

³² Na ba fa satieyofɔ nnyɔ nbem gusu akɔ ka bu kɔ kun bu ni Yesu kere. ³³ Sanja bo bu kɔ juuri dika be bo bu fere i ka Tereawa woobiri ni, na ba kpama Yesu baka jaanu n su, na ba ye i su ajina. Na ba kpama satieyofɔ nnyɔ nbem baka jaanu n su adodo i, bu kpamaari kun i saa fombɔɔ su wɔ, na ba kpama kun n gusu i saa bie su. ³⁴ Na Yesu ase ka, “M Si Nyeme, fa bu satie ce bu, dama bu si má sa n bo bu suyo i ni.” Na ba tu mbaa na bu si kabo bu kpaaki i suturam nu. ³⁵ Na minem n ajina dɔ sunie i, na Yudafom tereterefom mmɔɔ ayo i anzasi. Bu ŋa, “I ŋa i koro de minem tii ji. Nzen yiri ti Kristo Tiidefo n bo Nyeme ayi i ni, ma i de i ŋu tii ji.” ³⁶ Na sojam n gusu ayo i anzasi, na ba fa nzan gagaraki be ama i ka i nu, ³⁷ na ba se ka, “Nzen wɔɔɔ ti Yudafom Feme n a, de u tii ji.” ³⁸ Na ba kere kereewa be abo akpama i baka jaanu n tii su, kereewa n la ka, “Yudafom Feme n lɛɛ.”

³⁹ Na satieyofɔ nnyɔm bo bu sanɔa kpamaari bu ni Yesu ni, bu nu kun atɔ i ŋu ni nzuko, i ŋa, “Má wɔɔ ti Kristo Tiidefo n a? De u tii ji na a de yeɛ gusu ji.” ⁴⁰ Ama, na nyinga n ajaraki i, i ŋa, “A soro má Nyeme wɔ? M ŋa ya dɛɛ suicin ni i dɛɛ n kɛɛ ti kun wɔ. ⁴¹ Ya dɛɛ suicin n yiri, i ti deke bo ya de i wɔ, dama kabo i ti ye ni ka bu yo ya lɛɛ, ama, yiri ado má ŋgasi be.” ⁴² Na wɔ kaaki ase ka, “Yesu, a ba baari ni u fɛmɛya ni, tɛŋge m su.” ⁴³ Na Yesu ase i ka, “Nahɔɛ ye m suse u n a, nyuma dɛɛ cɛɛn n nu, a bá wo m dɔ alezanda nu.”

Kabo Yesu wuuri ni

⁴⁴⁻⁴⁵ Na fa kɔ wiesu kerefi buru ni nnyɔ sanɔa, wie n afite má na awosin akata asien n kɛɛ su haari naaso kerefi nɛn, na tani bambaka n bo bu fa kanda kpaakiiri Soɔ Casi n bo i wo Nyeme Sereebiri Awuru n nu n ati nu nnyɔ, i afien. ⁴⁶ Na Yesu abo awie kpa, i ŋa, “M Si Nyeme, ma fa m ŋu awura u saa nu.” I seeri sɔ wieeri n na wɔ yo Nyeme dɛɛ. ⁴⁷ Sanɔa bo soja kpɛn ŋuuri sa n bo wɔ yo sɔ ni, na wɔ kansɔ Nyeme, na wɔ se ka, “Nahɔɛ su, ahin sɔnɔ n tiiri sɔnɔ fofoe wɔ.” ⁴⁸ Na minɛm kɛɛ bo ba tien bu nɔɔ jina wo i niɛ su ni, sanɔa bo bu ŋuuri sa n bo wɔ yo n sɔ ni, na bu kɛɛ afa bu saa ataka i beŋgu nu, na ba kpɛ bu nyi akɔ awuru. ⁴⁹ Na Yesu danfom n kɛɛ, ni nbaram bo bu suuri i su fiteeri Galili awɔɛ n nu ni, ajina dede kaan suniɛ sam n kɛɛ bo bu yoori ni.

Kabo bu yoori Yesu sutura barasu ni

⁵⁰ Sɔnɔ be woori bɛɛ, bu fere i ka Yosefu, i ti Yudafom tereterefom nu kun wɔ, na i ti sɔnɔ kpa, na i yo sa bo i kɔ atin su Nyeme dɔ. ⁵¹ Wɔ soro má su ni sunsunni n bo i beŋgum faari i na bu yoori Yesu barasu ni. I fite miɛ kpɛri n bo bu fere i ka Aramatiya na i wo Yudiya awɔɛ nu n wɔ, na i dɛɛ la ka, i ŋminda wɔ, fa kɔ sanɔa bo Nyeme Feme bá niɛ i minɛm su. ⁵² Na wɔ kɔ Gomina Pilato dɔ, na wɔ kɔ asere i ka i fa Yesu ŋunie n ma i. ⁵³ Na wɔ kɔ ayi fuin ni baka jaanu n su, na wɔ fa nzee n apɔndi i. Na wɔ kɔ afa i awura yabue bue bo ba lokoti i ayo i fanɔunma n nu na ba nya ase má sɔnɔ be nu ni, na wɔ fa i ase nu. ⁵⁴ Nyini cɛɛn n tiiri Ŋumiya cɛɛn n kpokpo cɛɛn wɔ, i naaso, wɔ ka kaan na bu di Ŋumiya cɛɛn ni.

⁵⁵ Nbaram bo bu suuri Yesu su fiteeri Galili awɔɛ n nu ni, bɛɛ suuri Yosefu su, na ba kɔ aŋu yabue bue fanɔunma ni, ni kabo bu seeri fuin n barasu.

⁵⁶ Na ba kpɛ bu nyi akɔ awuru ka bu kɔ kpa bu ŋu ni ŋguin nvananim ni tulaalɛm. Na alecin Ŋumiya cɛɛn ni, na ba yi bu ŋumi kabo Nyeme maari Moyisi nɔɔ ka bu yo ni.

24

Kabo Yesu tɛŋgeeri i yiwee n nu ni

¹ Na alecin, Yudafom bakue n bumboori, mɔnɛ cɛɛn ŋgarama fuun, na nbaram n afa tulaalɛ nvanvani bo ba kpini ase ni, na ba fa akɔ yabue bue fanɔunma n su. ² Bu kɔ juuri dɔ n na ba ŋu ka yabue bambaka n akundu ayaki fanɔunma n anɔ ni. ³ Ama, bu wuraari fanɔunma n nu ni, ba ŋu má Mibiɛ Yesu ŋunie ni, ⁴ na ba miɛ aka ajina gbirim, kpeŋga na ba ŋu ka nbiesom nnyɔ jina, bu wura sutura fofoe papasi. ⁵ Na sɛɛɛ ati nbaram n agaya, na ba biri bu tii haari asiɛŋgu,

na minem n abisa bu ka, “Nzu ti ye am sunienie fuinm nu na am nju sɔnɔ bo i la ngɔɔ a? ⁶ I wo má fɛn. Wɔ tenge i yiwee n nu. Am tenge su kabo i yo seeri am ni, sanɔa bo i yo wo Galili awɔre n nu ni, ⁷ i nɔa, ‘Wɔ yo daka ka bu bá fa mini Adamande Wa n wura satieyofɔm saa nu, na bu kpáma m baka jaanu n su, ama, na lesan cɛen na m téngge m yiwee n nu.’” ⁸ Dɔ na ba tenge Yesu nɔanie bo i yo seeri bu n su, ⁹ na ba fite faɔkunma n nu, na ba kpie bu nyi akɔ akan sam n kere bo ba nju i ni, akere i susufɔ buru ni kunm ni, ni nyingam kere. ¹⁰ Nbaram ni la Mariya bo i fite Magadala mie n nu ni, ni Yowana, ni Yakobo dɛɛ ni Mariya, ni bu benɔu nbara nbem, bere kaanri nyini sam n kere kereeri i jaramasam n a. ¹¹ Ama, bu tiiri jɔre n bo nbaram kan kereeri bu ni, bu sunsuunri ka i ti jɔre ngbɛen wɔ, ba yo má yarada. ¹² Ama, na Petoro ayasu aɔmati akɔ faɔkunma n nu, i kɔ juuri n na wɔ kasi anie faɔkunma n nu, wɔ nju má pui, má ka nzee n ngumi da. Na wɔ kpie i nyi aba awuru, na wɔ birisi fa kɔ sa n bo wɔ yo n su.

Kabo Yesu faari i nju kereeri i susufɔ nnyɔm barasu ni

¹³ Nyini cɛen ni, na Yesu susufɔ nbem sukɔ mie kaan be bo bu fere i ka Emɔsi n su, i ni Yerusalem mie kpiri n waari má agaya. ¹⁴ Bu wo kɔ su ni, na bu subo anzama fa kɔ sa n kere bo wɔ yo n su. ¹⁵ Bu nati wo nyini anzama n bo su ni akuruwa ni, na Yesu ni i tii aba atu bu atin nu, ¹⁶ na ba nju i, ama, ba koro asi má ka yiri lɛɛ. ¹⁷ Na wɔ bisa bu ka, “Am wo natiiri n su atin n nu ni, am boori nzu anzama n a?” Na ba ka ajina gbirim ni ahoresaaki. ¹⁸ Na bu nu kun be bo bu fere i ka Kelɔpasi n abɔ i nu ka, “I yo se ye wɔfɔm kere bo bu wo Yerusalem mie kpiri n nu n si sam bo ba yo nyini lennyɔ n nu bere, ye wɔrɔ ngumi si má?” ¹⁹ Na wɔ bisa bu ka, “Nzu sam?” Na ba bɔ i nu ka, “Yesu Nazaretifo n jɔre. I yo tiiri Nyeme nɔanie kanfɔ bo i la yiko wɔ, fa kɔ i alekutura sam ni i kereewam su, na i sayoowam sun Nyeme ni minem n kere nu. ²⁰ Na Nyeme sayoowa dɔnguyofɔ nkpienkpienm ni tereterefɔm n ama ba di i jɔre ka bu kun i, na ba kpama i baka jaanu n su. ²¹ Ama, yere yo laari tama ka yiri ye wɔ ba ka i bá de Yisarelifɔm tii ji a. Deke bo i buka nyinim kere su n la ka, nyini sam kere yoori, i nyuma lesan lɛɛ. ²² Haari ni nyini n mmɔɔ, ya nbaram nbem ba kaanri alekutura jɔre be kereeri ya. Bu kɔɔri yabue buɛ faɔkunma n nu wɔ ngarama fuun, ²³ ama, ba nju má fuin n dɔ. Bu kpieeri bu nyi ba juuri ni, na ba se ya ka, bu kɔ njuuri Nyeme merekem ka alele nu wɔ, faɔkunma n nu, na ba se bu ka i la ngɔɔ. ²⁴ Na ya nu nbem gusu akɔ faɔkunma n nu, bu kɔ njuuri deke n kere sɔ ɔ, kabo nbaram seeri ni, ama, ba nju má yiri.”

²⁵ Na Yesu ase bu ka, “Ambere, ngɔnle akpie am su wɔ, nzen se, ye dada kere am nya yo má yarada, fa kɔ jɔre n kere bo Nyeme nɔanie kanfɔm jɔjɔri n su? ²⁶ Am si má ka wɔ yo daka ka Kristo Tiidefɔ n di nyini wahara n kere ka, na Nyeme wura i kpiri?” ²⁷ I seeri sɔ n na wɔ kan i njuu jɔre akere bu, kabo ba kere i Nyeme Jɔre Kadasi n kere nu ni, i boori i bu ni Moyisi dɛɛ kereewam wɔ, na wɔ nya akan kabo Nyeme nɔanie kanfɔm kere kereeri ni.

²⁸ Bu ba kɔ suju mie n bo bu sukɔ su ni, na Yesu ayo ka yiri susin kɔ mɔ, ²⁹ ama, na ba sere i ni anyumboro, na ba se i ka, “Ba yo ya wɔfɔ. Wie atɔ, ale susan lɛɛ.” Nyini ti, na wɔ wura awuru n nu ka i da bu dɔ. ³⁰ Sanga bo i tanaari na bu kere di diire n ni, na wɔ fa kpɔnɔ, na wɔ

da Nyeme asi, na wo bubu i nu afa ama bu. ³¹ Do na bu nyunu ateke i nu, na ba si i, kpennga na wo mini ayaki bu. ³² Na ba se bu benngu ka, “Sanga bo i jooori ya do atin n nu na i kaanri Nyeme Jore Kadasi n bu kereeri ya ni, i maari ya ahorejo ko sin su wo, ma so?”

³³ Na ba kaba ayasu bere akpie bu nyi ako Yerusalem mie kpiri n nu, na ba ko anu ka i susufo buru ni kunm ni, ni nyingam n atien bu noo, ³⁴ bu suse ka, “Ya Mibie n atenge nahore su. Wo yi i nu akere Simon.” ³⁵ Na susufo nnyom n akan sa n bo i yoori atin n nu do ni, ni kabo bu siiri ka yiri ni, sanga bo i bubuuri kpono n nu maari bu ni.

Kabo Yesu yiiri i nu kereeri i susufom ni

³⁶ Sanga bo susufo nnyom n wo jore n kan su so ni, na Yesu ni i tii akaba aba ajina bu afien, na wo se bu ka, “Nyeme ma am ahoreda.” ³⁷ Na sere ati bu agaya, dama bu sunsun ka nuni ye ba nu i a. ³⁸ Na wo bisa bu ka, “Nzu deke mie am a? Nzu ti ye am yo sika? ³⁹ Am nie m saam ni m jaam, mini ni m tii lee. Am fa am saa kan m na am nie, nuni la ma anuniembaa ni buwem kabo am nu ka m la i ni.” ⁴⁰ I seeri so wieeri n na wo fa i saam ni i jaam deke bo bu boori i bulaari n afa akere bu. ⁴¹ I yoori bu alekutura na bu ahore jo ko siinri su ni, haari ni nyini n kere, ba koro ayo ma yarada. Do na wo bisa bu ka, “Am la diire be fen bo am di?” ⁴² Na ba fa jombaa n bo ba tun i n be ama i, ⁴³ na wo de akpese bu nyumbaa nu bere.

⁴⁴ Na wo se bu ka, “Ahin noniem bo m yo jooori bu sanga bo m toko wo am do n lee, ka, wo yo daka ka m nusu jore kere yo yiiwa, kabo ba kere i Nyeme nonie kpamaawa n bo i fa maari Moyisi dee kadasi n nu, ni Nyeme nonie kanfom dee n nu, ni kansu jue kerewam n nu ni.” ⁴⁵ Na wo teke bu nyi na bu si Nyeme Jore Kadasi n bu, ⁴⁶ na wo se bu ka, “Kabo ba kere i Nyeme Jore Kadasi n nu n lee, ka, Kristo Tiidefo ni ba di wahara, na bu kun i, na lesan ceen na i tenge i yiwee n nu. ⁴⁷ Bu bo i bu Yerusalem mie kpiri n nu wo, na bu kan labari kpa n jore i duma nu kere daanfie kere, ka, bu kaaki bu wo na Nyeme fa bu satie ce bu. ⁴⁸ Ambere di nyini sam daani a. ⁴⁹ Am ti fen, mini ba sunma aceeri n bo m Si Nyeme seeri ka i fa ma am, na i ba wura am nu n a. Ama, ambere nminda mie n kunnu fen, haari sanga bo yiko ni ba fite angoro ba wura am nu.”

Kabo Nyeme ma Yesu fun kooori angoro barasu ni

⁵⁰ Na wo fa bu afite mie n kunnu ako aju Betani mie n aheme, do na wo ye i saa su na wo yo kisi ago bu nu. ⁵¹ I wo bu kisi n yo su so ni, na wo yaki bu, na Nyeme ama wo fun ako angoro. ⁵² Na ba kutu asu i, na ba kpie bu nyi ako Yerusalem mie kpiri n nu ni ahorejo bambaka. ⁵³ Na ba ko awo Nyeme Sereebiri Awuru n nu sukansi Nyeme sanga kere.

Labari kpa n bo YOHANE akere i ni

Yesu ti Nɔ́anie n bo i ma ηḡḡ n a

¹ Kana Nyeme ba yi durunya ni, be woori bere bo bu fere i ka Nɔ́anie. I ni Nyeme woori bere a. Yiri Nɔ́anie ni ti Nyeme a. ² Fite i bumboori n kere, yiri ni Nyeme wo bere a. ³ Na Nyeme ama Nɔ́anie n ayi deke n kere. Deke be wo má bere bo wɔ yi má i. ⁴ Nḡḡ fite yiri Nɔ́anie ni dɔ a. Nyini ηḡḡ ni fa wein ba tekeeri adamande nyi a. ⁵ Na wein n aje awosin nu, na awosin n akoro akunma má wein ni.

⁶ Nyeme yo sunmaari sɔ́ɔ be, bu fere i ka Yohane. ⁷ I baari ka i ba di nyini wein n daani wɔ, na i kan i jɔ́re kere minem, adena sɔ́ɔ kere bo i tiiri kabo i kan ni, na bu daari nyini wein n ηu. ⁸ Yohane n mmɔ́ ni i tii yo ti má wein ni, ama, i baari ka i ba di wein n daani wɔ. ⁹ Nyini wein ni ti wein nahɔ́re su n a, bo wɔ ba durunya n nu, na i teke adamande kere nyi.

¹⁰ Yiri n bo bu fere i ka Nɔ́anie n yo woori durunya n nu wɔ, Nyeme faari yiri yiiri durunya n a, haari ni nyini n kere mmɔ́, durunya n nufɔ́m asi má i. ¹¹ Na wɔ ba i tienḡu dɛɛ asien n su minem dɔ, na ba kete ka bu de má i. ¹² Ama, na minem kere bo bu deeri i, na bu daari i ηu ni, na wɔ ma bu atin ka bu kaaki Nyeme nbaam. ¹³ Bu Nyeme nbaa kaakiiwam n ti má ka bu wu bu ni adamande mbunja a, nzen má nyini, i ti má ka biesɔ́ ni bara sangá a ye bu wu bu a, ama, Nyeme ni i tii, ti bu Si a.

¹⁴ Na yiri Nɔ́anie n akaaki adamande aba awo ya dɔ. Ahɔ́roma ni nahɔ́re wo i dɔ beberebe. Ya ηu i jirima woowa ni, nyini jirima woowa n ye Nyeme afa ama i Wa kun n kpein n a.

¹⁵ Yohane diiri i daani kereeri minem, na wɔ tien ase ka, “Nyini sɔ́ɔ n bo m yo seeri am ka i wo m sin suba na i tara m fieo n lɛɛ, dama kana bu ba wuuri m ni, yiri wo bere wɔ.”

¹⁶ I ahɔ́roma beberebe n dɛɛ ti, ye ya di i ahɔ́roma, na ya toko di i buka su. ¹⁷ Nyeme yo faari i nɔ́anie kpamaawa ni maari Moyisi ka i fa kere Yisarelifɔ́m, ama, Yesu Kristo aba ka i ba kere ya kabo Nyeme ahɔ́roma n ni i nahɔ́re n ti barasu wɔ. ¹⁸ Be nya ηu má Nyeme, má ka i Wa kun n kpein n bo i ni i Si Nyeme n ti kun ni, na i wo Nyeme dɔ ni, yiri ye wɔ kere ya kabo Nyeme ti a.

Yohane Nyeme Nzue Biefɔ́ n daani diiwa ni

¹⁹ Ahin ti daani diiwa n bo Yohane yo diiri i, sangá bo Yudafóm nkpienkpienm n bo bu wo Yerusalem miɛ kpiri n nu n sunmaari Nyeme sayoowa dɔ́ḡguyofɔ́m ni bu bukafɔ́m ka bu kɔ bisa Yohane ka, “Wɔ́ɔ la ηma a?” ²⁰ Yohane afie má bu jɔ́re be su, na wɔ kan i kere kpain akere bu. I ηa, “Má mini ti Kristo ni, Tiidefɔ́ n bo Nyeme ηa i súnma i n a.” ²¹ Na ba bisa i bekun ka, “Ye wɔ́ɔ la ηma a? Wɔ́ɔ ti Nyeme nɔ́anie kanfɔ́ Eliya n a?” Na wɔ se bu ka, “Má yiri la mini.” Na ba kaaki abisa i ka, “Wɔ́ɔ ti Nyeme nɔ́anie kanfɔ́ n a?” I ηa, “Ai.” ²² Na ba sa su abisa i ka, “Ye wɔ́ɔ la ηma a? Ma ya nɔ́anie na ya kɔ

se bo bu sunmaari ya ni. Wɔrɔ ɲa, wɔrɔ la ɲma tenle su a?" ²³ Na wo se bu ka, "Sɔnɔ n bo Nyeme noanie kanfɔ Esaya yo kerɛeri i jɔre ka i bá subo ndoori boro kpantain nu n ka, 'Am yo Mibiɛ n atin n dɔŋgu.'

Yiri la mini."

²⁴ Minem bo bu bisaari Yohane bisaawa ni, Farasifom bo bu ti Yuda-fom asese be ni sunmaari bu a. ²⁵ Na ba kaaki abisa i ka, "A ɲa a ti má Kristo Tiidefɔ ni, a kaaki ti má Eliya, na a kaaki ti má Nyeme noanie kanfɔ n ni, ye nzu ti ye a bie minem Nyeme nzue a?" ²⁶ Na wo bo bu nu ka, "Mini bie minem Nyeme nzue wo. Ama, sɔnɔ be wo am nu fen bo amberɛ si má i. ²⁷ I wo m sin suba, m ti kaan ni bo m dodo i mmɔɔ." ²⁸ Ahin sa n kere yo yoori mie n bo bu fere i ka Betani n nu wo, i wo Yodan kunma n wie afiiri, deke bo Yohane yo bieeri minem Nyeme nzue n wo.

Kabo Yohane ɲa Yesu ti Nyeme bombaa ni

²⁹ Alecin fɔfɔre na Yohane aɲu ka Yesu suba i dɔ, na wo se ka, "Am nie, Nyeme bombaa n bo wo ba ka i ba yi durunya n nufom satie n lɛɛ. ³⁰ Yiri, ye m yo seeri am ka sɔnɔ n bo i wo m sin suba na i tara m fieo n lɛɛ, dama i yo woori bere wo ka, ye bu wuuri m a, yiri lɛɛ. ³¹ Mini mmɔɔ ni m tii yo si má i, m dɛɛ la ka m bie minem Nyeme nzue wo, adena amberɛ Yisarelifom si i." ³² Na Yohane adi daani ase minem ka, "Ma ɲu ka Nyeme Awiewie Casi n afite aɲgoro ajura ka tiiwa dɛɛ su aba atana i ɲu, na wo wo i dɔ. ³³ Mini mmɔɔ ni m tii yo si má i, ama, Nyeme bo i sunmaari m ka m ba bie mine Nyeme nzue ni, yiri seeri m ka, 'A bá ɲu ka m Awiewie ni júra ba tana sɔnɔ be ɲu, na i wó i dɔ, yiri má m Awiewie Casi n ba wura minem ɲu a.' ³⁴ Ma ɲu i sɔ ye m sudi daani kere mine a, ka yiri ti Nyeme Wa n nahore su a."

Mine n bo bu du mɔ yoori Yesu susufom ni

³⁵ Na alecin fɔfɔre bekun na Yohane ni i susufom ni nnyɔ jina. ³⁶ Na wo nie aɲu ka Yesu wo natiiri su susin, na wo se ka, "Am nie, Nyeme Bombaa n lɛɛ." ³⁷ I susufɔ nnyom n tiiri sɔ n na ba kɔ asu Yesu su. ³⁸ Na Yesu akaaki anie aɲu ka bu susu i su, na wo bisa bu ka, "Am koro nzu wo?" Na ba bisa i ka, "Rabi, a da ni wo?" Rabi bu la ka, ya Kerefɔ. ³⁹ Na wo se bu ka, "Am bra na am ba nie." Nyini sanɲa ni, naaso kerefi nna abo, na ba su i su, na ba kɔ aɲu deke bo i wo ni. Na ba ka i dɔ nyini cɛɛn ni. ⁴⁰ Nyini mine n nnyom n bo bu yo tiiri kabo Yohane seeri n na bu suuri Yesu su ni, bu nu kun ye bu fere i ka Andere n a, bo i ɲɔrɔ la Simon Peto ni. ⁴¹ Nyini sin na Andere akɔ aɲu i ɲɔrɔ Simon, na wo se i ka, "Ya ɲu Mesaya ni." Mesaya bu la ka Kristo, Tiidefɔ n bo Nyeme ase ka i súnma i ni. ⁴² Na wo fa i aba Yesu dɔ. Na Yesu anie i nyunu, na wo se i ka, "Bu fere u ka Simon wo, wɔrɔ ti Yohane wa n a, ama, bu bá fere u ka Kefasi." I bu la ka yabue, i ni Peto kere ti duma kun wo.

Kabo Yesu fereeri Filipu ni Natanieli ka bu su i su ni

⁴³ Alecin fɔfɔre na Yesu ayasu ka i kɔ Galili dɛɛ awɔre n nu. Na wo kɔ aɲu sɔnɔ be bo bu fere i ka Filipu ni, na wo se i ka, "Ba su m su." ⁴⁴ Filipu bɔsu la mie be bo bu fere i ka Besayida n wo. I ni Andere ni Peto kere fite mie kun su wo. ⁴⁵ Na Filipu gusu akɔ aɲu sɔnɔ be bo bu fere i ka Natanieli, na wo se i ka, "Ya ɲu sɔnɔ n bo Moyisi

yo kerɛeri i jɔrɛ Nyɛmɛ nɔaniɛ kpamaawa kadasi n nu ni, na Nyɛmɛ nɔaniɛ kanfɔm gusu yo kerɛeri i jɔrɛ bu dɛɛ kadasi n nu ni. Yiri la Yesu n bo i fite Nazareti ni, na i si la sɔnɔ be bo bu fere i ka Yosefu ni.”⁴⁶ Na Natanieli abisa i ka, “Deke kpa koro fite Nazareti dɛɛ miɛ n gusu nu?” Na Filipu ase i ka, “Bra na a ba niɛ.”⁴⁷ Nyini sanɔa na Yesu anɔ ka Natanieli suba i dɔ, na wɔ se ka, “Ahin sɔnɔ n ti Yisarelifo baa a nahɔrɛ su, bo sa be wo má i ɲu.”⁴⁸ Na Natanieli abisa i ka, “A yo se siiri m a?” Na Yesu abɔ i nu ka, “M ɲuuri u sanɔa bo a toko tana damba baka n bu n wɔ, nyini sin ye Filipu fereeri u n a.”⁴⁹ Na Natanieli ase i ka, “Ya Kerefɔ, worɔ ti Nyɛmɛ Wa n a, nahɔrɛ su. Wɔrɔ ti Yisarelifom Feme n a.”⁵⁰ Na Yesu ase i ka, “Bo ma se u ka m ɲuuri u damba baka n bu n ti ye a yo m yarada, nzen se? A bá ɲu alekutura sam bo bu tara sɔ.”⁵¹ Nahɔrɛ ye m suse am a. Am bá ɲu kabo anɔoro bá teke na Nyɛmɛ merɛkem bá sufun kɔ anɔoro, na bu bá sujura ba mini Adamande Wa n dɔ.”

2

Kabo Yesu kɔri konyaya be Kana miɛ kpiri n nu ni

¹ Nyini sin, i lesan cɛɛn na konyaya be awo Kana, miɛ kpiri n bo i wo Galili awɔrɛ n nu ni. Na Yesu ni gusu akɔ konyaya n nu. ² Na ba fere Yesu ni i susufɔm n ka bu gusu ba di konyaya n be. ³ Sanɔa bo konyayafɔm nzan n ba kpiɛeri bu su ni, na Yesu ni aba ase i ka, “Bu nzan n awie.” ⁴ Na Yesu abɔ i nu ka, “M ni, ye a ɲa m yo se wɔ? M sanɔa nya ju má.” ⁵ Na i ni ase awurunbaam n ka, “Am yo deke kerɛ bo i se am.”

⁶ Nyini dika n nu, yabue cunɔu nsen jina bɛrɛ, bo i kun kun kerɛ koro de nzue ganɔa nnu wara nsen. Yudafɔm la bu yoowa be, bu fa nyini cunɔum n nu nzue ni, ye bu bita ɲmisi bu fin a. ⁷ Na Yesu ase awurunbaam n ka, “Am sa nzue gɔ cunɔum n nu na bu yi.” Na ba gɔ i kerɛ nzue na ba yi. ⁸ Na Yesu akaaki ase bu ka, “Kisa am sa be kɔ ma konyafan danfo ni.” Na ba sa be akɔ ama i. ⁹ Bu sa kɔ maari i ni, na nzue n akaaki nzan. Na wɔ fa akan i nɔɔ. Wɔ si má deke bo nyini nzan n fite. Ama, awurunbaam bo bu saari nzue ni, bɛrɛ si deke bo i fite. Na wɔ fere konyafan ni, ¹⁰ ase i ka, “Sɔnɔ kerɛ nya ɲa bu ma nzan, bu du mɔ fa nzan fiefie n ma jama n a ka, na ba nya aba anu abo ni, na bu nya fa bo i yo má fie n ma bu, ama, wɔrɔ, a fa bo i yo fie n aka sin a.” ¹¹ Kabo Yesu maari nzue kaaki nzan ni, nyini tiiri i ciciri su dɛɛ alekutura sa. I yoori nyini sa n Kana, bo i wo Galili awɔrɛ n nu n wɔ, na i kerɛ kabo i la yiko n bo i fite Nyɛmɛ dɔ, na i susufɔm n ayo i yarada.

¹² Nyini sin, na i ni i ni, ni i niemam, ni i susufɔm n akɔ miɛ kpiri n bo bu fere i ka Kapenam, na ba kɔ ayo lennyɔ dɔ.

Kabo Yesu fɔnri watafɔm fiteeri Nyɛmɛ Sereebiri Awuru n nu ni

¹³ Wɔ ka kaan na Yudafɔm di bu cɛɛnkpiri n bo bu fere i ka Butara cɛɛnkpiri ni. Na Yesu akɔ Yerusalem miɛ kpiri n nu. ¹⁴ Na wɔ kɔ awura Nyɛmɛ Sereebiri Awuru n nu anɔ ka mine wo dɔ sutɔ naanim, ni nbɔɛm, ni bumbuku tiwam, na ɲwaa kaakifɔm gusu tana dɔ. ¹⁵ Na wɔ fa nyama anɔ i ka ɲgbere dɛɛ su, na wɔ fa afɔn ayi nbɔɛm n ni naanim n kerɛ afite Nyɛmɛ Sereebiri Awuru n nu. Na wɔ sandi ɲwaa kaakifɔm ɲwaa n kerɛ abutu, na wɔ nya akaaki bu teebirim

kere alanlanga. ¹⁶ Na wɔ se minem bo bu tɔ bumbuku tiwam n ka, “Am fa am bumbukum n fite fen. Má am se ka am fa m Si Nyeme Sereebiri Awuru n yo go kun.”

¹⁷ Na i susufom n aba atenge su ka ba kere i Nyeme Jɔre Kadasi n nu ka, “M Nyeme Feme, m nyunu aboro u awuru n jɔre su, nyini kún m a.” ¹⁸ Na Yudafo nkpienm abisa i ka, “A yó nzu alekutura sa bo i kere ya ka a la atin bo a yo sɔ a?” ¹⁹ Na Yesu ase bu ka, “Am bo fufu ahin Nyeme Sereebiri Awuru ni, na lesan afien m káaki ta i bekun.” ²⁰ Na ba se i ka, “Afo aburana ni nsen ye bu fa taari ahin Nyeme Sereebiri Awuru n a. I yo se ye wɔɔ ba se ka a káaki ta i lesan afien a?” ²¹ I yo kaanri sɔ ni, i faari i nuniembaa ni fa sunsun Nyeme Sereebiri Awuru n a. ²² Na sanɔ ba bo i ba wu tengeeri i yiwee n nu ni, na i susufom n atenge su ka i yo seeri sɔ, na ba de noanie n bo ba kere i Nyeme Jɔre Kadasi n nu ni, na ba yo Yesu jɔɔwa n yarada.

Yesu si kabo adamande woowa ti barasu

²³ Sanɔ ba bo i wo Yerusalem na bu sudi Butara ceenkpiri ni, i yoori alekutura sam, na mine donɔ anu i, na ba yo i yarada. ²⁴ Ama, yiri afa má i nɔ agɔ má bu nɔ, dama i si kabo adamande woowa ti. ²⁵ Má pui ti, yiri mmɔ ni i tii si kabo adamande ahore su ti barasu, má be se i a.

3

Kabo Yesu kaanri Nyeme jɔre kereeri Nikodemo ni

¹⁻² Ceen be kɔngue sɔ ɔ, na Yudafo m kpien be aba Yesu dɔ, bu fere i ka Nikodemo. I ti Farasifom ni kun be wɔ. Na wɔ se Yesu ka, “Ya Kerefɔ, ya si ka a ti kerefɔ n bo a fite Nyeme dɔ ɔ, dama be koro yo má alekutura sa bo a yo bu ni, má ka Nyeme wo i mi dɔ.” ³ Na Yesu ase i ka, “Nahɔre ye m suse u a. Sɔnɔ koro fa má Nyeme yo má i feme, má ka ba wu i fɔfɔre.” ⁴ Na Nikodemo abisa i ka, “Sɔnɔ nyunu ati, bu yo se koro kaaki wu i fɔfɔre a? I koro kaaki wura i ni kunnu na bu wu i bekun?” ⁵ Na Yesu ase i ka, “Nahɔre ye m suse u a, sɔnɔ koro wura má Nyeme femeya n nu, má ka ba wu i fɔfɔre fa kɔ nzue bieewa ni Awiewie Casi n dɛe atin n su. ⁶ Deke bo adamande awu i, i ti adamande wɔ, na deke bo Awiewie Casi n awu i, i ti awiewie wɔ. ⁷ Má a ma i yo u alekutura fa kɔ kabo ma se u ka wɔ yo daka ka bu wu am fɔfɔre ni. ⁸ Sanɔ kere a ti ka anuma kpiɛ kɔ ɔ, ye a ti i nahmie nɔga a, ama, a si má deke bo i fite, na a kaaki si má deke bo i sukɔ, nyini ti, sɔnɔ kere bo Awiewie Casi n awu i ti sɔ ɔ.”

⁹ Na Nikodemo abisa Yesu ka, “I yo se ye ahin koro yo a?” ¹⁰ Na Yesu akaaki abisa i ka, “Wɔɔ bo a kere Yisarelifom Nyeme noanie n na bu nyunu yi u ni, i yo se ye a si má ahin n a? ¹¹ Nahɔre ye m suse u a, sa bo ya si i, ye ya jɔɔ i jɔre a, na sa bo ya nyumbaa anu i, ye ya di i daani kere minem a, ama, am akete ya daani diiwa ni. ¹² M suse am sam bo bu wo durunya n nu fen wɔ lɛɛ, ama, am sude má i, ye m ba seeri am sam bo bu wo Nyeme femeya n nu, am yó se de i a? ¹³ Be nya fun má Nyeme dɔ, má ka mini Adamande Wa n bo m woori i dɔ na ma jura aba ni. ¹⁴ Kabo Moyisi yo faari jawii yoori i ka woo dɛe su n na i fa i bara yeeri baka n na i yeeri i su kpamaari boro kpantain n nu ni, wɔ yo daka ka sɔ ye minem bá ye mini Adamande Wa n su a. ¹⁵ Na sɔnɔ kere bo i yoori m yarada, i nyá nɔɔ bo i la má awieeri ni.”

¹⁶ Nyeme akoro durunya n nufom agaya n deɛ ti, na wo fa i kunnu Wa kun n kpein n afa ama bu, adena sonɔ kere bo i yo i yarada, i mi ka má ngbɛɛn, ama, i nya ngɔɔ bo i la má awieeri ni. ¹⁷ Nyeme asunma má i Wa n durunya n nu ka i ba di bu jɔɛ cin bu sui wo, ama, wo sunma i ka i ba de bu tii ji wo. ¹⁸ Sonɔ kere bo i daafiiri Nyeme Wa n ɲu, Nyeme dí má i mi n jɔɛ, ama, sonɔ kere bo wo da má i ɲu, Nyeme adu mo adi i jɔɛ ka, dama ka wo da má Nyeme Wa kun n kpein n ɲu n deɛ ti. ¹⁹ Kabo Nyeme di bu jɔɛ n la ka, wein n aba durunya n nufom do, ama, bu satie yoowa n deɛ ti, ba koro awosin n atara wein ni. ²⁰ Sonɔ kere bo i yo satie kpɔ wein n wo, i koro má ka i ko wein n nu, na i satiem fite fofoe nu. ²¹ Ama, sonɔ kere bo i su nahɔɛ atin su, i fite fofoe nu wo, na mine kere ɲu ka i sayoowa n su Nyeme atin n su wo.

Kabo Yohane diiri Yesu ɲu daani barasu ni

²² Nyini sin na Yesu ni i susufom n ako Yudiya deɛ awɔɛ n nu. Na ba ko adi lennyɔ do, na i subie minem Nyeme nzue. ²³ Nyini sanɲa n na Yohane gusu subie minem Nyeme nzue. I wo Ayinon mie n nu fa dodo Salim awɔɛ n nu, dama nzue sunnu do n deɛ ti. Na minem suba i do na i subie bu Nyeme nzue. ²⁴ Nyini sanɲa ni, ba nya anyi má Yohane dansaraka.

²⁵ Na Yohane susufom ni Yudafɔ be awura akuruwa fa ko bu fin kpapa n deɛ yoowa atin su. ²⁶ Na ba ko Yohane do ako ase i ka, “Ya Kerefɔ, nie. Sonɔ n bo i yo baari u do Yodan kunma n wie afiiri n na a yo diiri i ɲu daani kereeri mine ni, yiri wo do subie minem Nyeme nzue n a, bu kere suko i do o.” ²⁷ Na Yohane ase bu ka, “Sonɔ koro nya má deke be, má ka Nyeme afa nyini deke n ama i. ²⁸ Amberɛ ni am tii woori m daani ka m ɲa má mini ti Kristo Tiidefɔ n a, ama, Nyeme sunmaari m ka m du i mo o. ²⁹ Bu nya jaari konya, i ti konyafan n deɛ wo, ama, na konyafan n danfo jina suso i sui ti deke bo konyafan ni jojo se i, nyini sanɲa na i danfo n ahore jo. Nyini ahorejo kun ni, wo mini gusu do a. ³⁰ Wo yo daka ka i deɛ duma n fun, na m deɛ n kpie su.”

Yiri bo i fite angoro n deɛ jɔɛ

³¹ Yiri bo i fite angoro n tara sonɔ kere. Na bo i fite durunya n nu fen ti durunya n nu fen fo o, na i jojoowa kere ti durunya n nu fen jɔɛ wo. Ama, yiri n bo i fite angoro n tara sonɔ kere. ³² Deke bo wo ɲu i, ni bo wo ti i, ye i di i daani kere mine a, ama, be de má i daani diiwa ni. ³³ Ama, sonɔ kere bo i deer i daani diiwa n asoro su akere ka Nyeme ti nahɔrefɔ lɛɛ. ³⁴ Dama yiri n bo Nyeme asunma i ni, Nyeme noanie n ye i kan i a, dama Nyeme afa i Awiewie Casi n ama i bo i la má anusu. ³⁵ Nyeme koro i Wa ni, na wo fa deke n kere awura i saa nu. ³⁶ Na sonɔ kere bo i daari Nyeme Wa n ɲu, i la ngɔɔ bo i la má awieeri ni. Na sonɔ kere bo i kete i noanie ni, i nyá má ngɔɔ n bo i la má awieeri ni, ama, Nyeme fá yaa cin i sui.

4

Kabo Yesu seeri Samariyafɔ bara be i tii su jɔɛ ni

¹⁻² To. Na Farasifom n ati ka Yesu sunya minem dongu bo bu susu i su na i bie bu Nyeme nzue tara Yohane. Ama, má Yesu ni i tii bie bu Nyeme nzue n a, i susufom ni bie bu a. Sanɲa bo Yesu faari nu so ni,

³ na wɔ yasu Yudiya awɔre n nu akaaki ka i kɔ Galili dɛɛ awɔre n nu bekun. ⁴ I sukɔ ni, wɔ yo daka ka i fa Samariya dɛɛ awɔre n nu sin a. ⁵ Na wɔ kɔ aju Samariya miɛ kpiri be bo bu fere i ka Suka n su, na i wo dodo asien n bo Jakɔbu yo fa maari i wa Yosefu dawa sanɔa ni. ⁶ Jakɔbu bura n wo nyini dika n nu wɔ. Natiiri fie n dɛɛ ti, na Yesu ako atana bura n su. Nyini sanɔa wie abi kenken.

⁷ Na Samariya bara be aba ka i ba sa nzue, na Yesu ase i ka, “Ma m nzue n be na m nu.” ⁸ Nyini sanɔa ni, i susufɔm n ako miɛ kunnu ka bu kɔ to diire. ⁹ Na bara n ase i ka, “Ee, wɔrɔ, a ti Yudafɔ e, ye m gusu ti m Samariyafɔ bara. Nzu ti ye a se m ka m ma u nzue a?” Dama Yudafɔm ni Samariyafɔm tɔ má pui. ¹⁰ Na Yesu ase i ka, “Nzen má a si Nyeme aceeri ni, na má a si sɔnɔ n bo i susere u nzue ni, má wɔrɔ sere i a, na i má u nzue bo i ma nɔɔ ni.” ¹¹ Na bara n ase i ka, “Ya si, bura n wo nɔɔ, u gusu la má goroka, ye a nya nyini nzue n bo i ma nɔɔ n ni wɔ? ¹² Wɔrɔ, nka a nka a tara ya na Jakɔbu n wɔ, nzen se? Yiri maari ya nyini bura n a. I ni i nbaam fa sanɔa ni i nengendɔrem kere yo nuuri nyini bura n nu wɔ.” ¹³ Na Yesu ase i ka, “Sɔnɔ kere bo i nu ahin nzue ni, nzuehɔe tí i mi bekun, ¹⁴ ama, sɔnɔ kere bo i nu nzue n bo m má i ni, nzuehɔe tí má i mi kun fieo, dama nzue n bo m má i ni, i wó i kunnu tie kabo bura nzue tie n wɔ, na i má i nɔɔ bo i la má awieeri ni.” ¹⁵ Na bara n ase i ka, “Ya si, ma m nyini nzue n be na m nu, adena má nzuehɔe ti m kun, na má m kaaki ba sa nzue fen kun.”

¹⁶ Na Yesu ase i ka, “Kɔ fere u hun na am bra.” ¹⁷ Na bara n ase Yesu ka, “M la má hun.” Na Yesu ase i ka, “Kabo a nka a la má hun ni, i ti nahɔre wɔ. ¹⁸ Dama nbiesɔm nnu ye a fite bu ajaa bu n a, na haari bo u ni yiri wo bere kisa mmɔɔ ni, i ti má u hun. A se nahɔre wɔ.” ¹⁹ Na bara n ase i ka, “Ya si, ma nka a ti Nyeme nɔanie kanfɔ ɔ. ²⁰ Ya na Samariyafɔm yo suuri Nyeme ahin buka n su wɔ. Ama, ambere Yudafɔm nka wɔ yo daka ka sɔnɔ kere su Nyeme Yerusalem miɛ kpiri n nu wɔ.” ²¹ Na Yesu ase i ka, “Bara, de bo m suse u ni, sanɔa suba bo am sú má ya Si Nyeme ahin buka n su, wara Yerusalem miɛ n nu. ²² Ambere Samariyafɔm nka am su Nyeme wɔ, ama, am si má i. Ama, yere Yudafɔm si i, ye ya su i a. Dama tiide n fite Yudafɔm dɔ ɔ. ²³ Sanɔa suba bo wɔ ju awie, na bo bu su ya Si Nyeme ni, i Awiewie Casi ni búka bu ye bu sú i ni nahɔre su a. Dama nyini minem nusu ye ya Si Nyeme koro ka bu su i a. ²⁴ Nyeme ti awiewie wɔ, nyini dɛɛ ti, bo bu su i ni, wɔ yo daka ka i Awiewie Casi n búka bu na bu sú i ni nahɔre su.” ²⁵ Na bara n ase i ka, “Tɔ, m si ka Kristo Tiidefɔ ni bá. I ba juuri, i kán ya deke kere kere ya.” ²⁶ Na Yesu ase i ka, “Mini bo m sujɔɔ u dɔ ni, mini lɛɛ.”

²⁷ Nyini sanɔa n nu na Yesu susufɔm n afite miɛ n kunnu aju, na jɔre n amie bu kabo Yesu ni bara n wo jɔɔ su ni. Ama, bu be abisa má bara n ka, “A koro nzu i dɔ a?” Be gusu abisa má Yesu ka, “Nzu ti ye a sujɔɔ bara n dɔ a?”

²⁸ Na bara n ayaki i dundu n bere, na wɔ kpie i nyi ako miɛ n kunnu ako ase minem ka, ²⁹ “Am ba nie sɔnɔ be bo wɔ se m m tii su sa kere bo ma yo i. Beni, kisa, Kristo Tiidefɔ n lɛɛ fan?” ³⁰ Na minem n afite miɛ n nu, na bu kɔ Yesu dɔ.

³¹ Bara n kɔri n dɛɛ sin, na Yesu susufɔm n asere i ka, “Jande, ya Kerefɔ, di diire.” ³² Na wɔ se bu ka, “M la diire bo m di bo am si

má i.” ³³ Na i susufòm n abisa bu ñuñu nu ka, “Be afa diire aba ama i wò di wò, nzen se?” ³⁴ Na wò se bu ka, “M diire n la ka, m yo yiri bo wò sunma m dɛɛ koroowa na m yó i juma n wie.” ³⁵ Na wò bo bu anyunderɛ ase ka, “Am ña wò ka sara nna na am tambu fiesu nengem. Ama, mini suse am wò lɛɛ, am tu am tii na am nie, fiesu diire n abi ni kpɛ. ³⁶ Sɔnɔ bo i kpɛ diire ni, i nya i ñkato, i ti ka sɔnɔ bo i tien mine nɔɔ, na bu nya ñgɔɔ bo i la má awieeri ni, dɔfɔ ni kpɛfɔ n kere nya ahorejo. ³⁷ Be bu ña ‘Be dɔ, na be kpɛ ni,’ i ti nahore wò. ³⁸ Ambere yiri, mini asunma am a, ka am kɔ kpɛ diire n bo am adɔ má i ni. I ti ka nbem adu mɔ akan Nyeme nɔaniɛ n akere minem, ye am dɛɛ la ka am ma bu yo m yarada. Nbem dɛɛ jumayoowa ye am sudi i kpere n a.”

³⁹ Bara n seeri minem bo bu fite miɛ n nu n kabo Yesu ase i tii su sa kere n dɛɛ ti, na Samariyafoɔm dɔnggu bo bu fite miɛ n nu n ada Yesu ñu. ⁴⁰ Nyini ti, bu ba juuri Yesu dɔ ni, na ba sere i ka i ka bu dɔ, na wò kɔ awo bu dɔ cɛɛn nnyɔ. ⁴¹ Na mine dɔnggu ada i ñu abuka su fa kɔ i nɔaniɛ jɔjɔowa n ti. ⁴² Na ba se bara n ka, “Kisa, má u dɛɛ jɔjɔowa n ñgumi ti ye ya da i ñu a, ama, yere mmɔɔ ni ya tii ati i nɔaniɛ jɔjɔowa, na ya si nu ka ahin sɔnɔ n ti bo i baari ka i ba de durunya n nufòm tii wò, nahore su.”

Kabo Yesu maari femɛ n kpɛn be wa nyaari laifɛ ni

⁴³ Yesu woori bu dɔ cɛɛn nnyɔ n sin, na wò yasu bere akɔ Galili dɛɛ awore n nu. ⁴⁴ Dama yiri mmɔɔ ni i tii adu mɔ akan ka Nyeme nɔaniɛ kanfɔ la má jirima i tienɔu bɔsu. ⁴⁵ Sanɔa bo i kɔ juuri Galili ni, na ba de i ni bu sa nnyɔ, dama bu yo ñuuri kabo i yoori alekutura sam cɛɛnkpɛri n sanɔa, Yerusalem miɛ kpɛri n nu ni, dama bere mmɔɔ yo kɔori nyini cɛɛnkpɛri n di ti.

⁴⁶ Na Yesu akaaki akɔ Kana, miɛ kpɛri n bo i wo Galili awore n nu ni, deke bo i yo maari nzue kaakiiri nzan ni. Femɛ n kpɛn be woori dɔ. I wa be la má laifɛ, i wo Kapenam miɛ kpɛri n nu. ⁴⁷ Na sanɔa bo kpɛn n tiiri ka Yesu afite Yudiya dɛɛ awore n nu akɔ aju Galili ni, na wò kɔ Yesu dɔ akɔ asere i ka i wa suwu, i ma bu kɔ na i kɔ tuntun i, na i nya laifɛ. ⁴⁸ Na Yesu ase i ka, “Ma ñu ka nzen am aɲu má alekutura sam, am yo má m yarada.” ⁴⁹ Na kpɛn n ase i ka, “M Mibiɛ, bra ndende, má nyini, a cɛɛri, a bá ñu ka m wa n awu.” ⁵⁰ Na Yesu ase i ka, “Kɔ. U wa n anya laifɛ.” Na wò de Yesu nɔaniɛ ni, na wò kaaki akɔ. ⁵¹ Na sanɔa bo i sukɔ awuru ni, na i akɔɔm akpa i atin aba ase i ka, “U wa n anya laifɛ.” ⁵² Na wò bisa bu ka, “Sanɔa bɔnɔ ye i ñunie n jɔori a?” Na ba se i ka, “Anuma wiesu kerefi kun sanɔa ye i ñunie n jɔori a.” ⁵³ Dɔ na baa n si n atenɔe su ka, nyini sanɔa n nu lɛɛ, ye Yesu seeri i ka i wa n anya laifɛ n a. Na i ni i dikafòm kere ada Yesu ñu. ⁵⁴ Kabo Yesu ma baa n nyaari laifɛ ni, nyini tiiri i alekutura sa nnyɔ su bo i yoori sanɔa bo i fite Yudiya dɛɛ awore n nu kɔori Galili n a, na i kere kabo i la yiko n bo i fite Nyeme dɔ.

5

Kabo Yesu tuntuunri sɔnɔ be kunma n nɔɔ su ni

¹ Nyini sin na Yesu akɔ Yerusalem miɛ kpɛri n nu na i kɔ di Yudafoɔm cɛɛnkpɛri be. ² Kunma be da dodoori anɔ n bo bu fa nbɔɛm fa sin wura miɛ n nu ni. Hiburu anie nu bu fere nyini kunma n ka Besata,

i la kpatam nnu wɔ. ³ Landurifɔm beberebe dada kpatam n nu, bu nu nbem ti anyinsinm, nbem ti kujandafɔm, na bu nbem gusu nyunɛ buekun awu bo bu koro yasu má. [⁴ Bu da nyinda dɔ, dama sanja sanja Nyemɛ mɛrɛkɛ jura ba kunma n nu wɔ, na i ba kankan nzue n nu. Nzue kankanwa n dɛɛ sin, na landurifɔ n bo i du mɔ juraari nzue n nu, i tukpaki n koro i ti ka sɛ, i yaki wɔ, na i nya laifɛ.] ⁵ Sono be woori bu nu bo wɔ da tukpaki i afɔ aburasan ni mɔcɛɛ lɛɛ. ⁶ Yesu nyuri i sɔ ni, na wɔ fa nu ka sɔnɔ n tukpaki n aɛɛ i nyu, na wɔ bisa i ka, “A koro ka a nya laifɛ wɔ?” ⁷ Na tukpakifɔ n ase Yesu ka, “M Mibiɛ, m la má bukaɔ be bo nzue n nya ba kankan, na i kuku m wura nu. Sanja kɛrɛ bo nzue n nya ba kankan, na m ba nya m wura nu, a nyu ka be adu m mɔ.” ⁸ Na Yesu ase i ka, “Yasu, fa u dasu n na a nati.” ⁹ Jinaabiri n nu bɛrɛ na sɔnɔ n anya laifɛ, na wɔ yasu afa i dasu n sunati.

Nyini cɛɛn n bo Yesu tuntuunri sɔnɔ n ti Nyumiya cɛɛn wɔ. ¹⁰ Nyini ti na Yudaɔm nkpienkpienm n ase sɔnɔ n bo wɔ nya laifɛ n ka, “Nyuma ti Nyumiya cɛɛn wɔ. Ya dɛɛ atin n su, atin wo má nu bo a sɔ u dasu ni.” ¹¹ Na wɔ se bu ka, “Sɔnɔ n bo i tuntuunri m ni, yiri seeri m ka m fa m dasu na m nati a.” ¹² Na ba bisa i ka, “Nyini sɔnɔ n la nya a, ye i seeri u ka a fa u dasu nati a?” ¹³ Ama, na sɔnɔ n bo wɔ nya laifɛ n akoro asi má i mi n bo i tuntuunri i ni, dama Yesu awura jama n nu ako. ¹⁴ Nyini sin na Yesu aba anyi i, Nyemɛ Sereebiri Awuru n nu, na wɔ se i ka, “Ti fɛn. Kisa a nya laifɛ, má a yo satɛ kun. Má nyini, a dí wahara bo i tára nyini n nyusu.” ¹⁵ Na sɔnɔ n ako ase Yudaɔm nkpienkpienm ni ka Yesu tuntuunri i a. ¹⁶ Nyini ti, na ba kere Yesu wuwuruwa, dama wɔ tuntun sɔnɔ Nyumiya cɛɛn n dɛɛ ti. ¹⁷ Na wɔ se bu ka, “M Si toko yo juma haari ba ju ni nyuma, nyini ti ye m gusu yo a.” ¹⁸ Yesu jɔjɔri sɔ n dɛɛ ti, na Yudaɔm nkpienkpienm n aboro bu nyi abuka su ka bu kun i. Má ka bo wɔ saaki Nyumiya cɛɛn n ciire n nyumi dɛɛ ti, ye bu kpi ka bu kun i a, ama, bo wɔ kaaki ase ka Nyemɛ ti i Si n dɛɛ ti. Nyini kere ka wɔ fa i nyu abu Nyemɛ wɔ lɛɛ.

Kabo Yesu yiko ti barasu ni

¹⁹ Na Yesu ase bu ka, “Nahɔrɛ ye m suse am a, mini Nyemɛ Wa n ni m tii, m koro bo má m tiɛnu yo má pui, má ka deke bo m nyu ka m Si yo i ni, ye mini gusu yo i a. ²⁰ Dama m Si Nyemɛ koro mini i Wa ni, na i sukere m deke kɛrɛ bo i yo i ni, na i bá kere m sakpakpam bo m yó bu tara sɔ, na i yó am alekutura. ²¹ Kabo m Si Nyemɛ ye minem bo ba wu n su n na i ma bu nyɔɔ ni, sɔ ye mini gusu ma minem bo ma yi bu ni nyɔɔ a. ²² Dama m Si Nyemɛ ni i tii di má be jɔrɛ, ama, wɔ fa jɔrɛdi atin kɛrɛ ama mini i Wa n wɔ, ²³ adena sɔnɔ kɛrɛ bu m kabo bu bu m Si ni. Sɔnɔ kɛrɛ bo i bu má m, i mi abu má m Si bo wɔ sunma m n lɛɛ.

²⁴ Nahɔrɛ ye m suse am a, sɔnɔ kɛrɛ bo i ti m nɔaniɛ n na i de i, na i da Nyemɛ bo wɔ sunma m n nyu, i mi la nyɔɔ bo i la má awieeri, na m dí má i mi jɔrɛ. I mi afite yiwee nu anya nyɔɔ lɛɛ. ²⁵ Nahɔrɛ ye m kaaki suse am a, ka sanja suba bo wɔ ju awie, na mine bo ba wu ni tí mini Nyemɛ Wa n nɔaniɛ ni, na bo bu tiiri i na bu deer i, bu nya nyɔɔ. ²⁶ Dama kabo nyɔɔ fite yiri m Si Nyemɛ dɔ ni, sɔ ye wɔ ma mini i Wa n gusu yiko ka m ma minem nyɔɔ a, ²⁷ na wɔ kaaki ama m atin ka m di mine jɔrɛ, dama m ti Adamande Wa a. ²⁸ Má am ma ahin jɔjɔwam n yo am alekutura. Sanja suba bo mine bo ba wu n kɛrɛ tí m nɔaniɛ

ni, ²⁹ na bu ténge bu yiwee n nu. Minem bo bu yo yoori sakpa ni, bu ténge na bu nya ngɔɔ bo i la má awieeri, na minem bo bu gusu yo yoori satie ni, bu ténge na bu nya suicin.”

Sam bo bu di Yesu ɲu daani ni

³⁰ Na Yesu asa su ase ka, “M koro bo má m tiɛenu yo má pui. Kabo Nyeme se m ni, so ye m di minem jore a. Nyini ti, m jore diiwa n ti nahore wo, dama m yo má m dɛɛ koroowa, ama, m yo yiri n bo wo sunma m n dɛɛ koroowa a.

³¹ Nzen m di m ɲu daani kere am, am de má ka i ti nahore, ³² ama, be wo bere bo i di m ɲu daani. Yiri la m Si Nyeme. Na m si ka i daani diiwa n ti nahore wo. ³³ Am yo sunmaari minem Yohane do, na wo se am nahore, kabo m ti barasu. ³⁴ M de má adamande daani diiwa, ama, m kan kabo Yohane seeri am ni, adena am nya am tii. ³⁵ Yohane yo ti ka fitana bo i je na i ta a, na ambere ayo asoro su ka am wo i wein nu ni ahorejo fa ko sanja su. ³⁶ Ama, m la deke bo i di m ɲu daani bo i tara Yohane dɛɛ ni, yiri la sam bo m Si Nyeme akere m ka m yo bu wie ni. Nyini sam ni di m ɲu daani ka m Si asunma m a. ³⁷ Na m Si bo wo sunma m ni, yiri gusu adi m ɲu daani a. Am nya ti má i konvi, am kaaki nya ɲu má i kabo i ti barasu, ³⁸ na i nɔanie wo má am ahore su, dama wo sunma m am do, na am ada má m ɲu. ³⁹ Am kan Nyeme Jore Kadasi n wo, na am fiiti i nu, dama am sunsun ka nyini kere am atin bo am fa na am nya ngɔɔ bo i la má awieeri a, ama, nyini kereɛwam nu di m ɲu daani a. ⁴⁰ Haari ni nyini n mmoo am akete ka am ba má m do na am ba nya ngɔɔ.

⁴¹ M koro má kansi adamande do. ⁴² M si am sa, na m si ka, Nyeme dɛɛ koro n wo má am ahore su. ⁴³ Mini ade m Si jinaabiri aba, ye am ade má m, ama, nzen be baari ni i tienngu ba, am dé yiri wo. ⁴⁴ Ambere, am koro am ɲuɲu nu kansi wo, na bu susu am, ama, am koro má kansi yiri n ngumi bo i ti Nyeme n do, nyini ti, i yo se ye am koro da m ɲu a? ⁴⁵ Má am sunsun ka mini kó jarakí am m Si Nyeme do a. Am jarakifo la Moyisi, bo am la tama ka yiri búka am ni. ⁴⁶ Moyisi yo kereeri m ɲusu jore wo. Nyini ti, nzen má am de i nɔanie ni, má am de m gusu dɛɛ ni. ⁴⁷ Ama, am ade má kabo i yo kereeri i ni, i yó se ye am koro de bo m suse am n a?”

6

Kabo Yesu maari nbiesom akpii nnu ni bu minem diire ni

¹ Nyini sin, na Yesu akpie ako Galili kunma kpiri n bo bu kaaki fere i ka Tiberiya n buekun do. ²⁻⁴ Nyini sanja, wo ka kaan, na Yudafoɔm di bu Butara cɛenkpiri ni. Na jama beberebe asu i su, dama ba ɲu kabo wo yo alekutura sam atuntun tukpakifoɔm na ba nya laifie ni. Na Yesu ni i susufom n afun ako atana buka be su. ⁵ Na Yesu atu i tii anie anu ka jama beberebe suba i do, na wo bisa Filipu ka, “Ya nya diire nifansu wo, na ya to ma ahin minem kere a?” ⁶ Yiri mmoo ni i tii si kabo i yó barasu, ama, i subo Filipu kunnu na i nie wo. ⁷ Na Filipu ase i ka, “Haari nzen ya faari ɲwaa beberebe toori diire maari bu, i jú má bo bu kere koro nya kan kan di.” ⁸ Na i susufom kun bo bu fere i ka Andere, na i goɔ la Simon Petoro n ase Yesu ka, ⁹ “Gbɛfene kaan be wo ya nu fen, i bita kpono nnu ni jombaa nnyo, ama, i koro ju má ahin minem kere.” ¹⁰ Wura mone sunnu bere, na Yesu ase i susufom

ka, “Am ma minem kere tantana wura n su.” Na ba ma minem kere atantana. Nbiesom ngumi ko yasuuri mine akpii nnu wo. ¹¹ Na Yesu afa kpɔnɔ n na wo da Nyeme asi, na wo kpakpaaki i nu ama minem bo bu tantana ni, na wo kaaki afa jombaa n ayo i so, na bu kere anya kabo bu koro. ¹² Bu kere diiri na bu kunnu yiiri ni, na wo se i susufom n ka, “Am tientien sinsin n bo ba di i na wo ka n nɔɔ. Má am ma be ka ngbɛɛn.” ¹³ Na ba tientien kpɔnɔ sinsin n bo ba di i na wo ka n nɔɔ, na wo yi kandie buru ni nnyɔ. ¹⁴ Minem n nyuuri nyini alekutura sa n bo Yesu yoori ni, na ba se ka, “Nahore, ahin sɔnɔ n ti Nyeme nɔanie kanfo n bo bu seeri ka i bá durunya n nu n a.” ¹⁵ Yesu faari nu ka bu koro ka bu tara i fanja, na bu fa i yo bu feme n deɛ ti, na wo yasu afite bu nu yiri ngumi, ako buka n su.

Kabo Yesu natiiri nzue su ni

¹⁶ I naaso sanja, na Yesu susufom n ajura ako kunma kpiri n nu, ¹⁷ na ba ko awura lee nu ka bu kaaki kpie ko Kapenam mie kpiri n nu. Ale aba asan kere, na Yesu nya ba má bu do, ¹⁸ na anuma sukpie fanja su, na nzue nyama gusu suyasu. ¹⁹ Nyini sanja ni, i susufom n wo nzue n su ako aju kunma kpiri n afien, na ba nyu Yesu ka i nati nzue n su suba dodo lee ni, na sere ati bu. ²⁰ Na Yesu ase bu ka, “Mini a, má am ma sere ti am.” ²¹ Na ba ma wo wura lee n nu. Jinaabiri n nu bere, na ba ju deke bo bu sukɔ ni.

Kabo jama n sunienie Yesu busu ni

²² Alecin na jama n bo bu kaari kunma kpiri n buekun do n afa nu ka lee kun n kpein woori kunma n su anuma n a. Na ba si nu ka Yesu susufom n ngumi wuraari lee n nu koori a, ama, yiri mmɔɔ ni i tii awura má nu. ²³ Na lee nbem afite mie n bo bu fere i ka Tiberiya n aba aju kunma n nɔɔ su, fa dodo deke bo Yesu sereeri Nyeme goori kpɔnɔ n su maari minem na bu diiri ni. ²⁴ Na jama n anie, ba nyu má Yesu ni i susufom n bere, nyini ti, na ba wura leem n nu ako Kapenam ko sunienie Yesu busu.

Kabo Yesu na yiri ti diire n bo i ma ngɔɔ n a

²⁵ Minem n ko nyuuri Yesu kunma kpiri n buekun do ni, na ba bisa i ka, “Ya Kerefo, sanja bono ye a baari fen a?” ²⁶ Na wo se bu ka, “Nahore ye m suse am n a, má alekutura sam bo m yoori bu n ti ye am sunienie m busu a, ama, kabo m maari am diire na am kunnu ayi n deɛ ti a. ²⁷ Má am ma am nyunu boro diire bo i saaki n busu, ama, am ma am nyunu boro diire bo i wie má, na i ma ngɔɔ bo i la má awieeri n busu. Mini Adamande Wa ni má am nyini diire n a, dama mini ngumi, ye m Si Nyeme ase m nyaari akere ka m ti i deɛ a.” ²⁸ Na ba bisa i ka, “Ya yo se koro yo juma n bo Nyeme koro ka ya yo i n a?” ²⁹ Na Yesu abo bu nu ka, “Juma n bo Nyeme koro ka am yo i n la ka, am yo mini bo wo sunma m yarada.” ³⁰ Na ba bisa i ka, “Ye a yó nzu alekutura sa kere ya, na ya nyu i na ya yo u yarada? A yó sa bono o? ³¹ Dama sanja bo ya nam yo woori boro kpantain nu ni, bu diiri diire be bo bu fere i ka *mana* n wo. Kabo ba kere i Nyeme Jore Kadasi n nu lee, ka yiri maari bu diire n bo i fite angoro ye bu diiri a.” ³² Na Yesu ase bu ka, “Nahore ye m suse am n a, má Moyisi yo maari nyini diire n bo i fite angoro n a, ama, m Si Nyeme maari am diire n bo i fite angoro nahore su a. ³³ Dama diire n bo Nyeme ma n la bo i fite

angoro, na i ba ma durunya n nufom ngoo ni.” ³⁴ Na ba se i ka, “Ya Mibiε, nka a ma ya nyini diire n sanja kerε.”

³⁵ Na Yesu ase bu ka, “Mini ti diire n bo i ma ngoo n a. Sɔnɔ kerε bo i ba m dɔ, ahɔε ti m á i mi, na sɔnɔ kerε bo i yo m yarada, nzuehɔε ti m á i mi kun. ³⁶ Ama, ma se am, haari ni bo am anu m n kerε, am suyo m á m yarada. ³⁷ Sɔnɔ kerε bo m Si fa i maari m, i bá m dɔ, na wɔɔ kerε bo a ba m dɔ, m kéte m á u fieo. ³⁸ Dama ma fite m á angoro aba m á ka m ba yo m dεε koroowa, ama, m baari ka m ba yo Nyeme bo wɔ sunma m dεε koroowa a. ³⁹ Yiri n bo wɔ sunma m dεε koroowa la ka, minem kerε bo wɔ fa ama m ni, m á m ma bu be mmɔɔ mini, ama, i koro ka m tɛnge bu kerε jina cɛen na bu nya ngoo. ⁴⁰ Dama m Si koroowa la ka, sɔnɔ kerε bo i nju mini i Wa n na i yo m yarada, i mi nyá ngoo bo i la m á awieeri, na m tɛnge i jina cɛen.”

⁴¹ I seeri ka yiri ti diire n bo wɔ fite angoro aba n dεε ti, na minem ni sunɔnti i. ⁴² Na ba se ka, “Má Yosefu wa Yesu n lεε? Ya si i si ni i ni kerε e. Ye i baari sε, ye i na i fiteiri angoro baari a?” ⁴³ Na Yesu ase bu ka, “Má am nɔnti am nɔnti nu. ⁴⁴ Be koro ba m á m dɔ, m á ka m Si Nyeme bo wɔ sunma m ni, acin i mi adodo m, na m tɛnge i mi jina cɛen. ⁴⁵ Kabo Nyeme nɔanie kanfom yo kerεeri lεε, ka, ‘Nyeme kére sɔnɔ kerε nyaari a.’ Na sɔnɔ kerε bo i ti Nyeme kereewa n na i siiri nu, i mi bá m dɔ. ⁴⁶ Nyini kere m á ka be adu mɔ anu Nyeme wɔ lεε, m á ka mini ngumi bo m fite m Si Nyeme dɔ n anu i a. ⁴⁷ Nahɔε ye m suse am n a, ka sɔnɔ kerε bo i yo m yarada, i la ngoo bo i la m á awieeri. ⁴⁸ Mini ti diire n bo i ma ngoo n a. ⁴⁹ Am nam yo diiri diire n bo bu fere i ka *mana* n boro kpantain nu, ama, na ba wu. ⁵⁰ Ama, ahin diire n ti diire barasu be bo i fite angoro wɔ, na sɔnɔ kerε bo i diiri i, i wú m á. ⁵¹ Mini ti diire n bo wɔ fite angoro aba, na i ma ngoo n a. Sɔnɔ kerε bo i di ahin diire ni, i nyá ngoo bo i la m á awieeri. Diire n bo m m á n la m nɔniembaa ni, bo m fá ma durunya n nufom, na bu nyá ngoo ni.”

⁵² Yesu seeri sɔ ni, na yaa ati bu, na bu suse akuruwa bu nɔnti nu ka, “Ahin sɔnɔ ni yo sε koro fa i nɔnie ma ya na ya di a?” ⁵³ Na Yesu ase bu ka, “Nahɔε ye m suse am n a, m á ka am di mini Adamande Wa n nɔniembaa ni, na am nu m dεε mbunja ni, amberε ni am tii la m á ngoo n bo i la m á awieeri ni. ⁵⁴ Sɔnɔ kerε bo i di m dεε nɔniembaa ni, na i nu m mbunja ni, i mi la ngoo n bo i la m á awieeri ni, na m tɛnge i mi jina cɛen. ⁵⁵ Dama m dεε nɔniembaa ni, ti deke bo i ti diire nahɔε su a, na m mbunja n ti deke bo i ti nuuwa nahɔε su a. ⁵⁶ Sɔnɔ kerε bo i di m dεε nɔniembaa ni, na i nu m mbunja ni, i mi wo ni mini, na mini gusu wo ni yiri lεε. ⁵⁷ Yiri m Si bo i ma ngoo ni sunmaari m a, i dεε ti, ye m la ngoo a, sɔ ye sɔnɔ kerε bo i di m nɔniembaa ni, mini dεε ti, ye i nyá ngoo a. ⁵⁸ Ahin ni ti diire n bo wɔ fite angoro aba n a, i ti m á ka diire n bo am nam yo diiri na i sin na bu wuuri ni. Sɔnɔ kerε bo i di ahin diire ni, i nyá ngoo n bo i la m á awieeri.”

⁵⁹ Yesu kereeri nyini kereewa n kerε sanja bo i wo Kapenam bu tientienbunɔɔ sɔɔ nu n wɔ.

Kabo Petoro seeri ka Yesu ti sɔnɔ bo i ma ngoo n bo i la m á awieeri n a

⁶⁰ Yesu susufom dɔngu tiiri i jɔjɔowa n sɔ ni, na ba se ka, “Ahin kereewa n ti kekereke. Nma koro de i a?” ⁶¹ Na Yesu afa nu ka bu

sunjuti fa ko i kereewa n su, na wo se bu ka, “Ahin jooowa n dee ti ye am koro ka am kaaki am sin n a?” ⁶² Ye nzen ma am nu ka mini Adamande Wa n sukaaki sufun ko angoro, deke bo m fite baari ni, ma am se se wo lee? ⁶³ Awiewie Casi ni ma mine ngoo a. Adamande yiko be koro ma ma ngoo. Nkanie n bo ma joo akere am ni, yiri ma am nya Awiewie Casi n bo i ma ngoo n a. ⁶⁴ Ama, am be n mmoo ada ma m nu.” Ma pui ti, fite sangha bo Yesu boori i juma n bu ni, ye i si bo bu yo ma i yarada n a, ni sono n bo i ba to i ni. ⁶⁵ Na wo se bu ka, “Nyini dee ti ye ma se am ka be wo ma bere bo i koro ba m do, ma ka m Si ama atin ka i mi yo m susufo.”

⁶⁶ I seeri so n sin, na i susufom dongu akaaki ayaki i ka bu su ma i su kun. ⁶⁷ Na wo bisa i susufo buru ni nnyom ni ka, “Ambere gusu koro ka am kaaki yaki m wo fan?” ⁶⁸ Na Simon Peto abo i nu ka, “M Mibie, ya ko nma do a? Woro ti sono n bo i la nkanie n bo i ma ngoo n bo i la ma awieeri n a. ⁶⁹ Ye ya yo u yarada, na ya si ka woro ti sono casi n bo a fite Nyeme do n a.” ⁷⁰ Na Yesu abo nu ka, “M na am buru ni nnyo ye m yiiri am e, ma so? Ama, am nu kun ti Sitana sono o.” ⁷¹ I joo niiri Yudas w, Simon Isikariyoti wa ni. Yiri Yudas tiiri buru ni nnyom ni kun wo, ama, yiri ba to Yesu n a.

7

Kabo Yesu ni i niemam boori anzama barasu ni

¹ Nyini sin na Yesu afa Galili awore n nu subara ye, wo koro ma ka i ko Yudiya dee awore n nu, dama Yudafom nkpienkpienm koro ka bu kun i wo. ² Nyini sangha, wo ka kaan na Yudafom di bu ceenkpiri be bo bu fere i ka Nambue Bo ceenkpiri ni. ³ Na Yesu niemam ase i ka, “Fite ahin awore n nu na a ko Yudiya, adena u susufom gusu ko nu sam bo a yo bu ni. ⁴ Dama sono kere bo i koro ka mine si kabo i ti barasu, i fa ma i sayoowa fie ma minem sin, nzen a yo alekutura sam wo, ma durunya n nufom kere si u sa.” ⁵ I niemam n mmoo ayo ma i yarada, nyini ti ye bu seeri so n a. ⁶ Na Yesu ase bu ka, “M sangha nya ju ma, ama, ambere yiri, sangha kere bo am koro, am ko o. ⁷ Ambere ye durunya n nufom koro kpo ma am a, ama, bu kpo mini wo, dama m se bu wo, ka bu sayoowam ti ma kpa. ⁸ Am ko ceenkpiri n di, m ko ma, dama m sangha nya ju ma.” ⁹ I seeri bu so ni, na wo ka Galili do lee nnyo.

Kabo Yesu ko diiri Nambue Bo ceenkpiri ni

¹⁰ I niemam koori ka bu ko di ceenkpiri ni, na Yesu gusu aba asa bu su, ama, wo yi ma i nu fofoe nu, i fie koori a. ¹¹ Na Yudafom nkpienkpienm ni sunienie i, na ba bisa ka, “Ye i wo ni wo?” ¹² Na jama n sutu asuturi bu benggu do i busu. Nbem na, “I ti sono kpa a.” Ye nbem gusu na, “Ai, i dadaka minem wo.” ¹³ Ama, be akoro akan ma i jore fofoe nu, dama bu kere soro Yudafom nkpienkpienm n wo.

¹⁴ Sangha bo ba di ceenkpiri n ako aju afien ni, na Yesu ako awura Nyeme Sereebiri Awuru n nu, sukere minem. ¹⁵ Na Yudafom nkpienkpienm n ayo alekutura, na ba bisa ka, “I yo se ye ahin sono n la nyini si n nusu so a, bo be akere ma i a?” ¹⁶ Na Yesu ase bu ka, “Deke bo m fa kere am ni, i ti ma m tiengu kereewa, ama, m Si Nyeme bo wo sunma m ni, yiri kere m kabo m kere a. ¹⁷ Sono kere bo i na i yo Nyeme koroowa ni, ye i si kabo m kereewa n ti a, nzen m kereewa n fite Nyeme do, wara

m tienju kereewa. ¹⁸ Sɔnɔ kere bo i jojo i koroyanu, i mi koro ka bu kansi i wo, ama, bo i koro ka bu kansi sɔnɔ bo i sunma i ni, nyini sɔnɔ ni jojo nahɔre a, na kɔre be wo má i ɲu. ¹⁹ M ɲa Moyisi yo maari am Nyeme nɔaniɛ kpamaawa n a, má sɔ? Ama, am be n mmɔɔ su má i atin su. Ye nzu ti ye am koro ka am kun m a?” ²⁰ Na jama n ase i ka, “Ajini wo u ɲu. ɲma koro ka i kun u a?” ²¹ Na Yesu ase bu ka, “Sa kun be lee, ye ma yo i n a, ye wo yo am kere alekutura n a. ²² Moyisi yo maari am nɔɔ ka am wura am nbaabiesɔm kenkenne lemɔcɔe cɛen, nzen haari i tɔ ɲumiyi cɛen n mmɔɔ, am yo i, ama, má Moyisi yo boori i bu ka bu wura kenkenne n a, am nam yo boori i bu a. ²³ Am wura nbaabiesɔm kenkenne ɲumiyi cɛen wo, adena má am bu nɔaniɛ kpamaawa n bo Nyeme fa maari Moyisi ni ɲgbɛen, ye nzen ma tuntun sɔnɔ mɔmɔ kun ɲumiyi cɛen n na wo nya laifiɛ, nzu ti ye am afa yaa m ɲu a? ²⁴ Má am niɛ sɔnɔ nyunu dika na am di i jɔre, ama, am si i wo nahɔre su, na am nya di i jɔre.”

Kabo minem bisaari ka Yesu ti Kristo Tiidefo n a

²⁵ Yesu seeri sɔ ni, na Yerusalemfɔm nbem abisa bu ɲuɲu nu ka, “Má ahin sɔnɔ n ye Yudafoɔm nkpienkpienm koro ka bu kun i n a? ²⁶ Am niɛ e. Wo yi i ɲu fofoe nu ye i jojo a. Be suse má i pui mmɔɔ. Beni, Yudafoɔm nkpienkpienm asi ka yiri ti Kristo Tiidefo n nahɔre su n a. ²⁷ Ama, sanɲa bo Kristo Tiidefo n ba baari, be sí má deke bo i fite. Ahin sɔnɔ n yiri, ya si deke bo i fite.” ²⁸ Na sanɲa bo Yesu sukere Nyeme Serebiri Awuru n nu ni, na wo tien fanɲa su ase ka, “Am sunsun ka am si m nahɔre su, nzen se? Ye am si deke bo m fite? Ma ba má ni m dɛɛ yiko nu wo. Yiri n bo wo sunma m ni ti nahɔrefo a, ama, am si má i. ²⁹ Mini si i a, dama m fite i dɔ ɔ, yiri sunmaari m a.” ³⁰ Nyini ti, na ba kpi ka bu tara i, ama, be afa má i saa akan má i, dama i sanɲa nya ju má. ³¹ Na jama n dɔɲgu ayo i yarada, na ba se ka, “Sanɲa bo Kristo Tiidefo n ba baari, i yó alekutura sam tara ahin sɔnɔ n wo, nzen se?”

Kabo bu sunmaari tintinijinafɔm ka bu kɔ tara Yesu ni

³² Na Farasifɔm n ati kabo jama n sutu asuturi sukan Yesu jɔre, na bu ni Nyeme sayoowa dɔɲguyofɔ nkpienkpienm n asunma tintinijinafɔm ka bu kɔ tara i. ³³ Na wo se ka, “M wó am dɔ sanɲa kaan, na m nya bá kɔ yiri n bo i sunmaari m n dɔ. ³⁴ Am bá nienie m busu, na am ɲú má m. Deke bo m bá wo ni, am koro kɔ má dɔ.” ³⁵ Na Yudafoɔm nkpienkpienm n abisa bu ɲuɲu nu ka, “Yiri koro ka i kɔ ni wo, ye yere koro ɲu má i a? I kó ya minem dɔ ɔ, bo ba sandi awura Girikifɔm asien su ni, na i kó kere Girikifɔm ni Nyeme jɔre ni, nzen se a? ³⁶ I ɲa se wo lee? Bo i ɲa ya bá nienie i busu na ya ɲú má i ni, na bekun, deke bo i sukɔ ni, ya koro kɔ má dɔ.”

Kabo sɔnɔ bo i yo Yesu yarada nya nzue n bo i ma ɲgɔɔ ni

³⁷ Cɛenkpiri n awieeri cɛen n ti cɛenkpiri n tii a. Nyini cɛen n na Yesu ayasu ajina, na wo tien fanɲa su ase ka, “Sɔnɔ kere bo nzuehɔe ati i, i mi bra m dɔ na i ba nu. ³⁸ Dama ba kere i Nyeme Jɔre Kadasi n nu ka, sɔnɔ kere bo i yo m yarada, ‘Nzuetin bo i ma ɲgɔɔ ni, i sóɲgi fite i mi ahorembaa su a.’” ³⁹ Yesu jojo niiri Awiewie Casi n wo, ka sɔnɔ kere bo i yo yiri Yesu yarada nyá Awiewie Casi ni. Nyini sanɲa ni, Nyeme nya fa má i Awiewie Casi n ma má, dama wo nya wura má Yesu kpiri.

Kabo Yesu dɛɛ ti, na jama n nɔɔ woori bu ngunɔgumi ni

⁴⁰ Na jama n nu mine nbem tiiri kabo i seeri sɔ ni, na ba se ka, “Ahin sɔnɔ n ti Nyeme nɔanie kanfɔ n wɔ nahɔre su.” ⁴¹ Na nbem ase ka, “Yiri ti Kristo Tiidefɔ n a.” Ama, na nbem gusu ase ka, “Kristo Tiidefɔ ni fite mǎ Galili da. ⁴² Ba kɛɛ i Nyeme Jɔre Kadasi n nu ka Kristo Tiidefɔ ni yɔ Feme Davidi anuma a, na bu wú i Betlehem, Feme Davidi bɔsu wɔ.” ⁴³ Yesu dɛɛ ti, na jama n nɔɔ awo bu ngunɔgumi, ⁴⁴ na nbem akoro ka bu tara i, ama, be afa má i saa akan má i.

Kabo Yudafɔm nkpienkpienm ayo má Yesu yarada ni

⁴⁵ Na tintinijinafɔm n akpie bu nyi akɔ Nyeme sayoowa dɔnguyofɔm ni, ni Farasifɔm n dɔ, na ba bisa bu ka, “Nzu ti ye am afa má i aba má?” ⁴⁶ Na tintinijinafɔm n abɔ bu nu ka, “Be nya koro jɔjɔ má kabo nyini sɔnɔ n jɔjɔ ni.” ⁴⁷ Na Farasifɔm n abisa bu ka, “Wɔ daka ambere gusu wɔ fan? ⁴⁸ Am nya ti ka Yudafɔm nkpienkpienm wara Farasifɔm n be ayo i yarada a? ⁴⁹ Ama, ahin jama n si má Nyeme nɔanie kpamaawa ni, nyini ti, Nyeme ayo bu ngbɛɛn.” ⁵⁰ Na Nikodemo bo i ti Farasifɔm kun n na i yo kɔ ŋuuri Yesu ni, ase bu ka, ⁵¹ “Ya dɛɛ atin n su, kana ya ba di sɔnɔ jɔre jaraki i, má ka ya bisa i na ya ti sa bo wɔ yo i n ka.” ⁵² Na ba bisa i ka, “Wɔrɔ n mmɔɔ fite Galili wɔ? Kan Nyeme Jɔre Kadasi n na a nie. A ŋú má ka Nyeme nɔanie kanfɔ n be mmɔɔ fite Galili.”

[⁵³ Bu se sɔ wieeri ni, na bu kɛɛ asandi akɔ awuru.

8

¹ Na Yesu akɔ buka n bo bu fere i ka Oliva Buka n su, dama oliva bakam gɔ su wɔ.

Bara ajaafɔ n bo i saakiiri ajaa ciire n jɔre

² Alecin ngarama fuun na Yesu akaaki akɔ Nyeme Sereebiri Awuru n nu. Na jama n kɛɛ aba atien bu nɔɔ i dɔ. Na wɔ tana sukere bu Nyeme nɔanie. ³ Na Nyeme nɔanie kerefɔm, ni Farasifɔm nbem afa bara ajaafɔ be bo bu kɔ taraari i ka i ni biesɔ da, na ba fa i ajina bu afien. ⁴ Na ba se Yesu ka, “Ya Kerefɔ, ya kɔ atara ahin bara n ka i susaaki ajaa ciire wɔ. ⁵ Nɔanie kpamaawa n bo Nyeme fa maari Moyisi n kere ka, nyini nbaram ŋusu sɔ, ya tu bu yabuɛ bo kun bu. Nyini ti, ye wɔrɔ ŋa sɛ?” ⁶ Bu seeri sɔ n na bu sɔ i ngɛɛ, na bu jaraki i wɔ. Na Yesu abiri i tii asienɔgu sufa i saa maraka sukere asienɔgu. ⁷ Bu wo i bisa n su ni, na wɔ ye i tii su ase bu ka, “Bo i ŋa wɔ nya yo má satie am nu, ma i mi du mɔ tu i yabuɛ.” ⁸ Na wɔ kaaki abiri i tii sukere asienɔgu. ⁹ Bu tiiri sɔ ni, na bu kɛɛ alɔrɔki kun kun akɔ. Nkpienm ni du mɔ a. Na wɔ ka Yesu ni bara ni ngumi. ¹⁰ Na Yesu aye i tii su, na wɔ bisa bara n ka, “Bara, bu wo ni? Be ase má ka i ti ye ni ka bu kun u, nzen sɛ?” ¹¹ Na bara n abɔ i nu ka, “Ai, m Mibiɛ, be ase má ka i kún m.” Na Yesu ase i ka, “Mini mmɔɔ se má ka be kún u. Kɔ, ama, má a yo satie kun.”]

Kabo Yesu ŋa yiri ti durunya n nufɔm wein n ni

¹² Na Yesu akaaki ase jama n ka, “Mini ti durunya n nufɔm wein a. Bo i su m su kɛɛ wo má awosin nu kun, ama, i nyá wein bo i ma ngɔɔ ni.” ¹³ Na Farasifɔm n ase i ka, “Wɔrɔ, a sudi u ŋu daani wɔ, be de má u daani n ka i ti nahɔre.” ¹⁴ Na Yesu ase bu ka, “Haari nzen m di m ŋu

daani n mmɔɔ, m daani diiwa n ti nahɔre wɔ, dama m si deke n bo m fite baari, na m kaaki si deke bo m sukɔ ni. Ama, amɛɛ, am si mǎ deke bo m fite, na am kaaki si mǎ deke bo m sukɔ n gusu. ¹⁵ Amɛɛ, am di jɔre kabo durunya n nufɔm di bu bengum jɔre n wɔ, ama, mini ni m tii, m di mǎ be jɔre. ¹⁶ Ama, haari nzen m di mine jɔre n mmɔɔ, m jɔre diiwa n ti nahɔre wɔ, dama mǎ mini ngumi di minem jɔre a, ama, mini ni m Si bo i sunmaari m ni di a. ¹⁷ Ba kere am Nyeme noanie kpamaawa n nu ka, nzen mine nnyɔ daani diiwa yo kun, nyini la ka i ti nahɔre wɔ lɛɛ. ¹⁸ Mini ni m tii di m ɲu daani a, na m Si bo wɔ sunma m gusu di m daani.” ¹⁹ Na ba bisa i ka, “U si wo ni?” Na wɔ bɔ bu nu ka, “Am si mǎ m ni m Si n be n mmɔɔ. Nzen mǎ am si mini, mǎ am si m Si n mmɔɔ.”

²⁰ Sanja bo Yesu seeri sɔ ni, i wo minem kere su Nyeme Sereebiri Awuru n nu, fa dodo deke bo bu yi bu saraka ɲwaa fa ma Nyeme n wɔ. Ama, be akoro atara mǎ i, dama i sanja nya ju mǎ.

Kabo Yesu seeri ka i fite mǎ durunya n nu fen ni

²¹ Na Yesu akaaki ase bu ka, “M bǎ kɔ yaki am, na am bǎ nienie m busu, ama, am ɲu mǎ m, na am bǎ wu ni am satie ni. Deke bo m sukɔ ni, am koro kɔ mǎ dɔ.” ²² Na Yudaɔm n abisa ka, “I ɲa deke bo i sukɔ ni, ya koro kɔ mǎ dɔ. Nyini la ka, i kún i ɲu wɔ lɛɛ, nzen se a?” ²³ Na wɔ se bu ka, “Amɛɛ fite durunya n nu fen wɔ, ama, mini fite aɲgoro wɔ. Amɛɛ ti durunya n nu fen fɔm wɔ, ama, mini fite mǎ durunya n nu fen. ²⁴ Nyini ti ye ma se am ka, am wú ni am satie n a, dama nzen am yo mǎ m yarada ka mini la sɔnɔhɔre n bo m se am ka m ti ni, am wú ni am satie n wɔ.” ²⁵ Na ba bisa i ka, “Ye wɔwɔ la ɲma a?” Na Yesu ase bu ka, “Kabo m se am sanja kere ni, m ti sɔ ɔ. ²⁶ M la sa dɔnggu bo m jɔjɔ fa kɔ am dɔ, na m la sa dɔnggu bo m fa di am jɔre jaraki am, ama, yiri bo i sunmaari m ti nahɔrefɔ ɔ, na deke bo i se m ni, nyini ye m kan kere durunya n nufɔm a.” ²⁷ Yesu seeri sɔ ni, ba si mǎ ka i jɔjɔ niiri i Si Nyeme wɔ. ²⁸ Na wɔ se bu ka, “Am bǎ yeeri mini Adamande Wa n su baka jaanu n su, ye am sí ka mini la sɔnɔhɔre n bo m se am kabo m ti n a, na m yo mǎ deke be m dɛɛ yiko nu, ama, m se kabo m Si akere m wɔ. ²⁹ Yiri bo i sunmaari m n wo m dɔ, wɔ nya yaki mǎ m cɛɛn be, dama sanja kere m yo deke bo i sun i nu wɔ.” ³⁰ I jɔjɔri sɔ ni, na jama n dɔnggu ayo i yarada.

Kabo Yesu seeri Yudaɔm ka bu satie dɛɛ ti ma ba yo akɔɔm n a

³¹ Na Yesu ase Yudaɔm bo bu yo i yarada n ka, “Nzen am de m noanie ni, am ti m susufɔm wɔ nahɔre su. ³² Na am sí deke bo i ti nahɔre ni, na nahɔre ni mǎ am nya am tii a.” ³³ Na ba se i ka, “Ya ti Abraham anumam wɔ, be nya fa mǎ ya yo mǎ i akɔɔm. Ye nzu ti ye a ɲa ya nyǎ ya tii a?”

³⁴ Na Yesu ase bu ka, “Nahɔre ye m suse am a, ka, sɔnɔ kere bo i yo satie, i mi ti satie akɔɔ. ³⁵ Akɔɔbaa koro ka mǎ awuru n nu sanja kere, ama, awurubaa yiri wo awuru n nu wɔ sanja kere. ³⁶ Nyini ti, nzen mini awurubaa n nya deeri am tii jiiri, am nyǎ am tii nahɔre su. ³⁷ M si ka am ti Abraham anumam wɔ, ama, am koro ka am kun m wo, dama am ade mǎ m noanie ni. ³⁸ Deke bo mini anju i m Si dɔ n ye m suse am a, ama, amɛɛ, deke bo am ti i am si dɔ, ye am yo a.” ³⁹ Na ba se i ka, “Ya si la Abraham.” Na wɔ se bu ka, “Nzen mǎ am ti Abraham

nbaam, má am yo i sayoowa a. ⁴⁰ Kabo i ti ni, ma se am nahore sam bo m tiiri i Nyeme do n wo, ama, am koro ka am kun m wo. Abraham ayo má nyini be so. ⁴¹ Amberé, am yo am si sayoowa a.” Na ba se i ka, “Yere, ya ti má soma nbaam. Ya si la Nyeme ngumi wo.” ⁴² Na Yesu ase bu ka, “Nzen má Nyeme ti am Si, má am koro m, dama m fiteeri Nyeme do o, ye m baari fen n a. Ma ba má ni m dee yiko nu, ama, yiri sunmaari m a. ⁴³ Nzu ti ye am ti má m jojoowa n bu a? Dama am koro de má m noanie n dee ti. ⁴⁴ Sitana ti am si wo, na am koro ka am yo kabo am si koro n wo, i fite ka i bumboori kere, i ti sono kunfo o, na i su má nahore su, dama nahore haari kun mmoo wo má i do, i dee la ka i bu kore wo, dama yiri ti korefo a, na yiri kaaki ti korefom kere si a. ⁴⁵ Ama, mini se nahore n ti, am de má m noanie ni. ⁴⁶ Am nma koro kere m satie bo ma yo i a? Nzu ti ye m se am nahore, ye am de má m noanie n a? ⁴⁷ Sono kere bo i ti Nyeme dee, i mi ti Nyeme noanie wo. Deke bo i ti na am ti má Nyeme noanie n la ka, am ti má i deem wo.”

Kabo Yesu ti kpiri tara Abraham ni Nyeme noanie kanfom ni

⁴⁸ Na Yudafom n ase i ka, “Bo ya na a ti Samariyaf o, na ajini wo u nu ni, i ti má nahore wo, nzen se a?” ⁴⁹ Na Yesu ase bu ka, “Ajini wo má m nu, ama, m bu m Si n wo, ye amberé bu má m. ⁵⁰ M sukoro má ka mine wura m nu kpiri wo, be wo bere bo i koro ka i wura m kpiri, yiri ti joredifo a. ⁵¹ Nahore ye m suse am a, ka, sono kere bo i bita m noanie ni, i mi wú má fieo.”

⁵² Na ba se i ka, “Kisa, ye ya si ka ajini wo u nu a. Abraham ni Nyeme noanie kanfom ni kere awu, ama, woro na sono kere bo i bita u noanie ni, i mi wú má fieo. ⁵³ A tara ya si Abraham bo wo wu n wo? I ni Nyeme noanie kanfom kere awu. A bu u nu se wo?”

⁵⁴ Na Yesu ase bu ka, “Nzen m wura m nu kpiri, i ti ngbeen wo. M Si wura m kpiri a, yiri bo am na i ti am Nyeme ni, ⁵⁵ ama, am si má i. Mini si i a. Haari nzen m na m si má i, m yo korefo ka amberé wo. Ama, m si i, na m bita i noanie ni. ⁵⁶ I yoori am si Abraham fie ka i nu m ba n nu, i nuuri i, na i ahore ajo.” ⁵⁷ Na ba se i ka, “A nya ju má afo aburunu, ye i yo se ye a na a nuuri Abraham a?” ⁵⁸ Na Yesu ase bu ka, “Nahore ye m suse am a, kana bu ba wuuri Abraham ni, mini wo bere wo.” ⁵⁹ I seeri so ni, na ba fa yabue ka bu bo kun i, ama, na wo loroki afite Nyeme Sereebiri Awuru n nu.

9

Kabo Yesu tekeeri anyinsin be nyumbaa ni

¹ Na sangga bo Yesu wo natiiri su ni, na wo nu sono be, bu wuuri i ni, i ti anyinsin wo. ² Na i susufom n abisa i ka, “Ya Kerefo, nzu ti ye bu wuuri ahin sono ni anyinsin a? I wufom yoori satie, nzen i dee satie a?” ³ Na Yesu ase bu ka, “I ti má i ni i wufom be mmoo satie dee ti, ama, Nyeme koro ka minem nu kabo i yo alekutura sa fa ma i a. ⁴ Kabo wie toko wo bere ni, am ma ya yo yiri n bo wo sunma m juma ni. Ale bá san bo be koro yo má juma be. ⁵ Kabo m toko wo durunya n nu ni, mini ti durunya n nufom wein a.”

⁶ Yesu seeri so ni, na wo yi nanzue ago asiengu, na wo fa akpita naatie afa aboroki anyinsin nyumbaa nnyo n kere. ⁷ Na wo se i ka, “Ko na a ko nmisi u nyunu Silowam bura n nu.” Silowam n bu la ka, ba

sunma i wɔ. Na wɔ kɔ aɲmisi i nyunu n na wɔ ɲu asi, na wɔ kaaki aba awuru.

⁸ Na i lamɔkɔm ni minem bo bu yo ɲuuri i saɲga kere ka i sere ni, abisa ka, “Má ahin sɔnɔ ni yo tana fɛn sere n a?” ⁹ Nbem ɲa, “Yiri a.” Nbem gusu ɲa, “Má yiri a. I feremafɔ a.” Na yiri n mmɔɔ ni i tii suse bu ka, “Mini a.” ¹⁰ Na ba bisa i ka, “Ye i yoori se ye u nyumbaa n ateke a?” ¹¹ Na wɔ se bu ka, “Sɔnɔ n bo bu fere i ka Yesu ni, yiri kpitaari naatie bɔrɔkiiri m nyumbaa n a. Na wɔ se m ka m kɔ Silowam bura n nu, na m kɔ ɲmisi m nyunu. Na ma kɔ aɲmisi, kpeɲga na ma ɲu asi.” ¹² Na ba bisa i ka, “Ye yiri n wo ni?” Na wɔ se bu ka, “M si má.”

Kabo Farasifɔm bisaari sɔnɔ n fa kɔ i nyumbaa tekeewa n su ni

¹³ Na ba fa sɔnɔ n bo i yo tiiri anyinsin n akɔ Farasifɔm dɔ. ¹⁴ Nyini cɛɛn n bo Yesu kpitaari naatie na i fa tekeeri anyinsin nyumbaa n tiiri ɲumiyi cɛɛn wɔ. ¹⁵ Nyini ti, na Farasifɔm gusu akaaki abisa i ka, “I yoori se ye a ɲuuri asi a?” Na wɔ se bu ka, “I faari naatie bɔrɔkiiri m nyumbaa n a, na ma ɲmisi i, na ma ɲu asi.” ¹⁶ Na Farasifɔm nbem ase ka, “Ahin sɔnɔ n fite má Nyeme dɔ, dama i bita má ɲumiyi cɛɛn ciire ni.” Ama, na nbem gusu ase ka, “I yo se ye satieyofɔ koro yo alekutura sam ka ahin ɲusu sɔ a?” Na bu kere nɔɔ awo i ɲɲuɲɲumi. ¹⁷ Na ba kaaki abisa sɔnɔ n bo i yo tiiri anyinsin bekun ka, “Ye wɔrɔ bo wɔ teke u nyumbaa ni, a bu i se wɔ?” Na wɔ se ka, “I ti Nyeme nɔɔɔɔ kanfɔ ɔ.”

¹⁸ Yudafɔ nkpienkpienm n ade má ka i yo tiiri anyinsin wɔ, ye i ɲu asi kisa, má ka bu ba fereeri i si, ni i ni, ¹⁹ na ba bisa bu ka, “Am wa n bo am ɲa am wuuri i na i ti anyinsin ni, yiri la ahin? Ye i yoori se ye i ɲu asi kisa a?” ²⁰ Na i si, ni i ni abɔ bu nu ka, “Ya si i ka i ti ya wa a, ya wuuri i anyinsin wɔ. ²¹ Ama, ya si má kabo i yoori barasu na i koro ɲu asi kisa ni, yere gusu kaaki si má sɔnɔ bo i tekeeri i nyumbaa ni. Wɔ ju i tienɲu sɔnɔ, am bisa i, yiri mmɔɔ ni i tii sé am.” ²² Deke bo i ti na i si, ni i ni seeri sɔ ni, bu soroori Yudafɔ nkpienkpienm n ahore wɔ, dama Yudafɔ nkpienkpienm n adu mɔ ase ka sɔnɔ kere bo i seeri ka Yesu ti Kristo Tiidefɔ ni, bu fɔn i mi fite bu tientienbunɔɔ sɔɔ n nu wɔ. ²³ Nyini dɛɛ ti ye i si, ni i ni seeri ka, “Wɔ ju i tienɲu sɔnɔ, am bisa yiri mmɔɔ ni i tii n a.”

²⁴ Na ba kaaki afere sɔnɔ n bo i yo tiiri anyinsin n bekun, na ba se i ka, “Nie Nyeme ti, na a jɔjɔ nahore. Yere si ka ahin sɔnɔ n ti satieyofɔ ɔ.” ²⁵ Na wɔ se bu ka, “Nzen i ti satieyofɔ ɔ, i ti má satieyofɔ ɔ, mini si má. Deke bo m si i n la ka, m yo tiiri anyinsin wɔ, ama, kisa m ɲu asi.” ²⁶ Na ba bisa i ka, “I yoori u se wɔ, ye i tekeeri u nyumbaa n se wɔ?” ²⁷ Na wɔ bɔ bu nu ka, “Ma du mɔ ase am kabo i tekeeri m nyumbaa ni, ye am ade má. Ye nzu ti ye am koro ka m kan kere am bekun a? Amberɛ gusu, am koro ka am yo i susufɔm wɔ, nzen se?” ²⁸ Na ba tɔ i ɲu ni nzuko kpie ase i ka, “Wɔrɔ ti nyini sɔnɔ n susufɔ a, yere yiri, ya ti Moyisi dɛɛ susufɔm wɔ. ²⁹ Ya si ka Nyeme yo jɔjɔɔri Moyisi dɔ a, ama, nyini sɔnɔ n yiri, ya si má i fiteebiri n mmɔɔ.”

³⁰ Na wɔ se bu ka, “Ahin ti alekutura wanla, am si má i fiteebiri, ama, wɔ teke m nyumbaa. ³¹ Ya si ka Nyeme de má satieyofɔ nyemesere, ama, sɔnɔ kere bo i su Nyeme atin su, na i yo i sa koroowa, Nyeme de i sere wɔ. ³² Fite durunya n bumboori, sɔnɔ be nya ti má ka be ateke sɔnɔ bo bu wuuri i na i ti anyinsin nyumbaa. ³³ Nzen má ahin sɔnɔ n afite má Nyeme dɔ, má i koro yo má pui.” ³⁴ Na ba se i ka, “Wɔrɔ yiri,

bu wuuri u satieyofɔ ɔ, ye wɔɔ koro ka a kere yeɛ a?" Na ba fɔn i afite.

Kabo Yesu ɲa bo bu de má Adamande Wa n ti anyinsinm ni

³⁵ Yesu tiiri ka ba fɔn ayi sɔɔ n ni, na wɔ kɔ aɲu i, na wɔ bisa i ka, "A yo Adamande Wa n yarada a?" ³⁶ Na sɔɔ n abisa i ka, "M Mibiɛ, yiri la ɲma a? Se m na m yo i yarada." ³⁷ Na Yesu ase i ka, "A ɲu i e, yiri la mini n bo m sujɔɔ u dɔ ni." ³⁸ Na sɔɔ n ase i ka, "M Mibiɛ, ma yo u yarada." Na wɔ kutu Yesu nyunu akansi i.

³⁹ Na Yesu ase ka, "M baari durunya n nu ka m ba di minem jɔɛ wɔ, na bo bu ɲu má asi n ɲú asi, na bo bu ɲu asi n yó anyinsinm." ⁴⁰ Farasifɔm nbem bo bu woori i bi dɔ n tiiri sɔ ni, na ba se i ka, "Nka a ɲa a se ka yeɛ gusu ti anyinsinm wɔ lɛɛ fan?" ⁴¹ Na Yesu ase bu ka, "Nzen má am ti anyinsinm, má am la má ɲgasi, ama, kabo am nya ɲa am ɲu asi ni, am toko la ɲgasi lɛɛ."

10

Kabo Yesu boori miɛɛnu niiri bɔɛsasafɔ ni

¹ Na Yesu ase ka, "Nahɔɛ ye m suse am a, sɔɔ bo i lɔɔki wura nbɔɛm sɔɔ n nu, na wɔ fa má anɔ n nu awura má, i mi ti awiefɔ ɔ, na i kaaki ti sɔɔ bo i nati fin minem di wɔ. ² Sɔɔ bo i fa anɔ n wura nbɔɛm sɔɔ n nu, yiri ti nbɔɛm sasafɔ n a. ³ Anɔ niefɔ ni teke anɔ n ma i a, na i fere i dɛɛ nbɔɛm n дума, na i nbɔɛm ni ti i konvi, na i fa bu fite. ⁴ Nzen i nya faari i nbɔɛm kere fiteeri, i du bu mɔ ɔ, na i dɛɛ nbɔɛm n su i su, dama bu si i konvi. ⁵ Sɔɔ bo bu si má i, bu sú má i su fieo, bu ɲmáti yaki i wɔ, dama bu si má i konvi."

⁶ Na Yesu abo ahin miɛɛnu n akere bu, ama, ba ti má i bu.

Kabo Yesu ɲa yiri ti bɔɛsasafɔ kpa n ni

⁷ Ba ti má miɛɛnu n bu n ti, na Yesu akaaki ase bu bekun ka, "Nahɔɛ ye m suse am a, mini ti nbɔɛm anɔ n bo bu fa wura sɔɔ n nu n a. ⁸ Bere kere bo bu duuri m mɔ baari, na bu yo bu ɲu ka bu nie nbɔɛm su ni, bu ti awiefɔm wɔ, ni minem bo bu nati fin minem di wɔ, ama, nbɔɛm n ade má bu jɔɔɔwa ni. ⁹ Mini ti anɔ n a, na sɔɔ kere bo i fa m dɛɛ anɔ n wuraari, i nyá tiide, na i wúra na i fite, na i nyá i diire di. ¹⁰ Awiefɔ dɛɛ la ka i ba wɔ ɔ, na i kun, na i saaki. Mini aba ka bu nyá ɲɔɔ bo i la má aɲusu.

¹¹ Mini ti bɔɛsasafɔ kpa n a. Bɔɛsasafɔ kpa n tɔ i ɲɔɔ ɔ, na i wu ma i nbɔɛm ni. ¹² Padifɔ n bo ba fa i ka i sasa nbɔɛm n ti má bɔɛsasafɔ nahɔɛ su, na nbɔɛm n ti má i dɛɛm. Nyini ti, nzen i ba ɲuuri ka bedi suba, i ɲmati yaki nbɔɛm wɔ. Na bedi n wura bu nu tara nbem, na bo ba ka n sandi. ¹³ I ti padifɔ n dɛɛ ti, na i cɛɛ wo má nbɔɛm n nu, nyini ti ye i ɲmati yaki bu n a. ¹⁴⁻¹⁵ Mini ti bɔɛsasafɔ kpa n a. Kabo m Si Nyɛmɛ si m na m si i ni, sɔ ye mini gusu si m dɛɛ nbɔɛm a, na bu gusu si m. Na m tɔ m dɛɛ ɲɔɔ na m wu ma bu. ¹⁶ M la nbɔɛ nyiɲga nbem bo bu ti m dɛɛm, bo bu wo má ahin nbɔɛm n nu. Wɔ yo daka ka m fa bu gusu ba wura ahinm n nu. Bere gusu tí m konvi na bu dé i, na bu yó kun na bu sasafɔ yó kun. ¹⁷ M tɔ m dɛɛ ɲɔɔ fa ma m minem, na m káaki de i bekun, nyini dɛɛ ti ye m Si koro m n a. ¹⁸ Be sude má m dɛɛ ɲɔɔ ni m dɔ, ama, mini ni m tii sutɔ i m koroyanu a. M la atin bo m tɔ m dɛɛ ɲɔɔ ni, na m kaaki la atin bo m de i bekun. M Si maari m nɔɔ ka m yo sɔ a."

19 Yesu seeri sɔ n dɛɛ ti, na Yudafo nkpienkpienm n nɔɔ awo i ngungumi bekun. 20 Na bu dɔngu n ase ka, “Ajini wo i ɲu, nyini dɛɛ ti, wo bo fie a. Nzu ti ye am so am sui i dɔ a?” 21 Ama, nbem ɲa, “Má sɔnɔ bo ajini wo i ɲu jɔjɔwa la ahin. Ajini yo se koro teke anyinsin nyumbaa?”

Kabo Yudafo m keteeri Yesu ni

22 Fufuku sanɲa na Yudafo m ba sudi bu cɛɛnkpiri n Yerusalem mie kpiri n nu, na bu tenɲe su kabo bu yo tekeeri Nyeme Sereebiri Awuru n ni, na bu yoori i dɔngu ni. 23 Na Yesu sunati bara ye Solomon Lele n bo i wo Nyeme Sereebiri Awuru n nu ni. 24 Na Yudafo nbem atien bu nɔɔ abara aye i, na ba bisa i ka, “Sanɲa bɔnɔ ye a bá kan teke ya nyi a? Nzen wɔɔ ti Kristo Tiidefo n a, se ya nahore kpain.” 25 Na Yesu ase bu ka, “Ma se am, ye am ade má a. Alekutura sam bo m yo bu m Si duma n nu ni, di m ɲu daani a. 26 Ama, am yo má m yarada, dama am ti má m dɛɛ nbɔɛm. 27 M dɛɛ nbɔɛm ti m konvi. M si bu, na bu su m su. 28 M ma bu ɲɔɔ bo i la má awieeri, na bu ká má ɲgbɛɛn cɛɛn be fieo. Be gusu koro fin má bu fite má m saa nu. 29 M Si bo i faari bu maari m ni, tara deke kere fanɲa, na be wo má bere bo i koro fin bu fite m Si saa nu. 30 Mini ni m Si ti deke kun wɔ.”

31 Na Yudafo m afa yabue bekun ka bu bo kun i. 32 Na Yesu ase bu ka, “Ma yo alekutura sakpam dɔngu, bo m Si kereeri m na am anu i, ye sa bɔnɔ ti ye am ɲa am kun m n a?” 33 Na Yudafo m ase i ka, “Má sakpam bo a yo bu n be dɛɛ ti ye ya ɲa ya kún u a, ama, bo a jɔjɔ wura Nyeme ɲgasi nu n ti, dama a ti adamande wɔ, ama, na a se ka a ti Nyeme wɔ.” 34 Na wɔ se bu ka, “Ba kere i am Nyeme Jɔre Kadasi n nu ka, Nyeme ɲa, ‘Am ti ka Nyeme wɔ.’ 35 Be koro bu má Nyeme Jɔre Kadasi ni ɲgbɛɛn. Nyeme yo seeri bu ka bu ti ka Nyeme wɔ, bere bo bu deeri Nyeme nɔaniɛ ni, 36 ama, mini yiri, m Si Nyeme ayi m, ye wɔ sunma m durunya n nu a. Ye nzu ti ye ambere ɲa ma kan ciire jɔre, dama m ɲa mini ti Nyeme Wa a? 37 Nzen m yo má m Si juma ni, má am yo m yarada. 38 Ama, nzen m yo bu na haari am yo má m yarada mmɔɔ a, am yo m juma n yarada, adena am si nahore su ka mini ni m Si n ti deke kun wɔ.” 39 I seeri sɔ ni, na ba kpi ka bu tara i bekun, na wɔ lɔrɔki afite bu nu.

40 Na Yesu akaaki akpie ako Yodan kunma n buekun dɔ ako aju deke bo Yohane yo bieeri minem Nyeme nzue ni, na wɔ wo dɔ. 41 Na jama beberebe aba i dɔ, na ba se ka, “Yohane ayo má alekutura sa be, ama, jɔjɔwa kere bo i yo jɔjɔ fa kɔri ahin sɔnɔ n ɲusu n ti nahore wɔ.” 42 Na mine dɔngu ayo i yarada dɔ.

11

Kabo Lazarosi wuuri ni

1 Na sɔnɔ be bo bu fere i ka Lazarosi n ada tukpaki. I ninbaam la Mariya ni Marata. Bu bɔsu la Betani. 2 Nyini Mariya n bo i niwa Lazarosi daari tukpaki ni, yiri ba faari tulaaleɛ nvanvanifo goori Yesu jaa su ye i faari i tiɲmie tintiin nunukaari i n a. 3 Na i ninbaa nbaabaram n asunma ka bu kɔ se Yesu ka, “Ya Mibie, u danfo n bo a koro i agaya n ada tukpaki.” 4 Yesu tiiri sɔ ni, na wɔ se ka, “Ahin tukpaki n ti má yiwee tukpaki, ama, i yo sɔ, na minem ɲu Nyeme jirima woowa kabo i ti, na Nyeme ma minem ɲu mini bo m ti i Wa n gusu jirima

woowa.” ⁵ Tɔ, Yesu koroori Marata ni Mariya ni bu niwa Lazarosi. ⁶ Ama, i tiiri ka Lazarosi ada tukpaki ni, na wɔ ka deke bo i woori n cɛɛn nnyɔ abuka su.

⁷ Nyini sin na Yesu ase i susufɔm ka, “Am ma ya kaaki kɔ Yudiya dɛɛ awɔrɛ n nu.” ⁸ Na i susufɔm n ase i ka, “Ya Kerefɔ, mǎ anzɔni fɛn ye Yudafɔm ɲa bu tu yabue bo kun u n a? Ye a sukoro ka ya kpie ya nyi kɔ dɔ bekun n a?” ⁹ Na Yesu ase bu ka, “Fa ɲgarama kɔ ju naaso, m ɲa i ti wie kun wɔ e. Sɔnɔ bo i nati wiesu bo mǎ i jaa, dama durunya n nu wein ni ma i ɲu asi a. ¹⁰ Ama, sɔnɔ bo i nati kɔngue bo i jaa, dama wein wo mǎ i dɔ.” ¹¹ Yesu jɔjɔɔri sɔ n sin, na wɔ kaaki ase bu ka, “Ya danfo Lazarosi adaafi, ama, m sukɔ na m kɔ tenge i lɛɛ.” ¹² Na i susufɔm n ase i ka, “Ya Mibiɛ, nzen wɔ daafi wɔ, i nyǎ laifɛ.” ¹³ Kabo Yesu seeri n la ka, Lazarosi awu wɔ, ama, i susufɔm bere sunsun ka i ɲa wɔ daafi nahɔrɛ su wɔ. ¹⁴ Nyini ti, na Yesu ase bu kpain ka, “Lazarosi awu. ¹⁵ Ama, ambere dɛɛ ti, wɔ yo m fie ka ma wo mǎ dɔ, adena am yo yarada. Am ma ya kɔ i dɔ.” ¹⁶ Na Tomasi bo bu fere i ka Ndaa n ase i lamɔkɔ susufɔm n ka, “Am ma yere gusu kɔ, nzen bu kɔ kuunri i a, na ya ni yiri kere awu.”

Kabo Yesu ɲa yiri tenge minem yiwee nu ni

¹⁷ Saɲga bo Yesu kɔ juuri ni, i ɲuuri ka ba se Lazarosi i lenna lɛɛ. ¹⁸ Betani ni Yerusalem miɛm waari mǎ ni i benggu. ¹⁹ Na Yudafɔm dɔɲgu aba Marata, ni Mariya dɔ ka bu ba dada bu ahore, bu niwa n bo wɔ wu n dɛɛ ti. ²⁰ Marata tiiri ka Yesu suba ni, na wɔ kpa i atin, ama, na Mariya aka awuru. ²¹ Na Marata ase Yesu ka, “M Mibiɛ, nzen mǎ a woori fɛn, mǎ m niwa n awu mǎ. ²² Ama, haari ni nyini mmɔɔ, m si ka deke kere bo a sere Nyɛmɛ, i yɔ i ma u.” ²³ Na Yesu ase i ka, “U niwa ni tɛnge i yiwee n nu bekun.” ²⁴ Na Marata ase i ka, “M si ka i bǎ tenge i yiwee nu jina cɛɛn, saɲga bo Nyɛmɛ bǎ tenge minem bu yiwee nu ni.” ²⁵ Na Yesu ase i ka, “Mini ti sɔnɔ bo i tenge minem bu yiwee nu, na i mǎ bu ɲɔɔ n a. Sɔnɔ kere bo i yo m yarada, haari nzen i wuuri, i nyǎ ɲɔɔ. ²⁶ Na sɔnɔ kere bo i la ɲɔɔ na i yo m yarada, i mi wu mǎ fieo. A yo ahin jɔjɔɔwa n yarada a?” ²⁷ Na Marata ase i ka, “M Mibiɛ, ma yo yarada ka wɔrɔ ti Nyɛmɛ Wa, Kristo Tiidefɔ n a, bo i ɲa i sɔnma i durunya n nu ni.”

Kabo Yesu suunri ni

²⁸ Marata seeri sɔ n sin, na wɔ kaaki akɔ afere i niwa Mariya benlɛ, na wɔ se i ka, “Ya Mibiɛ n aba, i ɲa a bra.” ²⁹ Mariya tiiri sɔ ni, i kaba bereki yasuuri wɔ, na wɔ kɔ i dɔ. ³⁰ Nyini saɲga, na Yesu nya ju mǎ miɛ n nu, i toko wo deke bo Marata kɔ tuuri i n wɔ. ³¹ Na Yudafɔm bo bu woori awuru n nu Mariya bi, na bu sudada i ahore ni, bu ɲuuri kabo i bereki yasu fiteeri ni, na ba su i su. Bu sunsuunri ka i sukɔ deke bo bu seeri Lazarosi n wɔ, na i kɔ sun. ³² Saɲga bo Mariya kɔ juuri deke bo Yesu wo n na i ɲuuri i ni, na wɔ kutu i nyunu, na wɔ se i ka, “M Mibiɛ, nzen mǎ a woori fɛn, mǎ m niwa n awu mǎ.” ³³ Yesu ɲuuri ka i susun ni, ni kabo Yudafɔm n bo bu suuri i su baari n gusu wo sun su ni, na i ahore asaaki, na wɔ mi i ɲumi. ³⁴ Na wɔ bisa bu ka, “Am seeri i ni wɔ?” Na ba se i ka, “Ya Mibiɛ, bra na a ba niɛ.” ³⁵ Na Yesu asun. ³⁶ Nyini ti na Yudafɔm n ase ka, “Am niɛ kabo i koro i agaya barasu a.”

³⁷ Ama, na bu nbem ase ka, “Yiri n bo i teke anyinsin n nyumbaa ni, má i koro tuntun má sɔnɔ ni, na i wu má, nzen se?”

Kabo Yesu tengeeri Lazarosi i yiwee nu ni

³⁸ Na Yesu ahore asaaki bekun, na wɔ kɔ deke bo bu seeri Lazarosi ni. I ti yabue bue fanjunma wɔ, ye bu faari i seeri nu a, na ba fa yabue nyinga atɔ anɔ ni. ³⁹ Na Yesu ase bu ka, “Am ba yi yabue ni.” Na sɔnɔ n bo wɔ wu n niwa Marata ase i ka, “M Mibiɛ, kisa wɔ bun, dama bu seeri i nyuma lenna lɛɛ.” ⁴⁰ Na Yesu ase i ka, “Ma se má u ka, nzen a yoori m yarada, a nɔ Nyemɛ jirima woowa kabo i ti barasu?” ⁴¹ I seeri sɔ ni, na ba lakati yabue ni. Na wɔ ye i tii su angoro, na wɔ se ka, “M Si, m da u asi ka a de m sere. ⁴² M si ka sanɔa kere a de m sere wɔ, ama, ahin minem bo bu jina fen n dɛɛ ti, ye m seeri sɔ a, adena bu yo m yarada ka wɔwɔ sunmaari m a.” ⁴³ I sereeri Nyemɛ n wieeri ni, na wɔ tien ase ka, “Lazarosi, fite.” ⁴⁴ Na sɔnɔ n bo wɔ wu n afite fanjunma n nu. Tani pɔɔndiiri i saa, ni i jaa, na tani kun pɔɔndiiri i tii. Na Yesu ase bu ka, “Am nyanɔi yi tani n na am ma i kɔ.”

Kabo bu seseeri su ka bu kun Yesu ni

⁴⁵ Yudafom donɔgu bo bu baari Mariya dɔ nɔuri sa n bo Yesu yoori i ni, na ba yo i yarada. ⁴⁶ Na bu nbem akɔ Farasifom n dɔ akɔ ase bu kabo Yesu ayo ni. ⁴⁷ Na Farasifom ni Nyemɛ sayoowa donɔguyofɔ nkpienkpienm n afere Yudafom tereterefom ni, na ba tien bu nɔɔ. Na ba se ka, “Ye ya yo se wɔ? Am niɛ e, ahin sɔnɔ ni suyo alekutura sayoowam donɔgu. ⁴⁸ Nzen ya yaki i na i suyo sɔ, minem kere yɔ i yarada a, na Roma yikofom bá saaki ya Nyemɛ Sereebiri Awuru ni, na bu kún ya minem ni.” ⁴⁹ Na bu nu sɔnɔ be bo bu fere i ka Kayafasi ni, bo i ti Nyemɛ sayoowa donɔguyofom kere kpien nyini afo n ase ka, “Amberɛ, am si má pui. ⁵⁰ Am si má kabo i ti n wɔ, nzen se? Ka nzen am ma sɔnɔ kun wu maari minem kere, i ti ye ni bo ya minem kere bá wu ni.” ⁵¹ Má i koroyanu ye i seeri sɔ a, ama, yiri ti Nyemɛ sayoowa donɔguyofom kere kpien nyini afo n ti, ye Nyemɛ ma i seeri ka Yesu wú ma Yudafom n a. ⁵² Na má bere ngumi dɛɛ ti ye i wú a, ama, adena i tien Nyemɛ nbaam nɔɔ, na bu yo kun, bere bo ba sandi akɔ asien nbem n su. ⁵³ Nyini dɛɛ ti, fite nyini cɛɛn n fa kɔ, na ba sese su ka bu kun Yesu.

⁵⁴ Nyini dɛɛ ti, wɔ yi má i nɔ fofoe nu anati má Yudafom nu kun. Ama, i fiteeri bere ni, na wɔ kɔ awɔre be bo i wo dodo boro kpantain dɛɛ bue ni, na i ni i susufom n akɔ awo miɛ n bo bu fere i ka Efrayim n su.

⁵⁵ Nyini sanɔa, wɔ ka kaan, na Yudafom di bu Butara cɛɛnkpiri ni, na mine donɔgu afite ahemem aba Yerusalem miɛ kpiri n nu, na bu ba kpakpara bu nɔ fin ka, na cɛɛnkpiri n nya ju. ⁵⁶ Na ba nienie Yesu busu, na sanɔa bo bu wo Nyemɛ Sereebiri Awuru n nu ni, na ba bisa bu nɔnɔ nu ka, “Am sunsun se wɔ? I bá cɛɛnkpiri ni? Ya de má ka i bá.” ⁵⁷ Ama, Nyemɛ sayoowa donɔguyofɔ nkpienkpienm ni, ni Farasifom n ama nɔɔ ka sɔnɔ kere bo i si deke bo Yesu wo, i se bu na bu kɔ tara i.

12

Kabo Mariya faari tulaaleɛ nvanvanifo gɔɔri Yesu jaam su ni

¹ Na sanɔa bo i ba kaari lesen, na bu di Butara cɛɛnkpiri ni, na Yesu akɔ Betani, Lazarosi bɔsu, yiri bo Yesu tengeeri i yiwee n nu ni. ² Na

ba su Yesu wɔfɔ dɔ. Marata faari diire n ba maari bu a, Lazarosi gusu woori minem bo bu ni Yesu diiri diire n nu. ³ Na Mariya afa tulaalɛ nvanvani bo i la gɔ agaya tuwa bambaka kun, na wɔ fa agɔ Yesu jaa su, na wɔ fa i tiɪnmɛ tintiin anunuka i jaam kɛrɛ su, na tulaalɛ ni nvani ade awuru n kɛrɛ. ⁴ Na Yesu susufɔm kun bo bu fere i ka Yudasi Isikariyoti bo i bá tɔ Yesu n abisa ka, ⁵ “Nzu ti ye bara n atɔ má tulaalɛ n na i nya nɔwaa beberebe, na ya fa ma yaarifɔm a?” ⁶ I ti awiefɔ n dɛɛ ti ye i seeri sɔ a, má ka i cɛɛ wo yaarifɔm nu wɔ. Yiri ti bu nɔwaa bitafɔ a, na i suwɔ nɔwaa n be sanɔa sanɔa. ⁷ Na Yesu ase ka, “Yaki Mariya bɛnle, i dɛɛ nzee bo i sufa yo m fa kɔ m yiwee cɛn lɛɛ. ⁸ Dama am ni yaarifɔm ni wo bɛrɛ sanɔa kɛrɛ a, ama, am ni mini koro wo má bɛrɛ sanɔa kɛrɛ.”

⁹ Yudafɔm beberebe tiiri ka Yesu woori dɔ ni, na ba ba i dɔ, má ka Yesu nɔgumi ti ye bu baari a, ama, bu baari ka bu ba nɔ Lazarosi n bo Yesu tengeeri i yiwee n nu n wɔ. ¹⁰ Nyini dɛɛ ti, na Nyɛmɛ sayoowa dɔnguyofɔ nkpienkpiɛnm n asɛɛ su ka bu kun Lazarosi gusu. ¹¹ Dama i dɛɛ ti ye Yudafɔm dɔngu akaaki bu sin abo bu a, ye ba yo Yesu yarada n a.

Kabo Yesu wurari Yerusalem ka fɛmɛ dɛɛ su ni

¹² Na alecin na jama n bo bu baari ka bu ba di Butara cɛɛnkpiri n ati ka Yesu suba Yerusalem miɛ kpiri n nu. ¹³ Na ba kpiɛkpiɛ kpakpa nyawa akɔ akpa i atin, na bu subɔ kuyigindi, bu nɔ,
“*Hosana*. Ya kansɩ Nyɛmɛ.

Terefɛ wo yiri n bo i suba Micera n dɛɛ duma n nu n dɔ.

Terefɛ wo Yisarelifɔm fɛmɛ n dɔ.”

¹⁴ Na Yesu anɔ kaakobaa be, na wɔ fun atana su, kabo ba kɛrɛ i Nyɛmɛ Jɔrɛ Kadasi n nu ni,

¹⁵ “Amberɛ Siyonfɔm, má am soro sɛrɛ.

Am niɛ, am fɛmɛ ni suba n a,

i fun kaakobaa wɔ.”

¹⁶ Nyini sanɔa, i susufɔm nya si má nyini sam n bo ba yo n kɛrɛ bu. Má ka sanɔa bo Yesu ba tengeeri i yiwee n nu, na bu nɔuri i jirima woowa n sin, na ba nya atɛnɛ su, ka ba kɛrɛ i Nyɛmɛ Jɔrɛ Kadasi n nu ka bu yó i sɔ ɔ, na ba kaaki atɛnɛ su, ka ba yo i sɔ nahɔrɛ su. ¹⁷ Na jama n bo bu yo woori Yesu dɔ, sanɔa n bo i fereeri Lazarosi fiteeri fanɔkunma n nu, na i tengeeri i yiwee n nu ni, na bu sukan labari ni. ¹⁸ Nyini alekutura sa n bo i yoori i na minem tiiri n dɛɛ ti, na ba kpa i atin. ¹⁹ Na Farasifɔm n ase bu nɔnɔ nu ka, “Am anɔ má i? Ya koro yo má pui kun. Yiri ye durunya n nufɔm kɛrɛ susu i su n a.”

Kabo Girikifɔ nbem ba bisaari Yesu busu ni

²⁰ Minem bo bu baari Yerusalem miɛ kpiri n nu Butara cɛɛnkpiri n sanɔa n ka bu ba su Nyɛmɛ ni, bu nbem ti Girikifɔm wɔ. ²¹ Na ba ba Filipu dɔ, i fite miɛ n bo bu fere i ka Besayida na i wo Galili awɔrɛ n nu n wɔ. Na ba se i ka, “Njabisɛ, ya koro ka ya nɔ Yesu wɔ.” ²² Na Filipu akɔ ase Andere, na bu nnyɔ n kɛrɛ akɔ ase Yesu. ²³ Na Yesu ase ka, “Sanɔa n aju bo Nyɛmɛ wúra mini Adamande Wa n kpiri. ²⁴ Nahɔrɛ ye m suse am n a, má ka alɛmbaa awura fa nu, na wɔ kpɔrɔ, i ti i ti wɔ. Ama, nzen i wurari fa nu na i kpɔrɔrɔ, ye i wúra mbaa beberebe a. ²⁵ Sɔnɔ kɛrɛ bo i koro i nɔɔ, i mi bá fun i, ama, sɔnɔ kɛrɛ bo i koro má i nɔɔ durunya n nu fɛn, i mi bá nya nɔɔ bo i la má awieeri.

26 Sɔnɔ kere bo i su m, wɔ yo daka ka i mi su m su, na deke bo m wo ni, m amusuisufɔ gusu wɔ do ɔ. Na sɔnɔ kere bo i suuri m, m Si Nyeme wura i mi kpiri.”

Kabo Yesu jɔjɔ fa kɔɔri i yiwee n jɔre su ni

27 Na Yesu ase ka, “Kisa, m ahore asaaki, ye m se se wɔ? M koro se ka, m Si Nyeme, yi m fite ahin anyumboro bo i suba m do n nu, nzen se? Ai, m koro se má sɔ, dama nyini deɛ ti ye m baari a. 28 M deɛ bo m se la ka, m Si, kere kabo u jirima woowa ti.” Na akonvi be atien afite angoro ase ka, “Ma du mɔ akere kabo m jirima woowa ti, na m káaki kere i bekun.” 29 Jama n bo bu jina Yesu bi n tiiri akonvi ni nga ni, na bu nbem ase ka, “Nzue akpura.” Na nbem gusu ase ka, “Nyeme merereke ajɔjɔ i do a.” 30 Na Yesu ase bu ka, “Amberɛ deɛ ti ye akonvi n jɔjɔri a, má mini deɛ ti a. 31 Saŋga n aju bo Nyeme dí durunya n nufɔm jɔre, na i fɔn yi Sitana bo i ti bu feme ni. 32 Ama, mini, bu ba yeeri m su jinaari angoro baka jaanu n su, m cín sɔnɔ kere ba m do.”

33 Kabo i yo seeri sɔ n kere yiwee n bo i bá wu i n wɔ.

34 Na jama n ase i ka, “Ya ti i Nyeme Jɔre Kadasi n nu ka, Kristo Tiidefɔ ni wo bere saŋga kere. I wú má. Ye i yoori se ye wɔɔ ɲa, wɔ yo daka ka bu bá yeeri Adamande Wa n su jinaari angoro baka jaanu n su a? Ye Adamande Wa n la ɲma a?” 35 Na Yesu ase bu ka, “Mini bo m ti wein ni, m wo am nu kisa, ama, m cé má. Nyini deɛ ti, am nya wo ni wein ni, am sunati wein nu wɔ, na má awosin tu am. Sɔnɔ kere bo i wo awosin nu, i mi si má deke bo i sukɔ ni. 36 Am nya wo ni wein ni, am yo i yarada, na m má am yo wein deɛ nbaam.” Yesu seeri sɔ ni, na wɔ fite bu nu akɔ afie deke be, na má be ɲu i.

Kabo Yudaɔm ayo má Yesu yarada ni

37 Yesu yo yoori alekutura sam doŋgu na ba ɲu i, haari ni nyini mmɔɔ, ba yo má i yarada. 38 Nyini ma Nyeme noanie kanfɔ Esaya jɔre n bo i yo kereeri n yo yiiwa. I ɲa, “M Nyeme Feme, ɲma ade jɔre n bo ya kan i n a?”

Ye ɲma ye a yi u yiko akere i a?”

39 Nyini deɛ ti, ye ba koro ayo má Yesu yarada n a. Kabo Esaya akaaki ase ka,

40 “Nyeme ama ba yo anyinsinm

na má bu ɲu asi,

na wɔ ma bu ahore ayo kekereke

na má bu ti i noanie n bu,

adena má bu kaaki ba i do

na bu nya laifie.”

41 Esaya yo ɲuuri Yesu jirima woowa n deɛ ti, ye i kaanri i ɲu jɔre n a. 42 Yudaɔ nkpienkpienm doŋgu mmɔɔ yoori Yesu yarada, ama, bu soroori Farasifɔm n ahore n deɛ ti, ba koro ayi má bu ɲu fofoe nu. Nzen bu yiiri bu ɲu ka ba yo i yarada, Farasifɔm ni fɔn bu fite bu tientienbunɔɔ sɔɔ n nu wɔ. 43 Dama Yudaɔ nkpienkpienm n yo koroori adamande kansu taraari Nyeme deɛ.

Kabo Yesu seeri ka i noanie ni dí minem jɔre ni

44 Na Yesu atien ase ka, “Sɔnɔ kere bo i yo m yarada, má mini ɲgumi ye i yo m yarada, ama, i yo bo wɔ sunma m n gusu yarada a. 45 Na sɔnɔ kere bo i nie na i ɲuuri m, ti ka wɔ ɲu m Si Nyeme bo i sunmaari

m n lɛɛ. ⁴⁶ Mini bo m ti wein n aba durunya n nu, adena sɔnɔ kɛɛ bo i yo m yarada, i wó má awosin nu. ⁴⁷ Sɔnɔ kɛɛ bo i ti m nɔanie n na i de má i, m di má i, mi jɔɛ, dama ma ba má ka m ba di durunya n nufɔm jɔɛ wɔ, ama, m baari ka m ba de bu tii ji wɔ. ⁴⁸ Sɔnɔ kɛɛ bo i kete m, na i de má m nɔanie ni, i jɔɛdifo wo bɛɛ wɔ. Nɔanie n bo ma jɔjɔ i ni, yiri dí i mi jɔɛ jina cɛɛn n a. ⁴⁹ Dama má m koroyanu ye m kan sɔ a, ama, m Si n bo wɔ sunma m ni, yiri maari m nɔɔ, kereeri m nɔanie kun kun kɛɛ bo m jɔjɔ i n a. ⁵⁰ M si ka i nɔanie maawa n ti deke bo i ma n̄gɔɔ bo i la má awieeri n wɔ. Nyini dɛɛ ti, kabo m Si seeri m ni, sɔ ye m jɔjɔ a.”

13

Kabo Yesu n̄misiiri i susufɔm n jaa ni

¹ Alecin bo má bu di Butara cɛɛnkpiri n ni, na Yesu asi nu ka sangga n aju bo i fite durunya n nu kaaki kɔ i Si Nyemɛ dɔ. Na i dɛɛ tien̄gu minem bo bu wo durunya n nu na i koro bu ni, i koro bu sɔ ɔ haari i kɔ ju i fan̄ga nyaari. ² Na kɔngue sangga bo bu wo diire n di su ni, na Sitana awura Yudasi, Simon Isikariyoti wa n tii nu ka i tɔ Yesu ma i kpɔfɔm. ³ Na Yesu asi nu ka i Si Nyemɛ afa deke n kɛɛ awura i saa nu, na i kaaki si ka i fiteeri Nyemɛ dɔ baari a, na i káaki kɔ i dɔ ɔ. ⁴ Na wo nya yasu ajina, na wo yi i tanlɛɛ n ase, na wo fa papawo abo i wi nu. ⁵ Na wo sa nzue ago nyanga nu, na wo bo i bu sun̄misi i susufɔm n jaa, na wo fa papawo n bo i bo i wi nu ni sunuka bu jaam. ⁶ I ba kpuraari Simon Petoro, na wo bisa Yesu ka, “M Mibiɛ, na wɔɔ ba n̄misi m dɛɛ jaa?” ⁷ Na Yesu ase i ka, “Sa bo m suyo i ni, a koro ti má i bu kisa, ama, fa kɔ fa ba, a bá ti i bu.” ⁸ Na Petoro ase i ka, “Ai, a n̄misi má m jaa haari durunya n ba yasu.” Na Yesu ase i ka, “Nzen ma n̄misi má u jaa, m ni wɔɔ akpaaki lɛɛ.” ⁹ Dɔ na Simon Petoro anya ase i ka, “M Mibiɛ, nzen i ti sɔ a, má a n̄misi m jaa n̄gumi, ama, n̄misi m saam ni m tii kɛɛ.” ¹⁰ Na Yesu ase i ka, “Sɔnɔ anya abie nzue, n̄ka i n̄misi i jaa a, i bie má nzue kun, dama i n̄nie kɛɛ ti casi wɔ. Ambere, am ti casi wɔ, ama, má am kɛɛ.” ¹¹ Yesu siiri bo i bá tɔ i ma i kpɔfɔm ni, nyini ti ye i n̄a má bu kɛɛ ti casi n a.

¹² I n̄misi bu jaam wieeri ni, na wo fa i tanlɛɛ n awura, na wo kɔ atana i tanaabiri ni. Na wo bisa bu ka, “Kabo ma yo am ni, am ati i bu? ¹³ Am fere m ka am Kerefo ɔ, na am kaaki fere m ka am Mibiɛ. Am jɔjɔ nahɔɛ wɔ, dama m ti sɔ ɔ. ¹⁴ Tɔ. Kisa na mini bo m ti am Mibiɛ, ni am Kerefo, na ma n̄misi am jaam ni, wo yo daka ka ambere gusu n̄misi am bengum jaam sɔ. ¹⁵ Dama ma yo akere am lɛɛ, na am gusu yo am bengum kabo ma yo am ni.” ¹⁶ Na wo se bu ka, “Nahɔɛ ye m suse am a, akɔɔ koro tara má i mibiɛ, na bekun sunmafo gusu koro tara má bo i sunmaari i ni. ¹⁷ Nzen am sin ahin n kɛɛ, na am yoori sɔ, terefie wo am dɔ.

¹⁸ M sujɔjɔ ni má am kɛɛ wɔ, dama m si bo ma du mɔ ayi bu ni. Ama, kabo ba kɛɛ i Nyemɛ Jɔɛ Kadasi n nu ni, i ti ye ni ka i yo yiiwa, ka, ‘Sɔnɔ n bo m ni yiri sangga di diire taale kun nu, yiri akaaki m jaa tufɔ n a.’ ¹⁹ M suse am sa bo i bá yo wo lɛɛ, na i ba yoori, na am yo m yarada ka mini la sɔnhɔɛ n bo ma se am kabo m ti n a. ²⁰ Nahɔɛ ye m suse am a, sɔnɔ kɛɛ bo i de sɔnɔ bo m sunma i ni, i mi ade mini

wɔ ɔɛɛ, na sɔnɔ kɛɛ bo i de mini, i mi ade yiri bo i sunmaari m wɔ ɔɛɛ.”

Kabo Yesu seeri ka Yudasi tɔ i ma i kpɔfɔm ni

²¹ Yesu seeri bu sɔ wieeri ni, na i ahore asaaki akɔ asin su, na wɔ se bu kpain ka, “Nahɔɛ ye m suse am a, am nu kun bá tɔ m ma m kpɔfɔm a.” ²² Na i susufɔm n abirisi, suniɛ bu nɔnɔ nu, ama, ba si má bo i yó nyini sa n ni. ²³ Bu nu kun be bo Yesu koro i agaya n tana mata Yesu. ²⁴ Na Simon Petoro abo i nyumbaa i dɔ ka i bisa Yesu ka, i ni nɔma a? ²⁵ Na yiri n acin adodo Yesu, na wɔ bisa i ka, “Ya Mibiɛ, a ni nɔma a?” ²⁶ Na Yesu ase i ka, “Sɔnɔ n bo m kpíɛ too n bo toro n nu na m fá ma i ni, yiri ɔɛɛ.” Na wɔ fa too n abo toro n nu, na wɔ fa ama Yudasi, Simon Isikariyoti wa ni. ²⁷ Yesu faari too n maari Yudasi wieeri ni, na Sitana awura i tii nu, na Yesu ase i ka, “Sa n bo a nɔ a yó i ni, kɔ yo i ndende.” ²⁸ Ama, bu kɛɛ bo bu woori diire n di su ni, bu be mmɔɔ asi má deke n bo i ti na Yesu seeri i sɔ ni. ²⁹ Yudasi tiiri bu nɔwaa bitafɔ n dɛɛ ti, bu nbem sunsun ka Yesu nɔ i kɔ to deke be na bu fa di cɛɛnkpiri n wɔ, wara i kɔ yi nɔwaa n be fa ma yaarifɔm wɔ. ³⁰ Yudasi diiri too n wieeri ni, na wɔ yasu afite akɔ. Nyini sanɔa ni, i ti kɔnɔgɛ wɔ.

Kabo Yesu maari bu nɔnɔni maawa fɔfɔɛ ni

³¹ Yudasi fite kɔ wieeri ni, na Yesu ase ka, “Kisa ye Nyɛmɛ wúra mini Adamande Wa n kpiri a, na m dɛɛ ti ye mine wúra m Si Nyɛmɛ kpiri a. ³² Na nzen bu wurari Nyɛmɛ kpiri m dɛɛ ti, Nyɛmɛ gusu wúra m kpiri, na Nyɛmɛ má i yo kisa bɛɛɛ.” ³³ Na wɔ se bu ka, “M nbaam, m cɛ má am nu fɛn. Am bá nienɛ m busu fie wɔ, na kabo m yo seeri Yudafɔm ni, sɔ ye m suse am kisa, ka am koro kɔ má deke bo m sukɔ ni. ³⁴ Nɔnɔni maawa fɔfɔɛ ye m sufa ma am n a, yiri la ka, am koro am bɛnɔm. Kabo ma koro am ni, am koro am bɛnɔm sɔ. ³⁵ Nzen am koro am bɛnɔm, nyini ye sɔnɔ kɛɛ si ka am ti m susufɔm a.”

Kabo Yesu seeri ka Petoro kéte kpe nsan ka i si má i ni

³⁶ Na Simon Petoro abisa i ka, “Ya Mibiɛ, a kó ni wɔ?” Na Yesu abo i nu ka, “Deke bo m sukɔ ni, a koro su má m su kisa, ama, sanɔa suba bo a bá su m su.” ³⁷ Na Petoro akaaki abisa i ka, “Ya Mibiɛ, nzu ti ye m koro su má u su kisa? Nzen i yo yiwee mmɔɔ a, m wú u dɛɛ ti.” ³⁸ Na Yesu abisa i ka, “A koro wu m dɛɛ ti? Nahɔɛ ye m suse u a, kana akɔnyuma bá bo, a kéte kpe nsan su ka a si má m.”

14

Kabo Yesu nɔ yiri ti atin n bo sɔnɔ koro fa i sukɔ Nyɛmɛ dɔ ni

¹ Na Yesu ase i susufɔm n ka, “Má am ma am ahore saaki. Am yo Nyɛmɛ yarada, na am yo m gusu yarada. ² M Si Nyɛmɛ dika n nu, sɔɔm sunnu dɔ, nzen má i ti má sɔ, má m se má am. M kó na m kɔ sese woobiri su se am. ³ Na nzen m kɔ sese woobiri n su seeri am, m káaki ba fa am kɔ deke bo m kó wo ni, na deke bo m wó ni, am gusu wó dɔ. ⁴ Na deke bo m sukɔ ni, am si atin ni.” ⁵ Na Tomasi ase i ka, “Ya Mibiɛ, ya si má deke bo a sukɔ ni, ye ya yo se si atin n a?” ⁶ Na Yesu ase i ka, “Mini ti atin n a, ni nahɔɛ, ni nɔnɔ n a. Mini nɔgumi ti atin n bo sɔnɔ koro fa i na i kɔ m Si Nyɛmɛ dɔ a. ⁷ Nzen má am siiri m, má am si m Si mmɔɔ, ama, fa nyuma fa kɔ, am asi i, na am anɔ i.”

⁸ Na Filipu ase i ka, “Ya Mibiε, kere ya u Si ni, deke bo ya koro i kere lεε.” ⁹ Na Yesu abisa i ka, “Filipu, bo m ni amberε awo bεrε acε sɔ n na a si má m? Sɔnɔ kεrε bo wɔ ηu mini anu m Si lεε, ye nzu ti ye am ηa m kere am m Si n a? ¹⁰ A yo má yarada ka m ni m Si n ti deke kun wɔ, nzen sε? Jɔrε n bo ma jɔjɔ ama am ni, má m tienngu jɔjɔwa, ama, m Si bo m ni yiri ti kun ni, yo i juma. ¹¹ Bo m ηa, m ni m Si n ti deke kun ni, am yo m yarada. Nzen má nyini, am yo m yarada sam bo m yo bu n dεε ti. ¹² Nahɔrε ye m suse am n a. Sɔnɔ kεrε bo i yo m yarada, yiri mmɔɔ yó ahin sam bo m yo bu ni, na i yó bo bu tara ahin mmɔɔ, dama m sukɔ m Si dɔ ɔ. ¹³ Na deke kεrε bo am fa m duma fa sereeri i, m yó i ma am, adena mini Baa ni má minem wura m Si kpiri. ¹⁴ Na nzen am ba faari m duma fa sereeri m deke be, m yó i ma am.”

Kabo Yesu jɔjɔ fa kɔɔri Awiewie Casi n su ni

¹⁵ Na Yesu ase bu ka, “Nzen am koro m, am dé m nɔaniε maawam ni. ¹⁶ M sére m Si Nyemε, na i má am Bukafɔ fɔfɔrε bo i bá wo am dɔ sanɔga kεrε. ¹⁷ Yiri la Awiewie Casi n bo i se nahɔrε ni. Durunya n nufɔm koro de má i, dama bu ηu má i, na bekun bu kaaki si má i, ama, amberε si i, dama i wo am dɔ, na i bá wo am nu. ¹⁸ M kɔɔri, m yaki má am na am ka ayikam, m káaki ba am dɔ. ¹⁹ Wɔ ka kaan na durunya n nufɔm ηu má m kun, ama, amberε ηú m. M la ηgɔɔ n dεε ti, am gusu nyá ηgɔɔ. ²⁰ Nyini cεen n ye am sí ka mini ni m Si n ti deke kun a, na mini ni amberε gusu ti deke kun wɔ. ²¹ Sɔnɔ kεrε bo i de m nɔaniε maawam, na i su i su, i mi ti bo i koro m a, na bo i koro m ni, m Si gusu koro yiri wɔ, na mini mmɔɔ kóro i mi, na m yí m ηu kere i.”

²² Na Yudasi, má Yudasi Isikariyoti ni, ase ka, “Ya Mibiε, nzu ti ye a yí u ηu kere yerε a, ye a yí má u ηu kere má durunya n nufɔm a?” ²³ Na Yesu ase i ka, “Sɔnɔ kεrε bo i koro m, i dé m nɔaniε ni, na m Si mmɔɔ kóro i mi, na ya bá, na ya bá wo i dɔ. ²⁴ Sɔnɔ kεrε bo i koro má m, i dé má m nɔaniε ni. Nɔaniε n bo ma jɔjɔ i ni, i ti má m dεε nɔaniε, i ti m Si n bo i sunmaari m dεε wɔ.

²⁵ M toko wo am dɔ, ye m suse am ahin kεrε a, ²⁶ ama, m Si Nyemε súnma Bukafɔ ni, m duma n nu, yiri la Awiewie Casi ni, yiri kére am deke kεrε a, na i káaki tenje am su fa kɔ deke kεrε bo ma kere am ni.”

²⁷ Na wɔ se bu ka, “Ahoreda n ye m sufa ma am n a. M dεε ahoreda n ye m sufa ma am a. Má kabo durunya n nufɔm ma am ahoreda ye m suma am n a. Má am ma am ahore saaki, má am soro sere. ²⁸ Am ati ka ma se ka, ‘M kó na m káaki ba am dɔ bekun.’ Nzen má am koro m, má am ahore jɔ ka m sukɔ m Si n dɔ, dama m Si tara m. ²⁹ Sa bo wɔ nya yo má lεε, ye ma se am n a, adena i bá yoori, na am yo m yarada. ³⁰ M jɔjɔ má am dɔ jɔrε beberebe kun, dama Sitana bo i ti durunya n nufɔm tii ni suba. Ama, i koro yo má m pui. ³¹ M koro ka durunya n nufɔm si ka, m koro m Si ni, nyini dεε ti ye m yo deke kεrε bo i se m ka m yo i n a.”

Na wɔ se bu ka, “Am yasu na ya kɔ.”

15

Kabo Yesu ηa yiri ti baka n ni i tii nahɔrε su n a

¹ Na Yesu ase bu ka, “Mini ti baka n bo i su suuwa nahɔrε su a, ye m Si Nyemε ti nyini baka n fie niefɔ. ² Asambaa kεrε bo i wo m su na i su

má, m Si kpíe i ji wɔ, na asambaa kere bo i wo m su na i su, i kpiekpíe i nyawa n yo i dongu wɔ, na i su nyunyumi. ³ Jɔre n bo m jɔɔ maari am ni, yiri adu mɔ ayo am casi a. ⁴ Am wo ni mini na m gusu wo ni ambere. Kabo baka asambaa be wo má bere bo i koro su i ngumi, má ka i wo baka n su. So ye am gusu koro su má, má ka am wo m dɔ.

⁵ Mini ti baka n a, ye ambere ti asambaam ni, sɔnɔ kere bo i wo m dɔ, na mini mmɔ wo i dɔ, i mi su suuwa nyunyumi wɔ, dama am koro yo má pui, má ka am awo m dɔ. ⁶ Sɔnɔ kere bo i wo má m dɔ, bu kpíe i ji wɔ, kabo bu kpíe baka asambaa na i wu n wɔ, na bu tien n nɔɔ wura sin nu na bu je ni. ⁷ Nzen am wo m dɔ, na m nɔanie n wo am ahore su, deke kere bo am koroori i, na am sereeri Nyeme, am nyá i. ⁸ Nzen am su suuwa nyunyumi, nyini kere ka am ti m susufɔm a, na i wura m Si kpiri. ⁹ Kabo m Si koro m ni, so ye mini mmɔ koro am a, am wo ni m koro ni. ¹⁰ Ma de m Si nɔanie maawam n deɛ ti ye i koro m a. Nzen am gusu de m nɔanie maawam ni, m gusu kóro am sɔɔ. ¹¹ Ma se am ahin sam na am ahore jɔ kabo m ahore ajɔ n wɔ, na am ahore jɔ n kɔ sin su. ¹² M nɔanie maawa n la ka o, am koro am benɔu kabo m koro am ni. ¹³ Koro be wo má ahin koro n sin, ka sɔnɔ wu i danfom ti. ¹⁴ Nzen am su m nɔanie maawa n su, am ti m danfom wɔ lɛɛ. ¹⁵ M fere am m danfom wɔ, m fere má am ka m akɔɔm kun, dama sɔnɔ akɔɔ si má i mibie sayoowa kere, ama, deke kere bo ma ti i m Si dɔ ni, ma fa akere am. ¹⁶ Má ambere yiiri m a, ama, mini ayi am ase ka am kɔ su suuwa bo i wó bere sanɔa kere, na deke kere bo am bá fa m duma n sereeri m Si, i yó i ma am. ¹⁷ Nɔanie maawam n bo m sufa ma am la ka, am koro am benɔum.”

Kabo Yesu na durunya n nufɔm kpɔ i susufɔm ni

¹⁸ Na Yesu asa su ase bu ka, “Nzen durunya n nufɔm kpɔ am, am si nu ka o, ba du mɔ akpɔ mini wɔ, ye bu nya ba sukpɔ am n a. ¹⁹ Nzen má am ti durunya n nufɔm deɛ minem, má bu koro am kabo bu koro bu benɔu n wɔ. Ama, bo ma yi am afite durunya n nufɔm nu, na am ti má durunya n nufɔm deɛ minem n ti, ye bu kpɔ am n a. ²⁰ Má am ma am wara fi ka ma se am ka, akɔɔ tara má i mibie. Nzen bu yo kereeri m wuwuruwa, so ye bu kére am gusu wuwuruwa a. Na nzen bu yo deer m nɔanie, bu dé am gusu deɛ ni. ²¹ Bu yó am nyini n kere, m deɛ ti, dama bu si má m Si bo i sunmaari m ni. ²² Nzen má ma ba akan má m nɔu jɔre akere má bu, má bu si má ka ba yo satie, ama, kisa na ma kan akere bu ni, bu koro kan fite má nu ka ba yo má satie. ²³ Sɔnɔ kere bo i kpɔ m, i kpɔ mini ni m Si n kere wɔ lɛɛ. ²⁴ Ma yo alekutura sam bo ba nɔu i. Be wo má bere bo i koro yo nyini alekutura sam sɔ. Nzen má ma yo má nyini alekutura sam na ba nɔu má i, má be fa má bu ngasi ka bu ti satieyofɔm. Ama, kisa, ba nɔu nyini n kere, na bu toko kpɔ m ni m Si ni. ²⁵ Nyini ma kabo ba kere i Nyeme Jɔre Kadasi n nu n ayo yiiwa n a, ka, ‘Bu kpɔ m kpɔ ngbeen wɔ.’

²⁶ Na Bukafɔ n bo m súnma i fite m Si dɔ na i bá am dɔ ni, yiri ti Awiewie Casi n bo i kere kabo Nyeme ti nahore su n a, yiri dí m nɔsu daani kere am a. ²⁷ Na am gusu dí m daani, dama m ni ambere wo bere a, fite m juma n bumboori ba ju ni kisa.

16

¹ M suse am ahin sam kere bo bu bá yo n wɔ, na bu ba yoori, na má am kaaki am sin bo m. ² Bu bá fon yi am fite bu tientienbunɔ sɔɔm n nu, ama, sanɔa suba bo bu bá kun am, na bu súnsun ka bu susu Nyeme wɔ. ³ Bu si má m ni m Si n deɛ ti, ye bu yó nyini sam kere n a. ⁴ Ma se am sam bo bu bá yo lee, na i sanɔa ba juuri, na am tɛnge su ka m yo seeri am.”

Kabo Awiewie Casi n juma ti barasu ni

Na Yesu asa su ase bu ka, “M ni amberɛ yo woori bumboori n deɛ ti, ye ma yo ase má am ahin kere a. ⁵ Ama, kisa m sukaaki kɔ yiri bo i sunmaari m n dɔ ɔ, ye am be akoro abisa má m ka, ‘Ye a sukɔ ni wɔ?’ ⁶ Bo ma se ka m kó yaki am deɛ ti, am ahore asaaki agaya. ⁷ Ama, nahore ye m suse am n a, i ti am buka su wɔ ka m kɔ, dama nzen má m kɔ má, má Bukafɔ ni bá má, ama, nzen m kɔori, m súnma i am dɔ. ⁸ I baari, i kere durunya n nufɔm deke bo i ti satie, na i kere bu deke bo i ti sakpa na i kɔ atin su Nyeme dɔ, na i káaki kere bu kabo Nyeme bá di sɔnɔ kere jɔre barasu. ⁹ I kere bu deke bo i ti satie, dama bu yo má m yarada. ¹⁰ Na i kere bu deke bo i ti kpa na i kɔ atin su Nyeme dɔ, dama m sukɔ m Si n dɔ ɔ, na am nju má m kun. ¹¹ Na i káaki kere bu kabo Nyeme bá di sɔnɔ kere jɔre, dama Nyeme adi Sitana bo i ti durunya n nufɔm kere tii n jɔre ayo i ngbeen.

¹² M toko la jɔre dɔngu bo má m se am, ama, am koro de má i kere kisa. ¹³ Ama, Awiewie Casi n bo i se nahore n ba baari, yiri kere am nahore atin kere a, dama jɔre kere bo i kán kere am ni, má i deɛ yiko nu ye i fá kan, ama, kabo Nyeme kere i ni, sɔ ye i kán, na i kere am sam bo bu bá yo ni. ¹⁴ Yiri wúra m kpiri a, dama i kán m nju jɔre kere am. ¹⁵ Deke kere bo i ti m Si deɛ, i ti m deɛ wɔ, nyini deɛ ti ye ma se am ka, i kán m nju jɔre kere am n a.”

Kabo Yesu kaanri ahoresaaki ni ahorejo jɔre ni

¹⁶ Na Yesu ase bu ka, “Wɔ ka kaan na am nju má m, ama, i ba yoori kaan buka su na am nju m bekun.” ¹⁷ Na i susufɔm n nbem abisa bu nju nu ka, “Nzu jɔre ye i jɔjɔri i sɔ n a? I nja, wɔ ka kaan na ya nju má i, ama, i ba yoori kaan buka su, ya nju i bekun. Ye wɔ kaaki ase bekun ka, i sukɔ i Si dɔ ɔ.”

¹⁸ Na ba kaaki abisa bu nju nu ka, “Ye ahin deɛ, i ba yoori kaan n bu la ka se wɔ lee? Ya si má i jɔjɔwa n bu.”

¹⁹ Na Yesu afa nu ka bu koro ka bu bisa i nyini jɔjɔwa n bu wɔ. Na wɔ bisa bu ka, “Bo m seeri ka wɔ ka kaan na am nju má m, ama, i ba yoori kaan buka su, am nju m bekun n ye am subisa am nju nu, na am si i bu, nzen se? ²⁰ Nahore ye m suse am a, amberɛ bá sun na am kóko, ama, na durunya n nufɔm bere ahore jó. Amberɛ ahore bá saaki, ama, am ahoresaaki ni bá kaaki ahorejo. ²¹ Nzen bara anya akutu ka i wu baa, i la ahoresaaki, dama i wahara sanɔa ye wɔ ju a, ama, i ba wuuri baa n wieeri, i tɛnge má i wahara n bo wɔ sin n su kun, dama baa n bo wɔ wu i durunya n nu n ti, i ahore ajo. ²² I ti sɔ ɔ, am gusu dɔ, kisa, am la ahoresaaki, ama, m bá nju am bekun, na am ahore jó bo sɔnɔ koro dé má am ahorejo n am dɔ. ²³ Nyini cɛen ni, am bisa má deke be busu m dɔ. Nahore ye m suse am a, deke kere bo am sereeri m Si ni, m duma n nu, i yó i ma am. ²⁴ Am nya sere má m Si deke

be m duma n nu haari ni nyuma. Kisa am sere i, na am nyá i, na am ahore jó kó sin su.”

Kabo Yesu akunma durunya n ni

²⁵ Na Yesu ase bu ka, “Ma se am ahin n kerε anyundεε nu wó lεε, sanġa suba bo m bó má am anyundεε kun, ama, m kán m Si ŋu jore kerε kpain kere am a. ²⁶ Nyini cεen ni, am fá m duma n fa sere Nyεmε, má mini sere Nyεmε ma am a. ²⁷ Yiri m Si ni i tii koro am a, dama am koro m na am ayo yarada ka m fite i dó o. ²⁸ M fiteeri m Si dó o baari durunya n nu a, ye kisa m sufite durunya n nu kaaki kó i dó a.”

²⁹ Na Yesu susufóm n ase i ka, “Kisa a jójo ya dó weinwein wó, a bo má ya anyundεε kun. ³⁰ Ama, kisa ya si ka a si deke kerε, wó ti má ye ni ka be bisa u deke be, dama kana bu ba bisa u deke be, a si kabo bu koro ka bu bisa u ni, nyini ma ya si ka a fite Nyεmε dó n a.”

³¹ Na wó bisa bu ka, “Am ayo yarada kisa? ³² Ama, sanġa suba bo wó ju awie, bo am kerε bá sandi yaki mini ŋgumi, na sɔnɔ kerε kó i dika, ama, m wo má m ŋgumi, dama m Si Nyεmε wo m dó. ³³ Ma se am ahin kerε na am la ahoreda m dó. Am ŋú kekereke durunya n nu, ama, am fa ahoresi, dama ma kunma durunya ni.”

17

Kabo Yesu sereeri Nyεmε maari i susufóm n ni

¹ Yesu seeri sɔ wieeri ni, na wó ye i tii su anie angoro na wó sere Nyεmε. I ŋa, “M Si, sanġa n aju. Wura mini u Wa n kpiri, adena m gusu wura u kpiri. ² Dama a ma m yiko ka m nie minem kerε su, na bo a fa bu ama m ni, m má bu ŋgɔɔ bo i la má awieeri. ³ Wɔrɔ ŋgumi ti Nyεmε nahore su a. Na mine bo bu si u, na bu si mini Yesu Kristo n bo a sunmaari m ni, bere la ŋgɔɔ bo i la má awieeri n a. ⁴ Ma wura u kpiri durunya n nu, dama ma yo juma n bo a ma m ka m yo i n awie. ⁵ M Si, sanġa bo durunya nya bo má i bu ni, m yo woori u dó o, ye a wura m kpiri a. Kisa, kaaki wura m kpiri u dó bekun.

⁶ Minem n bo a yiiri bu fiteeri durunya n nu fen, ma kere bu kabo a ti barasu. Bu tiiri u dεem wó, ye a faari bu maari m a, ye ba de u nɔanie n a. ⁷ Kisa bu si ka deke kerε bo a fa ama m ni, fite u dó o. ⁸ Dama nɔanie n kerε bo a jójo fa maari m ni, m gusu ajojo ama bu, ye ba de i, ye ba si ka i ti nahore ka m fiteeri u dó o, ye ba yo yarada ka wɔrɔ sunmaari m a. ⁹ M susere u ma bere wó, má bo bu wo durunya n nu ni, ama, minem bo a fa bu ama m ni, bere ye m sere u ma bu a, dama bu ti u dεε minem wó. ¹⁰ M minem kerε ti u dεem wó, ye u dεem gusu kerε ti m dεem, ye ba ma minem anu m jirima woowa ni. ¹¹ Kisa, m suba u dó lεε, m ká má durunya n nu fen kun, ama, bere ká fen wó. M Si, wɔrɔ bo a ti casi ni, yo bu kanda u duma n bo a fa maari m n yiko nu, na bu yo deke kun, kabo mini ni wɔrɔ ti kun ni. ¹² Sanġa bo m woori bu dó ni, m yoori bu kanda u duma n bo afa ama m yiko nu wó. M nieeri bu su, na bu be aka má ŋgbεen, má ka bo wó ka ŋgbεen haari i ni kunnu ni, adena kabo ba kerε i Nyεmε Jore Kadasi n nu n yo yiwa.

¹³ Kisa m suba u dó lεε, ama, m toko wo durunya n nu ye m jójo ahin jójɔɔwa n na bu nya m dεε ahorejo n kó sin su. ¹⁴ Ma fa u nɔanie n afa ama bu, na kabo m ti má durunya n nu fen fɔ be ni, sɔ ye bu gusu ti má durunya n nu fen fóm a, nyini dεε ti, durunya n nufóm koro má

bu jɔrɛ. ¹⁵ M susere má u ka a yi bu fite durunya n nu wɔ, ama, m susere u ka a kanda Sitana satieyofɔ ni, na i yaki bu. ¹⁶ Kabo m ti má durunya n nu fɛn fɔ ni, sɔ ye bu gusu ti má durunya n nu fɛn fɔm a. ¹⁷ U nɔanie n ti nahɔre wɔ. Ma u nɔanie n bo i ti nahɔre n yo bu casi. ¹⁸ Kabo a sunmaari m durunya n nu ni, sɔ ye m gusu asunma bu a. ¹⁹ Bere dɛɛ ti, ye ma fa m ɲu ama u a, adena bere gusu fa bu ɲu ma u nahɔre n dɛɛ ti.

²⁰ M susere má u ma má bere ɲgumi wɔ, ama, m susere u ma minɛm bo bu bá yo m yarada ahinm dɛɛ nɔanie kaanwa n ti wɔ. ²¹ M Si, m sere u ka a ma bu kere yo kun, kabo a wo m dɔ, na m gusu wo u dɔ ni, ma bere gusu wo ya dɔ, adena durunya n nufɔm yo yarada ka wɔrɔ sunmaari m a. ²² U jirima woowa n bo a maari m ni, ma fa ama bu, na bu yó kun kabo m ni wɔrɔ ti kun ni. ²³ M wo bu dɔ, na u gusu wo m dɔ, nyini ma bu yo deke kun kabo a koro ka bu ti n a, na durunya n nufɔm si ka wɔrɔ sunmaari m a, na kabo a koro m ni, a koro u minɛm gusu sɔ ɔ.

²⁴ M Si, m koro ka a ma minɛm bo a fa bu ama m n bá wo m dɔ, deke bo m wo ni, na bu ɲú m jirima woowa n bo a fa maari m ni, dama sanɔa bo a nya ayi má durunya n ye a koro m a. ²⁵ M Si, wɔrɔ yo sa kere bo i kɔ atin su n a, durunya n nufɔm si má u, ama, mini si u, na ahinm gusu si ka wɔrɔ sunmaari m a. ²⁶ Ma kere bu kabo a ti barasu, na m toko sukere bu wɔ, adena koro n bo a koro m n wó bu nu, na m ni bere yo kun.”

18

Kabo bu kɔɔri ka bu kɔ tara Yesu ni

¹ Yesu sereeri Nyeme wieeri ni, na i ni i susufɔm n ayasu akɔ akpie Kɛdɔrɔn nzuetin n buekun dɔ, deke bo baka fie be wo ni, na ba kɔ awura baka fie n nu. ² Yudasi bo i sutɔ Yesu ma i kpɔfɔm ni si dika n nu, dama Yesu ni i susufɔm nati tien bu nɔɔ dɔ ɔ sanɔa sanɔa. ³ Na Yudasi aba dɔ. Sojam su i su, ni tintinijinafɔm bo Nyeme sayoowa dɔɲguyofɔm nkpienkpienm n ni Farasifɔm asunma bu n buka su. Bu bita fitanam, ni wura sinm, ni biesɔya nɛngem. ⁴ Yesu si sa kere bo i bá tu i ni, na wɔ kpa bu atin abisa bu ka, “Am koro ɲma a?” ⁵ Na ba bɔ i nu ase i ka, “Ya koro Yesu Nazaretifɔ n wɔ.” Na wɔ se bu ka, “Yiri la mini.” Yudasi bo i tɔɔri i ni jina sojam n nu. ⁶ Yesu seeri ka, “Yiri la mini” ni, na bu kere akɔkɔ bu sin akpakpaasi asiɛɲgu. ⁷ Na wɔ kaaki abisa bu bekun ka, “Am koro ɲma a?” Na ba se i ka, “Ya koro Yesu Nazaretifɔ n wɔ.” ⁸ Na wɔ se bu ka, “Ma se am ka yiri la mini. Nzen am koro mini wɔ, am ma ahin minɛm bere kɔ.” ⁹ I seeri sɔ ni, na i nɔanie bo i yo jɔjɔri i n ayo yiiwa, ka, “Minɛm bo a fa bu ama m ni, m ma má bu be ka má ɲgbɛɛn.” ¹⁰ Nyini sanɔa Simon Petoɔ jina bita takobe, na wɔ cin awɔrɔ i akpie sɔnɔ be sui, i saa fɔmbɔrɔ dɛɛ ni, nyini sɔnɔ n ti Nyeme sayoowa dɔɲguyofɔm kpien n akɔɔ ɔ. Bu fere i ka Malikusi. ¹¹ Na Yesu ase Petoɔ ka, “Fa u takobe n wura i buɛ nu. A ɲa má m ɲu anyumboro n bo m Si afa ama m n wɔ?”

Kabo bu taraari Yesu kɔɔri bu kpien Anasi dɔ ni

¹² Na sojam, ni bu kpien, ni Yudaɔfɔm nkpienkpienm n tintinijinafɔm n atara Yesu acici i nyama. ¹³ Bu du mɔ faari i kɔɔri sɔnɔ be bo bu fere i ka Anasi n dɔ ɔ ka. Anasi sibie la Kayafasi. Kayafasi ti Nyeme

sayoowa dɔɔnguyofɔm kpɛn n nyini afo n a. ¹⁴ Yiri Kayafasi ti bo i yo seeri Yudafoɔm ka i ti ye ni ka sɔnɔ kun wu ma minem kere n a.

Kabo Petoro keteeri ka i si má Yesu ni

¹⁵ Bu taraari Yesu sukɔ ni, na Simon Petoro ni Yesu susufɔ n kun asu i su ako. Nyeme sayoowa dɔɔnguyofɔm kpɛn n si nyini Yesu susufɔ n dɛɛ ti, ye i suuri Yesu su wurari yiri Nyeme sayoowa dɔɔnguyofɔm kpɛn n gisan nu a. ¹⁶ Ama, na Petoro yiri aka ajina dasin anɔ n nu, na yiri susufɔ n bo Nyeme sayoowa dɔɔnguyofɔm kpɛn n si i ni afite, na wɔ ba afani n bo i jina kanda anɔ n dɔ, na wɔ sere i atin na wɔ fa Petoro awura. ¹⁷ Na afani n bo i jina kanda anɔ n abisa Petoro ka, “Wɔrɔ mmɔɔ ti nyini sɔnɔ n susufɔm nu kun wɔ, má sɔ?” Na Petoro ase i ka, “Ai, m ti má bu kun.”

¹⁸ Ayere sanja læ, na Nyeme sayoowa dɔɔnguyofɔm kpɛn ni ngɛfenem, ni tintinijinafoɔm atɔrɔ sin wo tun su, na Petoro gusu ajina bu bi sutun sin n be.

Kabo Nyeme sayoowa dɔɔnguyofɔm n kpɛn n diiri Yesu jɔre ni

¹⁹ Na Nyeme sayoowa dɔɔnguyofɔm n kpɛn n abisa Yesu fa kɔ i susufɔm n jɔre, ni kabo i kereewa n ti barasu ni. ²⁰ Na Yesu ase i ka, “Sanja kere m jɔjɔ sɔnɔ kere nyunu wɔ, na m kere bu Nyeme noaniɛ ni bu tientienbunɔɔ sɔm n nu, ni Nyeme Sereebiri Awuru n nu, deke bo Yudafoɔm kere tien bu nɔɔ ni, m kan má jɔre be fiɛewa nu. ²¹ Ye nzu ti ye a bisa m a? Bisa minem bo bu tiiri m kereewa n ka m seeri bu se wɔ. Bere si kabo m seeri bu n a.” ²² Yesu seeri sɔ ni, na tintinijinafoɔ n bo i jina dodo i n abo i nyɔɔnu, na wɔ bisa Yesu ka, “Sɔ ye a bo Nyeme sayoowa dɔɔnguyofɔm kpɛn n nu a?” ²³ Na Yesu ase i ka, “Nzen ma jɔjɔ jɔre bo wɔ kɔ má atin su, kan na m ti. Ye nzen bo ma se n ti nahɔre, nzu ti ye a bo m nyɔɔnu a?” ²⁴ Na Anasi ama ba fa i ni nyama ciciywa n sɔ ako Kayafasi bo i ti Nyeme sayoowa dɔɔnguyofɔm n kpɛn n dɔ.

Kabo Petoro keteeri bekun ka i si má Yesu ni

²⁵ Simon Petoro jina woori sin n tun su ni, na ba bisa i ka, “Wɔrɔ mmɔɔ ti i susufɔm kun wɔ, má sɔ?” Na Petoro akete, i ŋa, “Ai, m ti má bu kun.” ²⁶ Na Nyeme sayoowa dɔɔnguyofɔm kpɛn n akɔɔ be, i dikafo la sɔnɔ n bo Petoro kpɛɛ yiiri i sui ni, na wɔ se Petoro ka, “Ma ŋu má u ka a wo i bi baka fie n nu dɔ?” ²⁷ Na Petoro akete bekun, kpenɔa akɔnyuma abo.

Kabo bu faari Yesu baari Gomina Pilato dɔ ni

²⁸ Na alecin ŋgarama fun na ba fa Yesu afite Kayafasi dika n nu, na ba fa i akɔ gomina n dika, bu fere gomina n ka Pilato. Yudafoɔm awura má gisan nu, adena má bu yo bu ŋu fin, na bu koro di má Butara cɛɛnkpɛri ni. ²⁹ Nyini ti, na Pilato afite aba bu dɔ dasin abisa bu ka, “Ahin sɔnɔ n bo am afa i aba m dɔ ni, i ŋgasi la bɔnɔ?” ³⁰ Na ba se i ka, “Nzen má wɔ do má ŋgasi be, má ya fa má i ba má u dɔ.” ³¹ Na Pilato ase bu ka, “Ambere mmɔɔ ni am tii fa i kɔ di i jɔre kabo am jɔredi atin kere ni.” Na Yudafoɔm n ase i ka, “Ya la má atin bo ya kun sɔnɔ.” ³² Bu seeri sɔ ni, adena Yesu noaniɛ n bo i seeri kabo i bá wu barasu n yo yiiwa.

³³ Na Pilato akaaki awura gisan n nu, na wɔ fere Yesu abisa i ka, “Wɔrɔ ti Yudafoɔm Feme n a?” ³⁴ Na Yesu abisa i ka, “U dɛɛ sunsunni nu læ, nzen be seeri u a?” ³⁵ Na Pilato abisa i ka, “M ti Yudafoɔ ɔ? U

minem ni Nyeme sayoowa dɔnguyofɔm nkpienkpienm ni faari u baari m dɔ a. A do nzu ɲgasi wɔ?" ³⁶ Na Yesu ase i ka, "M femeya n ti má durunya n nu fen femeya. Nzen má m femeya n ti durunya n nu fen femeya, má m susufɔm bá kun lue m busu, na má be koro tara má m wura má Yudaɔfɔm saa nu. Ama, m femeya n ti má durunya n nu fen dɛɛ." ³⁷ Na Pilato abisa i bekun ka, "Nka a ti femɛ wɔ lɛɛ?" Na Yesu ase i ka, "Bo a ɲa m ti femɛ ni, i ti sɔ ɔ. Bu wuuri m durunya n nu ka m ba di nahɔre n daani wɔ. Na sɔnɔ kere bo i su nahɔre n su, i de m nɔɔɔnɛ n wɔ." ³⁸ Na Pilato abisa i ka, "Nahɔre la nzu wɔ?"

Kabo bu maari nɔɔ ka bu kun Yesu ni

Pilato seeri i sɔ, na wɔ kaaki afite akɔ Yudaɔfɔm dɔ akɔ ase bu ka, "Ma ɲu má i ɲgasi be wɔ do i. ³⁹ Ama, am la am yoowa be bo i ma m atin ka m yi dansaraka kun ma am Butara cɛɛnkpiri n di sanɲa. Am koro ka m yi amberɛ Yudaɔfɔm Femɛ ni ji ma am a, nzen sɛ?" ⁴⁰ Na ba tien ase ka, "Má yiri. Ya koro Barabasi wɔ." Barabasi ti sɔnɔ bo i nati fin minem di wɔ.

19

¹ Na Pilato ama ba fa Yesu akɔ afin i ɲgbere. ² Na sojam n awura i tanlɛ kɔkɔre yorom ka femeya dɛɛ su, na ba fa buwe aɲɔ i ka kaba dɛɛ su, na ba fa aforo i tii. ³ Na bu suba i dɔ suyo i anzasi se i ka, "Yudaɔfɔm Femɛ, ya yo u anɛ." Na ba bo i nyɔɔnu. ⁴ Na Pilato akaaki afite aba Yudaɔfɔm dɔ aba ase bu ka, "Am ti fen, m sufa i fite ba kere am wɔ, na am si ka ma ɲu má ɲgasi bo wɔ do i." ⁵ Yesu tie fiteeri ni tanlɛ kɔkɔre yorom ni, ni i tii buwe kaba n ni, na Pilato ase bu ka, "Am niɛ, sɔnɔ n yaa." ⁶ Deke bo i tie fiteeri na Nyeme sayoowa dɔnguyofɔm nkpienkpienm ni tintinijinaɔfɔm ɲuuri i sɔ ni, kpenɲa na ba tien, bu ɲa, "Am kpama i baka jaanu n su na i wu. Am kpama i." Na Pilato ase bu ka, "Amberɛ mɔwɔ ni am tii fa i kɔ kpama i e. Mini, ma ɲu má ɲgasi bo wɔ do i." ⁷ Na ba se i ka, "Ya la nɔɔɔnɛ kpamaawa be, wɔ yo daka ka i wu, dama i ɲa i ti Nyeme Wa a."

⁸ Pilato tiiri ka Yesu ɲa i ti Nyeme wa ni, na sere ati i abuka su. ⁹ Na wɔ kaaki awura gisan n nu abisa Yesu ka, "A fite ni wɔ?" Ama, Yesu abɔ má i nu. ¹⁰ Na Pilato akaaki abisa i ka, "A bɔ má m nu? A si má ka m la yiko bo m koro ma bu fa u ji, na m kaaki la yiko bo m koro ma bu kpama u baka jaanu n su?" ¹¹ Na Yesu ase i ka, "Nzen má Nyeme ama má u atin, maala má yiko bo a koro yo m pui. Nyini ti, sɔnɔ n bo i faari m wuraari u saa nu ni, i satie yoowa tara u dɛɛ." ¹² I seeri sɔ ni, na Pilato akpi kabo i yo na i yaki Yesu nu ji. Ama, na Yudaɔfɔm sutientien suse ka, "Nzen a yakiiri i nu jiiri, u ni Femɛ Siza danfoya awie lɛɛ, dama sɔnɔ kere bo i yo i ɲu ka i ti femɛ, i mi ti Femɛ Siza kpɔfo ɔ."

¹³ Pilato tiiri sɔ ni, na wɔ fa Yesu afite, na wɔ tana jɔre diibiri n su bimbini n su. Yudaɔfɔm anie nu bu fere i ka *Gabata*, i bu la ka, deke bo ba fa yabue asese su ayo i dɔɲgu ni. ¹⁴ Nyini cɛɛn n tiiri bu Butara cɛɛnkpiri n kpokpo cɛɛn wɔ, wiesu kerefi buru ni nnyɔ sanɲa a. Na Pilato ase Yudaɔfɔm ka, "Am femɛ n yaa." ¹⁵ Na ba kaaki atien ase ka, "Am fa i kɔ, am fa i kɔ kpama i baka jaanu n su." Na Pilato abisa bu ka, "M fá am femɛ n kɔ kpama i baka jaanu n su?" Na Nyeme sayoowa dɔnguyofɔm nkpienkpienm n ase ka, "Ya la má femɛ be sin Femɛ Siza

ɲu.” ¹⁶ Bu seeri sɔ wieeri ni, na Pilato anya afa i ama bu ka bu kɔ kpama i baka jaanu n su.

Kabo bu kpamaari Yesu baka jaanu n su ni

Na ba de Yesu akɔ. ¹⁷ Na yiri ni i tii asɔ i baka jaanu n akɔ awɔre n bo bu fere i ka Tereawa Woobiri ni, Yudafɔm anie nu bu fere dɔ ka *Gologota*. ¹⁸ Na ba kpama i baka jaanu n su dɔ, na ba kaaki akpama mine nnyɔ nbem adodo i, bu kpamaari kun i saa fombɔrɔ su, na ba kpama kun i saa bie su, na Yesu awo bu afien. ¹⁹ Na Pilato akere kerɛewa be amata i tii su baka jaanu n su. Kerɛewa n la ka, “Yesu Nazarɛtifo n bo i ti Yudafɔm Feme n lɛɛ.” ²⁰ Bu kerɛeri nyini kerɛewa n Yudafɔm, ni Romafɔm, ni Girikifɔm dɛɛ aniem kere nu wɔ, na Yudafɔm dɔɲgu aɲu i, na ba kan i, dama deke bo bu kpamaari i n waari má ni mie kunnu. ²¹ Na Nyeme sayoowa dɔɲguyɔfɔm nkpienkpienm n akete ase Pilato ka, “Má a kere ka, ‘Yudafɔm Feme n lɛɛ,’ ama, kere ka, ‘Ahin sɔnɔ ɲa, ‘Mini ti Yudafɔm Feme n a.’” ²² Na Pilato ase bu ka, “Bo ma kere i ni, nyini lɛɛ wɔ.”

²³ Sojam n kpamaari i baka jaanu n su wieeri ni, na ba kpaaki i nenje wuraawam nu busu nna, na bu kere afa kun kun, na wɔ ka i tanlɛɛ yorom bo i wo i bu na i wura be go su ni, i la má gise kpaabiri, ama, ba wu i kere aɲgoro kɔ jura asiɲgu wɔ. ²⁴ Na ba se ka, “Má am ma ya sɔnsɔn i nu, ama, am ma ya tu mbaa na ya si bo i dí i.” Bu yoori sɔ adena Nyeme Jɔre Kadasi n yo yiiwa, bo ba kere i ka, “Ba kpaaki m nenje wuraawam nu,

na ba tu mbaa m tanlɛɛ n bo i wo m bu n busu ni.”
Nyini ti ye sojam yoori sɔ n a.

²⁵ Na Yesu ni, ni Yesu ni niemabara, ni Kolopasi yi Mariya, fa kɔ tuuri Mariya n bo i fite Magadala n jina dodo deke bo bu kpamaari Yesu ni. ²⁶ Yesu nie ɲuuri i ni ni, ni i susufɔ n bo i koro i agaya n ka bu jina dodo i ni, na wɔ se i ni n ka, “M ni, nie fen, u wa la ahin.” ²⁷ Na wɔ se i susufɔ n gusu ka, “Nie fen, u gusu ni lɛɛ.” Nyini cɛen n kere na Yesu susufɔ n afa Yesu ni, na wɔ kɔ awo i dɔ.

Kabo Yesu wuuri ni

²⁸ Nyini sin na Yesu asi nu ka wɔ yo i juma kere awie, na wɔ se ka, “Nzuehɔɛ ti m wɔ.” I seeri sɔ ni, adena Nyeme nɔanie n yo yiiwa. ²⁹ Nyini sangɔ dundu be taka bere, wɔ yi ni nzan gagaraki, na ba fa mene afa awɔ baka su afa abo nu alaandi atɔ i nɔɔ. ³⁰ Yesu de nu wieeri ni, na wɔ se ka, “Wɔ wie.” Na wɔ biri i tii, na wɔ yo Nyeme dɛɛ.

Kabo bu wɔɔri Yesu kpie i nvin nu ni

³¹ Nyini cɛen n ti Njumiya cɛen n kpokpo cɛen n ti, ba koro má ka minem bo ba kpama bu baka jaanu n su n ka sense su bu Njumiya cɛen ni, dama Njumiya cɛen n bo i suba n ti cɛenkpiri bambaka bu dɔ ɔ. Nyini dɛɛ ti, ye bu sereeri Pilato ka i ma bu kɔ bubu bo ba kpama bu baka jaanu n su jaam n a, na bu yi bu kɔ se bu. ³² Nyini ti, na sojam n akɔ abo abubu sɔnɔ n kun jaam, ni nyiɲga n gusu dɛɛ, bere n bo bu kpamaari bu dodoori Yesu ni. ³³ Ama, sangɔ bo bu ba kpuraari Yesu ni, bu ɲuuri ka yiri awu, nyini dɛɛ ti, ba bubu má i jaam. ³⁴ Ama, na sojam kun afa kpie awɔ Yesu nvin nu, kpenɲa na nzue ni mbunja susonɲi fite. ³⁵ Sɔnɔ n bo i nyumbaa ɲuuri i ni, yiri di i daani a, adena am yo yarada. I jɔre n ti nahore wɔ, na kabo i di daani n gusu ti

nahore wɔ. ³⁶ Ahin n kere yoori, adena kabo ba kere i Nyeme Jore Kadasi n nu n yo yiiwa. Ba kere ka, “I buwe kun n kpein mmɔɔ bu má.” ³⁷ Ye ba kaaki akere ka, “Minem bá nie yiri n bo ba wɔ i kpie n wɔ.”

Kabo bu seeri Yesu ni

³⁸ Nyini dee sin, na sɔnɔ be bo bu fere i ka Yosefu n asere Pilato atin na i yi Yesu nɔnie n kɔ se i. Na Pilato ama i atin, na wɔ kɔ ayi i nɔnie n baka jaanu n su akɔ. Yiri Yosefu fite mie kpiri n bo bu fere i ka Aramatiya n su wɔ, i yo tiiri Yesu susufɔm kun wɔ, ama, i soroori Yudafɔm ahore ti, wɔ yi má i nɔ fofoe nu. ³⁹ Na Nikodemo bo i yo baari Yesu dɔ kɔngue be n gusu aba, i bita nɔguin nvanvani ni tulaalee sanɔgaawa, i nɔnɔɔri ju pobu aburana. ⁴⁰ Na ba fa Yesu nɔnie ni, na ba yo i kabo Yudafɔm yo bu fuin na bu se i ni, bu faari tulaalee n gɔɔri i nɔ wɔ, na ba nya afa nzee apɔɔndi i. ⁴¹ Deke bo bu kpamaari Yesu ni, baka fie be wo dɔ. Nyini baka fie n nu yabue buɛ bo ba lokoti i ayo i fanɔkunma wo dɔ, bo bu nya se má fuin nu ni. ⁴² Nyini cɛen n ti Nɔmiiyi cɛen n kpokpo n dee ti, na bekun, fanɔkunma n waari má ni bere ni, ye bu faari i kɔ seeri nu n a.

20

Kabo Yesu tengeeri i yiwee n nu ni

¹ Yudafɔm bakue n bumboori, mone cɛen nɔgarama fuun, nyini sanɔga dika toko ti liim, na Mariya n bo i fite Magadala n akɔ yabue buɛ fanɔkunma n su. I kɔ juuri ni, i nɔjuuri ka ba yi yabue bambaka n bo bu fa tɔɔri fanɔkunma n anɔ ni. ² Na wɔ nɔmati akɔ Simon Petoro ni Yesu susufɔ n bo i koro i agaya n dɔ, na wɔ se bu ka, “Ba yi Mibie n fanɔkunma n nu, ya si má deke bo ba fa i akɔ ase.” ³ Na Petoro ni i lamɔkɔ n ayasu ka bu kɔ fanɔkunma n su. ⁴ Bu mine nnyɔ ni sunɔmati kɔ a, ama, na kun n anɔmati asin Petoro nɔ adu mɔ aju fanɔkunma n su. ⁵ Na wɔ kasi anie fanɔkunma n nu, anɔ ka nzee n da, ama, wɔ wura má fanɔkunma n nu. ⁶ Ama, na Simon Petoro yiri aka sin aba aju, na wɔ wura fanɔkunma n nu, anɔ ka nzee n da, ⁷ na wɔ nɔ ka tani n bo bu fa ciinri Yesu tii ka kaba n gusu bubu nu da i nɔgumi. ⁸ Nyini sanɔga na yiri n bo i du mɔ juuri fanɔkunma n su n awura nu, i nɔjuuri i ni, na wɔ yo yarada kabo Yesu yo seeri bu ni. ⁹ Ama, ba nya asi má Nyeme Jore Kadasi n bo i nɔ Yesu tenge i yiwee n nu n bu. ¹⁰ Na ba kaaki akɔ awuru.

Kabo Yesu yiiri i nɔ kereeri Mariya n bo i fite Magadala ni

¹¹ Ama, na Mariya aka ajina fanɔkunma n su, na i susun. I wo sun su ni, na wɔ kasi anie fanɔkunma n nu. ¹² Na wɔ nɔ merekem nnyɔ ka bu wura tanleɛ fofoe tana deke bo bu faari Yesu nɔnie n daari ni, kun tana deke bo bu faari i tii wɔɔri ni, na nyinga gusu tana deke bo bu faari i jaa wɔɔri ni. ¹³ Na ba bisa i ka, “Bara, nzu ti ye a sun a?” Na wɔ se bu ka, “Ba yi m Mibie n wɔ, ye m si má deke bo ba fa i ase.” ¹⁴ I seeri sɔ ni, na wɔ kaaki anie i sin. I nɔjuuri ka Yesu jina, ama, wɔ si má ka Yesu lee. ¹⁵ Na Yesu abisa i ka, “Bara, nzu ti ye a sun a? A koro nɔma a?” Mariya nɔjuuri i sɔ ni, i sunsun ka fie n niefo a. Na wɔ se i ka, “M jakpien, nzen wɔɔri ayi i akɔ ase deke be a, kere m na m kɔ fa i.” ¹⁶ Na Yesu afere i ka, “Mariya.” Na wɔ kaaki anie Yesu dɔ, na wɔ se i

ka, “*Raboni.*” Yudafom dɛɛ anie n nu, i bu la ka, ya Kerefɔ. ¹⁷ Na Yesu ase i ka, “Má a fa u saa kan m, dama ma nya ako má m Si do, ama, ko na a ko se m ninbaam n ka, ‘M sukɔ m Si bo i ti am Si ni, ni m Nyeme bo i ti ambere mmɔɔ Nyeme n do.’” ¹⁸ Na Mariya n bo i fite Magadala n ako ase bu ka, “Ma ŋu Mibie ni.” Na wo se bu jore n kere bo Yesu akan akere i ni.

Kabo Yesu yiiri i ŋu kereeri i susufom ni

¹⁹ Na bakue n bumboori, mone cɛɛn n naaso sanga, na Yesu susufom woori soɔ be nu, na ba tu anɔ n ago bu ŋu, dama bu soroori Yudafɔ nkprienkpienm wo. Na Yesu aba ajina bu afien ase bu ka, “Am ma am ahore da.” ²⁰ I seeri so wieeri ni, na wo fa i saam deke bo bu boori i bulaari ni, ni i nvin deke bo bu woori i kpie n akere bu. I susufom ŋuuri i so ni, na bu ahore ajo. ²¹ Na wo kaaki ase bu ka, “Am ma am ahore da, kabo m Si sunmaari m ni, so ye mini gusu susunma am a.” ²² I seeri so wieeri ni, na wo yi i ŋumi ago bu ŋu, na wo se bu ka, “Am de Nyeme Awiewie Casi ni. ²³ Sono kere bo am faari i satie ceeri i, Nyeme fa i satie ce i. Ama, sono kere bo am fa má i satie ce má i, Nyeme fa má i satie ce má i.”

Kabo Yesu yiiri i ŋu kereeri Tomasi ni

²⁴ Sanga bo Yesu yiiri i ŋu kereeri i susufom buru ni nnyom ni, bu nu kun awo má bu nu. Yiri la Tomasi bo bu fere i ka Ndaa ni. ²⁵ I ba baari ni, na ba se i ka, “Ya ŋu Mibie ni.” Na wo se bu ka, “Má ka ma ŋu i saa kunma n bo bu kpamaari i ni, na m fa m saa maraka wura nu, na m fa m saa wura i nvin nu deke bo bu woori i kpie ni, m yo má yarada fieo.”

²⁶ Na i lemocue cɛɛn, na ba wo soɔ n nu bekun. Nyini cɛɛn ni, Tomasi gusu woori bu nu, na ba yandi atu anɔ ni. Na Yesu aba ajina bu nu, na wo se bu ka, “Am ma am ahore da.” ²⁷ Na wo se Tomasi ka, “Fa u saa maraka ba wura m saa kunma n nu, na a fa u saa ba wura m nvin kunma n nu. Na a yaki sika na a yo yarada.” ²⁸ Na Tomasi ase i ka, “Woro ti m Mibie, ni m Nyeme a.” ²⁹ Na Yesu ase i ka, “Bo a ŋu m ti ye a yo yarada? Terefie wo bu do, bo bu nya ŋu má m na bu yo yarada ni.”

Deke bo i ti na bu kereeri ahin kadasi n ni

³⁰ Yesu yo yoori alekutura sam beberebe na i susufom n anu i, ama, ba kere má i kere awura má ahin kadasi n nu. ³¹ Ama, ba kere ahinm ni, adena am yo yarada ka Yesu Nyeme Wa ni ti Kristo n a, Tiidefo n bo Nyeme ase ka i sunma i ni, na am yarada ni ma am nya ŋɔɔ i dɛɛ duma n nu.

21

Kabo Yesu yiiri i ŋu kereeri i susufom n bekun ni

¹ Nyini sin, na Yesu ayi i ŋu akere i susufom n bekun kunma kpiri n bo bu fere i ka Tiberiya n noɔ su. Kabo i faari i ŋu kereeri bu n la ka, ² i susufo nbem atien bu noɔ, bere la Simon Peto, ni Tomasi n bo bu fere i ka Ndaa ni, ni Natanieli n bo i fite Kana bo i wo Galili asien n su ni, ni Zebedi nbaa nnyom ni, ni i susufo nnyo nbem. ³ Na Simon Peto ase bu ka, “M sukɔ jombaa tara lee.” Na ba se i ka, “Yere mmɔɔ sú u su ko o.” Na ba wura lee n nu ako, bu woori nzue n nu haari ale ko sucin, ba nya koro tara má pu.

²⁴ Nyini Yesu susufɔ ni diiri ahin jɔrɛm kɛrɛ daani a, yiri kaaki kɛrɛeri ahin jɔrɛm kɛrɛ a, na ya si ka i daani diiwa n ti nahɔrɛ n a.
²⁵ Yesu yo yoori sam dɔŋgu, bo má bu ɲa bu kɛrɛ i kɛrɛ, ma de má ka bu nyá fofoe durunya n nu, bo bu fá nyini kadasim n kɛrɛ fa se.

Yesu Jaramasam SAYOOWAM

¹ Ya si Teyofilosi, m kadasi n bo m du mo kere maari u ni, m yo seeri u fa ko sam bo Yesu yo yoori bu n kere, ni kabo i kereeri minem, sanga bo i boori i juma n bu ni, ² haari fa ko ju sanga bo Nyeme faari i fun koori angoro ni. Kana i ba fun ko ni, Nyeme Awiewie Casi n dee yiko nu ye i yo seeri i jaramasam bo wo yi bu n sam bo bu ba yo n a. ³ Yesu wu tengeeri n dee sin, na wo wo durunya n nu ceen aburana, na i suyi i nu sukere bu sanga sanga su, bo i kere ka i la ngoo nahore su. Na ba nu i, na wo jojo bu do fa ko Nyeme femeya n su. ⁴ Na sanga bo Yesu ni i jaramasam ba tienri bu noo wo diire di su ni, na wo se bu ka, “Ma am se ka am fite Yerusalem mie kpiri n nu, ama, am nminda ko ju sanga bo m Si Nyeme fa Awiewie Casi n ba ma am, yiri ye i yo seeri ka i fa ma am n a. Yiri ye m yo kaanri i jore kereeri am n a. ⁵ Yohane yo faari nzue bieeri am a, ama, i ce ma, mini fa Awiewie Casi n ba wura am nu a.”

Kabo Nyeme ma Yesu fun koori angoro barasu ni

⁶ Na sanga bo Yesu ni i jaramasam n ba tienri bu noo ni, na ba bisa i ka, “Ya Mibie, kisa ye a kaaki fa femeya n ma yere Yisarelifom, nzen se?” ⁷ Na Yesu ase bu ka, “Deke bo m Si Nyeme koro ka i yo i, ye i yo a, ambere koro si ma nyini sanga wara ceen ni.” ⁸ Ama, sanga bo Awiewie Casi n ba wuraari am nu, i ma am fanga na am di m nusu daani Yerusalem mie kpiri n nu, ni Yudiya awore n kere nu, ni Samariya awore n kere nu, haari ko kpura durunya n kere pepere su. ⁹ Sanga bo Yesu seeri so wieeri ni, na Nyeme ama wo fun ako angoro, bu toko jina wo nie su ni, na yinyingu akata i nu, ba nu ma i kun. ¹⁰ Bu jina wo nie su kabo i sufun ko angoro n nu barasu ni, na mine nnyo nbem akaba aba ajina bu bi, bu wura sutura fofoe, ¹¹ na ba bisa bu ka, “Galilifom, nzu ti ye am jina nie angoro n nu so a? Yiri Yesu ni, kabo am anu ka i sufun ko angoro n nu barasu ni, am ba kaaki nu i so o lee, sanga bo i ba sukpie i nyi ba ni.”

Sono bo i deeri Yudasi jinaabiri n jore

¹² Nyini sanga ni, Yesu jaramasam yo woori buka n bo bu fere i ka Oliva Buka n su wo. Do na Yerusalem mie kpiri n nu waari ma. Na ba kpie bu nyi ako Yerusalem. ¹³ Bu ko juuri n na ba fun ako angoro so n bo bu da nu n ni. Bere bo bu koori do n la Petoro, ni Yohane, ni Yakobo, ni Andere, ni Filipu, ni Tomasi, ni Batolomeyo, ni Matio, Yakobo bo i si la Alafeyo ni, ni Simon bo i tu ngoni fa ko i asien su ni, ni Yudasi bo i si la Yakobo ni. ¹⁴ Bu tien bu noo so o sanga kere, na bu susere Nyeme, bu ni nbaram nbem, ni Yesu ni Mariya, ni Yesu niemam ni.

¹⁵ Ceen be so o, na yaradayofom n atien bu noo, bu kere ko yasuuri mine yaa ni aburanyo o. Do na Petoro ayasu ajina bu afien ase bu ka, ¹⁶ “M ninbaam, wo yo daka ka noanie n bo Awiewie Casi n yo maari Feme Davidi noo na i kereeri i Nyeme Jore Kadasi n nu n yo yiiwa, kabo i kereeri fa ko Yudasi jore ni, ka yiri du minem bo bu ba tara Yesu n mo a. ¹⁷ Yudasi yo tiiri ya nu kun wo, ya ni yiri sanga yoori juma n a.”

¹⁸ Ya si Teyofilosi, si nu ka Yudasi afa ηwaa n bo i yoori satie na i nyaari i ni, na wɔ fa ato asien, dɔ na wɔ kpaasi, na wɔ wu, na i kunnu atie, na i ayaya kere afite ago. ¹⁹ Na Yerusalemfom kere ati nyini jore ni, nyini ti, na ba fere nyini asien ni, bu anie nu ka *Akelidama*, i bu la ka, Mbunja Asien. ²⁰ Tɔ, na Petoro akaaki ase bu ka, “Bu yo kereri i Kansi Jue kerewam n nu, ka,

‘Ma i dika n ka bonfo,
na má be wo nu.’

Na wɔ kaaki akere ka,

‘Ma sɔnɔ be de i jinaabiri ni.’

²¹⁻²² Nyini ti, wɔ yo daka ka i mi ti sɔnɔ bo i woori ya nu, sangga bo ya Mibie Yesu woori bere na ya nati tien ya nɔɔ i dɔ ni, fite sangga n bo Yohane biɛri Yesu Nyeme nzue ni, haari fa kɔ juuri cɛen n bo Nyeme maari Yesu fun kɔɔri angoro yakiiri ya ni.” ²³ Nyini ti, na ba yi mine nnyɔ ajina. Bu kun la Yosefu bo bu fere i ka Basabasi, na bu kaaki fere i ka Jusitosi ni, ye kun n la bo bu fere i ka Matiyasi ni. ²⁴ Dɔ na ba sere Nyeme, bu ηa, “Ya Mibie, wɔɔ si kabo sɔnɔ kere sunsunni ti barasu a. Ahin mine nnyɔm ni nu, kere ya bo a koro ka ya yi i, ²⁵ na i yo u jaramasa na i yo ahin juma ni, na i jina Yudasi jinaabiri, yiri bo wɔ yaki u akɔ i koroobiri ni.” ²⁶ Na ba tu mbaa na bu yi mine nnyɔm nu kun, na ba yi Matiyasi abuka Yesu jaramasa buru ni kunm n su.

2

Kabo Awiewie Casi n wuraari Yesu susufom n ηu ni

¹ Yudafom cɛenkpiri n bo bu fere i ka Pentekoti n di cɛen, nyini sangga ni, na Yesu susufom kere atien bu nɔɔ dika hɔre kun. ² Kpenga na ba ti nanmie be ηga angoro n nu ka anjuma bo i sukpie fanga su, na wɔ de sɔɔ n bo bu tana nu n kere abara aye. ³ Dɔ na ba ηu deke be ka sin taferema dɛɛ su, na wɔ sandi atantana bu kun kun n kere tii su. ⁴ Na Awiewie Casi n awura bu kere ηu, na bu sujɔɔ anie barasu barasu bo Awiewie Casi n ma bu koro jɔɔ i.

⁵ Tɔ, nyini sangga, Yudafom bo bu soro Nyeme n atien bu nɔɔ Yerusalemi miɛ kpiri n nu, bu fiteeri durunya n awɔre n kere baari a, ka bu ba su Nyeme. ⁶ Sangga bo bu tiiri nanmie ni ηga sɔ ni, na jama beberebe aba atien bu nɔɔ, na jore n amie bu, dama bu kere tiiri ka Yesu susufom ni sujɔɔ bere kun kun n kere bo ba tien bu nɔɔ n dɛɛ anie nu. ⁷ Na ba birisi na ba yo alekutura, na ba se ka, “Ahin minem kere bo bu wo jɔɔ su n ti Galilifom wɔ, ⁸ ye i baari se, ye bu sujɔɔ, ye ya kun kun n kere ti ka bu jɔɔ ya dɛɛ aniem n a? ⁹ Ya fite awɔre barasu barasu kere n nu wɔ, nbem fite Patiya, na nbem fite Mediya, na nbem fite Elam, na nbem fite Mesopotamiya, na nbem fite Yudiya, na nbem fite Kapadosiya, na nbem fite Pontusi ni Esiya, ¹⁰ na nbem fite Firigiya, na nbem fite Pamfiliya, na nbem fite Ijipiti asien n su, na nbem fite Libiya asien bo i wo dodo Sirene miɛ kpiri n ni. Ya nbem gusu fite Roma miɛ kpiri n su wɔ. ¹¹ Ya nbem ti Yudafom, ni minem bo bu ti má Yudafom na ba kaaki bu wo ka bu ti Yudafom ni, ye ya nbem gusu fite Kereti asien n su, na nbem fite Arabiya asien n su, ama, ya kere ti ka bu jɔɔ ya dɛɛ aniem n nu wɔ, fa kɔ sakpakpam kere bo Nyeme ayo bu n su.” ¹² Na ba yo alekutura, ba si má kabo bu yo, na bu

subisa bu n̄n̄u nu ka, “Ahin sa n bu la ka se wɔ lɛɛ?” ¹³ Ama, na bu nbem ayo Yesu susufɔm n anzasi, na ba se ka, “Ai, ba nu nzan abo wɔ.”

Kabo Petoro kaanri Nyɛmɛ nɔaniɛ barasu ni

¹⁴ Dɔ na Petoro ni i beɲgu buru ni kunm n ayasu ajina, na wɔ ye i konvi su ase jama n ka, “M lamɔko Yudafɔm, ni amberɛ kere bo am wo Yerusalem miɛ kp̄iri n nu ni, am so am sui nyunyumi na am ti deke n bo m sukan kere am ni. ¹⁵ Ahin minɛm bo am sunsun ka ba nu nzan abo ni, ba nu má nzan, kisa ɲgarama kerefi ɲgona ye ya wo nu n a. ¹⁶ Ama, nyini n bo am ti ka bu jɔjɔ anie barasu barasu ni, i ti kabo Nyɛmɛ nɔaniɛ kanfɔ Joweli yo jɔjɔri n wɔ lɛɛ, i ɲa,

¹⁷ ‘Nyɛmɛ ɲa o, fa ko durunya n awieeri,

m fá m Awiewie n wura minɛm kere ɲu.

Na am nbaabiesɔm ni nbaabaram kán Nyɛmɛ nɔaniɛ n kere minɛm, na am ngbefɛnɛm ɲú deke nbem nahɔre su ka alele nu, na am nkpienkpiɛnm dá cin alele.

¹⁸ Nahɔre, nzen cɛɛn n ba juuri,

m fá m Awiewie n wura m akɔɔm n ɲu,

i bara ni i biesɔ kere,

na bu kán m nɔaniɛ n kere minɛ.

¹⁹ Na m yó alekutura sam barasu barasu beberebe

angoro ni asien̄gu fɛn,

na am ɲú mbunja, ni sin, ni ɲmisini bambaka.

²⁰ Na wie n sí biri,

na sara n káaki kɔkɔre ka mbunja.

Nyini sin, na Mibie n cɛɛn bambaka n bo i la jirima n nyá ju.

²¹ Nyini cɛɛn ni, sɔnɔ kere bo i bo fereeri Mibie n duma, i mi nyá tiide.’”

²² Na Petoro ase bu ka, “Amberɛ Yisarelifɔm, am so am sui na am ti fɛn. Nyɛmɛ akere am ka yiri sunmaari Yesu bo i fite Nazareti miɛ n nu n a. Nyini ti, ye i ma i yoori alekutura sam, ni sa ɲgbingbirim am nu n a, kabo amberɛ ni am tii si i ni. ²³ Nyɛmɛ dɛɛ koroyanu, ye i du mɔ ciciiri ka i má am nya Yesu taraabiri a, ye am faari i wuraari mine tiɛm saa nu, ye bu kpamaari i baka jaanu n su kuunri i n a. ²⁴ Ama, na Nyɛmɛ atɛɲge i afite i yiwee n nu, yiwee akoro ala má i yiko, dama i tiiri kekereke na yiwee koro kunma i. ²⁵ Dama Fɛmɛ Davidi yo jɔjɔri fa ko yiri Yesu ɲusu jɔre, i ɲa,

‘Ma ɲu i ka Mibie n wo m dɔ san̄ga kere,

nyini dɛɛ ti, puitiripui koro yo má m.

²⁶ Nyini dɛɛ ti, m ahore ti daawa, na m jɔjɔ ni ahorejo,

haari ni bo m bá wu ni, m la tama fa ko m ɲuniɛmbaa n su,

²⁷ dama wɔrɔ Nyɛmɛ, a yáki má m na m ka fuinm n nu,

a yáki má na u dɛɛ amusuifɔ casi ka mini sɔ wu kpɔrɔ.

²⁸ A kere m atin bo m fa na m nya ɲgɔɔ,

na kabo a wo m dɔ ni, nyini má m la ahorejo nahɔre su a.’

²⁹ M ninbaam, m koro ka m se am nahɔre su wɔ, fa ko ya na Fɛmɛ Davidi ɲusu jɔre. I yo wuuri wɔ, na ba se i, i fan̄kunma toko wo ya nu fɛn haari ni nyuma. ³⁰ I tiiri Nyɛmɛ nɔaniɛ kanfɔ n dɛɛ ti, na wɔ si ka Nyɛmɛ atan ndie ka, i yí yiri Fɛmɛ Davidi busu nufɔm n nu kun, na i dí i femeya n kabo yiri Fɛmɛ Davidi yo tiiri barasu ni. ³¹ Fɛmɛ Davidi du

mɔ ɲuuri sa n bo Nyeme bá yo i ni, na wɔ ɔɔɔ fa kɔ Kristo su, Tiidefo n bo Nyeme ase ka i súnma i ni, ka i bá wu na i ténge i yiwee nu, i ɲa, 'Nyeme yáki má na i ka fuinm nu, na i ɲuniembaa n kpóɔ.'

³² Yiri Yesu n ye Nyeme tengeeri i yiwee n nu a, na ya kere anu i, ye ya sudi i daani a. ³³ I Si Nyeme aye i su ako angoro afa atana i saa fomboro su, ye wɔ ma i Awiewie Casi n bo wɔ se ka i fá ma i ni. Deke bo am anu i ni, ni deke n bo am ati i ni, yiri la Awiewie Casi n bo i seeri ka i fá ma ya ni. ³⁴ Má Feme Davidi ni i tii fun kɔori angoro a, ama, na wɔ se ka,

'Micera n ase m Mibie n ka,

"Bra, ba tana m saa fomboro su fen,

³⁵ haari m bá ma a kunma u kpofom." ' "

³⁶ Na Petoro akaaki ase ka, "I ti ye ni ka Yisarelifom kere si ka, yiri Yesu n bo amberɛ yo kpamaari i baka jaanu n su n ye Nyeme afa i ayo Mibie n ni Kristo, ya Tiidefo n a."

³⁷ Sangá bo minem n tiiri ahin jɔɛ n sɔ ni, na bu ahore asaaki agaya, na ba bisa Petoro ni Yesu jaramasa nyingam n ka, "Ya ninbaam, ye ya yo sɛ wɔ?" ³⁸ Na Petoro ase bu ka, "Am kaaki am wo, na ya bie am kun kun kere Nyeme nzue, Yesu Kristo dɛɛ duma n nu, na Nyeme fá am satie ce am, na i fá Awiewie Casi n ce am. ³⁹ Dama Nyeme yo seeri ka i fá Awiewie Casi n ma amberɛ ni am busu nufom, ni minem bo bu wo dede ni, ni minem kere bo ya Micera Nyeme n fere bu ka bu bra yiri ni i tii dɔ n wɔ." ⁴⁰ Na Petoro ajoɔɔ jɔɛ beberebe atu bu fɔ ni anyumboro su, i ɲa, "Am yi am ɲu fite suicin n bo Nyeme bá fa cin ahin nyumafɔ satieyofom n nu." ⁴¹ Na bu dɔngɔ ayo i nɔanie n yarada, na ba bie bu Nyeme nzue, nyini cɛɛn ni, na ba nya mine, ba yo ka akpii nsan abuka bu ɲu su. ⁴² Na bu nyunu aboro ka bu sɔnsɔn Yesu jaramasam kereewam ni, na bu kere ayo anɔɔkun, na bu susanga di diire, na bu susanga sere Nyeme.

Kabo Yesu susufom woowa tiiri barasu ni

⁴³ Na Nyeme ama Yesu jaramasam n ayo alekutura sam barasu barasu beberebe, na sɔnɔ kere asoro Nyeme. ⁴⁴ Na yaradayofom n ayo deke kere ni anɔɔsɛ, na ba soro su ka, deke kere bo bu la i n ti bu kere dɛɛ wɔ. ⁴⁵ Bu tɔ bu nenge kere bo bu la i wɔ, na bu kpaaki ɲwaa n nu, na bo bu la má be n kere nya be. ⁴⁶ Cɛɛn n kere cɛɛn, bu ba tien n nɔɔ Nyeme Sereebiri Awuru n nu wɔ, na bu nati sutien bu nɔɔ awuru awurum nu, na bu sangá di diire ni ahorejɔ, ni bu kunnu fofoe, ⁴⁷ na bu sukansi Nyeme, na minem akoro bu jɔɛ. Na cɛɛn kere cɛɛn na bu sunya minem bo Nyeme ma bu anya tiide n abuka bu ɲu su.

3

Kabo wɔbuka be nyaari laifie barasu ni

¹ Cɛɛn n be naaso wie kerefi nsan sangá, na Petoro ni Yohane ako Nyeme Sereebiri Awuru n nu ka bu kɔ sere Nyeme. Sangá bo bu fa sere Nyeme lɛɛ. ² Sɔnɔ be woori dɔ, bu wuuri i wɔbuka wɔ, na mine nbem asɔ i aba atana Nyeme Sereebiri Awuru nu anɔ n bo bu fere i ka Anɔ Nyunyumi ni, na i tana susere minem bo bu ba nyemesere ni, ka bu ma i ɲwaa. Cɛɛn n kere cɛɛn bu fa i ba wɔ, na i ba susere. ³ Nyini cɛɛn

ni, sanƙa bo i njuuri Petoro ni Yohane ka bu suwura Nyeme Sereebiri Awuru n nu ni, na wo sere bere gusu ka bu ma i deke be. ⁴ Na Petoro ni Yohane afa bu nyumbaa akpama i nju, na Petoro ase i ka, “Nie ya do fen.” ⁵ Nyini ti, na wo tu i tii sunie bu do, i sunsun ka bu ma i deke be wo.

⁶ Na Petoro ase i ka, “M la ma njwaa bo m ma u, ama, deke bo m la i na m fa ma u yaa, Yesu Kristo Nazaretifo n dee duma nu, m na, a yasu nati.” ⁷ Do na Petoro aso wobuka n saa fomboro nu, na wo ye i su ajina, kpenƙa sono n jaam kere ayo fanga, ⁸ nyini ti, na wo warakpin, na wo jina i jaa su, na wo bo i bu sunati bara ye. Do na wo su bu su awura Nyeme Sereebiri Awuru n nu, na i sunati, na i suwarakpin, na i sukansi Nyeme. ⁹ Na jama n kere anu ka i sunati, na i sukansi Nyeme. ¹⁰ Sanƙa bo minem ni siiri nu ka, yiri bo i yo tana Nyeme Sereebiri Awuru n Anu Nyunyumi n nu sere n lee ni, na ba mie atana, na sa n bo i yoori sono n ayo bu alekutura.

Kabo Petoro kaanri Nyeme noanie n Nyeme Sereebiri Awuru n nu ni

¹¹ Sanƙa bo wobuka n bita Petoro ni Yohane barasu ni, na mine kere ayo alekutura, na ba nmati aba bu do awore be bo bu fere i ka Solomon dee Lee n nu. ¹² Sanƙa bo Petoro njuuri minem so ni, na wo se bu ka, “Yisarelifom, nzu ti ye am fa ahin sa n yo alekutura ye am nie ya so a? Am sunsun ka ya dee yiko nu ye ahin sono n anati a, wara am sunsun ka ya yo sa bo i ko atin su Nyeme do n dee ti, nzen se? Ai, i ti ma so. ¹³ Nyeme bo Abraham ni Izaki ni Jakobu ni ya nam suuri i ni, yiri ye wo wura i amuisufo Yesu n kpiri bambaka a. Ama, am faari i wuraari yikofom saa nu wo, na am akete i Gomina Pilato nyunu, ka am koro ma i, haari ni bo ma gomina n na i yaki i nu ji ni. ¹⁴ I ti Nyeme sono fofoe wo, bo i yo sa bo i ko atin su Nyeme do o, ama, na am akete i, na am asere gomina n jande ka i yaki sono kunfo nu ji. ¹⁵ Na am akun yiri Yesu n bo i ma ya ngoo ni, ama, Nyeme atenge i yiwee n nu, ya njuuri i wo ye ya sudi i daani a. ¹⁶ Ahin sono bo am nju i na am si i ni, Yesu dee duma n yiko nu ma i jaam kere ayo fanga n a. Deke n bo am anu i ni, i fite ka sono n ayo Yesu duma n yarada n dee ti, nyini ma wo nya laifie ye am kere anu i n a.”

¹⁷ Na Petoro anya ase bu ka, “M ninbaam, m si ka amberen ni am tereterefo kere be mmoo asi ma sam bo am yo yoori bu ni. ¹⁸ Dawa sanƙa, Nyeme ma i noanie kanfo kere yo jooori ahin jore kere, ka, Kristo, Tiidefo n bo Nyeme ase ka i sunma i ni ba, na i ba di wahara, nyini lee ye wo yo yiiwa bere n a. ¹⁹ Nyini dee ti, am kaaki am wo, na am su Nyeme, na i fa am satie ce am, ²⁰ na i ma am nya numiyi, na i nya sunma Kristo, Tiidefo n bo wo yi i ka i ba am do ni, yiri la Yesu. ²¹ Wo yo daka ka i wo Nyeme do angoro, haari fa ko ju sanƙa n bo Nyeme ma deke kere yo yiiwa, kabo dawa sanƙa na i maari i noanie kanfo casim n noo na bu seeri ni. ²² Moyisi yo seeri ka, ‘Am Miera Nyeme sunma i noanie kanfo kabo i sunmaari mini Moyisi n wo. Nyini sono ni yo am dee tingu sono bo i fite am nu wo. I ti ye ni ka am de i noanie, na am yo deke kere bo i se ka am yo i. ²³ Sono kere bo i de ma Nyeme noanie kanfo n noanie ni, Nyeme yi i mi fite i dee minem nu wo, na i ka ngbeen.’ ²⁴ Nyeme noanie kanfo kere bo bu jooori fite Samuweli sanƙa haari ba ju ni nyuma, bu kere jooori fa ko ahin sam bo bu suyo

nyuma n su wɔ. ²⁵ Amberɛ ti Nyɛmɛ nɔaniɛ kanfɔ dɛɛ busu nufɔm a, am dɛɛ la sɛsɛsu n bo Nyɛmɛ yo diiri i di ni am nam ni. Na wɔ se ya na Abraham ka, ‘U busu nufɔm dɛɛ ti ye m yɔ durunya n nufɔm kɛrɛ kisi a.’ ²⁶ Nyini dɛɛ ti, ye i du mɔ yiiri i amusuisufɔ n ye i sunmaari i am dɔ n a, ka i bá yo am kisi, nyini la ka, i má am kaaki am wo, na i yí am fite am satie kɛrɛ nu.”

4

Kabo Yudafo tereterefɔm diiri Petoro ni Yohane jɔrɛ ni

¹ Petoro ni Yohane toko jɔjɔ jama n dɔ ni, na minɛm nbem aba bu dɔ, bɛrɛ la Nyɛmɛ sayoowa dɔɔguyɔfɔm nbem, ni Nyɛmɛ Sereebiri Awuru n nu tintinijinafɔm kpɛn, ni Sadusifɔm nbem. ² Bu baari ni yaa su wɔ, kabo Yesu jaramasa nnyɔm ni sukere minɛm ka Yesu wuuri ni, i tengeeri i yiwee nu wɔ, nyini kere ka minɛm wu, bu tenge bu yiwee nu wɔ lɛɛ. ³ Nyini ti, na ba tara Petoro ni Yohane. Bu taraari bu naaso sanɔa a, na ba nyi bu haari ale akɔ acin. ⁴ Ama, na mine dɔɔngu bo bu tiiri Yesu jaramasa ni kereewa n ayo yarada. Nyini ti, bɛrɛ kɛrɛ bo bu yoori yarada ni, bu nbiesɔm kɔ yasuri mine akpii nnu wɔ. ⁵ Alecin ŋgarama na Yudafo tereterefɔm, ni bu nkpienkpiɛnm, ni Nyɛmɛ nɔaniɛ kerefɔm kɛrɛ atien bu nɔɔ Yerusalem miɛ kpɛri n nu. ⁶ Bo bu gusu woori dɔ n la Anasi bo i ti Nyɛmɛ sayoowa dɔɔguyɔfɔm kɛrɛ kpɛn ni, ni mine nbem bo bu fere bu ka Kayafasi, ni Yohane, ni Alekizanda, ni minɛm bo bu wo Nyɛmɛ sayoowa dɔɔguyɔfɔm busu nu n kɛrɛ tienri bu nɔɔ ɔ. ⁷ Na ba fa Petoro ni Yohane aba ajina bu afien, na ba bisa bu ka, “Am yoori se yoori ahin sa n a? Am la yiko bɔɔ, wara ŋma dɛɛ duma nu ye am fa tuntuunri sɔɔ n ye wɔ nya laifie n a?”

⁸ Na Awiewie Casi n awura Petoro ŋu, na wɔ se bu ka, “Ya tereterefɔm ni ya nkpienkpiɛnm, ⁹ sakpa n bo ya yo i ama wɔbuka ni, ni kabo i yoori barasu na wɔ nya laifie n dɛɛ ti, ye am sudi ya jɔrɛ bisa ya sɔ a, nzen sɛ? ¹⁰ I ti ye ni ka amberɛ ni Yisarelifɔm kɛrɛ si ka o, ahin sɔɔ n bo i jina bɛrɛ na wɔ nya laifie ni, i fite Yesu Kristo Nazaretifo n duma n nu wɔ. Yiri ye am kuunri i, ye Nyɛmɛ tengeeri i fiteeri i yiwee n nu n a. ¹¹ Ba kɛrɛ i ŋusu jɔrɛ Nyɛmɛ Jɔrɛ Kadasi n nu ka,

‘Yabue n bo amberɛ bondo tafɔm faari i tuuri ni,
yiri ye wɔ kaaki bondo n jaa yabuɛm kɛrɛ tii a.’
¹² Yiri ŋgumi ye Nyɛmɛ ayi i ka i ba de sɔɔ kɛrɛ tii a, duma be wo má durunya n kɛrɛ nu bo i koro de ya tii ji, má ka Yesu Kristo dɛɛ duma ni ŋgumi.”

¹³ Na Yudafo yikofɔm ni tereterefɔm n aɔu kabo Petoro ni Yohane la ahoresi barasu ni, na ba si ka ba kɔ má kara be mmɔɔ, na wɔ yo bu alekutura. Dɔ na ba si nu ka bu yo suuri Yesu su wɔ. ¹⁴ Bu ŋuuri ka sɔɔ n bo wɔ nya laifie n jina Petoro ni Yohane bi ni, nyini dɛɛ ti, ba koro ase má jɔrɛ be. ¹⁵ Na ba se Petoro ni Yohane ka bu fite sɔɔ n nu. Bu fite wieeri ni, na bɛrɛ nkpienkpiɛnm n abo Petoro ni Yohane n ŋusu anzama. ¹⁶ Na ba bisa bu ŋuɔu nu ka, “Ye ya yɔ ahin minɛm sɛ wɔ? Dama sɔɔ kɛrɛ bo i wo Yerusalem miɛ kpɛri n nu si ka ba yo ahin alekutura sa bambaka ni, ya koro se má ka ba yo má i e. ¹⁷ Ama, nzen ya koro má ka ahin jɔrɛ n bara ye deke n kɛrɛ, am ma ya ŋɔɔɔɔ bu ka, má bu se ka bu bo Yesu duma mmɔɔ na be ti.” ¹⁸ Nyini ti, na

ba kaaki afere Petoro ni Yohane awura, na ba ma bu nɔɔ ka, má bu se ka bu bo Yesu дума, wara bu kan i n̄usu jɔrɛ kere minem. ¹⁹ Ama, na Petoro ni Yohane ase bu ka, “Amberɛ mmɔɔ ni am tii, am niɛ nu na am niɛ e, Nyemɛ atin su, bɔnɔ ti ye a, ya de am dɛɛ nɔɔniɛ n wɔ, nzen ya de Nyemɛ dɛɛ n wɔ? ²⁰ Ya sukan kere minem n wɔ fa kɔ sam n bo yere ni ya tii ati bu, na ya n̄u bu ni, ya koro mɔ má ya nɔɔ.” ²¹ Na bere yikofɔm, ni tereterefɔm n aɔɔɔɔɔ bu nahɔrɛ su, na ba yaki bu nu aji. Bu niɛeri nu, bu n̄u ka bu koro yo má bu pui, dama minem kere wo Nyemɛ kansi su wɔ fa kɔ sa n bo wɔ yo ni. ²² Sɔnɔ n bo bu yoori nyini alekutura sa n maari i na i nyaari laifie ni, i tara afɔ aburana.

Kabo yaradayofɔm n sereeri Nyemɛ ka i ma bu ahoresi ni

²³ Saɔga bo Petoro ni Yohane nyaari bu tii ni, bu kaba kpieeri bu nyi kɔɔri bu beɔgu Yesu susufɔm n dɔ ɔ, na ba kan jɔrɛ n kere bo Nyemɛ sayoowa dɔnguyofɔ nkpienm, ni nkpienkpienm n seeri ni. ²⁴ Yaradayofɔm ni tiiri nyini jɔrɛ n kere sɔ ni, na bu kere ayo aɔɔkɔn, na ba sere Nyemɛ, bu n̄a, “Ya Micera Yikofɔ, wɔrɔ yiiri aɔgoro ni asiɔngu a, ni tieku n ni dekem kere bo bu wo nu ni. ²⁵ Wɔrɔ yo ma u Awiewie Casi n wuraari ya na Davidi bo i ti u dɛɛ amuisufɔ n n̄u a, na wɔ se ka,

‘Nzu ti ye minem bo bu ti má Yudafɔm afa yaa agaya sɔ a.
ye minem bita sunsunni bo i la má kperɛ a?’

²⁶ Ye durunya n nu nfemem ayasu ajina,

na bu yikofɔm atien bu nɔɔ,
ka bu tu lue ni Micera Nyemɛ ni,

ni Kristo, Tiidefɔ n bo Nyemɛ ase ka i súnma i n a.’

²⁷ Tɔ, kabo Feme Davidi yo kaanri ni, i ti nahɔrɛ wɔ, ka Feme Herode, ni Gomina Pɔntiyo Pilato fa saɔga ni minem bo bu ti má Yudafɔm, ni Yudafɔm yo tieɛri bu nɔɔ ahin mie n nu wɔ, na ba kete Yesu, u amuisufɔ casi n bo a yiiri i ka yiri ti Tiidefɔ ni. ²⁸ Bu tieɛri bu nɔɔ ɔ, na ba yo dekem kere bo u dɛɛ yiko n ni u koroyanu na a du mɔ acici ka bu yo ni. ²⁹ Ya Mibie, ti kabo kisa bu n̄ɔɔɔɔ ya barasu, nyini ti, ma yere u akɔɔm n ahoresi, na ya kan u dɛɛ labari kpa n na má ya soro sere. ³⁰ Fa u yiko n tuntun tukpakifɔm na bu nya laifie, na a ma ya yiko na ya tuntun mine, na ya yo alekutura sam barasu barasu, u amuisufɔ casi Yesu n dɛɛ дума nu.” ³¹ Saɔga bo bu sereeri Nyemɛ n wieeri sɔ ni, na dika n bo bu wo nu n akpisi. Na Awiewie Casi n awura bu kere n̄u, na ba kan Nyemɛ jɔrɛ ni ahoresi.

Kabo Yesu susufɔm ni yoori aɔɔɔɛ barasu ni

³² Yaradayofɔm n yo yoori aɔɔɔɛ wɔ, na ba saɔga ayo deke n kere kun. Be wo má bere bo i se ka i neɔge be tiiri i tieɔgu dɛɛ. Ama, bu kere kpaaki deke n kere bo bu la i nu ma bu beɔgu wɔ. ³³ Na Yesu jaramasam n akan Nyemɛ jɔrɛ ni yiko bambaka, na ba kan akere minem kabo Yesu tengeeri i yiwee n nu ni. Na Nyemɛ ama bu kere adi ahɔroma beberebe. ³⁴ Be awo má bu nu bo i mieeri deke be busu. Bo bu laari asienm, ni awurum tɔɔri bu wɔ, na ba fa n̄waa kere bo bu nyaari i ni, ³⁵ aba ama Yesu jaramasam ni, na bere gusu akpaaki i nu ama bo bu la má pui ni, na ba fa ayo deke bo i mie bu. ³⁶ Sɔnɔ be yo yoori bu nu, bu fere i ka Yosefu, i ti Levi busu nufɔ ɔ, bu wuuri i asien be bo bu fere i ka Sipurusi n su wɔ. Na Yesu jaramasam n atun i дума

ka Banabasi, i bu la ka, sɔnɔ bo i ma mine ahoresi ni. ³⁷ Nyini sɔnɔ n tɔɔri i asien n bo i la i, na wɔ fa ɲwaa n aba ama Yesu jaramasam ni.

5

Ananiyasi ni i yi Safira dɛɛ jɔɛ

¹ Sɔnɔ be yo woori dɔ bu fere i ka Ananiyasi, na bu fere i yi ka Safira, na ba tɔ bu aja be. ² Ama, na yiri ni i yi n ayo bu nɔɔkun, na wɔ yi ɲwaa n be afiɛ, na wɔ fa bo i kaari n ama Yesu jaramasam ni. ³ Na Petoro abisa i ka, “Ananiyasi, nzu ti ye a ma Sitana awura u sunsunni nu, ye a fa ɲwaa n bo a tɔɔri u asien n na a nyaari i n be afiɛ a, ye a ɲa a dadaka Nyemɛ Awiewiɛ Casi n a? ⁴ Saɲga n bo a nya tɔ má i ni, i ti u dɛɛ wɔ, kisa gusu bo a tɔ i ni, ɲwaa n ti u dɛɛ wɔ. Ye nzu ti ye a yo ahin sa n a? Má adamande ɲgumi ye a ɲa a dadaka a, ama, a ɲa a dadaka Nyemɛ wɔ.” ⁵ Ananiyasi tiiri nyini nɔaniɛ n sɔ ni, i kaba kpaasiiri wɔ, na wɔ wu, na sɔnɔ kere bo i tiiri nyini sa n bo wɔ yo ni, na sere ati bu agaya. ⁶ Na ngbefenem ayasu afa tani apɔondi i, na ba fa i afite akɔ ase i.

⁷ Wɔ cɛ má, na i yi gusu aba, wɔ si má sa bo wɔ yo ni. ⁸ Na Petoro abisa i ka, “U ni u hun aja n bo am tɔɔri i n ɲwaa n kere lɛɛ?” Na wɔ bɔ Petoro n nu ka, “ɛɛn, i kere lɛɛ.” ⁹ Dɔ na Petoro abisa i ka, “Nzu ti ye u ni u hun ayo am nɔɔkun na am yo Micera n Awiewiɛ n na am nie a? Nie fɛn, minem bo bu faari u hun kɔ seeri i ni, bu jaa busu wo anɔ n nu, bu fá wɔɔ mmɔɔ fite lɛɛ.” ¹⁰ Jina n nu bere, na wɔ kaba akpaasi Petoro jaa bu, na wɔ wu. Bo bu seeri i hun n ba ɲuuri ka yiri gusu awu, na ba fa i akɔ ase i adodo i hun ni. ¹¹ Na Kristo jama n kere, ni minem kere bo bu tiiri nyini sa n bo wɔ yo ni, na sere ati bu kere agaya.

Kabo Yesu jaramasam n yoori alekutura sam barasu ni

¹² Na Yesu jaramasam n ayo alekutura sam barasu barasu dɔɲgu minem n nu bo i kere ka Nyemɛ wo bu dɔ. Na yaradayofɔm n kere atien bu nɔɔ Solomon Lɛɛ n bo i wo Nyemɛ Sereebiri Awuru n nu ni. ¹³ Minem bo ba yo má Yesu yarada ni soroori sere wɔ, ba koro asaɲga má bu nu, ama, na minem n awura bu kpiri. ¹⁴ Na mine beberebe ayo Mibiɛ n yarada, subuka bu su saɲga kere, bu sunnu, nbiesɔm ni nbaram. ¹⁵ Na alekutura sam bo Yesu jaramasam yoori bu n dɛɛ ti, na mine asɔ bu tukpakifɔm, ni bu dasum aba ase atingberem nɔɔ su, adena Petoro ba sunati sin, na haari i awiewiɛ mmɔɔ tɔ gɔ bu nbem ɲu, na bu nyá laifiɛ. ¹⁶ Na mine beberebe afite miɛ miɛm bo bu bara ye Yerusalem miɛ kpiri n su ni, na ba fa tukpakifɔm ni minem bo ajinim yaki má bu n aba, na bu kere anya laifiɛ.

Kabo bu kereeri Yesu jaramasam n wuwuruwa barasu ni

¹⁷ Na Nyemɛ sayoowa dɔɲguyofɔm n kere kpian ni, ni i bengum bo bu su Sadiusifɔm atin su ni, aba asi Yesu jaramasam ni kɔɛ agaya. ¹⁸ Na ba tara Yesu jaramasam ni, akɔ anyi bu dansaraka. ¹⁹ Ama, nyini cɛɛn n kɔɲgɛ, na Nyemɛ mereke aba ateke dansaraka anɔ ni, na wɔ yi Yesu jaramasam n afite, na wɔ se bu ka, ²⁰ “Am kɔ na am kɔ jina Nyemɛ Sereebiri Awuru n nu, na am kan ahin ɲgɔɔ fɔfɔɛ n bo am anya i n jɔɛ kere kere minem.” ²¹ Na jaramasam n ade i nɔaniɛ ni, na

alecin ngarama fuun, na ba kɔ ajina Nyeme Sereebiri Awuru n nu, na ba bo i bu sukere mine.

Sanga bo Nyeme sayoowa dɔnguyofɔm n kere kpien n ni i dɛɛ jama nbaam n ba juuri ni, na ba fere Yudafo tereterefɔm ni, ni Yisareli nkprienkpienm kere, na ba tien bu nɔɔ na bu fa sɛsesu, dɔ na ba ma nɔɔ ka bu kɔ yi Yesu jaramasam ni dansaraka n nu bra. ²² Ama, minem n bo bu sunmaari bu n kɔ juuri ni, ba ɲu má jaramasam ni dansaraka sɔɔ n nu, na ba kpie bu nyi aba ase bu. ²³ Bu ɲa, “Sanga bo ya kɔ juuri ni, dansaraka aɔɔ n kere nyi wɔ kenken, tintinijinafɔm gusu jina aɔɔ n nu bere, ama, sanga bo ya ba tekeeri aɔɔ n ni, ya ɲu má sɔɔ kun n kpein mmɔɔ sɔɔ n nu.” ²⁴ Sanga bo Nyeme sayoowa dɔnguyofɔm n kere nkprienm, ni Nyeme Sereebiri Awuru n nu tintinijinafɔm kpien n tiiri sɔ ni, na ba birisi, ba si má sa bo wɔ yo. ²⁵ Dɔ na sɔɔ be aba ase bu ka, “Am ti fen. Minem bo am taraari bu kɔ nyiiri bu ni, bu wo Nyeme Sereebiri Awuru n nu wo minem kere su.” ²⁶ Nyini ti, na Nyeme Sereebiri Awuru n nu tintinijinafɔm kpien n afa i minem ako, na ba kɔ atara Yesu jaramasam n aba. Bu kɔ faari bu ni, ba miɛ má bu, dama bu soroori ka minem ni tu bu yabue wɔ.

²⁷ Na ba fa jaramasam n aba, na ba fa bu ajina minem bo ba tien bu nɔɔ n nyunu. Na Nyeme sayoowa dɔnguyofɔm n kere kpien n abisa bu bisaawam. ²⁸ I ɲa, “Ya maari am nɔɔ nahɔre su ka, má am se ka am kere kereewa be ahin sɔɔ n duma nu. Ama, am niɛ kabo am ayo a. Am afa am kereewa n abara aye Yerusalem miɛ kpiri n kere nu, ye am koro ka am se ka yere kuunri i a.” ²⁹ Na Petoro ni jaramasa nyingam n abɔ bu nu ka, “Wɔ yo daka ka ya de Nyeme nɔaniɛ wɔ, má adamande dɛɛ. ³⁰ Nyeme bo i ti ya nam dɛɛ Nyeme ni, yiri tengeeri Yesu fiteeri i yiwee n nu, yiri bo am kuunri i na am kpamaari i baka jaanu n su ni. ³¹ Yiri Yesu, ye Nyeme afa i atana i saa fɔmbɔɔ su, ka i yo ya Mɔfo ni ya Tiidefo, na i ma yere Yisarelifɔm atin, na ya kaaki ya wo, na Nyeme fa ya satie kere ce ya. ³² Yere ni Awiewie Casi ni di ahin sam n daani kan kere mine a. Yiri Awiewie Casi n ye Nyeme afa ama minem bo bu de i nɔaniɛ n a.”

³³ Sanga bo minem bo ba tien bu nɔɔ n tiiri nyini jɔre n sɔ ni, na yaa ati bu agaya, má bu koroori ka bu kun Yesu jaramasam wɔ. ³⁴ Ama, na bu nu kun, i ti Farasifo ɔ, bu fere i ka Gameli, i kaaki ti Nyeme nɔaniɛ kpamaawa n kerefɔ ɔ, bo minem kere ma i jirima agaya. Na wɔ yasu ajina, na wɔ ma nɔɔ ka bu fa jaramasam n fite dasin kaan ka. ³⁵ Dɔ na wɔ se jama n kere ka, “M lamɔko Yisarelifɔm, am niɛ am tii su dɔngu fa kɔ sa n bo am koro ka am fa yo ahin minem ni. ³⁶ Am tenge su ka afo be, na sɔɔ be, bu fere i ka Tiydasi, na wɔ ba, na wɔ yo i ɲu ka i ti sɔɔ bo i ɲusu nya má durunya n nu wɔ, na mine ba yo ka yaa nna kere asu i su. Ama, wɔ ce má, na mine akun i, na i susufɔm n kere aɲmati asandi, na i dɛɛ atin n aka ngbeɛn. ³⁷ Nyini sin, sanga bo bu ɲa bu kere asien n su jama duma na bu si bu nɔ ni, na sɔɔ be gusu aba, yiri la Yudasi bo i fite Galili asien n su ni. Na jama beberebe asu i su, ama, na mine akun yiri gusu, na i susufɔm n kere aɲmati asandi. ³⁸ Nyini ti, kabo i ti ni, m suse am wɔ, má am se ka am yo ahin minem ni pui. Am yaki bu benle. Nzen atin n bo bu bita i n ti adamande dɛɛ, i ká ngbeɛn wɔ. ³⁹ Ama, nzen i ti Nyeme dɛɛ, am koro yo má ahin mine ni pui. Am bá ɲu ka am si má na am sukun lue ni Nyeme.” ⁴⁰ Na ba

de Gameli fotuuwa ni. Na ba fere Yesu jaramasam n awura, na ba fin bu ngbere, na ba ma bu nɔɔ ka, má bu se ka bu bo Yesu duma mmɔɔ kere mine kun. Na ba yaki bu, na ba kɔ. ⁴¹ Yesu jaramasam ni fiteeri minem bo ba tien bu nɔɔ n dɔ wieeri ni, na bu ahore ajo agaya, ka Nyeme abu bu awura be nu, dama ba di nyinse Yesu dɛɛ duma n nu. ⁴² Na cɛɛn n kere cɛɛn, na bu suwura Nyeme Sereebiri Awuru n nu, ni minem dika, na bu yaki má Nyeme noanie n kere ni, na bu sukan Nyeme labari kpa n kere bu ka Yesu ti Kristo n a, Tiidefo n bo Nyeme ase ka i súnma i ni.

6

Kabo bu yiiri bukafɔ nsom ni

¹ Na fa kɔ sangá su, na Yesu susufɔm n asunnu abuka su, na Yudafoɔm bo bu jojo Giriki anie n ni anɔɔnti Yudafoɔm bo bu jojo Hiburu anie ni. Bu ɔa cɛɛn kere cɛɛn na bu ce nkunafɔm diire ni, bu bu má bu dɛɛm wura má nu. ² Nyini ti, na Yesu jaramasam buru ni nnyɔm n afere susufɔm n kere pepere atien bu nɔɔ, na ba se bu ka, “I ti má ye ni ka yere ni ya tii yaki Nyeme jɔre n kan, na ya sunie diire jɔre su. ³ Nyini ti, m ninbaam, am nie am nɔɔnu nu, na am yi mine nso bo bu la anyunuyi, na Awiewie Casi n wo bu dɔ, na bu la alecira, na bu kaaki la sunsunni kpa, na ya má bere nie nyini sereyam n kere su. ⁴ Na yere ni ya tii nyá ya ɔu, na ya nyunu bóro nyemesere, ni Nyeme noanie n kan su.” ⁵ Yesu jaramasam n seeri sɔ ni, na wɔ yo minem kere fie fa kɔ bu jojɔwá n su. Na ba yi sɔnɔ be, bu fere i ka Satefano, i ti sɔnɔ bo i la yarada nahɔre su wɔ, na Awiewie Casi n wo i ɔu, ni Filipu, ni Porokoron ni, ni Nikanɔ, ni Timona, ni Pamenasi, ni Nikola bo i fite mie kpiri n bo bu fere i ka Antiyoki n su, na wɔ kaaki i ɔu ka i ti Yudafo, na i su bu dɛɛ atin n su ni. ⁶ Na jama n afa bu aba Yesu jaramasam n dɔ, na ba fa bu saa anana bu ɔu, na ba sere Nyeme ama bu.

⁷ Na Nyeme noanie ni susandi subuka su. Na mine beberebe ayo yarada abuka Yesu susufɔm su Yerusalem mie kpiri n nu. Na Nyeme sayoowa dɔnguyofɔm gusu dɔngu ayo yarada.

Kabo bu taraari Satefano barasu ni

⁸ Satefano ti sɔnɔ bo i diiri Nyeme ahɔrɔma wɔ beberebe, na Nyeme ama i yiko nahɔre su, na wɔ yo alekutura sa barasu barasu minem n nu. ⁹ Ama, na Yudafo nbem ayasu ajina ase akuruwa ni yiri. Nyini minem wo asesɛ n bo bu fere i ka Ma De M Tii tientienbunɔɔ sɔɔ n nu wɔ. Bu nbem fite mie kpirim n bo bu fere bu ka Sirene, ni Alekizanderiya n wɔ. Na bu nbem gusu fite Silisiya ni Esiya dɛɛ awɔrem n nu wɔ. ¹⁰ Ama, na Awiewie Casi ni ama Satefano alecira, na wɔ koro akan ayi bu. ¹¹ Nyini dɛɛ ti, na ba ma mine nbem ɔwaa ka bu kpie kɔre sɔ Satefano ka, ba ti ka wɔ kpie Moyisi ni Nyeme nzuko. ¹² Bu seeri sɔ n dɛɛ ti, na ba ye minem yaa su, ni nkpienkpienm ni, ni Nyeme noanie kerefɔm, na ba tara i ako Yudafo tereterefɔm dɔ. ¹³ Dɔ na ba fa mine nbem aba, na ba kpie kɔre asɔ i. Bu ɔa, “Sanga kere ahin sɔnɔ n jojo ngbɛɛngbɛɛn wɔ fa kɔ ya Nyeme Sereebiri Awuru casi n su, na i kaaki jojo ngbɛɛngbɛɛn fa kɔ Nyeme noanie kpamaawa su. ¹⁴ Ya ti ka i ɔa, Yesu Nazaretifo ni bó fufu ya Nyeme Sereebiri Awuru n kere go, na i kaaki ya nana sayoowam kere bo Moyisi fa kereeri ya

ni.”¹⁵ Na bere tereterefom n kere afa bu nyumbaa akpama Satéfano ñu, na ba ñu ka i nyunuawa akaaki wo ka Nyeme mereke dee su.

7

Kabo Satéfano jɔɔri barasu ni

¹ Na Nyeme sayoowa donɔyoyofom kere kpien n abisa Satéfano ka, “Ahin jore n kere bo ba kan i n ti nahore wo?”² Na Satéfano abo i nu ka, “M sim ni m ninbaam, am so am sui na am ti fen. Kana ya na Abraham ko wo Harani mie kpiri n nu ni, Nyeme Kpiri n yo yiiri i ñu kereeri Abraham Mesopotamiya dee asien n su wo.”³ Na wo se i ka, ‘Fite yaki u asien n bo a tana su ni, ni u minem, na m kere u asien bo m koro ka a ko tana su ni.’⁴ Nyini ti, na Abraham ayasu Kaladiya asien n su, na wo ko awo Harani mie kpiri n nu. I woori do ye i si ba wuuri a. Nyini sin, na Nyeme ama wo yasu do aba atana ahin asien n bo ya wo su kisa ni.⁵ Nyini sangá, Nyeme nya fa má asien n haari kampiti so mmoo ma má Abraham na i se ka i ti i dee. Nyeme yo seeri i ka i fá asien n ma i ni i busu nufom wo. Sangá bo i seeri i so ni, na Abraham nya wu má baa.⁶ Na Nyeme ase i ka, ‘U busu nufom bá ko yo wofom wo asien be su, na bu fá bu yo nkokom, na bu kere bu wahara agaya ko ju afo yaa nna.’⁷ Ama, na Nyeme ase ka, ‘M bá cin minem n bo bu fá u minem yo bu nkokom n sui, na m nyá yi u minem fite nyini asien n su, na bu káaki ba fen, na bu bá su m.’⁸ Do na Nyeme afa sesesu na wo di i di ni Abraham, i ña, ‘Baa kere bo a wuuri i, i ti ye ni ka a wura i kenkenne. Nyini kere ka a bita sesesu n bo ya di i di n a.’ Nyini ti, Abraham ba wuuri Izaki ni, i wuraari i kenkenne wo lemocue ceen. Na Izaki gusu aba wu Jakabu, na wo wura i kenkenne i lemocue ceen, na Jakabu gusu aba awu i nbaa buru ni nnyom bo bu ti ya nam ni, na wo wura bu kenkenne lemocue ceen.

⁹ Na Jakabu nbaam n asi bu niema Yosefu kore, na ba to i afa ama Ijipiti asien n sufom. Ama, na Nyeme awo i do,¹⁰ na wo yi i afite kekereke kere bo i tuuri i nu, na wo ma i alecira, na wo di Ijipiti Feme Faaro ahoroma. Na feme n afa i dika n kere, ni Ijipiti asien n ama i ka i nie i dika.¹¹ Na ahoe aba ato Ijipiti, ni Kanana asienm n su, abi aboro mine ñu, bo ya nam anya má diire bo bu di.¹² Na bu si Jakabu ati ka diire wo Ijipiti asien n su, na wo sunma i nbaam. Ciciri su dee sunma ni, na ba ko ato diire n aba.¹³ Bu ba kpieeri bu nyi koori ajaari nnyo su ni, na Yosefu ayi i ñu akere i sinbaam ni, na Feme Faaro gusu asi Yosefu dikafom.¹⁴ Na Yosefu asunma i sinbaam n ka bu ko fa bu si, ni i dikafom kere ka bu bra i do Ijipiti asien n su. Minem kere ko yasuri aburaso ni nnu wo, bo bu baari Ijipiti asien n su.¹⁵ Na Jakabu, ni i dikafom kere ako Ijipiti asien n su, do ye i ni i nbaam n kere ko wuuri a.¹⁶ Na ba fa bu aba Sekem mie kpiri n nu, na ba se bu fanjunma n bo Abraham toori i jete njwaa beberebe Hamo nbaam do ni.

¹⁷ Sangá n ba dodoori bo deke n bo Nyeme yo seeri ka i yo ma Abraham n yo yiwa ni, nyini sangá ni, na ya minem ni atere ade Ijipiti asien n kere su.¹⁸ Bo woori do so o, haari na sono be aba adi Ijipiti asien n su feme, yiri asi má Yosefu.¹⁹ Na yiri ni afa sunsuni tie adadaka ya nam, na wo bita bu ni tie bita, na wo se ya nam ka bu fa bu nbaam fa tu, adena bu wu.²⁰ Nyini sangá n ye bu wuuri Moyisi a,

i yo ti baa bo i yo nyumi agaya Nyeme do o. Na ba bita i i si dika haari sara nsan, ²¹ na ba nya ayi i afite, na Feme Faaro wa baabara afa i ayo i kunnu wa. ²² Na ba kere i Ijipitifom ngonle ni alecira barasu barasu kere, na wo yasu, na i дума ata fa ko i sayoowa ni i jooowa kere nu.

²³ Sanja bo Moyisi ba juuri afo aburana ni, na i sunsunni ama i ka i ko nie i lamoko Yisarelifom busu. ²⁴ Na wo nu ka Ijipitifom be sukere Yisarelifo kun be wuwuruwa. I nuuri i so ni, wo sun ma i nu, na wo ko abo akun Ijipitifom ni. ²⁵ Moyisi sunsunri ka, i dee minem ni ti i bu wo, ka, Nyeme ye wo yi i ka i ba de bu tii ji a, ama, ba ti ma i bu so. ²⁶ I alecin, na wo nu ka Yisarelifom mine nnyo sudi aluwa n bu nu nu, na wo ko akpata bu, na wo se bu ka, 'Njam, am ti fen, m na am kere ti kun wo e, ye nzu ti ye am sudi aluwa?' ²⁷ Ama, na yiri n bo i sukere i bengun wuwuruwa n asun Moyisi ako i sin, na wo bisa i ka, 'Nma fa u yoori ya niesufo ni ya joredifo a?' ²⁸ A koro ka a kun mini gusu, kabo anuma a kuunri Ijipitifom wo, nzen se a?' ²⁹ Moyisi tiiri nyini jore n so ni, na wo nmati afite Ijipiti asien n su ako awo Madiya asien n su akaaki wofa do. Do na wo ba aja bara, na wo wu nbaabiesom nnyo.

³⁰ Na afo aburana sin, na Nyeme mereke be ayi i nu akere Moyisi boro kpantain n nu, fa dodo buka n bo bu fere i ka Sinayi n su, i nu ka sin fofoe be je buwe baka be su, ama, i yara ma, mereke n wo sin n nu. ³¹ Moyisi nuuri i so ni, na wo yo alekutura, na wo cin adodo ka i nie i nyunyumi. Do na Micera n ajojo i do, ase i ka, ³² 'Mini ti u nam Nyeme a, u na Abraham, ni Izaki, ni Jakabu.' Na sere ati Moyisi, na i njanie subobo i, wo bo ma su ka i nie i kun. ³³ Na Micera n ase Moyisi ka, 'Deke bo a jina n ti m tiengu dee asien casi wo, cin yi u gbagbaa ni. ³⁴ Ma nu kabo m minem wo kekereke nu Ijipiti asien n su barasu. Ma nu kabo bu fi fi barasu, nyini dee ti ye ma jura aba ka m ba de bu tii ji. Bra na m sunma u Ijipiti asien n su.'

³⁵ To, yiri Moyisi ye Yisarelifom keteeri i n a, na ba bisa i ka, 'Nma fa u yoori ya niesufo ni ya joredifo a?' Moyisi, yiri ye Nyeme sunmaari i mereke i do baka n bo i je sin fofoe na i yara ma n su, na mereke n ase i ka i ko de minem tii ji na i yo bu kpien n a. ³⁶ Na wo du Yisarelifom mo, na wo yi bu afite Ijipiti asien n su, na wo yo alekutura sam beberebe do, ni kunma kpiri n bo bu fere i ka Kunma Koko n su, ni sanja bo bu wo boro kpantain n nu afo aburana ni. ³⁷ Yiri Moyisi yo seeri Yisarelifom ka, 'Nyeme ba yi am busu nufu be na i yo i noanie kanfo, kabo m ti ni.' ³⁸ Yiri Moyisi, i ni ya na Yisarelifom yo woori boro kpantain n nu n a, yiri ye Nyeme mereke n jooori i do Sinayi Buka n su n a, yiri ye Nyeme yo faari i noanie n bo i ma ngoo n maari i ka i fa ma ya nam n a. ³⁹ Ama, ya nam akoro ma ka bu de i, na ba kete i na ba koro ka ma bu kpie bu nyi ko Ijipiti asien n su. ⁴⁰ Na ba se Moyisi go ro Aaron ka, 'Ta amem ma ya na bu du ya mo fa ya nati. Ya si ma sa bo wo yo yiri Moyisi n bo i faari ya fiteeri Ijipiti asien n su ni.' ⁴¹ Na ba yiyi bu sikam, na ba fa ata amoe ka nambaa dee su, na ba yo tie ama i, na ba su i, na ba di eenkpiri fa ko nyini deke n bo bere ni bu tii ayo i n su. ⁴² Nyini ti, na Nyeme akaaki i sin abo bu, na wo ma bu susu asarambaam bo bu wo angoro ni, kabo ba kere i Nyeme noanie kanfom dee kadasi n nu lee. Bu na, 'Ambere Yisarelifom, am yo yoori yoowam boro kpantain n nu afo aburana ni,

am yo maari mini wɔ?

⁴³ Ai, am yo sɔɔri amɔɛ n bo bu fere i ka Mɔlɛki na am afa tani abo i nambue n sɔ i nati wɔ,

ni amɔɛ n bo bu fere i ka Rɛfani na i ti ka asarambaa be ni.

Bɛɛ ye am ta bu ka amɔɛm ye am su bu a.

Nyini ti, ye m má bu taraari am kɔ miɛ be bo i sin Babilɔn miɛ kpiri n ɲu n a.’

⁴⁴ Ya nam ni, bɛɛ yo laari nambue n bo i kere ka Nyɛmɛ wo bu dɔ n boro kpantain n nu a. Bu yoori i kabo Nyɛmɛ kereeri Moyisi ka i yo i n wɔ. ⁴⁵ Ya nam yo faari nyini nambue n maari bu sinfom wɔ, na bu ni bu mɔfɔ Yosuwa afa i akɔ asien n bo Nyɛmɛ fɔn yiiri minem su na i fa maari bu ni. Na nyini nambue n awo bu dɔ haari Fɛmɛ Davidi sanja. ⁴⁶ Na Fɛmɛ Davidi adi ahɔrɔma Nyɛmɛ dɔ, na wɔ sere Nyɛmɛ ka i ma i ta awuru bo Jakɔbu ni i dikafom fa su Nyɛmɛ. Fɛmɛ Davidi akoro ata má i, ⁴⁷ ama, i wa Fɛmɛ Solomon yo taari awuru n maari Nyɛmɛ a. ⁴⁸ Haari ni nyini mmɔɔ, Micɛra Nyɛmɛ Kpiri n yiri tana má awuru bo adamande ata i nu, kabo Nyɛmɛ nɔaniɛ kanfɔ n ajojɔ i ni. I ɲa,

⁴⁹ ‘Micɛra n ɲa o,

Aɲgoro ni ti m femɛya tanaabiri a,

na asiɛɲgu nya ti deke bo m jaa gbagbaa tiɛn.

Ye am ta nzu awuru barasu ma m a?

Am nya nyini fofoe n ni ye m wo nu a?

⁵⁰ Má mini yoori ahin dekem ni kɛɛ a?’ ”

⁵¹ Na Satefano akaaki ase bu ka, “Amberɛ, am ahorembaa ti kekereke, na am sui ti tantanantan ka minem bo bu su má Nyɛmɛ ni. Am nati kete Nyɛmɛ Awiewiɛ Casi n wɔ, kabo am nam yo yoori lɛɛ.

⁵² Nyɛmɛ nɔaniɛ kanfɔ bɔnɔ ye am nam akere má i wuwuruwa? Na ba kun minem ni, bo bu seeri ka Sɔnɔ n bo i yo sa bo i kɔ atin su ni bá ni. ⁵³ Amberɛ ye Nyɛmɛ yo sunmaari i merɛkem ye bu faari i nɔaniɛ kpamaawa maari am n a, ama, am ade má i.”

Kabo bu tuuri Satefano yabue bo kuunri i barasu ni

⁵⁴ Kabo Satefano jɔjɔɔri sɔ ni, na yaa ati Yudafo tereterefom n agaya, na ba kan bu nɔɔ awura nu, na bu sukpeɛ bu jee. ⁵⁵ Ama, na Awiewiɛ Casi n awura Satefano ɲu, na wɔ tu i tii anie aɲgoro, na wɔ ɲu kabo Nyɛmɛ woowa ata papasi barasu. Na wɔ ɲu ka Yesu jina Nyɛmɛ saa fombɔrɔ su. ⁵⁶ Na wɔ se bu ka, “Am nie, ma ɲu ka aɲgoro n ateke ye Adamande Wa n jina Nyɛmɛ saa fombɔrɔ su.” ⁵⁷ I seeri sɔ ni, na Yudafo tereterefom n atien kpa, na ba fa bu saa atɔ bu suim. Dɔ na ba kaba abereki atɔ Satefano ɲu. ⁵⁸ Na ba cin i afite miɛ n ahɛmɛ, na bu sutu i yabue, na bɛɛ bo bu di daani jaraki i, na bu sutu i yabue, na ba yi bu suturam ama gbefɛnɛ anyunufɔ be ka i sunie bu dika, bu fere nyini gbefɛnɛ n ka Sɔɔlu. ⁵⁹ Bu wo Satefano yabue n tu su sɔ ni, na i gusu subo fere Mibiɛ ni, i ɲa, “M Mibiɛ Yesu, de m ɲgɔɔ ni.” ⁶⁰ Na wɔ kutu asiɛɲgu, na wɔ bo awie kpa, i ɲa, “M Mibiɛ, má a fa bu ɲgasi fa kɔ sa n bo bu suyo i n su.” I seeri sɔ wieeri ni, kpɛɲga na i ni durunya n akpaaki.

8

¹ Sɔɔlu yo soroori su ka bu kun Satefano a.

Kabo Soolu kereeri Kristo jama n wuwuruwa barasu ni

Nyini cɛɛn n gbingbin ye bu boori i bu kereeri Kristo jamam wuwuruwa agaya, bɛrɛ bo bu wo Yerusalem miɛ kpiri n nu ni. Na bu kɛrɛ aɲmati asandi akɔ Yudiya, ni Samariya dɛɛ awɔrɛ n kɛrɛ nu, i kɔ kaari Yesu jaramasam ni ngumi wɔ, Yerusalem miɛ kpiri n nu a.
² Na Nyɛmɛ sufo nbem akɔ ayo Satefano sutura, na ba sun sukoko agaya. ³ Ama, na Soolu aboro i nyi kabo i yo na i ka Kristo jama ni ngbɛɛn, na i suwura awuru awurum nu, na i sucin yi yaradayofɔm ni, nbaram ni nbiesɔm kɛrɛ, na i ma bu kɔ nyi bu dansaraka.

Kabo Filipu kaanri labari kpa n jɔrɛ kereeri Samariyaɔfɔm ni

⁴ Yaradayofɔm n bo bu sandiiri awɔrɛ n kɛrɛ nu ni, na ba nati sukan labari kpa n kere minɛm kɛrɛ. ⁵ Na Filipu akɔ Samariya miɛ kpiri n su, akɔ sukan kere minɛm fa kɔ Kristo, Tiidefo n bo Nyɛmɛ ase ka i sɔnma i ni. ⁶ Na wɔ yo alekutura sam. Bu tiiri kabo i jɔjɔ na bu ɲuuri alekutura sam bo i yoori bu ni, na bu kɛrɛ aso bu sui nyunyumi, na ba ti kabo i se ni. ⁷ Na wɔ fɔn ayi ajinim minɛ dɔngɔ ɲu. Bu ba sufite yaki minɛm ni, bu tien ni fanɲa su na bu fite. Na minɛm beberebe bo bu saam ni bu jaam awu ni, ni wɔbukam kɛrɛ anya laifɛ. ⁸ Nyini ti, na ahorejɔ bambaka aba Samariya miɛ kpiri n nu.

⁹ Na sɔnɔ be ayo awo Samariya miɛ kpiri n nu, bu fere i ka Simon, i nati yo boboyaya wɔ, na minɛm bo bu wo miɛ n nu ayo alekutura, na i sukere i ɲu ka i ti sɔnɔ bambaka a. ¹⁰ Na sɔnɔ kɛrɛ, tarakam ni nfanɲafɔm kɛrɛ asoro su ka yiri la Nyɛmɛ dɛɛ yiko n a. Na ba fere i ka Yiko Bambakafɔ n bo i fite Nyɛmɛ dɔ n a. ¹¹ Deke bo i ti na bu koro i jɔrɛ n la ka, i yo yoori nyini boboyaya juma n bu dɔ acɛ. ¹² Ama, saɲa bo Filipu ba kaanri labari kpa n jɔrɛ n fa kɔ Nyɛmɛ femeya n ni Yesu Kristo dɛɛ atin n su, na bu deeri i nɔaniɛ ni, na wɔ biɛ bu Nyɛmɛ nzue, nbaram ni nbiesɔm kɛrɛ. ¹³ Na Simon mmɔɔ ni i tii ayo yarada, na Filipu abie i Nyɛmɛ nzue, na i susu Filipu su deke kɛrɛ bo i kɔ, na wɔ ɲu abonɔ sam barasu beberebe bo Filipu yoori bu ni, na wɔ yo i alekutura.

¹⁴ Na Yesu jaramasam bo bu wo Yerusalem miɛ kpiri n nu n ati ka Samariyaɔfɔm gusu ade Nyɛmɛ nɔaniɛ n ni, nyini ti, na ba sunma Petoro ni Yohane bu dɔ. ¹⁵ Saɲa bo bu kɔ juuri dɔ ni, na ba sere Nyɛmɛ ama bɛrɛ bo ba yo yarada ni, adena Awiewiɛ Casi n wura bu ɲu. ¹⁶ Dama ba biɛ bu Nyɛmɛ nzue ya Mibiɛ Yesu dɛɛ duma n nu wɔ, ama, Awiewiɛ Casi n nya wura má bu ɲu. ¹⁷ Na Petoro ni Yohane afa bu saa anana bu tii su, na ba sere Nyɛmɛ ama bu, na Awiewiɛ Casi n awura bu ɲu. ¹⁸ Simon ɲuuri ka Yesu jaramasam faari bu saa nanaari yaradayofɔm ni tii su, na bu sereeri Nyɛmɛ maari bu, na Awiewiɛ Casi n wuraari bu ɲu ni, na wɔ fa ɲwaa aba ka i fa ma Petoro ni Yohane, ¹⁹ na wɔ se bu ka, “Am ma mini mmɔɔ ahin yiko n be, adena sɔnɔ kɛrɛ bo m fa m saa nana i ɲu na Awiewiɛ Casi n wura i mi ɲu.” ²⁰ Ama, na Petoro ase i ka, “Wɔrɔ, u ni u ɲwaa kɛrɛ ka ngbɛɛn, dama a sunsun ka a koro fa ɲwaa to Nyɛmɛ acɛeri n wɔ. ²¹ U saa wo má juma n nu fieo, dama u sunsunni ti má kpa Nyɛmɛ dɔ. ²² Kaaki u wo fa kɔ u satie n bo a bita i n su, na a sere Nyɛmɛ, adena nyini sunsunni tie n bo i wo u ahore su ni, i fá ce u. ²³ Dama ma ɲu ka u ahorembaa yo wi agaya, na u satie akunma u.” ²⁴ Dɔ na Simon ase Petoro ni Yohane ka, “Jande, am sere Mibiɛ n ma m, adena má ahin sam kɛrɛ bo am ajojɔ i n be ba tu m.”

²⁵ Petoro ni Yohane diiri daani n na bu kaanri Mibiε n labari kpa n jore kereeri mine wieeri ni, na ba kpie bu nyi ako Yerusalem mie kpiri n nu. Bu wo ko su ni, na ba kan labari kpa n Samariya mie aheme aheme dongu su.

Filipu ni Itiyopiya sono n jore ni

²⁶ Na Miceera n merεke aba ase Filipu ka, “Yasu na a fa wie atoori u saa bie su deε atin n bo i fa Yerusalem mie kpiri n nu fa ko Gaza mie kpiri n nu ni.” I ti atin bo i fa boro kpantain n nu wo. ²⁷ Na Filipu ayasu, na wo ko, i wo ko su n na wo ko atu Itiyopiya sono bo i fite Itiyopiya asien su, i la jinaabiri bambako, yiri nie Itiyopiya feme bara n nenje kere su a. Wo ko asu Nyeme Yerusalem ²⁸ sukpie i nyi ko awuru, i tana i kpongo toroku nu wo, na i sukan Nyeme noanie kanfo Esaya deε kadasi ni. ²⁹ Na Awiewie Casi n ase Filipu ka, “Cin dodo kpongo toroku n na a su i su.” ³⁰ Na wo nmati ako ati ka i sukan Nyeme noanie kanfo Esaya deε kadasi ni. Na wo bisa sono n ka, “A ti kadasi n bo a sukan i n bu?” ³¹ Na sono n abo i nu ka, “M yo se ti i bu a, bo ma ka sono akan i bu akere m?” Na wo se Filipu ka i wura toroku n nu ba tana i bi. ³² Noanie n bo i wo i kan su n la bo ba kere i ka,

“Yiri ti ka boε bo bu sufa i ko kpie i kom wo,
i kaaki ti ka bombaa bo bu sukpiekpie i ndore,
na i sun ma,
so ye wo se ma jore be a.

³³ Bu yo faari i wuraari joredifom saa nu wo,
na ba kpie kore aso i, na ba wura i nyinε.
Be wo ma bere bo i ba koro joko fa ko i busu nufom do,
dama bu yo yiiri i ngoo durunya n nu fen.”

³⁴ Na Itiyopiya sono n abisa Filipu ka, “Jande, m koro ka a se m, Nyeme noanie kanfo n yo joko ahin jore n ni nma a? I joko niiri i nu wo, nzen be a?” ³⁵ Do na Filipu abo i bu ni nyini Nyeme Jore Kadasi n bo yiri sono n sukan i ni, na wo kan Yesu labari kpa n jore n akere i. ³⁶ Bu wo ko su ni, na ba ko aju awore be nu, na ba nu nzue, na sono n ase i ka, “Nie, nzue yaa e, ye nzu kanda ka a koro bie ma m Nyeme nzue a?” [³⁷ Na Filipu abo i nu ka, “Nzen a yoori Yesu Kristo yarada ni u ahorembaa kere, m koro bie u.” Na sono n ase i ka, “Ma yo yarada ka Yesu Kristo ti Nyeme Wa n a.”] ³⁸ Na wo ma toroku n ajina, na bu kere ajura awura nzue n nu, na Filipu abie i Nyeme nzue ni. ³⁹ Na ba fite nzue n nu, bu fite wieeri ni, na Mibiε n Awiewie n akaba akpara Filipu ako, sono n anu ma i kun, na wo ko awuru ni ahorejo. ⁴⁰ Na Filipu anu ka i wo mie kpiri n bo bu fere i ka Azotusi n nu, na wo yasu do suko, na wo kan labari kpa n akere minem mie kere bo i siinri su ni, haari na wo ko aju Sizariya mie kpiri n nu.

9

Kabo Soolu wo kaakiiri barasu ni

¹⁻² Nyini sanja n kere ni, na Soolu suboro i nyi se kabo i yo na i kere Yesu susufom n wuwuruwa haari i ba kun bu. Na wo koro ka i ko Damasiko mie kpiri n nu, na i ko tara nbaram ni nbiesom bo bu su Yesu atin su ni, na i wura bu joroko, na i fa bu ba Yerusalem mie kpiri n nu. Nyini deε ti, na wo ko Nyeme sayoowa donguyofom kere kpien n do, ako ade kadasi bo i koro la atin wura Yudafo m tientienbunoo som n

nu na i tara bu. ³ Na wɔ de atin ako, i kɔ sudodo Damasiko, na sin akaba afite angoro ata abara aye i. ⁴ Na wɔ kpaasi haari asienɔgu, na wɔ ti akonvi be nɔga, i nɔa, “Sɔɔlu, Sɔɔlu e, nzu ti ye a kere m wuwuruwa sɔ a?” ⁵ Na wɔ bisa ka, “M Mibiɛ, wɔrɔ nɔma a?” Na wɔ bɔ i nu ka, “Mini Yesu, mini ye a kere m wuwuruwa n a. ⁶ Ama, yasu jina na a wura miɛ n kunnu na m má sɔnɔ be kere u deke bo wɔ yo daka ka a yo ni.” ⁷ Na minem n bo bu su Sɔɔlu su n aka ajina surum, ba koro ase má jɔrɛ be, bu tiiri akonvi ni nɔga a, ama, ba nɔu má sɔnɔ be. ⁸ Na Sɔɔlu ayasu ajina, na wɔ teke i nyumbaa, ama, wɔ nɔu má asi. Nyini ti, na ba so i saa nu, na ba cin i awura Damasiko miɛ n kunnu. ⁹ I woori dɔ, i lesan bo wɔ nya koro nɔu má asi, nyini sanɔga n gusu, i di má, i nu má.

¹⁰ Yesu susufɔ n kun be woori Damasiko miɛ kpiri n nu dɔ, bu fere i ka Ananiyasi. Na Mibiɛ ni aba i dɔ ka aleɛ nu. Na wɔ jɔjɔ i dɔ ka, “Ananiyasi.” Na wɔ bɔ i nu ka, “M Mibiɛ, mini yaa.” ¹¹ Na Mibiɛ n ase i ka, “Yasu, fa atin n bo bu fere i ka Atingbere Tengeewa n su, na a kɔ sɔnɔ n bo bu fere i ka Yudasi n dika, na a bisa ka a koro sɔnɔ be bo bu fere i ka Sɔɔlu ni, na i fite miɛ kpiri n bo bu fere i ka Tarasu n wɔ. Yiri Sɔɔlu n wo dɔ wo nyemesere su, ¹² wɔ nɔu sɔnɔ be ka aleɛ nu, bu fere i ka Ananiyasi, wɔ wura i dɔ afa i saa anana i nɔu ka i kaaki nɔu asi bekun.” ¹³ Na Ananiyasi abɔ i nu ka, “M Mibiɛ, mine dɔnɔgu akan nyini sɔnɔ n jɔrɛ akere m, kabo i kere u minem ni wuwuruwa Yerusalem miɛ kpiri n nu barasu. ¹⁴ Ye wɔ de yiko afite Nyeme sayoowa dɔnɔguyofɔ nkpienkpienm dɔ, aba Damasiko fɛn, na i ba tara minem bo bu su u n kɛrɛ.” ¹⁵ Ama, na Mibiɛ n ase i ka, “Kɔ, dama mini ye ma yi i ka i yo m juma a, na i kɔ bo m duma kere minem bo bu ti má Yudafɔm ni, ni bu nɛmɛm, ni Yisarelifɔm, adena bu si m. ¹⁶ Na m kɛre i wahara n kɛrɛ bo wɔ yo daka ka i di i, mini dɛɛ ti ni.” ¹⁷ Nyini ti, na Ananiyasi ako Yudasi dika, na wɔ wura Sɔɔlu dɔ, na wɔ fa i saa anana i nɔu, na wɔ se i ka, “M niwa Sɔɔlu, ya Mibiɛ ni sunmaari m u dɔ a, yiri Yesu n ye i yiiri i nɔu kereeri u sanɔga bo a wo atin n nu suba n a. Yiri sunmaari m ka m ba ma a nɔu asi bekun, na Awiewie Casi n wura u nɔu a.” ¹⁸ Kpenɔga na deke be afite Sɔɔlu nyumbaa n nu atɔ, i ti ka jombaa bui wɔ. Na wɔ kaaki anɔu asi bekun. Na wɔ yasu ajina, na Ananiyasi abie i Nyeme nzue, ¹⁹ na wɔ di diire, na wɔ nya fanɔga bekun.

Kabo Sɔɔlu kaanri Nyeme jɔrɛ Damasiko miɛ kpiri n nu barasu ni

Na Sɔɔlu awo Yesu susufɔm n dɔ lennyɔ Damasiko miɛ kpiri n nu. ²⁰ Na wɔ kaba sukan Nyeme jɔrɛ Yudafɔm tientienbunɔɔ sɔɔm nu, ka Yesu ti Nyeme Wa n a. ²¹ Na jɔrɛ n amie minem kere bo bu tiiri ka i sukan Nyeme jɔrɛ ni, na ba bisa bu nɔnɔ nu ka, “Má sɔnɔ n bo i wo Yerusalem miɛ kpiri n nu kun minem bo bu su Yesu su n lɛɛ? Ye kisa wɔ ba fɛn ka i ba tara minem wura bu jɔrɔkɔ, fa bu kpie bu nyi kɔ ma Nyeme sayoowa dɔnɔguyofɔ nkpienkpienm ni, má sɔ?” ²² Ama, na Sɔɔlu anya fanɔga abuka su, na wɔ kan akunma Yudafɔm bo bu wo Damasiko n nu, na wɔ kan ateke bu nyi na wɔ ma ba si ka Yesu ti Kristo n a, Tiidefɔm n bo Nyeme ase ka i sɔnma i ni.

²³ Na wɔ yo lennyɔ, na Yudafɔm n atien bu nɔɔ afa sesesu kabo bu yo na bu kun Sɔɔlu, ²⁴ ama, na wɔ ti kabo ba sesesu ka bu kun i ni. Na ba nɔminda i miɛ ni anɔm n nu, wiesu ni kɔnɔgɛ, ka nzen i ba sufite na

bu kun i. ²⁵ Ama, na cɛɛn n be kɔŋgɛ, na Sɔɔlu susufɔm afa i awura kandie nu, na ba fa i aɔɔndi mie n kobe tukoro nu ase.

Kabo Sɔɔlu kɔ juuri Yerusalem mie kpiri n nu ni

²⁶ Saŋga bo Sɔɔlu kɔ juuri Yerusalem mie kpiri n nu ni, na wɔ koro ka i fa i ŋu bo Yesu susufɔm n su, na i ni bere yo kun, na sere ati bu, dama ba yo má yarada ka i ti Yesu susufɔm n be wɔ. ²⁷ Dɔ na Banabasi afa i akɔ Yesu jaramasam n dɔ. Na yiri Banabasi akan akere bu kabo Sɔɔlu wo atin n nu sukɔ Damasiko mie kpiri n nu, na i ŋuuri Mibie ni, ni kabo Mibie n jɔjɔri i dɔ barasu ni, ni kabo Sɔɔlu kaanri Nyeme jɔre Yesu duma nu Damasiko, ni ahoresi ni. ²⁸ Banabasi seeri sɔ ni, na ba soro su, na Sɔɔlu awo bu dɔ Yerusalem, na i sujenɔbe sukan Nyeme jɔre Yesu duma nu, ni ahoresi. ²⁹ Na i ni Yudaɔm bo bu jɔjɔ Giriki anie ni abo anzama haari na ba se akuruwa ni bu benɔ. Na ba koro ka bu kun i. ³⁰ Saŋga bo yaradayofɔm n tiiri ahin jɔre n sɔ ni, na ba fa Sɔɔlu akɔ aju Sizariya mie kpiri n nu, na ba ma wɔ kɔ Tarasu mie kpiri n nu.

³¹ Na Kristo jama n anya faŋga abuka su, na bu susoro Mibie n nahɔre su, na bu suwo ni Awiewie Casi n dɛɛ ahoresi nu, na bu sunya minem subuka su.

Kabo Petoro yoori abonɔ sam ni

³² Na Petoro ajenɔbe ka i bara ye awɔre n kere, na cɛɛn n be sɔ ɔ, na wɔ kɔ ka i kɔ nie Nyeme minem n bo bu wo Luda dɛɛ mie kpiri n nu n busu. ³³ Dɔ na wɔ kɔ anu sonɔ be, bu fere i ka Aniyasi, i saam ni i jaam kere awu, i da sɔɔ ɔ, i aɔ mɔcɛ lɛɛ bo i koro yasu má. ³⁴ Na Petoro ase i ka, “Aniyasi, Yesu Kristo ama u laifie. Yasu na a nyanya u dasu ni.” Kpenɔga na wɔ kaba ayasu. ³⁵ Minem kere bo bu wo Luda mie kpiri n nu, ni bo bu wo Saroni awɔre n nu n kere ŋuuri i sɔ ni, na ba kaaki bu wo na ba fa bu ŋu ama Mibie ni.

³⁶ Bara be yo woori mie kpiri be bo bu fere i ka Jopa n nu, bu fere i ka Tabita, i ti Yesu susufɔ ɔ, bu fere i duma Giriki anie nu ka Dɔkasi, i bu la ka aja. I yo sakpa wɔ saŋga kere, na i si yaarifɔm anunɔ. ³⁷ Ama, na wɔ ba ada tukpaki na wɔ wu, na ba bie i nzue, na ba fa i ada angoro sɔɔ nu. ³⁸ Jopa gusu waari má ni Luda, na saŋga bo Yesu susufɔm bo bu wo Jopa n tiiri ka Petoro wo Luda ni, na ba sunma mine nnyɔ i dɔ ka i yo anie na i bra ndende. ³⁹ Nyini ti, na Petoro ayasu asu bu su na bu kere akɔ. Saŋga bo i kɔ juuri ni, na ba fa i afun akɔ angoro sɔɔ n nu, na nkunafɔm kere atien bu nɔɔ abara aye i, na bu susun, na ba fa tanlɛem ni tani barasu barasu bo Dɔkasi la ŋgɔɔ na i kpa maari bu n akere yiri Petoro. ⁴⁰ Na Petoro afɔn bu kere afite sɔɔ n nu, na wɔ kutu i nanɔgoroma su, na wɔ sere Nyeme, na wɔ kaaki i nyunu awɔ fuin ni, na wɔ se i ka, “Tabita, yasu.” Saŋga bo i tekeeri i nyumbaa ni, na wɔ ŋu Petoro, na wɔ yasu atana. ⁴¹ Na Petoro aso i saa nu abuka i, na wɔ yasu ajina, na wɔ fere Nyeme minem n ni nkunafɔm ni kere, na wɔ fa i akere bu ka wɔ tenɔ. ⁴² Na nyini labari ni abara aye Jopa mie n kere nu, na mine beberebe ayo Mibie n yarada. ⁴³ Na Petoro awo Jopa lennyɔ, i yo woori jereke be dika a, bu fere i ka Simon.

10

Petoro ni Koneliyo dɛɛ jɔre

¹ Sɔnɔ be yo woori Sizariya mie kpiri n nu, bu fere i ka Koneliyo, i ti Romafɔ sojam n kpɛn wɔ, i nie soja mbaa yaa su a. Bu fere nyini soja jama mbaa n ka Itali sojam. ² Koneliyo ti sɔnɔ bo i su Nyeme atin su wɔ, i ni i dikafɔm kere, na bu soro Nyeme. Na i suyo sakpa ma Yudafɔm bo bu ti yaarifɔm ni, na i susere Nyeme sangha kere. ³ Na cɛn n be wiesu kerefi nsan sangha, na wɔ kaba aɲu Nyeme mereke be, na mereke n aba ase i ka, “Koneliyo.” ⁴ Na wɔ nie i gbirim, na sere ati i, na wɔ bisa i ka, “M Mibiɛ, nzu a?” Na mereke n abɔ i nu ka, “Nyeme ade u sere, wɔ ɲu sakpa n bo a yo ama yaarifɔm ni, i wara koro fi má nyini sam kere. ⁵ Tɔ, kisa, sunma minem na bu kɔ Jopa mie kpiri n nu na bu kɔ fere sɔnɔ bo bu fere i ka Simon Peto ni. ⁶ I wo jereke be dika a, bu fere i gusu ka Simon, i dika n wo fa dodo tieku n wɔ.” ⁷ Mereke n jɔɔɔri i dɔ wieeri ni, na wɔ kɔ, na Koneliyo afere i ngbefɛnem nnyɔ, ni soja kun be bo i su Nyeme atin su na i wo i dika ni. ⁸ Na wɔ kan jɔɔɔ n kere bo mereke n seeri i ni akere bu, na wɔ sunma bu Jopa mie kpiri n nu.

⁹ Na alecin ɲgarama, na ba de atin na bu kɔ Jopa, bu kɔ sudodo dɔ fa kɔ wie kekete sangha, na Peto gusu ayasu afun sɔɔ su ka i sere Nyeme. ¹⁰ Na ahɔɛ ati i, na wɔ koro deke be i di. Sangha bo bu wo diire n yo su ni, na deke be aba i dɔ ka alele nu dɛɛ su. ¹¹ Na wɔ ɲu ka angoro n ateke, na wɔ ɲu deke be i ti ka tani bambaka wɔ, ba cici i bue nna n kere, i succɔndi ba asiɲgu. ¹² Ajaanna barasu kere, ni cinbukunnusufɔm barasu kere, ni lanɲkpetefɔm barasu kere ka bu wo nu. ¹³ Na wɔ ti akonvi be ɲga, i ɲa, “Peto, yasu na a kun di.” ¹⁴ Ama, na Peto ase i ka, “M Mibiɛ, ai. M nya di má deke bo i ti ciire na i la fin.” ¹⁵ Na akonvi n akaaki ase i bekun ka, “Deke kere bo Nyeme ayo i casi, má a se ka i ti fin.” ¹⁶ Deke n yoori sɔ kɔ juuri kun kun kpe nsan a, na wɔ kaba afun ako angoro.

¹⁷ Sangha n bo Peto subirisi fa kɔ deke n bo wɔ ɲu i n su ni, nyini sangha, minem bo Koneliyo sunmaari bu ni, abisa asi Simon dika, na ba ka ajina awuru n anɔ nu. ¹⁸ Na ba fere sɔnɔ be, abisa i ka, Simon Peto wo dɔ ɔ? ¹⁹ Peto toko wo sunsun su, fa kɔ deke bo i baari i dɔ ka alele nu n bu. Dɔ na Awiewie Casi n ase i ka, “Ti fen. Mine nsan nbem wo fen sunienie u busu. ²⁰ Nyini ti, yasu na a jura, na u ni bere kɔ, má a yo sika, dama mini sunmaari bu a.” ²¹ Na Peto ajura ako minem n dɔ, na wɔ se bu ka, “Mini ye am nienie m n a. Am natiiri bu la ka se wɔ?” ²² Na ba bɔ i nu ka, “Sojam kpɛn Koneliyo sunmaari ya u dɔ a. I ti sɔnɔ kpa a, na i soro Nyeme, na Yudafɔm kere bu i agaya. Nyeme mereke be seeri i ka i fere u, na a ba i dika na a ba kan jɔɔɔ bo a la i kere i a.” ²³ Nyini ti, na Peto ade minem n awura, na ba da i dɔ.

Alecin ɲgarama, na Peto ayasu, na i ni minem n akɔ, bu sukɔ ni, na yaradayofɔm nbem bo bu wo Jopa n gusu asu i su ako. ²⁴ Na i alecin fɔfɔɛ, na ba ju Sizariya, bu kɔ ɲu ka Koneliyo atien i lamɔsim, ni i danfo kpam nɔɔ sunminda yiri Peto. ²⁵ Sangha bo Peto kɔ ɲa i wura awuru n nu ni, na Koneliyo akpa i atin akutu i jaa bu haari asiɲgu, na wɔ su i. ²⁶ Ama, na Peto aye i su ajina, na wɔ se i ka, “Mini ni m tii mmɔɔ, ti adamande wɔ.” ²⁷ Peto ni Koneliyo bitaari anzama sɔɔ haari bu kɔ wuraari awuru n nu, dɔ na wɔ ɲu ka mine beberebe atien bu nɔɔ. ²⁸ Na wɔ se bu ka, “Amberɛ mmɔɔ ni am tii si

ka, i ti ciire wɔ ka yere Yudafɔm fa ya ɲu sanɲa ni daanfɛe barasu be nu, wara ya wura bu dika. Ama, Nyeme akere m ka má m sinndi sɔnɔ be ka i woowa ti fin. ²⁹ Nyini ti, ye a sunma fereeri m ye ma kete má ye ma ba n a. M koro ka m bisa u wɔ, nzu ti ye a sunma fereeri m a?"

³⁰ Na Koneliyo ase i ka, "I nyuma lenna lee, ka ahin sanɲa n sɔ, fa kɔ wiesu kerefi nsan, m wo m dika n nu wo nyemesere su, na sɔnɔ be akaba aba ajina m nyunu, i wura sutura fofoe papasi, ³¹ na wɔ se m ka, 'Koneliyo, Nyeme ade u sere, ye wɔ tenɲe u sakpa bo a yo ama yaarifɔm n su. ³² Nyini ti, sunma na bu kɔ Jopa, na bu kɔ fere Simon Petoro ni. I wo jereke be dika a, bu fere i gusu ka Simon, i dika n wo dodo tieku n wɔ.' ³³ Nyini ti, ye m kaba sunmaari ka bu fere u n a, ye wɔrɔ gusu a yo sakpa ye a ba. Kisa, ya kere gusu atien ya nɔɔ fɛn Nyeme nyunu, na ya ti deke n kere bo Mibie n ama u nɔɔ ka a fa ma ya ni."

Kabo Petoro kaanri Nyeme jɔre n Koneliyo dika ni

³⁴ Na Petoro anya ase ka, "Kisa, ma si nahɔre su ka adamande kere ti kun wɔ Nyeme dɔ, i tambu má nu. ³⁵ Sɔnɔ kere bo i soro Nyeme na i yo sa bo i kɔ atin su i dɔ, i mi koro i ti nzu daanfɛe sɔnɔ, Nyeme de i wɔ. ³⁶ Am si labari n bo Nyeme fa maari Yisarelifɔm, nyini labari kpa n kere ka minem nya tanalaifɛe Yesu Kristo deɛ ti, yiri ti sɔnɔ kere Mibie a. ³⁷ Am kere si sa bo i boori i bu Galili deɛ awɔre n nu, sanɲa bo Yohane kaanri Nyeme nzue bie n jɔre ni, haari na wɔ bara aye Yudiya deɛ awɔre n kere nu. ³⁸ Am si Yesu Nazaretifɔ n jɔre ni, kabo Nyeme faari i Awiewie Casi n ni yiko n wuraari i ɲu ni, ni kabo i nati bara yeeri deke kere suyo sakpa sutuntun minem kere bo Sitana mie bu n na bu nya laifɛe, dama Nyeme woori i dɔ a. ³⁹ Yere, ya ɲuuri deke n kere bo i yoori bu Yudafɔm deɛ asien su, ni Yerusalem mie kpiri n nu ni. Na ba kpama i baka jaanu n su, na wɔ wu. ⁴⁰ Ama, i lesan cɛɛn, na Nyeme atenɲe i afite i yiwee n nu, na Nyeme ama minem aɲu i. ⁴¹ Má sɔnɔ kere ɲuuri i a, ama, yere bo Nyeme du mɔ yiiri ya ka ya di i daani ni, yere ɲuuri i a, na ya ni yiri asanɲa adi, na ya nu, sanɲa bo i tenɲeeri ni. ⁴² Na wɔ ma ya nɔɔ ka ya kɔ kan labari kpa n kere minem na ya di daani ka, yiri ye Nyeme ayi i ka i bá di ɲɔɔfɔm, ni bo ba wu n kere jɔre a. ⁴³ Nyeme nɔanie kanfɔm kere yo jɔjɔri Yesu jɔre, bu ɲa, 'Sɔnɔ kere bo i yoori i yarada, Nyeme fá i mi satie bo wo yo i fa ce i, Yesu deɛ duma n nu.' "

Kabo Awiewie Casi n wuraari minem bo bu ti má Yudafɔm n ɲu ni

⁴⁴ Sanɲa bo Petoro toko jina wo jɔjɔ su ni, na Awiewie Casi n aba awura minem kere bo bu jina suti labari n ɲu. ⁴⁵ Na Yudafɔm bo bu ti yaradayofɔm na bu suuri Petoro su fiteeri Jopa mie kpiri n nu baari n ayo alekutura, kabo Nyeme afa i Awiewie Casi n awura minem n bo bu ti má Yudafɔm mmɔɔ ɲu ni. ⁴⁶ Na bere Yudafɔm ni, ati ka minem n sujɔjɔ anie barasu barasu sukansi Nyeme. Na Petoro ase ka, ⁴⁷ "Nyeme afa i Awiewie Casi n awura ahin minem n ɲu, kabo i fa wuraari ya ɲu ni. Ye ɲma koro kete ka má ya bie bu Nyeme nzue a?" ⁴⁸ Nyini ti, na Petoro ama nɔɔ ka bu bie bu Nyeme nzue, Yesu Kristo duma n nu. Na ba sere i ka i wo bu dɔ lennyɔ.

11

Kabo Petoro kaanri i sa n bu kereeri Kristo Jama n Yerusalem ni

¹ Na Yesu jaramasam ni, ni yaradayofom n kere bo bu wo Yudiya awore n nu n ati ka, minem bo bu ti ma Yudafom n gusu ade Nyeme noanie n ayo i yarada. ² Nyini ti, sanja bo Petoro ko Yerusalem mie kpiri n nu ni, na Yudafom yaradayofom nbem ajaraki i. ³ Bu na, “Nzu ti ye a ko minem bo bu wura ma kenkenen n dika ye u ni bere ko sanja di diire a?” ⁴ Do na Petoro abo i bu, na wo kan kabo jore n kere boori i bu kun kun n akere bu. ⁵ I na, “M wo Jopa mie kpiri n nu, wo nyemesere su ni, na ma nu deke be, i yo m ka alele dee su wo. M nuuri deke be, i ti ka tani bambaka wo, ba cici i bue nna n kere, i succondi fite angoro n nu suba asienju, na wo ba ajina m bi. ⁶ Na ma nie i nu nyunyumi, na ma nu ajaannam barasu kere, ni cinbukunnusufom barasu kere, ni lanjketefom barasu kere ka bu wo nu. ⁷ Na ma ti akonvi be nga, i na, ‘Petoro, yasu na a kun di.’ ⁸ Ama, na ma se i ka, ‘M Mibie, ai. M nya di ma deke bo i ti ciire na i la fin.’ ⁹ Na ma kaaki ati akonvi ni nga bekun, i fite angoro wo, i na, ‘Deke kere bo Nyeme ayo i casi, ma a se ka i ti fin.’ ¹⁰ Deke n yoori so ko juuri kun kun kpe nsan a, na wo kaaki afun ako angoro. ¹¹ Nyini sanja n nu, na mine nsanm n bo bu sunmaari bu m do n afite Sizariya mie kpiri n nu aba aju awuru n bo m wo nu ni. ¹² Na Nyeme Awiewie Casi n ase m ka m yasu na m su bu su ko, ma m yo sika. Na ma su bu su, na ya kere ako. Na ahin yaradayofom nsenm n gusu asunma m afite Jopa, na ya kere ako Sizariya, na ya ko awura Koneliyo dika. ¹³ Na wo se ya kabo i nuuri Nyeme mereke i dika barasu ni, ni kabo mereke n ase i ka i sunma na bu ko Jopa, na bu ko fere sono n bo bu fere i ka Simon Petoro ni, ¹⁴ na i ba kan jore be kere u ni u dikafom kere na am nya tiide. ¹⁵ Na ma bo i bu ka m jojo. Sanja bo m wo jojo su ni, na Awiewie Casi n ajura awura bu nu, kabo i yo ba wuraari ya nu bumboori ni. ¹⁶ Na ma tenje su kabo Mibie n yo seeri ni. I na, ‘Yohane yo faari nzue bieeri am a, ama, mini fa Awiewie Casi n ba wura am nu a.’ ¹⁷ I ti nahore wo ka Nyeme faari i Awiewie Casi n wuraari yere Yudafom bo ya yo ya Mibie Yesu Kristo yarada n nu, ye wo fa awura bo bu ti ma Yudafom gusu nu. Mini la nma bo m koro kanda Nyeme ka ma i yo sa bo i koro ka i yo i a?” ¹⁸ Sanja bo bere Yudafom tiiri so ni, ba se ma jore be kun, na ba kansi Nyeme, bu na, “Nyeme ama minem bo bu ti ma Yudafom n atin ka bere gusu kaaki bu wo na bu nya ngoo.”

Kristo jama n bo i wo Antiyoki n jore

¹⁹ Fite sanja n bo bu kuunri Satefano n dee sin, na ba kere yaradayofom wuwuruwa, nyini ti, na ba sandi abara aye deke kere, na nbem ako Fonisiya awore n nu, ni Sipurusi asien n su, ni Antiyoki mie kpiri n nu, na bu ko sukan Nyeme noanie n sukere Yudafom ngumi. ²⁰ Ama, bu nbem wo nu, bu fite Sipurusi, na nbem gusu fite Sirene mie kpiri n nu, na ba ko Antiyoki, na bu sukan ya Mibie Yesu labari kpa n jore sukere minem bo bu ti ma Yudafom ni. ²¹ Na Mibie n yiko awo bu do nahore su, na mine beberebe ayo yarada, na ba kaaki bu wo, na ba su Mibie n dee atin n su.

²² Nyeme minem bo bu wo Yerusalem mie kpiri n nu n tiiri nyini labari so ni, na ba sunma Banabasi Antiyoki do. ²³ Sanja bo i juuri na

i ɲuuri sakpa bo Nyeme ayo ama minem so ni, na i ahore ajo, na wo tu bu fo ka bu ma bu nyunu boro yarada n bo bu bita i fa ko Mibie n dee atin n su ni, na bu su i su ni bu ahorembaa kun. ²⁴ Banabasi tiiri sono kpa a, na Awiewie Casi n awo i do, na i la yarada agaya. Na mine beberebe aba ayo Mibie n yarada. ²⁵ Na Banabasi ako Tarasu mie kpiri n nu ka i ko nienie soolu. ²⁶ Sanga bo Banabasi ko ɲuuri soolu ni, na wo fa i na ba ko Antiyoki, na bere mine nnyo n kere ako awo do afo kun, na ba tien Kristo jama n noo, na ba kere mine beberebe. Antiyoki do ye bu du mo fereeri yaradayofom n ka Kristofom a.

²⁷ Nyini sanga n nu, na Nyeme noanie kanfo nbem afite Yerusalem aba Antiyoki do. ²⁸ Bu fere bu nu kun ka Agabusi, do na Awiewie Casi n ama i yiko, na wo yasu ajina ajajo ka, ahoe bambaka be ba to durunya n kere nu. Nyini ahoe n ba toori sanga bo Romafom feme kpiri bo bu fere i ka Kalodisi n diiri i femeya n a. ²⁹ Na Kristo susufom ni ayo anookun ka bu kun kun n kere yiyi njwaa kabo bu fanga nyaari ti barasu, na bu fa ko buka bu benggu yaradayofom bo bu wo Yudiya awore n nu ni. ³⁰ Na ba yiyi njwaa ni, na ba fa njwaa n asunma Banabasi ni soolu ka bu fa ko ma Kristo jama nkpienkpienm ni.

12

Kabo bu kereeri Kristo jama n wuwuruwa barasu ni

¹ Fa ko nyini sanga n nu, na Feme Herode abo i bu sukere Kristo jama mine nbem wuwuruwa. ² Na wo ma ba fa takobe akun Yohane goro Yakobo. ³ I yoori sanga bo Yudafom sudi bu Butara ceenkpiri n wo. ⁴ Bu taraari Petoro wuraari dansaraka nu ni, na ba fa i awura sojam buru ni nsen saa nu ka bu nie i dika. Na bere gusu akpaaki nu ka mine nna nie i dika ko ju sanga su, na nyingam nya de. Na Feme Herode asese su ka bu diiri Butara ceenkpiri n siinri, i fa Petoro jina jama n kere nyunu wo, na i di i jore. ⁵ Nyini ti, na wo ka dansaraka n nu, na Kristo jama n asere Nyeme ni anyumboro ama i.

Kabo Nyeme mereke n yiiri Petoro fiteeri dansaraka n nu ni

⁶ Nyini ceen n kongue n bo i alecin na Feme Herode ma bu yi Petoro fite na bu di i jore ni, i da sojam nnyo afien wo. Na ba wura i joroko aminda bu i bue nnyo n kere, na nbem gusu kaaki jina dansaraka ano n nu nminda. ⁷ Kpenga na Nyeme mereke be aba ajina dansaraka n nu, na soo n ata wein. Na mereke n abo Petoro gbengben, na wo tenge i, na wo se i ka, "Yasu ndende." Na joroko n bo i wo Petoro saa n afite ato. ⁸ Na mereke n ase i ka, "Bo u dambara ni, na a fa u gbagbaa n wura." Na Petoro ayo so, na wo kaaki ase i ka, "Fa u tanlee n wura, na a su m su." ⁹ Na Petoro asu i su afite dansaraka soo n nu, wo si ma ka sa n bo mereke n suyo i n ti nahore wo, i sunsun ka i yo i ka alele dee su wo. ¹⁰ Na ba ko asin sojam ciciri su dee n ɲu, na ba ko asin nnyo su dee n gusu ɲu, na ba ko aju bulaari ano n bo bu teke i ka na bu sin ko mie n kunnu ni. Na ano n ni i tii ateke, na ba fite. Bu toori atingbere n nu koori mo kaan, na mereke n akaba ayaki Petoro. ¹¹ Do na Petoro nyunu akoro, na wo se ka, "Kisa, ma si ka i ti nahore wo, ka Miceru n ye wo sunma i mereke n ka i yi m fite Feme Herode saa nu, ni deke n kere bo Yudafom sunsun ka bu yo m ni."

¹² I faari nyini sa n kere nu so ni, na wo ko Mariya dika, i wa la Yohane n bo bu kaaki fere i Marako ni, nyini sanja, jama beberebe atien bu nco wo nyemesere su. ¹³ Na Petoro abobo dasin ano ni, na afani be, bu fere i ka Roda, na wo ba ka i ba nie soko n bo i bobo ano ni. ¹⁴ Na wo si akonvi n ka Petoro lee, i ahore ajo agaya n dee ti, wo teke ma ano ni, na wo nmati akpie i nyi, na wo ko ase minem bo bu wo awuru n nu n ka Petoro jina dasin. ¹⁵ Na ba se i ka, “A bo fie wo.” Ama, na wo kaaki ajojo ni anyumboro ka i ti nahore wo. Do na ba se ka, “Kisa, i mereke a.”

¹⁶ Nyini sanja n kere Petoro toko jina ano n nu wo bobo su. Kasin, na ba ba ateke ano ni, na sanja bo bu nuuri ka yiri ni, na ba yo alekutura. ¹⁷ Na Petoro afa i saa ayo bu ka bu yaki nanmie. Na wo kan akere bu kabo Mibie n yiiri i fiteeri dansaraka soko n nu barasu ni. Na wo se bu ka, “Am ko kan ahin jore n kere Yakobo ni yaradayofe nyingam n kere.” Na wo fite bu bi bere ako deke be.

¹⁸ Ale ba ciinri ni, na jore n amie sojam ni, ba si ma kabo bu yo. Na ba se ka, “Ye nzu ayo Petoro a?” ¹⁹ Na Feme Herode ama nco ka bu nienie Petoro busu, ama, ba nu ma i. Nyini ti, na wo bisa sojam bu jore ni, na wo ma nco ka bu kun bu. Nyini sin, na Feme Herode afite Yudiya awore n nu, na wo ko awo Sizariya mie kpiri n nu fa ko sanja su.

Kabo Feme Herode wuuri barasu ni

²⁰ Na Feme Herode afa yaa agaya Tiro ni Sidon mie n nufom nu, nyini ti, na ba fa sesesu, na ba ko ka bu nu i. Bu du mo koori soko be do ka, bu fere i ka Blasitusi, na bu ni i dee ayo kun ka. Blasitusi ti Feme Herode gisan n niefoko kpian wo. Na wo nya fa bu ako Feme Herode do, na ba ko asere ka i ma bu ni yiri nya tanalaifie. Deke bo i ti na bu yoori so n la ka, dama bu diire kere fite yiri feme n dee asien n su wo. ²¹ Een n bo bu kpamaari i ba juuri ni, na Feme Herode awura i femeya sutura, na wo tana i femeya bie n su, na wo jojo minem n do. ²² I jojo wieeri ni, na mine kere atien, bu na, “Ahin yiri, nyeme be ajojo a, ma adamande.” ²³ Kpenga na Micera n mereke akaba abo i aji, dama wo ma ma Nyeme jirima n dee ti. Na wo da tukpaki, na kakabam awura i, na wo wu.

²⁴ Na Nyeme noanie n asandi abara aye deke n kere, na ba nya mine dongu abuka su. ²⁵ Banabasi ni Soolu yoori bu juma n Yerusalem mie nu wieeri ni, na ba fa Yohane bo bu kaaki fere i ka Marako ni, na ba fite Yerusalem na ba kaaki ako Antiyoki mie kpiri n nu.

13

Kabo bu yiiri Soolu ni Banabasi sunmaari bu ni

¹ Kristo jama n bo i wo Antiyoki mie kpiri n nu ni, bu nu nbem ti Nyeme noanie kanfom wo, na nbem gusu ti kerefom. Bere la Banabasi, ni Simeyon bo bu kaaki fere i ka Nigeri ni, ni Lukiyosi bo i fite Sirene mie kpiri n nu ni, ni Manaye bo bu yo sanja taari i ni Feme Herode, ni Soolu ni. ² Sanja bo bu cici bu nco na bu wo Mibie n su su ni, na Awiewie Casi n ase bu ka, “Am yi Banabasi ni Soolu ma m, na bu yo juma n bo ma yi bu ka bu yo i ni.” ³ Bu ciciiri bu nco, na bu sereeri Nyeme n wieeri ni, na ba fa bu saa anana bu nu, na ba ma bu atin na ba ko.

Kabo Banabasi ni Soolu koori Sipurusi ni

⁴ Na Awiewie Casi n asunma Banabasi ni Soolu na ba ko aju mie kpiri be su, bu fere i ka Selusiya, na ba fa lee bambaka do, na ba ko mie be bo i wo lui bambaka be su, bu fere nyini lui n ka Sipurusi n su. ⁵ Sangha bo bu ko juuri lui n mie kpiri n bo bu fere i ka Salamisi n su ni, na ba kan Nyeme jore Yudafo m tientienbunoo soom nu. Na Yohane bo bu kaaki fere i ka Marako n awo bu do abuka bu juma. ⁶ Na ba fa bere asin ako aju lui bambaka n wie atoori dee bue ni, mie kpiri be su, bu fere i ka Pafosi. Na ba ko anu boboyayafu be do, bu fere i ka Baari Yesu, i ti Yudafo o, i yo i nu ka i ti Nyeme noanie kanfo o, ama, i ti ma i. ⁷ I yo wo lui bambaka n su gomina n do o, bu fere gomina n ka Segosi Poolu, i ti sifo o. Na wo fere Banabasi ni Soolu, dama i koroori ka i ti Nyeme noanie n wo. ⁸ Ama, boboyayafu ni, bu kaaki fere i duma Giriki anie nu ka Elamasi ni, na wo boro i nyi ka i kanda gomina n na ma i yo Yesu yarada. ⁹ Ama, na Nyeme Awiewie Casi n awura Soolu, bo bu kaaki fere i ka Poolu nu, na wo nie boboyayafu n gbirim, na wo se i ka, ¹⁰ "Woro, a ti Sitana dee wa a. A ti deke kere bo i ti kpa n kpofo o. Kore ni satieyo asunnu u nu. A ti Mibie n atin kpa n saakifo o. Ceen bono ye a yaki i a? ¹¹ Ti fen, Mibie ni bo u ji kisa, na a yo anyinsin fa ko sangha su, na a nu ma wie ka i ta kun." Kpenga na i nyunu akaba asi biri, na i suturingi sunienie sono bo i kere i atin. ¹² Sangha bo gomina n nuuri nyini n so ni, na i tiiri kabo bu kan Nyeme noanie ni, na wo yo i alekutura, nyini dee ti, na wo yo Mibie n yarada.

Kabo Poolu ni Banabasi koori Pisidiya dee Antiyoki mie n nu ni

¹³ Na Poolu ni i lamokom n afa lee bambaka afite Pafosi dee mie kpiri n nu ako aju mie kpiri n bo bu fere i ka Perega na i wo Pamfiliya awore n nu ni. Na Yohane bo bu kaaki fere i ka Marako n akpaaki ayaki bu, na wo kpie i nyi ako Yerusalem mie kpiri n nu. ¹⁴ Na ba fite Perega ako aju Antiyoki mie kpiri n bo i wo Pisidiya awore n nu ni. Na Njumiye ceen, na ba ko awura atana bu tientienbunoo so n nu. ¹⁵ Sangha bo bu kaanri Nyeme noanie kpamaawa kadasi n bo Moyisi kereri i ni, ni Nyeme noanie kanfo m dee kadasi n wieeri ni, na bu tientienbunoo so ni nkpienkpienm n asunma ase Poolu ka, "Njam, nzen am la jore be bo am kan kere jama ni, na i ma bu ahoresi, am kan kere bu." ¹⁶ Do na Poolu ayasu ajina, na wo ye i saa su, na wo bo i bu na i jajo, i na, "M lamoko Yudafo m, ni ambera bo am ti ma Yudafo m na am su Nyeme ni, am ti fen. ¹⁷ Yisarelifom Nyeme ni, yiri yo yiiri ya nam a, na wo ma ba tere abuka su, sangha bo bu yo ti wofom Ijipiti asien su ni. Na Nyeme afa i dee yiko bambaka n na wo yi bu afite Ijipiti asien n su, ¹⁸ na wo mindi abita bu boro kpantain n nu ako aju afu aburana. ¹⁹ Na wo butu daanfie barasu nso n bo bu wo Kanana asien n su ni, na wo fa bu asien n ama Yisarelifom ka bu fa yo bu tiengu dee. ²⁰ Ahin n kere yoori so ko juuri afu yaa nna ni afu aburunu wo. Nyini sin, na Nyeme ayi mofom ama bu haari fa ko ju sangha bo i yiiri i noanie kanfo Samuweli maari bu ni. ²¹ Na ba ba ase Samuweli ka bu koro feme wo, na Nyeme ama Soolu bo i ti Kisi wa n ayo bu feme, i fite Benjamin n dee busu nu wo, na wo bita bu ako aju afu aburana. ²² Na Nyeme ayi Soolu femeya n nu, na wo fa Feme Davidi bo i ti Jese wa n ajina i jinaabiri. Na Nyeme adi i nusu daani, i na, "Yiri Davidi, Jese wa n ti sono bo m ahore atara i a, yiri yo m sa koroowa kere a." ²³ Yiri Feme

Davidi dɛɛ busu nu ye Nyemɛ seeri ka Yisarelifom Tiidefo Yesu ni fite n a. ²⁴ Kana Yesu ba ba, Yohane du mo ba kaanri Nyemɛ jɔre kereeri Yisarelifom wo, ka bu kaaki bu wo na i bie bu Nyemɛ nzue. ²⁵ Na sanɔa bo Yohane ba sukoro ka i wie i juma n ni, na wo se minem n ka, 'Am sunsun ka mini la nɔma a? Ai, ma mini la sonɔ n bo am nɔminda i ka i ba n a. Ama, am ti fen. Yiri bo i wo m sin suba ni, m ti kaan mmoo ni bo m dodo i.'

²⁶ M ninbaam, amberɛ bo am ti Abraham busu nufom ni, ni amberɛ bo am ti ma Yudafom na am su Nyemɛ ni, yere ye Nyemɛ ma ba fa ahin tiide labari n ama ya a. ²⁷ Dama Yerusalemfom ni bu nkpienkpienn kere asi ma Nyemɛ nɔanie kanfom dɛɛ kadasi n bu, haari ni bo bu kan i bu Nɔmiyi cɛɛn n kere mmoo ni. Ba kaaki asi ma kabo Yesu ti barasu, na ba ma ba kun i. Nyini ma Nyemɛ nɔanie kanfom kadasi n ayo yiiwa a. ²⁸ Haari ni bo ba yo anu ma deke n bo i ti na wo yo daka ka bu kun i ni, bu sereeri Gomina Pilato wo, ka i ma bu kun i. ²⁹ Na sanɔa bo bu yoori sa n kere bo ba kere i Nyemɛ Jɔre Kadasi n nu fa ko i nusu jɔre ni, na ba jura i baka jaanu n su, na ba fa i awura yabue bue fanɔkunma nu. ³⁰ Ama, na Nyemɛ atenge i yiwee n nu, ³¹ na wo yi i nu bo i la ma no akere minem kere bo bu suuri i su fiteeri Galili awore n nu koori Yerusalem ni. Bere n bo bu nuuri sam bo bu yoori ni, kisa bere sudi i daani kere ya minem n a. ³² Nyini ti, ya ba ka ya kan labari kpa sam n bo Nyemɛ seeri ka i fa ma ya nam ni kere am a, ³³ ye i ma nɔanie n ayo yiiwa ama yere bo ya ti bu busu nufom n a, wo tenge Yesu i yiwee n nu, kabo ba kere i Kansi Jue kereɛwam n nu, i jue nnyo su ni. Nyemɛ na,

'Woro ti m Wa a,
nyuma, m kaaki u Si.'

³⁴ Bekun, kabo i tengeeri i yiwee n nu na i kporo ma fanɔkunma nu ni, Nyemɛ akaaki ase ka,

'M fa deke kpa n bo i ti casi na i la anyunuyi n ma u,
yiri ye m seeri ka m fa ma Feme Davidi n a.'

³⁵ Ba kaaki akere i Kansi Jue kereɛwam n awore be nu, ka,
'A yaki ma na u Amusuisufo Casi n wu kporo.'

³⁶ Feme Davidi yo yoori Nyemɛ kun koroowa haari na wo ba awu, na ba se i deke bo bu seeri i nam ni, na i nuniembaa n akporo fanɔkunma n nu. ³⁷ Ama, yiri n bo Nyemɛ tengeeri i yiwee n nu ni, wo kporo ma.

³⁸ Nyini ti, m ninbaam, m koro ka am si ka yiri Yesu dɛɛ ti ye bu kaanri labari kpa n jɔre kereeri am a, ka Nyemɛ afa am satie ace am. ³⁹ Sonɔ kere bo i yoori yiri n yarada, Nyemɛ afa i mi satie kere ace i. Nɔanie kpamaawa n bo Moyisi fa maari ni, wo koro afa ma minem satie ace ma bu. ⁴⁰ Am si am nu sa, adena ma sam bo Nyemɛ nɔanie kanfom yo seeri n be tu am. ⁴¹ Bu yo seeri ka,

'Amberɛ bo am yo Nyemɛ anzasi ni, am ti fen,
am yo alekutura na am ka ngbeen,

dama m suyo juma be am dɛɛ sanɔa nu,
haari ma be kan kereeri am, am de ma i.' "

⁴² Na sanɔa bo Pɔolu ni Banabasi sufite tientienbunoo soo n nu ni, na minem n asere bu ka bu kaaki bra Nɔmiyi cɛɛn n bo i suba ni, na bu ba kan nyini jorem bo ba kan akere bu ni, na bu ti bekun. ⁴³ Sanɔa bo minem ni ba sandiiri tientienbunoo soo n ni, na Yudafom nbem, ni

bo bu ti má Yudafom na ba kaaki bu woowa na bu su Yudafom atin n su ni, na bu dɔŋgu asu Pɔɔlu ni Banabasi su. Na Pɔɔlu ni Banabasi atu bu fɔ, ka má bu kaaki bu sin bo sakpa n bo Nyeme ayo ama bu ni. ⁴⁴ Numiyi cɛɛn n ba juuri ni, na minem n dɔŋgu bo bu wo mie n nu n aba atien bu nɔɔ tientienbunɔɔ sɔɔ n nu na bu ti Nyeme jɔɛ ni. ⁴⁵ Sangga bo Yudafom nkpienkpienm ni ŋuuri jama n sɔ ni, na ba si Pɔɔlu kɔɛ, na bu ni yiri awura akuruwa, na ba kpie i nzuko. ⁴⁶ Ama, na Pɔɔlu ni Banabasi ajojo ni ahoresi, bu ŋa, “I ti ye ni ka ya du mɔ kan Nyeme nɔɔnie n kere amberɛ wɔ ka. Ama, kabo am akete i na am koro má ka am nya ŋɔɔ n bo i la má awieeri ni, ya yáki am wɔ, na ya kɔ kan kere minem bo bu ti má Yudafom ni. ⁴⁷ Dama nɔɔnie maawa bo Mibiɛ n fa maari ya n lɛɛ. I ŋa, ‘Ma yi u ka a yo wein ma minem bo bu ti má Yudafom ni, adena durunya n nufom kere nya tiide.’ ”

⁴⁸ Sangga bo minem n bo bu ti má Yudafom tiiri ahin nɔɔnie n sɔ ni, na bu ahore ajo, na ba kansi Mibiɛ n nɔɔnie ni. Na minem bo Nyeme ayi bu ka bu nya ŋɔɔ n bo i la má awieeri n ayo yarada. ⁴⁹ Na Mibiɛ n nɔɔnie n asandi abara aye nyini awɔɛ n kere nu. ⁵⁰ Ama, na Yudafom nkpienkpienm n awura minem bu sin, bɛɛ la nbaram bo bu la wo na bu su Nyeme ni, ni nbiesom bo bu wo mie n nu na bu se na i bi ni. Na ba kere Pɔɔlu ni Banabasi wuwuruwa, na ba fon bu afite bu asien n su. ⁵¹ Na Pɔɔlu ni Banabasi akpɔnkpɔn bu jaa tuturi ago bu ŋu, nyini kere ka ba kete mie n nufom lɛɛ, na ba kɔ mie kpiri be bo bu fere i ka Ikoniom n su. ⁵² Na Yesu susufom bo bu wo Antiyoki dɔ ni, bu ahore ajo agaya, na Awiewie Casi n awo bu dɔ.

14

Kabo Pɔɔlu ni Banabasi kɔɔri Ikoniom mie kpiri n nu ni

¹ Pɔɔlu ni Banabasi kɔ juuri Ikoniom mie kpiri n nu ni, bu kaaki yoori sɔ bekun, na ba wura bu tientienbunɔɔ sɔɔ n nu, na ba kan Nyeme jɔɛ n ni anyumboro haari na mine beberebe ayo yarada, Yudafom, ni bo bu ti má Yudafom n kere. ² Ama, na Yudafom nbem bo bu yo má yarada n awura minem bo bu ti má Yudafom bu sin akpura bu ni yaradayofom n tii. ³ Na Pɔɔlu ni Banabasi awo dɔ ayo lennyɔ. Na bu sujojo Mibiɛ n jɔɛ ni ahoresi, na Mibiɛ n ama bu fanga, na wɔ ma bu atin na ba yo alekutura sa barasu barasum, adena mine ŋu bu na bu si ka i ti nahɔɛ wɔ. ⁴ Na kpakpaakinu aba mie n nufom dɔ, na nbem ajina Yudafom n sin, na nbem gusu ajina Yesu jaramasam n sin.

⁵ Na bo bu ti má Yudafom ni, ni Yudafom ni, fa sangga ni bu mɔfom n afa sesesu atara kabo bu yo Yesu jaramasam ni tie, na bu tu bu yabuɛ. ⁶ Na Yesu jaramasam n afa nu fa kɔ kabo bu koro ka bu yo ni, na ba ŋmati ako mie kpiri nbem bo bu fere bu ka Lisitira ni Derebi n su. Bu wo Likawoniya awɔɛ n nu wɔ, na bu nya nati subara ye aheme ahemem. ⁷ Dɔ na ba kan labari kpa n akere minem.

Kabo Pɔɔlu ni Banabasi kɔ woori Lisitira mie kpiri n nu jɔɛ ni

⁸ Sɔnɔ be woori Lisitira mie kpiri n nu, i jaa awu, kabo bu wuuri i ni, i ti wɔbuka a, wɔ nati má. ⁹ Na wɔ tana aso i sui ati kabo Pɔɔlu sujojo ni. Na Pɔɔlu afa i nyumbaa akpama i ŋu, na wɔ fa nu ka sɔnɔ n ayo yarada, ka i koro tuntun i na i nya laifie. ¹⁰ Na wɔ tien kpa ase i ka, “Yasu jina cencen.” Na sɔnɔ n ayasu kungerekun awarakin

sunati bara yε. ¹¹ Saŋga bo jama n ŋuuri sa n bo Pɔɔlu ayo i sɔ ni, na ba tien kpa Likawoniya anie n nu, bu ŋa, “Ya nyemem akaaki ka adamandem wɔ, ye ba jura aba ya dɔ a.” ¹² Na ba fere Banabasi duma ka Ziyosi, bu amɔε kpiri duma lεε, na ba fere Pɔɔlu ka Heremesi, dama yiri ti amɔε n cem a. ¹³ Na amɔε n bo bu fere i ka Ziyosi n sɔɔ jina mie n aheme, na amɔε n fɔ n ni mie n nufɔm anyɔndi tooram ni baka pum afa aba mie n anɔ nu ka bu fa yo tie ma Pɔɔlu ni Banabasi. ¹⁴ Saŋga bo Pɔɔlu ni Banabasi tiiri kabo minem koro ka bu yo ni, na bu ahore asaaki na yaa ati bu, nyini ti, na ba cin asɔn bu sutura bo bu wura i, na ba ŋmati awura jama n afien sutien bu ŋu, ¹⁵ bu ŋa, “Njam o e, nzu ti ye am suyo sɔ a? Yere mmɔɔ ni ya tii, ti adamandem kabo am ti n wɔ. Ya ba ka ya kan labari kpa n kere am wɔ, na am yaki nyini deke ŋgbεenm ni, na am su Nyeme bo i wo bere saŋga kere ni. Yiri yiiri aŋgoro, ni asienɔgu, ni tieku n ni dekem kere bo bu wo nu n a. ¹⁶ Dawa saŋga ni, yiri Nyeme yo maari atin wɔ ka daanfie kere yo kabo i koro. ¹⁷ Ama, haari ni nyini n kere, saŋga kere i yo sakpa ma am wɔ, i ma nzue tɔ ma am wɔ, na am alembaa bo am dɔ bu n yo nyunyumi, na am di, na am kunnu yi, na i ma am ahorejo. Nyini kere kere am ka i wo bere a.” ¹⁸ Haari ni nyini jɔjɔowa n kere n mmɔɔ ni, i yoori kekereke maari Pɔɔlu ni Banabasi ye bu koro kandaari jama n ye ba yo má tie ama bu n a.

¹⁹ Na Yudafo nbem afite Antiyoki ni Ikoniom mie kpirim n nu aba Lisitira, na ba ma minem ade bu noanie, na ba tutu Pɔɔlu yabue, bu sunsun ka wɔ wu wɔ, na ba cin i afite mie n nu. ²⁰ Ama, na Yesu susufɔm n atien bu nɔɔ abara aye i, na wɔ yasu, na wɔ kpie i nyi awura mie n nu. Na alecin fɔfɔre, na yiri ni Banabasi afite dɔ, na ba kɔ Derebi mie kpiri n nu.

Kabo Pɔɔlu ni Banabasi kaaki kɔɔri Siriya dεε Antiyoki n su ni

²¹ Na Pɔɔlu ni Banabasi akan labari kpa n Derebi mie kpiri n nu, na ba nya susufɔm beberebe dɔ. Na ba kpie bu nyi akɔ Lisitira, ni Ikoniom mie kpirim n nu, na ba nya akɔ Antiyoki mie kpiri n bo i wo Pisidiya awɔre n nu ni. ²² Na ba se yaradayofɔm ni ka, bu ma bu yarada n yo biiwa, na ba ma bu ahoresi. Na ba se bu ka, “Wɔ yo daka ka bu kere ya wuwuruwa beberebe ka, na ya nya koro wura Nyeme femeya n nu.” ²³ Mie kere bo bu wɔɔri su, bu yi nkpienkpienm wɔ Kristo jama n nu, na bu cici bu nɔɔ, na bu sere Nyeme, na bu fa bu wura yiri Mibie n bo ba yo i yarada n saa nu ka i nie bu dika. ²⁴ Bu fite dɔ ni, na ba fa Pisidiya awɔre n nu akɔ atie Pamfiliya dεε awɔre n nu. ²⁵ Dɔ na ba kan Nyeme jɔre Perεga mie kpiri n nu, na ba nya akɔ Ataliya mie kpiri n nu, ²⁶ na ba fa lee bambaka afite dɔ akpie bu nyi akaaki akɔ Antiyoki mie kpiri n bo i wo Siriya awɔre n nu. Dɔ ye bu du mɔ sereeri Nyeme maari bu ka bu di i ahɔroma fa kɔ nyini juma n bo kisa ba yo i awie ni. ²⁷ Saŋga bo bu kɔ juuri Antiyoki ni, na ba tien Kristo jama n nɔɔ, na ba kan sam n bo Nyeme ayo bu ni, ni kabo wɔ teke atin ama bo bu ti má Yudafo na ba yo yarada barasu ni. ²⁸ Na ba wo yaradayofɔm n dɔ mie n nu aε.

15

Kabo Kristo jama n tiεenri bu nɔɔ Yerusalem ciciri su ni

¹ Tɔ, na minɛ nbem afite Yudiya awɔrɛ n nu aba Antiyoki miɛ kpiri n nu, na bu sukere yaradayofɔm ni bu dɛɛ kereewam. Bu ɲa, “Má ka ba wura am kenkenne kabo Moyisi yo kereeri ni, am koro nya má tiide.”
² Na Pɔɔlu, ni Banabasi, ni bere ase akuruwa nyannyan fa kɔ nyini jɔrɛ n bu su. Nyini ti, na ba fa sɛsesu ka Pɔɔlu, ni Banabasi, ni yaradayofɔm nbem bo bu wo Antiyoki ni, ka bu kɔ Yerusalem miɛ kpiri n nu na bu kɔ bisa Yesu jaramasam ni, ni Kristo jama nkpienkpienm n nyini jɔrɛ ni.

³ Na Kristo jama n akaari bu na ba kɔ. Bu wo kɔ su ni, na ba fa Fonisiya, ni Samariya awɔrɛm n nu, na ba kan akere dɔfɔm kabo minem bo bu ti má Yudafɔm n ayo Nyɛmɛ yarada barasu ni, na nyini labari n ama yaradayofɔm n ahore ajo akɔ asin su. ⁴ Sanɓa bo bu kɔ juuri Yerusalem ni, na Kristo jama ni, ni Yesu jaramasam, ni nkpienkpienm n ade bu ni bu saa nnyɔ, na ba kan akere bu fa kɔ deke n kɛrɛ bo Nyɛmɛ ma ba koro ayo i ni. ⁵ Ama, na yaradayofɔm nbem bo bu su Farasifɔm atin n su n ayasu ajina, ase ka, “Wɔ yo daka ka minem bo bu ti má Yudafɔm na ba yo Yesu yarada n awura kenkenne ka, na bu nya ma bu nɔɔ ka bu su Nyɛmɛ nɔaniɛ kpamaawa n bo i fa maari Moyisi n su.” ⁶ Na Yesu jaramasam ni nkpienkpienm ni, atien bu nɔɔ, na bu kpokpo jɔrɛ n nu nyunyumi. ⁷ Na ba se nyini jɔrɛ n akuruwa bu ɲɲu nu aɛɛ, na Petoro ayasu ajina, na wɔ se bu ka, “M ninbaam, am si ka mini ye Nyɛmɛ du mɔ yiiri m fiteeri am nu, ka m ma minem bo bu ti má Yudafɔm n ti labari kpa ni, adena bu yo yarada. ⁸ Na Nyɛmɛ bo i si kabo adamande ahorembaa ti barasu ni, akere ka ba yo yarada nahɔrɛ su, dama wɔ fa i Awiewiɛ Casi n ama bu, kabo i yo fa maari yere mmɔɔ ni. ⁹ Nyɛmɛ dɔ, yere ni bere la má kpakpaakinu lɛɛ, dama yarada n bo ba yo i n dɛɛ ti, wɔ ɲmisi ayi satie kere bo i wo bu ahore su ni. ¹⁰ Kisa, nzu ti ye am koro ka am yo Nyɛmɛ na am nie a, ye am suso yaradayofɔm soori bo ya nam, ni yere ni ya tii akoro aso má i a? ¹¹ Ai. Yere ayo yarada ka ya Mibiɛ Yesu ahɔrɔma n dɛɛ ti, ye ya nya tiide a, nyini ma bere gusu nya tiide a.”

¹² Na minem kere ato amuna, na bu ti kabo Banabasi ni Pɔɔlu sukan kere bu fa kɔ alekutura sa barasu barasum bo Nyɛmɛ ma bu koro yo maari minem bo bu ti má Yudafɔm ni. ¹³ Sanɓa bo bu jɔjɔ wieeri ni, na Yakobo gusu ayasu ajɔjɔ. I ɲa, “M ninbaam, am ti fen. ¹⁴ Simon atenge ya su kabo Nyɛmɛ ni i tii adu mɔ akere ka i cɛɛ wo minem bo bu ti má Yudafɔm nu ni, ni kabo wɔ yi bu nbem afa bu ayo i dɛɛ minem ni. ¹⁵ Nyɛmɛ nɔaniɛ kanfɔm dɛɛ nɔaniɛ n bo bu yo seeri n ni ahinm n kere ti kun wɔ, dama bu kerɛeri ka, ¹⁶ Mícera n ɲa, ‘Nyini sin, m káaki ba ye Feme Davidi awuru n bo wɔ tɔ n su, na m tá i bɔnfɔ ni, na m yó i dɔɲgu.

¹⁷ Adena daanfɛm n bo ba ka n kere bá kpini Mibiɛ busu, bere la minem bo bu ti má Yudafɔm na ma fere bu ka bu ti m dɛɛm ni.

Mícera ni seeri sɔ a,

¹⁸ yiri bo i yo seeri dada kere ka i yó i ni.’ ”

¹⁹ Na Yakobo akaaki ase bu ka, “Mini dɛɛ sunsunni la ka, minem bo bu ti má Yudafɔm na bu suba Nyɛmɛ dɔ ni, wɔ yo má daka ka ya mie bu. ²⁰ Ama, i ti ye ni ka ya kere kadasi ma bu, na ya se bu ka, má bu di tie nie, na má bu yo sakaraya, na má bu di nie bo ba kpie má i kɔm, na má bu di nie mbunja. ²¹ Dama ba du mɔ akan Moyisi nɔaniɛ

kpamaawa n jɔɔɛ ya nam sanɔa, haari ni nyuma bu toko kan i kadasi miɛ n kɛɛ su wɔ, na bu sukan i na sɔnɔ kɛɛ ti bu tientienbunɔɔ sɔɔm nu Nɔmiyi cɛɛn kɛɛ.”

Kabo bu kɛɛɛri kadasi maari Antiyokifɔm ni

²² Dɔ na Yesu jaramasam ni, ni nkpienkpiɛnm ni, ni Kristo jama n kɛɛ afa sɛsɛsu asoro su ka bu yi bu nu nbem, na bu sunma bu ni Pɔɔlu, ni Banabasi Antiyoki miɛ kpɛri n nu, bɛɛ la Yudasɛ bo bu fere i ka Basabasi ni, ni Silasi. Nyini mine nnyɔm kɛɛ ti Kristo jama n mɔfɔm wɔ. ²³ Na ba kɛɛ kadasi ama bu ka bu fa kɔ. Kɛɛɛwa n la ka,

“Yɛɛ am ninbaam, ni Kristo jaramasam, ni nkpienkpiɛnm ni subisa am dɔngu, ambɛɛ bo am ti mɔ Yudaɔfɔm na am wo Antiyoki ni, ni bo bu wo Siriya ni Silisiya dɛɛ awɔɛm nu ni. ²⁴ Ya ti ka ya nbem afite ya nu fɛn aba am dɔ, aba akan jɔɛ nbem akere am bo wɔ miɛ am, na wɔ yo am sunsunni agaya. Yɛɛ ni ya tii asunma mɔ bu. ²⁵ Nyini ti, ye ya kɛɛ atana asɛɛ su, asoro su ayi minɛm asunma bu ni ya danfo kpam Banabasi ni Pɔɔlu am dɔ. ²⁶ Bɛɛ ye ba fa bu ŋɔɔɔ ama ya Mibiɛ Yesu Kristo dɛɛ ti n a. ²⁷ Nyini ti, ya sɔsunma Yudasɛ ni Silasi am dɔ, na bɛɛ ni bu tii bɔ teke bu nɔɔ, na bu kɔn jɔɛ kɛɛ bo i wo kadasi n nu kɛɛ am. ²⁸ Kabo ya ni Awɛwɛɛ Casi n dɛɛ ayo kun, na ya soro su lɛɛ, ka ya sɔ mɔ am sɔɔri nɔnɔɔri be, sin ahin dekɛm bo wɔ yo daka ka am yo bu ni. ²⁹ Mɔ am di tie niɛ, mɔ am di niɛ mbunja, mɔ am di niɛ bo ba kpɛ mɔ i kɔm, na mɔ am yo sakaraya. Nzen am tara am ŋu na am ayo mɔ ahin sam ni, i yɔ kpa ma am. Tɔ, ya ka sanɔa lɛɛ.”

³⁰ Na minɛm bo bu sunmaari bu n akɔ aju Antiyoki. Bu kɔ juuri ni, na ba nya atien yaradayɔfɔm kɛɛ nɔɔ, na ba fa kadasi n ama bu. ³¹ Sanɔa bo bu kaanri kadasi n wɛɛri ni, na bu ahɔɛ ajɔ, na wo kaaki ama bu ahɔɛsi. ³² Na Yudasɛ, ni Silasi bo bɛɛ ni bu tii ti Nyɛmɛ nɔaniɛ kanfɔm ni, akan Nyɛmɛ jɔɛ bebɛɛɛ akere bu, na bu ahɔɛ asi, na wɔ buka bu fanɔa. ³³ Na ba wo dɔ aɛɛ, na yaradayɔfɔm n akaari bu ni ahɔɛda, na ba kpɛ bu nyi akɔ bɛɛ n bo bu sunmaari bu n dɔ. [³⁴ Ama, Silasi aɛɛ ka i ka bu dɔ.] ³⁵ Ama, na Pɔɔlu ni Banabasi aka Antiyoki, na bu ni bu bɛngu dɔngu akan na ba kɛɛ minɛm Mibiɛ n nɔaniɛ ni.

Kabo Pɔɔlu ni Banabasi kpaaki yakiiri bu bɛngu ni

³⁶ Tɔ, fa kɔ sanɔa su, na Pɔɔlu aɛɛ Banabasi ka, “Ma ya kpɛ ya nyi kɔ miɛm kɛɛ bo ya kaanri Mibiɛ n jɔɛ kɛɛɛri bu n su, na ya kɔ niɛ kabo ya ninbaam ti barasu.” ³⁷ Mɔ Banabasi koro ka bu fa Yohane bo bu kaaki fere i ka Marako n na bu kɛɛ kɔ ɔ, ³⁸ ama, na Pɔɔlu akete ka i sɔ mɔ bu su, dama sanɔa bo bu wo Pamfiliya awɔɛ n nu ni, i ŋmati yakiiri bu wɔ, wɔ su mɔ bu su abuka mɔ bu ni juma ni. ³⁹ Dɔ na akuruwa bambaka aba bu afɛn, na ba kpaaki ayaki bu bɛngu, na Banabasi afa Marako abuka i ŋu su, na ba fa lee bambaka akɔ Sipurusi asien n su, ⁴⁰ na Pɔɔlu gusu afa Silasi ka i su i su, na yaradayɔfɔm n atien bu nɔɔ asɛɛ Nyɛmɛ ama bu, ka bu di Mibiɛ n ahɔɛɔma. ⁴¹ Na wo kɔ abara ayɛ Siriya, ni Silisiya awɔɛm n nu, na wɔ ma Kristo jama n ahɔɛsi.

16

Kabo Timoti, ni Pɔɔlu, ni Silasi nati yoori juma ni

¹ Na Pɔɔlu anati haari na wɔ kɔ aju Derebi, ni Lisitira miɛ kpirim n nu, sɔnɔ be woori dɔ, i ti Kristo susufɔ ɔ, bu fere i ka Timoti. I ni ti Yudaɔ bara bo wɔ yo Kristo yarada wɔ, ama, na i si ti Girikifo. ² Na yaradayofɔm bo bu woori Lisitira ni Ikoniom miɛ kpirim n nu n kere ase ka Timoti ti sɔnɔ kpa a. ³ Pɔɔlu koroori ka i fa Timoti buka i ɲu su wɔ, na bu sunati, na wɔ wura i kenkenne. Má deke be dɛɛ ti a, ama, Yudaɔm bo bu woori dɔ n dɛɛ ti, dama bu kere si ka Timoti si ti Girikifo ɔ. ⁴ Na ba nati miɛ miɛm su, na ba kan akere yaradayofɔm fa kɔ jɔrɛ n kere bo Yesu jaramasam, ni nkpienkpienm bo bu wo Yerusalem miɛ kpiri n nu n asese su asoro su ka bu yo i n su. Na ba se bu ka bu su nyini atinm su nyunyumi. ⁵ Nyini ti, na Kristo jamam n anya faɲga, na bu yarada ayo biiwa abuka su, na bu sunya minem subuka su ale kere bo i cin.

Kabo Pɔɔlu ɲuuri sɔnɔ be ka aleɛ nu dɛɛ su ni

⁶ Na ba fa Firigiya, ni Galatiya dɛɛ awɔrɛ n nu asin, dama Awiewie Casi n ama má bu atin na bu kan Nyeme jɔrɛ n Esiya dɛɛ awɔrɛ n nu. ⁷ Saɲga bo bu kɔ juuri Masiya dɛɛ awɔrɛ awieeri ni, má bu koroori ka bu wura Bitiniya dɛɛ awɔrɛ n nu wɔ, ama, Yesu dɛɛ Awiewie n asoro má bu su ka bu wura dɔ. ⁸ Nyini ti, na ba fa Masiya awɔrɛ n nu, na ba sin akɔ miɛ kpiri be bo bu fere i ka Tɔrasi n nu. ⁹ Nyini cɛɛn n kɔɲgɛ, na Pɔɔlu aɲu deke be ka aleɛ nu dɛɛ su, ka sɔnɔ be wo Makedoniya awɔrɛ n nu, jina susere i, i ɲa, “Jande, bra Makedoniya fen na a ba buka ya.” ¹⁰ Pɔɔlu ɲuuri nyini deke n ka aleɛ nu n dɛɛ ti, ya kaba yoori siriya a, na ya kɔ Makedoniya, dama ya si ka Nyeme ye wɔ se ka ya kɔ dɔ na ya kɔ kan i labari kpa n jɔrɛ kere minem n bo bu wo dɔ n a.

Kabo Lidiya yoori Yesu yarada ni

¹¹ Na ya fa lee bambaka afite Tɔrasi miɛ kpiri n nu akpie akɔ aju miɛ be bo i wo lui bambaka be su, bu fere nyini lui n ka Samotarase. I alecin fɔfɔrɛ na ya kɔ aju miɛ kpiri n bo bu fere i ka Nɛpolisi n su. ¹² Na ya fite bɛrɛ akɔ miɛ kpiri be bo bu fere i ka Filipiya n su, yiri ti Makedoniya awɔrɛ n nyini bue n miɛm kere tii a. Romafɔm niɛ i su a. Na ya yo lennyɔ dɔ. ¹³ Na ɲumiyi cɛɛn ni, na ya fite miɛ n nu akɔ kunma nu, dɔ ye ya sunsun ka ya kɔ ɲu ka deke bo Yudaɔm n tien bu nɔɔ sere Nyeme a. Na ya tana, na ya ni nbaram bo ba tien bu nɔɔ n abo anzama. ¹⁴ Bara be woori bu nu, bu fere i ka Lidiya, i fite miɛ kpiri be bo bu fere i ka Tiyatira n su wɔ, i tɔ sanvuin kpakpam bo i la gɔ, i ti bara bo i su Nyeme wɔ, na Nyeme ateki i sunsunni, na wɔ so i sui nyunyumi, na wɔ ti kabo Pɔɔlu suse ni. ¹⁵ Na ba bie i ni i dikafɔm kere Nyeme nzue, na wɔ sere ya jande ka, “Nzen am asoro su ka ma yo Mibie n yarada nahɔrɛ su, am ba wo m dika.” I yoori ya awaraye n dɛɛ ti, na ya soro su.

Kabo bu nyiiri Pɔɔlu ni Silasi dansaraka nu ni

¹⁶ Cɛɛn n be sɔ ɔ, ya suko deke bo Yudaɔm n tien bu nɔɔ sere Nyeme ni, na ya ni sunguru be aye, i ti afani wɔ, ajini wo i ɲu, na i nati yi munzue. Nyini dɛɛ ti, na i tofɔm anya ɲwaa beberebe afite i munzue yi n nu. ¹⁷ Na i nati susu ya ni Pɔɔlu su, na i sutien suse ka, “Ahin minem

ti Nyeme Kpiri n dɛɛ amusuisufɔm wɔ. Bɛrɛ kere am kabo am yo na am nya tiide a.”¹⁸ I nati yoori sɔ ɔ, cɛɛn n kɛrɛ cɛɛn, haari na yaa aba ati Pɔɔlu, na wɔ kaaki anie i, na wɔ tien ajini n bo i wo sunguru n ɲu n na wɔ se i ka, “Yesu Kristo dɛɛ duma n dɛɛ yiko nu, fite yaki i.” Kpenga, na ajini n afite ayaki i.

¹⁹ Tɔ, sanɲa bo afani n tofɔm ɲuuri ka bu koro nya má ɲwaa fite má i n dɔ kun ni, na ba tara Pɔɔlu ni Silasi, na ba cin bu ako mie n kunnu afa bu awura yikofɔm saa nu. ²⁰ Bu faari bu kɔ juuri jɔrɛdifɔm nkpienkpienm dɔ, na ba se ka, “Ahin minem ni ti Yudaɲɔm wɔ, na bu nati sukpini jɔrɛ ya mie n nu. ²¹ Bu nati sukere sayoowam bo ya dɛɛ nɔanie kpamaawa atin n su, wɔ yo má daka ka ya de bu, wara ya su bu su, dama ya ti Romaɲɔm wɔ.” ²² Na jama n kɛrɛ atɔ Pɔɔlu ni Silasi ɲu ni jɔrɛ ɲgbɛɛɲgbɛɛn. Na jɔrɛdifɔ nkpienkpienm ama ba yi Pɔɔlu ni Silasi suturam, na ba ma nɔɔ ka bu fin bu ɲgbere. ²³ Nyini dɛɛ ti, na ba bo bu nyunyumi, na ba kɔ anyi bu dansaraka, na ba ma dansaraka nieɲɔ n nɔɔ ka i tu anɔ n na i nie bu dika nyunyumi. ²⁴ Dansaraka nieɲɔ n deeri nyini nɔanie n wieri sɔ ni, na wɔ fa bu ako awura dansaraka n sɔɔ n bo i wo mɔ n nu, na wɔ bo bu tobarim.

²⁵ Na fa kɔ kɔɲɲue jinanjin sanɲa, na Pɔɔlu ni Silasi susere Nyeme, na bu sudi jue kansi i, na bu beɲɲu dansarakam ni suso bu sui suti. ²⁶ Jina n nu bɛrɛ, na asien n akpisi agaya, haari na dansaraka sɔɔ n jaafa bo bu fa boori i bu n kɛrɛ akpisi, na anɔm n kɛrɛ ateke, na tobari n kɛrɛ n bo bu fa boori bu n akporo atɔɔ. ²⁷ Na dansaraka nieɲɔ n abo nu ayasu, na wɔ ɲu ka dansaraka sɔɔ anɔm n kɛrɛ ateke, i sunsun ka dansarakam kɛrɛ aɲmati asandi wɔ, nyini ti, na wɔ cin awɔrɔ i takobe ka i kun i ɲu wɔ. ²⁸ Ama, na Pɔɔlu atien kpa ase ka, “Má a ma u ɲu mandim. Ya kɛrɛ wo fɛn.” ²⁹ Na dansaraka nieɲɔ n afere ka bu fa sin bra, na wɔ bereki awura Pɔɔlu ni Silasi sɔɔ n nu, na sere ati i, na i ɲunie subobo i, na wɔ kɔ akutu bu jaa bu. ³⁰ Dɔ na wɔ fa bu afite, na wɔ bisa bu ka, “M mibiem, m yo se ye m nya tiide a?” ³¹ Na ba bo i nu ka, “Yo Mibie Yesu yarada, na a nyá tiide, wɔrɔ ni u dikafɔm kɛrɛ.” ³² Na ba kan Mibie n nɔanie n akere i, i ni bo bu wo i dika n kɛrɛ. ³³ Nyini cɛɛn n kɔɲɲue n kɛrɛ, na dansaraka nieɲɔ n afa Pɔɔlu ni Silasi ako, na wɔ kɔ aɲmisi bu kani n kɛrɛ, na ba kaba abie yiri ni i dikafɔm kɛrɛ Nyeme nzue. ³⁴ Dɔ na wɔ fa bu ako i dika, na wɔ ma bu diire, na ba di. Na yiri ni i dikafɔm kɛrɛ ahore ajɔ agaya ka ba yo Nyeme yarada n dɛɛ ti.

³⁵ Alecin ɲɲarama, na jɔrɛdifɔm n asunma npulisim ka bu kɔ se dansaraka nieɲɔ n ka i yaki nyini minem nu ji na bu kɔ. ³⁶ Nyini ti, na dansaraka nieɲɔ n asere Pɔɔlu ka, “Jɔrɛdifɔm n ama nɔɔ ka ya yaki am na am kɔ. Nyini ti, am kɔ ni ahoreda.” ³⁷ Ama, na Pɔɔlu ase npulisim ni ka, “Haari ni bo ya ti Romaɲɔm ni, ba di má ya jɔrɛ aɲu má ya ɲgasi be, na ba bo ya jama n kɛrɛ nyunu, na ba nyi ya dansaraka. Ye kisa bu sukoro ka bu fie yi ya ji benle, nzen se? Nyini koro yo má, má ka bɛrɛ ni bu tii aba na bu ba yi ya ji.” ³⁸ Na npulisim n ako ase jɔrɛdifɔm ni. Bu tiiri ka Pɔɔlu ni Silasi ti Romaɲɔm ni, na sere ati bu. ³⁹ Nyini ti, na ba ba atara Pɔɔlu ni Silasi jaa, na ba nya ayi bu afite dansaraka n nu, na ba sere bu jande ka bu fite mie n nu. ⁴⁰ Na ba fite dansaraka sɔɔ n nu, na ba kaaki ako Lidiya dika, na ba kɔ aɲu yaradayofɔm ni, na ba ma bu ahoresi, na ba nya afite mie n nu ako.

17

Kabo Pɔɔlu kɔɔri Tesalonika miɛ kpiri n nu ni

¹ Na Pɔɔlu ni Silasi afa asin Amfipolisi, ni Apoloniya miɛ kpirim su, na ba kɔ aju Tesalonika miɛ kpiri n nu. Yudafɔm tientienbunɔɔ sɔɔ wo dɔ. ² Nyini ti, kabo i nati yo ni, na Pɔɔlu awura bu tientienbunɔɔ sɔɔ n nu ako aju Njumiya cɛen nsan, na i ni bɛrɛ subo anzama fa kɔ Nyɛmɛ Jɔrɛ Kadasi n su, ³ na i sukan, na i suyi i bu kere bu, kabo wo yo daka ka Kristo Tiidefɔ n ba di wahara na i tenge i yiwee nu ni. Na wo se bu ka, “Yiri Kristo Tiidefɔ n la Yesu n bo m kan i jɔrɛ kere am ni.” ⁴ Na Yudafɔm nbem ade jɔrɛ n bo Pɔɔlu kaanri i ni, ni Girikifɔm beberebe bo bu su Nyɛmɛ ni, ni nbaram beberebe bo bu la anyunuyi ni, na bu kere afa bu ɲu amata Pɔɔlu ni Silasi. ⁵ Ama, na Yudafɔm n asi bu kɔrɛ agaya, na ba fere minɛm ɲgbɛɛɲgbɛɛn nbem bo bu la má kperɛ na bu nati tana gɔɔsu ni, na ba tien jama dɔɲgu nɔɔ. Na ba kpisi miɛ ni, na ba kɔ sɔnɔ be bo bu fere i ka Jason n dika, ako ajina i dika anɔ nu, deke bo Pɔɔlu ni Silasi wo ni, na bu sutientien ka i yi bu ma bu na bu fa bu kɔ jama n nu. ⁶ Ama, bu kɔ nienieeri na ba ɲu má bu ni, na ba tara Jason ni yaradayofɔ nbem acin bu afa bu ako miɛ n nu yikofɔm dɔ, na bu sutien suse ka, “Ahin minɛm n bo ba saaki durunya n abara ayɛ ni, aba ya miɛ n nu fɛn, ⁷ haari Jason ade bu awura i dika. Ba kete Romafɔm fɛmɛ kpiri n nɔɔniɛ n bo wo fa ama ka ya su i su ni, bu ɲa fɛmɛ be wo bɛrɛ bekun, bo bu fere i ka Yesu.” ⁸ Bu seeri sɔ ni, na wo yɛ yikofɔm ni jama n ahore su. ⁹ Na yikofɔm n akpiɛ Jason ni i benɲum kɔbuka, na ba tɔ kaari, na ba nya ayaki bu aji.

Kabo Pɔɔlu woori Beriya miɛ kpiri n nu ni

¹⁰ Nyini cɛen n kɔɲɲue n kere, na yaradayofɔm n ase Pɔɔlu ni Silasi atin nu ako aju miɛ kpiri be bo bu fere i ka Beriya n su. Bu kɔ juuri dɔ n na ba kɔ awura Yudafɔm tientienbunɔɔ sɔɔ n nu. ¹¹ Dɔ dɛɛ Yudafɔm joko n ti kpa tara bɛrɛ n bo bu wo Tesalonika miɛ kpiri n nu ni. Bu soori bu sui wo ni nahɔrɛ su, na ba ti kereewa n bo bu kere bu ni, na ale kere bo i cin, bɛrɛ ni bu tii kan Nyɛmɛ Jɔrɛ Kadasi n wo, na bu nie ka, deke n bo Pɔɔlu sukere bu n ti nahɔrɛ wo, nzen i ti má nahɔrɛ. ¹² Na Yudafɔm ni dɔɲgu ayo yarada, fa sanɲa ni Girikifɔm beberebe, nbaram bo bu la anyunuyi n ni nbiesɔm. ¹³ Ama, sanɲa bo Yudafɔm bo bu wo Tesalonika n tiiri ka Pɔɔlu ako akan Nyɛmɛ jɔrɛ Beriya dɔ gusu ni, na ba ba dɔ aba awura minɛm bu sin, na ba yɛ bu yaa su. ¹⁴ Kpɛɲga na yaradayofɔm n ayo ndende afa Pɔɔlu ako ase haari tieku n nɔɔ su, ama, na Silasi ni Timoti yiri aka Beriya dɔ. ¹⁵ Na minɛm n bo bu seeri Pɔɔlu atin nu ni, afa i ako aju haari miɛ kpiri be bo bu fere i ka Atensi n su. Bu kpieeri bu nyi sukɔ ni, na Pɔɔlu akaari bu ka bu kɔ se Silasi ni Timoti ka bu bra na bu ba tu i dɔ ndende.

Kabo Pɔɔlu kɔɔri Atensi miɛ kpiri n nu ni

¹⁶ Sanɲa bo Pɔɔlu wo Atensi miɛ kpiri n nu sunɲinda Silasi ni Timoti ni, na i ahore asaaki agaya kabo i ɲuuri ka amɔɛm asunnu miɛ n nu ni. ¹⁷ Nyini dɛɛ ti, na wo kɔ awura Yudafɔm tientienbunɔɔ sɔɔ n nu, na i ni bɛrɛ, ni minɛm bo bu ti má Yudafɔm na bu su Nyɛmɛ ni, subo anzama. Na i sukɔ gɔɔsu cɛen n kere cɛen, na i sukan kere minɛm bo bu wo dɔ ni. ¹⁸ Sifɔm asɛɛ nbem wo miɛ n nu, bu fere bu kun ka Epikurifɔm, na bu fere nyiɲga n ka Sitowafɔm, na bu suse akuruwa ni

Pɔɔlu, na bu nbem abisa ka, “Ye ahin jɔrɛ beberebefɔ n ɲa sɛ wɔ lɛɛ?” Na bu nbem abɔ nu ka, “I jɔɔ fa kɔ amɔɛ fɔfɔrɛ nbem jɔrɛ wɔ.” Deke bo i ti na bu seeri sɔ n la ka, Pɔɔlu sukan Yesu ni yiwee tenge n su jɔrɛ wɔ. ¹⁹ Na ba fa Pɔɔlu akɔ awɔrɛ be bo bu fere i ka Aropagɔsi na bu tien bu nɔɔ di jɔrɛ n nu. Na ba se i ka, “A koro kere ya na ya ti ahin kereewa fɔfɔrɛ n bo a sufa kere n bu? ²⁰ Ahin kereewa n bo a sukere i ni, ya si má i, ya koro ka a ma ya ti i bu wɔ.” ²¹ Dama Atensifom ni wɔfom bo bu wo miɛ n nu n dɛɛ la ka, sanɲa kɛrɛ bu sukan na bu suti kereewa fɔfɔrɛm wɔ.

²² Na Pɔɔlu ayasu ajina miɛ n nu tereterefom n afien, na wɔ se ka, “Ma ɲu kabo ambere Atensifom su amɔɛm na am yo munzue sam ni anyumboro. ²³ Dama kabo m nati bara ye nie yi kɔresi ni, ma ɲu dekem bo am su bu ni, na ma ɲu bimbindi be bo am akere su ka, ‘Nyeme n bo ya si má i n dɛɛ woobiri lɛɛ.’ Tɔ, yiri n bo am su i na am si má i ni, yiri ye m kan i jɔrɛ kere am a. ²⁴ Nyeme bo i yiiri durunya n ni deke n kere bo i wo nu ni, yiri ti aɲgoro ni asienɲu kere Mibie a, i wura má amɔɛ sɔɔm bo adamande afa i saa ata bu n nu na i da. ²⁵ Sasu bekun, i fun má deke be bo i se adamande ka i yo ma i, dama yiri ni i tii ma adamande ɲɔɔ ni ɲumi a, ni deke n kere a. ²⁶ Yiri ma adamande n kere fite sɔɔɔ kun busu n nu wɔ, na wɔ ma ba tere ade durunya n kere. Na wɔ nya akpama sanɲa sanɲa ama bu kere, na wɔ kaaki akere bu kabo bu asien nyaari ti. ²⁷ Deke n bo i ti na i yoori sɔ n la ka, bu bá turingi nienie i busu na beni bu ɲú i. Ama, haari ni nyini mmɔɔ ni, i wo má dede ni yere kere be. ²⁸ Dama yiri dɛɛ ti ye ya la ɲɔɔ ye ya wo bere ye ya nati a. Kabo am juedifo nbem gusu ase ni, ka, ‘Yere mmɔɔ ti i nbaam wɔ.’

²⁹ Nyini dɛɛ ti, kabo ya nya ti Nyeme nbaam ni, má ya sunsun ka i woowa ti ka sika, wara jete, wara yabue nyunyumi, wara deke be bo juma sifom afa bu alecira ayo i. ³⁰ Dawa sanɲa ni, Nyeme ayo anie má minem fa kɔ bu sayoowam su, dama bu yo si má. Ama, kisa, wɔ ma nɔɔ ka sɔɔɔ kere bo i wo deke kere kaaki i wo na i yaki i satie. ³¹ Dama wɔ du mɔ akpama cɛɛn na wɔ yi sɔɔɔ be ka i bá di durunya n nufom jɔrɛ ni nahɔrɛ. Deke bo i kere ya kere ka i bá yo sɔ n la bo i tengeeri i yiwee n nu ni.”

³² Sanɲa bo bu tiiri ka Pɔɔlu sukan fa kɔ yiwee tenge n su n jɔrɛ ni, na bu nbem ayo i anzasi. Ama, na bu nbem ase ka, “Ya koro ka a kaaki ba kan ahin jɔrɛ n bekun na ya ti.” ³³ Dɔ na Pɔɔlu akɔ ayaki bu. ³⁴ Na bu nbem asu i su na ba yo yarada. Bere la Diyonusiyɔsi, i ti Aropagɔsifom n nu kun wɔ, ni bara be bo bu fere i ka Damarisi ni, ni minem nbem.

18

Kabo Pɔɔlu kɔɔri Kɔrinto miɛ kpiri n nu ni

¹ Nyini sin, na Pɔɔlu afite Atensi miɛ kpiri n nu, na wɔ kɔ Kɔrinto miɛ kpiri n nu. ² Na wɔ kɔ atu Yudafo sɔɔɔ be dɔ, bu fere i ka Akuyila, i ti Pontusi asien su fɔɔ, i ni i yi, bu fere i ka Pisisila, bu fiteeri Itali asien su baari a, wɔ nya cɛ má ye Pɔɔlu ɲuuri bu n a, dama Romafom fɛmɛ kpiri n bo bu fere i ka Kalodisi n ama nɔɔ ka Yudafo kere fite i asien n su. Nyini dɛɛ ti, na Pɔɔlu akɔ ka i kɔ nie bu busu, ³ na wɔ kɔ aseke bu wɔfo, na i ni bere asanɲa ayo juma, dama bu kere ti jerekem

ni tani wufom wɔ. ⁴ Na Njumiyi cɛɛn kɛrɛ, i suwura bu tientienbunɔɔ sɔɔ n nu, na i subo anzama ni bɛrɛ, ni Girikifom kɛrɛ, adena i kaaki bu sunsunni na bu yo yarada.

⁵ Saŋga bo Silasi ni Timoti fiteeri Makɛdoniya awɔrɛ n nu ba juuri ni, Pɔɔlu nyunu aboro ni labari kpa n jɔrɛ kan su ŋgumi wɔ. Na i sukere Yudaɔm n ka, Yesu ti Kristo n a, Tiideɔ n bo Nyemɛ ase ka i sɔnma i ni. ⁶ Ama, Yudaɔm n keteeri i noaniɛ n wɔ, na ba kpɛi i nzuko. Nyini dɛɛ ti, na wɔ kponkpon i sutura wuraawa tuturi ago bu ŋu, na wɔ se bu ka, “Amberɛ, nzen am nya mǎ tiide, i ti am dɛɛ jɔrɛ wɔ, mǎ m dɛɛ. Fite kisa fa kɔ, m kɔ minɛm bo bu ti mǎ Yudaɔm n dɔ ɔ lɛɛ.” ⁷ Dɔ na Pɔɔlu afite tientienbunɔɔ sɔɔ n nu ayaki bu, na wɔ kɔ sɔnɔ be dika, i ti mǎ Yudaɔ, ama, i su Nyemɛ wɔ, bu fere i ka, Titosi Jusitisi, i dika n mata tientienbunɔɔ sɔɔ n wɔ. ⁸ Na sɔnɔ n be bo bu fere i ka Kirisipusi na i ti bu tientienbunɔɔ sɔɔ n kpɛn n ayo Mibiɛ n yarada, i ni i dikafom kɛrɛ, na Korintofom dɔŋgu bo bu tiiri labari n bo Pɔɔlu kaanri i ni, na bu kɛrɛ ayo yarada, na ba biɛ bu Nyemɛ nzue.

⁹ Cɛɛn n be kɔŋgɛ sɔ ɔ, na Mibiɛ n ajojo Pɔɔlu dɔ ka alɛɛ nu dɛɛ su, i ŋa, “Mǎ a soro sɛrɛ, ama, kɔ su na a sukan labari kpa n kere bu, mǎ a mɔ u nɔɔ, ¹⁰ dama m wo u dɔ. Be koro fa mǎ i saa kan mǎ u na i yo u pui. Nie fen, m la mine beberebe miɛ n nu fen bo bu ti m dɛɛ.” ¹¹ Na wɔ wo bu dɔ akɔ aju afɔ kun ni kpaaki nu, na i sukere bu Nyemɛ noaniɛ ni.

¹² Tɔ, bu wo bɛrɛ na sɔnɔ n be bo bu fere i ka Galiyo n aba adi Akaya awɔrɛ n nu gomina. Nyini saŋga n na Yudaɔm kɛrɛ nɔɔ ayo kun, na ba kete Pɔɔlu ŋu na ba fa i akɔ jɔrɛ diibiri. ¹³ Na ba se ka, “Ahin sɔnɔ ni suboro i nyi sukere minɛm kereewa bo i wo i ŋgumi ni Nyemɛ noaniɛ kpamaawa ni.” ¹⁴ Saŋga bo Pɔɔlu tekeeri i nɔɔ ka i jojo ni, na Gomina Galiyo ase Yudaɔm ka, “Nzen mǎ i ti ka wɔ yo satie be, wara wɔ do ŋgasi be, ye am sujaraki i a, mǎ m ti i bu ma am. ¹⁵ Ama, kabo i nya ti bisaawam fa kɔ noaniɛm, ni dumam, ni am dɛɛ noaniɛ kpamaawam n su ni, amberɛ ni am tii kɔ yo i dɔŋgu. Mini, m koro di mǎ nyini jɔrɛ ni.” ¹⁶ Na wɔ ma ba fɔn ayi bu afite jɔrɛ diibiri sɔɔ n nu. ¹⁷ Na bu kɛrɛ akaba atɔ sɔnɔ n bo bu fere i ka Sositeni n ŋu na bu subo i wɔ, jɔrɛ diibiri n nyunu bɛrɛ, yiri ti tientienbunɔɔ sɔɔ nkpien a. Ama, Gomina Galiyo cɛɛ awo mǎ nyini n be nu.

Kabo Pɔɔlu kpɛeri i nyi kɔɔri Antiyoki miɛ kpiri n nu ni

¹⁸ Na Pɔɔlu awo Korinto miɛ kpiri n nu aɛɛ, nyini sin na wɔ kaari yaradayofom ni na i ni Pirisila ni Akuyila akɔ. Bu kɔ juuri miɛ kpiri n bo bu fere i ka Kenciriya n su ni, na Pɔɔlu ayi i tii dɔ, dama wɔ du mɔ atan ndie n dɛɛ ti. Na ba wura lee bambaka be nu dɔ, i sukɔ Siriya awɔrɛ n nu. ¹⁹ Bu kɔ juuri Efeso miɛ kpiri n nu ni, na wɔ yaki Pirisila ni Akuyila dɔ, ama, na yiri akɔ awura Yudaɔm tientienbunɔɔ sɔɔ n nu, na i ni bɛrɛ abo anzama fa kɔ labari kpa n su. ²⁰ Na ba sere i ka i wo bu dɔ lennyɔ, ama, wɔ soro mǎ su. ²¹ Na wɔ sere bu atin na wɔ kaari bu, na wɔ se bu ka, “Nzen Nyemɛ maari m atin, m kpɛi m nyi ba am dɔ.” Na wɔ yasu Efeso dɔ, na wɔ fa lee bambaka akɔ. ²² Saŋga bo i kɔ juuri Sizariya miɛ kpiri n nu ni, na wɔ sin akɔ Yerusalem miɛ kpiri n nu akɔ ayo Kristo jama n anse, na wɔ nya kɔ Antiyoki miɛ kpiri n nu. ²³ Na wɔ yo lennyɔ dɔ, na wɔ nya akaaki ayasu dɔ, abara ayɛ miɛ

miem bo bu wo Galatiya, ni Firigiya dɛɛ awɔrɛm n nu n kɛrɛ, na wo ma yaradayofɔm n kɛrɛ ahoresi.

Kabo Apolosi kɔɔri Efeso ni Kɔrinto miɛ kpiri n nu ni

²⁴ Nyini sanɔa ni, Yudafo sɔnɔ be aba Efeso miɛ kpiri n nu, bu fere i ka Apolosi, bu wuuri i Alekizanderiya miɛ kpiri n nu wɔ. I yo la si fa kɔ Nyɛmɛ Jɔrɛ Kadasi n su, na i koro jɔjɔ nahɔrɛ su. ²⁵ Ba du mɔ akere i kereewam fa kɔ Mibiɛ n dɛɛ atin su, na i ahore abi na i nɔniɛ ti nyakanyaka, na i sukan na i kere minɛm Yesu jɔrɛ nahɔrɛ su. Ama, i si mǎ nzue biɛɛwa be, mǎ ka Yohane dɛɛ Nyɛmɛ nzue biɛɛwa ni nɔgumi. ²⁶ Na wɔ bo i bu na i sukan i ni ahoresi Yudafoɔm tientienbunɔɔ sɔɔ n nu. Sanɔa bo Pirisila ni Akuyila tiiri i kereewam n sɔ ni, na ba fa i akɔ awuru, na ba kere i Nyɛmɛ atin n su jɔrɛ nyunyumi abuka su. ²⁷ Nyini sin, na Apolosi akoro ka i kɔ Akaya awɔrɛ n nu, na yaradayofɔm ni bo bu wo Efeso n ama i ahoresi, na ba kere kadasi ama bu ninbaam bo bu wo Akaya n ka bu de i wɔfo nyunyumi. Sanɔa bo i kɔ juuri dɔ ni, na wɔ buka minɛm bo Nyɛmɛ dɛɛ ahɔrɔma n nu na ba yo yarada ni. ²⁸ Na Yudafoɔm seeri akuruwa n dɛɛ ti, na wɔ fa Nyɛmɛ Jɔrɛ Kadasi n na wɔ kan ayi bu fieo fieo jama n kɛrɛ nyunu, ka, Yesu ti Kristo n a, Tiidefo n bo Nyɛmɛ ase ka i sɔnma i ni.

19

Kabo Pɔɔlu kɔɔri Efeso miɛ kpiri n nu ni

¹ Sanɔa bo Apolosi toko wo Kɔrinto miɛ kpiri n nu ni, na Pɔɔlu anati abara aye dɔ dɛɛ ahɛmɛ miɛ miɛm n kɛrɛ su, haari na wɔ kɔ aju Efeso miɛ kpiri n nu. Dɔ na wɔ kɔ atu Yesu susufɔ nbem, ² na wɔ bisa bu ka, “Sanɔa bo am yoori yarada ni, Awiewie Casi n awura am nɔ?” Na ba bɔ i nu ka, “Ai, ya nya ti mǎ ka Awiewie Casi wo bɛrɛ mmɔɔ.” ³ Dɔ na Pɔɔlu abisa bu ka, “Ye nzu Nyɛmɛ nzue ye bu biɛeri am a?” Na ba bɔ i nu ka, “Bu biɛeri ya Yohane dɛɛ nzue biɛɛwa n wɔ.” ⁴ Na Pɔɔlu ase bu ka, “Yohane nzue biɛɛwa n bu la ka, mine kaaki bu wo na bu yaki bu satie wɔ. Na wɔ se minɛm n ka bu yo sɔnɔ n bo i wo i sin suba n yarada, yiri la Yesu.” ⁵ Bu tiiri nyini n sɔ wieeri ni, na ba bie bu Nyɛmɛ nzue ya Mibiɛ Yesu n dɛɛ duma nu. ⁶ Na Pɔɔlu afa i saa anana bu nɔ, na Awiewie Casi n awura bu nɔ. Na ba jɔjɔ anie barasu barasu nbem, na ba kan Nyɛmɛ nɔaniɛ akere minɛm. ⁷ Bu kɛrɛ kɔ yasuuri nbiesɔm buru ni nnyɔ ɔ.

⁸ Na wɔ wo dɔ haari sara nsan, na Nɔmiyi cɛɛn kɛrɛ, na i suwura bu tientienbunɔɔ sɔɔ n nu, na i sukan kere bu fa kɔ Nyɛmɛ femɛya n su ni ahoresi, na i ni bɛrɛ subo anzama, na wɔ boro i nyi akere bu ka, kabo i kan n ti nahɔrɛ wɔ. ⁹ Ama, na bu nbem afa ahorembaa kekereke, na ba kete ka bu yo mǎ yarada. Na ba jɔjɔ jɔrɛ tie fa kɔ Mibiɛ n dɛɛ atin n su, jama n kɛrɛ nyunu. Nyini ti, na Pɔɔlu ayaki bu, na wɔ fa yaradayofɔm n afite akɔ Tiranusi tientienbunɔɔ sɔɔ bambaka n nu, na i ni bɛrɛ sutien bu nɔɔ subo anzama, fa kɔ Yesu dɛɛ atin n su cɛɛn n kɛrɛ cɛɛn. ¹⁰ Pɔɔlu bitaari i sɔ ɔ, haari afo nnyɔ, na minɛm kɛrɛ bo bu wo Esiya dɛɛ awɔrɛ n nu n ati Mibiɛ n nɔaniɛ ni, bo bu ti Yudafoɔm, ni bo bu ti mǎ Yudafoɔm n kɛrɛ.

Sikeva nbaabiesɔm n jɔrɛ

¹¹ Na Nyeme ama Pɔɔlu ayo alekutura sam bo bu la má n̄su. ¹² Haari na sanvuinm ni suturam kere bo ba kan i n̄unie, na bu fa kɔ nana tukpakifom n̄u, bu nya laifie wɔ, na ajinim fite yaki minem bo bu wo bu n̄u ni. ¹³ Na Yudafoɔm nbem bo bere gusu nati jengbe fon yi ajinim fite minem n̄u ni, aboro bu nyi ka bu fa Yesu duma n fon yi ajinim. Bu n̄a, “Yesu n bo Pɔɔlu kan i jore n deɛ duma nu, ye m se am ka am fite yaki soɔn n a.” ¹⁴ Yudafoɔm mine nso nbem nati yo nyini sam n a. Bere la Nyeme sayoowa don̄guyofom n kere kp̄ien be bo bu fere i ka Sikeva n deɛ nbaabiesom ni.

¹⁵ Ama, na ajini n ase bu ka, “M si Yesu, na m kaaki si Pɔɔlu, ama, ye ambere la n̄ma n wɔ?” ¹⁶ Na soɔn n bo ajini n wo i n̄u ni, ato bu n̄u na wɔ kunma bu kere fan̄ga, na wɔ bo bu na wɔ ma bu mandim, na ba n̄mati afite i dika n nu bu bu n̄gbeɛn. ¹⁷ Saŋga bo Yudafoɔm ni minem bo bu ti má Yudafoɔm na bu wo Efeso mie kp̄iri n nu n kere tiiri nyini sa n so ni, na sere ati bu, na ba kansi Mibie Yesu n duma agaya. ¹⁸ Na mine don̄gu bo ba yo yarada n afite ajina, na ba kan bu n̄gasim ni bu satiem kere bo ba yo bu n akere jama ni. ¹⁹ Na mine don̄gu bo bu nati yo boboyaya juma n afa bu boboyaya kadasim ni, na ba tien bu n̄o jama n kere nyunu, na ba yara bu kere. Kadasim n kere bo bu yaraari bu ni, i n̄waa sunnu agaya, bu buuri i akunta, i kere kɔ yasuuri bu deɛ jete n̄waa akpii aburunu wɔ. ²⁰ Nyini n deɛ ti, na mine beberebe ati Mibie n noan̄ie ni, na wɔ sandi abara ye ni fan̄ga.

Kabo minem tientien yoori nan̄mie Efeso mie kp̄iri n nu ni

²¹ Nyini n kere sin, na Pɔɔlu afa sunsunni ka i kɔ Makedoniya ni Akaya deɛ awɔrem n nu, na i nya sin kɔ Yerusalem mie kp̄iri n nu. Na wɔ se ka, “Nzen m nya n̄uuri m natiiri n kere nyaari, wɔ yo daka ka m kɔ Roma mie kp̄iri n nu gusu.” ²² Na wɔ sunma i bukafɔ nnyom ni, bere la Timoti ni Irasitusi ka bu kɔ Makedoniya, na yiri aka Esiya deɛ awɔre n nu, ayo len̄nyo.

²³ Nyini saŋga n ye Mibie n atin n su su n ayo jore agaya Efeso mie kp̄iri n nu n a. ²⁴ Jete tunmi be yo wo dɔ, bu fere i ka Demetirōsi, i fa jete wɔ, na i fa yo soɔ kan kanm, bu ti ka amɔe n bo bu fere i ka Atemisi n wɔ, na i sufa tɔ ma minem. Na minem bo bu yo nyini juma n anya kperɛ beberebe afite nu. ²⁵ Tɔ, na yiri Demetirōsi afere minem bo bu yo nyini juma atien bu n̄o, na wɔ se bu ka, “Njam, am si ka ya nya ya deɛ ajekɛ kere fite ahin juma n bo ya yo i n nu wɔ e. ²⁶ Yiri Pɔɔlu ni, kisa, am an̄u i e, am ati kabo wɔ koro akan ateke mine beberebe nyi ni, má bo bu wo Efeso fen n̄gumi, ama, ni bo bu wo Esiya deɛ awɔre n nu kere, i n̄a amɔem bo adamandem yo bu n ti má nyeme ni. ²⁷ Nyini n bo i wo su ni, nzen ya yakiiri na i yó so ɔ, ya juma n bo ya yo i ni, i ká n̄gbeɛn wɔ. Má nyini n̄gumi, ama, minem fá má ya amɔe kp̄iri Atemisi soɔ n yo má pui, dama yiri Atemisi n ye minem bo bu wo Esiya awɔre n nu ni durunya n nufom kere su yiri wɔ. I nya yoori so, Atemisi fún nyini jirima n wɔ leɛ.”

²⁸ Jama n tiiri ahin joɔɔwa n so ni, na yaa ati bu, na ba tien kpa, bu n̄a, “Yere Efesofom deɛ amɔe Atemisi ni, yiri ti yikofɔ a.” ²⁹ Na mie n abo nu, na minem suyo nan̄mie. Na jama n akaba akɔ atara Gayosi ni Arisitakusi, bere bo bu suuri Pɔɔlu su fiteeri Makedoniya baari ni. Na ba cin bu akɔ tientienbun̄o fofoe paa n nu. ³⁰ Má Pɔɔlu ni i ti koroori ka i kɔ deke bo jama n atien bu n̄o n wɔ, na i joɔ bu dɔ, ama,

yaradayofom n asoro má i su. ³¹ Haari na nyini awɔre n nu yikofom bo bu ti i danfom n asunma asere i jande ka má i kɔ tientienbunɔɔ fofoe n nu. ³² Nyini sanɔa n kere ni, bu nyunu ata, na jama n sutientien, suyo nanɔmie, nbem ɔa sɔ, nbem gusu ɔa ahin, ama, bu dɔŋgu asi má deke n bo i ti na ba ba atien bu nɔɔ ni. ³³ Na Yudafoɔm asun sɔnɔ be bo bu fere i ka Alekizanda n adu jama n nyunu, nyini dɛɛ ti, mine nbem sunsun ka yiri faari nyini sam n kere baari a. Dɔ na wɔ ye i saa su ka jama n yaki nanɔmie, na i sukan na minem si deke bo i wo nu. ³⁴ Ama, sanɔa bo bu faari nu ka i ti Yudafoɔ ni, na bu kere atien kungerekun, bu ɔa, “Yere Efesofom dɛɛ amɔɛ Atemisi ni, yiri ti yikofɔ a.” Ba tientien sɔɔ aɛɛ haari sanɔa su. ³⁵ Na sɔnɔ be bo i ti bu mie n nu kadasi kerefo n aba bu dɔ, na wɔ se bu ka, “Am yaki nanɔmie.” Dɔ na wɔ nya se bu ka, “Amberɛ Efesofom, am ti fen, ɔma wo bere bo i si má ka Efesofom nie Atemisi amɔɛ kpiri sɔɔ n ni yabuɛ n bo i fiteeri aŋgoro tɔɔri n su a?” ³⁶ Sɔnɔ be wo má bere bo i koro se ka ahin jɔre n ti má nahɔre. Nyini ti, wɔ yo daka ka am tara am ɔu, má am koro nde yo sa be bo i kunma am. ³⁷ Ahin minem bo am afa bu aba fen ni, ba wo má puitiripui afite má amɔɛ sɔɔ n nu, ba kaaki akpie má nzuko be ajaraki má ya amɔɛ ni. ³⁸ Nzen Demetirosi ni i benɔu jumayofom ni, la jaraki fa kɔ bu be dɔ, jɔredifom ni gomina nkpienkpienm wo bere, bu koro jaraki nyini minem bu dɔ. ³⁹ Ama, nzen sa be wo bere buka su na am koro ka ya yo i dɔŋgu a, am fa bra sanɔa bo mie n nu jama n kere la bu tientienbunɔɔ ni. ⁴⁰ Nanɔmie n bo am ayo i nyuma ni, i la má kperɛ, i koro fa ya wura jɔre nu, dama ya koro kan má deke n bo i ti na am ayo sɔ ni. ⁴¹ I jɔɔɔri sɔ wieeri ni, na wɔ ma jama n asandi.

20

Kabo Pɔɔlu kɔɔri Makedoniya ni Girikifom dɛɛ awɔre n nu ni

¹ Minem ni yoori nanɔmie n wieeri ni, na Pɔɔlu afere yaradayofom n atien bu nɔɔ, na wɔ ma bu ahoresi, na wɔ kaari bu, na wɔ kɔ Makedoniya awɔre n nu. ² Na wɔ fa nyini awɔre n kere nu, na wɔ jɔɔ yaradayofom kere dɔ, na wɔ ma bu ahoresi, na wɔ fa dɔ ako aju Girikifom dɛɛ awɔre n nu, ³ na wɔ wo dɔ haari sara nsan. Na sanɔa bo i wo sesesu su ka i kɔ Siriya awɔre n nu ni, na wɔ ti ka Yudafoɔm akpa bu ɔu ako aɔminda i atin nu, nyini dɛɛ ti, na wɔ yo i sunsunni ka i kpie i nyi fa Makedoniya a. ⁴ Na mine nbem asu i su ako, bere la Sopateri bo bu fere i si ka Pirihsu ni i fite Beriya mie kpiri n nu ni, ni Arisitakusi, ni Sekundosi bo bu fite Tesalonika mie kpiri n nu ni, ni Gayosi bo i fite Derebi mie kpiri n nu ni, ni Tikikusi, ni Torofimosi bo bu fite Esiya dɛɛ awɔre n nu ni, ni Timoti. ⁵ Na bere kere adu mɔ ako aɔminda ya Tɔrasi mie kpiri n nu. ⁶ Na yere aka Filipiya mie kpiri n nu, haari na Yudafoɔm aba adi bu cɛenkpiri n asin, bo bu di i ni kɔnɔ na bu gɔ má ayiri nu na i yasu ni, na ya nya afa lee bambaka, na i lennu cɛen na ya kɔ atu bu Tɔrasi, na ya wo dɔ ako aju leso.

Kabo Pɔɔlu kɔɔri Tɔrasi mie kpiri n nu awieeri su ni

⁷ Na Yudafoɔm bakue n bumboori, mɔne cɛen, na ya kere atien ya nɔɔ ka ya sanɔa di diire. Na Pɔɔlu aɔɔɔ minem dɔ, haari kɔŋgue jinanjin, dama i koroori ka nyini cɛen alecin i kaari bu wɔ, na i kɔ yaki bu. ⁸ Ya tieɛri ya nɔɔ aŋgoro sɔɔ be nu wɔ, fitanam sunnu nu dɔ. ⁹ Na gbefene

be, bu fere i ka Itikusi, na wɔ fun atana sɔɔ angoro nsan n tukoro n su, na daafiri ati i. Pɔɔlu jɔɔ cɛeri na wɔ daafi, na wɔ fite angoro aba atɔ asienɔgu. Bu jura kɔ maari i su ni, nyini sanɔa wɔ wu. ¹⁰ Na Pɔɔlu ajura akɔ asienɔgu, na wɔ fun abutu i nɔ, na wɔ fa i saa abara aye i, na wɔ se bu ka, “Má am ma sere ti am, dama i la nɔɔ.” ¹¹ Dɔ na Pɔɔlu akpie i nyi afun akɔ angoro sɔɔ n nu dɔ, na i ni bere kere asanɔa adi diire, na ba bo anzama, haari ale akɔ acin, na wɔ kaari bu na wɔ kɔ. ¹² Na ba nya afa gbefene n akɔ awuru ni laifie, na bu ahore ajo akɔ asin su.

Kabo Pɔɔlu fiteeri Tɔrasi kɔɔri Miletosi ni

¹³ Na Pɔɔlu afa sɛsesu ka yere fa lee bambaka du mɔ ɔ, na yiri nati na ya ni yiri kɔ saa nu Asosi mie kpiri n nu. ¹⁴ Sanɔa bo i ba tuuri ya dɔ ni, na wɔ wura lee n nu, na ya ni yiri kere akɔ mie kpiri n bo bu fere i ka Mitulene n su. ¹⁵ Na ya yasu dɔ, i alecin, na ya kɔ dodo lui bambaka n bo bu fere i ka Kiyɔsi n su. Na i alecin bekun, na ya kɔ aju lui bambaka nyinɔa n bo bu fere i ka Samosi, na i alecin fɔfɔre, na ya kɔ aju mie kpiri n bo bu fere i ka Miletosi n su. ¹⁶ Na Pɔɔlu aboro i nyi ka i ju Yerusalem mie kpiri n nu ka, na bu di Pentekoti cɛenkpiri ni, nyini ti, wɔ koro má ka i cɛ Esiya dɛɛ awɔre nu, na wɔ san asin Efeso mie kpiri n dɛɛ bue ni.

Kabo Pɔɔlu kaariiri Efeso dɛɛ Kristo jama nkpienkpienm ni

¹⁷ Sanɔa bo Pɔɔlu wo Miletosi mie kpiri n nu ni, na wɔ sunma afere Kristo jama nkpienkpienm bo bu wo Efeso mie kpiri n nu n ka bu ma bu ni yiri ye. ¹⁸ Sanɔa bo bu ba juuri i dɔ ni, na wɔ se bu ka, “Amberɛ ni am tii si kabo m woowa ti barasu, sanɔa kere bo m woori am dɔ ni, fite cɛɛn gbingbin n bo m ba juuri Esiya awɔre n nu ni. ¹⁹ M yoori m nɔ kaan wɔ, na ma yo Mibie n juma n ni nyunvuin. Haari ni bo Yudaɔm sɛsɛeri su ka bu kere m wuwuruwa barasu n kere ni, m mindi deer i wɔ. ²⁰ Am si ka deke kere bo i ti kpa na i buka am ni, m kaanri i kereeri am wɔ jama n kere nyunu, ma fa afie má am su, na m sunati awuru awurum n kere nu na m sukere am. ²¹ M kan kereeri Yudaɔm ni bo bu ti má Yudaɔm n kere wɔ, ka bu kaaki bu wo fa kɔ Nyeme dɔ, na bu yo ya Mibie Yesu n yarada. ²² Tɔ, kisa Awiewie Casi ni ma m sukɔ Yerusalem mie kpiri n nu n a, ama, m gusu si má deke bo i kɔ yo m dɔ. ²³ Deke bo m si i n la ka, mie kere bo m kɔ su ni, Awiewie Casi n se m ka bu kére m wuwuruwa, na bu nyi m dansaraka. ²⁴ Ama, m fa má m tienɔu nɔɔ yo má pui. Deke bo i kpie m daafiri n kere la ka, má ka ma yo juma n bo Mibie Yesu n afa ama m n awie. Yiri la ka, m kan labari kpa n fa kɔ Nyeme ahɔrɔma n bo wɔ fa ama minem ni.

²⁵ Kisa m si ka am be mmɔɔ nɔ má m kun, amberɛ bo m yo nati am nu kan Nyeme jɔre fa kɔ i femeya n su kere am ni. ²⁶ Nyini dɛɛ ti, m suse am wɔ lee nyuma, ka wɔɔ kere bo a kaari nɔɔɛn, i ti má m jɔre. ²⁷ Dama deke kere bo Nyeme koroori ka am yo i ni, ma fa afie má am su, ma kan i akere am. ²⁸ Nyini ti, am bita am nɔ nyunyumi, na am kaaki nie Kristo jama minem kere su, bere bo Awiewie Casi n afa ama am ka am nie bu dika ni, kabo bɔɛsasafɔ nie i nbɔɛm su ni. Nyini minem ye Nyeme faari i tienɔu Wa mbunja deer i bu jiiri n a. ²⁹ M si tenle su ka m kɔ yakiiri am, mine tiem ba wura am nu, kabo bedi wura nbɔɛm nu sandi bu n wɔ. ³⁰ Haari na am dɛɛ minem nbem bo bu wo am nu fen ni, bu bá kaaki nahore ni, na bu dáɔaka yaradayɔfɔm nbem

na bu su bu dɛɛ atin n su. ³¹ Nyini dɛɛ ti, am kpa am ɲu, na am tenge su ka afɔ nshan lɛɛ bo m nati bobo am ni nyunvuin, kɔngue ni wiesu. ³² Kisa, m sufa am wura Nyeme saa nu wo lɛɛ, na i nie am dika, na m kaaki fa am wura i dɛɛ noanie n bo i ma am ahɔroma nu, na i buka am na i má am nya deke n bo Nyeme ase ka i fá ma i tienngu minem kere ni. ³³ M konviki awo má be ɲwaa, wara sutura nu. ³⁴ Amberɛ mmoo ni am tii si ka m yo faari m saa yoori m juma a, ye m fa bukaari m ɲu ni m lamokom n kere a. ³⁵ Kabo ma yo juma n so ni, m sukere am ka am gusu yo i so o lɛɛ, na am buka jaarifom, na am tenge su kabo ya Mibiɛ Yesu n ni i tii seeri ni. I ɲa, ‘Terefie wo sonɔ bo i ce aceeri n do tara sonɔ bo i de aceeri ni.’” ³⁶ Sanga bo Pɔolu jɔjɔ wieeri ni, na i ni bere kere akutu bu jaa nanjoroma su, na wo sere Nyeme. ³⁷ Na bu kere asun, na ba fa bu saa abara aye i, na ba biti i. ³⁸ Na bu ahore asaaki agaya, dama i seeri bu ka bu ɲu má i kun. Na ba se i atin nu, na wo ko awura lee bambaka n nu.

21

Kabo Pɔolu kɔɔri Yerusalem ni

¹ Na ya kaari bu, na ya fa lee bambaka, na ya wo ya tii cein ako aju mie n bo i wo lui bambaka n su na bu fere i ka Kosi ni. Na i alecin na ya ko aju awore n bo bu fere i ka Rodesi ni, na ya fite do, na ya ko Patara mie kpiri n nu. ² Do na ya ɲu lee bambaka be ka i sukɔ Fonisiya dɛɛ awore n nu, na ya wura i ako. ³ Ya sukɔ ni, na ya ɲu Sipurusi lui bambaka ni, na ya yaki ya saa bie su, na ya sin ako Siriya awore n nu. Na ya nya ako ajina Tiro mie kpiri n nu, do ye bu yi bu soori n lee n nu a. ⁴ Na ya ko anienie Yesu susufom busu, na ya wo bu do lesɔ. Na Awiewie Casi n ama ba se Pɔolu ka má i ko Yerusalem mie kpiri n nu. ⁵ Ama, ya yasu cɛɛn n ba juuri ni, na ya fite ka ya ko, na bu ni bu yim, ni bu nbaam ase ya atin nu afite mie n nu ako tieku n noo su. Do na ya ni bere kere akutu ya jaa nanjoroma su, na ya sere Nyeme. ⁶ Nyini sin, na ya kaari ya benngu, na yere awura lee bambaka n nu, na bere gusu akpie bu nyi ako awuru.

⁷ Na ya fite Tiro ako aju mie kpiri n nu, na ya ko anie yaradayofom ni busu, na ya da bu do lekun. ⁸ I alecin fofore na ya fite bere ako aju Sizariya mie kpiri n nu. Do na ya ko awo sonɔ be dika, bu fere i ka Filipu, i ti Nyeme jore kanfo o. Yiri bukaari mine nsom bo bu yo yiiri bu ka bu buka Kristo jama n bo bu wo Yerusalem n a. ⁹ I yo la nbaabaram nna a, bu be nya ja má. Bere nati yo Nyeme noanie kanfo juma n a. ¹⁰ Ya woori do yoori lennyo, na Nyeme noanie kanfo be aba do, bu fere i ka Agabusi, i fite Yudiya awore n nu wo. ¹¹ Na wo ba ya do, na wo fa Pɔolu dambara, acici i dɛɛ jaam ni i saam. Na wo nya ase ka, “Awiewie Casi n ɲa o, kabo Yudafom bo bu wo Yerusalem ni cici ahin dambara n fo lɛɛ, na bu nyá fa i ma minem bo bu ti má Yudafom ni.” ¹² Sanga bo ya tiiri nyini jore n so ni, na ya ni minem n bo bu wo do n asere Pɔolu jande ka má i ko Yerusalem. ¹³ Ama, na wo bisa, “Nzu ti ye am suyo so na am saaki m ahore a? Mini, ma yo siriya na m ko Yerusalem, na bu kó cici m nyama, má nyini ngumi, ama, haari na bu kún m, ya Mibiɛ Yesu n dɛɛ ti.” ¹⁴ I seeri so ni, ya koro akanda má i ka má i ko, na ya mo ya noo, na ya se i ka, “To, ma Mibiɛ n dɛɛ koroowa yo.”

¹⁵ Ya diiri lennyo do ni, nyini sin, na ya sese ya nu su, na ya nya ako Yerusalem. ¹⁶ Na Yesu susufom nbem bo bu fite Sizariya n asu ya su, na ba fa ya ako ka ya ko wo sono be dika, bu fere i ka Manesoni, i ti Sipurusifo o, wo su Yesu dee atin n su ace.

Kabo Pɔɔlu ko niɛeri Yakobo busu ni

¹⁷ Sanja bo ya ko juuri Yerusalem mie kpiri n nu ni, na ya ninbaam n ade ya ni ahorejo nyunyumi. ¹⁸ I alecin na Pɔɔlu afa ya ako Yakobo do, na ya ko atu Kristo jama nkpienkpienm kere ka bu wo i do. ¹⁹ Ya bisaari ahin n wieri ni, na Pɔɔlu akan deke n kere kun kun fa ko kabo Nyeme ma wo yo i juma ama minem bo bu ti ma Yudafo ni. ²⁰ Bu tiiri nyini noanie n so ni, na ba kansi Nyeme. Ama, na ba se i ka, “Ya niwa Pɔɔlu, m na a nu Yudafo akpii beberebe bo bu wo ya nu fen na ba yo Yesu yarada, ye bu gusu nyunu aboro ka bu su Nyeme noanie kpamaawa n su. ²¹ Ba ti ka a kere Yudafo bo bu tana minem bo bu ti ma Yudafo n nu ni, ka ma bu su Nyeme noanie kpamaawa n bo Moyisi fa maari n su, ye a se bu ka ma bu wura bu nbaam kenkenne, na ma bu kaaki su Yudafo nana sayoowam su. ²² Nahore, bu ti ka a ba. Ye ya yo se wo? ²³ Ti fen, kabo ya yo n la ka, mine nna nbem wo ya nu fen bo ba tan ndie. ²⁴ Su bu su na a ko bie fin kabo bu yoowa kere ni, na a to bu tii su kaari, adena bu koro yi bu tii. Nyini ni ma sono kere si ka jore n kere bo bu kan i fa ko u do n ti kore wo, na bu si ka woro mmoo ni u tii su Nyeme noanie kpamaawa n su wo. ²⁵ Ama, minem bo bu ti ma Yudafo na ba yo yarada n yiri, ya kere kadasi ama bu, ka ma bu se ka bu di tie nie, wara mbunja, wara deke bo wo wu i ngumi na ba kpie ma i kom, na ma bu yo sakaraya.” ²⁶ I alecin, na Pɔɔlu afa minem n ako na ba ko ayo fin bieewa yoowa ni, na wo nya awura Nyeme Sereebiri Awuru n nu, na wo jajo akere Nyeme sayoowa donguyofom ni, ceen n bo bu ba bie fin n wie, na bu kun kun n kere yo bu tii su sayoowa ni.

Kabo bu taraari Pɔɔlu Nyeme Sereebiri Awuru n nu ni

²⁷ Sanja bo wo ka kaan na lesu ceen n wie ni, na Yudafo nbem afite Esiya dee awore n nu aba do, na ba nu Pɔɔlu Nyeme Sereebiri Awuru n nu. Na ba ye jama n kere ahore su, na ba tara Pɔɔlu. ²⁸ Na ba tien, bu na, “Yisarelifom, am buka ya. Ahin sono ni nati jengbe deke n kere kere minem kere o, ka ma bu bu Yisarelifom, ni Nyeme noanie kpamaawa ni, ni Nyeme Sereebiri Awuru ni. Ye wo kaaki afa minem bo bu ti ma Yudafo aba awura Nyeme Sereebiri Awuru n nu, na wo yo ahin woobiri casi n fin.” ²⁹ Deke n bo i ti na bu seeri so n la ka, ba du mo anu Torofimosi bo i fite Efeso mie kpiri n nu ni, ni Pɔɔlu mie kunnu, nyini dee ti ye bu sunsunri ka Pɔɔlu afa i awura Nyeme Sereebiri Awuru n nu n a. ³⁰ Na mie n abo nu, na minem kere anmati atien bu noo, na ba tara Pɔɔlu acin ayi i afite Nyeme Sereebiri Awuru n nu. Na ba kaba anyi Nyeme Sereebiri Awuru n ano ni ndende. ³¹ Ma bu koroori ka bu kun Pɔɔlu wo. Do na labari n atu Romafom sojam kere kpien n ka Yerusalem mie kpiri n abo nu. ³² Kpenga na wo yasun dende, na wo fa sojam ni bu nkpienkpienm, na ba nmati aju do. Sanja bo jama n nuuri soja kpien n ni i sojam ni, na ba yaki Pɔɔlu, ba bo ma i kun. ³³ Na sojam kpien n ako atara Pɔɔlu, na wo ma noo ka bu wura i joroko nnyo. Na wo bisa ka, “Ahin sono ti nzu sono o? Ye wo

yo nzu wɔ?” ³⁴ Na jama ni nbem sutientien sujɔɔ, bu jɔɔwɔwa n woori i ngumi ngumi wɔ, ba jɔɔ má jɔɔ kun. Bu nanmie deɛ ti, wɔ koro asi má jɔɔ n bu. Na wɔ ma nɔɔ ka bu fa Pɔɔlu kɔ bere sojam dika bambaka n nu. ³⁵ Bu faari Pɔɔlu kɔ juuri bimbindi bo bu tientien su fun na bu wura gisan nu ni, na i boori i bu ka i fun kɔ sɔɔ n angoro ni, sojam n kukuuri i wɔ, dama jama n bieka n deɛ ti. ³⁶ Na bu surmati su i su, sutien kpa, bu ŋa, “Am kun i, am kun i.”

Kabo Pɔɔlu kaanri i jɔɔ n kereeri jama n ni

³⁷ Sangɔ bo bu sukoro ka bu fa Pɔɔlu wura sojam dika bambaka n nu ni, na Pɔɔlu ase sojam kere kpien n ka, “Ma m kan jɔɔ be na a ti.” Na sojam kere kpien n abisa i ka, “A ti Giriki anie? ³⁸ Nyini yiri, a ti má Ijipiti sɔɔ n bo i yo duuri mine akpii nna mɔ ka bu tu gomina n ni, na i faari nyini mine akpii nna n kere kɔɔri boro kpantain n nu ni.” ³⁹ Na Pɔɔlu abɔ i nu ka, “Ai, mini, m ti Yudafo ɔ, m ti miebaa a, m fite Tarasu wɔ, mie kpiri n bo i la duma na i wo Silisiya awɔɔ n nu ni. Jande, ma m jɔɔ minem ni dɔ.” ⁴⁰ Na sojam kere kpien n ama i atin ka i jɔɔ, na Pɔɔlu ajina bimbindi n bo bu tientien su fun na bu wura gisan nu ni, na wɔ fa i saa ayo minem n ka bu yaki nanmie. Na ba tɔ amuna, na Pɔɔlu ajɔɔ bu dɔ Hiburu anie nu.

22

¹ I ŋa, “M sim ni m ninbaam, am ti fen, m koro ka m kan m jɔɔ n na am ti.” ² Sangɔ bo bu tiiri ka i sujɔɔ bu dɔ Hiburu anie nu ni, na ba yaki nanmie na ba mɔ bu nɔɔ surum. Na Pɔɔlu ase ka, ³ “M ti Yudafo ɔ, bu wuuri m Tarasu mie kpiri n nu wɔ bo i wo Silisiya awɔɔ n nu ni, ama, bu taari m Yerusalem mie kpiri n nu fen wɔ, Gameli kereeri m kara a, ye m sɔnsɔnri ya nam sayoowa atin n kere ni anyumbo. Na ma fa m ŋu kere ama Nyeme, kabo ambere bo am jina fen nyuma n afa am ŋu ama i ni. ⁴ Na ma kere minem bo bu su ahin atin n su n wuwuruwa, haari na ma kun bu nbem. Na ma tara bu nbiesɔm ni nbaram anyi bu dansaraka. ⁵ Nzen am bisaari Nyeme sayoowa dɔnguyofɔm n kere kpien ni, ni tereterefɔm ni, bu sé am ka nɔanie n bo m sujɔɔ i n ti nahɔɔ wɔ. Haari na ba ma m kadasi ka m fa kɔ ma ya minem bo bu wo Damasiko mie kpiri n nu ni, adena m koro tara Yesu minem ni, na m wura bu jɔɔkɔ fa bu ba Yerusalem na bu bá cin bu sui.”

Kabo Pɔɔlu kaanri kabo i kaakiiri i wo barasu ni

⁶ Na Pɔɔlu asa su ase bu ka, “Sangɔ bo m wo kɔ su n na m kɔ dodoori Damasiko mie kpiri n ni, wie kekete sangɔ lɛɛ, na sin be akaba afite angoro ata abara aye m. ⁷ Na ma kpaasi haari asiŋgu, na ma ti akonvi be ŋga, i ŋa, ‘Sɔɔlu, Sɔɔlu e, nzu ti ye a kere m wuwuruwa sɔ a?’ ⁸ Na ma bisa i ka, ‘M Mibie, wɔɔ ŋma a?’ Na wɔ bo m nu ka, ‘Mini Yesu Nazaretifo n a, mini ye a kere m wuwuruwa n a.’ ⁹ Na minem bo bu su m su n anu sin ni, ama, ba ti má akonvi n yiri ŋga. ¹⁰ Na ma bisa i ka, ‘M Mibie, ye a ŋa m yo nzu wɔ?’ Na wɔ se m ka, ‘Yasu na a kɔ Damasiko, dɔ ye bu sé u deke n kere bo Nyeme koro ka a yo i ni.’ ¹¹ Sin n bo i ta wuraari m nyumbaa nu agaya n deɛ ti, na ma yo anyinsin, na minem ni bo bu su m su n aso m saa nu afa m awura Damasiko. ¹² Tɔ, sɔɔ bo be woori mie n nu, bu fere i ka Ananiyasi, i su Nyeme wɔ, na i su i nɔanie kpamaawa n su, i ti sɔɔ n bo Yudafo bo bu wo mie n nu n kere ma i jirima agaya a. ¹³ Na wɔ ba m dɔ ajina adodo m, na

wɔ se m ka, ‘M niwa Soolu, niɛ, a ŋú asi.’ Jina n nu bɛɛ na ma ŋu asi bekun, na ma niɛ aŋu i. ¹⁴ Na wɔ se m ka, ‘Nyemɛ n bo ya nam su i ni, yiri ye wɔ yi u a, na a si i sa koroowam, ye wɔ yi Sɔnɔ n bo i yo sa bo i kɔ atin su n akere u, na a ti yiri ni i tii nɔaniɛ jɔjɔwa. ¹⁵ Dama deke bo a ŋu i na a ti i ni, wɔrɔ kán kere minɛm kɛɛ. ¹⁶ Ye kisa, a ŋminda nzu wɔ? Yasu na bu biɛ u Nyemɛ nzue. Bo fere i duma na i ŋmisi yi u satie kɛɛ.’ ”

Kabo Pɔɔlu kaanri ka Nyemɛ asunma i minɛm bo bu ti má Yudafoɔm dɔ ni

¹⁷ Na Pɔɔlu asa su ase bu ka, “Nyini ti, na ma kpie m nyi ako Yerusalem miɛ kpiri n nu, saŋga bo m wo Nyemɛ Sereebiri Awuru n nu wo nyemɛsere su ni, na wɔ yo m ka aleɛ dɛɛ su wɔ, ¹⁸ na ma ŋu Yesu ka i sujɔjɔ m dɔ, i ŋa, ‘Yasu na a fite Yerusalem ndende, dama minɛm bo bu wo fɛn ni dé má m jɔɛ n bo a kan kere bu ni.’ ¹⁹ Na ma bɔ i nu ka, ‘M Mibiɛ, bɛɛ ni bu tii si tenle su ka m yo wurari bu tientienbunɔɔ sɔɔm nu wɔ, na ma tara minɛm bo bu yo u yarada ni, na ma nyi bu dansaraka, na ma bo bu. ²⁰ Sasu bekun, saŋga bo bu sukun Satéfano bo i diiri u ŋusu daani kereeri minɛm ni, m yo jinaari bɛɛ, na ma soro su, mini niɛɛri minɛm bo bu kuunri i n suturam su a.’ ²¹ Na Mibiɛ n ase m ka, ‘Wɔrɔ kɔ, m súnma u dede minɛm bo bu ti má Yudafoɔm ni dɔ.’ ”

²² Nyini saŋga n kɛɛ ni, minɛm ni soori bu sui wɔ, na ba ti jɔɛ n kɛɛ bo Pɔɔlu kaanri i ni, ama, i ba kaanri sɔ ni, na ba tien kpa, bu ŋa, “Am yi i fite fɛn. Am mini i mmɔɔ. Wɔ ti má ye ni ka i wo ni ŋɔɔ.” ²³ Na bu sutientien, yaa ati bu n dɛɛ ti, na bu suffkindi bu suturam tu, na bu susa fa sutu sandi aŋgoro. ²⁴ Na Romafoɔm soja kɛɛ kpien n ama nɔɔ ka bu fa Pɔɔlu wura bu dika bambaka n nu, na bu bisa i bisaawam na bu fin i ŋgbere na bu si deke bo i ti na Yudafoɔm ni tientien sɔ ni. ²⁵ Ama, saŋga bo bu ciciiri Pɔɔlu nyama n ka bu bo i ni, na wɔ bisa soja kpien n bo i jina dodo i ka, “Atin wo nu ka am bo Roma miɛbaa na am asi má satie bo wɔ yo i?” ²⁶ Saŋga bo soja kpien n tiiri nyini jɔɛ n sɔ ni, na wɔ kɔ sojam kɛɛ kpien n dɔ, ako abisa i ka, “A koro ka a yo ahin sɔnɔ n se wɔ? I ti Roma miɛbaa a.” ²⁷ Nyini ti, na sojam kpien n ako Pɔɔlu dɔ, ako abisa i ka, “A ti Roma miɛbaa a, nahɔɛ su?” Na wɔ bɔ i nu ka, “ɛɛn.” ²⁸ Na sojam kpien n ase i ka, “Mini, m tɔɔri ŋwaa beberebe wɔ ye m nya kaakiiri Roma miɛbaa a.” Na Pɔɔlu ase i ka, “Ama, mini yiri, bu wuuri m miɛbaa a.” ²⁹ I seeri sɔ ni, kpenŋa na sɛɛɛ ati sojam bo ba yi bu ka bu bisa i bisaawa ni, na ba kɔ bu sin. Na sɛɛɛ ati soja kpien ni mmɔɔ, dama wɔ du mɔ abo Pɔɔlu jɔrɔkɔ ka, ye i nya siiri ka i ti Roma miɛbaa a.

Kabo bu faari Pɔɔlu kɔɔri Yudafo tereterefoɔm dɔ ni

³⁰ Na i alecin, sojam kpien n akoro ka i si sa bo Pɔɔlu ayo i na Yudafoɔm jaraɔi i ni, na wɔ yi Pɔɔlu jɔrɔkɔ ni, na wɔ ma nɔɔ ka Nyemɛ sayoowa dɔŋguyofɔ nkpienkpienm ni, ni Yudafo tereterefoɔm n kɛɛ tien bu nɔɔ. Na wɔ ma Pɔɔlu aba ajina bu nyunu.

23

¹ Na Pɔɔlu afa i nyumbaa akpama Yudafo tereterefoɔm n ŋu, na wɔ se ka, “M ninbaam, m sunsunnɔ ti kpa wɔ Nyemɛ dɔ, fite m kaan nu haari ni nyuma.” ² Na Ananiyasi bo i ti Nyemɛ sayoowa dɔŋguyofɔm

n kere kpien n ama minem bo bu jina dodo Pɔɔlu n nɔɔ, ka bu bo i nɔɔ dika, fa kɔ i nɔɔnie jɔjɔwa n dɛɛ ti. ³ Na Pɔɔlu ase i ka, “Nyeme bɔ wɔrɔ mmɔɔ, wɔrɔ bo a tana dɔ ka kobe dawa bo ba bo i ngoro fofoe ni. A tana na a di m jɔrɛ, fa kɔ Nyeme nɔɔnie kpamaawa n dɛɛ atin su, ama, wɔrɔ ni u tii asu má i nɔɔnie kpamaawa n su na a tana ma nɔɔ ka bu bo m.” ⁴ Na minem bo bu jina dodo Pɔɔlu n ase i ka, “Wɔrɔ la nma na a kpie i nzuko a, yiri Nyeme sayoowa dɔnguyofɔm n kere kpien ni?” ⁵ Na Pɔɔlu abɔ bu nu ka, “M ninbaam, ma si má ka yiri ti Nyeme sayoowa dɔnguyofɔ n kere kpien n a. Dama ba kere i Nyeme Jɔrɛ Kadasi n nu ka, ‘Má a jɔjɔ sɔnɔ bo i nie u minem su jɔrɛ tie.’” ⁶ Saŋga bo Pɔɔlu faari nu ka, minem ni nbem ti Sadusifɔm, na bu nbem gusu ti Farasifɔm ni, na wɔ tien kpa jama n nu, i nja, “M ninbaam, m ti Farasifɔ ɔ. M sim mmɔɔ suuri nyini atin ni su a. Deke n bo i ti na ya tien ya nɔɔ n la ka, m la tama ka minem wu, bu tɛnge bu yiwee nu wɔ.” ⁷ Pɔɔlu seeri sɔ wieri na akuruwa aba Sadusifɔm ni Farasifɔm n afien, na bu tientienbunɔɔ n akpaaki nu nnyo. ⁸ Sadusifɔm n nja, sɔnɔ wu, i tɛnge má i yiwee nu kun, ye bu kaaki nja, Nyeme merɛkem, wara awiewiem wo má berɛ. Ama, Farasifɔm berɛ yo nyinim n kere yarada a. ⁹ Na jama ni sutientien suyo nanmie agaya buka su. Na Nyeme nɔɔnie kerefɔ nbem bo bu wo Farasifɔm asese n nu n ayasu ajina atien faŋga su, bu nja, “Yere anu má ahin sɔnɔ ni ngasi bo wɔ do i. Beni, awiewie be, wara Nyeme merɛke ajojɔ i dɔ a.”

¹⁰ Saŋga bo akuruwa n ba bi boroori agaya ni, na sere ati soja kpien ni, ka minem ni bá cincin titi Pɔɔlu nu. Nyini ti, na wɔ ma sojam nɔɔ ka bu wura jama n nu na bu yi Pɔɔlu fite bu nu, na bu fa i ba wura bu dɛɛ dika bambaka n nu. ¹¹ Nyini cɛɛn n kɔngue, na Mibie n ayi i nja akere Pɔɔlu, na wɔ se i ka, “Ma u ahore si, na má a soro sere. Kobo a di m nja daani Yerusalem mie kpiri n nu fen ni, sɔ ye i ti ye ni ka a kɔ di i Roma mie kpiri n nu gusu a.”

Kabo mine nbem sesɛeri su ka bu kun Pɔɔlu ni

¹² I alecin fɔfɔrɛ, na Yudafo nbem atien bu nɔɔ, na ba fa sesesu na ba tan ndie ka bu di má, bu nu má, má ka ba kun Pɔɔlu. ¹³ Berɛ n bo bu tana faari nyini sesesu ni, bu taraari mine aburana. ¹⁴ Na ba kɔ Nyeme sayoowa dɔnguyofɔ nkpienkpien ni, ni Yudafo tereterefɔm ni dɔ, ako ase bu ka, “Yere, ya tien ya nɔɔ atan ndie ka ya dí má pui, má ka ya kun Pɔɔlu. ¹⁵ Nyini ti, amberɛ ni tereterefɔm ni, am sunma Romafɔm soja kpien n dɔ kɔ se i ka, i fa Pɔɔlu bra am dɔ ka am koro ka am nie i jɔrɛ n nu nyunyumi bekun wɔ. Ama, na ya yó siriya nmindia i, na ya kún i atin nu na i nya ba ju fen.” ¹⁶ Ama, na Pɔɔlu niwa bara be wa ati sesesu n bo ba fa i ni, na wɔ kɔ awura sojam sɔɔ bambaka n nu, na wɔ se Pɔɔlu. ¹⁷ Dɔ na Pɔɔlu afere sojam n kun, na wɔ se i ka, “Fa ahin gbefene n kɔ am kpien n dɔ, i la jɔrɛ be bo i kán kere i.” ¹⁸ Na soja n afa i ako bu kpien n dɔ, na wɔ se i ka, “Pɔɔlu bo ba nyi i dansaraka ni fereeri m a, na wɔ se m ka m fa ahin gbefene n ba u dɔ, dama i la jɔrɛ bo i kán kere u.” ¹⁹ Na sojam kere kpien n aso i saa nu, na i ni yiri ngumi afite aheme, na wɔ bisa i ka, “A koro ka a kan nzu jɔrɛ kere m a?” ²⁰ Na wɔ se sojam kpien n ka, “Yudafo m asese su ye ba soro su ka ahunma bu bá sere u na a fa Pɔɔlu ma bu na bu fa i kɔ bu tereterefɔm ni dɔ, na bu yó bu nja bu koro ka bu nie i jɔrɛ n nu nyunyumi wɔ. ²¹ Ama, má a soro bu su, dama bu nbem nja bu

kɔ ŋminda i atin nu wɔ, bu tara minem aburana. Ba tan ndie ka bu dí má, bu nú má, má ka ba kun Pɔɔlu. Kisa ba yo siriya su aŋminda na bu ti kabo a sé.”²² Na sojam kere kpien n abɔɔɔ i ka, “Má a ma be si ka a kan ahin jɔre n akere m.” Na wɔ ma gbefene n atin na wɔ kɔ.

Kabo bu faari Pɔɔlu kɔɔri Gomina Felika dɔ ni

²³ Na sojam kere kpien ni, afere soja nkpienkpienm ni nnyɔ, na wo ma bu nɔɔ ka, “Am fa sojam yaa nnyɔ, ni soja kpɔŋgɔfunfɔm aburaso, ni soja kpiebitafɔm yaa nnyɔ, na am yo siriya kɔŋgue n nu, kerefi ŋɔɔna sanɔa, na am kɔ Sizariya mie kpiri n nu.”²⁴ Na am nya kpɔŋgɔ ma Pɔɔlu gusu, na am fa i haari na am kɔ ju Gomina Felika dɔ, na má pui yo i.”²⁵ Na sojam kpien n akere kadasi ama gomina n ka,

²⁶ “Mini Kalodisi Lisiyasi sukere ahin kadasi n bisa wɔɔɔ, m si Gomina Jirimafɔ Felika dɔŋgu a.”²⁷ Yudafɔm taraari ahin sɔɔɔ n a, má bu koro ka bu kun i wɔ. Ama, na ma ti ka i ti Roma miebaa a, nyini ti, na ma fa m sojam, na ya kɔ ade i aji.²⁸ Na ma koro ka m si deke n bo i ti na bu jarakiiri i ni, nyini ti, na ma fa i akɔ Yudafɔ tereterefɔm dɔ.²⁹ Na ma ŋu ka fa kɔ bu nɔɔɔ kɔpamaaawa n deɛ atin su ye bu jarakiiri i a, ama, wɔ yo má sa be bo i ti ye ni ka bu kun i, wara bu nyi i dansaraka.³⁰ M tiiri ka Yudafɔm asese su akɔ ada aŋminda atin nu ka bu kun i, nyini deɛ ti, ye m ma ba kaba afa i aba u dɔ n a. Ma se minem bo bu jarakiiri i n ka bu fá jɔre n bra u dɔ.”

³¹ Na sojam n ayo kabo i kereeri bu ka bu yo ni, na ba fa Pɔɔlu nyini kɔŋgue n kere, na ba fa i akɔ aju mie kpiri n bo bu fere i ka Antipatiriso n su.³² Na i alecin fɔfɔre na sojam bo bu nati bu jaa su n akpie bu nyi akɔ sojam sɔɔ bambaka n nu, na ba ma soja kpɔŋgɔfunfɔm n afa i akɔ aju deke bo bu suko ni.³³ Bu kɔ juuri Sizariya ni, na ba fa kadasi n ama gomina ni, na ba nya afa Pɔɔlu awura i saa nu.³⁴ Gomina n kaanri kadasi n wieeri ni, na wɔ bisa Pɔɔlu awɔre bo i fite nu. I faari nu ka i fite Silisiya awɔre n nu wɔ,³⁵ na wɔ se i ka, “Minem bo bu jarakiiri u n ba juuri, m tí u nɔɔɔɔ.” Na wɔ ma nɔɔ ka bu fa Pɔɔlu wura Feme Herode dika n nu, na bu nie i dika nyunyumi.

24

Kabo Yudafɔm jarakiiri Pɔɔlu Gomina Felika n nyunu ni

¹ Na i lenu cɛen sin, na Ananiyasi bo i ti Nyeme sayoowa dɔŋguyofɔ n kere kpien n aba aju Sizariya mie kpiri n nu, i ni Yudafɔ tereterefɔ nbem, na ba fa jɔresifɔ be bo bu fere i ka Tetulɔsi n abuka bu ŋu su. Na ba jaraki Pɔɔlu gomina n nyunu.²⁻³ Bu faari Pɔɔlu ba juuri n na Tetulɔsi abo i bu na i kan ŋgasi bo Pɔɔlu ado i. I ŋa, “Ya si Felika jirimafɔ, u ŋɔɔnle kpa n bo a la i n deɛ ti, nyini ma ya nya tanalaifie ace a, ye kaaki aba ya asien n su a, fa kɔ nyini sunsunni n bo a la i ni. Deke kere bo ya wo ni sanɔa kere, ya nyunu ayi u fa kɔ deke n kere bo a yo ama ya ni, nyini deɛ ti, ya da u asi beberebe.”⁴ Tɔ, m koro má ka m jɔjɔ saaki u sanɔa, ama, m sere u wɔ, sawɔre n bo a la i n deɛ ti, ti ya ahin jɔre kaan ni.⁵ Ya ŋu ka ahin sɔɔɔ n ti miebofɔ ɔ, na i nati sukpukpura Yudafɔm tii durunya n kere nu, na bu sudi aluwa ni bu beŋgu. I ti mɔfɔ ɔ, fa kɔ minem bo bu su Nazaretifɔ n atin n su ni.⁶ Haari i yo koroori ka i wura Nyeme Sereebiri Awuru n nu wɔ na i

saaki i na i yo i fin, ye ya taraari i a. [Má ya koroori ka ya fa ya nɔaniɛ kpamaawa n atin su di i jɔrɛ wɔ, ⁷ ama, na sojam kpɛn Lisiyasi n ade i ya dɔ ni fanja, ⁸ na wɔ ma nɔɔ ka, bo bu ni yiri la jɔrɛ n kɛrɛ bra u dɔ.] Na nzen wɔrɔ mmɔɔ ni u tii niɛeri jɔrɛ n nu, a sí deke n bo i ti na ya jaraki i ni.” ⁹ Na Yudafoɔm n kɛrɛ ajina su ka, jɔrɛ n kɛrɛ bo bu jɔɔ i n ti nahɔrɛ wɔ.

Kabo Pɔɔlu kaanri i nahɔrɛ Gomina Felika n nyunu ni

¹⁰ Na Gomina Felika ama Pɔɔlu atin ka i jɔɔ, na Pɔɔlu ase ka, “M si ka a di jɔrɛ ahin asien n su ace, nyini ti, m ahore ti siiwa ka ma ba u dɔ na m kan de m tii. ¹¹ Wɔrɔ mmɔɔ ni u tii koro bisa na a ti, ka i nyuma leburu lennyɔ lɛɛ, bo m kɔɔri Yerusalem miɛ kpiri n nu ka m kɔ su Nyemɛ. ¹² Bere n aɲu má ka m ni be suse akuruwa Nyemɛ Sereebiri Awuru n nu, ba kaaki aɲu má ka m ni be suwura minem bu sin na bu yo sa be tientienbunɔɔ sɔɔm n nu, wara miɛ n nu. ¹³ Bere gusu koro kan kere má u deke n bo i ti na kisa bu sujaraki m ni. ¹⁴ Ama, deke bo m soro i su ka i ti nahɔrɛ n la ka, m su Nyemɛ wɔ, kabo ya nam su i ni, nyini atin n gusu ye bu ɲa i ti má nahɔrɛ n a. Ama, m yo deke bo ba kɛrɛ i nɔaniɛ kpamaawa n nu n yarada, na m kaaki yo deke bo ba kɛrɛ i Nyemɛ nɔaniɛ kanfoɔm dɛɛ kadasi n nu n yarada. ¹⁵ M la tama Nyemɛ dɔ ka minem bo bu yo sa bo i kɔ atin su, ni bo bu yo sa bo i kɔ má atin su n kɛrɛ bá tenge bu yiwee n nu, kabo bere n bo bu jaraki m n gusu la nyini tama ni. ¹⁶ Nyini dɛɛ ti, sanja kɛrɛ m boro m nyi wɔ, na m sunsunni ti casi fa kɔ Nyemɛ ni adamandem dɔ. ¹⁷ M fiteeri Yerusalem, wɔ ce, nyini sin, na ma kpɛ m nyi ako dɔ ka m kɔ fa ɲwaa ce m minem bo bu ti yaarifɔm n na m yo m dɛɛ yoowa ma Nyemɛ. ¹⁸ M wo nyini yoowa n yo su ye bu ɲuuri m Nyemɛ Sereebiri Awuru n nu a. Nyini sanja ni, ma yo fin bie yoowa n awie mmɔɔ. Jama be awo má m dɔ, be gusu ayo má nanmie be. ¹⁹ Ama, Yudafoɔm nbem bo bu fite Esiya awɔrɛ n nu ni, yo woori dɔ a. Wɔ yo daka ka má bere mmɔɔ ni bu tii wo fen, na bu kan m ɲgasi bo ma do i n kere u. ²⁰ Nzen má nyini, yaki na ahin minem bo bu jina fen n kan ɲgasi bo m doori, sanja bo m jinaari bu tereterefoɔm nyunu na bu diiri m jɔrɛ ni. ²¹ Má ka deke kun n kpein be bo bu yo sudi m jɔrɛ na m jinaari bu nyunu ni. Yiri la bo m seeri ka minem wu, bu káaki tenge bu yiwee nu ni, nyini dɛɛ ti, ye a sudi m jɔrɛ nyuma n a.”

²² Na Gomina Felika si Mibie n atin n sereya n kɛrɛ nyunyumi n dɛɛ ti, na wɔ se bu ka, “Am kɔ ka, na sojam kpɛn Lisiyasi ba baari, na m nyá di jɔrɛ ni.” ²³ Na wɔ ma nɔɔ ka soja kpɛn n nie Pɔɔlu dika nyunyumi, ama, i ma i atin na i nati i koroyanu, na i ma i danfoɔm gusu atin na bu koro ba buka i.

Kabo bu faari Pɔɔlu jinaari gomina n ni i yi n nyunu ni

²⁴ I yoori lennyɔ, na Gomina Felika akaaki aba, i ni i yi Durusila, i ti Yudafoɔ baa a. Na wɔ sunma afere Pɔɔlu na i ba kan kabo sɔɔɔ yo Yesu Kristo yarada barasu ni. Na wɔ so i sui ati. ²⁵ Ama, sanja bo Pɔɔlu wo jɔɔ su fa kɔ sa bo i kɔ atin su, ni tarabuɲu, ni kabo Nyemɛ bá di minem n jɔrɛ ni, na sere ati Gomina Felika na m wɔ se ka, “Tɔ, kisa, wɔ se su. A koro kɔ, na m ba nya sanja na m fére u.” ²⁶ Nyini sanja n kɛrɛ ni, i sunsunni la ka Pɔɔlu má i ɲwaa a, nyini ti ye sanja sanja i fere Pɔɔlu, na bu subo anzama n a. ²⁷ Na afoɔ nnyɔ aba asin, na sɔɔɔ

be bo bu fere i ka Pɔkiyɔsi Fesitosi ade Felika jinaabiri ni. Na Gomina Felika akoro ka i jɔ YudaƆm n ahore, nyini dɛɛ ti, na wɔ yaki Pɔɔlu dansaraka n nu, i ma ba yi má i.

25

Kabo Pɔɔlu sereeri ka bu fa i jɔrɛ n kɔ Romafɔm fɛmɛ kpiri n dɔ ni

¹ Gomina Fesitosi ba juuri nyini awɔrɛ n nu ni, i lesan, na wɔ fite Sizariya miɛ kpiri n nu, na wɔ fun ako Yerusalem miɛ kpiri n nu. ² Na Nyemɛ sayoowa dɔnguyɔfɔ nkpienkpienm, ni YudaƆ teretereƆm n aba akan ɲgasi bo Pɔɔlu ado i n akere Gomina Fesitosi. Na ba sere i jande ³ ka i boro i nyi na i ma bu fa Pɔɔlu ba Yerusalem. Deke n bo i ti na bu seeri sɔ n la ka, ba sɛsɛ su ka bu kɔ ɲminda i atin nu wɔ na bu kun i. ⁴ Na Gomina Fesitosi abɔ bu nu ka, “Pɔɔlu wo dansaraka nu Sizariya, mini ni m tii, m kpie m nyi kɔ dɔ kisa. ⁵ Am ma am nu nbem bo bu la yiko n su m su, na ya kɔ Sizariya, na nzen wɔ do ɲgasi be a, na bu koro kan i na bu jaraki i.”

⁶ Na Gomina Fesitosi awo bu dɔ, lemɔcɔɛ ni leburu afien, na wɔ nya aba Sizariya. I alecin na wɔ kɔ atana jɔrɛ diibiri ni, na wɔ ma nɔɔ ka bu fa Pɔɔlu bra. ⁷ Sangɔ bo bu faari Pɔɔlu ba juuri n ni, na YudaƆm bo bu fiteeri Yerusalem baari n atien bu nɔɔ abara ayɛ i. Na ba kan i ɲgasi tietie beberebe bo bu ɲa wɔ do i, bu gusu akoro akere má ɲgasi n bo bu ɲa wɔ do i n tenle su. ⁸ Na Pɔɔlu ase ka, “Ma do má ɲgasi be fa kɔ YudaƆm dɛɛ nɔɔɲie kpamaawa n su, ma do má ɲgasi be fa kɔ Nyemɛ Sereebiri Awuru n su, ma kaaki ado má ɲgasi be fa kɔ Romafɔm Fɛmɛ Kpiri Siza n dɔ.” ⁹ Ama, na Gomina Fesitosi akoro ka i buka YudaƆm ni, na i da bu ahore, nyini dɛɛ ti, na wɔ bisa Pɔɔlu ka, “A soro su ka ya kɔ Yerusalem na bu kɔ di u jɔrɛ n dɔ m nyunu, fa kɔ ahin sereyam kɛrɛ su?” ¹⁰ Ama, na Pɔɔlu abɔ i nu ka, “M jina Romafɔm fɛmɛ kpiri n jɔrɛ diibiri wɔ lɛɛ, fɛn ye wɔ yo daka ka bu di m jɔrɛ a. Wɔrɔ mmɔɔ ni u tii si tenle su ka ma do má YudaƆm ɲgasi be. ¹¹ Nzen ma do ɲgasi be bo wɔ yo daka ka bu kun m, ma kete má ka má bu kun m. Ama, nzen jɔrɛ n kɛrɛ bo ba kan i n be ti má nahɔrɛ, be la má atin bo i koro fa m wura bu saa nu. Nyini ti, m sere ka a fa m jɔrɛ n kɔ Romafɔm fɛmɛ kpiri n dɔ.” ¹² Na Gomina Fesitosi ni i nkpienkpienm n atana aɲu bu ɲu, na ba soro su, na wɔ se Pɔɔlu ka, “A sere ka ya fa u jɔrɛ n kɔ Romafɔm fɛmɛ kpiri n dɔ. Tɔ, ya fá u kɔ i dɔ.”

Kabo bu faari Pɔɔlu baari Fɛmɛ Agiripa n nyunu ni

¹³ Na wɔ yo lennyɔ, na Fɛmɛ Agiripa ni i siwa baabara Berɛnisi aba Sizariya miɛ kpiri n nu, ka bu ba niɛ Gomina Fesitosi busu. ¹⁴ Bu woori dɔ cɛeri kaan n dɛɛ ti, na Gomina Fesitosi akan Pɔɔlu jɔrɛ n kɛrɛ n akere fɛmɛ ni. I ɲa, “Felika yo yakiiri sɔnɔ be dansaraka n nu fɛn. ¹⁵ Sangɔ bo m kɔori Yerusalem miɛ kpiri n nu ni, na YudaƆ Nyemɛ sayoowa dɔnguyɔfɔ nkpienkpienm, ni YudaƆ teretereƆm n aba m dɔ, na ba kan nyini sɔnɔ n jɔrɛ, ka m boro m nyi di i jɔrɛ n na m se ka wɔ do ɲgasi. ¹⁶ Ama, na ma se bu ka yɛrɛ Romafɔm, ya yo má sɔ, nzen minɛm ajaraki sɔnɔ, ya ma bu kɛrɛ tien bu nɔɔ ɔ, na i mi si deke n bo i ti na bu jaraki i ni, na i gusu nya kan i dɛɛ bo i la i ni. ¹⁷ Sangɔ bo bu suuri m su ba juuri fɛn ni, ma wura má nnyɔ nu, i alecin m kaba kɔ

tanaari jore diibiri n wo, na ma ma noco ka bu fa sono n bra. ¹⁸ Sangga bo bu yasu jinaari na bu jaraki i ni, ba kan ma satie bo ma m sunsun ka wo yo i na bu fa jaraki i ni. ¹⁹ Ama, i ti akuruwa ye bu seeri a, fa ko bu nyemesu atin su, ni sono be bo bu fere i ka Yesu n busu, bu na wo wu, ama, Poolu na i toko la ngoo. ²⁰ Ma si ma kabo m tara ahin jore n tii ni i jaa barasu, na ma bisa Poolu ka, i koro ka ya fa i ko Yerusalem na bu ko di i jore n do, nzen se? ²¹ Ama, na Poolu asere ka, i koro ka i ka dansaraka n nu haari i ba ko Romafom femε kpiri n do. Nyini ti, na ma ma noco ka bu subita i haari m ba nya atin na m ma bu fa i ko femε kpiri n do.” ²² Na Femε Agiripa ase Gomina Fesitosi ka, “M koro ka mini ni m tii ti ahin sono n jore ni.” Na Gomina Fesitosi ase i ka, “Ahunma a ti i jore ni.”

²³ To, na i alecin, na Femε Agiripa, ni Berenisi afite ni bu femeya jirima bambaka, na bu ba wura tientienbunoo soo bambaka n nu, bu ni soja nkpienkpienm, ni mie n nu mine anyunuyifom. Na Gomina Fesitosi ama noco, na ba fa Poolu awura. ²⁴ Na Gomina Fesitosi ase ka, “Ya si Femε Agiripa, ni ambere kere bo am atien am noco fen ni, am nie ahin sono ni. Yiri dee ti ma Yudafom kere bo bu wo Yerusalem, ni bo bu wo fen n yo baari m do a, na bu sutientien ka i ti ma ye ni ka i wo ni ngoo. ²⁵ Ama, m gusu afiiti i jore n nu, ma nu ma i ngasi bo wo do i na i ti ye ni ka i wu. Nyini ti, kabo yiri ni i tii asere ka m fa i jore n ko Romafom femε kpiri n do ni, m fa i ko do o. ²⁶ Ama, m la ma deke be tenle su bo m kere fa ma femε kpiri ni, fa ko ahin n jore n su. Nyini ti ye ma fa i aba woro Femε Agiripa do a, adena m ni ambere kere nie i jore n nu, na m si deke bo m kere ko ma femε kpiri ni. ²⁷ Dama mini do, wo ko ma atin su ka m fa sono bo ba nyi i dansaraka ko ma femε kpiri n na m la ma jore bo m kan kere i fa ko deke n bo i ti na bu jaraki i n su.”

26

Kabo Poolu kaanri i jore Femε Agiripa nyunu ni

¹ Na Femε Agiripa ase Poolu ka, “Atin wo nu ka woro ni u tii joo.” Na Poolu aye i saa su, na wo bo i jore n bu, i na, ² “Femε Agiripa, wo yo m fie nyuma ka m jina u nyunu, na m kan m jore n nahore su fa ko deke n kere bo Yudafom jaraki m n su. ³ Dama woro ni u tii asi kabo Yudafom nana sayoowam n ti, ni kabo ya se bu akuruwam barasu ni. Nyini dee ti, m sere u wo, ka a fa sawore na a ti m jore ni.

⁴ Yudafom kere si kabo m woowa yo ti barasu fite m gbefeneya nu, sangga bo m wo m bosufom nu ni, haari ni bo m ko woori Yerusalem mie kpiri n nu ni. ⁵ Bu si m sa kabo m woowa yo ti, ma nyuma. Nzen bu na bu kan nahore, bu se u ka m yo ti Farasifom be wo, na ma su ya dee nyini atin n bo i su ti kekereke n su ni anyumboro. ⁶ Kisa, deke bo i ti na m jina am nu nyuma na am sudi m jore ni, yiri la tama n bo m la i fa ko deke n bo Nyeme seeri ka i yo ma ya nam ni. ⁷ Nyini n ye ya ano buru ni nnyo n bo ya su Nyeme ni anyumboro wiesu ni kongue n nminda ka ya nya i n a. Femε, ti fen, nyini tama n bo m la i n dee ti, ye Yudafom jaraki m n a. ⁸ Nzu ti ye am de ma ka Nyeme koro tenje minem bu yiwee nu a? ⁹ Nahore mini ni m tii yo sunsuunri ka wo yo daka ka m yo sam dongu na m saaki Yesu Nazaretifo n duma. ¹⁰ Kabo m yo yoori Yerusalem lee. Nyeme sayoowa donguyofo nkpienkpienm yo

maari m yiko, na ma tara Nyeme minem beberebe anyi bu dansaraka, na sanja bo bu diiri bu jore na bu na bu kun bu ni, mini mmoo jina bu sin wo. ¹¹ Sanja kere sanja, m nati wura ya tientienbunoo soom nu wo, na m sucin bu sui, na m sumie bu ka bu kete Yesu. Na ma fa yaa bu nu agaya, haari na m sukoo mie nyingam su, ko sukere bu wuwuruwa.”

Kabo Poolu kaanri kabo i kaakiiri i wo ni

¹² Na Poolu asa su ase ka, “Nyini dee ti, na ma sere atin Nyeme sayoowa donguyofoo nkpienkpienm n do, na ba ma m yiko ka m ko Damasiko mie kpiri n nu. ¹³ Feme, ti fen, m wo atin n nu wo ko su ni, fa ko wie kekete sanja, na ma nu sin be ka i fite angoro, i ta tara wie, na i wein ata abara aye m ni minem kere bo bu su m su ni. ¹⁴ Na yere kere akpaasi haari asienngu, na ma ti akonvi be nga, ka i sujoo m do Hiburu dee anie n nu, i na, ‘Soolu, Soolu e, nzu ti ye a kere m wuwuruwa so a? A sukere u nu yaari ngbeen wo, kabo bu fa toora doodoorifo sudo na i kete, na bu fin i baka n wo.’ ¹⁵ Na ma bisa ka, ‘M Mibie, woro nma a?’ Na Mibie n abo nu ka, ‘Mini Yesu ye a sukere m wuwuruwa n a. ¹⁶ Ama, yasu jina. Deke n bo i ti na ma yi m nu akere u n la ka, m fa u yo m amususufoo, na a di m daani kere minem fa ko deke bo a nu i nyuma n su, ni dekem bo m ba yi m nu kere u bekun n su. ¹⁷ Na m de u tii fite minem saa nu, Yudafo m ni bo bu ti ma Yudafo m ni, dama m susunma u bere do a, ¹⁸ na a teke bu nyi, na a yi bu fite awosin nu ba wein nu, na a yi bu fite Sitana saa nu, na a fa bu wura Nyeme saa nu, adena bu yo m yarada na m fa bu satie ce bu, na bu nya jinaabiri Nyeme mine n nu, na bu kere sanja wo.’”

Kabo Poolu kaanri kabo i yoori i juma n ni

¹⁹ Na Poolu asa su ase ka, “Feme Agiripa, nyini dee ti ni, ma kete ma deke n bo Nyeme yi kereeri m ka alele nu dee su ni. ²⁰ Nyini ti, m du mo boori i bu Damasiko mie kpiri n nu wo, na ma kan akere bu ka bu kaaki bu wo na bu su Nyeme, na bu yo sakpa bo i kere ka ba kaaki bu wo. Na ma ko akan akere Yerusalemfo m gusu, na ma nya ako akan akere Yudiya dee awore n nu fom kere. Nyini sin, na ma ko akan akere minem bo bu ti ma Yudafo m n gusu. ²¹ Nyini dee ti, ye Yudafo m taraari m Nyeme Sereebiri Awuru n nu, ka bu kun m n a. ²² Ama, Nyeme abuka m dee ti, ye m toko wo bere haari ni nyuma n a, adena m jina fen di daani kere nfangafom ni tarakam kere, ni mine barasum kere. M sukan ma jore fofore be wo, ma ka sam bo Nyeme noanie kanfo m ni Moyisi yo seeri ka bu yo ni, ²³ ka, wo yo daka ka Kristo, Tiidefo n bo Nyeme ase ka i sunma i ni ba di wahara. Yiri ti sono bo i wu na i du mo tenge i yiwee n nu a. Na i kan wein n jore kere Yudafo m, ni minem bo bu ti ma Yudafo m n kere.”

²⁴ Poolu wo nyini jooori n su na i kan i nahore ni, na Gomina Fesitosi atien i nu kpa, i na, “Poolu, a bo fie wo. U kara sonson ni u si agaya n ma u tii yo ma juma.” ²⁵ Na Poolu abo i nu ka, “Gomina Fesitosi jirimafo, ma bo ma fie, ama, m joo anyunkoro ni nahore jore wo. ²⁶ Feme Agiripa si ahin jorem kere, nyini dee ti, ye m la ahoresi joo i nyunu n a. M si tenle su ka i si ahin sam n kere bo m sukan kere am ni, dama i be mmoo ayo ma fiewa nu. ²⁷ Feme Agiripa, a yo Nyeme noanie kanfo m jore n yarada a? M si tenle su ka a yo yarada.” ²⁸ Na Feme Agiripa ase Poolu ka, “Ahin sanja kaan nu, a sunsun ka a koro joo na

a ma m kaaki Kristo susufo o, nzen se?" ²⁹ Na Pɔɔlu abo i nu ka, "Nzen i ce o, i ce má o, mini yiri, m nyemesere la ka, wɔɔ ni minem n kere bo m sujɔɔ am do nyuma ni, am ba kaaki na am yo kabo m ti barasu ni, ama, bu wura má am jɔɔko kabo ba wura m ni."

³⁰ I seeri so ni, na femɛ n ayasu ajina, yiri ni gomina ni, ni Berenisi, ni nyingam n kere bo bu tana bere ni. ³¹ Bu yasuuri na bu wo ko su ni, na ba se bu nɔnɔ nu ka, "Ahin sɔɔɔ n ayo má sa be bo i ti ye ni ka bu kun i, wara bu nyi i dansaraka nu." ³² Na Femɛ Agiripa ase Gomina Fesitosi ka, "Nzen má ahin sɔɔɔ n asere má ka bu fa i jɔɔɔ n ko Romafom femɛ kpiri n do, má ya koro yaki i nu ji."

27

Kabo bu faari Pɔɔlu sufa ko Roma mie kpiri n nu ni

¹ To, sanga bo bu faari sesesu ka ya fa lee bambaka ko Roma mie kpiri n bo i wo Itali n asien n su ni, na ba fa Pɔɔlu ni dansaraka nyinga nbem ama soja kpien be bo bu fere i ka Julyosi ni, yiri nie soja asese be su a, bu fere i ka Romafom Femɛ Kpiri Agusito deem. ² Na ya ko awura lee bambaka be, i fite mie n bo bu fere i ka Adaramuteno n wo. Lee n ayo siriya suko Esiya awore n nu deɛ mie nbem su, na ya wura i ako. Yere ni sɔɔɔ be bo bu fere i ka Arisitakusi n koori a, i fite Tesalonika mie kpiri n bo i wo Makedoniya awore n nu wo. ³ Na i alecin, na ya ko aju Sidon mie kpiri n nu, na Julyosi ayo Pɔɔlu sakpa, i maari i atin wo, na wo ko anie i danfom busu, adena i ko nya deke bo i koro. ⁴ Ya yasuuri Sidon ka ya ko ni, ya faari Sipurusi lui bambaka n deɛ bue n wo, ya koro fa má deke bo má ya sukoro ka ya fa ni, dama anjuma n cin ya ko ya sin wo. ⁵ Ya yasu bere ni, na ya kpie tieku n bo i wo Silisiya, ni Pamfiliya deɛ aworem n nu ni, na ya nya ako aju mie kpiri n bo bu fere i ka Mira na i wo Lisiya deɛ awore n nu ni. ⁶ Do na soja kpien n anu lee bambaka be ka i fite Alekizanderiya mie kpiri n nu suko Itali, na wo fa ya awura nu. ⁷ Ya yasuuri bere ka ya ko ni, anjuma n kpa ya atin wo, ya koro ako má ndende. I yoori kekereke ye ya nya ko dodoori mie n bo bu fere i ka Kinidosi n a. Anjuma n deɛ ti, ya koro ako má deke bo má ya suko ni. Nyini deɛ ti, na ya fa lui bambaka n bo bu fere i ka Kereti deɛ bue ni, akpie ako adodo mie n bo bu fere i ka Salamone ni. ⁸ Ya faari bere ni, i yoori ya kekereke ye ya nya ko juuri mie kpiri n bo bu fere i ka Dika Nyunyumi n a, lee ngbingbirim jinaabiri ni, i mata mie kpiri n bo bu fere i ka Lasiya n wo.

⁹ Na ya wo do ace, haari na Yudafom nɔɔ cici n aba asin, bu na nyini sanga ni, tieku n su natiiri ti tie. Nyini deɛ ti, na Pɔɔlu abobo bu, i na, ¹⁰ "Njam, ma nu ka nzen ya na ya ko ya nyunu, i yó kekereke, na deke dongu saaki, má lee bambaka n ni nengem ngumi, ama, ya ngɔɔ mmɔɔ wo nu." ¹¹ Ama, haari ni nyini mmɔɔ, soja kpien n keteeri Pɔɔlu noanie n wo, na wo de leekanfo n ni lee n fo n deɛ noanie ni. ¹² Deke bo ya wo ni, i ti má kpa ka ya wo do haari fufuku ba tu ya, nyini deɛ ti, na ya dongu asoro su ka ya yasu do, na ya nie, beni, ya koro ko ju mie kpiri n bo bu fere i ka Foniki n su na i wo Kereti lui bambaka n su ni. Lee ngbingbirim jinaabiri wo do o, i nɔɔ wo wie atɔɔri deɛ bue n wo, ya koro ko wo do, haari na fufuku n ba sin.

Kabo anjuma bambaka be yasuuri tieku n nu ni

¹³ Na aɲuma fafari be sukpie fite ya nyunu ndiema bie su. Na ba sunsun ka bu koro kɔ deke bo ba fa bu tii awɔ ni. Nyini dɛɛ ti, na ba cin atu bulaari n bo bu fa kpamaari lee ni, na ya san tieku n aheme akɔ adodo Kereti lui bambaka n dɛɛ bue ni. ¹⁴ Ama, wɔ cɛ má, na sɔɔ sin aɲuma be bo i nati kpie fite wie afiiri saa fɔmbɔɔ su n akpie fanja su afite Kereti dɔ. ¹⁵ Ya kpa aɲuma n atin wɔ, ya koro akɔ má deke bo ya fa ya tii awɔ ni. Nyini dɛɛ ti, na ya yaki lee bambaka ni, na wɔ su aɲuma n su. ¹⁶ Na ya kɔ adodo lui be bo bu fere i ka Kawuda ni, na ya fa i sin. Lee kaan be sa lee bambaka n su, i yoori kekereke ye ya nya koro taraari i jinaari a. ¹⁷ Na ba nya acin i afun awura lee bambaka n nu. Na ba fa nyama awura lee bambaka n bu, na ba cici i kenken, na i bu n ayo fanja. Bu soro sere ka lee ni kpama teteke n dika wɔ, mie kaan be wo bere, bu fere i ka Siritisi. Nyini dɛɛ ti, na ba jura lee tani n bo i bo aɲuma na lee n kɔ ni, na ba nyanya i, na lee n asu aɲuma n su. ¹⁸ Kabo aɲuma n kereeri ya wahara sɔ ni, i alecin, na ba yi yi nenngem bo bu wo lee n nu ni nbem ajiji nzue n nu. ¹⁹ I lesan cɛɛn, na bu kere afa bu saa ayi lee n dɛɛ nenge kere aji nzue n nu. ²⁰ Na wɔ cɛ bo ya ɲu má wie, wara asarambaam, na aɲuma n sukpie agaya sɔ, haari na ya ba ayi tama ka ya fite má nu.

²¹ Tɔ, wɔ cɛ bo minem n adi má diire n dɛɛ ti, na Pɔɔlu ayasu ajina bu afien, na wɔ se bu ka, “Njam, nzen má am tiiri m nɔɔnie ni, má ya yasu má Kereti, má ya nenngem ni saaki má, na bu ka ɲgbɛɛn sɔ. ²² Ama, kisa, m sutu am fɔ ɔ, am ma am ahoresi. Am be mmɔɔ ɲgɔɔ ká má nu, má ka lee bambaka ni ɲgumi saaki a. ²³ Dama anuma kɔngue, Nyeme n bo m su i na i dɛɛ la m ni, i mereke be ba jinaari m bi, ²⁴ na wɔ se m ka, ‘Pɔɔlu, má a ma sere ti u. Wo yo daka ka a kó jina Romafɔm femɛ kpiri n nyunu wɔ, na i dí u jɔre. Ti fen, Nyeme afa minem kere bo u ni bere sanja wo lee n nu n ama u.’ ²⁵ Nyini ti, njam, am fa ahoresi. Dama m daafi Nyeme ɲu ka i yó kabo i seeri m n wɔ. ²⁶ Haari ni nyini mmɔɔ, aɲuma ni sún ya kɔ jina lui bambaka be su wɔ.”

²⁷ Tɔ, i bita ya fikindi Adiriya tieku n nu sɔ ɔ, haari i leburu lenna cɛɛn kɔngue fa kɔ i jinanjin sanja, na lee jumayofɔm n afa nu ka bu sudodo asien. ²⁸ Nyini ti, na ba fa nyama bo bu bita sunsun nie kabo nzue ɲgongɔ ti barasu. Na ba ɲu ka i toko wo ɲgo. Na ba kɔ mɔ kaan abuka su, na ba sunsun bekun, na ba ɲu ka i wo má ɲgo kun. ²⁹ Na sere ati bu, bu sunsun ka lee bambaka ni kó si yabuɛm wɔ, na i sandi nu, nyini dɛɛ ti, na ba cɔɔndi lee n sin bulaari nɔɔɔri nna asienɲu. Na bu susere Nyeme ka ale cin bu. ³⁰ Na lee jumayofɔm n akoro ka bu wɔ ɲmati, na ba yi lee kaan n afa ase nzue n su, na ba kpie mbenle ka bu suyí bulaari nɔɔɔri nbem lee bambaka n tii dika a. ³¹ Ama, na Pɔɔlu ase soja kpien n ni i sojam ni ka, “Má ka ahin minem n aka lee n nu, am be mmɔɔ fite má nu.” ³² Na sojam n akpie nyamam bo bu bita lee kaan n aji, na wɔ kɔ.

³³ Sanja bo ale ba sukoro cin ni, na Pɔɔlu asere minem kere ka, bu nya diire be di. I ɲa, “I nyuma leburu lenna lee, bo am wo ahoresaaki nu, na am adi má pui. ³⁴ Nyini ti, m sere am wɔ, am di diire, adena i buka am na am nya ɲgɔɔ. Haari am be mmɔɔ tiɲmie kun n kpein ká má ɲgbɛɛn.” ³⁵ Pɔɔlu seeri sɔ wieeri ni, na wɔ fa kpɔɔ, na wɔ da Nyeme asi bu kere nyunu, na wɔ bu i nu, na wɔ di. ³⁶ Na bu kere afa ahoresi, na bere gusu adi diire. ³⁷ Yere bo ya yo woori lee bambaka n

nu ni, ya ti mine yaa nnyo ni mine aburaso ni nsen wo. ³⁸ Bere kere diiri na bu kunnu yiiri ni, na ba sasa diire mbaa n bo wo ka n ago nzue n nu, adena lee bambaka n ka fafaki.

Kabo lee bambaka n sandiiri nu barasu ni

³⁹ Sanja bo ale ba ciinri ni, lee jumayofom nyuuri asien be, ba si má i, ama, na ba nyu ka nzue be ati ada bere, nyemie abara aye i. Na ba fa sunsunni ka nzen má bu koro yo, na ba boro bu nyi na bu fa lee bambaka n ko wura nyemie n nu na i kpama. ⁴⁰ Na ba nyangi lee bambaka n bulaari nonoorim n aji nzue n nu, na ba nyangi bakam bo bu fa kan lee n dee nyamam ni, na ba ye tani n bo i wo lee n tii su n angoro ka anuma n fa lee n ko, na bu sukan sukoh aheme. ⁴¹ Ama, na ba ko aju kunma kpiri sanjaabiri, na ba wura nyemie be nu, na lee bambaka n tii dika n aka akpama, wo koro akoh má. Na nzue nyama ni subo lee ni, na wo paparaki i sin dika ni. ⁴² Na sojam n asese su ka bu kun dansarakam n kere wo, adena má be wie kpie na i nyati ko. ⁴³ Ama, soja kpien n koroori ka i de Poolu tii ji n dee ti, na wo kete bu nyu ka má bu yo so. Na wo ma noo ka, bo bu si nzue wie n kere, bu du mo ti to nu na bu wie kpie kperere su, ⁴⁴ na minem bo bu kaari n kere nya so baka sinsinm, ni lee buebuem n nu, na bu wie ko ju aheme. Kabo i yoori na ya kere koro fiteeri nu, na pui ayo má be n lee.

28

Deke bo i yoori Poolu Malite lui bambaka n su n jore

¹ Sanja bo ya fiteeri nzue n nu wieeri ni, na ba se ya ka bu fere lui bambaka n ka Malite. ² Na mie n nufom ade ya na ba yo ya sakpa agaya. Nzue suto na ayere wo bere n dee ti, na ba toro sin ama ya, na ya kere atun. ³ Na Poolu atientien yee noo ago sin n nu, jaa pumpuni wo yee n nu, na sin n waranngu awura i, na wo fite akan i saa aka asense su. ⁴ Mie n nufom ni nyuuri ka woo n akan asense Poolu saa su so ni, na ba se bu nyu nu ka, “Ahin sono n ti sono kunfo o nahore su, haari ni bo wo koro afite n nzue n nu ni, i nyeme atin su, wo yo má daka ka i nya ngoo.” ⁵ Ama, na Poolu akpisi woo n aji sin n nu, wo nyu má yaari be. ⁶ Na minem n asunsun ka i ce má, i nyemie wura a, wara i kaba kpaasi wu. Ama, bu nyinda cerei na bu nyu má ka deke be ayo i ni, na ba kaaki bu sunsunni, na ba se ka, “I ti nyeme be wo.”

⁷ Deke bo ya sekeeri ni, fie be wo dodo do, i fo n ti lui bambaka n su sono anyumbaafoo, bu fere i ka Pubiliyosi. Na wo de ya wofoo nyunyumi, na ya ka ada i dika haari lesan. ⁸ Nyini sanja Pubiliyosi si gusu la má laifie, i da soro, i nyemie ado, na i suje totoko. Na Poolu awura soo n bo i da nu ni, na wo fa i saa anana i nyu, na wo sere Nyeme ama i, na wo nya laifie. ⁹ I yoori so n dee sin, na tukpakifom kere bo bu wo lui bambaka n su n gusu aba Poolu do, na wo tuntun bu, na ba nya laifie. ¹⁰ Na ba wura ya kpiri, na ba ce ya aceerim beberebe. Na sanja bo ya ba suyasu ka ya fa lee na ya ko ni, na ba fa deke kere bo i ti ya mieewa awura lee bambaka n nu ama ya.

Kabo Poolu yasu Malite na i ko juuri Roma mie kpiri n nu ni

¹¹ Ya woori do haari sara nsan, na ya nya fa lee bambaka be bo i fite Alekizanderiya dee mie kpiri n nu wo. Amoe ndaam anyaari seewa mata i. Fufuku sanja n dee ti, wo jina do ace. ¹² Na ya ko aju mie

kpiri n bo bu fere i ka Sarakusasi n su, na ya wo dɔ lesan. ¹³ Na ya nya akaaki ayasu bere beku, akɔ aju miɛ kpiri n bo bu fere i ka Regiyoni n su. Na i alecin, na anjuma abo i bu sukpiɛ fite ya nyunu ndiema saa bie su. Na i lennyɔ cɛɛn n na ya kɔ aju miɛ kpiri n bo bu fere i ka Potiyoli n su. ¹⁴ Na ya ɲu yaradayofɔ nbem dɔ, na ba sere ya ka ya wo bu dɔ lesa. Na ya nya yasu aba Roma miɛ kpiri n nu. ¹⁵ Saɲga bo yaradayofɔm n bo bu wo Roma n tiiri ya ɲga ka ya suba ni, na ba fite akpa ya atin, na ya ni bu nbem akɔ aye miɛ n bue bo bu fere i ka Apiyɔsi Gɔɔ n su, na ya ni bu nbem gusu akɔ aye Wɔfɔm Daabiri Awuru Nsan miɛ n nu. Saɲga bo Pɔɔlu ɲuuri bu ni, na wɔ da Nyeme asi, na wɔ nya ahoresi.

Kabo Pɔɔlu kaanri Yesu jɔre Roma miɛ kpiri n nu ni

¹⁶ Saɲga bo ya kɔ juuri Roma miɛ kpiri n nu ni, na ba ma Pɔɔlu atin ka i nya awuru be na yiri ni i tii suwo nu, na ba ma i soja kun ka i sunie i dika. ¹⁷ I woori dɔ i lesan, nyini sin, na Pɔɔlu afere Yudaɔm bo bu la anyunuyi na bu wo miɛ n nu ni, ka bu tien bu nɔɔ. Bu tien bu nɔɔ wieeri ni, na wɔ se bu ka, “M ninbaam, ma yo má ya minem n sa be, ma bu má ya nana sayoowa n be ɲgbɛɛn, ama, haari ni nyini mmɔɔ, bu taraari m Yerusalem miɛ kpiri n nu wɔ, na ba nya afa m awura Romaɔm saa nu. ¹⁸ Bere gusu bisaari m bisaawam wieeri ni, má bu ɲa bu fa m ji wɔ, dama ba ɲu má satie bo ma yo i na i ti ye ni ka bu kun m. ¹⁹ Ama, na Yudaɔm n akete ka má Romaɔm n yaki m nu ji, na wɔ yo daka ka m sere ka bu fa m jɔre n kɔ Romaɔm femɛ kpiri n dɔ, haari ni bo m la má jɔre be bo m fa jaraki m tienɲu minem ni. ²⁰ Nyini dɛɛ ti, ye m fere am a, na m jɔɔ am dɔ na am si bo i wo bere, ka, sɔnɔ n bo Yisarelifɔm yo i tama n dɛɛ ti, ye m wo ahin jɔɔkɔ n nu a.”

²¹ Na ba se ka, “Ya nya de má kadasi be Yudiyafɔm dɔ fa kɔ u jɔre su. Ya minem bo bu fiteeri dɔ baari n gusu, be nya kan má, wara i jɔɔ jɔre tie be fa kɔ u dɔ. ²² Ama, ya koro ka ya ti fite u dɔ kabo u sunsunni ti, dama ya si ka nyini atin n bo a bita i ni, deke kere bo a kɔ, mine jaraki i wɔ.” ²³ Na ba kpama cɛɛn ka bu tien bu nɔɔ. Nyini cɛɛn n na mine beberebe aba atien bu nɔɔ deke bo Pɔɔlu da ni. Na wɔ kan akere bu kabo Nyeme femɛya n atin ti barasu. Fite ɲgarama haari kɔɲgue, na wɔ boro i nyi na i ma bu si kabo Yesu ti barasu, fite kabo ba kere i Nyeme nɔanie kpamaawa kadasi n nu ni, ni kabo ba kere i Nyeme nɔanie kanfɔm dɛɛ kadasi n nu ni. ²⁴ Na bu nbem ade i nɔanie ni, ama, na nbem akete, ba yo má yarada. ²⁵ Nyini ti, bu nɔɔ ayo má kun, na ba yasu ka bu kɔ awuru, na Pɔɔlu ase bu jɔre kun be abuka su, i ɲa, “Nahɔre ye Nyeme Awiewie Casi n jɔɔɔri am jɔre n a. I yo maari Nyeme nɔanie kanfɔ Esaya seeri am nam ka,

²⁶ ‘Kɔ na a kɔ se nyini minem ka, Nyeme ɲa o,

Am só am sui ni nahɔre su,

ama, am tí má deke bo am so am sui ka am ti i n bu.

Am káaki nie ni nahɔre su,

ama, am ɲú má pui.

²⁷ Dama ahin minem tii ti kekereke,

ba tɔ bu sui na má bu ti,

ba kata bu nyumbaa na má bu ɲu.

Má nyini, bu nyumbaa ɲú i wɔ,

na bu sui tí,
 na bu sí bu ahore su,
 na bu káaki bu wo,
 na m má bu nya láifé.’ ”

²⁸ Na Póolu akun i jójóowa n nɔɔ, na wɔ se bu ka, “Nyini ti, m koro ka am si ka Nyeme asunma ya ka ya fa tiide labari kpa n kɔ ma minem bo bu ti má Yudafoɔm ni. Bere dé i a.” [²⁹ Na Póolu kaanri sɔ wieeri ni, na Yudafoɔm n ayasu afite ako ase akuruwa nyannyan bu nɔnɔ nu.]

³⁰ Na Póolu ade sɔɔ, na i suto kaari, na wɔ wo nu haari afo nnyɔ, na i sude minem kere bo bu ba i do ni, ³¹ na i sukan Nyeme femeya n nusu jɔre, na i sukere minem ya Mibié Yesu Kristo jɔre ni ahoresi, be akanda má i.

Pɔɔlu kadasi bo i kere fa maari ROMAFOM ni

¹ Mini Pɔɔlu sukere ahin kadasi n fa ma am a. M ti Yesu Kristo akɔɔɔ, ye wɔ fere m ka m kaaki i jaramasa, na wɔ yi m ka m kan labari kpa n bo i fite Nyeme dɔ n jɔre. ² Nyini labari kpa n ye Nyeme yo seeri ka i fá ma ya n a, na wɔ ma i nɔanie kanfom akere i nusu jɔre ase i jɔre kadasi n nu. ³ Nyini labari kpa n kere ya i Wa n jɔre wɔ, nzen ya nie i fa kɔ i adamande dee woowa su, bu yo wuuri i fiteeri Feme Davidi dee busu n nu n wɔ. ⁴ Ama, kabo Nyeme faari i yiko tengeeri i yiwee nu ni, nyini ma Awiewie Casi n kere ka i ti Nyeme Wa a, yiri la ya Mibie Yesu Kristo ni. ⁵ Yiri dee ti, ma di Nyeme ahɔroma, ye wɔ ma ma yo i jaramasa, adena i duma n dee ti, na m ma daanfie barasu kere de i nɔanie ni, na bu yo i yarada. ⁶ Amberɛ Romafom gusu, am wo nyini minem bo Nyeme afere bu n nu wɔ, ka am kaaki Yesu Kristo dee minem. ⁷ Tɔ, amberɛ bo am wo Roma mie kpiri n nu ni, ye m sukere ahin kadasi n ma am a. Amberɛ bo Nyeme koro am na wɔ fere am na am ayo i dee minem ni, ya Si Nyeme ni ya Mibie Yesu Kristo ma am wura bu ahɔroma nu na am nya ahoreda.

Kabo má Pɔɔlu koroori ka i kɔ nie Romafom busu ni

⁸ Ciciri su, Yesu Kristo dee ti, m da m Nyeme asi ma am kere, dama durunya n nufom kere ati kabo am ayo Yesu Kristo yarada ni. ⁹ Nyeme bo m su i ni m ahorembaa kun ni, na m kan i Wa n labari kpa n jɔre ni, yiri di m daani a, kabo m nati sere Nyeme ma am ni. ¹⁰ Sanja kere m sere i wɔ, ka nzen i ti i dee koroyanu, i teke atin ma m kisa, na i awieeri su na m koro ba nie am busu. ¹¹ Dama m nyunu aboro ka m bá nju am wɔ, adena m fa aceeri n bo i fite Awiewie Casi n dɔ ba ma am na am koro jina fanga kenken ni nyemesu ni. ¹² Nahɔre, i ti deke bo ya fa ma ya bejgu na ya nya ahoresi wɔ, m ni amberɛ kere, kabo ya yo Yesu yarada n dee ti.

¹³ M ninbaam, m koro ka am si ka sanja kere, má m koro ka m bá nie am busu wɔ, ama, m nya má atin. Má m koro ka m ba nya mine am nu ma Nyeme wɔ, kabo ma nya am bejgu nbem bo bu ti má Yudafom ni. ¹⁴ Dama wɔ yo daka ka m yo sɔ ma mine barasu kere, bo bu nyunu ateke, ni bo bu nyunu ateke má, ni bo ba sɔnsɔn kara, ni bo ba sɔnsɔn má kara. ¹⁵ Nyini dee ti, ye m ahore abi ka m ba kan labari kpa n jɔre kere amberɛ gusu bo am wo Roma mie kpiri n nu n a.

Yiko bo i wo labari kpa n nu ni

¹⁶ Nyinse ti má m fa kɔ labari kpa n su, dama yiri ti Nyeme yiko bo i ma sɔnɔ kere bo i yo yarada n nya tiide a, bo bu ti Yudafom ni du mɔ a, na bo bu ti má Yudafom n nya tɔ su. ¹⁷ Labari kpa n kere kabo Nyeme de sɔnɔ ka i yo sa bo i kɔ atin su i dɔ a. Sɔnɔ kere bo i yo yarada, i fite i yaradayo n dee ti ye Nyeme de i mi ka i yo sa bo i kɔ atin su i dɔ a, na nyini ma i yarada n yo biiwa. Kabo ba kere i Nyeme Jɔre Kadasi n nu ka, Nyeme ŋa, “Sɔnɔ bo i yo sa bo i kɔ atin su m dɔ, i nyá ŋɔɔ, i yarada n dee ti.”

Kabo adamande kere ayo satie ni

¹⁸ Nyeme wo angoro akere kabo wo fa yaa acin minem sui ni, bere bo bu sunsunni ti tie na bu yo satie ni, bu satie n dee ti, ba kete ka ma minem si Nyeme nahore su. ¹⁹ Deke bo i ti na wo fa yaa n la ka, ba nu deke n kere bo i ma bu si Nyeme ni, dama yiri ni i tii ayi i kpain afite fofoe nu. ²⁰ Fite sangha bo Nyeme yiiri durunya n ba juuri ni kisa, mine anu i woowa, i ti ma ka bu nyumbaa anu i kabo i ti barasu wo, ama, ba nu dekem bo wo yi bu ni. Nyini dekem ni kere ka i ti Nyeme nahore su a, ni kabo i la yiko bo i la ma awieeri ni. Nyini ti, be wo ma bere bo i koro se ka i si ma i. ²¹ Haari ni bo bu si i n kere, ba kete ka bu ma ma i jirima ka i ti Nyeme, na bu kaaki da ma i asi. Nyini dee ti, ye bu sunsunni kere aka ngbeen ye ngonle akpie bu su, ye bu ahorembaa ayo biri n a. ²² Bu bu bu nu ka bu ti ngonlefom wo, ama, bu ti sinnzinm wo. ²³ Jirima bo ma bu fa ma Nyeme bo i wo bere sangha kere ni, ba fa ama amom bo ba yo bu na bu ferema ni adamandem, ni lanjpetefom, ni ajaannam, ni cinbukunnusufom wo.

²⁴ Nyini dee ti, ye Nyeme ayaki bu ye bu yo bu kunnu koroowa n a, na bu suyo dangba sam bu nuju nu suwura bu nu nyinse. ²⁵ Dama ba kete Nyeme nahorefo ni, na bu nya susu kore su. Na bu su dekem bo Nyeme ayi bu ni, bu su ma yiri bo i yiiri deke n kere ni. Yiri dee la kansi sangha kere a. Ami. ²⁶ Ba kete Nyeme n dee ti, ye wo yaki bu a, na bu suyo nyinse sam kabo bu kunnu koro n a, haari na nbaram yaki nbiesom do daari, na bu sufa bu benggu nbaram da, na bu yo kabo ma wo yo ma daka ka bu yo ni. ²⁷ Na nbiesom n gusu yaki nbaram do daari, na bu la konviki agaya fa ko bu benggu nbiesom do, na bu ni bere sangha da ka bara ni bieso dee su. Nyini nyinse sam dee ti, ye ba nya suicin kabo wo yo daka ka bu nya i n a.

²⁸ Kabo ba kete ka bu si ma Nyeme ni, nyini ma wo yaki bu, ye bu sunsunni tie n ma bu yo sa bo ma wo yo ma daka ka bu yo i n a. ²⁹ Bu ahorembaa ayi ni satie barasu kere ngumi wo, bu konviki wura bu benggu nengem nu wo, na bu suyo bu bengum tie, na bu susi bu bengum kore, na bu sukun bu bengum, na bu sudi aluwa, na bu sudadaka bu bengum, na bu sukpo bu bengum, na bu sukan bu bengum jore, ³⁰ na bu susaaki bu bengum duma, na bu sukpo Nyeme, na bu sukpie bu bengum nzuko, na bu la karambani, na bu sufɔ, na bu susunsun kabo bu yo na bu yo satiem, na bu sukete bu wufom noanie, ³¹ na bu la ma ngonle, na bu yo ma sa bo ba se ka bu yo i ni, na bu koro ma minem, na bu si ma bu bengum anunfo. ³² Bu si kabo Nyeme akere ka, sono kere bo i nati yo so, wo yo daka ka i mi wu ni, haari ni nyini mmoo, bu toko yo nyini sam wo, ama, bo i ko tara i kere n la ka, bu jina mine bo bu gusu nati yo nyini sam ni sin wo.

2

Kabo Nyeme ba di sono kere jore barasu ni

¹ To, woro kere bo a kan nyini minem jore ni, a la ma kabo a yo na a kan fite nu Nyeme do. Dama jore n bo a kan jaraki u benggu na woro ni u tii yo nyini sam ni, nyini ma a kan jaraki u nu n a. ² Ya si kabo Nyeme di minem kere bo bu yo so n jore, na i jaraki bu ni, i jore diiwa n ti nahore wo. ³ Ye woro kere bo a kan minem n bo bu yo nyini sam n jore jaraki bu, na woro mmoo ni u tii yo so ni, a sunsun ka a koro fite

Nyeme jore diiwa n nu, nzen se? ⁴ Kabo Nyeme ayo sakpa bambaka ama u na i la mindi ni sawore ni, nzu ti ye a bu i ngbeen a? A si ma ka deke bo i ti na i yoori nyini sakpa n la ka, i koro ka a kaaki u wo wo, nzen se? ⁵ Ama, kabo a yo u ahorembaa kekereke na a kete ka a kaaki ma u wo ni, a sukpini suicin ma u nu wo lee, ceen n bo Nyeme ba di minem jore nahore su, na i cin bu sui na sono kere nu i ni. ⁶ Na i to sono kere nkatō kabo i sayoowa ti barasu. ⁷ Mine nbem dee la ka, bu mindi nati yo sakpa, na bu kpini kansi, ni jirima, ni anuniembaa bo i kpoto ma n busu ni, bere ye Nyeme ma bu ngoo bo i la ma awieeri n a. ⁸ Ama, minem bo bu nati yo anyii sam, na bu kete deke kere bo i ko atin su Nyeme do, na bu su satie atin su ni, bere ye Nyeme fa yaa bu nu na i cin bu sui n a. ⁹ Minem kere bo bu nati yo satie ni, bu di wahara na bu nu anyumboro, bo bu ti Yudafoṃ ni du mo nu nyini kekereke n a, na bo bu ti ma Yudafoṃ gusu nya to su. ¹⁰ Ama, minem kere bo bu nati yo sakpa ni, Nyeme ma bu nya kansi ni jirima ni ahoreda, bo bu ti Yudafoṃ ni du mo nya nyini deke kpam n a, na bo bu ti ma Yudafoṃ n gusu nya to su. ¹¹ Dama Nyeme tambu ma nu.

¹² Minem kere bo bu la ma Nyeme noanie kpamaawa n na bu yoori satie, bu ka ngbeen, haari ni bo bu la ma Nyeme noanie kpamaawa n ni. Na minem kere bo bu la Nyeme noanie kpamaawa n na bu yoori satie, bere ye Nyeme fa i noanie kpamaawa n di bu jore, na i bo bu asi a. ¹³ Ma minem bo bu sui ti Nyeme noanie kpamaawa ni ye Nyeme de bu ka bu yo sa bo i ko atin su i do a. Ama, bo bu yo kabo Nyeme noanie kpamaawa n kere ni, bere ye Nyeme de bu ka bu yo sa bo i ko atin su i do a. ¹⁴ Minem bo bu ti ma Yudafoṃ na bu la ma Nyeme noanie kpamaawa ni, ama, na bu yo kabo noanie n kere ni, bu sunsunni ni bu ahorembaa kpa n dee ti, bere ni bu tii akpama noanie ama bu nu lee. ¹⁵ Kabo ba de i so ni, nyini kere ka Nyeme noanie kpamaawa n wo bu ahore su a, na bu sunsunni gusu kere ka i ti so o, na i kaaki jaraki bu ka ba yo sa bo i ko ma atin su, wara i koro jina bu sin ka ba yo sa bo i ko atin su. ¹⁶ Nyini kere yo ceen bo Nyeme ma Yesu Kristo ba di adamande kere jore bo i wo asiri nu n wo. M labari kpa n bo m kan i kere mine ni, kabo m kere i lee.

Yudafoṃ ni Nyeme noanie kpamaawa n jore

¹⁷ Ambere bo am na am ti Yudafoṃ, na am daafi Nyeme noanie kpamaawa n nu, na am fa fo ka am si Nyeme ni, ¹⁸ na am si kabo Nyeme koroowa ti, na am sunsun nyunyumi, na am yi sa bo i ti kpa, dama am asi Nyeme noanie kpamaawa n kere awie, ¹⁹ am yo am nu ka ambere bita anyinsinm kpama a, na am ti wein ma minem bo bu wo awosin nu ni. ²⁰ Am na ambere teke minem bo bu la ma ngonle nyi a, na am kaaki kere minem bo bu ti ka nbaatumam ni, dama am na am si Nyeme noanie kpamaawa n dee ti, am sunsun ka am si ngonle ni nahore kere bo i wo i nu ni. ²¹ Ambere bo am kere minem ni, nzu ti ye am kere ma am nu a? Ye ambere bo am se minem ka ma bu wo ni, am wo, nzen am wo ma? ²² Am na ma be saaki ajaa ciire ni, ye am saaki i, nzen am saaki ma i? Am na am koro ma amoe jore ni, ye am wo nengem amoe soom n nu, nzen am wo ma? ²³ Ambere bo am bita Nyeme noanie kpamaawa n fa fo ka am si i, na am su ma i su ni, ambere kaaki wura Nyeme nyinse a. ²⁴ Kabo ba kere i Nyeme jore

Kadasi n nu ni, ka, “Amberɛ Yudafoɔm dɛɛ ti, ye minɛm bo bu ti má Yudafoɔm jɔɔ wura Nyɛmɛ nɔasi nu a.”

²⁵ Nzen am yo kabo Nyɛmɛ nɔasi kpamaawa n kere ka am yo ni, nyini yiri, am kenkenne n bo am awura i n la kperɛ. Ama, nzen am yo má kabo nɔasi kpamaawa n kere ni, i ti ka am awura má kenkenne lɛɛ. ²⁶ Nzen bo ba wura má kenkenne n yo kabo Nyɛmɛ nɔasi kpamaawa n kere ka bu yo ni, Nyɛmɛ de bu ka ba wura kenkenne wɔ lɛɛ. ²⁷ Nyini ti, i sukere ka, berɛ n bo ba wura má kenkenne na bu yo kabo Nyɛmɛ nɔasi kpamaawa n kere ni, bu dí amberɛ Yudafoɔm jɔɔ jaraki am, dama am awura kenkenne na am la nɔasi kpamaawa ni, ama, am yo má kabo i kere ni. ²⁸ Dama má Yudafoɔm bo ba wura kenkenne anuniɛmbaa su ni ngumi ti Yudafoɔm nahɔɛ su a. ²⁹ Ama, sɔnɔ bo i ti Yudafoɔ nahɔɛ su la bo wɔ kaaki wo i ahorembaa su ni, na kenkenne wuraawa nahɔɛ su fite ahorembaa su wɔ, Nyɛmɛ Awiewie ni kaaki sɔnɔ a, má nɔasi kpamaawa ni. Nyini sɔnɔ sɔ, Nyɛmɛ kansi i a, má adamande.

3

¹ Tɔ, bo bu ti Yudafoɔm ni, bu la nzu kperɛ wɔ? Ye kenkenne wura buka nzu wɔ? ² Nahɔɛ, Yudafoɔm tara minɛm bo bu ti má Yudafoɔm ni deke dɔngɔ nu. Ciciri su, Nyɛmɛ du mɔ faari i nɔasiɛm n wuraari berɛ saa nu a, ka bu nie i su. ³ Ye nzen Nyɛmɛ fa wuraari berɛ saa nu a, ye bu nbem ayo má yarada, nyini kere ka Nyɛmɛ la má dabuɔ lɛɛ, nzen sɛ? ⁴ Ai, má sɔ. Haari ni bo sɔnɔ kere ti kɔɛfoɔm ni, Nyɛmɛ yiri ti i nahɔɛfoɔ ɔ, kabo ba kɛɛ i Nyɛmɛ Jɔɛ Kadasi n nu ni, ka, “Deke bo a kan ni, bu nɔ ka nyini ti nahɔɛ a, na nzen bu di u jɔɛ jarakiiri u, a kúnma bu.”

⁵⁻⁶ Ye nzen ya satiem n bo ya yo bu n kere kabo Nyɛmɛ yo sa bo i kɔ atin su, na i cin ya sui, ya koro se ka wɔ yo má sakpa, nzen sɛ? Ai, má sɔ. Adamande sunsunni lɛɛ. Nzen Nyɛmɛ yo má sa bo i kɔ atin su, i yo se koro di durunya n nufɔm jɔɛ a? ⁷ Be koro se ka nzen m bu kɔɛ, na i ma minɛm nɔ kabo Nyɛmɛ nahɔɛ ti barasu, adena bu ma i jirima, ye nzu ti ye i di m jɔɛ cin m sui ka m ti satieyofɔ a? ⁸ I ti kabo mine nbem nati kan wɔ, bu nɔ, am ma ya yo satie adena Nyɛmɛ ba ma i kaaki sakpa. Bu kpɛ m nzukɔ ka mini mmɔɔ se sɔ ɔ. Bu bu kɔɛ wɔ. Nyɛmɛ dí bu jɔɛ na i cin bu sui.

Be wo má berɛ bo i yo sa bo i kɔ atin su sanga kɛɛ

⁹ Tɔ, ya se sɛ wɔ? Yɛɛ bo ya ti Yudafoɔm ni, ya tara bo bu ti má Yudafoɔm n nzu nu wɔ? Ai, ya tara má bu pui, dama ma du mɔ ase am ka yɛɛ Yudafoɔm ni, ni bo bu ti má Yudafoɔm n kɛɛ ti satieyofɔm wɔ.

¹⁰ Kabo ba kɛɛ i Nyɛmɛ Jɔɛ Kadasi n nu ni, ka,

“Be wo má berɛ bo i yo sa bo i kɔ atin su, haari sɔnɔ kun n kpein mmɔɔ.

¹¹ Be wo má berɛ bo i la ngɔnle,

be wo má berɛ bo i nienie Nyɛmɛ busu.

¹² Sɔnɔ kɛɛ akaaki bu sin abo Nyɛmɛ dɛɛ atin ni, bu kɛɛ aka ngbɛɛn, be wo má berɛ bo i yo sakpa,

haari sɔnɔ kun n kpein mmɔɔ wo má berɛ.”

¹³ Ba kaaki akɛɛ ka,

“Bu konvi ti ka fanɔkunma bo ba teke i su wɔ,

na bu fa bu taferema sudadaka minem.”

“Na jore bo i fite bu nɔɔ nu yo ya ka pumpuni bore wo.”

¹⁴ “Nzukolee ni jore tie ngumi fite bu nɔɔ nu a.”

¹⁵ “Bu ce má na bu yi mine ngɔɔ ndende.

¹⁶ Deke kere bu ko, bu dee la ka bu yo minem ngbeengbeeen,
na bu saaki bu.

¹⁷ Bu dee la ka bu nati sukpini jore, bu koro má tanalaife.”

¹⁸ “Bu nyunu yi má Nyeme, nyini dee ti, bu soro má i.”

¹⁹ Ya si ka deke n kere bo ba kere i Nyeme nɔɔnie kpamaawa n nu ni, i jɔɔ ni Yudafoɔm bo bu su i su n wo, adena má be koro teke i nɔɔ kan jore be, ama, durunya n nufom kere bá jina Nyeme nyunu na i dí bu jore na i cín bu sui. ²⁰ Dama be wo má bere bo i koro se ka i su nɔɔnie kpamaawa n su dee ti, ye Nyeme de i ka i yo sa bo i ko atin su i do a, ama, nɔɔnie kpamaawa ni ma minem si ka bu ti satieyofom a.

Kabo Nyeme na sɔɔ yo sa bo i ko atin su i do ni

²¹ Ama, kisa Nyeme ayi akere ya kabo ya yo sa bo i ko atin su i do, má yiri la bo ya su nɔɔnie kpamaawa n su ni, ama, yiri la bo nɔɔnie kpamaawa n ni Nyeme nɔɔnie kanfom diiri i nɔɔni daani ka i yó n wo. ²² Yiri la ka, sɔɔ kere bo wo yo Yesu Kristo yarada, yiri ye Nyeme na i yo sa bo i ko atin su i do a, nyini ti, ya la má kpakpaakinu, ²³ dama sɔɔ kere ayo satie afun Nyeme jirima woowa ni, ²⁴ ama, Yesu Kristo ade sɔɔ kere tii aji, nyini dee ti ye Nyeme na sɔɔ kere ayo sa bo i ko atin su i do n a, i ti Nyeme aceeri wo. ²⁵⁻²⁶ Yiri Yesu ye Nyeme ma i deeru adamande jinaabiri n a, na wo fa i nɔɔni ayo woowa na wo wu, adena nzen minem yoori i yarada, i mbunja n dee ti, Nyeme fá bu satie ce bu. Deke bo i ti na Nyeme yoori so n la ka, i koro ka i kere kabo yiri ni i tii yo sa bo i ko atin su n wo, dama dawa sanja Nyeme yo laari sawore fa ko minem bo bu yo satie n do. Ama, kisa wo kere ka yiri ni i tii yo sa bo i ko atin su wo, na sɔɔ kere bo i yoori Yesu yarada, Nyeme de i mi ka yiri yo sa bo i ko atin su i do a.

²⁷ Nyini dee ti, nzu deke ye ya koro fa fo a? Deke be wo má bere. Nɔɔnie kpamaawa ni ma minem yo sa bo i ko atin su Nyeme do a, nzen se? Ai, má so. Ama, bo minem yo Yesu yarada n dee ti a. ²⁸ Ya nie ka deke bo i kere ka Nyeme de sɔɔ ka i yo sa bo i ko atin su i do n la kabo wo yo Yesu yarada n wo, má ka i su nɔɔnie kpamaawa n su n dee ti a. ²⁹ I ti nahore wo, ka Nyeme ti má Yudafoɔm ngumi Nyeme, i ti bo bu ti má Yudafoɔm n gusu Nyeme wo. ³⁰ Nyeme ti kun wo. Yarada n dee ti, ye Nyeme na Yudafoɔm bo ba wura kenkenne n yo sa bo i ko atin su i do a, ye minem bo bu ti má Yudafoɔm na bu wura má kenkenne ni, bu yarada ma Nyeme de bu ka bu yo sa bo i ko atin su i do a. ³¹ Nyini sukere má ka ya yo Yesu yarada n dee ti, ya fa má nɔɔnie kpamaawa n yo má juma a. I ti má so, ama, nyini ma ya bita nɔɔnie kpamaawa n kenken a.

4

Kabo Abraham yoori Nyeme yarada barasu ni

¹ To, am ma ya nie ya na Abraham jore. Ya busu nu, yiri ti ya kere na a. ² Nzen má i sakpa woowa dee ti ye Nyeme ade i ka i yo sa bo i ko atin su i do, má i koro fa fo yanfoya, ama, Nyeme do, i ti má so. ³ Dama ba kere i Nyeme jore Kadasi n nu ka, “Abraham yoori Nyeme yarada,

nyini dɛɛ ti ye Nyemɛ ade i ka i yo sa bo i kɔ atin su i dɔ n a.”⁴ Nzen sɔnɔ yo juma na ba tɔ i kaari, i ti má ka bu ɲa ba ce i aceeri wɔ, i ti i juma ni ɲkato ɔ.⁵ Ama, sɔnɔ bo i yoori yarada, má ka i sakpa bo wɔ yo i n dɛɛ ti ye Nyemɛ ade i ka i yo sa bo i kɔ atin su i dɔ n a, ama, wɔ yo yarada ka Nyemɛ de satieyofɔ ka i yo sa bo i kɔ atin su i dɔ n dɛɛ ti a.⁶ Fɛmɛ Davidi mmɔɔ yo kaanri nyini minem ɲusu jɔrɛ, ka i mi la terefie, dama Nyemɛ ade i ka i yo sa bo i kɔ atin su i dɔ, má ka i sakpa n dɛɛ ti a. I ɲa,

⁷ “Terefie wo bu dɔ, minem bo Nyemɛ fa bu ɲgasi ce bu ni.

Terefie wo bu dɔ, minem bo Nyemɛ kata bu satie su ni.

⁸ Terefiefo la sɔnɔ bo Micɛra n ɲa i la má satie be ni.”

⁹ Tɔ, minem bo bu wuraari kenkenne n ɲgumi la nyini terefie ni, nzen sɛ a? Ai, minem bo bu wura má kenkenne ni mmɔɔ la i. Dama ya du mɔ ase ka, Abraham yarada n dɛɛ ti ye Nyemɛ ade i ka i yo sa bo i kɔ atin su i dɔ n a.¹⁰ Saɲga bɔnɔ ye Nyemɛ seeri sɔ n a? Nyini saɲga Abraham awura kenkenne, nzen wɔ nya wura má? Ai, nyini saɲga wɔ nya wura má.¹¹ Nyini saɲga n sin, ye i ba wuraari kenkenne n a. Na i kenkenne wuraawa n kere ka i yarada n dɛɛ ti ye Nyemɛ deeri i ka i yo sa bo i kɔ atin su i dɔ, saɲga bo i nya wura má kenkenne ni. I yoori sɔ ni, adena yiri Abraham bá yo minem bo ba yo yarada n kere si, haari ni bo ba wura má kenkenne ni, ye Nyemɛ ade bu ka bu yo sa bo i kɔ atin su i dɔ n a.¹² Yiri gusu kaaki ti minem bo ba wura kenkenne n si a, má ka ba wura kenkenne n dɛɛ ti, ama, bo ba yo yarada kabo i yoori yarada saɲga bo i nya wura má kenkenne ni.

¹³ Nyemɛ yo seeri Abraham ni i busu nufɔm ka i fá durunya n kere ce bu ni, má ka i su Nyemɛ nɔanie kpamaawa n su dɛɛ ti a, ama, kabo wɔ yo Nyemɛ yarada n ti ye Nyemɛ deeri i ka i yo sa bo i kɔ atin su i dɔ a.¹⁴ Nzen mine su Nyemɛ nɔanie kpamaawa n su ye bu nya deke n bo Nyemɛ seeri ka i cé bu ni, nyini la ka yaradayo n ti ɲgbɛɛn wɔ lɛɛ, na kabo Nyemɛ ase n gusu la má kperɛ.¹⁵ Nzen minem saaki nɔanie kpamaawa ni, nyini ma Nyemɛ fa yaa na i cin bu sui a, ama, nzen má nɔanie kpamaawa be wo má berɛ, má deke be wo má berɛ bo i kere ka sɔnɔ ayo satie.

¹⁶ Nyini ti, deke bo Nyemɛ yo seeri ka i fá ma ni, i baari minem bo bu yo yarada n dɛɛ ti wɔ. I yoori sɔ ni, adena deke n bo i yo seeri ka i yó n yó aceeri kpama ma Abraham busu nufɔm kere, má bo bu su nɔanie n kpamaawa n su ɲgumi, ama, bo ba yo yarada kabo Abraham yoori ni. Yiri ti ya kere si a,¹⁷ kabo ba kere i Nyemɛ Jɔrɛ Kadasi n nu ni, ka, Nyemɛ ɲa o, “M má a yo mine barasu dɔɲgu si.” Nyemɛ ɲuuri ka Abraham ayo yarada ka yiri Nyemɛ tenge minem bo ba wu n yiwee nu, na yiri ma deke n bo i yo wo má berɛ n wo berɛ a.¹⁸ Nyini ti, saɲga bo Abraham yoori yarada na i la tama ni, i ti kekereke na i yo tama ka i bá yo mine barasu dɔɲgu si, kabo ba kere i Nyemɛ Jɔrɛ Kadasi n nu ka, “U busu nufɔm bá sunnu beberebe ni.”¹⁹ Haari ni saɲga bo wɔ ju afɔ yaa, na i si ka wɔ yo kpɛɛn ni, na i yi Saara ti ɲɔrɔka na wɔ yo buke n kere ni, i ɲunie ayɔrɔki má i, i yoori yarada a.²⁰ Wɔ yo má sika fa kɔ deke bo Nyemɛ seeri ka i yó i n su, ama, yarada n bo i yoori i n dɛɛ ti, na wɔ nya faɲga na wɔ kansi Nyemɛ.²¹ Na wɔ si tenle su ka Nyemɛ koro yo deke n bo i yo seeri ka i yó i ni.²² Abraham yoori yarada a, nyini dɛɛ ti ye Nyemɛ ade i ka i yo sa bo i kɔ atin su i dɔ n a.

²³ Kabo ba kere i ka, Nyeme ade i ka i yo sa bo i ko atin su i do ni, ma Abraham ngumi dee ti ye bu kereeri i so a, ²⁴ ama, yere gusu dee ti ye bu kereeri so n a, yere bo Nyeme ba de ya ka ya yo sa bo i ko atin su i do n na ya yo i yarada ni, yiri bo i tengeeri ya Mibie Yesu i yiwee n nu ni. ²⁵ Ya satie dee ti ye Yesu wuuri a, na wo tenge i yiwee n nu, adena Nyeme de ya ka ya yo sa bo i ko atin su i do.

5

Kabo Nyeme ade ya ka ya yo sa bo i ko atin su ni

¹ To, ya yo yarada, na Nyeme ade ya ka ya yo sa bo i ko atin su i do ni, ye ya ni yiri afien ayo dongu a, ya Mibie Yesu Kristo dee ti. ² Yesu Kristo dee ti ma ya la atin jina deke bo ya wo kisa n a, yiri la Nyeme ahoroma n bo wo fa ama ya ni, na ya la ahorejo, dama ya la tama ka ya nya Nyeme dee jirima woowa n be. ³ Na nzen ya gusu la ahorejo sanja bo ya di wahara, ya si ka wahara di ni ma ya mindi a. ⁴ Nzen ya la mindi, nyini ma ya la wo kpa a, nzen ya la wo kpa, nyini ma ya la tama a. ⁵ Na tama n bo ya la i ni, i ma ya di ma nyinse, dama Nyeme afa i Awiewie Casi n ama ya, yiri ma ya si ya ahore su kabo Nyeme koro ya agaya barasu a.

⁶ Sanja bo ya la ma fanga mmoo ni, nyini sanja n ye Kristo ba wu maari satieyofom n a. ⁷ I ti kekereke ka sono soro su na i to i ngoo na i wu ma sono bo i yo sa bo i ko atin su, ama, beni, be koro fa ahoresi na i soro su na i de sono bo i yo sakpa agaya jinaabiri na i wu ma i. ⁸ Ama, Nyeme yiri akere ya kabo i koro ya barasu, dama sanja bo ya toko yo satiem ni, ye Kristo ba wu maari ya a. ⁹ Nyini dee ti, i yiwee n bo i wu maari ya ni, ye Nyeme ade ya ka ya yo sa bo i ko atin su i do n a, nyini ti, i ti nahore wo ka i de ya fite suicin n bo Nyeme fa cin satieyofom ni. ¹⁰ Sanja bo ya yo ti Nyeme kpofom ni, ye i wa Yesu wu maari ya n a, na wo yo ya ni Nyeme afien dongu, kisa na ya ni Nyeme afien ayo dongu ni, i de ya tii ji nahore su, dama Yesu la ngoo n dee ti. ¹¹ Ma nyini ngumi a, ama, ya la ahorejo na ya bo tuntun Nyeme ya Mibie Yesu Kristo dee ti, dama wo yo ya ni Nyeme afien dongu.

Adam ni Yesu Kristo jore

¹² Am ma ya tenge ya kere na Adam jore su. Yiri sono kun dee sa bo i yoori i ni faari satie baari durunya n nu a, ye satie n gusu faari yiwee ba kuunri sono kere n a, dama sono kere yo satie wo. ¹³ Satie yo woori durunya n nu ka, ye Nyeme nya ba faari i noanie kpamaawa n maari a, ama, sanja bo Nyeme nya fa ma i noanie kpamaawa n ma ma ni, minem yo kan ma satie jore, dama noanie kpamaawa be wo ma bere n dee ti. ¹⁴ Ama, haari nyini mmoo, fite Adam sanja n kere ko ju Moyisi sanja ni, yiwee la yiko kun minem so o, haari ni bo ba yo ma satie kabo Adam yoori ni. Adam woowa kere ya deke be fa ko yiri n bo i ba ba n jore a.

¹⁵ Ama, aceeri n bo Nyeme afa ama ya ni, i ti ma ka Adam dee satie ni. Sono kun satie dee ti ye mine dongu wuuri a, ama, deke bo i tara i kere n la ka, mine dongu anya ahoroma bambaka, i ti aceeri bo i fite Nyeme do o, sono kun ahoroma dee ti. Yiri la Yesu Kristo. ¹⁶ Bekun, Nyeme aceeri n ti ma ka sono kun n dee satie ni, dama sono kun n dee satie ni, nyini ma Nyeme di mine jore cin bu sui a, ama, mine dongu

satie bo ba yo i n dɛɛ sin, ye Nyemɛ ace bu aceeri a, na wɔ de bu ka bu yo sa bo i kɔ atin su i dɔ. ¹⁷ Ya ŋu ka sɔnɔ kun dɛɛ satie ti, ye yiwee la yiko kun mine sɔ n a, yiri sɔnɔ kun n satie dɛɛ ti. Ama, deke bo i tara i kɛrɛ n la kabo mine anya ŋɔɔ adi fɛmɛya n wɔ, dama ba nya ahɔrɔma bambaka n bo i ti Nyemɛ aceeri ni, Nyemɛ ade bu ka bu yo sa bo i kɔ atin su i dɔ a. I kɛrɛ fite sɔnɔ kun n dɛɛ ti wɔ, yiri la Yesu Kristo.

¹⁸ Nyini ti, kabo sɔnɔ kun dɛɛ satie ti na Nyemɛ di minɛm kɛrɛ jɔrɛ cin bu sui ni, sɔ bekun ye sɔnɔ kun dɛɛ sakpayo ni ma Nyemɛ de minɛm kɛrɛ ka bu yo sa bo i kɔ atin su i dɔ na bu nya ŋɔɔ a. ¹⁹ Na kabo sɔnɔ kun keteeri Nyemɛ nɔaniɛ n na minɛm kɛrɛ ayo satieyofom ni, sɔ bekun ye sɔnɔ kun gusu ade Nyemɛ nɔaniɛ n a, nyini ye Nyemɛ dé minɛm kɛrɛ ka bu yo sa bo i kɔ atin su i dɔ a. ²⁰ Nyemɛ faari i nɔaniɛ kpamaawa n kereeri a, na mine si kabo satieyo asunnu barasu a, ama, deke bo satieyo sunnu, Nyemɛ ahɔrɔma n bo wɔ fa ama n sunnu tara sɔ. ²¹ Nyini ti, kabo satie la yiko na i ma yiwee kun minɛm sɔ ni, sɔ ye Nyemɛ ahɔrɔma n dɛɛ ti, ye i de minɛm ka bu yo sa bo i kɔ atin su i dɔ a, na bu nya ŋɔɔ bo i la má awieeri a, ya Mibiɛ Yesu Kristo dɛɛ ti.

6

Yesu Kristo dɛɛ ti ya la ŋɔɔ

¹ Tɔ, ye ya se sɛ wɔ? Ya koro kɔ su suyo satie, adena Nyemɛ ahɔrɔma buka su, nzen sɛ? ² Ai. I koro yo má sɔ. I ti ka ya ti minɛm bo ba du mɔ awu wɔ, fa kɔ satie su. Ye nzu ti ye ya toko yo satie bekun a? ³ Am si má Nyemɛ nzue n biɛ n bu wɔ? Yɛrɛ bo bu biɛeri ya Nyemɛ nzue ni, ya ni Yesu Kristo ayo kun lɛɛ, na ya ni yiri asanɔa awu yiwee kun lɛɛ. ⁴ Sanɔa bo bu biɛeri ya Nyemɛ nzue ni, i ti ka ya ni Yesu asanɔa awu, na ba kaaki ase ya ni yiri wɔ lɛɛ. Na kabo ya Si Nyemɛ Yikofɔ n tenɔgeeri Yesu i yiwee nu ni, sɔ ye i má ya gusu nya nyini ŋɔɔ fɔfɔrɛ n a.

⁵ Ya ti kabo i ti n wɔ, sanɔa bo i wuuri ni, sɔ ye wɔ yo daka ka ya bá ti kabo i ti n a, i yiwee tenɔge n nu. ⁶ Ya si ka, ya woowa dawa ni, ba sanɔa akpama i ni Kristo i baka jaanu n su, adena má ya yo akɔɔm fa kɔ satie su kun, dama anuniɛmbaa n bo i yo satie n wo má bɛrɛ kun. ⁷ Dama sɔnɔ kɛrɛ bo wɔ wu, wɔ de i tii afite satie nu lɛɛ. ⁸ Tɔ, kabo ya ni Kristo sanɔa wuuri ni, sɔ ye ya yo yarada ka ya ni yiri sanɔa nya ŋɔɔ a. ⁹ Ya si ka Kristo tenɔgeeri i yiwee n nu ni, i wú má kun, dama yiwee la má i ŋusu yiko kun. ¹⁰ Yiwee n bo i wuuri ni, i wuuri kpekun n kpein wɔ, na i yi satie, ama, ŋɔɔ n bo i la i ni, i wo Nyemɛ dɛɛ wo wɔ. ¹¹ Sɔ ye i ti ye ni ka ambere ni am tii si ka am awu fa kɔ satie su a, na am ni Yesu ayo kun, ye am la ŋɔɔ wo Nyemɛ dɛɛ wo a.

¹² Nyini ti, má am ma satie la yiko fa kɔ am anuniɛmbaa n su, na am yo am kunnu koroowa. ¹³ Má am fa am anuniɛmbaa be ma satie, na i kaaki deke bo i yo satie, ama, am fa am ŋu ma Nyemɛ ka minɛm bo ba tenɔge yiwee nu anya ŋɔɔ kisa, na am fa am anuniɛmbaa n kɛrɛ ma Nyemɛ na i fa am yo deke bo i yo sa bo i kɔ atin su. ¹⁴ Satie la má yiko fa kɔ am dɔ, dama Nyemɛ nɔaniɛ kpamaawa n niɛ má am su kun, ama, Nyemɛ ahɔrɔma ni niɛ am su a.

Minɛm bo ba kaaki sa bo i kɔ atin su akɔɔm

¹⁵ Tɔ, nzu bekun a? Kisa, Nyeme nɔanie kpamaawa n nie má ya su kun, ama, Nyeme ahɔɔma ni nie ya su a. Nyini ti, ya koro yo satie, nzen se? Ai, má sɔ. ¹⁶ Am si ka nzen am faari am ny maari be na am deeri i mi nɔanie, am ti i mi n akɔɔ ɔ lɛɛ. Kabo i nya ti sɔ ni, nzen am faari am ny maari satie, am ti satie akɔɔ ɔ, na am wú ɔ lɛɛ. Ama, nzen am gusu deeri Nyeme nɔanie ni, i dé am ka am ayo sa bo i kɔ atin su i dɔ ɔ lɛɛ. ¹⁷ Sanja be am yo ti satie akɔɔm wɔ, ama, kisa ya da Nyeme asi ka Nyeme nɔanie n bo bu fa kereeri am, na am ade i ni am ahorembaa kere ni, ¹⁸ am ade am tii afite satie nu lɛɛ, am akaaki sa bo i kɔ atin su n akɔɔm wɔ. ¹⁹ M fa adamande dɛɛ woowa, ye m fa kere kabo Nyeme ti a, dama am suti má i bu. Am yo fa am nuniembaa n be yoori dangba sam wɔ, ni satie barasum wɔ, nyini ma am saaki nɔanie kpamaawa n a, sɔ ye kisa am fa am nuniembaam yo sa bo i kɔ atin su, nyini ma am yo Nyeme mine casim a.

²⁰ Sanja bo am yo ti satie akɔɔm ni, be mie má am ka am yo sa bo i kɔ atin su. ²¹ Satiem bo am yo yoori bu ni, nzu kperɛ ye am nyaari i a? Pui. Kisa, bu ti am nyinse wɔ, na i awieeri kere la yiwee wɔ. ²² Ama, kisa na am ade am tii afite satie nu, na am ayo Nyeme akɔɔm ni, kperɛ bo am anya i ni, yiri la bo am ayo i mine casim ni, na i awieeri, am nyá ngɔɔ bo i la má awieeri ni. ²³ Dama satie nkato la yiwee wɔ, ama, Nyeme aceeri n bo wɔ fa ama ya n la ngɔɔ bo i la má awieeri na i wo ya Mibie Yesu Kristo nu n wɔ.

7

Ajaa woowa kere kabo atin fɔfɔre n ti barasu a

¹ Tɔ, m ninbaam, m sujɔɔ ambere bo am si nɔanie kpamaawa ni dɔ a. Am si má ka nzen sɔnɔ toko la ngɔɔ, ye nɔanie kpamaawa n nie i su a? Ama, i nya wu wieeri, i koro nie má i su kun. ² Ya fa i ka, nzen bara aja, na i hun toko la ngɔɔ, nɔanie kpamaawa n ma má atin ka i yaki i ajaa, ama, nzen i hun n nya wuuri, i la atin bo i koro kɔ ja biesɔ fɔfɔre. ³ Nyini ti, nzen i hun n toko la ngɔɔ na i kɔ jaari biesɔ fɔfɔre, bu fére i ka bara bo wɔ saaki ajaa ciire wɔ, ama, nzen i hun n awu ye i kɔ jaari biesɔ fɔfɔre, nɔanie kpamaawa n ma i atin wɔ, wɔ saaki má ajaa ciire lɛɛ. ⁴ Tɔ, nyini ti, m ninbaam, i ti sɔ ɔ lɛɛ, ambere mmɔɔ dɔ. Kabo am ni Kristo ayo kun na wɔ wu ni, bu sanja kuunri am ni yiri wɔ lɛɛ. Nyini ti, nɔanie kpamaawa n nie má am su kun, nyini ma am la atin na am kaaki be dɛɛm n a. Nyini la ka, am ti Kristo dɛɛm wɔ lɛɛ, yiri bo i tengeeri i yiwee n nu ni. Deke n bo i ti na i yo sɔ n la ka, ya koro yo sakpa ma Nyeme. ⁵ Sanja bo ya yo su ya adamande woowa su ni, ya koroowa la ka, ya sufa ya nuniembaam suyo satiem, nɔanie kpamaawa n dɛɛ ti. Nyini satiem n awieeri la yiwee wɔ. ⁶ Ama, kisa, ya nya ya tii afite nɔanie kpamaawa n bo i yo nie ya su ni, dama ya wu wɔ. Nyini ti, ya su Nyeme wɔ, ya su má atin dawa n bo i su nɔanie kpamaawa n bo ba kere ase n su, ama, ya su Nyeme ni atin fɔfɔre n bo Awiewie Casi n afa ama ya ni su a.

Kabo nɔanie kpamaawa n ma mine yo satie barasu ni

⁷ Tɔ, ye ya se se wɔ? Ya koro se ka nɔanie kpamaawa n ti satie, nzen se? Ai, má sɔ. Nzen má nɔanie kpamaawa n awo má bere, má m si má kabo satie ti. Dama nzen má nɔanie kpamaawa n ase má ka, “Má

a ma u konviki wura be dɛɛ nenje nu,” má m si má ka nzen u konviki wuraari be dɛɛ nenje nu, i ti satie wɔ. ⁸ Nɔɔnie maawa n bo i seeri sɔ n dɛɛ ti, satie anya atin m ahore su, nyini ma m la konviki barasu barasu fa kɔ minem nenje nu n a. Nyini kere ka nzen nɔɔnie kpamaawa n wo má bere, satie la má yiko, i ti ka deke bo wɔ wu wɔ. ⁹ Saŋga be m yo la ŋɔɔ ɔ, na m si má nɔɔnie kpamaawa n jɔre, ama, saŋga bo nɔɔnie maawa n baari ni, na wɔ ye satie su m ahore su, ¹⁰ na ma wu. Na ma ŋu ka nɔɔnie maawa n bo má i ma ŋɔɔ ni, mini dɔ, i faari yiwee baari a. ¹¹ Nɔɔnie maawa n dɛɛ ti, ye satie anya atin awura m ahore su adadaka m, ye i kun m a. ¹² Nyini kere kere ka nɔɔnie kpamaawa n ni i tii, ti deke kpa fite Nyeme dɔ ɔ, na nɔɔnie maawa kun kun n kere ti deke kpa a, na i kere sa bo i kɔ atin su.

¹³ Nyini ti, nɔɔnie kpamaawa n bo i ti kpa ni, wɔ ma ma wu wɔ, nzen se? Ai, má sɔ. Ama, satie fa nyini nɔɔnie kpa n su wɔ, ye i ma m wu a, adena satie kere kabo i ti barasu nahore su, na nɔɔnie maawa n ma minem si kabo satie ti deke tie agaya ni.

Woowa barasu nnyɔ bo i wo adamande nu ni

¹⁴ Ya si ka nɔɔnie kpamaawa n ti awiewie jɔre wɔ, ama, mini yiri, m bita adamande dɛɛ woowa a, na m ti satie akɔɔ. ¹⁵ Sam bo m yo bu ni, m koro si má deke n bo i ti na m yo bu ni, dama deke n bo m koro ka m yo bu ni, m yo má nyini, ama, deke n bo m kɔɔ bu ni, m yo nyini wɔ. ¹⁶ Nyini ti, nzen m yoori satie be, na m koro má i, ma soro su ka nɔɔnie kpamaawa n ti kpa wɔ lɛɛ. ¹⁷ Ma ŋu ka má m koroyanu ye m yo nyini satiem n a, ama, satie n bo i wo m ahore su ni ma m yo sɔ a. ¹⁸ M si ka woowa n bo m bita i ni, i ti má kpa haari kaan sɔ, i ti adamande woowa a, nyini ti, sakpayo wo m ahore su, ama, m koro yo má i. ¹⁹ M koro ka m yo sakpa, ama, m koro yo má i, satie n bo m koro má ka m yo i ni, m yo nyini wɔ. ²⁰ Satie n bo m yo bu na m koro má ka m yo bu ni, nyini la ka, má mini ni m tii yo bu a, ama, satie n bo i wo m ahore su ni yo bu a.

²¹ Ma ŋu ka nyini jɔre n ti nahore wɔ, ka, saŋga kere bo m koro ka m yo sakpa, nyini saŋga ye m yo satie a. ²² Dama m sunsunni ni m ahore su, m koro Nyeme nɔɔnie kpamaawa ni. ²³ Ama, ma ŋu ka nɔɔnie barasu be wo m ŋuniembaa n kere nu, nyini nɔɔnie tie n kun lue ni nɔɔnie kpamaawa n bo i wo m sunsunni ni m ahore su n wɔ, na i kunma m ŋuniembaa n kere nu, na i tara m nyi m. ²⁴ Oi. Mini aŋunfofo sɔ. Nma dé m tii ji a, na i yí m fite ahin adamande aŋuniembaa n nu a, bo i sucin m kɔ yiwee n nu, na m ka ŋgbɛɛn n a? ²⁵ M da Nyeme asi, dama wɔ de m tii aji, ya Mibie Yesu Kristo dɛɛ ti.

Tɔ, mini dɔ, m sunsunni ni m ahore su, m su Nyeme nɔɔnie kpamaawa n su wɔ, ama, m adamande dɛɛ woowa su, m su satie atin su wɔ.

8

Minem bo bu woowa ti kabo Awiewie Casi n koro ni

¹ Nyini ti, kisa, sɔnɔ kere bo i ni Yesu Kristo ayo kun, Nyeme di má i jɔre cin má i sui. ² Dama Awiewie Casi n dɛɛ nɔɔnie kpamaawa n bo i ma ya ŋɔɔ, na i fite Yesu Kristo dɔ ni, ade u tii aji, na wo yi u afite nɔɔnie kpamaawa n bo i ma a yo satie na a wu n nu ni. ³ Nyini nɔɔnie kpamaawa n la má fanja, dama adamande aŋuniembaa

woowa n ayɔrɔki. Deke bo nɔanie kpamaawa n akoro ayo má i ni, Nyeme ayo i, yiri la bo i sunmaari i tienɔgu Wa durunya n nu fen, ni aɔuniembraa bo i ferema ni adamande dɛɛ n bo i yo satie ni, na wo di satie bo i wo adamande nyenie n nu n jɔɛ, na wo yo i ngbɛɛn. ⁴ Deke bo i ti na Nyeme yoori sɔ n la ka, adena ya yo sa bo i kɔ atin su kabo nɔanie kpamaawa n kereeri ni, dama yere, ya su má adamande aɔuniembraa woowa n atin su kun, ama, ya su awiewie n dɛɛ atin ni su a. ⁵ Minem kere bo bu su adamande aɔuniembraa woowa n atin su ni, bu sunsunni kere wo adamande sa koroowa su wɔ, ama, minem bo bu su Awiewie Casi n dɛɛ atin n su ni, bu sunsunni kere wo Awiewie Casi n jɔɛ su wɔ. ⁶ Bo i sunsunni wo adamande aɔuniembraa woowa n su, i mi wú ɔ, ama, bo i sunsunni wo Awiewie Casi n jɔɛ su, i mi nyá ngɔɔ, na i nyá ahoreda. ⁷ Dama sɔnɔ kere bo i sunsunni kere wo adamande aɔuniembraa woowa n su ni, i mi ti Nyeme kpɔfɔ ɔ, i de má Nyeme nɔanie kpamaawa ni, i koro de má i wɔ mmɔɔ fieo, ⁸ na bo i su adamande dɛɛ aɔuniembraa woowa n su ni, i koro yo má sa bo i sun Nyeme nu.

⁹ Ama, amberɛ yiri, am su má adamande aɔuniembraa woowa n atin n su, am su Awiewie Casi n dɛɛ atin ni su a, dama Awiewie Casi n wo am nu n wɔ. Ama, sɔnɔ kere bo i la má Kristo Awiewie ni, i mi ti má Kristo dɛɛ. ¹⁰ Ama, amberɛ bo Kristo wo am dɔ ni, am nyeniembraa n bá wu wɔ, satie dɛɛ ti, ama, Awiewie Casi ni ama am ngɔɔ, dama Nyeme dɔ, i de am ka am yo sa bo i kɔ atin su wɔ. ¹¹ Nahɔre su, Nyeme tengeeri Yesu i yiwee n nu, nyini ti, nzen i Awiewie Casi n wo am nu, haari am nyeniembraa wuuri mmɔɔ, i ténge i kabo i tengeeri Yesu i yiwee n nu n wɔ, dama i Awiewie n wo am nu n dɛɛ ti.

¹² Nyini dɛɛ ti, m ninbaam, ya di kaari, má yere adamande aɔuniembraa woowa n su dɛɛ kaari, bo má ya fa su yere adamande aɔuniembraa woowa n atin su ni. ¹³ Dama nzen am su adamande dɛɛ aɔuniembraa woowa n atin su, am wú wɔ lɛɛ, ama, nzen am ma Awiewie Casi n bukaari am, na am yakiiri adamande aɔuniembraa woowa ni, am nyá ngɔɔ. ¹⁴ Minem kere bo bu ma Nyeme Awiewie n kere bu atin, bere ti Nyeme nbaam a. ¹⁵ Dama Awiewie Casi n bo am ade i ni, i yaki má am na am kaaki yo akɔɔm kun na am soro sere, ama, yiri ma am yo Nyeme nbaam a, na yiri ma am koro bo fere Nyeme ka, “*Abba*,” i bu la ka, “*M Si*.” ¹⁶ Awiewie Casi n ni i tii buka ya dɛɛ awiewie n ye i di daani ya ahore su se ka ya ti Nyeme nbaam a. ¹⁷ Kabo ya ti Nyeme nbaam ni, ya nyá deke n bo Nyeme ase ka i fá ma i minem ni, na ya ni Yesu Kristo gusu sánɔa nya deke n bo Nyeme ase ka i fá ma i minem n a. Nzen ya ni yiri sanɔa diiri wahara, ya ni yiri gusu sánɔa nya i jirima woowa ni.

Kabo ya woowa bá ti kabo Nyeme dɛɛ n ti ni

¹⁸ M sunsun ka wahara n bo ya sudi i kisa ni, i ti má pui, ya koro fa má i sunsun má jirima woowa n bo Nyeme bá yi i kere ya ni. ¹⁹ Deke n kere bo Nyeme ayi bu n nyiminda ni anyumboro wɔ, na bu bá nyu kabo Nyeme yi i nbaam fite fofoe n nu. ²⁰ Dama deke n kere bo Nyeme ayi bu n wo bere wɔ, bu la má kperɛ, má ka bere koro sɔ a, ama, Nyeme ma bu la má kperɛ a. Deke bo i ti na i yo sɔ n la ka, i la tama ²¹ ka deke n kere bo wɔ yi bu ni, bu nyá bu tii, na má bu yo akɔɔm kun, na bu wu na bu kpɔɔ, ama, na bu nyá tiide ni jirima woowa kabo Nyeme

nbaam kere nya i barasu ni. ²² Ya si ka deke n kere bo Nyeme ayi bu ni, wo waraki ni yaari nu wo, haari ni kisa, kabo bara ba suwu baa na i di yaari ni. ²³ Má deke n bo Nyeme ayi bu ni ngumi wo waraki su a, ama, yere mmoo bo ya de i Awiewie bo i ti ciciri su aceeri ni, ya wo waraki su sunminda ni anyumboro wo, ka Nyeme bá fa ya yo i nbaam, na i de ya njunie ni. ²⁴ Tiide n bo ya nya i ni, nyini ma ya la tama n a. Nzen a la deke, a se má ka a la tama ka a nya i. Deke bo sono la i, i se má ka i la i tama. ²⁵ Ama, nzen ya la tama ka ya nya deke be na ya nya nya má i, ya mindi nminda ni anyumboro wo, na ya bá nya i.

²⁶ I ti so lee, sangga kere bo ya yoroki na ya si má kabo ya yo ni, Awiewie Casi n ba buka ya, beni, ya si má kabo ya sere Nyeme barasu, ama, Awiewie Casi n ni i tii waraki so o sere Nyeme ma ya, ni waraki bo adamande koro jojo má i. ²⁷ Nyeme fiiti adamande ahorembaa su na i si kabo i ti barasu a, yiri si deke bo i wo i Awiewie Casi n sunsuni nu a, dama Awiewie Casi n su kabo Nyeme koro ni su a, na i sere Nyeme ma i minem. ²⁸ Ya si ka Nyeme wo minem bo bu koro i n do, na i buka bu, adena i yo deke kere dongu ma bu, bere la minem bo i du mo seseeri su ka i fere bu ni, na wo fere bu. ²⁹ Nyeme du mo siiri nyini minem wo, na wo cici ka bu bá yo kabo i Wa n ti ni, nyini ma i Wa n yoori baakpien, i nbaam kere nu n a. ³⁰ Nyeme du mo ciciiri nyini n kere wo ka, na wo nya fere bu, na bere n bo wo fere bu n ye wo de bu ka bu yo sa bo i ko atin su i do n a, na bere n bo wo de bu ka bu yo sa bo i ko atin su i do ni, ye wo ma bu i jirima woowa n be n a.

Kabo Nyeme akere i koro barasu ni

³¹ To, kisa, ye ya se se wo bekun a, fa ko ahin sam kere su a? Nzen Nyeme wo ya do, nma koro yo ya sa be a? ³² Nyeme akete má ka i fa má i tienju Wa ni mmoo ma má ya, ama, i faari i maari ya kere wo. Nyini ti, i yo se kete ka i má má ya deke n kere bo i ti kpa n a? ³³ Nma koro fa jore fa so Nyeme minem bo wo yi bu n a? Be wo má bere, dama Nyeme ni i tii ade bu ka bu yo sa bo i ko atin su i do a. ³⁴ Nyini ti, nma koro di ya jore cin ya sui a? Be wo má bere. Dama Kristo ni i tii wuuri wo, nahore na wo tenge i yiwee n nu, i tana Nyeme saa fomboro su, susere i ma ya. ³⁵ Koro n bo Kristo koro ya ni, nzu deke koro kpaaki ya ni yiri a? Ai. Deke be koro kpaaki má ya ni yiri n nu. Kekereke o, wahara o, wuwuruwa o, ahoe o, yaari o, anyumboro o, yiwee o. Deke be wo má bere bo i koro kpaaki ya ni yiri nu. ³⁶ Dama ba kere i Nyeme Jore Kadasi n nu ka,

“Woro dee ti, ale kere bo i cin, bu kun ya so o,
ya ti ka nbœm wo, ye bu kpie ya kom a.”

³⁷ Haari ni nyini n kere mmoo ni, ya di nasara a, na ya toko di nasara buka su, Kristo bo i koro ya n dee ti. ³⁸⁻³⁹ M si tenle su ka, deke be wo má bere bo i koro kpaaki ya ni koro n bo Nyeme koro ya, ya Mibie Yesu Kristo dee ti ni, yiwee wara ngoo o, merkem wara Sitana yikofom o, deke n bo bu wo bere o, wara deke n bo bu bá yo o, yiko bo i wo angoro wara asien bu o. Deke n bo Nyeme ayi bu ni, bu be wo má bere bo i koro kpaaki koro n bo i wo ya ni Kristo afien ni.

9

Minem bo Nyeme afere ayi bu n jore

¹ Tɔ, deke bo m sukan kere am ni, i ti nahore wɔ, m bu má kɔre, m ti Kristo deɛ wɔ, Awiewie Casi n gusu kere m sunsunni nu a, ye i di daani m ahore su a. ² Yiri la ka, m ahore asaaki agaya, na sanja kere i suyo m yaa ³ fa ko m ninbaa Yisarelifom deɛ busu. Nzen má mini ni m tii kaari ngbeen, na m kpaaki yakiiri Kristo, adena i buka m ninbaam, m deɛ tienngu minem ni, má m koro. ⁴ Bere la Yisarelifom bo Nyeme maari bu atin ka bu yo i nbaam, na bu nyuri i jirima woowa ni, na i faari sesesum diiri i di ni bere ni, na i faari noanie kpamaawa n maari bu ni, na i kereeri bu kabo bu su i barasu ni, na i seeri ka i yó sakpa beberebe ma bu ni. ⁵ Bu ti ya nam busu nufom wɔ, haari Kristo Tiidefo n bo Nyeme sunmaari i na i kaaki adamande baari durunya n nu ni, bu wuuri i fite bu deɛ busu n nu wɔ. Kristo Tiidefo ni la yiko tara deke n kere, yiri ti Nyeme a, yiri ti ye ni kansi sanja kere a. Ami.

⁶ I ti má ka Nyeme noanie n ti má nahore wɔ, dama má bu kere bo bu wuuri bu Yisarelifom busu nu ni n ti Yisarelifom nahore su a. ⁷ Nahore, má nbaam kere bo Abraham wuuri bu ni ti i nbaam nahore su a, ama, Nyeme yo seeri Abraham ka, “U wa Izaki sinfom ngumi yó u busu nufom a.” ⁸ Nyini la ka, má nbaam kere bo Abraham wuuri bu kabo adamande wu nbaam ni ti Nyeme nbaam nahore su a, ama, i nbaam bo Nyeme seeri ka i wú bu ni ngumi, ti i busu nufom nahore su a. ⁹ Dama kabo Nyeme yo seeri i n yaa, i na, “Ti fen, ngoo cɛn ka buuso, m káaki ba na m bá nyu ka u yi Saara bita baabieso.” ¹⁰ Má nyini ngumi a, am tenge su ka ya na Izaki yo maari i yi Rebeka akunnu, ye i wuuri ndaam n a. ¹¹⁻¹² Sanja bo Rebeka nya wu má i ndaam ni, na bu nya yo má sakpa wara satie be ni, nyini sanja n ye Nyeme seeri i ka, “Baakpien ni bá su baakan n a.” Nyeme deɛ koroyanu ye i yoori so n a, yiri koro i sono ye i yiiri i a, má ka bu be sayoowa deɛ ti a. ¹³ Kabo ba kere i Nyeme Jore Kadasi n nu ni, ka, Nyeme na, “Jakobu, ye m koro i a,

ama, Isawu yiri, m kpo i wɔ.”

¹⁴ Ye ya se se wɔ? Ya koro se ka Nyeme ayo má sa bo i ko atin su, nzen se? Ai, ya koro se má so fieo. ¹⁵ Dama Nyeme yo seeri Moyisi ka, “Sono kere bo m koro ka m buka i, m búka i wɔ,

na sono kere bo m koro ka m si i anunfo, m sí i anunfo ɔ.”

¹⁶ Nyini ti, má adamande koroyanu, wara deke bo i boro i nyi yo i ni ti jore a, ama, kabo Nyeme si anunfo ni, nyini ti jore a. ¹⁷ Dama ba kere i Nyeme Jore Kadasi n nu ka, Nyeme yo seeri Ijipiti Feme Faaro ka, “Deke n bo i ti na m yiiri u tanaari femeya bie n su n la ka, m kére m yiko u ngoo su, na m duma tá bara ye durunya n kere nu.” ¹⁸ Nyini kere kere ka, sono kere bo Nyeme koro ka i si i anunfo, ye i si i mi anunfo a, na minem bo i koro ka i yo bu ahorembaa kekerereke ni, na i yo bu.

Nyeme yaafa ni i anunfo si n jore

¹⁹ Nyini ti, beni, be koro bisa m ka, “Nzen i ti so, nzu ti ye Nyeme di minem bo ba kete i n jore na i jarki bu a? Nma koro kete na i kanda sa bo Nyeme koro i n a?” ²⁰ M na, wɔro la nma na a se Nyeme akuruwa a? Dundu koro bisa má yakati tafɔ n ka, “Nzu ti ye a taari m so a?” ²¹ Yakati tafɔ n la atin bo i fa i yakati n ta dundu bo i sufa yo juma cɛn n kere cɛn, na i kaaki la atin bo i fa be ta dundu bo i fa yo juma cɛn kpiri cɛn. ²² Nyini ti, Nyeme la atin bo i koro fa yaa, na

minem ŋu kabo i yiko ti barasu. I gusu koro mindi agaya fa kɔ minem bo bu ma yaa ati i ni, bere bo má wɔ yo daka ka bu ka ŋgbɛn ni. ²³ Na i gusu la atin bo i fa i jirima woowa bo i la má aŋusu n fa kere minem bo wɔ si bu aŋunfo ni, na wɔ du mɔ asese su ka bu bá nya i jirima woowa n be ni. ²⁴ Yere la nyini minem bo i si ya aŋunfo, na ya nya i jirima woowa n be ni, má ka yere Yudafom ŋgumi, ye wɔ fere ya nbem a, ama, wɔ fere bo bu ti má Yudafom ni mmɔɔ nbem abuka su. ²⁵ I ti kabo Nyeme noanie kanfo Hoseya akere i deɛ kadasi n nu n wɔ ka, Nyeme ŋa,

“Minem bo bu yo ti má m minem ni, m fére bu ka m minem.

Na yiri n bo ma koro má i ni, m fére i ka m sɔnɔ koroowa.

²⁶ Dika n bo i nu na m fereeri bu ka, ‘Am ti má m minem ni,’

do ye bu fére bu ka Nyeme bo i wo bere sanɔa kere n deɛ nbaam n a.”

²⁷ Tɔ, na Nyeme noanie kanfo Esaya abo awie fa kɔ Yisarelifom jɔre su, i ŋa, “Haari ni bo Yisarelifom sunnu beberebe ka ŋmie ni, bu nu mine kaan sɔ nyá tiide a. ²⁸ Dama sa n bo Micera ni yó i durunya n nu ni, i yó i wie ndende.” ²⁹ I ti kabo Esaya du mɔ seeri n wɔ, i ŋa, “Nzen má Micera Yikofɔ n ayaki má ya busu nufom nbem, má i yo ya kabo i yoori Sodomfom ni Gomorafom wɔ, mie tiem bo Nyeme saaki bu ni.”

Yisarelifom ni labari kpa n jɔre

³⁰ Tɔ, ye ya se se wɔ? Minem bo bu ti má Yudafom ni, akpini má atin kabo bu yo sa bo i kɔ atin su Nyeme do, ama, kisa, Nyeme ade bu ka bu yo sa bo i kɔ atin su i do, bu yarada n deɛ ti. ³¹ Ama, na Yisarelifom bere, akpini atin kabo bu su noanie kpamaawa n su, adena Nyeme de bu ka bu yo sa bo i kɔ atin su. Ama, haari ni nyini mmɔɔ, ba koro asu má i su nyunyumi, na bu yo sa bo i kɔ atin su Nyeme do. ³² Nzu ma i yoori sɔ n a? Dama ba kpini má atin kabo bu yo yarada na Nyeme de bu ka bu yo sa bo i kɔ atin su i do, ama, bu kpiniiri atin ka bu sayoowa ma Nyeme de bu ka bu yo sa bo i kɔ atin su i do a. Na ba bo bu jaa yabue n su na ba kpaasi. ³³ Kabo ba du mɔ akere i ase ni, Nyeme ŋa, “Am ti fen, m sufa yabue be se Siyon mie kpiri n nu lee,

nyini yabue ni, minem bó bu jaa su na bu kpáasi.

Ama, sɔnɔ kere bo i yoori i yarada, i mi dí má nyinse.”

10

¹ M ninbaam, deke bo m koro i m ahore su la ka, m minem Yisarelifom nya tiide, m nyemesere lee sanɔa kere. ² M si tenle su ka bu nyunu aboro ka bu su Nyeme atin n su nahɔre su, ama, bu si má kabo bu yo na bu su i su. ³ Dama bu si má atin bo Nyeme de minem ka ba yo sa bo i kɔ atin su i do ni, ama, bu kpini bu tieŋgu atin wɔ, na bu su i su. Nyini ti, na ba kete Nyeme atin ni, ba de má kabo Nyeme ŋa bu yo sa bo i kɔ atin su i do ni. ⁴ I ti nahɔre wɔ, ka Kristo juma n bo i yoori i ni, yiri kuunri noanie kpamaawa n kere nɔɔ a, adena sɔnɔ kere bo i yoori i yarada, Nyeme de i mi ka i yo sa bo i kɔ atin su i do.

Sɔnɔ kere koro nya tiide

⁵ Moyisi yo kere fa kɔori kabo mine koro su noanie kpamaawa n su, na bu yo sa bo i kɔ atin su Nyeme do, i ŋa, “Sɔnɔ kere bo i su noanie kpamaawa n kere su, i mi nyá ŋɔɔ.” ⁶ Ama, fa kɔ kabo yarada deɛ ti,

na sɔnɔ yo sa bo i kɔ atin su Nyeme dɔ ni, i ŋa, “Má a sunsun u ahore su ka, ŋma fún kɔ angoro a?” Nyini la ka, i kó fa Kristo jura ba læ. 7 Wara “Ŋma júra kunma ŋgonɔ n bo i la má awieeri nu a?” Nyini la ka, i kó fa Kristo fun fite bo ba wum n nu ba læ. 8 Deke bo i suse n la ka,
 “Nyeme nɔanie n waari má ni wɔɔ.

I wo u nɔɔ nu, ni u ahorembaa mmɔɔ su.”

Yiri la labari n bo ya kaanri i n fa kɔ yaradayo su ni. 9 Nzen a teke u nɔɔ jɔjɔri minem nyunu ka, Yesu ti u Mibiɛ nahɔre su, na a yoori yarada u ahore su ka Nyeme tengeeri i yiwee n nu, a nyá tiide. 10 Dama sɔnɔ kere bo i yoori yarada i ahore su, ye Nyeme de i ka i yo sa bo i kɔ atin su i dɔ a. Na sɔnɔ kere bo i teke i nɔɔ jɔjɔri minem nyunu ka wɔ yo yarada, nyini ma i nya tiide a. 11 Dama ba kere i Nyeme Jɔre Kadasi n nu ka, “Sɔnɔ kere bo i yoori i yarada, i mi dí má nyinse.” 12 Nyini ti, bo bu ti Yudafɔm, ni bo bu ti má Yudafɔm, bu la má kpakpaakinu, Micera kun ni ti bu kere Mibiɛ a. Yiri ma minem kere bo bu bo fere i duma deke kpa bo i la má anusu n a. 13 Dama ba kere i Nyeme Jɔre Kadasi n nu ka, “Sɔnɔ kere bo i bo fereeri Mibiɛ n duma, i mi nyá tiide.”

14 Tɔ, bu yo se koro bo fere i duma, má ka ba du mɔ ayo i yarada? Ye bu yo se koro yo i yarada, má ka ba du mɔ ati i jɔre? Ye bu yo se koro ti i jɔre a, má ka be adu mɔ akan i labari kpa n akere bu? 15 Ye bu yo se koro kan i labari kpa n kere minem a, má ka be asunma bu minem dɔ? Kabo ba kere i Nyeme Jɔre Kadasi n nu, ka, “Bo bu suba kan Nyeme labari kpa n ma ya ni, bu natiiri yo fie.” 16 Ama, má sɔnɔ kere soroori su deer labari kpa n a, kabo Nyeme nɔanie kanfɔ Esaya yo seeri ni, ka, “Ya Mibiɛ, ŋma ayo ya labari n yarada? Ai, be ade má i.” 17 Nyini ti, kana sɔnɔ ba yo Yesu Kristo yarada, má ka wɔ ti i labari kpa n ka, kana sɔnɔ gusu ba ti labari kpa ni, má ka be akan Kristo nɔanie ni akere i.

18 Ama, mine bo ba de má labari kpa ni, ba ti má jɔre n wɔ, nzen se a? Nahɔre, ba ti i. Dama ba kere i Nyeme Jɔre Kadasi n nu ka, “Ba bo ndoori abara aye durunya n kere nu,
 na bu nɔanie aju asien n kere su.”

19 M koro ka m bisa bekun ka, Yisarelifɔm ni, ba si má? Ba si. Moyisi du mɔ seeri ka, Nyeme ŋa,

“M má am si kɔre fa kɔ minem bo bu ti má daanfie n nahɔre su ni,
 m má am fa yaa fa kɔ minem bo bu la má ŋɔnle n ŋu.”

20 Na Esaya ayo ahoresi, na wɔ se bu ka, Nyeme ŋa,

“Haari minem bo bu yo nienie má m busu ni, m ma ba ŋu m.

Na minem bo bu yo bisa má m busu ni, ma bɔ bu nu afa m ŋu akere bu.”

21 Na Esaya akaaki ase fa kɔ Yisarelifɔm su ka, Nyeme ŋa, “Ale kere bo i cin, m tenge m saa fere nyini minem n wɔ, ama, bu ti atii kekereke ni ketemafɔm wɔ.”

11

Kabo Nyeme ma Yisarelifɔ nbem diiri i ahɔɔma ni

1 M koro ka m bisa ka, Nyeme akete i minem wɔ, nzen se a? Ai, wo kete má bu e. Am ti fen. Mini Pɔɔlu ni m tii, m ti Yisarelifɔɔ. M ti Abraham busu nufɔɔ, m fite Benjamin deɛ læ anɔ n nu wɔ. 2 Nyeme akete má i minem bo i du mɔ yiiri bu ni. Am nya kan má Nyeme Jɔre

Kadasi n nu fa ko i noanie kanfo Eliya n su, kabo i jarakiiri Yisarelifom Nyeme do n wo, nzen se? ³ Bo i na, “Micera, ba kun u noanie kanfom kere, ba kaaki afufu u yoowa yoobirim n kere, wo ko aka mini ngumi kpein wo, ye bu koro ka bu kun m gusu n a.” ⁴ Ama, Nyeme yo seeri i se wo? I na, “Ma yaki Yisarelifom mine akpii nso afa ase Yisareli asien n su. Bere ye bu nya kutu ma amoe Baali n na bu su i a.” ⁵ Nyini dee ti, kisa gusu, i ti so o lee. Nyeme ayi Yisarelifom nu mine kaan so o, ye wo fere bu a, fa ko i ahoroma n dee ti. ⁶ I ahoroma n dee ti, ye wo yi bu a, ma ka bu sayoowa dee ti a. Nzen ma i ti ka bu sayoowa n dee ti, ma ahoroma n ti ma aceeri kun.

⁷ Nzu bekun a? Yisarelifom n anya ma deke n bo bu kpiiri i busu ni, ama, minem n bo Nyeme yiiri bu ni, bere nyaari i a, na bo bu kaari n kere ahorembaa ayo kekereke. ⁸ I ti kabo ba kere i Nyeme Jore Kadasi n nu n wo, ka,

“Nyeme ama bu ahorembaa nonoori,
na i ma bu nyumbaa nu ma asi,
na i ma bu sui ti ma asui,
haari ni nyuma.”

⁹ Na Feme Davidi ase ka,

“Ma bu ceenkpiri diire diibiri n kaaki toroku ni diendie tara bu.
Ma bu kpaasi, na bu nya bu satie nkato.

¹⁰ Ma bu nyunu si biri na bu koro nu ma asi,
ma bu wi biri sanja kere sanja ka ba so soori nonoori wo.”

Kabo bo bu ti ma Yudafom n anya tiide ni

¹¹ M koro ka m bisa ka, bo bu boori bu jaa kpaasi ni, bu yasu ma kun wo? Ai, ma so. Ama, nahore, bu kpaasi so n dee ti, ye minem bo bu ti ma Yudafom nyaari tiide a, adena Yudafom nu i na bu si bu kore. ¹² Nyini ti, ba kpaasi n dee ti, ye durunya n nufom anya deke kpa beberebe a, ba fun deke n bo ma bu nya i n dee ti, ye bo bu ti ma Yudafom n anya deke kpa beberebe n a. To, nzen i ti so, na Yudafom bo bu ba yo yarada n buka su, i yo deke kpa tara so.

¹³ Kisa m sujoko amberere bo am ti ma Yudafom ni gusu do a. Juma n bo Nyeme afa ama m ni, i sunmaari m ka m yo i jaramasa amberere bo am ti ma Yudafom do o, nyini ti ye m fa m juma n fa fo a, ¹⁴ na i ma m tiengu minem si kore, adena bu nbem nya tiide. ¹⁵ Dama sanja bo Nyeme keteeri bu ni, ye i ni durunya n nufom kere ayo kun a, ama, nzen i kaaki deeri bu bekun, i ti se wo? I yo ka ba nya ngoo afite yiwee nu wo lee. ¹⁶ Nzen be faari i alembaa fofore be fa yoori yoowa na i fa maari Nyeme, nyini la ka, i alembaa n kere ti Nyeme dee wo lee. Ye nzen baka bunlui n ti Nyeme dee, nyini la ka, i asambaa n kere gusu ti Nyeme dee wo lee.

¹⁷ Nahore, Yisarelifom ti ka baka n bo i su suuwa kpa n wo, ye ba kpie i asambaa ni nbem atu, na amberere ti ka boro baka bo i suuwa la ma fanga, ye ba kpie am asa baka n bo i su suuwa kpa n dee asambaa n su a, nyini ti, am ni baka n bo i su suuwa kpa n asambaa n kere sanja nya ngoo fite i bunlui n do o. ¹⁸ Nzen i nya ti so, ma am fa fo ka am ti kpa tara baka n bo i su suuwa kpa n ni i tii, dama ma asambaa ni ma bunlui ni ngoo a, ama, bunlui ni ma asambaa ni ngoo a.

¹⁹ Beni, a se ka, “Ba kpie baka n bo i su suuwa n dee asambaa n be, adena mini nya sasubiri a.” ²⁰ To, i ti nahore wo, Yudafom ayo ma

yarada n dɛɛ ti, ye Nyɛmɛ kpɛɛri bu jiiri n a, ye u yarada n dɛɛ ti, ye a jina jinaabiri n bo a jina n a. Nyini ti, má a yo kpirikoro, ama, si u ɲu sa. ²¹ Dama nzen Nyɛmɛ ayaki má baka kpa n ni i tii dɛɛ asambaa ni, beni, i bá yaki má wɔɔ boro baka ni mmɔɔ dɛɛ asambaa ni. ²² M ɲa a ɲu kabo Nyɛmɛ yo sakpa barasu ni, ni kabo i di mine jɔɛ na i cin bu sui ni anyumboro barasu ni. Minem bo bu yo má i yarada n ye i di bu jɔɛ cin bu sui ni anyumboro n a, ama, wɔɔ yiri, i yo sakpa ma u wɔ, nyini ti, susu i sakpa n bo i yo ma u n su, má nyini, i kpɛ wɔɔ mmɔɔ ji wɔ lɛɛ. ²³ Nzen Yudafɔm kaakiiri bu wo, na bu bá yoori Nyɛmɛ yarada, i koro fa bu sa bu woobiri dawa n su, dama i la yiko bo i koro yo sɔ. ²⁴ Ti fɛn. Wɔɔ mmɔɔ ni u tii ti ka boro baka asambaa n bo ba kpɛ i afa asa baka n bo i su suuwa kpa n su wɔ. Nyini ti, a si ka Nyɛmɛ dɔ, i ti má kekereke na i káaki ba fa baka n bo i su suuwa kpa n asambaam n ba sa bu woobiri dawa n su bekun.

Kabo Nyɛmɛ si sɔɔ kɛɛ aɲunfɔ n jɔɛ

²⁵ M ninbaam, asiri nu jɔɛ be yaa, ye m koro ka am si i a, adena má am yo am ɲu kpiri ka am la si. Yiri la ka, kabo Yisarelifɔm nbem ayo bu ahorembaa kekereke ni, bu bíta i sɔ haari fa kɔ ju sanɲa bo minem bo bu ti má Yudafɔm kɛɛ bá ba Nyɛmɛ dɔ. ²⁶ Tɔ, i yó sɔ ɔ, na Yisarelifɔm kɛɛ bá nya tiide, kabo ba kɛɛ i Nyɛmɛ Jɔɛ Kadasi n nu ni, ka,

“Tiidefɔ ni fite Siyon miɛ kpiri n nu ba,
na i bá yi deke n kɛɛ bo i kɔ má atin su fa tu,
na i yó Jakɔbu busu nufɔm casi.

²⁷ Kabo m fá sɛsɛsu di i di ni bɛɛ lɛɛ,
sanɲa bo m ba yiiri satie n bo i wo bu ɲu ni.”

²⁸ Kabo Yudafɔm n akete labari kpa n ni, nyini ma ba kaaki Nyɛmɛ kpɔfɔm kisa n a, ambɛɛ bo am ti má Yudafɔm n dɛɛ ti. Ama, fa kɔ kabo Nyɛmɛ fereeri bu nam na i yiiri bu ni, bu ti i mine koroowam wɔ.

²⁹ Dama nzen Nyɛmɛ faari i aceeri fa ceeri mine nbem, wara nzen wɔ fere sɔɔ, i kaaki má i sunsunni. ³⁰ Ambɛɛ, am yo keteeri Nyɛmɛ nɔaniɛ n wɔ, ama, kisa, wɔ si am aɲunfɔ, bɛɛ bo ba kete i nɔaniɛ n dɛɛ ti. ³¹ Tɔ, kisa, i ti sɔ ɔ, bɛɛ akete Nyɛmɛ nɔaniɛ ni, dama Nyɛmɛ asi am aɲunfɔ, adena i awieeri su, na i bá si bɛɛ gusu aɲunfɔ. ³² Dama Nyɛmɛ abo sɔɔ kɛɛ kun ka bu kɛɛ kete i wɔ, adena i awieeri su na i bá si bu kɛɛ aɲunfɔ.

Nyɛmɛ kansɪ jɔɛ

³³ Nahɔɛ, Nyɛmɛ alecira ni i si bo i la i n wo ɲgo. Kabo i di i jɔɛ ni, be koro fiiti má nu na i ti i bu, i atin n gusu kɛɛ, sɔɔ koro si má i bu. ³⁴ Ba kɛɛ i Nyɛmɛ Jɔɛ Kadasi n nu ka,

“ɲma nya si deke bo i wo Micɛra n sunsunni nu a?

Wara ɲma nya koro tu i fɔ a?”

³⁵ “ɲma nya ce Nyɛmɛ deke be a,
adena Nyɛmɛ kaaki tɔ i mi kaari a?”

³⁶ Dama deke kɛɛ fite yiri dɔ a, deke kɛɛ ti i dɛɛ wɔ, na deke kɛɛ bá yo i dɛɛ wɔ. Yiri ti ye ni ka ya kansɪ i sanɲa kɛɛ sanɲa. Ami.

12

Minem bo bu yo Nyɛmɛ sa koroowa n woowa jɔɛ

¹ Nyini ti, m ninbaam, m sere am wɔ, am niε kabo Nyeme asi am anunfo ayo am sakpa ni, na am fa am nu ma i, kabo ma am yo yoowa fa ma i ni, ama, am toko la ngɔɔ, na am kaaki Nyeme minem na am su i ni anyumboro. Nyini ti nyemesu bo i sun i nu a, dama wɔ yo sakpa ama am. ² Má am ma am woowa ti kabo durunya n nufom woowa ti barasu ni, ama, am kaaki am sunsunni fɔfɔre, na am kaaki am wo, nyini ma am koro si Nyeme koroyanu sa a, bo i ti kpa, na i sun i nu, na i ti kabo i koro ka i ti ni.

³ Tɔ, Nyeme aceeri n bo wɔ fa ama m dɛɛ ti, m sutu am kere fɔ ɔ ka, má be wura i nu kpiri tara kabo i ti ni, ama, sɔnɔ kere sunsun na i niε i nu kabo i ti nahɔre su barasu, na i si kabo Nyeme ama i mi yarada barasu ni. ⁴ Adamande anuniembaa n ti mɔmɔ kun wɔ, ama, i la bue bue, i kere ni i juma bo i yo i. ⁵ Ya gusu dɔ i ti sɔ ɔ lɛɛ, ya sunnu, ama, ya ni Kristo ayo kun n dɛɛ ti, ya ti anuniembaa mɔmɔ kun wɔ, na ya kere ti anuniembaa n bue be bo ya buka ya benggu wɔ. ⁶ Nyini ti, aceeri barasu barasum bo Nyeme ahɔroma n dɛɛ ti na wɔ fa ama ya ni, am ma ya fa yo i juma ni. Nzen aceeri n bo Nyeme afa ama be n la ka i sukan Nyeme noanie ni, i ti ye ni ka i mi sufa yo juma, kabo i yarada n ti barasu ni. ⁷ Nzen Nyeme ama be aceeri ka i su amusui, i ti ye ni ka i mi sufa su. Nzen wɔ ma be aceeri ka i fa kere minem, i ti ye ni ka i mi sufa kere bu. ⁸ Nzen wɔ ma be aceeri ka i sutu minem fɔ na i wura bu kpekperε kekereke, i ti ye ni ka i mi sutu fɔ yo sɔ. Nzen wɔ ma be aceeri ka i suyo sakpa na i ce minem aceeri, i ti ye ni ka i mi yo i ni ahorembaa kun. Nzen wɔ ma be aceeri ka i yo minem mɔfɔ, i ti ye ni ka i yo sɔ ni anyumboro. Ye nzen wɔ ma be aceeri ka i suyo sakpa ma minem bo bu wo ahoresaaki nu ni, i ti ye ni ka i yo sɔ ni ahorejɔ.

⁹ Am koro minem ni akunnu fofoe, am kpɔ satie, na am su deke bo i ti kpa su. ¹⁰ Am koro am benggu Kristofom ka am ti nibaam wɔ, na am bu am bengum ka bu tara am. ¹¹ Am su Mibie n ni anyumboro, má am yo nviya, am ma am ahorembaa bi ni nyemesu. ¹² Am la ahoresi n dɛɛ ti, am ma am ahore jɔ. Sanja kere bo am sudi wahara, am mindi, na am sere Nyeme sanja kere ni anyumboro. ¹³ Am kpaaki am nengem nu ma Nyeme minem bo bu la má be ni, na am boro am nyi sude minem wɔfɔ.

¹⁴ Am sere deke kpa Nyeme dɔ ma minem bo bu kere am wuwuruwa ni, am sere deke kpa ma bu, má am sere deke tie ma bu. ¹⁵ Nzen minem wo ahorejɔ nu, am ma am ni bere kere ahore ti jɔɔwa. Nzen minem wo ahoresaaki nu, am ma am ni bere kere wo ahoresaaki nu. ¹⁶ Am ma am ni am bengum sanja wo ni sawɔre, má am koro kpiri, ama, am fa am nu mata tarakam. Má am se ka amberε ngumi la ngɔnle a.

¹⁷ Nzen sɔnɔ yo am satie, má am wɔrɔ tie tɔ i kaari. Ama, am boro am nyi na am suyo sa bo i ti kpa, na sɔnɔ kere nu i, na bu se ka i ti kpa. ¹⁸ Nzen am koro yo i, am boro am nyi na am ni sɔnɔ kere tana ni laifie. ¹⁹ M danfo kpa, nzen be ayo am satie, má am wɔrɔ tie tɔ i kaari, ama, am yaki i, na Nyeme cín i mi sui, dama ba kere i Nyeme Jɔre Kadasi n nu ka, Micera n na, “Mini cín bu sui a, mini tó bu kaari a.” ²⁰ Ama, am yo kabo ba kere i Nyeme Jɔre Kadasi n nu ni, ka, “Nzen ahɔe ati u kpɔfɔ na a la diire, ma i na i di. Nzen nzuehɔe ati i, ma i nzue na i nu. Nzen a yoori sɔ, i ti ka a tɔrɔ sinmɔne agɔ i mi tii su wɔ lɛɛ.” ²¹ Má a ma satie yoowa kunma u, ama, ma u kpayo n kunma satie ni.

13

Kabo i ti ye ni ka ya de tereterefom nɔaniɛ barasu ni

¹ I ti ye ni ka sɔnɔ kere de tereterefom nɔaniɛ, bere bo bu la yiko na bu nie am su ni, dama yiko be wo má bere bo i fite má Nyeme dɔ. Bo bu la yiko kisa n kere, Nyeme akpama bu a. ² Nyini ti, sɔnɔ kere bo i keteeri tereterefom nɔaniɛ ni, i mi sukete deke bo Nyeme akpama i n wo lɛɛ. Sɔnɔ kere bo i yoori sɔ, i sukpini suicin ma i ɲu wo lɛɛ. ³ Dama sɔnɔ kere bo i yo sakpa soro má tereterefom ni sere, ama, sɔnɔ kere bo i yoori satie ni, yiri soro tereterefom n a. Nyini ti, nzen a koro má ka a soro tereterefom ni, yo sakpa, na bu kansu u. ⁴ Nyeme ma tereterefom wo bere yo bu juma a, na bu buka u na a yo sakpa. Ama, nzen a yoori satie, ma sere ti u, dama Nyeme ama bu yiko ka bu yo bu juma ma yiri Nyeme a, na bu cin minem bo bu yo satie n sui. Bu cin má minem sui ɲgbɛɛnɲgbɛɛn. ⁵ Nyini dɛɛ ti, i ti ye ni ka am de tereterefom n nɔaniɛ, má ka am soro ka bu cin am sui n ɲgumi dɛɛ ti a, ama, am ahore su, ni am sunsunni kere ka am yo sɔ n dɛɛ ti a. ⁶ Nyini dɛɛ ti, i kaaki ti ye ni ka am tɔ am lampom, dama gominam n yo bu juma ni anyumboro wo, Nyeme akere ka bu yo sɔ a. ⁷ Nyini ti, deke bo i ti ye ni ka am yo ma sɔnɔ kere ni, am yo ma bu. Am tɔ am lampom kaari, wara nzen ba kpɛ am kaari be, am tɔ i, sɔnɔ kere gusu bo i ti ye ni ka am ma i jirima, am ma i.

Kabo i ti ye ni ka ya yo fa kɔ ya beɲgum n dɔ ni

⁸ Má am ma be deke be kaari su am su. Deke bo wo yo daka ka am bita am beɲgu kaari la ka, am sukoro am beɲgu. Dama sɔnɔ bo i koro i beɲgu, i mi su Nyeme nɔaniɛ kpamaawa n kere su wo lɛɛ. ⁹ Dama am si Nyeme nɔaniɛ maawam n kere, ka, “Má a saaki ajaa ciire, má a kun sɔnɔ, má a wo,” ni bo i ɲa, “Má a ma u konviki wura be dɛɛ nenje nu,” haari ni bo ba ka n kere jina nyini nɔaniɛ kun ni su a, ka, “Koro u beɲgu kabo a koro u ɲu ni.” ¹⁰ Sɔnɔ kere bo i koro i beɲgu yo má i mi satie. Nyini kere ka nɔaniɛ kpamaawa n kere jina koro su wo lɛɛ.

Minem bo bu wo wein nu n jɔɛ

¹¹ I ti ye ni ka am yo sɔ, dama am si kabo ahin sangá n ti ni. Sangá n aju, i ti ye ni ka am tenje, má am daafi. Dama sangá n bo ya nyá tiide n adodo, i waari má ka sangá bo ya du mo yoori yarada ni. ¹² Wo ka kaan na ya fite kɔɲgue nu, ale sucin lɛɛ. Nyini ti, am ma ya yaki awosin nu juma kere, na ya yo wein sayoowa, kabo luekunfom sana bu biesɔya nenjem na bu kɔ kun lue ni. ¹³ Ya wo wiesu wo lɛɛ, nyini ti, am ma ya woowa kɔ atin su. Má ya sudi ya tii, sunu nzan subo, suyo ɲgbɛɛnɲgbɛɛn, má ya suyo sakaraya, suyo konvikiya ɲgbɛɛnɲgbɛɛn, má ya sukpini jɔɛ, na má ya susi kɔɛ. ¹⁴ Ama, am ma ya fa ya Mibie Yesu Kristo n yo deke bo ya fa wura, kabo sɔnɔ fa sutura wura barasu ni, na má ya su ya ɲuniembaa koroowa n su.

14

Má a jaraki u beɲgu

¹ Am de minem bo bu yarada ti má biiwa n ni am saa nnyɔ, má am se bu akuruwa fa kɔ deke n bo bu ci bu n su na am tanda bu ahore. ² Ma ya fa i ka, nbem la yarada bo bu koro di deke kere bo bu koro, ama, nbem gusu wo bere, bu yarada ti má biiwa, bu ciire la nie, bu

di toro nyawa n ngumi wɔ. ³ Sɔnɔ bo i di niɛ kere niɛ ni, má i mi bu bo i di má niɛ ni ngbɛɛn. Sɔnɔ kere gusu bo i di nyawa n ngumi ni, má i mi jaraki bo i ci má pui ni, dama Nyemɛ ade i a. ⁴ Wɔrɔ la nma na a jaraki be dɛɛ gbɛfɛnɛ? I dɛɛ tienɔu mibiɛ ni sé ka i jina wara i kpási a. I ti nahore wɔ ka i jina a, dama i mibiɛ ni koro ma i jina nyunyumi a.

⁵ Bekun, mine nbem dɔ, bu sunsun ka cɛɛn nbem ti kpa tara nbem, ama, nbem gusu sunsun ka cɛɛn n kere ti kun wɔ, be tara má i beɔgu. I ti ye ni ka sɔnɔ kere su kabo i sunsunni nu kere ka i ti kpa n su. ⁶ Sɔnɔ kere bo i sunsun ka cɛɛn be ti kpa tara cɛɛn nbem ni, i mi koro ka i bu Nyemɛ dɛɛ ti, ye i yo sɔ a, ye sɔnɔ kere bo i ci má pui n gusu, i mi koro ka i bu Nyemɛ dɛɛ ti, ye i yo sɔ a, dama i da Nyemɛ asi fa kɔ diire n su, ye i nya di a. Sɔnɔ kere gusu bo i di má deke nbem ni, i mi gusu bu Nyemɛ dɛɛ ti, ye i yo sɔ a, dama i mi gusu da Nyemɛ asi fa kɔ diire n su, ye i nya di a. ⁷ Sɔnɔ be wo má bere bo i koro se ka i wo i tii su wo wɔ, be gusu wo má bere bo i koro se ka i wu i tii su yiwee. ⁸ Ai, nzen ya la ngɔɔ a, Mibiɛ n dɛɛ ti ye ya la ngɔɔ a. Nzen ya wu gusu a, Mibiɛ n dɛɛ ti ye ya wu a. Nyini ti, nzen ya la ngɔɔ wara ya wu wɔ, Mibiɛ n dɛɛ la ya a. ⁹ Dama nyini dɛɛ ti ma Kristo wuuri, ye i tengeeri i yiwee n nu n a, adena i yó sɔnɔ kere Mibiɛ, bo bu la ngɔɔ n ni bo ba du mɔ awu n kere. ¹⁰ Wɔrɔ la nma, wɔrɔ bo a jaraki u beɔgu na a bu i ngbɛɛn ni? A si má ka ya kere bá jina Nyemɛ nyunu na i dí ya jɔrɛ? ¹¹ Kabo ba kere i Nyemɛ Jɔrɛ Kadasi n nu ni, ka, Micera n nja, “Sɔnɔ kere bá kutu m nyunu, na sɔnɔ kere bá teke i nɔɔ se ka mini ti Nyemɛ a. Kabo ma se ni, nyini wo bere a.” ¹² Nyini ti, ya kere bá kan ya sa bo ya yo i n kere kere Nyemɛ.

Má a yo sa bo i ma u beɔgu Kristofɔ bo i jaa na i kpaasi

¹³ Nyini ti, am ma ya yaki ya beɔgum jɔrɛ kan, na má ya jaraki bu kun, ama, am ma ya sunsun kabo ya yo na má ya ma ya beɔgu Kristofɔm bo bu jaa, wara na bu kpaasi. ¹⁴ Kabo m ni ya Mibiɛ Yesu ayo kun ni, nyini ma m si ka deke be mmɔɔ ni i tii ti má ciire n a. Ama, nzen sɔnɔ sunsun ka deke be ti ciire i dɔ, má i mi di i. ¹⁵ Nzen diire n bo a di i n dɛɛ ti, na a saaki u beɔgu Kristofɔ n ahore, nyini yiri, a suyo má koro sa lɛɛ. Kristo yo wuuri i dɛɛ ti wɔ, má a ma i mi ka ngbɛɛn, u diire n bo a di i n dɛɛ ti. ¹⁶ Má am ma be jɔjɔ jɔrɛ tie fa kɔ deke kpa n bo am si i n su. ¹⁷ Dama kabo Nyemɛ niɛ i minem su ni, i ti má di ni nu jɔrɛ wɔ, ama, i ti aceeri bo Awiewie Casi n afa ama minem wɔ, yiri la ka, ya yo sa bo i kɔ atin su Nyemɛ dɔ, ni tanalaifie, ni ahorejɔ. ¹⁸ Sɔnɔ kere bo i suuri nyini atin n su, na i su Kristo sɔ, i mi yo sa bo i sun Nyemɛ nu a, na adamande kansu i ka i ti sɔnɔ kpa.

¹⁹ Nyini ti, am ma ya boro ya nyi na ya su deke n bo i ma ya tanalaifie n su, na ya buka ya beɔgum, na ya kɔ mɔ ni ya nyemesu ni. ²⁰ Má am saaki Nyemɛ juma ni, diire dɛɛ ti. Diire kere ti kpa a. Ama, nzen be di diire be na i ma i beɔgu bo i jaa na i kpaasi, nyini yiri, i ti má kpa. ²¹ Nzen a di niɛ, wara a nu nzan, wara a yo nyini n be sɔ, na i ma u beɔgu Kristofɔ bo i jaa na i kpaasi, i ti má ye ni ka a yo sɔ. ²² Yarada n bo a yo i u ahore su fa kɔ nyini jɔrɛm su, ma i wo u ni u Nyemɛ afien. Sɔnɔ kere bo i yo sa bo i kɔ atin su, na i la má sika i ahore su ka wɔ

yo satie, i mi la terefie nahore su. ²³ Ama, sono kere bo i ba sudi diire barasu nbem na i yo sika, Nyeme adi i mi jore ajaraki i ka wo yo satie, dama diire n bo i sudi i ni, wo yo ma yarada. Deke kere gusu bo sono yo i, na i la ma yarada, i ti satie wo Nyeme do.

15

Ya yo sa bo i jo ya bengum ahore

¹ Yere bo ya la fanja fa ko yarada su ni, wo yo daka ka ya yo sawore ni bere n bo bu yarada la ma fanja ni, na ya buka bu, na ya dada bu ahore, ma ya yo sa bo i sun yere ni ya tii nu. ² Sono kere yo deke bo i sun i bengum nu, na i yo sakpa, na i ko mo ni i nyemesu ni. ³ Dama haari Yesu Kristo ni i tii ayo ma sa bo i sun yiri ni i tii nu, ama, i ti kabo ba kere i Nyeme Jore Kadasi n nu n wo, ka, “Nzukolee barasu n kere bo minem fa kpieri woro Nyeme ni, bu fa kpieri mini wo.” ⁴ Deke n kere bo bu du mo kereeri i Nyeme Jore Kadasi n nu ni, bu kereeri i ka i kere ya a, adena ya la tama, dama deke bo ba kere i ni, nyini ma ya ahoresi a, na ya koro mindi a. ⁵ Nyeme ma ya mindi ni ahoresi a, yiri ma am la anose ni am bengum a, kabo Yesu Kristo kereeri am ni, ⁶ adena am kere tien am noo fa anose, na am kansu Nyeme, ya Mibie Yesu Kristo Si.

Kabo minem bo bu ti ma Yudafo m gusu ade Kristo labari kpa n ni

⁷ Nyini dee ti, am de am bengum, ni am saa nnyo kabo Kristo ade am ni, nyini ma mine kansu Nyeme a. ⁸ Dama m suse am ka Kristo baari ka i ba buka Yudafo m n wo, i yoori so n dee ti, nyini ma deke n bo Nyeme seeri ka i yo ma Yudafo m nam n ayo biiwa nahore su n a. ⁹ Bekun i baari ka i ba buka minem bo bu ti ma Yudafo m wo, na bu gusu kansu Nyeme fa ko kabo wo si bu anjuno ni. Kabo ba kere i Nyeme Jore Kadasi n nu ni, ka,

“Nyini dee ti, m kansu woro Nyeme,

m kansu u дума minem bo bu ti ma Yudafo m nu,
na m di jue ma u.”

¹⁰ Ba kaaki akere i bekun ka,

“Amberere bo am ti ma Yudafo m ni,

am ma am ahore jo ni Nyeme minem bo wo yi bu ni.”

¹¹ Bekun, i na,

“Amberere bo am ti ma Yudafo m ni, am kansu Micera ni,

na am ma daanfiem kere kansu Nyeme.”

¹² Na Nyeme noanie kanfo Esaya gusu ase ka,

“Sono be ba fite Jese dee lee ano n nu,

i ti kabo baka tie i bunlui su n wo,

na i ba yo daanfiem kere fema,

yiri ma bu nya ahoresi a.”

¹³ Nyeme ma ya tama, m sere i ka i ma am ahorejo ni tanalaifie ko sin su, kabo am ayo i yarada n dee ti, adena Awiewie Casi n yiko ma am tama bo i la ma anjusu.

Deke bo i ti na Poolu kereeri ahin kadasi n ni

¹⁴ To, m ninbaam, m si tenle su ka am la wo kpa, na am la si dongu, na am kaaki koro fa tu am bengum fo. ¹⁵ Haari ni nyini mmoo, ma fa ahoresi, ye m sukere ahin kadasi n fa ma am a, adena m tenje am ahin sam n su, dama Nyeme ayo sakpa ama m, ¹⁶ ka m yo Yesu Kristo

amusuisufō ma minem bo bu ti má Yudafōm ni, adena m kan Nyeme labari kpa n kere bere bo bu ti má Yudafōm ni, na Awiewie Casi n ma Nyeme de bu ka bu ti i dee mine casim. M yoori sō ni, i ti ka Nyeme sayoowa dōnguyofō n bo i yo yoowa bo i sun Nyeme nu ni. ¹⁷ Yesu Kristo dee ti, m la atin bo m koro fō fa kō Nyeme juma n bo wō fa ama m su. ¹⁸ Nahore, i la m sere na m kan sam bo nyingam ayo bu ni, má ka sam n bo Kristo ma ma yo bu ni ngumi, yiri la bo wō ma ma kan i noanie n akere minem bo bu ti má Yudafōm ni, na ma yo alekutura sam, na ba de i noanie ni. ¹⁹ I ma m faari alekutura sam, ni Awiewie Casi n dee yiko nu fa yoori nyini juma n a. M boori i bu Yerusalem mie kpiri n nu wō, na ma bara aye akō aju haari Ilirikum awore n nu, na ma kan Kristo labari kpa n jore n kere akere bu. ²⁰ Deke bo m nyunu boro su agaya n la ka, m kan labari kpa n jore kere minem aworem n kere bo bu nya ti má Kristo duma ni, dama m koro má ka m ta be dee ataari su, ²¹ kabo ba kere i Nyeme Jore Kadasi n nu ni, ka, “Haari ni bo minem nya kan má labari kpa n kere má bu ni, bu nū i, haari ni bo bu nya ti má labari kpa ni, bu tí i, na bu sí i bu.”

Kabo Pɔɔlu ŋa i koro ka i kō niē Romafōm busu ni

²² Tō, nyini n kere dee ti, san̄ga kere, má m koro ka m ba niē am busu wō, ama, m nya má atin. ²³ Ama, kisa, mie fofore be wo má bere bo m kō dō na m kō yo juma ahin aworem n nu, nyini ti, kabo má san̄ga kere na m koro ka m ba niē am busu ni, ²⁴ m la tama ka m ba susin kō Esipani dee awore n nu, m jina am dō na m niē am busu, na m ni amberē nya tana, na am buka m na m koro kō ju deke bo m sukō ni. ²⁵ Ama, kisa yiri, m sukō Yerusalem mie kpiri n nu wō, m la buka be bo m kō fa ma Nyeme minem bo bu wo dō ni. ²⁶ Dama Kristofōm bo bu wo Makedoniya ni, ni bo bu wo Akaya dee aworem n nu ni, wō yo bu fie ka bu yi yi ŋwaa, na m kō fa ma Nyeme minem bo bu wo Yerusalem na bu ti yaarifōm ni. ²⁷ Bere ni bu tii afa sunsunni kpa an̄ju ka Yerusalemfōm kaari su bu su, dama Yerusalemfōm du mō faari Nyeme deke kpa maari bere n bo bu ti má Yudafōm n wō, nyini dee ti, wō yo daka ka bere gusu nya durunya n nu nen̄ge ma Yerusalemfōm ni. ²⁸ Tō, nyini ti, nzen m koro yoori nyini juma n kere wieeri, na bu nya nyini buka n kere, m bá niē am busu, na m nyá sin kō Esipani. ²⁹ M si tenle su ka m baari, m fá deke kpa fite Kristo dō ba ma am.

³⁰ M ninbaam, kabo Ya Mibiē Yesu Kristo wo ya dō, na Awiewie Casi n koro ya agaya n dee ti, m sere am wō, ka am buka m na ya sere Nyeme ni anyumboro, ³¹ ka i dé m fite Yudiya awore n nufō nbem bo bu yo má yarada n saa nu, na Nyeme minem bo bu wo Yerusalem n dé buka n bo m sufa kō ma bu ni. ³² Na nzen i ti Nyeme koroowa, na m bá am dō ni ahorejō, na m ni amberē kere koro dada ya ben̄gu ahore. ³³ Nyeme bo i ma tanalaifie n buka ya kere. Ami.

16

Kabo Pɔɔlu yoori Kristo jamam bo bu wo Roma mie kpiri n nu anse ni

¹ Tɔ, m koro ka am si ya niwa baabara n bo bu fere i ka Fibi ni, i yo Nyeme juma buka Kristo jama n bo i wo Kenciriya mie kpiri n nu n wo. ² Am de i kabo má am de Nyeme minem barasu ni, Mibie n dee ti, na am buka i ni deke kere bo i koro, dama yiri ni i ti abuka mine dɔngu, haari ni mini mmɔɔ.

³ Am bisa Pirisila ni Akuyila dɔngu ma m. M ni bere sanja yo juma ma Yesu Kristo wo. ⁴ Bu yo tɔori bu ngɔɔ maari m wo, nyini dee ti ye m da bu asi n a, má mini ngumi yo bu anse a, ama, Kristo jamam kere bo bu ti má Yudafom gusu yo bu anse. ⁵ Am bisa Kristo jama n kere dɔngu, bo bu tien bu nɔɔ bu dika ni.

Am bisa m danfo kpa Epanetosi n dɔngu ma m, yiri du mo yoori Kristo yarada Esiya dee awɔre n kere nu a. ⁶ Am bisa Mariya dɔngu, bo wo yo juma agaya abuka am ni. ⁷ Am bisa Andɔronikusi ni Juniya dɔngu, m lamɔko Yudafom bo m ni bere yo woori dansaraka nu ni, bu la dumaye Kristo jaramasam kere nu, bere du mo yoori Kristo susufom ka, ye m nya ba yoori a. ⁸ Am bisa m danfo Ampiliyatusi dɔngu, m Mibie n dee ti, m koro i agaya. ⁹ Am bisa Wuribanisi dɔngu ma m, bo yiri ni yere sanja yo juma ma Kristo ni, na am kaaki bisa m danfo Sitakisi dɔngu. ¹⁰ Am bisa Apelesi dɔngu, bo wo yi i ɔu ka i ti Kristo susufom nahɔre su ni, na am bisa Arisitobulosi dikafom kere dɔngu. ¹¹ Am bisa m lamɔko Yudafom n bo bu fere i ka Herodiyon n dɔngu, na am bisa Naracisi dikafom bo bu ti Mibie n dee minem n buka su. ¹² Am bisa Tirifena ni Tirifosa dɔngu, nbara nnyom bo bu yo juma ma Mibie ni, ni m danfo Perisisi, yiri mmɔɔ ayo juma agaya ama Mibie n ni. ¹³ Am bisa Rufusu dɔngu, yiri bo Nyeme ayi i ka i yo i juma n ni, ni i ni bo i ti mini mmɔɔ ni ni. ¹⁴ Am bisa ahin minem kere dɔngu ma m, bere la Asinkiritusi, ni Felegon, ni Heremesi, ni Patorobasi, ni Heremasi, ni ya ninbaam kere bo bu wo bu do ni. ¹⁵ Am bisa Filolokusi ni Juliya dɔngu, ni Nereyusi, ni ni niemabara ni, ni Olimpasi, ni Nyeme minem kere bo bu wo bu do ni. ¹⁶ Am bisa am bengɔ dɔngu ni koro. Kristo jamam kere bo bu wo fen n bisa am dɔngu.

Awieeri su dee fɔtuwa

¹⁷ M ninbaam, m sere am wo, am si am ɔu sa ni minem bo bu saaki kereewam bo am adu mo ade i ni, na bu fa kpakpaakinu ba ni, na bu ma minem kpaasi fa ko bu yarada n su ni. Má am dodo bu. ¹⁸ Dama nyini minem so, bu su má ya Mibie Yesu Kristo su, ama, bu su bu dee kunnu koroowa su wo, na bu bo minem bo bu si má pui n anɔɔfie, na bu dadaka bu. ¹⁹ Ama, ambere yiri, sɔnɔ kere ati kabo am ade Kristo nɔaniɛ nahɔre, nyini dee ti, m ahore ajo ako asin su. M koro ka am la si fa ko deke n bo i ti kpa n su, ama, m koro má ka am la si haari kaan so mmɔɔ fa ko deke n bo i ti má kpa n su. ²⁰ Nyeme bo i ma tanalaifie ni, i cé má, i má am yiko na am fún tientien Sitana ɔu mereki i. Ya Mibie Yesu Kristo buka am.

²¹ Timoti bo m ni yiri sanja yo juma n bisa am dɔngu, na Lukiyosi, ni Jason, ni Sosipateri, m lamɔko Yudafom n gusu bisa am dɔngu.

²² Mini Teretiyusi gusu bisa am kere dɔngu, Mibie n dee duma n nu, mini ye Poolu ma m kerɛeri ahin kadasi n sufa ma am n a.

²³ M awurufobie Gayosi bisa am dɔngu. Kristo jama n kere tien bu nɔɔ i dika a. Irasitusi bo i ti mie n nu nwaa bitafo ni, ni ya niwa

Kuwatosi kere bisa am dongu. [²⁴ Ya Mibie Yesu Kristo buka am kere. Ami.]

Pɔɔlu dɛɛ awieeri su noanie ni

²⁵ Am ma ya kansi Nyeme. Yiri koro ma am jina fanga kenken fa ko Yesu Kristo labari kpa n bo m kaanri i jore na am ati i n su a. I ti jore bo bu yo fa fiɛri dada kere wo, ama, kisa wo fite fofoe nu. ²⁶ Yiri ye Nyeme noanie kanfom kereeri i n a, na Nyeme bo i wo bere sanga kere n ama daanfɛ kere ati i, na ba de i, na ba yo i yarada. ²⁷ Nyeme ngumi la alecira a, yiri ti ye ni ka ya kansi i a, Yesu Kristo dɛɛ ti, sanga kere sanga. Ami.

Pɔɔlu kadasi ciciri su bo i kere fa maari KƆRINTOFƆM ni

¹ Mini Pɔɔlu bo Nyeme deɛ koroyanu na wɔ fere m ka m yo Yesu Kristo jaramasa ni, m ni ya niwa Sositeni ni sukere ahin kadasi ma am a. ² Ya sukere i na ya fa ma ambere Kristo jama n bo am wo Kɔrinto mie kpiri n nu, na Nyeme afere am afa am ayo i deɛ mine casim ni, na wɔ ma am ni Yesu Kristo ayo kun ni, fa sanɔa ni minem kere bo bu bo fere ya Mibie Yesu Kristo duma n deke kere ni, yiri ti ya ni bere kere Mibie a.

³ Ya Si Nyeme, ni ya Mibie Yesu Kristo buka am, na bu ma am tana-laife.

Sakpam bo Pɔɔlu na Nyeme ayo ama bu ni

⁴ Sanɔa kere m da Nyeme asi wɔ, ambere deɛ ti, fa kɔ sakpa n bo wo yo ama am na i fite Yesu Kristo do ni. ⁵ Yiri deɛ ti, am anya deke kpa doɔgu, haari fa sanɔa ni jɔre jɔɔɔwa, ni si kere. ⁶ Daani n bo ya diiri i fa kɔ Kristo nusu jɔre ni, ambere mmɔɔ ni am tii si ka i ti nahɔre wɔ. ⁷ Nyini deɛ ti, am fun má Nyeme aceeri kpa n haari kun n kpein mmɔɔ, na am n̄minda fa kɔ sanɔa bo ya Mibie Yesu Kristo bá yi i n̄u fite ni. ⁸ Yiri má am fanɔa haari kɔ ju awieeri a, na am la má n̄gasi be ya Mibie Yesu Kristo deɛ cɛen ni. ⁹ Nyeme la dabuɔ, yiri afere am ka am ni i Wa ya Mibie Yesu Kristo n la wo fie ni am beɔgu a.

Kpakpaakinu n bo i woori Kristo jama n aften ni

¹⁰ M ninbaam, m sere am wɔ, Yesu Kristo deɛ duma n nu, ka am kere fa anɔɔse na má am ma kpakpaakinu be wo am nu, ama, am ma am sunsunni ni am nɔanie yo kun nahɔre su. ¹¹ M ninbaam, deke bo i ti na m se so ni, Kolowe dikafom nbem ase m ka am la akuruwa am n̄uɔ nu. ¹² Yiri la ka, am nbem na, “Mini su Pɔɔlu su a,” nbem na, “Mini su Apolosi su a,” nbem na, “Mini su Petoɔ su a,” ye nbem gusu na, “Mini su Kristo su a.” ¹³ Kristo akpakpaaki i n̄u nu wɔ, nzen se? Ye bu kpamaari Pɔɔlu baka jaanu n su maari am a? Bu bieeri am Nyeme nzue Pɔɔlu deɛ duma nu wɔ? Ai. ¹⁴ M da Nyeme asi ka ma bie má am be Nyeme nzue, má ka Krisipusi ni Gayosi n n̄gumi. ¹⁵ Nyini deɛ ti, be koro se má ka m bieeri i Nyeme nzue m deɛ duma nu. ¹⁶ Eɛnhɛen, ma tenɔe su bekun ka m bieeri Satɛfanasi dikafom n gusu Nyeme nzue. Sin nyini sin, m koro tenɔe má su ka m bieeri be Nyeme nzue kun. ¹⁷ Dama Kristo asunma má m ka m ba bie minem Nyeme nzue wɔ, ama, i sunmaari m ka m ba kan i labari kpa n jɔre kere minem wɔ. Ma fa má adamande deɛ alecira, ye m fa kan kereeri minem a, nzen má m yo so, má yiwee n bo Kristo wuuri baka jaanu n su n ti n̄gbeen wɔ.

Kristo ti Nyeme yiko ni alecira a

¹⁸ Dama nzen ya kan yiwee n bo Kristo wuuri i baka jaanu n su n jɔre kere minem bo bu suka n̄gbeen ni, bere do i ti sinnzinya jɔre wo læ. Ama, yere n bo ya nya tiide ni, i ti Nyeme yiko sa bo wo yo ama ya a læ. ¹⁹ Dama ba kere i Nyeme jɔre Kadasi n nu ka, Nyeme na,

“M yó alecirafom alecira ni ηgbεen,
na m tó sifom si n atin.”

²⁰ Tɔ, alecirafom wo ni? Ye sifom wo ni? Ye bo bu fiiti na bu si ahin durunya n nu jɔre n wo ni? Durunya n nu alecira ye Nyeme afa akaaki sinnzinya n a. ²¹ Nyeme la alecira, be koro fa má durunya n nu alecira na i fa si Nyeme. Nyeme koroyanu ye i ma ya kan labari kpa n bo i ti ka sinnzinya jɔre n kere minem a, na bo ba yo yarada ni, Nyeme ade bu tii aji. ²² Dama bo bu ti Yudafom ni, bere koro ka bu ηu alekutura sam wɔ, ye bo bu ti Girikifom n gusu koro ka bu ti alecira jɔre wo. ²³ Ama, yere kan Kristo Tiidefo labari kpa n jɔre wɔ, kabo bu kpamaari i baka jaanu n su ni. Yudafom dɔ, i ti ciire wɔ, ye bo bu ti má Yudafom n dɔ, i ti sinnzinya jɔre wɔ. ²⁴ Ama, minem bo Nyeme afere bu ni, bo bu ti Yudafom ni, ni bo bu ti Girikifom ni, Kristo ti Nyeme yiko ni alecira a. ²⁵ Dama Nyeme sa bo wɔ yo i na i ti ka sinnzinya sa n tara adamande alecira kere bo i la i, na Nyeme sa bo wɔ yo i na i ti ka i la má fanga ni, i tara adamande fanga kere bo i la i.

²⁶ M ninbaam, am sunsun na am nie kabo am yo ti na Nyeme ba fereeri am ni. Nzen ya ηa ya nie, durunya n nufom yo bu má ka am dɔnggu la alecira, am dɔnggu yo ti má yikofom, na am dɔnggu gusu yo fite má nfangafom n busu nu. ²⁷ Ama, Nyeme ayi dekem bo bu ti sinnzinya sa durunya n nu ni, na wɔ fa awura alecirafom nyinse, na wɔ yi dekem bo bu la má fanga durunya n nu ni, na wɔ fa awura nfangafom nyinse. ²⁸ Nyeme ayi bo bu ti tarakam durunya n nu fen, na wɔ yi minem bo bu bu má bu ni, ni dekem bo bu ti ηgbεen ni, na i ma dekem bo bu la fanga n ka ηgbεen. ²⁹ Deke bo i ti na Nyeme yoori i sɔ n la ka, adena má be koro fo yiri Nyeme dɔ. ³⁰ Ama, Nyeme ama am ni Yesu Kristo ayo kun, na wɔ ma wɔ yo ya dee alecirafɔ. Yesu dee ti ye Nyeme de ya ka ya yo sa bo i kɔ atin su i dɔ n a, ye wɔ yo ya i mine casim, na wɔ de ya tii aji. ³¹ Nyini dee ti, kabo ba kere i Nyeme Jɔre Kadasi n nu ni, “Sɔnɔ kere bo i ηa i fo, i ti ye ni ka i fo Mibie n ti.”

2

Kabo Pɔɔlu kaanri Yesu Kristo ni i yiwee n jɔre ni

¹ M ninbaam, sanɔa bo m baari am dɔ na m ba kaanri labari kpa n kereeri am, na am si Nyeme asiri nu n jɔre ni, ma fa má adamande alecira ni si jɔre ajojo akere má am. ² Dama m yo baari ni, ma koro má ka m kan jɔre be am dɔ, má ka Yesu Kristo Tiidefo n dee jɔre, ni kabo i wuuri baka jaanu n su ni. ³ Sanɔa bo m yo woori am dɔ ni, m ηunie ti m yɔrɔkiiwa a, na sere ati m agaya, na m ηunie subobo m. ⁴ M nɔanie jɔjɔwa ni labari kpa n bo m kaanri i ni, i ti má adamande alecira ni si jɔre, ama, Nyeme Awiewie Casi ni yoori alekutura sam kereeri ka m nɔanie jɔjɔwa n ti nahɔre wɔ. ⁵ Adena má am yo yarada adamande alecira n dee ti, ama, Nyeme dee yiko n dee ti.

Nyeme alecira jɔre

⁶ Tɔ, ama, ya jɔjɔ alecira jɔre fa kere minem bo ba bi fa kɔ Nyeme atin n su n a. I ti má durunya n nu fen dee alecira, wara i ti má alecira bo durunya n nu nfangafom la i ni, bere kere bá ka ηgbεen wɔ. ⁷ Ama, yere kan Nyeme alecira asiri nu jɔre n bo i yo fa fieeri adamande ηu n wɔ, nyini alecira ni, Nyeme du mɔ ciciiri i wɔ ka, ye i nya ba yiiri

durunya n a. I yoori sɔ ɔ, adena ya nya i jirima woowa ni. ⁸ Durunya n nu nfaŋgafɔm be mmɔɔ asi má nyini alecira ni, nzen má bu siiri i, má bu kpama má ya Mibié Jirimafɔ n baka jaanu n su. ⁹ Ama, i ti kabo ba kerɛ i Nyemɛ Jɔrɛ Kadasi n nu n wɔ, ka,

“Deke bo be nyumbaa nya ŋu má i ni,
wara deke bo be sui nya ti má i ni,
wara deke bo be nya sunsun má i, i ahorembaa su ni,
nyini ye Nyemɛ asɛsɛ i su,
na i fá ma bo bu koro i n a.”

¹⁰ Ama, yɛrɛ yiri, Nyemɛ ama i Awiewiɛ Casi n ayi nyini n sɔ akere ya, dama Awiewiɛ Casi ni fiiti si deke n kerɛ a, haari ni Nyemɛ jɔrɛ bo i wo ŋgo ni. ¹¹ Adamande be koro si má sa bo i wo i beŋgu adamande ahore su, má ka i mi ni i tii awiewiɛ ni si deke bo i wo i ahore su a. So ye be koro si má sa bo i wo Nyemɛ ahore su a, má ka Nyemɛ Awiewiɛ ni ŋgumi si a. ¹² Awiewiɛ n bo yɛrɛ anya i ni, i ti má durunya n nu fɛn dɛɛ, ama, i fite Nyemɛ dɔ ɔ, adena ya si aceerim kerɛ bo Nyemɛ afa ama ya ni. ¹³ Nyini ye ya fa kere minɛm a. I fite má adamande alecira kereewa n nu, ama, i ti deke bo Awiewiɛ Casi ni kereeri ya a, ye ya fa kere minɛm bo bu la Awiewiɛ Casi n a. ¹⁴ Sɔnɔ bo i la má Nyemɛ Awiewiɛ ni, koro de má deke n bo i fite Nyemɛ Awiewiɛ n dɔ, dama yiri dɔ, nyini jɔrɛm ti ka sinnzinya jɔrɛ wɔ, na i koro ti má i bu, dama be koro si má i bu, má ka Nyemɛ Awiewiɛ ni buka i na i koro fiiti si i bu. ¹⁵ Sɔnɔ bo i la Nyemɛ Awiewiɛ ni, i mi koro fiiti deke n kerɛ a, ama, be koro fiiti má i mi yiri. ¹⁶ I ti kabo ba kerɛ i Nyemɛ Jɔrɛ Kadasi n nu barasu n wɔ ka,

“Ŋma asi sa bo i wo Micerɛ n sunsunni nu,
na i kéré i kabo i yo a?”

Ama, yɛrɛ yiri, ya si deke bo i wo Kristo sunsunni nu.

3

Nyemɛ amusuifɔm jɔrɛ

¹ M ninbaam, ma koro ajoyɔ má am dɔ ka am ti minɛm bo bu si Awiewiɛ Casi n jɔrɛ, ama, m jɔjɔri am dɔ ka am ti bo bu bita adamande woowa a, Kristo dɛɛ atin n su, am ti ka nbaatumam wɔ.

² Nbaatumam koro nu nyufini ŋgumi wɔ, bu koro di má diire nɔnɔri, nyini dɛɛ ti ye m kereeri am bumboori su dɛɛ kereewam n a, dama am koro ti má kereewam bo bu ti kekereke n bu. Haari ni kisa, am nya koro ti má i bu. ³ Dama am toko bita adamande woowa n wɔ. Am si am beŋgu kɔrɛ wɔ, na am suse akuruwa am ŋuŋu nu. Kabo am yo sɔ ni, durunya n nu adamande woowa atin lɛɛ, ye am bita i n a. ⁴ Dama nzen am nbem ŋa, “Mini su Pɔɔlu su a,” ye nbem gusu ŋa, “Mini su Apolosi su a,” am ti má ka durunya n nufɔm wɔ lɛɛ, nzen sɛ?

⁵ Apolosi la ŋma? Wara Pɔɔlu la ŋma? Ya kerɛ ti Nyemɛ amusuifɔm bo ya ba abuka am wɔ, ya kerɛ ni ya juma bo wɔ fa ama ya na ya yo, ye am ayo yarada a. ⁶ Fa kɔ am yaradayo n su, i ti ka mini Pɔɔlu dɔɔri alembaa n a, ye Apolosi gɔɔri i nzue a, ama, Nyemɛ yiko n nu ma wɔ nyi awura mbaa. ⁷ Nyini ti, bo i dɔ mbaa n ni bo i gɔ nzue n be mmɔɔ ti má pui. Deke bo i ti jɔrɛ n la sa bo Nyemɛ yo i n wɔ, dama yiri ma i nyi wura mbaa a. ⁸ Bo i dɔ mbaa n ni bo i gɔ nzue n kerɛ yo juma kun wɔ. Bu kerɛ nyá bu ŋkatɔ kabo bu jumayoowa ti barasu

n wɔ. ⁹ Dama ya kere san̄ga yo juma kun ma Nyeme wɔ, ye amberɛ gusu ti ka Nyeme fie ye ya dɔ i a, na am kaaki ti ka Nyeme awuru ye ya ta i a.

¹⁰ Aceeri n bo Nyeme afa ama m ti ka sɔnɔ bo i si ataari ta nyunyumi wɔ, ye m se sɔɔ n bumboori fa n a. Ye be gusu dɛɛ la ka i ta taka nyini n su a. Ama, wɔ yo daka ka sɔnɔ kere si i ɲu sa kabo i ta taka su barasu. ¹¹ Dama Yesu Kristo ɲgumi ti ka sɔɔ fa bumboori n bo bu fa se sɔɔ n bu n a, be koro se má sɔɔ fa be bekun sin yiri ɲu. ¹² Ama, sɔnɔ kere bo i ta taka su, na i ti ka i faari sika, na be gusu faari jete, na be gusu faari afere bo i la anyunuyi ta takaari su, na be faari baka, na be faari wura, na be faari kara ta takaari su. ¹³ Ama, jina cɛɛn, sɔnɔ kere jumayoowa bá fite fofoe nu, na bu ɲú i kabo i ti, dama sin bá yara sɔnɔ kere juma, na sin ni yó i na i níɛ kabo i ti. ¹⁴ Sɔnɔ kere bo i ta takaari bumboori fa seewa n su, na nzen sin n yaraari i jumayoowa na wɔ di má i, i mi nyá ɲkatɔ. ¹⁵ Ama, sɔnɔ kere bo sin n diiri i jumayoowa ni, i nyá má ɲkatɔ, ama, yiri ni i tii nyá tiide, se i ti ka sin n afundi i mi wɔ.

¹⁶ Am si má ka am ti ka awuru bo Nyeme wo am nu wɔ, nzen se? Am si má ka Nyeme Awiewie Casi n wo am nu wɔ? ¹⁷ Sɔnɔ kere bo i saakiiri Nyeme awuru ni, Nyeme sáaki i mi, dama Nyeme awuru n ti casi wɔ, ye amberɛ ni am tii ti ka nyini awuru n a.

¹⁸ Má be se ka i dadaka i ɲu. Nzen be wo am nu, na i sunsun ka i la durunya n nu alecira, ma i mi yo i ɲu ka i ti sinnzin wɔ, adena i kaaki alecirafo nahɔre su Nyeme dɔ. ¹⁹ Dama deke bo durunya n nufom bu i ka i ti alecira ni, Nyeme dɔ i ti sinnzinya a. Nyini ti ye ba kere i Nyeme Jɔre Kadasi n nu ka,

“Alecirafoɔm ye Nyeme fa bu ɲɔnletie fa tara bu n a.”

²⁰ Ye ba kaaki akere i ka,

“Miceɛra ni si deke kere bo i wo alecirafoɔm sunsunni nu a,
i si ka i ti ɲgbeen wɔ.”

²¹ Nyini ti, má be se ka i fa adamande be fa fo, dama deke n kere ti am dɛɛ wɔ. ²² Mini Pɔɔlu ti am dɛɛ wɔ, ni Apolosi, ni Petoɔro gusu, ni durunya, ni ɲgɔɔ, ni yiwee, ni kisa dɛɛ san̄ga n bo ya wo nu ni, ni san̄ga bo i bá ba ni, deke n kere ti am dɛɛ wɔ, ²³ na amberɛ gusu ti Kristo dɛɛm, ye Kristo gusu ti Nyeme dɛɛ.

4

Kristo jaramasam juma n jɔre

¹ Tɔ, nyini ti, wɔ yo daka ka am nie ya ka ya ti Kristo amusuisufom wɔ, ya ti minem bo Nyeme afa i asiri nu jɔre n awura ya saa nu wɔ. ² Jɔre n bo i kaaki wo bere la ka, wɔ yo daka ka amusuisufo yo i juma ni nahɔre su ma i mibie. ³ Mini yiri, nzen am di m jɔre, wara adamande jɔredifom di m jɔre, m cɛɛ wo má nu, haari mini mmɔɔ ni m tii di má m ɲu jɔre. ⁴ M sunsunni ni m ahore su, ma yo má satie be, ama, nyini kere má ka m la má ɲgasi be wɔ lɛɛ, má ka Mibie ni ɲgumi ti bo i di m jɔre a. ⁵ Nyini dɛɛ ti, má sɔnɔ be di i benggu jɔre, dama san̄ga nya ju má bo Mibie ni bá. I ba baari, yiri yí deke kere bo i wo awosin nu na i fie n fite fofoe nu a, na i yí deke kere bo i wo adamande ahore su fite fofoe nu. Nyini san̄ga ni, ye sɔnɔ kere nyá i kansi Nyeme dɔ.

⁶ Tɔ, m ninbaam, ambere dɛe ti ye m kaanri ahin n kere fa ko m ni Apolosi jɔre n a, na am nie ya woowa, na am su kabo ba kere i ase ni ngumi su, adena ma am be yo kpirikoro ka mɔfo be tara i lamoko nyinga ni. ⁷ Nma ase am ka am tara am benju a? Nzu deke ye am la i, ye Nyeme afa ace ma am a? Deke bo am deeri i ni, ye nzu ti ye am koro kpiri ka Nyeme afa ace ma am a?

⁸ Am sunsun ka am anya deke n kere bo am koro i n lee fan. Am ayo nengefom lee fan. Am akaaki nfemem ayaki ya lee fan. Nzen ma am adi femeya nahore su, ma i yo m fie, adena ya ni ambere kere sangda di femeya ni. ⁹ Mini do, yere n bo ya ti Kristo jaramasam ni, i ti ka Nyeme ma ya ka sin wo. Ya ti ka minem bo ba di ya jore abo ya asi ye ya wu a, na ya di nyini nyinse n na sono kere nyumbaa nu i, merkem ni adamandem kere. ¹⁰ Yere ti sinnzinm wo, Kristo dɛe ti, ama, ambere ti anyunutekefom wo, Kristo atin n su. Yere ti daburukafom wo, ye ambere ti nfangafom. Bu bu ambere wo, ama, yere yiri, bu bu ma ya. ¹¹ Haari fa ba ju ni kisa, ahoe ni nzuehoe sukun ya a, ya la ma sutura wuraawa kpa, bu bita ya bo wo, ya kaaki la ma deke bo ya da. ¹² Ya yo ya saa nu juma ni anyumboro wo, ye ya di a. Nzen minem kpie ya nzuko, ya sere awieeri kpa ma bu wo. Nzen bu kere ya wuwuruwa, ya mindi de i wo. ¹³ Nzen bu saaki ya duma, yere joko kpa ma bu wo. Ya ti ka wura tie bo durunya n nufom fa go bonfo su n wo, haari ni kisa.

¹⁴ I ti ma ka m koro ka m wura am nyinse dɛe ti, ye m sukere ahin jorem ma am a, ama, am ti m nbaa koroowam dɛe ti, ye m subobo am a. ¹⁵ Dama nzen haari ma am la kerefom akpii buru mmoo fa ko Kristo dɛe atin n su, ma am la ma sim beberebe, mini ti am si a, Yesu Kristo dɛe atin n su, labari kpa n bo m kan kereeri am dɛe ti. ¹⁶ Nyini ti, m sere am wo, am son m su, na am ma am woowa ti kabo m woowa ti barasu ni. ¹⁷ Nyini dɛe ti ye m susunma Timoti am do n a. Yiri ti m wa koroowa nahore su a, na i kaaki la dabunu Mibie n atin n su. I tenge am su kabo m woowa ti Kristo atin n su, ni kabo m kere minem ka bu wo barasu, deke kere bo m ko ni, Kristo jamam n kere nu. ¹⁸ Am nbem sunsun ka m ba ma am do kun, nyini ti, ba fa kpirikoro. ¹⁹ Ama, nzen Nyeme soro su, i ce ma, m ba nie am busu, na m ba si nyini minem bo bu la kpirikoro ni, ma ka bu noanie jokowa ni ngumi, ama, m nie kabo bu yiko ti barasu. ²⁰ Dama kabo Nyeme nie i minem su ni, i ti ma noanie jokowa n wo, ama, i ti yiko wo. ²¹ Ahin jore nnyom nu, am koro bono o? Am koro ka m ba cin am sui, nzen se? Wara am koro ka m ba am do benle, ni koro wo?

5

Dangba sa n bo i wo Kristo jama n nu n jore

¹ Ma ti jore be, ka dangba sa wo am nu, yiri la ka sono be bita i si yi da a. Haari bo bu su ma Nyeme ni mmoo yo ma nyini dangba sa ni. ² Am ayo nyini sa n ye am toko koro kpiri n a fan? Ye am ahore saaki ma n a? Wo yo daka ka am yi nyini sono n fite am nu. ³⁻⁴ Haari ni bo mini wo ma am do ni, m awiewie wo am do, na sono bo i yoori nyini sa ni, ma du mo adi i jore ajaraki i ya Mibie Yesu dɛe duma n nu, kabo ma mini ni m tii wo am do na m yo ni. Nzen am ba tieenri am noo, na m awiewie wo am do, na ya Mibie Yesu yiko n wo ya do, ⁵ am fa nyini sono n fa wura Sitana saa nu, na i kere i kekereke fa ko

i adamañe añuniembaa koroowa n su, adena i awiewie n nya tiide cœen n bo Mibiẽ ni bá di minem jœre ni.

⁶ Am yanföya bo am nati fö i ni, i ti má kpa. Am si má ka ayiri kaan so ma kpõnõ n yasu a, nzen se? ⁷ Am sunsun fa kò Butara cœenkpiri n su, bo bu di kpõnõ na, bu gò má ayiri nu ni, kana bu ba di cœenkpiri n ni, bu du mò fa ayiri dawa n tu wò. Am yi nyini ayiri dawa n fa tu, na am yo ka kpõnõ föfõre bo ba fa má ayiri ago má nu. Deke bo m suse n la ka, nzen satie kaan woori am nu, i sáaki am kere wò. Nyini dœe ti, am yi satie kere bo i wo am nu ni. Nahõre, am ti mine casim wò, am ti ka kpõnõ föfõre n wò, dama ba fa Kristo ayo yoowa ama ya. Yiri ti ka ya Butara cœenkpiri bõmbaa n bo ba kpie i kòm n a. ⁸ Nyini ti, am ma ya bita Butara cœenkpiri nyunyumi, na ya yaki satie bo i ti ka ayiri dawa ni, ama, am ma ya di i ka ya ti minem bo ya ti casi na ya la nahõre wò, bo i ti ka kpõnõ bo ba gò má ayiri nu ni.

⁹ Kadasi n bo m yo du mò kere maari am ni, m seeri am ka, má am ni minem bo bu yo dangba sam sanja wo. ¹⁰ Tò, m sukan má durunya n nufòm ni jœre a, bere bo bu nati yo dangba sam ni, ni bo bu nyunu aboro ñeñge kpini su ni, ni bo bu fin bu beñgum ni, ni bo bu su amœem ni. Nzen má i ti so yiri, ñka má am fite yaki durunya n wò. ¹¹ Tò, bo m sukan n la ka, má am sanja ni minem bo bu yo bu ñu ka bu ti am lamòkò Kristofòm na bu yo dangba sam, wara bu nyunu boro ñeñge kpini su, wara bo bu su amœem ni, wara bo bu nati kan minem jœre, wara bo bu nati nu nzan bo ni, wara bo bu nati fin mine ni. Má am se ka am ni nyini sòñõ n be so mmòw sanja di diire. ¹²⁻¹³ Má m juma la ka m di bo bu wo má Kristo jama n nu jœre. Nyeme dí bu jœre a. Bo bu wo Kristo jama n nu ni, amberẽ ti bo am di bu jœre a. Nyini dœe ti, kabo ba kere i Nyeme Jœre Kadasi n nu ni, ka, “Am fõn yi sòñõ tie n bo i wo am nu ni.”

6

Kabo bu fa bu beñgu Kristofòm kò jœre diibiri ni

¹ Nzen am be ni i beñgu Kristofò be nyaari jœre be, i ti ye ni ka i mi fa jœre n kò Nyeme minem n dõ, má i se ka i fa kò durunya n nu jœredifòm bo bu si má Nyeme n dõ fieo. ² Am si má ka Nyeme minem bá di durunya n kere jœre a, nzen se? Ye nzen am bá di durunya n kere jœre, nzu ti ye am koro yo má am ñuñu nu jœre mumukum dõngu a?

³ Am si má ka ya bá di haari ni merékem jœre? Ye nzu ti ye am koro di má jœrem fa kò dekem bo bu wo durunya n nu n su a? ⁴ Amberẽ, nzen am la nyini jœre n be so, ye nzu ti ye am fa kò minem bo Kristo jama n bu má bu n dõ a? ⁵ Deke bo m sukan i ni, i ti am nyinse wò. Alecirafò haari kun n kpein mmòw wo má am nu bo i koro di am ñuñu nu jœrem, nzen se? ⁶ Ama, amberẽ, am fa am beñgum kò jœre diibiri wò, na am kò jina minem bo bu ti má yaradayofòm nyunu, na bu di am jœre.

⁷ Nahõre, am akpaasi, kabo am nati fa am beñgu kò jœre diibiri ni. Nzen u niwa doori u ñgasi be, i ti ye ni ka a mindi de i. Nzen u niwa be sisiiri u, yaki ce i, i ti ye ni bo a fa i kò jœre diibiri. ⁸ Ama, amberẽ ni am tii wura am beñgu ñgasi nu wò, na am susisi am beñgum, haari ni am beñgu Kristofòm kere.

⁹ Am si má ka sòñõ kere bo i yo satie koro wura má Nyeme femeya n nu, nzen se? Má am dadaka am ñu, minem bo bu yo dangba sa koro

wura má Nyeme femeya n nu, wara bo bu su amœm, wara bo bu saaki ajaa ciire, wara nbiesom bo bu fa bu ŋu kaaki ka nbaram na bu ni bu benƣu nbiesom sanƣa da ka bara ni bieso dee su ni,¹⁰ wara awiefom, wara bo bu nyunu aboro nenƣe kpini su, wara bo bu nu nzan na bu bo, wara bo bu nati kan minem jœre, wara bo bu nati fin minem ni, bere be mmœw koro wura má Nyeme femeya n nu.¹¹ Am nbem yo ti so o. Ama, Nyeme anmisi ayi am satiem ni, na wo fa am ayo i dee mine casim, na wo de am ka am yo sa bo i ko atin su i do, ya Mibie Yesu Kristo duma n dee ti, ni ya Si Nyeme Awiewie n dee ti.

Am fa am ŋuniembaa yo deke bo i ma Nyeme jirima

¹² Am nbem se ka, “M la atin bo m koro yo deke kere bo m koro ka m yo i,” ama, má deke kere la kperε a. Mini mmœw koro se ka m la atin bo m koro yo deke kere bo m koro ka m yo i, ama, m yaki má na deke be kunma m.¹³ Nbem gusu ŋa, “Diire ti akunnu dee wo, na akunnu gusu ti diire dee.” I ti nahœre wo, ama, Nyeme bá ma akunnu n ni diire n kere ka ŋgbœen a. Ama, anuniembaa n yiri, i ti má sakaraya dee, ama, i ti Mibie n dee wo, na Mibie n gusu ti anuniembaa n dee.¹⁴ Nyeme dee yiko n nu ye i tengeeri Mibie ni i yiwee nu a. I yiko n nu ye i bá tenge ya gusu a.¹⁵ Am si má ka am ŋuniembaa n ti Kristo anuniembaa n bue be wo, nzen se? Ye m koro fa Kristo anuniembaa n bue be yo sakaraya, nzen se? Ai, atin wo má nu.¹⁶ Am si má ka sono kere bo i faari i ŋu mataari bara sakara na bu sanƣa woori, bere nnyo n ayo deke kun wo lee, nzen se? Dama ba kere i Nyeme Jœre Kadasi n nu fa ko bieso ni i yi jœre su, ka, “Bu mine nnyo n ayo deke kun lee.”¹⁷ Sono kere bo i faari i ŋu mataari Mibie n na bu sanƣa woori ni, i ni yiri dee awiewie n ayo kun lee.¹⁸ Am ŋmati fite sakaraya nu. Má satie kere bo sono yo i ye i saaki i ŋuniembaa n a. Ama, bo i yo sakaraya ni, i mi saaki i ŋuniembaa n wo.¹⁹ Am si má ka am ŋuniembaa n ti ka awuru bo Awiewie Casi n wo nu n wo, nzen se? Yiri ye Nyeme fa maari am n a, má am dee la am ŋu.²⁰ Nyeme ato am ato kaari wo, nyini ti, am fa am ŋuniembaa n fa yo deke bo i ma Nyeme jirima.

7

Kabo i ti ye ni ka bieso ni bara wo barasu ni

¹ To, jœre n bo am kere maari m ni, am ŋa, “I ti ye ni ka má bieso si bara.”² I ti nahœre wo, ama, mini do, sakaraya dee ti, i ti ye ni ka bieso kere la i tienƣu yi, na bara kere la i tienƣu hun.³ I ti má ye ni ka bieso kete na má i ni i yi sanƣa, i kaaki ti má ye ni ka bara kete na má i ni i hun sanƣa.⁴ Má bara n dee la i ŋuniembaa ni, i ti i hun n dee wo, so ye i kaaki ti a, má bieso n gusu dee la i ŋuniembaa ni, i ti i yi n dee wo.⁵ Má am kete am benƣu daari, má ka am ayo anœokun ka am fa nyini sanƣa kaan sere Nyeme, nyini sin, na am kaaki sanƣa bekun, adena má Sitana yo am nie na i nya am, dama am koro tara má am ŋu dee ti.⁶ I ti má ka m suma am noo ka am yaki i wo, ama, m suma am atin ka am koro yo so o.⁷ Mini do, nzen má sono kere wo kabo m wo ni, i yo m fie, ama, sono kere ni i aceeri bo Nyeme afa ama i, be dee wo i ŋgumi, na be gusu dee wo i ŋgumi, i kere ti má kun.

⁸ Kisa m sujojo amberε nbiesom ni nbaram bo am nya ja má ni do a, ni nkunafom, nzen má am wo kabo m wo ni, na am ja má, i ti kpa.

⁹ Ama, nzen am koro tara má am ñu, am ja. Nzen am yo sɔ, i ti ye ni bo sanja kere am la konviki agaya fa kɔ bara ni biesɔ dika, na am koro tara má am ñu ni.

¹⁰ Ahin ti nbiesom ni nbaram ajaafom dɛɛ jɔrɛ ye m sukan i n a, má mini suse a, ama, i ti Nyeme ñoaniɛ maawa a, ka má bara yaki i hun ajaa. ¹¹ Ama, nzen i kɔ yoori ka be afite i hun dika, má i ja kun, i tana sɔ, wara i kaaki kɔ i hun n dika. Má biesɔ n gusu se ka i yaki i yi ajaa.

¹² Minem bo ba ka ni, m dɛɛ fɔ ye m sufa tu am n a, má Nyeme seeri sɔ a. Nzen Kristofɔ be yi ti má yaradayofɔ, na wɔ soro su ka i tana i hun n ajaa bu, má i yaki i ajaa, i bita i. ¹³ Nzen bara be ti Kristofɔ, na i hun ti má yaradayofɔ, na biesɔ n asoro su ka i ni i yi n sanja tana, má bara n yaki i ajaa, i tana. ¹⁴ Dama biesɔ n bo i yo má yarada ni, Nyeme ade i ayo i dɛɛ sɔnɔ, i yi n bo i ti Kristofɔ n dɛɛ ti, na bara n gusu bo i yo má yarada ni, Nyeme ade i ayo i dɛɛ sɔnɔ, i hun n bo i ti Kristofɔ n dɛɛ ti. Nzen má nyini, Nyeme dé má bu nbaam, ama, kabo i ti ni, Nyeme ade bu. ¹⁵ Ama, nzen bo i ti má yaradayofɔ n kete ka i ja má, yaki i na i kɔ, nyini sanja, Kristofɔ n la má ngasi be. Nyeme afere ya ka ya wo ni tanalaifɛ wɔ. ¹⁶ Wɔrɔ bara ni, beni, wɔrɔ dɛɛ ti, u hun ni nyá tiide, na wɔrɔ biesɔ n gusu, beni, wɔrɔ dɛɛ ti, u yi ni nyá tiide.

Kabo ya yo ti na Nyeme fereeri ya ni, ya ti sɔ

¹⁷ Tɔ, am ma sɔnɔ kere wo kabo Mibiɛ n kereeri i sanja bo Nyeme fereeri i ni. Deke kere bo m kɔ Kristo jamam n nu, kabo m kere bu ka bu yo lɛɛ. ¹⁸ Nzen be wo bere, na wɔ du mɔ awura kenkenne ka, ye Nyeme ba fereeri i, i ti ye ni ka i mi yaki i kenkenne yoowa n sɔ. Nzen be gusu wo bere, na wɔ wura má kenkenne, ye Nyeme afere i, i ti ye ni ka i mi wo sɔ, má i se ka i wura kenkenne. ¹⁹ Bo wɔ wura kenkenne n ni bo wɔ wura má kenkenne ni, i be mmɔɔ ti má pui, ama, deke bo i ti jɔrɛ nahɔrɛ su n la ka, sɔnɔ bita Nyeme ñoaniɛ maawam ni. ²⁰ I ti ye ni ka sɔnɔ kere wo kabo i yo ti barasu na Nyeme nya ba fereeri i ni. ²¹ Nzen a ti akɔɔ, ye Nyeme afere u, má a ma i yo u yaa, ama, nzen a si ka a koro nya atin na a de u tii, a koro yo sɔ. ²² Dama sɔnɔ kere bo i ti akɔɔ na Mibiɛ n afere i, i ti Mibiɛ n dɛɛ sɔnɔ bo wɔ de i tii aji wɔ, sɔnɔ kere gusu bo i ti má akɔɔ na Mibiɛ n afere i, sɔ ye wɔ kaaki Kristo akɔɔ a. ²³ Nyeme ato am ato kaari wɔ, nyini dɛɛ ti, má am yo adamandem akɔɔm. ²⁴ Nyini ti, m ninbaam, kabo sɔnɔ kere ti na Nyeme afere i ni, i ti ye ni ka i mi wo sɔ ni Nyeme.

Nbaram ni nbiesom bo bu ja má n jɔrɛ

²⁵ Fa kɔ minem bo ba nya aja má ajaa n dɔ ni, m la má kereewa bo i fite Mibiɛ n dɔ fa kɔ nyini n dika, ama, Mibiɛ n asi m aɲunfɔ na m la dabunɲu n dɛɛ ti, ye m koro ka m se am deke bo i wo m sunsunni nu n a. ²⁶ Mie n bo ya wo nu kisa n dɛɛ ti, mini dɔ, nzen má sɔnɔ kere koro wo i wo, má i ti kpa. ²⁷ Nzen a du mɔ aja bara, má a kpini atin na a yaki ajaa ni. Nzen a nya ja má gusu, má a kpini atin na a ja. ²⁸ Nzen a ti biesɔ ye a ja bara, a yo má satie, nzen a ti sunguru gusu ye a ja biesɔ, a yo má satie. Ama, wahara n bo ajaafom di i durunya n nu n ye m koro má ka am di i be a.

²⁹ M ninbaam, deke bo m suse n la ka, sanja n waari má kun. Nyini ti, fa kisa fa kɔ, bo bu la nbaram ni, i ti ye ni ka bu wo ka bu la má

be. ³⁰ Na bo bu sun ni, ma bu wo ka bu sun má, na bo bu ahore ajo ni, ma bu wo ka bu ahore ajo má, na bo bu to nenngem ni, ma bu wo ka má bu dɛɛ la nenngem ni. ³¹ Na bo bu fa durunya n nu nenngem fa yo bu jumam ni, ma bu wo ka bu cɛɛ wo má bu nu, dama ahin durunya n ni deke kɛɛ bo i wo nu n ti siinwa a.

³² M koro má ka deke be miɛ am, am sunsunni nu. Sɔnɔ bo i la má bara ni, i sunsunni kɛɛ wo Mibiɛ n dɛɛ juma ni su a, i dɛɛ la ka, i yo sa bo i sun Nyɛmɛ nu wɔ. ³³ Ama, sɔnɔ bo wɔ ja bara, i sunsunni kɛɛ wo durunya n nu dɛɛ dekem ni su a, i dɛɛ la ka, i yo sa bo i sun i yi nu wɔ, ³⁴ nyini ti, i sunsunni ti nnyɔ nnyɔ ɔ lɛɛ. Na bara bo i ja má, wara sunnguru bo i si má biɛsɔ, i sunsunni kɛɛ wo Mibiɛ n juma ni su a, adena i wo casi i nuniɛmbaa ni i awiɛwiɛ nu. Ama, bara bo i la hun, i sunsunni kɛɛ wo durunya n nu dɛɛ dekem ni su a, i dɛɛ la ka, i yo sa bo i sun i hun nu wɔ. ³⁵ M koro ka m buka am wɔ, nyini ti ye m se sɔ n a, i ti má ka m koro ka m kanda am atin wɔ. Ama, m koro ka am yo sa kɛɛ bo i kɔ atin su wɔ, na am fa am nju ma Mibiɛ n nahɔɛ su, na am su i nyunyumi.

³⁶ Ama, nzen sunnguru be wo bɛɛ na wɔ nya si má biɛsɔ, na ba ce i, na i ni biɛsɔ n kɛɛ ayo bu sunsunni nu ka bu ja má, ama, kasin na biɛsɔ n ba nju ka i koro tara má i nju, na bara n aju ajaa, i koro ja i, i ti má satie. ³⁷ Ama, nzen wɔ jina su kekereke i sunsunni nu, na i ti má deke bo bu miɛ i, na i koro tara i nju fa kɔ i kunnu koroowa su, na wɔ yo i sunsunni nu ka i ja má sunnguru ni, ama, bu wo ka bu ti danfoya a, bo bu si má bu beɔgu ka bara ni biɛsɔ, nyini ti kpa a. ³⁸ Nyini ti, sɔnɔ kɛɛ bo i jaari i sunnguru ceewa ni, nyini ti kpa, ama, bo i ja má i fieo ni, i mi yo sakpa tara bo i ja i ni.

³⁹ Nzen bara ni i hun wo bɛɛ, na biɛsɔ n nya wu má, bara n la má atin bo i fite i ajaa n bu, ama, nzen i hun wuuri, i la atin bo i kɔ ja sɔnɔ kɛɛ bo i koro, ama, wɔ yo daka ka i mi ti Mibiɛ n dɛɛ sɔnɔ. ⁴⁰ M dɛɛ sunsunni nu, nzen má i wo sɔ na i ja má, má i la terefie agaya tara bo i ja. M niɛ ka mini mmɔɔ ni m tii la Nyɛmɛ Awiɛwiɛ ni.

8

Amɔɛ diire diiwam n jɔɛ

¹ Tɔ, fa kɔ dekem bo bu kpiɛ bu kɔm yo tie fa ma amɔɛm dɛɛ jɔɛ, ya si ka ya kɛɛ la si. Ama, si ka nyini n sɔ ma mine wura bu nju kpiri wɔ, ama, koro yiri, i buka sɔnɔ ɔ, na i woowa ti kpa. ² Sɔnɔ kɛɛ bo i yo i nju ka i si deke be, i mi nya la má si nahɔɛ su kabo má i sunsun ka i si i ni. ³ Sɔnɔ kɛɛ bo i koro Nyɛmɛ ni, Nyɛmɛ si yiri wɔ.

⁴ Nyini ti, fa kɔ kabo minɛm di amɔɛ tie diirem ni, ya si ka amɔɛ ti má pui durunya n nu, na nyɛmɛ be wo má bɛɛ sin ya Nyɛmɛ ni nɔgumi kpein nju. ⁵ Haari nzen dekem bo minɛm nja bu ti amɔɛm wo angoro ni asiɛngu fen, na nzen i ti nahɔɛ ka amɔɛm ni mibiɛm dɔɔgu wo bɛɛ mmɔɔ, ⁶ yɛɛ dɔ, Nyɛmɛ kun n kpein wo bɛɛ a, yiri la ya Si Nyɛmɛ, yiri yo yiiri deke n kɛɛ a, ya wo bɛɛ ma yiri wɔ. Ya kaaki la Mibiɛ kun n kpein wɔ, yiri la Yesu Kristo, Nyɛmɛ ma yiri yiiri deke n kɛɛ a, i dɛɛ ti ye ya wo bɛɛ a.

⁷ Ama, má sɔnɔ kɛɛ la nyini si n a, nbem wo bɛɛ bo ba su amɔɛm aɛ, nyini ti, haari ni kisa nzen bu diiri nyini diire n be, bu sunsun ka bu toko di amɔɛ tie niɛ wɔ, na bu sunsunni suma bu nnyɔ nnyɔ ɔ, ka

bu ti má casi. ⁸ Nyeme de má ya diire dɛɛ ti, nzen ya diiri i, i buka má ya pui, nzen ya di má i gusu, i kpiɛ má ya su. ⁹ Ama, am si am ŋu sa, amberɛ bo am ade am tii ni, na má am yo sa be bo i ma am niwa n bo i jaa kpaasi, yiri n bo i yarada ti má biiwa ni. ¹⁰ Nzen sɔnɔ bo i sunsunni n ti nnyɔ nnyɔ n ŋu ka worɔ bo a la nyini si n sɔ wo amɔɛ awuru n nu sudi amɔɛ diire be, nyini ma i ahoresi ka i di be na i nie a, má sɔ? Ɛɛn, i mi dí ɔ. ¹¹ A yoori sɔ, u si n dɛɛ ti, a suma u niwa n ka ŋgbɛɛn lɛɛ, yiri n bo i yarada ti má biiwa ni. Yiri gusu ti u niwa bo Kristo wuuri i dɛɛ ti wɔ. ¹² Nzen am yo sɔ, am suyo am ninbaam satie wɔ lɛɛ, na am sufɔndɔ bu sunsunni bo i ti nnyɔ nnyɔ n lɛɛ, nyini n sɔ ni, am suyo Kristo gusu satie wɔ lɛɛ. ¹³ Nyini ti, nzen diire bo m di i, na i ma m niwa Kristofɔ bo i jaa kpaasi, m dí má nie bekun fieo, adena má m niwa n bo i jaa kpaasi.

9

Atin bo Kristo jaramasam la i fa kɔ bu juma n su ni

¹ M ti má sɔnɔ bo ma de m tii wɔ, nzen sɛ? M ti má Kristo jaramasa a, nzen sɛ? Ma ŋu má ya Mibiɛ Yesu wɔ, nzen sɛ? Kabo am ayo yarada ni, má amberɛ ti m jumayoowa, Mibiɛ n dɛɛ ti a, nzen sɛ? ² Haari nzen nyingam de má m ka m ti jaramasa, amberɛ si ka m ti i jaramasa a, dama kabo am ni Mibiɛ n ayo kun ni, nyini kere am ka m ti i jaramasa a.

³ Nzen mine se m jɔrɛ, ka m ti má Kristo jaramasa, má m bisa bu ka, ⁴ mini ni Banabasi, ya la má atin ka ya de deke bo ya di i, ni deke bo ya nu i, Kristo jama n dɔ ɔ, nzen sɛ? ⁵ Ya la má atin ka nzen ya sukɔ atin, ya koro fa ya yim bo bu ti yaradayofom bita nu, kabo ya benɔ Kristo jaramasa nbem yo ni, ni kabo ya Mibiɛ niemam, ni Kefasi bo bu kaaki fere i ka Petoro gusu yo ni, nzen sɛ? ⁶ Wara m ni Banabasi ŋgumi ye i ti ye ni ka ya yo ya saa nu juma ka, na ya nya di a? ⁷ Ŋma wo bere bo i yo soja juma na i tɔ i tii su kaari a? Ai, bu tɔ bu wɔ. Ŋma wo bere bo i ta bakam, na i di má suuwam be a? Ai, bu di wɔ. Wara ŋma wo bere bo i sasa nengendɔrem na i nu má nɔnɔ a? Ai, bu nu wɔ. ⁸ M sufa má adamande dɛɛ sunsunni nu ye m sufa se sɔ n a, ama, kabo nɔanie kpamaawa n kere lɛɛ. ⁹ Ba kere i Nyeme nɔanie kpamaawa n bo i fa maari Moyisi n nu ka, “Nzen a bita toora subobo ŋgani, má a cici i nɔɔ.” Tɔ, naanim ŋgumi ye Nyeme cɛɛ wo bu nu a, nzen sɛ? Ai, má bere ŋgumi. ¹⁰ Nahɔre, ya ti ka dɔdɔrifom wɔ, yere dɛɛ ti ye bu kereeri sɔ a, adena bo i dɔ ŋgani n ni bo i bobo i n kere la tama ka bu nyá be na bu kpáaki nu. ¹¹ Yere kaanri Nyeme nɔanie ni kereeri am a, kabo dɔdɔrifɔ dɔ alembaa ni, na amberɛ ade i. Ye nzen i ti sɔ, yere la má atin bo ya koro nya deke be am dɔ, nzen sɛ? ¹² Nzen nyingam la atin ka bu de nengem am dɔ, yere la má atin bo ya de tara sɔ, nzen sɛ?

Ama, yere akere má ya yiko ka ya de nyini n be sɔ, dama ya koro má ka ya kanda minem, na má bu de Kristo labari kpa ni. ¹³ Am si má ka, minem bo bu yo juma Nyeme Sereebiri Awuru n nu ni di nyini nu wɔ, nzen sɛ? Na bo bu nati yo juma Mikun yoowa yoobiri n su ma minem gusu di nyini nu wɔ, nzen sɛ? ¹⁴ Sɔ ye Micera n ama nɔɔ a, ka bo bu kan labari kpa n jɔrɛ n nya deke bo bu di i fite labari kpa n kan nu a.

¹⁵ Ama, haari ni bo má m la atin ka m yo sɔ ni, ma yo má nyini n be sɔ, na m sukere má ahin kadasi n ka m de deke be am dɔ ɔ, dama nzen m wuuri, má i ti ye tara bo be se ka m fɔ yanfɔya nɔgbɛɛn ni. ¹⁶ Nzen m kan labari kpa n jɔre kere mine, m la má atin bo m fɔ, dama i ti m juma bo Nyeme ama m ka m yo i wɔ. Nzen m keteeri ka m yo má i, m nyá suicin. ¹⁷ Nyini ti, nzen m kan labari kpa n jɔre m koroyanu, m nya nkatɔ, ama, i ti má m koroyanu, dama Nyeme afa nyini juma n ama m ka m yo i a. ¹⁸ M dɛɛ nkatɔ la bɔnɔ? Yiri la ka m kan labari kpa n jɔre fa kere minem nɔgbɛɛn, m la atin bo m sere deke be bu dɔ, ama, m yo má i.

¹⁹ Haari ni bo ma de m tii na m ti má be dɛɛ akɔɔ ni, m fa m nɔu yo akɔɔ ma sɔnɔ kere wɔ, adena m koro nya mine dɔnɔgu na bu su Kristo su. ²⁰ Nzen m kɔɔri YudaƆm dɔ, m yo kabo bu yo n wɔ, adena m koro nya bu nbem na bu su Kristo su. Nzen m kɔɔri minem bo Nyeme nɔɔnie kpamaawa n nie bu su n dɔ, haari ni bo nɔɔnie kpamaawa n nie má mini ni m tii su kun ni, m yo kabo bu yo n wɔ, adena m koro nya minem bo nɔɔnie kpamaawa n nie bu su ni nbem na bu su Kristo su. ²¹ Nzen m kaaki kɔɔri minem bo bu la má nɔɔnie kpamaawa n dɔ, m yo kabo bu yo n wɔ, i ti má ka m su má kabo Nyeme nɔɔnie kpamaawa n kere n su wɔ, ama, Kristo dɛɛ nɔɔnie ni nie m su a, adena m koro nya minem bo bu la má nɔɔnie kpamaawa n na bu nbem su Kristo su. ²² Nzen m kɔɔri minem bo bu yarada la má fanɔa n dɔ, m yo m nɔu ka mini mmɔɔ la má fanɔa wɔ, adena m koro nya bu nbem na bu su Kristo su. Deke kere bo m kɔ, m yo m nɔu kabo nyini minem yo barasu n wɔ, adena m koro ma bu nbem nya tiide. ²³ M yo nyini n kere sɔ ɔ, labari kpa n dɛɛ ti, adena m ni nyingam kere sanɔa dí i kperɛ.

²⁴ Am si ka nzen minem awura akuruwa ka bu nmati, na bu nie bo i kunma i benɔum, bu kere nmati wɔ, ama, bu nu sɔnɔ kun bo i kɔ kunmaari bu kere ni, yiri nya aceeri n a. Nyini ti, sɔnɔ kere mie i nyi, na i wo woowa kpa fa kɔ Kristo atin n su, kabo nmatiirifo n bo i kunma i benɔu n ti ni, adena i nya aceeri ni. ²⁵ Minem bo bu nmati nmatiiri ni, wara bo bu bo baalo ni, bu kere boro bu nyi wɔ ni anyumbofo fa kɔ nyini kɔkɔɔ n su. Bu yo sɔ ɔ na bu nya aceeri n bo i ce má ni, ama, yere yiri, ya nyá aceeri n bo i wie má na i wo bere sanɔa kere n wɔ. ²⁶ Nyini dɛɛ ti, mini, m nmati má nɔgbɛɛnnɔgbɛɛn ka sɔnɔ bo i si má bo i wo nu ni. M ti má sɔnɔ bo m bo acɔre na m bo fun. ²⁷ Ama, m kere m nɔnie n wahara a, na i yo kabo m koro ni, adena má m yo sɔnɔ bo m kan labari kpa n jɔre kere minem, na mini mmɔɔ fun aceeri ni.

10

Kabo Pɔɔlu bɔbɔɔri bu ka má bu su amɔɛm ni

¹ M ninbaam, m koro ka m tenɔge am su ka sanɔa bo ya nam yo suuri Moyisi su fiteeri Ijipiti asien n su ni, yinyingu n yo kataari bu kere nɔu wɔ, na bu kere ayo awura kunma nzue bambaka n nu na ba kpiɛ. ² Kabo i yoori sɔ ni, i yo ti ka ba bie bu Nyeme nzue, afa bu ama Moyisi wɔ lɛɛ. ³ Bu kere yo sanɔa diiri diire n bo i ti má durunya n nu fen dɛɛ diire n a, ⁴ na bu kere asaɔa anu deke nuuwa kun n bo i ti má durunya n nu fen dɛɛ ni, dama yabue n bo nzue n songi fiteeri nu na bu nuuri i n na i suuri bu su ni, i fite má durunya n nu fen, nyini yabue n la Kristo Tiidefo ni. ⁵ Ama, haari ni nyini mmɔɔ, bu dɔnɔgu

sayoowa asun má Nyeme nu, nyini dee ti na ba wu aka ngbeen boro kprantain n nu.

⁶ Tɔ, ahin sam kere bo bu yo yoori ni, bu ti deke bo bu sufa kere ya a, ka má ya sufa konviki, na ya su satiem su, kabo bu yo yoori ni. ⁷ Na má am su amɔem kabo bu nbem yo yoori ni. Kabo ba kere i Nyeme Jɔre Kadasi n nu ni, ka, “Minem n yo tanaari wɔ, na ba di, na ba nu, na ba nya ayasu ago agɔre.” ⁸ Má am ma ya yo sakaraya kabo bu nbem yo yoori, na cɛen kun nu na bu minem kɔ akpii aburanyɔ ni akpii nsan wuuri ni. ⁹ Má am ma ya yo Mibiɛ n na ya niɛ, kabo bu nbem yo yoori i na bu niɛ, na woom kan kuunri bu ni. ¹⁰ Má am sunɔnuti kabo bu nbem yo nɔnutiiri na mereke saakifo n ba kuunri bu na bu kaari ngbeen ni.

¹¹ Ahin sam kere bo bu yo yoori ni, bu ti deke bo bu sufa kere ya wɔ, nyini ma bu kerɛeri bu seeri n a, na bu fa bɔbɔ yere n bo ya wo ahin awieeri su sanɔa n nu ni. ¹² Nyini ti, sɔnɔ kere bo i sunsun ka i jina nyunyumi, i ti ye ni ka i mi si i nɔ sa, na má i kpaasi. ¹³ Gberɛgbere be wo má bere bo wɔ tu am, na i be nya tu má adamande. Nyeme la dabunɔ, i yáki má na gberɛgbere bo i kúnma am bá tu am, ama, haari nzen gberɛgbere be bá tuuri am, i kpíni atin ma am, na i má am koro mindi de i.

¹⁴ Nyini dee ti, m ninbaa koroowam, am nmati fite amɔe su nu. ¹⁵ M sujɔɔ am dɔ ka am ti minem bo bu nyunu ateke wɔ, ambere mmɔɔ ni am tii, am si deke n bo m sujɔɔ i n bu. ¹⁶ Nzen ya sudi ya Mibiɛ n diire ni, na ya faari awa n ni nzan n na ya yo kisi go su, na ya kere sanɔa nuuri i, i ti Kristo mbunja wɔ lee, ye ya nu i n a. Kpɔnɔ n gusu bo ya kpiekpie i nu na ya sanɔa di i ni, i ti Kristo nuniɛmbaa n wɔ lee, ye ya di i n a. ¹⁷ Kpɔnɔ n bo ya kere sanɔa di i n ti mɔmɔ kun wɔ, nyini dee ti, yere bo ya ti mine beberebe ni, ya ti anuniɛmbaa kun wɔ lee, dama ya kere sanɔa di kpɔnɔ kun n wɔ. ¹⁸ Am niɛ kabo Yisarelifom yoori ni. Minem bo bu di dekem bo bu fa yo yoowa Mikun yoowa yoobiri n su n ni, bu ni Nyeme la wo fie bo i ma bu yo anɔokun, fa kɔ bu nyemesu atin n su. ¹⁹ M suse má ka dekem bo bu yo tie n ma bu n wo má bere wɔ, wara amɔem ni bu tii wo má bere. Ai, má sɔ. ²⁰ Ama, dekem bo amɔesufom yo tie ma bu ni, bu yo ma ajinim wɔ, bu yo ma má Nyeme. M koro má ka am di amɔe tie diirem, na am ni ajinim sanɔa. ²¹ Nahɔre, m koro ka am si ka am koro nu má ya Mibiɛ ni nzan awa n nu, na am kaaki nu ajinim dee gusu buka su, nyini koro yo má, na am kaaki koro di má ya Mibiɛ n diire ni, na am kaaki di ajinim dee buka su, nyini koro yo má, ²² wara ya koro ka Mibiɛ n si ya kɔre na i fa yaa ya nɔ wɔ. Ya la fanɔa tara i wɔ, nzen se? Ai, ya lá má fanɔa.

Ya yo sa bo i sun Nyeme nu

²³ Am nbem se ka, “Ya la atin bo ya koro yo deke kere bo ya koro ka ya yo i ni.” I ti nahɔre wɔ, ama, má deke kere la kperɛ a. Am nɔ, “Ya la atin bo ya koro yo deke kere bo ya koro ka ya yo i ni.” I ti nahɔre wɔ, ama, má deke kere buka ya a. ²⁴ Má am niɛ kabo am yo na ambere ngumi yo ye, ama, am niɛ kabo am yo na am bengum gusu yo ye. ²⁵ Niɛ kere bo nanɔsim tɔ i ni, am di i, má am yo sika. ²⁶ Dama ba kere i Nyeme Jɔre Kadasi n nu ka, “Durunya n ni deke n kere bo i wo nu n ti Micera n dee wɔ.” ²⁷ Nzen sɔnɔ bo i yo má yarada baandiiri am ka am ba di diire, na am soro su, am di deke kere bo bu fa ma am ni,

má am kere nu, sika dee ti. ²⁸ Ama, nzen be se am ka, ahin nie n ti tie nie wɔ, nyini yiri, má am di, yiri n bo wɔ se sɔ ni, i sunsunni suma i nnyɔ nnyɔ n dee ti, má am di. ²⁹ I mi n dee sunsunni nnyɔ nnyɔ n dee ti, má a di i, má u dee ti a. M dee la m tii, ye nzu ti ye m ma be dee sunsunni nnyɔ nnyɔ n di m jɔre, na má m yo kabo m koro a. ³⁰ Nzen m da Nyeme asi gɔ diire n su na m di i, be yo se koro jaraki m diire n dee ti a? Dama ma du mɔ ada Nyeme asi ago diire n su.

³¹ Nyini ti, nzen am diiri diire, wara am nuuri deke nuuwa, wara deke kere bo am yoori i, am yo i na i wura Nyeme kpiri. ³² Má am yo sa bo i ma minem bo bu jaa na bu kpaasi, bo bu ti Yudafom ni, ni bo bu ti má Yudafom, haari ni Kristo jama ni. ³³ Sɔ ye mini mmɔɔ ni m tii boro m nyi a, na m yo sa bo i sun sɔnɔ kere nu, m sunie má kabo m yo na mini ngumi yo ye wɔ, ama, m yo deke bo i buka sɔnɔ kere wɔ, adena bu nya tiide.

11

¹ Am sɔn m su, na am ma am woowa ti kabo m woowa ti barasu n na m sɔn Kristo su ni.

Tii kata su jɔre fa kɔ nyemesere su

² Tɔ, m kansi am wɔ, dama sanɔa kere am nati tenɔe m su wɔ, na am bita kereewam bo m fa kereeri am n ni nahɔre su ni. ³ Ama, deke bo m koro ka am si i la ka, biesɔ kere tiifo la Kristo wɔ, na bara kere tiifo la i hun, na Kristo gusu tiifo la Nyeme. ⁴ Nyini ti, biesɔ kere bo i susere Nyeme, wara i sukan Nyeme nɔanie n kere minem, na i kata i tii su, i mi awura i tiifo n nyinse wɔ lee. ⁵ Na bara kere bo i susere Nyeme, wara i sukan Nyeme nɔanie n kere minem, na wɔ kata má i tii su, nyini bara n suwura i tiifo nyinse wɔ lee. I ti ka wɔ yi i tii wɔ lee. ⁶ Nzen bara kete ka i kata má i tii su, nyini yiri, i ti ye ni ka i kpiekpie i tii ni, ama, nzen i ti i nyinse ka i kpiekpie i tii, wara i yi i, nyini yiri, i ti ye ni ka i fa deke kata su. ⁷ Nyini ti, i ti má ye ni ka biesɔ susere Nyeme na i fa deke be kata i tii su, dama i ferema ni Nyeme wɔ, i de Nyeme jirima woowa a, ama, bara n yiri, i de biesɔ n jirima woowa a. ⁸ Dama Nyeme afa má bara ye i fa yoori biesɔ a, ama, i du mɔ yiiri biesɔ ɔ ka, na wɔ nya ayi bara afite i nɔnie nu. ⁹ Má bara dee ti, ye Nyeme yoori biesɔ a, ama, biesɔ dee ti, ye i yoori bara a. ¹⁰ Nyini dee ti, wɔ yo daka ka bara cin acici, na i kere ka be la i yiko, merékem dee ti. ¹¹ Ama, haari ni nyini n kere ni, fa kɔ Mibie n dee atin n su, bara wo má i ngumi, na biesɔ gusu wo i ngumi. ¹² Dama kabo Nyeme yo yiiri bara fiteeri biesɔ nɔnie nu ni, sɔ ye bara gusu wu biesɔ a, ama, deke n kere fite Nyeme dɔ ɔ. ¹³ Ambere mmɔɔ ni am tii, am sunsun na am nie, i ti kpa ka bara sere Nyeme na má i cin acici? ¹⁴ Am nie kabo adamande woowa ti a, i kere ka nzen biesɔ yaki i tiinmie na i yo tintiin jɔnjɔndi, minem bu má i. ¹⁵ Ama, nzen bara la tiinmie tintiin ye i la jirima a, dama Nyeme ama i tiinmie n ka i fa kata i tii su wɔ. ¹⁶ Nzen be wo am na na i yo i nɔ ka i se akuruwa fa kɔ kabo m suse ni, m koro ka m se am ka, yerɛ, ya su má nyini yoowa n su, haari ni deke kere bo Kristo jamam tien bu nɔɔ ni, be yo má sɔ.

Ya Mibie n diire n jɔre

¹⁷ Tɔ, ahin kereewam bo m koro ka m fa kere am ni, m koro kansi má am, dama sanɔa bo am ba tien am nɔɔ, sam bo am yo bu ni, bu

buka má am, bu ma am kɔ am sin wɔ. ¹⁸ Ciciri su, ma ti ka sanɔa bo am ba tien am nɔɔ na am su Nyeme ni, am la kpakpaakinu wɔ. Ma yo yarada ka, beni, i ti nahɔre wɔ. ¹⁹ Nahɔre, wɔ yo daka ka am la kpakpaakinu am nu, adena am si bo bu ti yaradayofom nahɔre su ni. ²⁰ Am ba tien am nɔɔ ni, má ya Mibie n diire n ye am tien am nɔɔ di i n a. ²¹ Dama sanɔa bo am ba sudi ni, sɔnɔ kere di i tienɔu diire wɔ, be nminda má i benɔu, na ahɔe suti nbem, na nbem nu nzan subo. ²² Am la má am tienɔu awurum wɔ, bo am koro di na am nu wɔ, nzen se? Wara am bu Kristo jama ni nɔbɛn wɔ, haari na am suwura bo bu la má pui nyinse? Am nɔa m se am se wɔ? Am nɔa m kansu am wɔ, nzen se? Ai, m koro kansu má am ni nyini yiri.

²³ Dama deke n bo mini ni m tii deeri i fiteeri Mibie n do ni, nyini ye ma fa akere am n a. Kɔngue n bo bu tɔori ya Mibie Yesu maari i kpɔfom ni, na wɔ fa kpɔnɔ, ²⁴ na wɔ da Nyeme asi, na wɔ bubu i nu, na wɔ se bu ka, “Ahin kpɔnɔ n ti m nuniembaa lee ye m sufa ma am n a. Am yo ahin sɔ adena am fa tenɔe m su.” ²⁵ Bu diiri diire n wieeri ni, na wɔ kaaki afa awa n ni nzan ni, na wɔ se bu ka, “Ahin nzan n ti sesesu fɔfɔre n bo Nyeme sufa m mbunja n sudi i di wɔ. Sanɔa kere bo am ba sunu nyini nzan ni, am tenɔe m su.” ²⁶ Nyini la ka, sanɔa kere bo am ba sudi ahin kpɔnɔ n na am sunu ahin nzan ni, am subo Mibie n yiwee ni ndoori wɔ lee, haari fa kɔ ju sanɔa bo i bá kaaki ba beku ni.

²⁷ Nyini ti, sɔnɔ kere bo i diiri ya Mibie n kpɔnɔ ni, wara i nuuri i nzan ni, na i bu má i, Nyeme dí i mi jɔre jaraki i, dama wɔ fa má ya Mibie nuniembaa ni i mbunja n ayo má juma. ²⁸ Wɔ yo daka ka sɔnɔ kere nie i ahorembaa su ka, na i nya di ahin kpɔnɔ ni, na i nya nu nzan ni. ²⁹ Dama sɔnɔ kere bo i diiri kpɔnɔ n na i nuuri nzan n na wɔ si má ka ya Mibie nuniembaa n lee, Nyeme bá di i mi jɔre jaraki i. ³⁰ Nyini dee ti ye am nu, mine donɔu ayɔrɔki ada tukpaki, haari nbem awu n a. ³¹ Nzen yere ni ya tii du mɔ fiiti nieeri kabo ya woowa ti, Nyeme di má ya jɔre cin má ya sui. ³² Ama, nzen Mibie n fiiti ya na i cin ya sui, i yo sɔɔ adena i di má ya jɔre na i yo ya nɔbɛn, ceen n bo i bá di durunya n nufom jɔre ni.

³³ Nyini dee ti, m ninbaam, sanɔa kere bo am ba tien am nɔɔ, na am di, am kere nminda am benɔu, na am sanɔa di. ³⁴ Nzen ahɔe ati be, i ti ye ni ka i mi di diire awuru ka, na i nya ba, adena nzen am ba tien am nɔɔ, na má Nyeme di am jɔre cin am sui. Jɔre n kere bo wɔ ka ni, nzen m ba baari, m yo i donɔu.

12

Aceerim bo Awiewie Casi n fa ma minem n jɔre

¹ Tɔ, m ninbaam, m koro ka am si sa bo i wo bere fa kɔ Awiewie Casi n aceerim su. ² Am si ka sanɔa bo am yo su má Nyeme ni, bu yo taari am nyi wɔ, na am susu amɔem bo bu koro jɔɔ má ni. ³ Nyini ti, m koro ka am si ka sɔnɔ kere bo Awiewie Casi n wo i do, i mi koro se má ka, “Yesu aka nɔbɛn,” na be gusu koro se má ka “Yesu ti m Mibie,” má ka Awiewie Casi n wo i mi do.

⁴ Aceerim barasu barasu wo bere, ama, Awiewie Casi n ti kun wɔ. ⁵ Amusuim bo ya yo buka minem wo bere barasu barasu, ama, ya su Mibie kun wɔ. ⁶ Sɔnɔ kere la atin barasu barasu kabo i mi koro fa

yo i juma, ama, Nyeme kun ni yo nyini n kere a. ⁷ Nyeme ma sono kere Awiewie Casi n aceerim n bo i kere ka Awiewie Casi n wo i mi do a, na i fa buka Kristo jama n kere. ⁸ Awiewie Casi ni ma sono be jojo alecira jore a, nyini Awiewie ni ma be gusu jojo si jore a. ⁹ Nyini Awiewie ni ma be yarada ye i yo yiko juma n a, nyini Awiewie kun ni ma be yiko ye i mi n koro tuntun tukpakifom na bu nya laifie a. ¹⁰ Nyini Awiewie ni ma be yiko ye i koro yo alekutura sam a, yiri ma be yiko ye i kan Nyeme noanie n kere minem a, yiri ma be yiko ye i koro si jore n bo i fite Nyeme Awiewie Casi n do a, yiri ma be yiko ye i koro jojo anie barasu barasu a, yiri gusu ma be yiko ye i koro kere anie barasu barasum bu a. ¹¹ Nyini Awiewie kun ni yo nyinim kere a, yiri ce sono kere aceeri barasu barasu n kabo i koro a.

Aɲuniembaa kun n ni i bue barasu n jore

¹² Aɲuniembaa n la bue barasu barasu beberebe wo, haari ni bo i la bue barasu barasu ni, i ti aɲuniembaa kun wo, Kristo gusu ti so o lee, yere ti i bue barasu barasu n a. ¹³ Awiewie kun n ye ba fa abie ya kere Nyeme nzue a, ye ya kere ayo aɲuniembaa kun, bo bu ti Yudafom, ni bo bu ti ma Yudafom, bo bu ti akoom, ni bo bu ti ma akoom, ya kere ade nyini Awiewie kun ni ya ahore su a.

¹⁴ To, aɲuniembaa n la bue barasu barasu beberebe wo, bu ti ma kun. ¹⁵ Nzen ma ajaari n seeri ka, “M ti ma asaa, nyini ti, m ti ma aɲuniembaa n be fieo,” nyini kere ma ka i ti ma aɲuniembaa n bue be kun wo. ¹⁶ Na nzen ma asui n gusu seeri ka, “M ti ma anyumbaa, nyini ti, m ti ma aɲuniembaa n be fieo,” nyini kere ma ka i ti ma aɲuniembaa n bue be kun wo. ¹⁷ Nzen ma aɲuniembaa n bue n kere tiiri anyumbaa, ma bu yo se koro ti deke nga a? Ye nzen ma bu kere tiiri asui, ma bu yo se koro de nvan a? ¹⁸ Ama, kabo Nyeme koro n ye wo fa ama aɲuniembaa bue barasu n kere a, ye wo yo i aɲuniembaa kun a. ¹⁹ Nzen ma i kere ti bue barasu kun, ma i ti ma aɲuniembaa lee. ²⁰ Kabo i ti ni, aɲuniembaa bue barasu n sunnu, ama, i ti aɲuniembaa kun wo. ²¹ Nyini ti, anyumbaa n koro se ma asaa n ka, “Woro, a kun ma m kperere be, m koro ma u.” Wara atii n koro se ma ajaari n ka, “Woro, a kun ma m kperere be, m koro ma u.” ²² Ama, haari aɲuniembaa bue barasum n bo ya na bu la ma fanga ni mmoo kun kperere wo. ²³ Na aɲuniembaa bue barasu n bo i la ma jirima ni, yiri ye ya nie i dika nyunyumi a. Na aɲuniembaa bue barasu n bo ya na i ka i la ya nyinse ni, ya yo yiri dongu a, na ma ya di nyinse. ²⁴ Na aɲuniembaa n bue n bo bu wo fofoe nu ni, ya nie ma bu dika nyunyumi. Ama, kabo Nyeme yoori aɲuniembaa n ni, deke n bo yere fa ma i yo ma pui ni, yiri ye wo wura i jirima a, ²⁵ adena ma i la kpakpaakinu, ama, na bue barasu n kere cece wo i bejgu nu. ²⁶ Nzen aɲuniembaa bue kun diiri yaari, aɲuniembaa bue n kere sudi yaari n a, ye nzen aɲuniembaa n bue be sunya kansu, aɲuniembaa bue n kere ahore ti joowa wo lee.

²⁷ Ambere kere ti Kristo aɲuniembaa n wo, na am kere kun kun n ti i bue barasu be wo lee. ²⁸ Na Nyeme ayi i mine nbem Kristo jamam n nu, na wo ma bu kere ni bu juma. I du mo yiiri jaramasam wo, nnyo su, bo bu kan Nyeme noanie n kere minem ni, nsan su la kerefom, bo bu buka sa la bo bu yo alekutura sam ni, ni bo bu tuntun tukpakifom na bu nya laifie ni, ni bo bu buka minem ni, ni Nyeme mine mofom

bo bu kere nyaari ni, ni bo bu jojo anie barasu barasu ni. ²⁹ Sono kere ti jaramasa a? Ai. Sono kere kan Nyeme noanie n kan kere minem a? Wara sono kere koro kere a? Ai. Sono kere la yiko koro yo alekutura sam a? Ai, i ti ma so. ³⁰ Sono kere la yiko koro tuntun tukpakifom na bu nya laifie a? Ai. Sono kere koro jojo anie barasu barasu a? Ai. Sono kere koro yi anie jojowa barasu barasu n bu a? Ai. ³¹ Ama, am kere boro am nyi na am nya aceerim n bo bu la ma anusu ni.

Kisa, m koro ka m kere am atin n bo i ti kpa tara i kere ni.

13

Koro jore

¹ Nzen m jojo adamande anie barasu barasu n kere, na nzen m jojo meretekem anie, na m koro ma minem, m ti ka adanjwore wo, wara m ti ka coco bo i bobo i benggu na i yo nanmie ngbeen wo. ² Nzen m de Nyeme noanie n Awiewie Casi n do, na m kan kere minem, na m la si kere na m si deke n kere bo bu wo asiri nu ni, na nzen m la yarada haari bo m koro se bukam ka bu yasu bu tanaabiri, ama, na m koro ma minem, m ti ngbeen wo lee. ³ Na nzen m faari m nengem kere fa kpaaki nu maari yaarifom, na m faari m huniembaa fa maari, na bu yara m sin, na m koro ma minem, nyini n kere bo m yo i n ti ngbeen wo lee.

⁴ Sono bo i la koro, i mi la sawore wo, na i yo kpa, i mi si ma mine kore, i mi fo ma yanfoya, i mi koro ma kpiri. ⁵ Sono bo i la koro, i mi la ma anyumbaa wuruuwa, i mi yo ma sa bo yiri ngumi yo ye, i mi fa ma yaa ndende, i mi fa ma jore se ma i kunnu na i tenge su. ⁶ Sono bo i la koro, i mi ahore ti ma jowa fa ko satie su, ama, i mi n ahore ti jowa fa ko deke bo i ti nahore su a. ⁷ Sono bo i la koro mindi de deke kere wo, na i la yarada fa ko deke kere nu, na i la ahoresi fa ko deke kere nu, na i la mindi sanja kere.

⁸ Koro la ma awieeri. Ama, aceerim bo Awiewie Casi n fa ma minem na bu koro kan Nyeme noanie n kere minem ni, i la sanja bo i ba sin wo, minem bo bu jojo anie barasu barasum ni, bu ba mo bu noo o, na bo bu la si ni, i la sanja bo i ba sin wo. ⁹ Kisa ya si ma deke n kere wie ma, na Nyeme noanie n bo ya kan kere minem ni, ya si ma i kere wie ma. ¹⁰ Ama, nzen Kristo ba baari, nyini sanja deke n bo ya si ma i kere ni aba i awieeri lee. ¹¹ Sanja bo m yo ti baatuma ni, m yo jojo baatumaya jore wo, na m sunsun kabo baatuma sunsun ni, ama, m nyunu ba tiiri ni, na ma yaki baatumaya jorem n kere. ¹² Kisa dekem bo ya nu i ni, i ti ka ya nie nu i nienu nu wo, ama, ya ba nu i fofoe nu, kabo ya nu ya nu n wo. Kisa m si ma deke n kere, ama, sanja suba bo m ba si deke n kere, kabo Nyeme si m nahore su ni. ¹³ To, kisa ahin deke nsanm ni wo bere a, bere la yarada, ni tama, ni koro, ama, bo i tara bu kere n la koro wo.

14

Awiewie Casi n aceerim bo i buka su n dee jore

¹ To, am bita koro atin na am koro am benggu ni anyumboro, na am kpini Awiewie Casi n aceerim busu, maala bo i ma am koro kan Nyeme noanie n kere minem ni. ² Dama bo i jojo anie barasu barasu n jojo ma adamandem do, ama, i jojo Nyeme do a. Nahore, be koro ti ma

kabo i sujɔɔ n bu, dama Awiewie Casi n dɛɛ yiko n nu ye i jɔɔ asiri nu jɔɛm a. ³ Ama, sɔnɔ bo i kan Nyeme nɔanie n kere minem ni, i jɔɔ ma minem wɔ, na i buka bu na bu nya fanɔa buka su, na i ma bu ahoresi, na i kaaki na bu ahoreda. ⁴ Sɔnɔ bo i jɔɔ anie barasu barasu n buka má be, i buka yiri ni i tii ngumi wɔ. Ama, bo i kan Nyeme nɔanie n kere minem ni, yiri buka Kristo jama n wɔ, na i nya fanɔa buka su. ⁵ Tɔ, nzen má am kere koro jɔɔ anie barasu barasu, má i yo m fie. Ama, bo i yo m fie kɔ tara i kere n la ka, am koro kan Nyeme nɔanie n kere minem. Sɔnɔ bo i kan Nyeme nɔanie n kere minem n tara bo i jɔɔ anie barasu barasum ni, má ka be akoro akere nyini anie barasu barasum bu, na i buka Kristo jama n na i nya fanɔa.

⁶ M ninbaam, nzen kisa na m baari am dɔ, na m jɔɔɔri anie barasu barasum, nzu kperɛ ye am nyá i a? Ai, am nyá má kperɛ be. Má ka ma kan sa bo Nyeme ayi i akere m n ama am, wara m kan si jɔɛ be kere am, wara m kan Nyeme nɔanie n kere am, wara m kan kereewa bo i fite Awiewie Casi n dɔ kere am. ⁷ Sɔ ye i ti a, nzen be fitaari tere, wara be bo bieku, na wɔ tɔ má su, bu yo sɛ koro di jue soro su a? ⁸ Bekun nzen be kaanri lue awie, na wɔ sun má kabo lue awie sun ni, bu yo se koro cici lue a? ⁹ I ti sɔ ɔ lee, ambere mmɔɔ dɔ, nzen am jɔɔ anie barasu, na i la má bu, mine yo sɛ koro si kabo am suse n a? I ti ka am sujɔɔ gɔ nzue awa sin wɔ lee. ¹⁰ Daanfie anie barasu barasum sunnu durunya n nu, i gusu be wo má bere bo i la má bu, i kere la bu. ¹¹ Tɔ, nyini ti, nzen be jɔɔ anie be na m ti má i, m ti daanfie barasu be wɔ lee i mi dɔ, ye i gusu ti daanfie barasu be wɔ lee m dɔ. ¹² Kabo am nyunu aboro ka am nyá Awiewie Casi n aceerim ni, am boro am nyi ni aceerim bo bu koro buka Kristo jama n na i nya fanɔa buka su.

¹³ Nyini ti, sɔnɔ kere bo i jɔɔ anie barasu barasum, i ti ye ni ka i sere Nyeme na i ma i aceeri n bo i koro yi i bu kere minem ni. ¹⁴ Dama sanɔa kere bo m sere Nyeme na m sere anie barasu barasu be nu, m awiewie susere Nyeme a, ama, m ti má i bu m sunsunni nu. ¹⁵ Nyini ti, deke bo i ti ye ni ka m yo la ka, m sere Nyeme fite m awiewie nu wɔ, na m kaaki sere i fite m sunsunni nu, na m di jue fite m awiewie nu kansu Nyeme, na m kaaki di jue fite m sunsunni nu kansu Nyeme. ¹⁶ Nzen a sukansi Nyeme na i fite u awiewie nu, na be wo u bi bo i nya si má Nyeme atin ni, i mi yo sɛ koro ti u nyemesere n bu a, na i soro su se ka, “Ami” a? ¹⁷ Haari nzen u nyemesere ti kpa, i buka má yiri n bo i ti má i bu ni. ¹⁸ M da Nyeme asi ka m jɔɔ anie barasu barasum tara am kere. ¹⁹ Ama, nzen m ni Kristo jama n aba atien ya nɔɔ susu Nyeme, na m jɔɔɔri jɔɛ kaan bo i fite m sunsunni nu, na bu tiiri i bu, i tara bo m jɔɔ jɔɛ beberebe anie barasu nu ni.

²⁰ M ninbaam, má am sunsun kabo nbaatumam sunsun ni, ama, fa kɔ satieyo dika, am yo kabo nbaatumam yo ni, na am ma am sunsunni ti kabo anyunutihom dɛɛ ti ni. ²¹ Dama ba kere i Nyeme nɔanie kpamaawa n nu ka, Micera n ɔa,

“M fá minem bo bu jɔɔ daanfie anie barasu barasum

na m má bu jɔɔ m tieɔgu minem dɔ.

Ama, haari ni nyini n kere mmɔɔ,

bu dé má m nɔanie ni.”

²² Nyini ti, anie barasu barasum jɔɔɔwa n kere minem bo ba nya yo má Kristo yarada ni nyaari a, má bo ba yo yarada ni. Na bo bu kan

Nyeme noanie n kere minem ni, bu kere bo ba yo yarada ni nyaari a, má bo bu yo má yarada ni. ²³ Nyini ti, nzen ambere Kristo jama n atien am nɔɔ, na am kere sujojo anie barasu barasum, na bo bu nya si má Nyeme atin ni, wara bo bu nya yo má yarada wuraari am nu, bu sé ka am nyunu akan am wɔ, má sɔ? ²⁴ Ama, nzen am atien am nɔɔ, na am kere sukan Nyeme noanie ni, na bo i nya si má Nyeme atin ni, wara, bo i ti má yaradayofɔ aba awura am nu, na i ti kabo sɔnɔ kere sujojo ni, i mi n sunsunni nu kere i ka i ti satieyofɔ ɔ, na Nyeme noanie n di i jɔre jaraki i. ²⁵ Nyini ma i mi n kan asiri jɔre kere bo i wo i ahore su n fite fofoe nu a, na i kutu i jaa su, na i kansu Nyeme, na i se ka, “Nyeme wo am dɔ nahɔre su.”

Kabo i ti ye ni ka sɔnɔ kere tara i ɲu Kristo jama n nu barasu ni

²⁶ Tɔ, m ninbaam, nzu deke ye i ti ye ni ka am yo i a? Deke bo m koro ka m kan kere am la ka, nzen am ba tien am nɔɔ, na be la jue bo i di, wara be la kereewa be bo i kere, wara be la sayikereewa bo i fite Nyeme dɔ, wara be la anie barasu be bo i jojo, wara be yi anie jojɔwa n bu kere am, deke n kere bo am yo i ni, am yo i na i buka Kristo jama ni, na i nya fanɲa buka su. ²⁷ Nzen nbem ba sujojo anie barasu barasum, i ni i agaya kere, bu yo mine nnyɔ, wara mine nsan, má bu tara sɔ. Bu ɲa bu jojo, bu jojo kun kun, i ti ye ni ka be gusu kaaki yi i bu kere am. ²⁸ Ama, nzen be koro kaaki yi má i bu kere má am, i ti ye ni ka i mi n bo i sujojo anie barasu barasum n mɔ i nɔɔ Kristo jamam nu, na i jojo ma i ɲu ni Nyeme. ²⁹ Minem bo bu kan Nyeme noanie n kere minem ni, i ti ye ni ka bu mine nnyɔ wara bu mine nsan jojo a, na nyingam bo ba ka n fiiti i nu. ³⁰ Nzen be sujojo, na Nyeme ayi deke be akere sɔnɔ nyinga, i ti ye ni ka sɔnɔ n bo i du mɔ sujojo n mɔ i nɔɔ, na yiri n bo Nyeme ayi deke be akere i n jojo. ³¹ Dama am kere koro kan Nyeme noanie n kun kun kere am beɲgu wɔ, adena am kere sɔnsɔn deke be nu, na i ma am ahoresi. ³² I ti ye ni ka bo bu kan Nyeme noanie n kere minem n kere la tarabuɲu fa kɔ bu Nyeme noanie n kan su. ³³ Dama Nyeme ti má bo i fa kpakpaakinu ba i minem dɔ, ama, i ma bu la tanalaifie wɔ.

I ti sɔ ɔ lee, Kristo jama n kere nu, ³⁴ nzen am ba tieɲri am nɔɔ, i ti ye ni ka nbaram mɔ bu nɔɔ, bu la má atin ka bu jojo. Ama, wɔ yo daka ka bu yo bu ɲu benle, na bu su kabo noanie kpamaawa n kere n su. ³⁵ Nzen bu koro ka bu bisa jɔre be, i ti ye ni ka bu bisa bu hunm awuru, dama i ti nyinse wɔ ka bara jojo Kristo jama n nu. ³⁶ Nyeme noanie n du mɔ fite ambere dɔ a, nzen se? Wara ambere ɲgumi ade Nyeme noanie n a? ³⁷ Nzen be sunsun ka i ti Nyeme noanie kanfɔ, wara i sunsun ka i si Awiewie Casi n aceerim jɔre, i ti ye ni ka i mi si tenle su ka ahin noanie n bo m sukere ma am ni, i ti Mibie n deɛ noanie maawa a. ³⁸ Nzen be wo am nu, na i de má ahin jɔre n bo m sukere ma am ni, ambere mmɔɔ bu i mi ɲgbeen. ³⁹ Nyini ti, m ninbaam, i ti ye ni ka am boro am nyi na am sukan Nyeme noanie n kere minem, na má am kanda minem ka má bu jojo anie barasu barasum ni. ⁴⁰ Na am yo deke kere nyunyumi na i kɔ atin su.

15

Yesu Kristo yiwee tenge n jɔre

¹ Tɔ, m ninbaam, kisa m koro ka m tenge am su fa kɔ labari kpa n bo m yo kan kereeri am n su. Am yo yoori i yarada a, na am ajina i su kenken. ² Nzen am bitaari labari kpa n bo m kan kereeri am kenken, nyini ma am tiide a, nzen má nyini yiri, am yarada n bo am ayo i n ti ngbɛɛn wɔ lɛɛ.

³ Dama labari kpa n bo m deeri i na m kan kereeri am ni, i jɔɛ anyumbaa la ka, Kristo wuuri ya satie ti wɔ, kabo ba kerɛ i Nyɛmɛ Jɔɛ Kadasi n nu lɛɛ, ⁴ ka i wuuri na bu seeri i ni, na Nyɛmɛ atɛnge i yiwee n nu i lesan cɛɛn, kabo Nyɛmɛ Jɔɛ Kadasi n kere lɛɛ. ⁵ I tengeeri ni, na wɔ yi i ɲu akere Kefasi bo bu kaaki fere i ka Petoro ni, na wɔ ba ayi i ɲu akere i susufɔ buru ni nnyɔm ni. ⁶ Nyini sin, na wɔ yi i ɲu akere ya ninbaam nbem, bu tara mine yaa nnu, bu kerɛ sangɔ wo woobiri kun wɔ. Bu nu, bu dɔɲgu toko la ɲɔɔ, nbem gusu awu. ⁷ Na wɔ yi i ɲu akere Yakobo, na wɔ ba akaaki ayi i ɲu akere i jaramasam kerɛ. ⁸ Awieeri su, na wɔ yi i ɲu akere mini, bo m ti ka baa bo ba wu i na i sangɔ nya ju má ni. ⁹ Dama mini ti jaramasam kerɛ nu kaan, haari má wɔ ti má ye ni ka bu fere m jaramasa mmɔɔ, dama m yo kereeri Kristo jama n wuwuruwa wɔ. ¹⁰ Nyɛmɛ ahɔɔroma n dɛɛ ti, ye m ti kabo m ti n a. Ahɔɔroma n bo wɔ fa ama m ni, i ti má ngbɛɛn, ama, m koro se ka ma yo juma atara nyingam kerɛ mmɔɔ. Má mini ni m tii yoori i a, ama, Nyɛmɛ dɛɛ ahɔɔroma n bo wɔ fa ama m ni, nyini ma m koro yoori i a. ¹¹ Nyini ti, mini, wara bere o, labari kpa n ye ya kan i a, labari kpa n gusu dɛɛ ti ye am yoori yarada n a.

Kabo Nyɛmɛ minɛm bá tenge yiwee nu ni

¹² Tɔ, labari kpa n bo ya kan i ni, ya ɲa, “Nyɛmɛ atɛnge Kristo i yiwee n nu.” Ye nzu ti ye am nbem ɲa yiwee tenge wo má bere a? ¹³ Nzen yiwee tenge wo má bere, nyini la ka, Nyɛmɛ atɛnge má Kristo mmɔɔ i yiwee n nu lɛɛ. ¹⁴ Nzen Nyɛmɛ atɛnge má Kristo i yiwee n nu, nyini la ka, labari kpa n bo ya kan i ni, i ti ngbɛɛn wɔ lɛɛ, na yarada n bo am ayo i n gusu ti ngbɛɛn wɔ lɛɛ. ¹⁵ Má nyini ɲgumi, nyini la ka, ya bu kɔɛ asɔ Nyɛmɛ wɔ lɛɛ, dama ya ɲa wɔ tenge Kristo i yiwee n nu, ama, bu ɲa bo ba wu n tenge má yiwee nu. ¹⁶ Na nzen bo ba wu n tenge má bu yiwee nu, nyini la ka, wɔ tenge má Kristo mmɔɔ i yiwee n nu lɛɛ. ¹⁷ Na nzen wɔ tenge má Kristo i yiwee n nu, yarada n bo am ayo i n ti ngbɛɛn wɔ lɛɛ, na am toko wo am satiem nu wɔ lɛɛ, ¹⁸ na bo bu yo yoori Kristo yarada na ba wu n kerɛ aka ngbɛɛn lɛɛ. ¹⁹ Nzen durunya n nu fɛn ɲgumi ye ya la tama n fa kɔ Kristo dɔ, nyini yiri, ya ti minɛm bo ya la anɲnfɔ tara sɔnɔ kerɛ.

²⁰ Ama, nahɔɛ su, Nyɛmɛ atɛnge Kristo i yiwee n nu. Minɛm bo ba wu n kerɛ nu, yiri tiiri bo i du mɔ tengeeri i yiwee nu a. ²¹ Adamande kun dɛɛ ti, ye yiwee kun sɔnɔ kerɛ n a, adamande kun gusu dɛɛ ti, ye mine bá tenge bu yiwee n nu a. ²² Na kabo Adam dɛɛ ti na adamande kerɛ wu ni, sɔ ye Kristo dɛɛ ti ma adamande kerɛ bá tenge bu yiwee nu na bu nyá ɲɔɔ a. ²³ Ama, sɔnɔ kerɛ ni i sangɔ bo Nyɛmɛ bá tenge i. Bo ba wu n kerɛ nu, Kristo ti bo Nyɛmɛ du mɔ tengeeri i yiwee nu a, na bo bu ti i minɛm n gusu bá tenge sangɔ bo i bá kaaki ba ni. ²⁴ Nyini sin na deke n kerɛ bá awieeri, na i nyá fa femeya n wura i Si Nyɛmɛ saa nu, nyini sangɔ, wɔ kunma femeya kerɛ, ni nfanɲafɔm kerɛ, ni yikofɔm kerɛ lɛɛ. ²⁵ Dama wɔ yo daka ka i di femeya ni haari i bá

kunma i kpofom, na i nana bu kere nu. ²⁶ I kpofom n bo i ba kunma i awieeri su n la yiwee wo. ²⁷ Dama ba kere i Nyeme Jore Kadasi nu ka, “Wo fa deke n kere awura i saa nu ka i nie bu su.” Bo i na wo fa deke n kere awura i saa nu ka i nie bu su ni, nyini kere ma ka Nyeme bo i faari deke n kere wuraari yiri Kristo saa nu afa i tii awura i saa nu lee. ²⁸ Na sanja bo i ba faari deke n kere wuraari i saa nu ni, na yiri Baa n ni i tii nya fa i nu wura i Si Nyeme saa nu. Nyini sanja Nyeme dee la deke n kere, na deke n kere wo bere yiri ti wo.

²⁹ To, nzen bu na yiwee tenge wo ma bere, ye bo bu de minem bo ba wu n jinaabiri na bu bie bu Nyeme nzue ma bu n di, bu yo se wo? Nzen bo ba wu n tenge ma bu yiwee nu, nzu ti ye bu bie Nyeme nzue ma bu a? ³⁰ Ye nzu ti ye yere to ya ngoo sanja kere n a? ³¹ Ale kere bo i cin, m wo yiwee nu wo, i ti so o lee, m ninbaam, m fa ambere bo m hoe ye m se so n a, ya Mibie Yesu Kristo dee ti. ³² Nzen m ni minem bo bu ti ka boro nenjem, kun lue, Efeso mie kpiri n nu, na i ko yo ka adamande woowa dee ti m la tama, nzu kperere ye ma nya i a? Nzen bo ba wu n tenge ma bu yiwee nu, nyini yiri, i ti kabo mine nbem n nati se n wo, bu na,

“Am ma ya di, na ya nu,

dama ahunma ya wu o.”

³³ Ma am ma be dadaka am, kabo minem nati se ni, ka,

“Sono tie suuri sono kpa su,

i saaki i woowa kpa n wo.”

³⁴ Am kaaki sunsun nyunyumi, na ma am yo satie kun, dama am nbem si ma Nyeme. Nyini n bo m se so ni, i ti am nyinse wo lee.

Bo bu ba tenge bu yiwee n nu n dee anuniembaa n jore

³⁵ To, beni, be koro bisa ka, bo ba wu ni, bu tenge bu yiwee nu se wo? Anuniembaa barasu bono ye bu fa ba? ³⁶ Woro sinnzin ni, a si ma ka nzen a do deke mbaa, ma ka i wu wo ka, ye i nya fi a, nzen se? ³⁷ Deke mbaa n bo a do i ni, beni, ngani mbaa wara abuwe ye a do i a, ama, i ba fiiri, i kaaki nyawa a, i ti ma ka mbaa n bo a doori i ni. ³⁸ Nyeme ma i kere anuniembaa n kabo i koro a, deke mbaa barasu n kere, ni i tienngu anuniembaa. ³⁹ Anuniembaa n kere wo i ngumi wo, i ti ma kun, adamande dee wo bere i ngumi, ajaanam dee wo bere bu ngumi, lanjpetefom dee wo bere bu ngumi, na jombaam dee wo bere bu ngumi. ⁴⁰ Dekem bo bu wo angoro n wo bere, na a yaki bo bu wo durunya n nu fen ni. Angoro deem nyumi wo bere bu ngumi, na durunya n nu fen n deem gusu nyumi wo bere bu ngumi. ⁴¹ Wie nyumi wo bere i ngumi, sara nyumi wo bere i ngumi, asarambaam nyumi wo bere bu ngumi, ama, bu nbem yo nyumi tara nbem.

⁴² To, kabo i ti lee fa ko yiwee tenge n su. Anuniembaa n bo bu se i ni, i kporo o, na bo i tenge, i kporo ma fieo. ⁴³ Deke n bo bu se i ni, i la ma anyunuyi, ama, i ba tengeeri, i woowa yo nyumi wo. Deke n bo bu se i ni, i la ma fanga, ama, i ba tengeeri, i la fanga wo. ⁴⁴ Deke n bo bu se i ni, i ti durunya n nu adamande anuniembaa a, i ba tengeeri, i ti anuniembaa bo Awiewie Casi n ma i ngoo n wo. Kabo durunya n nu adamande anuniembaa wo bere ni, so ye anuniembaa n bo Awiewie Casi ma i ngoo n gusu wo bere a. ⁴⁵ I ti kabo ba kere i Nyeme Jore Kadasi n nu n wo, ka, “Ciciri su dee adamande ngoofo n la Adam wo,”

na Adam n bo i ka sin n ti awiewie bo i ma ngɔɔ ni. ⁴⁶ Bo i ti awiewie ni, má yiri du mɔ baari a, ama, bo i ti adamande ngɔɔfɔ ni du mɔ baari a, na bo i ti awiewie n anya tɔ su. ⁴⁷ Ciciri su dɛɛ adamande n fite durunya n nu fen wɔ, Nyemɛ yo faari natie yoori i a, ama, bo i tɔ su nnyɔ su n fite Nyemɛ dɔ aŋgoro baari a. ⁴⁸ Minem bo bu ti durunya n nufɔm ni, bu ti kabo sɔnɔ n bo Nyemɛ faari natie yoori i n ti n wɔ. Na bo bu ti Nyemɛ minem n gusu ti kabo sɔnɔ n bo i fite Nyemɛ dɔ aŋgoro n ti ni. ⁴⁹ Kabo ya ferema ni sɔnɔ n bo Nyemɛ faari natie yoori i ni, sɔ ye ya bá ferema ni sɔnɔ n bo i fite aŋgoro n a.

⁵⁰ M ninbaam, m suse am wɔ lɛɛ, ka, ya ŋuniembaa n bo i ti nie ni mbunja ni, i koro wura má Nyemɛ femeya n nu, na deke n bo i kpɔɔ n koro nya má deke n bo i wo bere saŋga kere ni. ⁵¹ Am ti fen, m suse am asiri nu jɔre wɔ lɛɛ, ka, má ya kere wú a, ama, ya kere ŋuniembaa ni bá kaaki fɔfɔre wɔ. ⁵² I yó kungerekun wɔ, anyumbaa kata ni i teke, saŋga bo bu bá fitaari awieeri su dɛɛ awie ni, na bo ba wu n tɛnge bu yiwee nu, bu kpɔɔ má kun, na yere gusu ŋuniembaa n káaki fɔfɔre. ⁵³ Dama wɔ yo daka ka ahin aŋuniembaa n bo i kpɔɔ n kaaki aŋuniembaa n bo i kpɔɔ má ni, na aŋuniembaa n bo i wu n gusu kaaki aŋuniembaa n bo i wu má. ⁵⁴ Saŋga bo aŋuniembaa n bo i kpɔɔ n bá kpɔɔ má kun ni, na aŋuniembaa n bo i wu n gusu bá wu má kun ni, nyini saŋga Nyemɛ nɔanie ni yó yiiwa lɛɛ, bo ba kere i ka, “Ba di nasara yiwee ŋu ayo i ngbɛɛn ni.”

⁵⁵ “Keto, yiwee, u yiko n bo a fa kan n wo ni?

Keto, u nasara n wo ni?”

⁵⁶ Deke n bo yiwee bita kan n la satie wɔ, ye satie nya i yiko n fite Nyemɛ nɔanie kpamaawa n nu wɔ. ⁵⁷ Ama, ya da Nyemɛ asi, dama ya Mibie Yesu Kristo dɛɛ ti, i ma ya di nasara.

⁵⁸ Nyini dɛɛ ti, m ninbaa koroowam, am jina kenken na má am fa am ŋu ji, am boro am nyi suyo Mibie n juma n saŋga kere, dama am si ka juma n bo am suyo i ma Mibie n ti má ngbɛɛn.

16

Nwaa n bo bu yiwi i na bu fa kɔ ma Nyemɛ minem ni

¹ Tɔ, fa kɔ ŋwaa n bo am yiwi i na am fa kɔ buka Nyemɛ minem ni, am yo kabo m kereeri Kristo jamam n bo bu wo Galatiya awɔre n nu n ka bu yo ni. ² Yudafɔm bakue n bumboori, mɔne kere mɔne, am nie kabo Nyemɛ awura am abaraka fa kɔ dekem bo am la bu n su, na am suyiyi ŋwaa be se, adena nzen m bá baari, am yi má ŋwaa kun. ³ Nyini saŋga na m bá juuri, m kére kadasi ma minem n bo am ayi bu ni, na m fá sunma bu na bu fá am aceerim kɔ Yerusalem mie kpiri n nu. ⁴ Na nzen i ti ye ni ka mini mmɔɔ kɔ, na m ni bere kere kó.

Kabo Pɔɔlu koro ka i kɔ nie Kɔrintofɔm busu ni

⁵ M koro ka m fa Makedoniya dɛɛ awɔre n nu, na m sin ba nie am busu. ⁶ Beni, m yó lennyɔ am dɔ, wara fufuku ni sín ka, ye m nyá ba yasu a, adena am buka m na m kɔ deke kere bo m koro ka m kɔ ni. ⁷ Dama m koro má ka m bá jina aŋgoro nie am busu na m sin, m la tama ka nzen Mibie n soroori su, m yó lennyɔ am dɔ. ⁸ M wó Efeso mie kpiri n nu fen haari Butara Cɛenkpiri n saŋga. ⁹ Dama atin bambaka ateke ama m, na m yo juma n nahore su, ama, m kpɔfɔm gusu asunnu.

¹⁰ Nzen Timoti bá baari am dɔ, am de i ni am saa nnyɔ, má am ma i ahore saaki, yiri mmɔɔ yo Mibiɛ n juma n kabo m yo i n wɔ. ¹¹ Má be se ka i bu i nɔgbɛɛn, ama, am kaari i ni ahoreda na i ba tu m, dama m suniɛ i ni ya ninbaam n atin nu ka bu bá.

¹² Fa kɔ ya niwa Apolosi yiri, ma sere i ni anyumboro ka i yo anie, na i ni ya ninbaam bá na bu bá niɛ am busu, ama, wɔ soro má su ka i bá kisa, ama, nzen Nyeme ba maari i atin, i bá.

Awieeri su jɔre ni anse

¹³ Má am fa am nɔ ji, am jina kenken ni am yarada ni, na am yo nbiesɔm, na am fa ahoresi. ¹⁴ Deke n kere bo am yo i ni, am yo i ni koro.

¹⁵ M ninbaam, am si Satefanasi ni i dikafɔm jɔre, bere duuri mɔ yoori Kristo yarada Akaya awɔre n kere nu a, na ba fa bu nɔ asu Nyeme minem amusui, nyini ti, m sere am wɔ jande, ¹⁶ ka am bu nyini minem bo bu ti sɔ ni, ni minem kere bo bu buka su, na bu yo bu juma n ni anyumboro ni. ¹⁷ Saɔga bo Satefanasi, ni Fɔtunatusi, ni Akayakusi ba tuuri m ni, na wɔ yo m fie agaya, dama bu deerɛ am dɛɛ jinaabiri wɔ, na ba yo deke n bo má am yo i ma m ni. ¹⁸ Dama kabo bu baari ni, bu ma m ni amberɛ kere anya ahoresi, nyini ti, i ti ye ni ka am bu minem bo bu ti sɔ ni.

¹⁹ Kristo jamam bo bu wo Esiya awɔre n nu n kere bisa am dɔngu. Akuyila, ni i yi Piriɛsila, ni Nyeme minem bo bu tien bu nɔɔ bu dika n kere gusu bisa am dɔngu, Mibiɛ n dɛɛ ti. ²⁰ Ya ninbaam kere bo bu wo fen n bisa am dɔngu. Am gusu bisa am bengum dɔngu ni koro.

²¹ Mini Pɔɔlu ni m tii sufa m saa sukere ahin kereɛwa n bisa am dɔngu a.

²² Sɔnɔ kere bo i koro má Mibiɛ ni, Nyeme yɔ i mi nɔgbɛɛn. *Marana ta*, i bu la ka, Ya Mibiɛ, bra.

²³ Ya Mibiɛ Yesu buka am kere.

²⁴ M koro am kere Yesu Kristo dɛɛ ti. Ami.

Pɔɔlu kadasi nnyɔ su bo i kerɛ fa maari KƆRINTOFƆM ni

¹ Mini Pɔɔlu bo m ti Yesu Kristo jaramasa Nyemɛ dɛɛ koroyanu ni, m ni ya niwa Timoti sukere ahin kadasi n ma am a. Ya sukere i na ya fa ma ambere Kristo jama n bo am wo Kɔrinto mie kpiri n nu ni, ni Nyemɛ minem kere bo bu wo Akaya dɛɛ awɔre n nu ni. ² Ya Si Nyemɛ, ni ya Mibiɛ Yesu Kristo buka am, na am nya tanalaifie.

Kabo Pɔɔlu daari Nyemɛ asi ni

³ Am ma ya kansu Nyemɛ, yiri bo i ti ya Mibiɛ Yesu Kristo Si ni. Yiri ti ya Si bo i si ya aɲunfo a. Yiri ti Nyemɛ bo i dada ya ahore a. ⁴ Yiri dada ya ahore a, ya wahara kere nu, adena yere gusu koro dada minem ahore, bere n bo bu wo wahara n kere nu ni. Kabo Nyemɛ ama yere mmɔɔ ni ya tii anya ahoreda ni, yere ma bere n gusu nya nyini ahoreda n a. ⁵ Dama kabo ya ni Kristo susanɔa di i wahara n agaya ni, so ye yiri dɛɛ ti, ye ya nya ahoreda agaya n a. ⁶ Sanɔa kere bo ya ŋu kekereke, i ma am nya ahoreda ni tiide wo. Na sanɔa kere bo ya nya ahoreda ni, i ma am ahoreda a, na am yo sawɔre mindi de nyini wahara n bo ya di i n be. ⁷ Ya la tama fa ko am do, ya yo ma sika. Dama ya si ka kabo am ni yere kere susanɔa di ya wahara n be ni, so ye ya ni ambere kere susanɔa nya ya ahoreda n a.

⁸ M ninbaam, ya koro ka am si kabo ya ŋuuri kekereke Esiya dɛɛ awɔre n nu barasu ni, ya ŋuuri anyumboro bo i la ma aɲusu, haari na ya yi tama ka ya wu awie. ⁹ Nahore, ya sunsun ka ya wu wo. Ama, i yo so na ma ya daafi ya ŋu su, ama, na ya daafi Nyemɛ ŋu, dama yiri tenge bo ba wu n a. ¹⁰ Wo yi ya afite nyini yiwee n bo i la ma aɲusu n nu, na i yi ya fite nu bekun. Ya yo yiri tama ka i toko sɔyi ya fite nu bekun a, ¹¹ kabo am buka ya ni am nyemesere ni. Nyini ma mine donɔa ba da Nyemɛ asi, fa ko kabo wo de mine donɔa nyemesere n na wo yo sakpam ama ya ni.

Kabo Pɔɔlu kaakiiri i sunsunni ka i kaaki ba ma bu do ni

¹² Deke n bo ya fa fo n la ka, ya sunsunni nu kere ya ka ya bo ma anɔofie, na ya ahorembaa ti casi wo Nyemɛ do durunya n nu, maala fa ko am do, ma ka ya su durunya n nu alecira su n dɛɛ ti a, ama, Nyemɛ yo bukaari ya n dɛɛ ti a. ¹³ Ya kere ma jore be ma ma am, ma ka jore bo am kan i na am kaaki koro ti i bu ni. M la tama ka am ba si i kere haari ni i awieeri, ¹⁴ dama am adu mo asi ya ŋusu jore kaan, nyini ma am ba koro fa ya fo n a, kabo ya ba fa am fo, cɛɛn n bo ya Mibiɛ Yesu ba kaaki ba n a.

¹⁵ M la ahoresi fa ko nyini n su dɛɛ ti, ma sese su ka m du mo ba nie am busu, adena ma am nya buka kpe nnyɔ. ¹⁶ Deke bo i ti na m se so n la ka, ma sese su ka ma m fa am do na m nie am busu, na m sin ko Makedoniya dɛɛ awɔre n nu, na m ba sufite do ba, na ma m fa am do bekun, adena am buka m na m koro ko ju Yudiya awɔre n nu. ¹⁷ Nyini n bo m seseeri su so ni, m la ma jinakunsu wo lɛɛ, nzen se? Wara m sese su kabo durunya n nufom n yo n wo, na m se ka “Eɛn,” na m kaaki se ka “Ai,” nzen se? ¹⁸ Nyemɛ la dabunju ni nahore n dɛɛ ti,

noaniem bo ya kan kereeri am ni, i ti má “Ɛen,” na i kaaki ti má “Ai”.¹⁹ Dama Nyeme Wa Yesu Kristo n bo ya kaanri i jore kereeri am ni, mini ni Silivanusi ni Timoti, yiri Yesu deɛ jore ti má “Ɛen,” na i kaaki ti má “Ai,” ama, i deke kere ti “Ɛen” ɔ. ²⁰ Dama dekem kere bo Nyeme seeri ka i yó bu ni, bu kere ti “Ɛen” ɔ, Yesu deɛ ti. Nyini ti, i deɛ ti ye sanɔa bo ya kansu Nyeme, ya se ka, “Ami” n a. ²¹ Tɔ, Nyeme ni i tii ma ya ni ambere kere koro jina kenken a, kabo ya ni Kristo ayo kun ni. Yiri ayi ya ka ya su i n a. ²² Yiri ase ya nyaari ka ya ti i deɛ minem a, na wɔ fa i Awiewie Casi n awura ya ahore su na i kere kabo i má ya deke n kere bo i seeri ka i fá ma i minem ni.

²³ Nyeme di m daani m ahore su a, ma koro má ka m kan am ndie, nyini deɛ ti ye ma kaaki aba má Kɔrinto mie kpiri n nu n a. ²⁴ I ti má ka ya sumie am kabo am yo yarada n wɔ, ama, ya ni ambere kere buka ya beɔgu wɔ, na am nya ahorejo, dama yarada n deɛ ti ye am jina kenken n a.

2

¹ Nyini ti, na ma yo m sunsunni nu ka m ba nie má am busu kun na am ahore saaki. ² Dama nzen m ma am ahore saakiiri, ɔmam ma m ahore da a? Má ambere bo ma saaki am ahore ni? ³ Deke bo i ti na m kereeri so n la ka, ma koro má ka m ba na má am ma m ahore saaki, ambere bo má i ti ye ni ka am ma m ahore jo ni. M la ahoresi fa ko am do, ka deke n bo i ma m ahore jo ni, nyini má am gusu kere ahore jo n a. ⁴ Dama m woori ahoresaaki, ni ahorembaa yaari, ni nyunvui agaya nu, ye m kereeri am n a. I ti má ka m koroori ka m saaki am ahore wɔ, ama, m koroori ka am si kabo m koro am agaya barasu n wɔ.

Kabo Pɔɔlu ɔa bu fa ce be bo wɔ do ɔgasi ni

⁵ Kabo be ayo ahoresaaki sa ni, má mini ye wɔ saaki m ahore a, ama, wɔ saaki am kere ahore a, nzen má nyini, wɔ saaki am nu be ahore. M gusu koro má ka m jojo jore n na i ko sin su agaya. ⁶ Suicin n bo ambere mine beberebe n kere fa kereeri i mi ni, wɔ se i su so. ⁷ Ama, kisa, kabo i ti ye ni ka am yo i n la ka, am kaaki de i mi, na am fa i ɔgasi ce i, na am dada i ahore, má so, ahoresaaki agaya ni má i kpaasi wɔ. ⁸ Nyini ti, m sere am wɔ, am kaaki de i na am kere i kabo am la koro fa ko i do ni. ⁹ Deke bo i ti na m kereeri am n la ka, m koro ka m yo am na m nie ka am de deke n kere bo m se am ka am yo i ni. ¹⁰ Soɔ bo am fa i ɔgasi ce i ni, mini mmoo fa ce i mi. Sa bo i ti na ma fa i ɔgasi ace i ni, nzen i la ɔgasi bo i ti ye ni ka m fa ce i mmoo, ma yo so Kristo nyunu, ambere deɛ ti wɔ. ¹¹ Ya yo so ɔ, adena má Sitana koro kunma ya. Dama ya si tenle su kabo i la ɔɔonletie barasu ni.

Kabo i miɛeri Pɔɔlu ka i ti bu jore Titosi do ni

¹² Tɔ, m ko juuri Tɔrasi mie kpiri n nu ka m kan Kristo labari kpa n jore kere bu ni, na ma ɔu ka Mibie n adu mo ateke atin ama m. ¹³ Haari ni nyini n kere mmoo, m ahore ada má, dama ma ɔu má ya niwa Titosi do. Nyini deɛ ti, na ma kaari bu, na ma sin ako Makedoniya awore n nu.

¹⁴ Ama, ya da Nyeme asi, dama kabo Kristo adi nasara na ya ni yiri ayo kun ni, sanɔa kere, yiri Nyeme ma ya nati su Kristo su, i nasara natiiri nu a, na deke kere bo ya ko ni, yiri fa ya bara ye a, na ya ma minem si i jore, kabo deke nvani bara ye deke kere ni. ¹⁵ Dama ya ti ka

ayiri kunkuunwa nvanvani bo Kristo fa ma Nyeme n wo, na i nvanvani n bara ye minem bo bu sunya tiide ni, ni bo bu suka ngbeɛn n do o. ¹⁶ Bo bu suka ngbeɛn ni, bere bu ya ka nvanvani n bo i sufa yiwee ba bu do o, ama, bo bu sunya tiide ni, bere bu ya ka nvanvani n bo i suma bu nya ngoo Nyeme do o. Ahin juma n yiri, nma koro fa i tienɔgu fanɔa yo i a? ¹⁷ Ya ti ma ka mine donɔgu bo bu bita Nyeme jore n yo wata na bu di i kperɛ ni, ama, yere yiri, ya ti nahorefom wo, haari na ya ti mine bo wo yi ya asunma ya wo, na ya jina i nyunu ye ya kan i jore a, kabo ya ni Kristo ayo kun n dee ti.

3

Sesesu fofore n bo Yesu adi i di n dee amusuifom jore

¹ Ya sukaaki kan kere am kabo ya ti na am si ya, nzen se? Wo yo ma daka ka ya yo kabo nbem yo ni, ka ya fa kadasi bo i kere kabo ya ti barasu n bita nu, wara ya de kadasi am do na i kere mine nyingam kabo ya ti barasu, nzen se? ² Ai, ya kadasi n la ambere ni am tii wo, kadasi n bo ba kere i awura ya ahore su ni, na mine kere koro kan i na bu si kabo i ti. ³ Na bu koro nu ka ambere ti kadasi n bo Kristo akere awura ya saa nu afa asunma ya n a. Wo fa ma deke kerewa nze fa kereri i a. Ama, Nyeme bo i wo bere sangha kere n dee Awiewie n ye i fa kereri i a. Wo kere ma i ago ma yabue pɛpɛrɛpe su wo, kabo Nyeme yo kereri i noanie kpamaawa n maari Moyisi ni, ama, i kereri i goori adamandem ahore su wo.

⁴ Deke bo i ti na ya koro joo so n la ka, ya la ahoresi Nyeme do, Kristo dee ti. ⁵ Ya la ma deke bo i kere ka yere ni ya tii koro yo juma n a. Deke bo i ma ya koro yo i n fite Nyeme do o. ⁶ Yiri Nyeme ama ya koro ayo i amusuifom a, fa ko sesesu fofore n bo wo di i di n su a. Nyini sesesu n fite ma Nyeme noanie kpamaawa n bo wo kere i n do, ama, i fite i Awiewie n do o. Noanie kpamaawa kerewa n fa yiwee ba, ama, Awiewie n ma ngoo o.

⁷ To, noanie kpamaawa n bo Nyeme yo kereri i goori yabue pɛpɛrɛpe n su na i fa maari Moyisi ni, nyini sangha, i yoori so ni, i jirima bambaka n taari wo, na Yisarelifom n akoro anie ma Moyisi nyunuawa dika, dama i nyunuawa taari wein agaya, haari ni bo i ba saari wo. Kabo noanie kpamaawa n bo i fa yiwee ba n ti n na Nyeme boori i juma n bu ni jirima bambaka n so ni, ⁸ i Awiewie ni yo i dee juma n ni jirima bambaka bo i tara nyini ni, ma so? ⁹ Kabo noanie kpamaawa n bo i yo diiri minem jore ciiri bu sui n ti n na i juma yo la jirima bambaka so ni, nyini yiri, juma n bo i ma Nyeme de minem ka bu yo sa bo i ko atin su i do n dee jirima bambaka tara so. ¹⁰ Nahore, deke n bo i yo la jirima bambaka ni, i la ma jirima kun, deke n bo i la jirima bambaka tara so n dee ti. ¹¹ Kabo deke n bo i ti siinwa n ti n na i yo la jirima bambaka so ni, nyini yiri, deke n bo i wo bere sangha kere n dee jirima bambaka n tara so.

¹² Kabo ya la tama ka i ti so n dee ti, ye ya la ahoresi agaya koro joo so n a. ¹³ Yere ti ma ka Moyisi bo i yo faari sanvuin kataari na ma Yisarelifom nu i nyunuawa bo i ta wein na i susaari ni. ¹⁴ Ama, haari ni nyini n kere mmoo ni, bu sui yo tiiri tantanantan a. Haari ni nyuma, sangha kere bo bu ti ka be sukan sesesu dawa n dee kadasim ni, i yoori bu ka nyini sanvuin n toko kata bu sunsunni su wo, ma ka

Kristo ngumi koro yi i a. ¹⁵ Haari ni nyuma, sanja kere bo bu kan kadasim n bo Nyeme ma Moyisi kereri bu ni, i yoori bu ka sanvuin n toko kata bu sunsuni su wo. ¹⁶ Ama, bu koro yi i, kabo ba kere i fa ko Moyisi jore n su ni, ka, “Sanja bo i fa i nyunu wo Mibie ni, sanvuin n kata ma i nyunuawa kun.” ¹⁷ To, deke n bo bu kereri i ka “Mibie n” ni, bu kere niiri i Awiewie n wo. Deke bo Mibie n Awiewie n wo ni, do ye mine nya bu tii a. ¹⁸ Yere yiri, ya la ma sanvuin bo i kata ya nyunu. Kabo ya nie nu deke nienu nu ni, so ye ya nie nu Mibie n jirima woowa n a, na i ma ya woowa kaaki kabo i ti ni, na ya sunya i jirima woowa ni, subuka su sanja kere. Ahin n fite Mibie n Awiewie n do o.

4

Ajeki n bo i ti ka i wo dundu nu n jore

¹ Nyini ti, kabo Nyeme asi ya anunfo na wo fa ahin juma n ama ya ni, ya nunie yoroki ma ya. ² Yere, ya kete deke kere bo i ti nyinse sa na bu kata i su asiri nu ni, ya dadaka ma be, ya kaaki ma Nyeme nonie ni. Ama, ya kan nahore n fofoe nu wo, nyini ma ya fa kere sono kere na i si i sunsuni nu kabo ya wo ti Nyeme do a. ³ Na haari nzen deke be akata labari kpa n bo ya kan i n su, bere n bo bu suka ngbeen ni ngumi do, ye deke be akata i su a. ⁴ Dama Sitana bo i ti durunya n nu fen dee nyeme n ata bu nyi bu sunsuni nu na ma bu yo yarada, adena ma bu nu labari kpa n dee wein n fa ko Kristo jirima woowa n su, yiri bo i ti kabo Nyeme ti ni. ⁵ Ya kan ma yere ni ya tii jore wo, ama, ya kan Yesu Kristo jore a, ka yiri ti sono kere Mibie a. Yere, ya ti am dee akoom wo, yiri Yesu dee ti. ⁶ Dama Nyeme bo i yo seeri ka, “Ma wein ta fite awosin nu” ni, yiri ma i wein ata ya ahore su a, na i ma ya si i jirima woowa n bo i ta fite Yesu Kristo nyunuawa dika ni.

⁷ Ahin jore n ti ajeki bo ya la i Nyeme do o, ama, yere yiri, ya ti ka dundu bo ba fa yakati ata ya n ye ya la ahin ajeki n a. I ti so o, adena mine nu i na bu si ka nyini yiko n bo i la ma anusu n ti Nyeme dee wo, i fite ma ya do. ⁸ Bu mie ya so o deke kere nu, ama, Nyeme yi ya nu wo. Ya tanda so o, ama, ya yi ma tama. ⁹ Bu kere ya wuwuruwa so o, ama, Nyeme yaki ma ya. Bu bo ya ji asienngu so o, ama, ya ka ma ngbeen. ¹⁰ Sanja kere ya nati nu yiwee n bo Yesu wuuri i n be wo, adena minem koro nu ngoo n gusu bo Yesu la i n be, ya nunie nu. ¹¹ Nahore, yere bo ya la ngoo ni, sanja kere bu fa ya wura yiwee woobiri wo, Yesu dee ti, adena bu koro nu ngoo n gusu bo Yesu la i n ya nunie nu. ¹² To, yere, ya wo yiwee nu wo, ama, amberere wo ngoo nu wo, Nyeme do.

¹³ Ya jore n ti kabo ba kere i Nyeme Jore Kadasi n nu wo, ka, “M yo yoori yarada a, nyini dee ti ye m jooori so n a.” To, yere gusu ayo nyini yarada kun n wo, nyini dee ti ye ya joo so n a. ¹⁴ Dama ya si tenle su ka Nyeme bo i tengeeri Yesu i yiwee n nu ni, yiri sanja tenge ya ni Yesu yiwee n nu a, na i fa ya ni amberere kere ko i nyunu. ¹⁵ Ahin n kere ma am nya kpere a, adena mine dongu sunya Nyeme ahorma ni subuka su, na i la ma anusu, nyini ma bu suda Nyeme asi subuka su a, na i wura Nyeme kpiri.

Ya la yarada n ye ya nati a

¹⁶ Nyini dɛɛ ti, ya ɲuniɛ yɔrɔki má ya. Haari ni bo ya ɲuniɛmbaa sugbaraki ni, ama, ya ahore su, ya sunya fanja fɔfɔrɛ Nyɛmɛ dɔ ɔ, ale kɛrɛ bo i cin. ¹⁷ Ahin waharam bo ya sudi bu ni, bu ti má pui, na bu cɛ má, nyini ni má ya nya jirima woowa bo i la má aɲusu na i wo bɛrɛ sanja kɛrɛ n a. ¹⁸ Ya fa má ya nyumbaa kpama má dekem bo ya ɲu bu n su, ama, dekem bo ya ɲu má bu ni, ya fa ya nyumbaa kpama bɛrɛ su a, dama bo ya koro ɲu i ni, i cɛ má, ama, bo ya koro ɲu má i ni, i wo bɛrɛ wɔ, sanja kɛrɛ.

5

¹ Tɔ, ya si durunya n nu fen dɛɛ aɲuniɛmbaa n jɔrɛ, i ti ka nambue wɔ, nzen wɔ saaki, sɔnɔ kɛrɛ la ataari kpa bo Nyɛmɛ ata i afa ase i. Má adamande taari i a, nyini awuru n wo aɲgoro wɔ, i wo bɛrɛ sanja kɛrɛ wɔ. ² Kabo i ti sɔ na ya toko wo fen ni, ya wo waraki su wɔ. Ya ahore su, ya koro ka Nyɛmɛ fa ya wura ya awuru n bo i fite aɲgoro n nu wɔ, na i kata ya ɲu. ³ Ya koro i sɔ ɔ, na ya wura i ka sutura na má ya nati ya bu ɲgbɛɛn. ⁴ Yɛrɛ bo ya toko wo ahin nambue n nu ni, ya waraki wɔ, na ya wo ahore tanda nu sɔ ɔ lɛɛ. I ti má ka ya koro ka ya yi i se wɔ, ama, ya koro ka ya wura aɲgoro dɛɛ n nu wɔ, na i kata ya ɲu, adena Nyɛmɛ bá kaaki ahin aɲuniɛmbaa n bo i wu ni, na i ma ya i dɛɛ ɲgɔɔ ni. ⁵ Nyɛmɛ ni i tii adu mɔ asese nyini deke n su ase ya a. Na wɔ fa i Awiewiɛ n ama ya, na i kere kabo i má ya deke n kɛrɛ bo i seeri ka i fá ma i minem ni.

⁶ Tɔ, nyini ma ya la ahoresi sanja kɛrɛ n a. Ya si tenle su ka kabo ya toko wo ahin aɲuniɛmbaa n nu ni, ya nya wo má Mibiɛ n dika n nu lɛɛ. ⁷ Kisa ya la yarada ye ya nati a, má ka ya nyumbaa ye ya fa ɲu asi nati a. ⁸ Yɛrɛ, ya la ahoresi n dɛɛ ti, ye ya ɲa ya yaki ahin aɲuniɛmbaa n a, na ya kɔ awuru Mibiɛ n dɔ. ⁹ Nyini ti, yɛrɛ yiri, nzen ya wo ya awuru n nu, wara ya wo má nu, ya boro ya nyi ka ya yo sa bo i sun Mibiɛ n nu wɔ. ¹⁰ Dama wɔ yo daka ka sɔnɔ kɛrɛ bá jina Kristo nyunu, i jɔrɛ diibiri ni, adena i mi nya i ɲkatɔ fa kɔ dekem bo i yoori bu i ɲgɔɔ n su ni, bo i ti kpa, ni bo i ti má kpa ni.

Kabo Yesu Kristo dɛɛ ti na ya ni Nyɛmɛ aɲen ayo dɔɲgu ni

¹¹ Ya si kabo i ti na ya soro Mibiɛ n ni, nyini dɛɛ ti, ye ya boro ya nyi na ya ma minem kaaki bu sunsunni fa kɔ i jɔrɛ n su a. Nyɛmɛ si kabo ya woowa kɛrɛ ti barasu. Na m la tama ka am sunsunni nu, ambere mmɔɔ si ya woowa. ¹² Ya sukaaki kan kere má am bekun kabo ya ti wɔ, ama, ya sukere am deke bo i ti na am koro fa ya fɔ n wɔ, adena nzen minem bá koro ka bu fɔ deke bo bu koro ɲu i n su, na i fite má ahorembaa su, dama bu koro ka bu bu am ɲgbɛɛn n dɛɛ ti, tɔ, am koro bɔ bu nu ni jɔrɛ kpa. ¹³ Nzen bu ɲa ya bo fiɛ wɔ, Nyɛmɛ dɛɛ ti ye ya bo fiɛ a, ye nzen ya nyunu ti koroowa gusu a, ambere dɛɛ ti ye ya nyunu ti koroowa a. ¹⁴ Koro n bo Kristo fa koro ya ni, yiri niɛ ya su a, dama ya yo ya sunsunni ka sɔnɔ kun n bo i wu maari sɔnɔ kɛrɛ n dɛɛ ti ni, nyini la ka, sɔnɔ kɛrɛ awu wɔ lɛɛ. ¹⁵ I wu maari sɔnɔ kɛrɛ wɔ, adena bo bu wo ni ɲgɔɔ n bita bu ɲgɔɔ n ka i ti má bu dɛɛ, ama, i ti i dɛɛ wɔ, yiri n bo i wu maari bu na wɔ kaaki atɛɲge i yiwee n nu bekun ni.

¹⁶ Nyini dɛɛ ti, fa i kisa fa kɔ, kabo durunya n nufɔm n bu sɔnɔ ni, yɛrɛ, ya bu má be sɔ kun, haari ni bo ya yo buuri Kristo mmɔɔ sɔ ni, kisa ya bu má i sɔ kun. ¹⁷ Nyini yiri, nzen be ni Kristo ayo kun, i mi n

ayo deke foföre wo læ, i woowa dawa n asin, na i deke n kere akaaki foföre wo læ. ¹⁸ Nyini n kere fite Nyeme do o. Yiri ama Kristo ayo ya ni yiri ni i tii afien dongu a, ye wo ma ya juma n bo i yo i ni minem afien dongu. ¹⁹ Nyini la ka, Nyeme ma Kristo yo i ni durunya n nufom afien dongu a, na i tenge ma bu satie jore su, haari kaan so, ye wo fa nyini afien donguyo n jore n awura ya saa nu, ka ya kan i. ²⁰ Nyini dee ti, ya ti sunmafom bo ya jina Kristo jaa nu wo. I ti ka Nyeme ni i tii sufa ya susere am jande a. Ya jina Kristo dee jaa nu susere am wo, ka, am ma yiri yo am ni Nyeme afien dongu. ²¹ Yiri Kristo n bo i la ma satie be ni, yiri ye Nyeme ma wo de satieyofom n jinaabiri a, yere dee ti, adena ya kaaki minem bo Nyeme de bu ka bu yo sa bo i ko atin su i do.

6

¹ Yere bo ya ni Nyeme sanja yo juma ni, ya sere am wo, ahorama n bo am ade i ni, ma am ma i ka ngbeen. ² Dama Nyeme na, “Sanja kpa n ba juuri ni, ye m deeru am sere a, na tiide ceen n ye m bukaari am a.”

Am ti fen, kisa ti sanja kpa n a. Am ti fen, kisa ti tiide ceen n a.

³ Ya sukanda ma be atin wo, adena ma be jaraki ya fa ko ya juma n bo ya yo i n su. ⁴ Ama, deke n kere nu, ya kere ka ya ti Nyeme amuisufom wo. Dama haari nzen ya wo wahara nu, ni kekereke nu, ni anyumboro nu, ya mindi de i wo. ⁵ Haari na ba bo ya, na ba nyi ya dansaraka, na ba di aluwa ya busu, na ya yo juma kekereke, na ya kpie daafiri, na ya da ahoe, ⁶ nyini n kere ni, na ya kere ka ya woowa ti casi wo, na ya la si Nyeme do, na ya mindi, na ya yo kpa, na ya wo ni Awiewie Casi ni, na ya la koro nahore su. ⁷ Ya kan nahore jore wo, na ya yo juma n ni Nyeme dee yiko n nu. Ya bita biesoya nenge bo i ti sa bo i ko atin su Nyeme do o, i wo ya saa fomboro, ni ya saa bie nu wo. ⁸ Bu wura ya kpiri wo, na bu kaaki yo ya kaan. Bu kansu ya a, na bu kaaki jaraki ya. Bu na ya dadaka minem wo, ama, bu kaaki na ya kan nahore wo. ⁹ Ya ti ka minem bo be si ma ya wo, ama, deke kere minem si ya so o læ. Ya ti ka ya wu wo, ama, ya la ngoo so o læ. Bu bo ya ni anyumboro so o, ama, ya wu ma. ¹⁰ Ya wo ahoresaaki nu so o læ, ama, sanja kere ya la ahorejo o. Ya wo ka ya ti yaarifom wo, ama, ya fa ajeke ma minem dongu wo. Ya ti ka ya la ma pui wo, ama, deke n kere ti ya dee wo.

¹¹ To, ambere ya danfo Korintofom, ya fa ma deke be afie ma am su, ya teke ya ahorembaa ama am. ¹² Yere, ya kpie ma am ya koro, ambere yiri, am akpie ya am koro. ¹³ Am ti ka m nbaam dee ti ye m suse am so n a, ka am gusu teke am ahorembaa ma ya, kabo ya teke ya dee ama am ni.

Ma am fa am na bo minem bo bu yo ma Kristo yarada n su

¹⁴ Ma am fa am na bo minem bo bu yo ma Kristo yarada n su, dama bo i yo sa bo i ko atin su Nyeme do n ni ketemafoni, i yo se ye bu koro sanja wo a? Wara wein ni awosin yo se koro sanja wo a? Ai, i koro yo ma. ¹⁵ Nzu anose wo Kristo ni Sitana afien a? Wara nzu tana wo sono bo wo yo Kristo yarada n ni bo wo yo ma i yarada n afien a? Ai, bu la ma tana. ¹⁶ Nzu anose wo Nyeme Sereebiri Awuru n ni amom afien a? Ai, bu la ma anose be. Yere ti ka Nyeme Sereebiri Awuru

n a, ye yiri Nyeme bo i wo bere sanƆa kere n wo nu n a. Kabo Nyeme ni i tii ase ni, ka,

“M wƆ bu dƆ,
na m ni bere sanƆa nati,
na m yƆ bu Nyeme,
na bu yƆ m minem.”

17 Nyini ti, Nyeme akaaki ase ka,

“Am fite yaki bu,
na am kpaaki yaki bu,

Micera ni seeri sƆ a.

Na mǎ am fa am Ɔu mata deke bo i ti mǎ casi,
na m dƛ am.

18 Na m yƆ am Si,
na amberƛ gusu yƆ m dƛƛ nbaam.
Kabo Micera Kpiri n ase lƛƛ.”

7

¹ M ninbaa koroowam, ahin deke n kere bo Nyeme ase ka i yƆ ma ya n dƛ ti, am ma ya kpakpara ya Ɔu fite deke kere bo i ma ya Ɔuniembaa n ni ya awiewie n yo fin ni, na am ma ya soro Nyeme na ya woowa kere ti kabo Nyeme koro ka i ti ni.

Kabo bu sayoowa ma PƆƆlu ahore jƆƆri ni

² Am teke am ahorembaa na am de ya. Ya do mǎ am be Ɔgasi, ya saaki mǎ am be, ya sisi mǎ am be. ³ Deke bo i ti na m se ahin sƆ ni, i ti mǎ ka m sujaraki am wƆ, dama ma du mƆ ase am ka am jƆre wo ya ahore su, ya ni amberƛ ti kun wƆ, haari yiwee nu wara ƆgƆƆ nu. ⁴ M la ahoresi agaya fa kƆ am dƆ, na m fa am fƆ agaya, na m la ahoreda agaya amberƛ dƛ ti, haari ni wahara n bo ya di i n kere ni, m la ahorejƆ bo i la mǎ aƆusu.

⁵ Dama sanƆa bo ya ba juuri Makedoniya awƆre n nu ni, ya nya mǎ Ɔumiyi haari kaan sƆ mmƆƆ, ama, ya Ɔuuri kekereke wƆ deke kere nu. Minem fa aluwa kpura ya sƆ Ɔ, na sere suti ya, ya ahore su. ⁶ Ama, Nyeme yiri, yiri dada minem bo bu ahore asaaki n ahore a, yiri adada ya ahore a, Titosi baawa n dƛ ti. ⁷ Mǎ ka i baawa ni Ɔgumi dƛ ti a, ama, ahoreda n bo am ni yiri kere nyaari i n dƛ ti a. WƆ se ya kabo am wara ado m na am koro ka am Ɔu m barasu ni, ni kabo am ahore asaaki fa kƆ jƆre n su ni, ni kabo am ahore abi m busu barasu ni, nyini ma m ahore aƆ akƆ asin su n a.

⁸ Haari nzen kadasi n bo m yo kere maari am n asaaki am ahore, ma yo mǎ m si i n sƆ, fa kƆ nyini n dika. Nzen mǎ m Ɔuuri kabo nyini kadasi n ama am ahore asaaki, haari ni bo wƆ cƛ mǎ ni, mǎ m yoori m si i n sƆ. ⁹ Kisa m ahore aƆ, mǎ ka am ahore asaaki n dƛ ti a, ama, am ahoresaaki ni, wƆ ma am akaaki am wo n dƛ ti a. Nyini ahoresaaki ni, yiri ama am akaaki kabo Nyeme koro n a, adena mǎ am kpaasi fieo, yere dƛ ti. ¹⁰ Dama ahoresaaki bo i ti kabo Nyeme koro ni, yiri ma ya kaaki ya wo ye ya nya tiide a, na ya yo mǎ m si i n sƆ a. Ama, durunya n nu dƛ ahoresaaki n fa yiwee ba. ¹¹ Am nie sa bo Nyeme ma am ayo i a, nyini ahoresaaki n dƛ ti, kabo am nyunu aboro ka am yo jƆre n dƆƆgu na mǎ be jaraki am ni, ni kabo yaa ti am fa kƆ yiri n bo wƆ do Ɔgasi n su ni, ni kabo jƆre n ama sere ati am ni, ni kabo am

wara ado m na am koro ka am ŋu m ni, ni kabo am ahore abi m busu ni, ni kabo am nyunu aboro ka am fa nahore cin i sui ni. Deke n kere nu, am akere ka am la má ngasi be læ, fa kó nyini jore n su. ¹² Deke bo i ti na m yo kereeri kadasi n maari am ni, má yiri n bo i doori ngasi n deɛ ti a, wara sɔnɔ n bo wɔ do i ngasi n deɛ ti a, ama, deke n bo i ti na m yo kereeri i sɔ n la ka, adena Nyeme ma am si kabo am cɛɛ wo ya nu ni anyumboro su barasu ni. ¹³ Nyini n kere adada ya ahore a.

Má nyini ahoreda n ngumi ye ya la i a, ama, deke bo i ma ya ahore ajo agaya n la kabo Titosi ahore ajo ni, dama amberɛ kere adada i ahore a. ¹⁴ Nyini ma ya ahore ajo sɔ a, dama ma du mɔ afa am afo kabo am ti barasu n akere yiri Titosi, na am ama ma di má nyinse. Kabo jore n kere bo ya kan kereeri am n ti nahore ni, sɔ ye minem koro ŋu kabo ya fɔori am ŋusu jore n kereeri Titosi n gusu n ti nahore a. ¹⁵ Deke bo i ma yiri Titosi koro am agaya ni, maala bo i tenge su kabo am kere deerɛ i nɔaniɛ n ni, ni kabo am deerɛ i ni am saa nnyɔ n na sere ti am agaya na am ŋunie subobo am ni. ¹⁶ M ahore ti jɔwa, dama deke n kere nu, m la ahoresi fa kó am dɔ.

8

Aceeri n bo bu de kó maari Yerusalem deɛ Kristo jama n jore

¹ Tɔ, m ninbaam, ya koro ka am si kabo Nyeme ama Kristo jamam bo bu wo Makedoniya deɛ awɔre n nu n adi i ahɔroma barasu ni. ² Sanga bo bu wo wahara ni kekereke nu agaya ni, na ba kere kabo bu ahore ajo akɔ asin su, na ba ce aceerim beberebe ni bu ahorembaa kun, haari ni bo yaari ati bu agaya ni. ³ M koro di daani ka bu maari bu fanja nyaari wɔ, haari ba ma atara kabo má bu ma ni mmɔɔ. Bu koroyanu, ⁴ na ba sere ya jande ka ya ma bere mmɔɔ nya atin na bu saa wo nyini juma n nu, bo ya de aceerim fa ma Nyeme minem ni. ⁵ Haari na ba yo akɔ atara kabo má ya sunsun ka bu yo ni. Bu du mɔ faari bu ŋu maari Mibie n wɔ ka, na ba nya fa bu ŋu ama yere gusu, kabo Nyeme koro ni. ⁶ Tɔ, kabo Titosi ti sɔnɔ bo i boori ahin aceeri juma n bu am nu ni, wɔ yo daka ka ya sere i jande na i suyo i sɔ ma am, haari i kó wie. ⁷ Amberɛ, am boro am nyi deke n kere nu wɔ, bere la yarada n bo am la i ni, ni kabo am koro jɔjɔ ni, ni kabo am la si ni, ni kabo am cɛɛ wo deke n kere nu ni, ni kabo am la koro ma ya ni. Kabo i ti sɔ ni, wɔ yo daka ka am boro am nyi yo ahin aceeri juma n gusu.

⁸ I ti má ka m suma am nɔɔ ka am yo sɔ ɔ, ama, m koro ka m kere am kabo nyingam la koro ni anyumboro na bu buka n wɔ, adena m yo am na m nie ka am la koro nahore su. ⁹ Am si juma kpa n bo ya Mibie Yesu Kristo yoori i ni, i yo ti ajekefo Nyeme dɔ ɔ, ama, amberɛ deɛ ti na wɔ kaaki yaarifɔ, adena am kaaki ajekefom Nyeme dɔ, kabo wɔ kaaki yaarifɔ n deɛ ti. ¹⁰ Ahin jore n yiri, afara, amberɛ du mɔ boori nyini juma n bu a, má ka am du mɔ boori i bu ni ngumi, ama, ni kabo am koroori ka am yo i n gusu ni, nyini ti, fɔ bo m koro ka m fa tu am n la ka, ¹¹ i ti ye ni ka am yo juma n bo am ŋa am yo i n kó wie kisa, adena kabo am yo la anyumboro am sunsunni nu, na am koro ka am yo i ni, sɔ ye am kere anyumboro a, na am fa deke n bo am la i n fa yo i wie. ¹² Nzen be la anyumboro na i koro ka i ce aceeri, Nyeme de i aceeri n fa kó deke bo i koro ce n su wɔ, má deke bo i koro ce má ni. ¹³ I ti má ka ya koro ka ya yi nbem fie nu, na amberɛ fie wɔ. Ai, ama, ya koro

ka i se su ma sɔnɔ kere wɔ. ¹⁴ Tɔ, kisa am la i, na nbem la má i ni, am buka bu. Na nzen bu gusu bá la i, na am la má i, bu gusu buka am. Sɔ ye i se su ma sɔnɔ kere a. ¹⁵ I ti kabo ba kere i Nyeme Jɔre Kadasi n nu wɔ, ka,

“Bo i tambuuri beberebe ni, wɔ sunnu asin má su,
ye bo i tambuuri kaan n gusu, wɔ kpɛ má i su.”

Titosi ni i bukafɔm n jɔre

¹⁶ Ya da Nyeme asi, yiri ma Titosi nyunu aboro na i cece wo am dɔ a, kabo mini mmɔɔ dɛɛ ti ni. ¹⁷ Ya sere yiri Titosi ka i ba am dɔ, na wo soro su, ama, yiri ni i tii dɛɛ koroyanu ye i ŋa i kɔ a, dama i cece du mɔ wo am dɔ. ¹⁸ Bo i buka i su, ya susunma ya niwa be gusu am dɔ. I ti sɔnɔ bo i yo labari kpa n juma a, nyini dɛɛ ti, Kristo jama n kere kansɩ i wɔ. ¹⁹ Má nyini ŋgumi, ama, yiri ye Kristo jama n kere ayi i ka i susu ya su buka ya a, na ya niɛ ahin aceeri ceewa juma n su n a. Ahin juma n wura Nyeme kpɩri wɔ, na i kere kabo ya koro ka ya buka minem ni anyumboro ni. ²⁰ Ya koro má ka be jaraki ya fa kɔ kabo ya niɛ ahin aceeri beberebe n su ni. ²¹ Nyini ti, ya boro ya nyi wɔ, na ya yo sa bo i kɔ atin su, má Nyeme ŋgumi dɔ, ama, adamande mmɔɔ dɔ.

²² Ya kaaki susunma ya niwa be buka bu su. I ti sɔnɔ bo ya yo i anie atin barasu nu, anɔ ka i la anyumboro fa kɔ deke dɔŋgu su. Kisa ya ŋu ka i la anyumboro tara sɔ, dama i la ahoresi fa kɔ am dɔ. ²³ Titosi yiri, i ti m matafɔ bo m ni yiri sanɔa yo juma ma am wɔ. Ya ninbaa nnyɔm bere yiri, bu ti minem bo Kristo jamam n asunma bu wɔ, na bu kaaki wura Kristo kpɩri. ²⁴ Nyini ti, am yi am ŋu fofoe nu, na am kere Kristo jamam ni kabo am la koro ni, na bu si deke n bo i ti na ya fa am fɔ ni.

9

Kabo ya buka ya benɔu Kristofɔm bo ba fun i ni

¹ Tɔ, aceerim bo am fa kɔ buka Nyeme minem ni, mini dɔ, wɔ ti má ye ka m kere i jɔre. ² Dama m si kabo am koro ka am buka barasu ni, haari ma du mɔ afa am afɔ Makedoniya awɔre n nufɔm dɔ, ka ambere Akaya awɔre n nufɔm n adu mɔ akpa am ŋu haari afara kere. Kabo am nyunu aboro na am koro ka am ce ni, wɔ yo bu dɔŋgu gusu ŋunie nyanyaka ye bu koro ka bu ce n a. ³ Nyini ye m susunma ahin ya ninbaam am dɔ n a, adena kabo ya fa am afɔ akere bu ni, na má i ka ŋgbɛn, ama, am yo siriyi, kabo ma du mɔ ase bu ka am yo siriyi ni. ⁴ Má nyini, nzen Makedoniyafɔm nbem suuri m su baari, na bu ba ŋu ka am nya yo má siriyi, i ti ya nyinse wɔ, ya kan má am dɛɛ yiri, kabo ya yo am yarada n dɛɛ ti. ⁵ Nyini dɛɛ ti, ma ŋu ka wɔ yo daka ka m sere ya ninbaam ni, na bu du m mɔ am dɔ, na bu buka am, na am sese am aceeri n bo am yo sereeri ka am yi fa ma n su. Nyini ma i yo koro aceeri a, i ti má ka bu miɛ am wɔ.

⁶ Am tenɔge su, ka sɔnɔ bo i dɔ kaan, i bá kpɛ kaan wɔ. Na sɔnɔ bo i dɔ dɔŋgu, i bá kpɛ dɔŋgu wɔ. ⁷ Sɔnɔ kere ce aceeri n kabo wɔ du mɔ asunsun i ahore su ka i ce barasu ni, má ka bu miɛ i wɔ, ama, i mi ma ni ahoreɔ, dama Nyeme koro bo i ce ni ahoreɔ ɔ. ⁸ Yiri Nyeme ni, yiri koro ma am nya i aceeri barasu kere a, na am nya deke kere bo am koro sanɔa kere, na i se am su, na am nya i buka su, adena am koro yo juma kpa kere. ⁹ Kabo ba kere i Nyeme Jɔre Kadasi n nu ni, ka,

“Wö sandi i aceerim afa ama yaariföm ni,
na i kpayo n wo bere sanğa kere.”

¹⁰ Nyeme ti bo i ma dödoorifo ni alembaa n a, na i kaaki ma minem diire na bu di a, yiri ma am alembaa n a, na i ma i sunnu buka su, na i kaaki ma am kpayo subuka su sanğa kere. ¹¹ Na i ma am sunya beberebe deke n kere nu, adena am koro suyo kpa ma minem sanğa kere, nyini ma minem da Nyeme asi, fa kó deke n bo ya yo i n su a. ¹² Ahin aceeri juma n bo am yo i ni, i ti má ka i subuka Nyeme minem bo ba fun i ni ngumi wó, ama, i kaaki ma minem döngü da Nyeme asi wó. ¹³ Ahin juma n bo am suyo i kó wie ni, nyini kere kabo am woowa ti barasu a. Na minem nu i, na bu kansu Nyeme kabo am ade yiri Nyeme noanie n na am kan kere minem nahore, ka am su Kristo labari kpa n jore n su ni. Bo i buka nyini n su la kabo am yo kpa, na am kpaaki am nengem nu ma bere ni nyingam kere ni. ¹⁴ Kabo Nyeme ama am anya i ahoroma akó asin su ni, bere, bu koro am ni anyumboro na bu sere Nyeme ma am. ¹⁵ Am ma ya da Nyeme asi fa kó i aceeri n bo wó fa ama ya na i la má anjusu ni.

10

Kabo Pöolu jöj fa köori i jumayoowa nyaari n su ni

¹ Mini Pöolu ni m tii, m susere am wó, Kristo sawöre n ni i benle woowa n dee ti, mini bo nbem na nzen m wo am dö, m san nya ni, ama, nzen m wo má am dö yiri, m la ahore wó. ² Deke bo i ti na m susere am n bu la ka, m koro má ka am ma m yo ahore, sanğa bo m ba baari am dö ni, na m yo ahoresi jöj am, kabo m sunsun ka wó yo daka ka m jöj bu ni, bere bo bu na ya su durunya n nuföm woowa n su ni. ³ Haari ni bo ya wo durunya n nu ni, ya kun má lue n kabo durunya n nuföm kun lue ni. ⁴ Biesoya nengem bo ya fa kun lue n ti má durunya n nu fen dee biesoya nengem. Ama, i fite Nyeme dee yiko n nu wó, na i kunma na i saaki fanga woobiri kere, na i kunma na i saaki sunsunni kere bo i ti má nahore, ⁵ na i kunma na i saaki deke kere bo i wura i nu kpiri na i kanda minem na má bu si Nyeme ni, na i ma ya kunma sunsunni kere bo i ti ka ya kpöföm ni, na bu de Kristo noanie ni. ⁶ Am bere, am deeri i noanie n wieeri, ye ya bá cin bu kere sui a, bere bo ba kete ka bu de má i noanie ni.

⁷ Am bere, deke bo am nyumbaa nu i ni, nyini ye am sunsunni wo i su a. Nzen be la ahoresi ka i ti Kristo dee söno, i ti ye ni ka i mi kaaki sunsun ka yere mmöw ti Kristo minem wó, kabo yiri mmöw ti ni. ⁸ Haari nzen m fö yanfoya tara kabo má m fö ni, fa kó yiko n bo Mibie n afa ama ya n su, i la má m nyinse, nyini yiko n ye Mibie n maari ya, ka ya fa buka am, na am kó mö ni am nyemesu ni, wó ma má ya ka ya fa saaki am ji wó. ⁹ M koro má ka i yo ka m sukere am kadasim n na m wura am sere wó. ¹⁰ Dama nbem bo bu kan m jore ni, bu na, m kadasim wo no na bu la fanga, ama, sanğa bo mini ni m tii ba wo am dö, m ti söno yörokiiwa a, kabo m jöj ni, be fa yo má pui. ¹¹ I ti ye ni ka nyini minem sö n si ka, kabo sanğa bo ya wo má dö na ya kere kadasim n nu ni, sö ye ya yö a, sanğa bo ya wo am dö ni.

¹² Ahin minem ni, bere ni bu tii kan kere minem kabo bu ti wó, ama, yere yiri, ya soro sere ni bo ya fa ya nu bo bu su, wara na ya fa ya nu bu bu. Ama, kabo bu fa bu nu bo bu bengum su ni, na bu fa bu nu

bu bu ni, nyini kere ka bu la má ngɔnlɛ haari kaan sɔ lɛɛ. ¹³ Yɛrɛ yiri, ya wura má ya ɲu kp̄iri, na ya fɔ tara kabo i ti ye ni ka ya fɔ ni. Ya yo kɔ jina ya juma yoobiri nyaari wɔ, deke bo Nyemɛ afa ama ya ka ya yo ni, haari ya yo aba aju ambɛrɛ mmɔɔ dɔ. ¹⁴ Nzen má ya du má mɔ aba má am dɔ, nyini yiri, ya suyo kɔ sin ya juma yoobiri nyaari wɔ lɛɛ, fa kɔ ahin jɔrɛ n su. Ama, kabo i ti ni, yɛrɛ ti minɛm bo ya duuri mɔ a, haari bo ya ba juuri am dɔ, na ya kan Kristo labari kpa n akere am. ¹⁵ Yɛrɛ, ya gusu fa má nbem juma fa fɔ má, na má ya fɔ tara ya juma yoobiri nyaari. Ama, ya la tama ka kabo am yarada subuka su ni, ya juma ni sandi bara yɛ am nu, kabo ya juma yoobiri nyaari ti ni. ¹⁶ Adena ya koro kɔ kan labari kpa n kere minɛm, bo bu wo asienm bo bu wo am nyunu dɔ ni. Ya koro má ka ya yo wura nbem dɛɛ juma yoobiri bo ba du mɔ ayo i n nu, na ya fa fɔ. ¹⁷ Ama, kabo ba kɛrɛ i Nyemɛ Jɔrɛ Kadasi n nu ni, ka, “Sɔnɔ kɛrɛ bo i ɲa i fɔ, i fɔ Mibiɛ n dɛɛ ti.” ¹⁸ Dama má sɔnɔ bo yiri ni i tii kan kere kabo i ti ni, ye Mibiɛ n de i ka i ti sɔnɔ kpa, ama, bo Mibiɛ n kere ni, yiri ti sɔnɔ kpa.

11

Pɔɔlu ni jaramasa kɔrɛfɔm n jɔrɛ

¹ Tɔ, má am soro su, na am yo sawɔrɛ ma m, na m jɔjɔ sinnzin jɔrɛ kaan sɔ. Jande, am yo sawɔrɛ ma m. ² M si am kɔrɛ kabo Nyemɛ si am kɔrɛ ni, dama am ti m dɛɛ nbaam wɔ, ka baabara bo i nya si má biesɔ, ye ma fa am ace biesɔ kun, yiri la Kristo. ³ Ama, m soro sɛrɛ wɔ, dama nzen m tengeeri Hawa jɔrɛ n su, yiri la kabo woo n yo faari ngɔnlɛtɛ dadakaari i na i nyaari i na i kunmaari i ni, nyini ma m soro ka beni, ambɛrɛ mmɔɔ bá mini fa kɔ am sunsunni nu, na am yaki Kristo dɛɛ atin n bo am su i su, na am ahorembaa ti kun, na am woowa ti casi Kristo dɔ ni. ⁴ Dama nzen be ba ɓaari am dɔ na i ɓa kaanri Yesu be jɔrɛ, na i ti má Yesu n bo ya kan i jɔrɛ kereeri am ni, wara nzen am deerɛ awiewiɛ be, na i ti má Awiewiɛ n bo am du mɔ deerɛ i ya dɔ ni, wara labari kpa barasu be bo i ti má bo am deerɛ i ni, ambɛrɛ koro yo nyini sawɔrɛ na am de nyini n sɔ a. ⁵ Berɛ bo bu yo bu ɲu ka bu ti Kristo jaramasam na bu la má aɲusu ni, mini yiri, m sunsun má ka m ti kaan ni berɛ fieo. ⁶ Haari ni bo m ti má sɔnɔ bo i koro jɔjɔ kabo bu jɔjɔ ni, m la si yiri, ma du mɔ akere am ka i ti sɔ ɔ, deke n kɛrɛ nu ni saɲga kere.

⁷ Am aɲu má i? Saɲga bo m ba kaanri Nyemɛ dɛɛ labari kpa n kereeri am ɲgbɛɛn, na ma de má deke be ni, m yoori m ɲu kaan wɔ, na m wura am kp̄iri, ma do ɲgasi wɔ lɛɛ, nzen sɛ? ⁸ M koro se ka m yo fiinri Kristo jamam nbem wɔ lɛɛ, dama m yo deerɛ buka bu dɔ ɔ, ye m fa ba bukaari am a. ⁹ Saɲga bo m yo wo am dɔ na m la má pui ni, ma fa má m fie afie má be, dama ya ninbaam bo bu fite Makedoniya awɔrɛ n nu yo bukaari m ni deke kɛrɛ bo wɔ kp̄iɛ m su ni. Ma koro má ka m fa m fie fie am be deke be nu. M woori sɔ ɔ, na m toko wo sɔ ɔ lɛɛ. ¹⁰ Kristo dɛɛ nahɔrɛ n bo i wo m nu n dɛɛ ti, be wo má berɛ bo i koro kanda m na m fɔ má nyini yanfɔya ni, Akaya awɔrɛ n kɛrɛ nu. ¹¹ Nzu ti a? Ka m koro má am, nzen sɛ? Ai, Nyemɛ si ka m koro am.

¹² Nyini ti, deke n bo m yo i ni, m kó su yo i sɔ ɔ, adena m tɔ bu atin, berɛ kɔrɛfɔm ni bo bu koro ka bu nya atin na bu fɔ, na bu se ka ya ni berɛ kɛrɛ jumayoowa sɛ ni. ¹³ Dama nyini minɛm sɔ ti jaramasa

köreföm wö, bu nati bu köre wö, fa kö bu jumayoowa su, na bu yo bu ñu ka bu ti Kristo jaramasam wö. ¹⁴ Nyini n so n ti má alekutura, dama haari Sitana ni i tii mmöö yo i ñu ka i ti meréke bo i ta wein n wö. ¹⁵ Nyini ti, i ti má alekutura, ka i amusuisuföm mmöö yo bu ñu ka bu su nahöre atin su wö. Ama, bu awieeri bá kere kabo bu jumayoowa ti a.

Kabo Pöolu diiri wahara i jumayoowa n dæe ti ni

¹⁶ M koro ka m kaaki se am bekun wö, ka má be sunsun ka m ti sinnzin wö, ama, nzen am sunsun so yiri, am yo sawöre na am de m ka m ti sinnzin wö, adena mini mmöö koro fo kaan so. ¹⁷ Ahin ahoresi n bo m fa fo so ni, i fite má Mibié n dö, ama, m jöjo ka m ti sinnzin wö. ¹⁸ Kabo minem dönggu fo kabo durunya n nuföm yo ni, so ye mini gusu fó n a. ¹⁹ Am añu má i? Amberé la alecira a, am mindi de minem bo bu ti sinnzin n wö, ni ahoreda a. ²⁰ Nahöre, haari minem bo bu mie am fa am yo bu akööm ni, am mindi de bu wö, wara nzen be asisi am, am mindi de i wö, wara nzen be anya am taraabiri, am mindi de i wö, wara nzen be kere i ñu am dö, am mindi de i wö, wara nzen be boori am nyöönü, am mindi de i wö. ²¹ Yere, ya yo má nyini n be so am nu, i ti m nyinse wö, beni, ya yöröki ya ñu n dæe ti a.

Ama, kabo nyini minem soro má sere na bu fo deke kere ti ni, mini mmöö, kisa m gusu soro má sere na m fo fa kö nyini dekem n su. Beni, am sunsun ka m jöjo ka m ti sinnzin wö. ²² Bu ña bu ti Hiburuföm wö? Tö, mini mmöö, m ti so ö. Bu ña bu dæe la Yisarelifö nyemesu atin ni? Tö, mini mmöö, m su nyini n su a. Bu ña bu ti Abraham anumam wö? Tö, mini mmöö, m ti so ö. ²³ Bu ña bu ti Kristo amusuisuföm wö? Tö, m tara bu. Am nié, i ti ka m nyunu akan m ye m jöjo so n a. Ama, nahöre, ma yo juma atara bu, ba nyi m dansaraka bo i la má nö, bu boori m haari m ñgöö ba kaari kaan so ö, sangga dönggu, kaan so, má ma wu. Nyinim kere nu, m tara bu. ²⁴ Kpe nnu læe bo Yudaföm n afin m ñgbere mbaa kun kun aburana kun kpíe su. ²⁵ Kpe nsen læe bo ba fin m ni bulaari ñgbere. Ba tu m yabue kpekun. Kpe nsen læe bo m wo lee bambakam nu tieku n su na ba sandi nu, haari na ma da tieku n nu kpekun, köngue ni wiesu. ²⁶ M nati so læe sangga kere, m la má tana, ma ñu anyumboro nzuetinm kpíeëbiri, ma ñu anyumboro minem bo bu nati fin bu bengum n saa nu, ma ñu anyumboro m tienju minem saa nu, ma ñu anyumboro minem bo bu ti má Yudaföm saa nu, ma ñu anyumboro mie kpirim su, ma ñu anyumboro boro kpantainm nu, ma ñu anyumboro tieku n su, ma ñu anyumboro ya ninbaa köreföm n dö, bere bo bu yo bu ñu ka bu ti Kristo minem ni. ²⁷ Ma yo juma nahöre su adi wahara, ma kpíe daafiri sangga dönggu, ma da ahöe ni nzuehöe, ma fun diire sangga dönggu, na ayere ati m, na ma nati m ñunie ñgbæen. ²⁸ Dekem bo ba ka ni, m kán má bu jöre, ama, deke bo i kpíe m daafiri ale kere bo i cin ni, yiri la kabo m sunsun Kristo jama n kere jöre n wö. ²⁹ Bu nu ñma agbaraki ye i gbarakiiwa n asa má m a? Bu nu ñma ye bu ma i yo satie ye i yo má m yaa?

³⁰ Tö, sangga bo wö yo daka ka m fo, m fo fa kö dekem bo bu kere ka m la má fanja n su wö. ³¹ Nyeme si ka m bu má köre, yiri ti ya Mibié Yesu Si a, yiri ti ye ni ka ya kansu i sangga kere a. ³² Sangga bo m yo woori Damasiko mie kpíri n nu ni, na gomina be wo bere, yiri ye Feme Aretasi yo faari mie n yiko wuraari i saa nu, na nyini gomina n ama

tintinijinafom n ako anjinda mie n ka bu tara m. ³³ Ama, na minem n afa m awura kandie bambaka nu, na ba fa m accondi kobe n tukoro nu, ajura asienju, na ma foro gomina n saa nu.

12

Sayikereewa n ni deke n bo Pɔɔlu ηuuri i ka alele nu n jɔre

¹ Tɔ, wɔ yo daka ka m fɔ, haari ni bo i la má kperɛ be ni. M la deke nbem bo m kan buka su, berɛ la kabo Nyemɛ yiiri deke nbem kereeri m ka alele nu ni, ni kabo i yiiri sayoowam kereeri m ni. ² M si sɔnɔ be jɔrɛ, i ti Kristo sɔnɔ ɔ, yiri ye Nyemɛ yo faari i fun kɔɔri angoro woobiri nsan su ni i dɔ n a, i nyuma afɔ buru ni nna lɛɛ. Nzen i kɔɔri ni i ηuniembaa a, wara i awiewie nu, mini, m si má, Nyemɛ si a. ³⁻⁴ Nahɔrɛ, m si nyini sɔnɔ n jɔrɛ, yiri ye Nyemɛ faari i fun kɔɔri alecɛɛma nu n a, na wɔ ti jɔrɛm bo bu la má kan, na be gusu la má atin ka i jɔjɔ bu, ama, kabo i yoori ni, ma si má, nzen i kɔɔri ni i ηuniembaa a, wara i awiewie nu, mini, m si má, Nyemɛ si a. ⁵ Tɔ, nyini sɔnɔ n sɔ, ye m fa fɔ n a, ama, mini ni m tii, m koro fɔ má deke be ti, má ka dekem bo bu kere ka m la má fanja n ye m fa fɔ a. ⁶ Haari nzen má m ηa m fɔ mmɔɔ, má m ti má sinnzin wɔ, dama má m kan nahɔrɛ wɔ. Ama, m yaki i sɔ ɔ, adena má am be wura m kpiri tara dekem bo i ηu ka m yo bu, ni dekem bo i ti ka m kan bu ni.

⁷ Tɔ, fa kɔ sayikereewa beberebe n bo Nyemɛ fa kereeri m su, wɔ koro má ka nyini dɛɛ ti na m wura m ηu kpiri. Nyini ti, i maari Sitana faari tɔrɛ be wuraari m ηuniembaa nu, i ti ka buwe ye i wɔwɔ m a, na i sukere m wahara, adena má m wura m ηu kpiri. ⁸ Kpe nsan lɛɛ bo ma sere Mibiɛ n fa kɔ ahin jɔrɛ n su, ka i ma i fite yaki m. ⁹ Ama, na wɔ se m ka, “M ahɔrɔma n ase u su, dama sanja bo a la má fanja ni, ye m kere m yiko kabo m koro a.” Kabo i seeri sɔ n dɛɛ ti, nyini ma m la ahoreda na m fɔ fa kɔ kabo m la má fanja n a, adena Kristo yiko n wo m dɔ sanja kere a. ¹⁰ Nyini ma Kristo dɛɛ ti ye m ahore ti daawa n a, sanja bo m la má fanja n a, ni sanja bo bu kpie m nzuko ni, ni sanja bo m ηu kekere ni, ni sanja bo bu kere m wuwuruwa ni, ni sanja bo m ηu anyumboro ni. Dama sanja bo m la má fanja ni, nyini sanja n ye m la yiko Nyemɛ dɔ a.

Kabo Pɔɔlu kereeri ka bu jɔrɛ kpie i daafiri ni

¹¹ Tɔ, kabo m jɔjɔ ni, ma yo ka sinnzin wɔ lɛɛ, amberɛ mie m a, ye m yo sɔ n a. Má amberɛ ti minem bo am kan kereeri kabo m ti n a, má i ti ye. Dama berɛ n bo bu yo bu ηu ka bu ti Kristo jaramasam na bu la má anjusu ni, mini yiri, haari ni bo m ti má pui ni, m ti má kaan ni berɛ fieo. ¹² Nahɔrɛ, sam bo bu kere ka m ti jaramasa ni, ye m yoori bu am dɔ n a, ni mindi kere, ni alekutura sam, ni yiko sam, ni abonɔ sam n a. ¹³ Nzu deke ye m yo maari Kristo jamam bo bu wo mie nyingam su n ye ma yo ama má am a? Má ka bo ma fa má m fie be afie má am ni. Tɔ, ma do ηgasi, am fa ce m.

¹⁴ Am ti fen, kisa ma sese m ηu su ka m ba nie am busu kpe nsan su lɛɛ, ama, m toko koro má ka m ba fa m fie fie am. M suba má ka m koro am nenje be wɔ, ama, m koro amberɛ wɔ. Dama má nbaam kpini nenjem se bu wufɔm a, ama, bu wufɔm ni kpini se bu nbaam n a. ¹⁵ Mini, deke bo m la i ni, m di i ka a, na m fa buka am, na m

fa m ñu kere ma am, nyini ma m ahoreda. Ma si má, m koro am agaya n so n dæ ti, ye ambere koro m kaan so n a? Ai, atin wo má nu. ¹⁶ Tö, am nbem ña ma fa má m fie be afie má am, ama, bu ña m fa ñgönletie wö, na ma dadaka am anya am taraabiri. ¹⁷ Ka se? Minem bo m yo sunmaari bu am dö ni, m ma bu be sisiiri am be maari m, nzen se? Ai, be asisi má am ama má m. ¹⁸ M yo sereeri Titosi wö, na wö ba am dö, na ma ma ya niwa n asunma i. Titosi yo sisiiri am, nzen se? Ai, wö sisi má am. Ambere mmöo anu ka m ni yiri kere sunsunni ti kun wö, na ya kere su atin kun su a.

¹⁹ Beni, nyini n kere bo ya jöjö i so ni, am sunsun ka ya sukan de ya tii wö, nzen se? Ai, i ti má so. M ninbaa koroowam, kabo ya ni Kristo ayo kun na ya jina Nyeme nyunu n ye ya se so n a. Deke n kere bo ya yo i ni, i buka am na am kö mö ni am nyemesu n wö. ²⁰ M soro sere wö, m koro má ka m ba baari am dö, na má m ba tu am kabo m koro ka am ti ni, wara na ambere gusu ñu m kabo má am koro ka m ti ni. M soro sere ka, beni, m bá ñu ka, am suse akuruwa, na am susi kore, na am sufa yaa, na am suyo anyii sam, na am sukan am benggu jore susaaki bu, na am sukpara tere, na am suyo kpirikoro, na am la kpakpaakinu. ²¹ M soro sere ka m ba juuri, na má Nyeme ma m yo m ñu kaan am nyunu, na má m ahore saaki fa ma bu, bere bo ba du mö ayo satie, na bu nya kaaki yaki má bu dangba sayoowam, ni sakaraya, ni konvikiya ñgbæñgbænm ni.

13

Awieeri su dæ boböwa ni anse ni

¹ Tö, ahin baawa n bo m súa ni, yiri yo m kpe nsan su bo m ba nie am busu a. Kabo ba kere i Nyeme Jore Kadasi n nu ni, ka, “Jore kere bo ba kan i na i ti nahore, má ka mine nnyo, wara mine nsan adi i daani.” ² Sanja bo m yo baari am dö ba nieeri am kpe nnyo su ni, m yo boböori am nbem. Kisa na m wo má am dö ni, m koro ka m bobö bu bekun fa kö nyini n su, ka nzen m baari, m yáki má bere n bo bu yo yoori satie ni, ni bo bu buka bu su kisa n kere. ³ Dama am ña am koro ka am ñu deke bo i kere ka Kristo fa m su, ye i jöjö am dö so a. Tö, am anu ka yiri ti má bo i la má fanja, ama, i la yiko am nu. ⁴ Nahore, sanja bo bu yo kpamaari i baka jaanu n su ni, i yo la má fanja, ama, haari ni nyini n kere, kisa i la ngöo wo bere, Nyeme dæ yiko n dæ ti. So ye i ti a, yere bo ya ni yiri kere ayo kun ni, yere mmöo la má fanja læe, ama, Nyeme yiko n dæ ti, ye ya ni yiri súwo a, na ya yo juma ma am.

⁵ Ambere ni am tii, am fiiti am ñu na am nie ka am woowa kere ka am ayo yarada nahore su, wara am ayo má. Am si má ka Yesu Kristo wo am dö o, nzen se? I wo am dö yiri, ñka am woowa kere ka am ayo má yarada nahore su wö. ⁶ M la tama ka am bá si ka, yere, ya ti má bo bu woowa kere ka ba yo má yarada nahore su ni. ⁷ Haari ni nyini mmöo, ya sere Nyeme ma am wö, ka, má am yo sa be bo i kö má atin su, má ka ya koro ka mine ñu ya woowa na i kere ka ya yo yarada nahore su, ama, ya koro ka am yo sa bo i ti kpa a, haari nzen má minem ñu ya woowa na i kere ka ya yo má yarada nahore su. ⁸ Yere, ya koro yo má deke bo i jaraki nahore ni, ama, ya yo deke bo i su nahore ni ngumi su a. ⁹ Ya ahore ti jöowa a, sanja kere bo ya

la má fanƆa, na ambere la yiko Nyeme do. Ahin n ye ya sere Nyeme ma am a, ka, i ma am woowa yo kabo i koro ni. ¹⁰ Nyini mmoo de ti, ye m wo má am do ye m sukere am ahin kadasi n so n a, adena m ba baari am do, na má m fa Mibie n yiko n fa yi am anyumboro, nyini yiko n ye i maari m ka m fa buka am, na am ko mo ni am nyemesu n a, wo ma má m ka m fa saaki am ji wo.

¹¹ M ninbaam, jore bo wo ka n la ka, am ma am ahore jo, am boro am nyi na am wo wo kpa, am ti kabo m sereeri am ni, am la anoose ni am bengum, am wo ni tanalaifie. Nyeme ti tanalaifie ni korofa a, yiri wo am do a. ¹² Am bisa am bengu dongu ni koro. Nyeme minem kere bo bu wo fen n bisa am kere dongu.

¹³⁻¹⁴ Ya Mibie Yesu Kristo de ahorma ni, ni Nyeme de koro ni, ni Awiewie Casi n de wo fie n wo am kere do.

Pɔɔlu kadasi bo i kerɛ fa maari GALATIYAFOM ni

1-2 Mini Pɔɔlu bo m ti Yesu Kristo jaramasa n ni ya ninbaam bo bu wo m do fen n kerɛ, sukere ahin kadasi n ma ambere Kristo jama minem bo am wo Galatiya dɛɛ awɔre n nu n wɔ. Yesu Kristo ni ya Si Nyeme bo i tengeeri Kristo i yiwee n nu ni, afa m ayo i jaramasa, ma adamande yoori m a, bekun ma minem gusu faari juma n maari m a.

³ Ya Si Nyeme, ni ya Mibiɛ Yesu Kristo buka am, na bu ma am ahoreda. ⁴ Ya Si Nyeme koroyanu n dɛɛ ti, na wo ma Yesu ade ya jinaabiri awu ya satie dɛɛ ti, adena i de ya fite ahin durunya tie n bo ya wo nu n nu. ⁵ Yiri ti ye ni ka minem kere kansu i sanja kere sanja. Ami.

Labari kpa kun n kpein n wo bere a

⁶ Am jore amie m bo m si ma kabo m kan. Kristo dɛɛ anunfo si ti, ye Nyeme afere am ka am ba su i, wo nya ce ma, ye am akaaki am sin abo i ndende, susu labari barasu be bo i wo i ngumi ni labari kpa n ni. ⁷ Labari kpa nyinga be wo ma bere, deke bo i ti na m se so n la ka, minem nbem koro ka bu ta am nyi wo, na bu fa kereewa barasu nbem kaaki Kristo labari kpa ni. ⁸ Ama, haari nzen yere be, wara nzen Nyeme mereke be fiteeri angoro ba kaanri labari barasu be, na i ti ma kabo ya du mo kaanri i ni, Nyeme yo i mi ngbeen. ⁹ Kabo ya du mo ase am ni, nyini ye m kaaki suse am bekun n a, ka, nzen be ba kaanri labari barasu be bo i wo i ngumi ni bo am ade i ni, Nyeme yo i mi ngbeen.

¹⁰ Bu na m suyo m juma n ka mine kansu m wo, ama, i ti ma so, m koro ka m yo bo Nyeme kansu m wo, m suyo ma sa bo mine se ka m ti kpa. Nzen ma m na m yo sa bo i sun mine nu, ma m koro yo ma Kristo ako.

Kabo Pɔɔlu ba yoori Kristo jaramasa barasu ni

¹¹ M ninbaam, m koro ka am si ka labari kpa n bo m kaanri i jore kereeri am ni, i ti ma deke bo i fite adamande sunsunni nu wo. ¹² I ti ma ka m deeri i fiteeri adamande do o, ma be gusu kaaki fa kereeri m a. Ama, Yesu Kristo ni i tii yiiri i kereeri m a.

¹³ Am yo tiiri kabo m woowa yo ti barasu, sanja bo m yo suuri Yudafo m dɛɛ atin n su ni. M yo kereeri Kristo jama n wuwuruwa agaya, na ma m butu bu. ¹⁴ M yo suuri Yudafo m atin n su nahore su taraari m sara sufom dongu bo bu su nyini atin n su ni. M nyunu yo boroori agaya kabo m yo na m su ya nana sayoowam su. ¹⁵ Nyeme ahoroma n dɛɛ ti, sanja bo bu nya wu ma m ni, ye i yiiri m ka m yo i juma n a. Sanja n bo i suunri Nyeme nu n ba juuri ni, ¹⁶ na wo yi i Wa n akere m, adena m ko kan i labari kpa n jore kere minem bo bu ti ma Yudafo m ni, ye ma ko ma be do na i ko kere m kabo m yo n a. ¹⁷ Ma kaaki ako ma Yerusalem mie kpiri n nu na m ko nu minem bo bu du mo ti Kristo jaramasam ni. M koori Arabiya asien n su wo, na ma fite do, na ma nya akaaki ako Damasiko mie kpiri n nu. ¹⁸ I dɛɛ afo nsan sin, na ma ko Yerusalem ka m ko nie Kefasi busu, yiri bo bu

kaaki fere i ka Petoro ni, na ma ko awo i do ceen buru ni nnu. ¹⁹ Sanja bo m woori do ni, ma nu ma Kristo jaramasam n be abuka ma su, ma ka Yakobo, ya Mibie niema ni.

²⁰ Nɔanie n bo m sukere ma am ni, i ti nahore wo, m bu ma kore. Nyeme ti m daanifo a. ²¹ Nyini sin na ma fite Yerusalem, na ma ko Siriya ni Silisiya dee aworem n nu. ²² Nyini sanja Kristo jamam n bo bu wo Yudiya awore n nu n be nya nu ma m na bu ba si m, ²³ se ba ti ka mine na, "Ahin sɔno n yo kere ya wuwuruwa a, na i kun mine bo ba de Kristo labari kpa n na i mini bu, kisa i nati kan labari kpa n jore kere mine wo." ²⁴ Deke n bo Nyeme ma m koro yoori i n dee ti, na ba kansi Nyeme.

2

Pɔolu ni i beɗu jaramasa nbem jore

¹ Sanja bo ya fite Yerusalem mie kpiri n nu ni, i afo buru ni nna sin, na m ni Banabasi akaaki ako do bekun, na ya fa Titosi abuka ya nu su. ² Deke n bo i ti na m koori n la ka, Nyeme kereeri m ka m ko a. Na m ni Kristo jama nkpienkpienm n atien ya noo ya ngumi deke be, na ma kan ateke bu nyi, akere bu fa ko labari kpa n jore bo m kan kere minem bo bu ti ma Yudafom ni. Dama ma koro ma ka juma n bo m suyo i n kere ka ngbeen. ³ To, haari ni bo Titosi yo woori m do na i ti ma Yudafom ni, ba mie ma i ka i wura kenkenne. ⁴ Ama, be abisa ma ya i jore be, se mine nbem ba sanjaari ya nu, bu yo bu nu ka bu ti Kristo dee minem wo. Bere seeri ka wo yo daka ka i wura kenkenne n a. Bu faari bu nu mataari ya a, adena bu nie kabo Yesu Kristo dee ti na ya nya ya tii ni. Ma bu koro ka ya su nɔanie kpamaawa n su wo, na ya yo akoom. ⁵ Ama, na ya fa nu, ya ma ma bu anyunu fieo, adena ma be kaaki i sin bo labari kpa n bo i ti nahore, na ya kan kere am su. ⁶ Bere n bo mine bu bu ka bu ti nkpienkpienm ni, m cece awo ma bu nu ka bu ti nkpienm, dama Nyeme tambu ma nu, nyini nkpienkpienm n gusu ala ma kaakiwa bo bu kaaki m fa ko m labari kpa n su. ⁷ Se deke bo bu nuuri i n la ka, Nyeme ye wo yi m ka m kan i labari kpa n jore kere minem bo bu ti ma Yudafom n a, kabo wo yi Petoro ka i kan i labari kpa n jore kere Yudafom ni. ⁸ Dama Nyeme ama m yiko ka m kan i labari kpa n jore kere minem bo bu ti ma Yudafom ni, kabo wo ma Petoro yiko ka i kan i labari kpa n jore kere Yudafom ni. ⁹ Na Yakobo, ni Petoro, ni Yohane bo mine bu bu ka bu ti Kristo jama mofom n anu ka, Nyeme ama m nyini juma n ka m yo i a, nyini dee ti, na ba fa bu saa awura m ni Banabasi saa nu, na ba de ya ni bu saa nnyo. Na ya kere asoro su ka m ni Banabasi ko yo juma ni minem bo bu ti ma Yudafom ni, na bere gusu ko yo juma ni Yudafom ni. ¹⁰ Ama, jore n bo bu seeri ya n la ka, ma ya wara fi jaarifom sa. Nyini ye m yo la anyumboro ka m yo i a.

Kabo Pɔolu jarakiiri Petoro barasu ni

¹¹ Ama, Petoro ba baari Antiyoki mie kpiri n nu na ma jaraki i, ma fie ma i su, dama sa n bo i yoori i ni, wo ko ma atin su. ¹² Sanja bo i du mo ba tuuri ya ni, i ni ya ninbaa Kristofom bo bu ti ma Yudafom ni sanja di diire a. Na mine nbem afite Yakobo do aba ka bu ba nie ya busu. Bu ba juuri ni, na wo cin i nu afite minem bo bu ti ma Yudafom n nu.

I ni bere asanga adi ma diire kun, dama i soro Yudafom n ahore wo. ¹³ I yoori so ni, na Yudafon nyingam bo bu wo Antiyoki n gusu ayo kabo i yoori ni. Bu si kabo ma bu yo, ama, ba yo ma so. Na Banabasi gusu ason bu su. ¹⁴ M nuuri ka bu su ma Yesu labari kpa n bo i ti nahore n su ni, na ma se Petoro jama n kere nyunu ka, “Woro, a ti Yudafon, ama, u woowa ti ka bo bu ti ma Yudafom wo. Ye nzu ti ye a koro ka a mie minem bo bu ti ma Yudafom na bu wo kabo Yudafom wo barasu na?”

Yarada dee ti ye sono kere nya tiide a

¹⁵ Nahore, ya fiteebiri, yere ti Yudafom wo, ya ti ma minem bo bu su ma Nyeme na ya fere bu ka satieyofom ni. ¹⁶ Ya si ka na nzen sono yo Yesu Kristo yarada, ye Nyeme de i mi ka i yo sa bo i ko atin su i do a, ama, i ti ma ka i mi su Nyeme noanie kpamaawa n su, ye Nyeme de i ka i yo sa bo i ko atin su i do a. To, ye yere gusu ayo Yesu Kristo yarada, adena Nyeme de ya ka ya yo sa bo i ko atin su i do, i ti ma ka ya su noanie kpamaawa n su n dee ti a. Dama be wo ma bere bo i su noanie kpamaawa n su na Nyeme de i ka wo yo sa bo i ko atin su i do. ¹⁷ Kabo ya boro ya nyi na ya su Kristo su na Nyeme de ya ka ya yo sa bo i ko atin su i do ni, nyini kere ka yere Yudafom gusu ti satieyofom ka minem bo bu ti ma Yudafom ti n wo. Ama, nyini n sukere ma ka Kristo subuka minem na bu yo satie wo lee. Ai, i ti ma so. ¹⁸ M yo su noanie kpamaawa n su wo, ama, ma yaki i, nzen kisa na m na m kaaki bo i bu su i su bekun, nyini sanja, ma fa m nu ayo satieyofon lee nahore su.

¹⁹ Mini do, fa ko nyini noanie kpamaawa n su, i yo m ka ma wu wo, m su ma i su kun, adena m nya ngoo Nyeme do. I ti ka m ni Yesu Kristo asanga awu baka jaanu n su a. ²⁰ Ahin ngoo n bo m la i ni, durunya n nu fen ni, yiri Nyeme Wa n koro m dee ti, na wo wu ama m, na ma yo i yarada, nyini dee ti ye m la ngoo n a. ²¹ Ma kete ma kabo Nyeme ayo ya sakpa akere i koro barasu ni. Ama, deke bo m suse n la ka, nzen sono na i su noanie kpamaawa n su, na nyini kere ka wo yo sa bo i ko atin su Nyeme do, nyini la ka, yiwee n bo Kristo wuuri i n ti ngbeen wo lee.

3

Noanie kpamaawa n ni yarada jore

¹ Ambere Galatiyafom, am la ma ngonle wo. Nma adadaka am a? M yo seeri am, kabo Yesu Kristo wuuri baka jaanu n su barasu ni, ma fie ma am su. ² Am ma m bisa am ahin bisaawa ni, am suuri noanie kpamaawa n su n dee ti, ye am deeru Nyeme Awiewie Casi n a? Wara nzen bo am tiiri Yesu labari kpa n jore na am yoori yarada n dee ti, ye am deeru i a? ³ Nzu ti ye am la ma ngonle so a? Am boori i bu ni Awiewie Casi n wo, ye i baari se ye am koro ka am fa am fanga wiewie i a? ⁴ Deke n kere bo Nyeme ayo i na am anu i n ti ngbeen wo lee, nzen se? Mini do, i ti ma ngbeen. ⁵ Bo am ati labari kpa n na am ayo yarada n dee ti, ye Nyeme afa i Awiewie n ama am, ye Nyeme yoori alekutura sam am nu a, nzen bo am su noanie kpamaawa n su na?

⁶ Nyini ye ba kere i Nyeme Jore Kadasi n nu ka, “Abraham yoori Nyeme yarada n dee ti, ye Nyeme ade i ka i yo sa bo i ko atin su i do

n a.” ⁷ Nyini kere ya ka, bo ba yo Nyeme yarada ni, bere ti Abraham busu nufom nahore su a. ⁸ Nyeme Jore Kadasi n kere ka, minem bo bu ti má Yudafoṁ bá yo Nyeme yarada, na i de bu ka ba yo sa bo i ko atin su i do. Nyeme du mo kaanri labari kpa n jore kereeri Abraham wo, na wo se i ka, “Woro dee ti, ye m yo adamande kere kisi a.” ⁹ Nyini ti, sono kere bo i yo yarada, Nyeme yo i kisi, kabo Abraham yoori yarada, na Nyeme yoori i kisi barasu ni.

¹⁰ Sono kere bo i su noanie kpamaawa n su na i sunsun ka Nyeme de i ka wo yo sa bo i ko atin su, Nyeme noo di i mi. Dama ba kere i Nyeme Jore Kadasi n nu ka, “Nyeme noo di sono kere bo i na i su noanie kpamaawa n su, na i su má i kere kpakpati su ko wie má.” ¹¹ Ya si ka, má ka sono su noanie kpamaawa n su ye Nyeme de i mi ka i yo sa bo i ko atin su i do a. Dama ba kere i Nyeme Jore Kadasi n nu ka, Nyeme na, “Sono bo i yo sa bo i ko atin su m do, i nya ngoo, i yarada n dee ti.” ¹² Noanie kpamaawa n wo bere i ngumi, na yarada n bo ya yo Nyeme n gusu wo bere i ngumi. Ba kere i Nyeme Jore Kadasi n nu ka, “Sono kere bo i su noanie kpamaawa n kere su, i mi nya ngoo.” ¹³ Ama, sono kere bo i su noanie kpamaawa n su, Nyeme noo di i mi, nyini dee ti ye Kristo kaari ngbeen wuuri baka jaanu n su deeri ya tii jiiri n a. Dama ba kere i Nyeme Jore Kadasi n nu ka, “Nyeme yo sono kere bo ba sense i baka n su ngbeen.” ¹⁴ Deke n bo i ti na Yesu Kristo wuuri nyini yiwee n la ka, noanie n bo Nyeme diiri i di ni Abraham ka i yo minem bo bu ti má Yudafoṁ kisi ni, nyini dee ti, nzen ya yo Kristo yarada, Nyeme na i ma ya Awiewie Casi n bo wo di i di ka i fa ma ya ni.

Sesesu n bo Nyeme diiri i di ni Abraham n jore

¹⁵ M ninbaam, m koro ka m fa adamande woowa na m fa kere kabo Nyeme woowa ti barasu. Nzen mine nnyo afa sesesu adi i di ka bu yo deke be, sono wo má bere bo i koro kete i, wara i kaaki i. ¹⁶ Nyini ti, Nyeme diiri nyini di n ni Abraham ni i busu nufon wo, wo se má ka i busu nufom kere, ama, i na i busu nufom kun, yiri la Kristo. ¹⁷ Deke bo m suse n la ka, Nyeme yo faari sesesu wo, na wo di i di ni Abraham ka i yo i. Na i dee afo yaa nna ni afo aburasan sin, na wo fa i noanie kpamaawa n ama Moyisi, ama, sesesu n bo wo du mo adi i di ni, i koro saaki má i. ¹⁸ Sesesu n bo Nyeme diiri i di n dee ti, ye Nyeme ceeri Abraham aceeri n a. Má ka bo i su noanie kpamaawa n su dee ti ye i ce i aceeri n a.

¹⁹ Nzen i ti so, nzu ti ye Nyeme ma Moyisi yo faari i noanie kpamaawa n maari minem a? Nyeme koro ka mine si kabo satie n ti wo, ye i faari i noanie kpamaawa n maari a, fa ko ju sanja bo Abraham busu nufon ni bá ba. Yiri ye Nyeme diiri i di ni Abraham n a. Nyeme yo faari i noanie kpamaawa n maari i merékem wo, na ba kan akere Moyisi bo i wo Nyeme ni i minem afien, na i gusu anya akan akere minem ni. ²⁰ Nyeme yo faari i noanie kpamaawa n maari merékem, ni Moyisi wo, ye bu kan kereeri minem a, ama, sesesu n bo Nyeme yo diiri i di ni Abraham ni, be wo má bu afien, se Nyeme ngumi.

Deke n bo i ti na Nyeme faari i noanie kpamaawa n maari i ni

²¹ Noanie kpamaawa n kete dekem bo Nyeme seeri ka i yo i ni, nzen se? Ai, i kete má. Nzen má noanie kpamaawa n be wo bere bo i koro ma ngoo, nyini la ka, nzen sono suuri noanie kpamaawa n su,

ye Nyeme de i ka i yo sa bo i ko atin su i do a. ²² Ama, ba kere i Nyeme Jore Kadasi n nu ka, sono kere ti satieyofo o, adena minem bo bu yoori Yesu yarada ni, bere nya deke n bo Nyeme seeri ka i fa ma yaradayofom n a. ²³ Sanja bo Yesu nya ba ma na ya yo i yarada ni, ya yo su noanie kpamaawa n su a, nyini noanie kpamaawa ni, i kere ya kabo ya yo, ye i nie ya su a, haari ba fa juuri sanja n bo Yesu baari na ya yo i yarada ni. ²⁴ Nyini ti, kana Yesu ba ba ni, noanie kpamaawa n ti ka sono bo i bita ya a, haari na Yesu aba aba, adena Nyeme de ya ka ya yo sa bo i ko atin su i do, ya yarada n dee ti. ²⁵ Ama, ahin sanja n bo ya yo Yesu yarada ni, noanie kpamaawa n bita ma ya kun. ²⁶ Ambere kere bo am ayo Yesu Kristo yarada ni, nyini dee ti ye am ayo Nyeme nbaam a. ²⁷ Ambere kere bo bu bieri am Nyeme nzue ni, am ni Kristo ayo kun lee, nyini kere ka am ade i dee woowa n wo lee. ²⁸ Nyini ti, kabo am ni Kristo ayo kun ni, am kere ti deke kun wo lee. Bo bu ti Yudafoam ni bo bu ti ma Yudafoam, bo bu ti akoonbaam ni bo bu ti ma akoonbaam, nbiesom ni nbaram kere akaaki deke kun wo lee. ²⁹ Kisa am ti Kristo dee minem wo, nyini la ka, am ti Abraham busu nufom wo, bo am nya deke n bo Nyeme seeri ka i fa ma i minem ni.

4

¹ Deke n bo m suse am la ka, awurubaa bo i ba di i si nenge n kere aja, na i nyunu nya ti ma ni, i ni akooaba ti kun wo, haari bo i si aja n kere ti i dee ni. ² Sanja bo i toko ti kaan ni, i wo i minem saa nu wo, ye bu nie i su a, haari fa ko ju sanja bo i si seeri ka i di aja ni. ³ Ya gusu yo ti so o lee, dama sanja bo ya yo si ma Yesu jore ni, ya yo ti akoom wo, fa ko durunya n nu satie yoowam su. ⁴ Ama, sanja n ba juuri ni, na Nyeme asunma i Wa, na ba wu i kabo bu wu adamande ni, noanie kpamaawa ni bita i a, ⁵ adena i koro de minem bo noanie kpamaawa n bita n tii ji, na bu yo Nyeme nbaam nahore su.

⁶ Ya ti Nyeme nbaam dee ti ye i sunmaari i Wa n dee Awiewie n ka i ba wura ya ahorembaa su. Nyini ti, ye ya koro bo fere Nyeme ka, “*Abba*,” i bu la ka, “*M Si*.” ⁷ Nyini ti, a ti ma akoo kun, a ti Nyeme wa a. Nzen a nya ti Nyeme wa, nyini la ka, i ma u deke n kere bo i fa ma i nbaam ni.

Kabo Pɔɔlu ceece woori Galatiyafom nu ni

⁸ Sanja bo am nya si ma Nyeme ni, am yo suuri dekem bo bu ti ma Nyeme n wo, ye am ayo bu akoom a. ⁹ Ama, kisa, am asi Nyeme, wara yiri Nyeme asi am. Nzu ti ye am koro ka am kaaki am sin bo Nyeme a, na am su durunya n nu satie yoowam, bo bu la ma fanja n su a? Nzu ti ye am koro ka am yo bu akoom na am kaaki su bu bekun a? ¹⁰ Am nyunu aboro ceenkpirim ni yoowam n su a, bere la yoowa n bo am bu lemocue kere ni, ni bo am yo i sara kere ni, ni bo afo ba ye na am yo bu ni. ¹¹ M koro ma ka juma n kere bo ma yo i ama am n ka ngbeen, nyini ti ye am sayoowa kpie m daafiri ceen kere n a.

¹² M ninbaam, m susere am wo, am ma am woowa ti kabo m woowa ti barasu ni, dama m woowa ti kabo am woowa ti n wo. Am ado ma mini ngasi be. ¹³ Am si ka sanja bo m du mo ba kaanri labari kpa n jore kereeri am ni, m yo la ma laifie n dee ti, ye m koro nyaari atin a. ¹⁴ Haari ni bo m yo la ma laifie n kere ni, na i yoori kekereke ma am ni, am akete ma m, abu ma m ngbeen, ama, am deer i m ni am saa

nnyo ɔ, kabo má am de Nyeme mereke wara Yesu Kristo barasu n wɔ. ¹⁵ Nzu ti ye kisa am ahore ti má jɔwa kabo i yo ti dawa n a? Nyini sanja ni, mini mmɔɔ ni m tii si ka, nzen má m yo seeri ka am lokoti yi am nyumbaa fa ma m, na má am koro yo i, má am yó i wɔ. ¹⁶ Bo m tu am fɔ seeri am nahore n deɛ ti, ye kisa ma kaaki am kpɔfo a? ¹⁷ Nyini minem bo bu boro bu nyi na bu cece wo am nu ni, bu sunsunni ti má kpa. Bu koro ka am kaaki yaki Kristo atin n wɔ, na am boro am nyi su bu deɛ atin n su. ¹⁸ Nzen má am nyunu aboro nahore su ka am yo sakpa sanja kere, má i ti kpa, nzen haari m wo má am do mmɔɔ. ¹⁹ M nbaam, am jore yo m yaa, kabo bara ba suwu baa na i yo i yaa barasu n wɔ, i suyo m yaa so ɔ, má ka Kristo aba awo am nu, na am woowa ti kabo Kristo woowa ti barasu ni. ²⁰ M ahore su, má m koro ka m wo am do kisa, na m da m boe na ya bo anzama, dama ma tanda fa ko am do.

Saara ni Haga woowa n deɛ jore

²¹ Ambere bo am koro ka am su Nyeme noanie kpamaawa n su ni, am si má kabo i noanie kpamaawa n kere n wɔ, nzen se? ²² Ba kere i Nyeme Jore Kadasi n nu ka, Abraham yo la nbaa nbiesom nnyo ɔ, baa n bo afani n wuuri i ni, ni baa n bo awurubara wuuri i ni. ²³ Baa n bo afani n wuuri i ni, kabo bara kere nyinse, na bu wu baa ni, i nyinse wuuri i so ɔ. Ama, awurubara n deɛ wa n bo i wuuri i ni, kabo Nyeme yo seeri Abraham n ye i wuuri i a. ²⁴ Kabo nbara nnyom woowa n ti má kun na bu woowa wo i ngumi ni, i la bu wɔ. Bu ti ka sesesu nnyom bo Nyeme diiri i di n wɔ. Kun la Haga, afani n bo i deɛ busu nufom ti akoom ni. I kere kabo Nyeme noanie kpamaawa n bo i yo fa maari Moyisi Sinayi Buka n su n maari minem yoori akoom barasu n wɔ. ²⁵ Haga ade Sinayi Buka n bo i wo Arabiya asien n deɛ jinaabiri wɔ, i ti ka Yerusalem mie kpiri n bo i wo durunya n nu fen kisa n wɔ, i ni i busu nufom kere ti akoom wɔ. ²⁶ Ama, Yerusalem n bo i wo angoro n deɛ minem anya bu tii, bere ti awurubara Saara deɛ nbaam a, yiri ti ya ni a. ²⁷ Dama ba kere i Nyeme Jore Kadasi n nu ka, “Woro bara nɔroka ni, bo a wu má baa ni, ma u ahore jo ko sin su.

Tien, na a siri ni ahorejo,

woro bara n bo a si má baawu yaari ni,
dama bara n bo i hun akete i n la nbaam
tara bara n bo i la hun ni.”

²⁸ M ninbaam, kisa ambere ti ka Izaki bo i ti awurubaa n a, dama yiri ye Nyeme seeri Abraham ka bu wu i n a, ye ambere gusu ti Nyeme nbaam n a. ²⁹ Kabo nyini sanja na afani n wa n yo kereeri awurubara n wa Izaki n wahara ni, yiri ye bu wuuri i ni Awiewie Casi n deɛ yiko nu a. Minem bo bu su Moyisi noanie kpamaawa n su ni, sumie yere n bo Nyeme Awiewie n yiko nu na ya kaaki Nyeme nbaam n so lee. ³⁰ Nyeme Jore Kadasi n se se wo? I na, “Fon yi ahin afani n ni i wa n fite fen. Wo ti má ye ni ka ahin bara n wa n nya aja nenje n be. Ama, i ti ye ni ka awurubara n wa ni fá i kere a.” ³¹ Nyini ti, m ninbaam, ya ti má afani n deɛ nbaam, ama, ya ti awurubara n deɛ nbaam wɔ.

5

Kabo ya bita ya tiide n bo ya nya i n kenken

¹ Kristo ade ya tii aji, nyini ti, am wo ni nyini tiide n bo am anya i n nu, am bita i kenken na má am wo ka am ti akoom kun.

² Am ti kabo mini Poom suse am ni. Nzen am soro su na be wuraari am kenkenne, nyini la ka, deke n bo Kristo ayo ama am n ti ngbeen wo lee. ³ M koro ka m bobo am wo lee bekun, ka sono kere bo i soro su na bu wuraari i kenkenne, wo yo daka ka i mi su noanie kpamaawa n kere su, má i yaki kun n kpein mmoo. ⁴ Amberε bo am sunsun ka am su noanie kpamaawa n su, na am na nyini ma Nyeme de am ka am yo sa bo i ko atin su i do ni, am ni Kristo akpaaki lee, am di má Nyeme ahoroma n kun. ⁵ Ama, yere yiri, Awiewie Casi n ama ya yo yarada, ye ya la ahoresi nminda ka Nyeme ba de ya ka ya yo sa bo i ko atin su i do. ⁶ Nzen ya ni Kristo ayo kun, na ya wura kenkenne, i ti má pui, nzen ya wura má kenkenne gusu, i ti má pui. Ama, nzen ya yo Yesu Kristo yarada, na ya koro ya bengum na ya yo sakpa, nyini ti jore n a. ⁷ Kobo am yo su Kristo atin n su ni, am yo boro am nyi wo nahore su. Kisa nma adaka am ye am akaaki am sunsunni ka má am de nahore n a? ⁸ Nyini noanie n bo ba fa akaaki am sunsunni n fite má Nyeme bo wo fere am ka am ba su i n do. ⁹ Bu na, ayiri n bo bu fa go kpono nu n ti kaan so o, ama, yiri ma i yasu yo dongu a. ¹⁰ Ama, m la ahoresi fa ko am do, kabo ya ni ya Mibie Yesu Kristo ayo kun ni, ka, am kaaki má am sunsunni na am yaki atin n bo ya bita i ni. Sono kere bo i koro ka am kaaki am sunsunni ni, Nyeme cin i mi sui.

¹¹ M ninbaam, nbem na m toko nati kan i ka i ti ye ni ka Kristo minem kere wura kenkenne. Nzen má i ti nahore ka m kan i so o, ye nzu ti ye Yudafom kere m wuwuruwa n a? Nzen má m kan i so, ye haari nzen m kan fa ko yiwee n bo Yesu wuuri i baka jaanu n su ni, má i ti má jore. ¹² Minem bo bu mie am ka am wura kenkenne ni, má i yo m fie ka bu sa bu na má bu bieso dika yo juma.

¹³ M ninbaam, Nyeme afere am ka i de am tii ji wo. Ama, má am nie ka am anya am tii n dee ti, na am yo am kunnu koroowa, ama, am koro am bengum nahore su, na am buka am bengum. ¹⁴ Dama Nyeme noanie kpamaawa n kere jina noanie maawa kun su a, yiri la ka, "Koro u bengum kabo a koro u ni." ¹⁵ Ama, nzen sangha kere na am sudi aluwa na am nuni sukpi am bengum ni, na am asi má am ni sa, am saaki am nuni nu wo lee.

Nyeme Awiewie n ni adamande woowa

¹⁶ M suse am wo, am wo kabo Awiewie Casi n kere am ka am wo ni, adena má am yo am kunnu koroowa kabo dawa na am yo yoori barasu ni. ¹⁷ Dama deke bo yere adamande kunnu koro i ni, Awiewie Casi n koro má i, ye deke bo Awiewie Casi n koro i ni, yere adamande dee woowa n koro má i. Nyini ti, sangha kere yere adamande dee woowa n ni Awiewie Casi n se akuruwa ni i bengum wo. Nyini ye ya koro yo má kabo ya koro ka ya yo n a. ¹⁸ Nzen am yo kabo Awiewie Casi n koro ka am yo ni, noanie kpamaawa n nie má am su kun.

¹⁹ Sono kere si kabo minem bo bu su adamande woowa su n ti barasu. Yiri la sakaraya, ni dangba sayoowam, ni konvikiya ngbeenngbeenm. ²⁰ Na bu su amoe, ni ayiri di ngbeenngbeen, na bu sukpo mine, na bu sukpi ni jore, na bu susi kore, na bu sufa yaa, na bu suyo anyii sam, na bu suse akuruwa kpakpaaki bu nuni nu, ²¹ na bu susi bu bengum kore, [na bu sukun mine,] na bu sunu nzan bo, na bu suyo ngbeenngbeen

kabo nzan nufom yo barasu ni, na bu suyo sa barasu nbem. Kabo ma du mo ase am ni, m toko bɔbɔ am wo lee, ka, sɔnɔ kere bo bu yo nyini sam ni koro wura má Nyeme femeya n nu.

²² Ama, deke bo Awiewie Casi n ma mine yo i la ka, bu koro bu bengɔ, na bu la ahorejɔ, na bu ahorembaa ti daawa, na bu la mindi, na bu buka mine, na bu yo sakpa, na bu la dabuɔ, ²³ na bu yo bu ɔu tarakam, na bu la tarabuɔ. Noanie kpamaawa be wo má bere bo i jaraki minem bo bu bita nyini woowa atin ni. ²⁴ Minem bo bu ti Yesu Kristo deem ni, ba yaki bu dawa dee koroowa ni i sayoowam n kere, bu ti ka ba kpama bu baka jaanu n su ye ba wu a. ²⁵ Awiewie Casi n ama ya ngɔɔ. Nyini ti, am ma ya wo kabo i kere ya ka ya wo ni. ²⁶ Má am ma ya wura ya ɔu kpiri, na má am ma ya yo sa bo i ye mine ahore su, na má ya si kore.

6

Kabo ya buka ya lamokɔ Kristofom barasu ni

¹ M ninbaam, nzen am ɔu ka am nu be suyo satie, ambere bo am wo kabo Awiewie Casi n kere ka am wo barasu ni, am tara am ɔu benle, na am buka i mi na i yo sa bo i ti kpa. Na am si am ɔu sa, na má am gusu yo satie be. ² Nzen am ɔu ka am bengɔ wo kekereke nu, am buka i. Nzen am yo sɔ, nyini kere ka am ade Kristo kereewam n bo wo fa ama ya n nahore su lee. ³ Wɔrɔ kere bo a ti má pui, na a sunsun ka a ti be ni, a dadaka u ɔu wo lee. ⁴ Sɔnɔ kere nie i sayoowa, nzen i mi ɔu ka i sayoowa ti kpa, nyini sangɔ, i mi koro kansɔ i ɔu. Ama, má i nie ka i sayoowa tara i bengum dee ti, na i fa fo. ⁵ Dama sɔnɔ kere la i tienɔu sayoowa. ⁶ Ambere bo bu sukere am Nyeme noanie n ni, am buka bere n bo bu kere am ni, ni deke kere bo am la i.

⁷ Má am dadaka am ɔu, na am sunsun ka be koro dadaka Nyeme, dama deke kere bo sɔnɔ yoori, Nyeme fá nyini to i mi kaari a. ⁸ Nzen sɔnɔ yo kabo adamande woowa koro barasu ni, nyini má i mi wu a na i ka ngbeen. Nzen i yo kabo Awiewie Casi n koro ka i yo ni, nyini má i mi bá nya ngɔɔ bo i la má awieeri a. ⁹ Nyini ti, má am ma ya fie ni sakpayo, dama nzen ya fie má, na sangɔ n ba juuri, Nyeme tó ya ɔkato. ¹⁰ Nyini ti, nzen ya la deke ya saa nu bo ya fa yo sakpa, ya yo buka sɔnɔ kere, maala ya lamokɔ Kristofom ni, bere yiri, i ti ye ni ka ya buka bu sangɔ kere.

Awieeri su dee noanie bo Pɔɔlu fa kaari bu ni

¹¹ Am nie, mini ni m tii sufa m saa sukere ahin kerewa n ngbingbiri n kere ma am a. ¹² Minem bo bu mie am ka am wura kenkenne ni, bu koro ka mine kansɔ bu wo. Deke n bo i ti na bu yo sɔ n la ka, bu koro má ka mine kere bu wuwuruwa fa ko yiwee n bo Kristo wuuri i baka jaanu n su ni. ¹³ Bere bo ba wura kenkenne ni, bere mmɔɔ ni bu tii su má Nyeme noanie kpamaawa n su. Ama, deke bo i ti na bu koro ka am wura kenkenne n la ka, bu koro ka bu fa fo ɔ, ka, ba ma am asu bu dee yoowa n su. ¹⁴ Ama, mini yiri, m fo má yanfoya fa ko deke be su, má ka fa ko yiwee n bo ya Mibie Yesu Kristo wuuri baka jaanu n su ni. Nyini yiwee n bo i wuuri i n dee ti, mini do, m bu durunya n ka i ti ngbeen wo, na durunya n gusu bu m ka m ti ngbeen wo. ¹⁵ Dama nzen sɔnɔ su Kristo atin n su na wo wura kenkenne, i ti má pui, wo kaaki

awura má kenkenne gusu, i ti má pui. Deke bo i ti jore nahore su n la ka, i ti ye ni ka mine nya wo fofore bo i fite Nyeme do ni. ¹⁶ Nyeme ma sono kere bo i su ahin atin n bo m kere n su ahoreda, na i si bu anunfo, dama bere ti Nyeme minem bo bu ti Yisarelifom nahore su a.

¹⁷ Kisa m koro má ka be kpini jore be ma m kun, dama m la deke bo i wo m nunie su sukere ka m ti Yesu dee wo.

¹⁸ M ninbaam, ya Mibie Yesu Kristo buka am kere. Ami.

Pɔɔlu kadasi bo i kerɛ fa maari EFESOFOM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, sukere ahin kadasi n ma ambere Nyemɛ minem bo am wo Efeso mie kpiri n nu, na am bita Yesu Kristo atin n nahore su, na am ni yiri ayo kun ni. ² Ya si Nyemɛ, ni ya Mibie Yesu Kristo buka am na bu ma am ahoreda.

Kabo Nyemɛ ayo ya kisi ni

³ I ti ye ni ka minem kerɛ kansi Nyemɛ, yiri bo i ti ya Mibie Yesu Kristo Si, kabo i ma ya ni Kristo ayo kun ni, nyini dɛɛ ti, wo fa deke kpa kerɛ bo i wo angoro na i fite i Awiewie n do ni ayo ya kisi. ⁴ Dama sanja bo Nyemɛ nya yi ma durunya ni, ye i yiiri ya ka ya yo i minem a, na ya ni Kristo yo kun, adena ya yo casi, na ma be koro jaraki ya Nyemɛ do. Koro n bo i koro ya n dɛɛ ti, ⁵ wo du mo acici ka i fa ya yo i kunnu nbaam Yesu Kristo dɛɛ ti. Deke bo i koro ka i yo i ni, i koroowa lɛɛ. ⁶ I Wa koroowa n dɛɛ ti wo ma ya ahorma ace ya nyini aceeri n bo i la ma anjusu n a. Nyini dɛɛ ti, i ti ye ni ka minem kerɛ kansi i fa ko sakpa n bo wo yo i ama ya n su. ⁷⁻⁸ Kabo ya ni Yesu Kristo ayo kun ni, i mbunja n bo i fiteeri i njunie nu sanja bo i wuuri n dɛɛ ti, ye Nyemɛ ade ya tii aji, afa ya satie kerɛ ace ya. Wo buka ya agaya, ama ya ahorma bo i la ma anjusu, wo ma ya alecira ni si barasu kerɛ. ⁹ Nyemɛ ayi deke bo i du mo koroori ka i yo i, na i wo i ahorembaa su na be si ma i n akere ya, Yesu Kristo ama wo yo yiiwa. I koroowa lɛɛ. ¹⁰ Nyini deke n bo Nyemɛ koroori ka i yo i n la ka, nzen sanja n ba juuri, i bo deke kerɛ kun, bo bu wo angoro, ni bo bu wo asiengu n kerɛ, na i ma Yesu Kristo yo i kerɛ tii. ¹¹ Deke n kerɛ bo Nyemɛ adu mo acici ka i yo i ni, kabo yiri Nyemɛ koro n lɛɛ ye wo yo i n a. Ye wo yi ya ka ya yo i dɛɛ minem, na ya ni Kristo yo kun. ¹² Adena minem nu ya woowa, yere bo ya du mo afa ahoresi ni Kristo ni, na bu kansi Nyemɛ na bu wura i kpiri.

¹³ I ti so o lɛɛ am gusu do. Am tiiri labari kpa n bo i ti nahore na i ma am nya tiide n jore ni, ye am yoori Kristo yarada a, ye Nyemɛ afa i Awiewie Casi n ase am nyaari, kabo i yo seeri ni, yiri kerɛ ka am ti i dɛɛ minem a. ¹⁴ Kabo wo du mo ama ya Awiewie Casi ni, nyini kere ka Nyemɛ ma ya deke n kerɛ bo i seeri ka i fa ma i minem n a. Yiri ma ya yo yarada, na ya la ahoresi haari fa ko ju cɛɛn n bo ya nya tiide nahore su a. Nyini dɛɛ ti, minem nu kabo ya ti barasu na bu kansi Nyemɛ jirima woowa n bo i la ma anjusu ni, na bu wura i kpiri.

Kabo Pɔɔlu sereeri Nyemɛ maari Efesofom ni

¹⁵ Nyini dɛɛ ti, fite sanja bo m tiiri ka am ayo Kristo yarada ni, ni kabo am koro Nyemɛ minem kere barasu ni, ¹⁶ am woowa dɛɛ ti, sanja kerɛ m da Nyemɛ asi, na m susere i ma am. ¹⁷ M sere ya Si Nyemɛ, i jirima woowa la ma anjusu. Yiri ti ya Mibie Yesu Kristo Nyemɛ a. M sereeri i ka i ma i Awiewie Casi n buka am, na am nya alecira, na i teke am nyi, bo am si Nyemɛ nahore su. ¹⁸ M kaaki sere i ka i teke am

nyi na am ŋu i wein ni, adena am si deke n bo i ti na wɔ fere am n na am la ahoresi fa kɔ i busu ni, na am kaaki si deke n bo i ti kpa na i la jirima agaya, bo wɔ se ka i fá ma i minem ni. ¹⁹ Na am si kabo i yiko n la má aɲusu barasu ni, na i koro yo juma ma yeɛ n bo ya yo i yarada ni. Nyini yiko ni ti bambaka la fanɲa a, ²⁰ yiri ye Nyeme fa tengeeri Kristo i yiwee n nu, afa i atana aɲgoro i saa fomboro su n a. ²¹ Deke bo i wo lee, i la yiko tara yikofom kere, amoe o, ayiri o, biefɔya o, mereke o, jina o, ŋumi o, ni ajini o, na i duma n tara duma kere bo i wo ahin durunya n bo ya wo nu ni, ni durunya n bo i suba ni. ²² Nyeme afa deke n kere awura Kristo saa nu ka i nie bu su, na wɔ ma yiri Kristo bo i nie deke n kere su n ayo Kristo jama n kere tii a. ²³ Kristo jama n kere ti i ŋunie n a, ye i wo bu nu, ye i woowa ade deke n kere a.

2

Kabo ya fite yiwee nu na ya nya ŋɔɔ fɔfɔre barasu ni

¹ Saɲga bo am yo keteeri Nyeme noanie na am yo satie ni, am ti ka am awu wɔ. ² Nyini saɲga ni, am yo satie kabo kisa durunya n nufom yo n wɔ. Na am sude Sitana bo i bita asien ni aɲgoro afien n yiko na am de i noanie. Yiri bita minem kere bo ba kete Nyeme noanie n a. ³ Nahore, yeɛ mmɔɔ yo ti so o lee, na ya suyo dekem bo ya konviki wo bu nu, na ya suyo deke kere bo i ti má kpa na ya ŋu i, na ya koro i ya sunsunni nu ni. Má ya kere gusu di nyini wahara n bo Nyeme afa yaa ka i fa cin minem sui, bere bo ba kete i noanie n wɔ.

⁴ Ama, Nyeme si aɲunfo agaya, na i kaaki koro ya agaya, ⁵ ya yo ti ka ya wuuri wɔ, fa kɔ i noanie n bo ya keteeri n su ni, haari ni nyini mmɔɔ, i koro n dee ti, wɔ saɲga ama ya ni Kristo ŋɔɔ. I dee ahoroama ni ma am nyaari tiide a. ⁶ Ya ni Yesu Kristo ayo kun n dee ti, Nyeme atenge ya yiwee nu kabo i tengeeri Kristo i yiwee n nu ni, na ya ni yiri kere saɲga tana Nyeme femeya n nu. ⁷ Deke bo i ti na Nyeme yoori so n la ka, fa i kisa fa kɔ, i kere i ahoroama n bo i la má aɲusu ni, yiri la kabo i ma Yesu Kristo ayo sakpa abuka ya barasu ni. ⁸⁻⁹ Am yarada n bo am ayo i n dee ti, Nyeme ahoroama ni ma am nyaari tiide a, má am sakpa dee ti a, ama, Nyeme aceeri a. Nyini ti, má be se ka i fa fo. ¹⁰ Kabo ya ti kisa ni, Nyeme yiiri ya so a. Ya ni Kristo ayo kun n dee ti, ye wɔ ma ya ŋɔɔ fɔfɔre a, ka ya fa yo sakpa n bo Nyeme yo fa seeri ya ka ya yo i n a.

Kristo ni i minem kere ayo kun

¹¹ Nyini ti, ambere bo am ti má Yudafom ni, am tenge su kabo am woowa yo ti barasu ni. Yudafom fere am ka tokurukum wɔ, na bu fere bu ŋu ka minem n bo ba wura kenkenne, nyini n so ti adamande aɲuniembaa su yoowa a. ¹² Am tenge su ka saɲga bo am yo si má Kristo ni, am wo dede ni yiri wɔ, na am ti má mine n bo Nyeme ayi bu n be. Sesesu n bo Nyeme yo diiri i di seeri ka i búka i minem ni, am wo má nu. Am yo wo durunya n nu wɔ, ama, am yo la má ahoresi be, na am kaaki si má Nyeme. ¹³ Ama, kisa, na am ni Yesu Kristo ayo kun ni, ambere bo má am yo wo dede ni Nyeme ni, Kristo mbunja n bo i fiteeri i ŋunie n nu, saɲga bo i wuuri ni, acin am adodo Nyeme a. ¹⁴ Dama Kristo ti sono bo wɔ ma ya sesesu ni tanalaifie a. Yiri yo faari

i ɲu yoori yoowa yiiri kpɔ bo i ti ka kobe na i wo Yudafom, ni bo bu ti má Yudafom n afien a, na wɔ yo bu kun. ¹⁵ I yiwee n bo i wuuri i n dɛɛ ti, wɔ ma Nyemɛ nɔaniɛ kpamaawa n yo má juma kun, i ni i nɔaniɛ maawam, ni i atinm kɛrɛ. I yoori sɔ sɔ, adena i fa yɛrɛ Yudafom, ni bo bu ti má Yudafom n yo ya daanfɛ kun. Ya ni yiri ayo kun n dɛɛ ti, ye wɔ sɛsɛ ya su ama ya tanalaifɛ n a. ¹⁶ I yiwee n bo i wuuri baka jaanu n su n dɛɛ ti, wɔ yi kpɔ bo má i wo ya afien ni, ayo ya mine kunm akaaki ya aba Nyemɛ dɔ. ¹⁷ Kristo ba kaanri labari kpa n bo i yo minem afien dɔɲgu n maari amberɛ bo am ti má Yudafom, na am wo dede ni Nyemɛ n wɔ, ni Yudafom bo bu dodo i ni. ¹⁸ Kristo dɛɛ ti, ye Awiewiɛ Casi n ama ya ni bɛrɛ kɛrɛ atin ka ya koro ba ya Si Nyemɛ dɔ a.

¹⁹ Nyini ti, amberɛ bo am ti má Yudafom ni, kisa am ti má wɔfom kun Nyemɛ minem dɔ, ama, am anya atin abo Nyemɛ dɛɛ minem su, ye am ayo i dikafom. ²⁰ Am kaaki ti ka sɔɔ n bo Nyemɛ suta i n wɔ, wɔ ta am ataka ataari fa bumboori seewa n su, yiri la bo Kristo jaramasam, ni Nyemɛ nɔaniɛ kanfom du mɔ fa seeri sɔɔ n bu ni. Nyini fa seewa n la Nyemɛ nɔaniɛ n bo bu yo kaanri i n wɔ. Ye Yesu Kristo ti ka sɔɔ n jantarakana a. ²¹ Sɔɔ n deke n kɛrɛ wo yiri su a, ye i maari i yo woobiri casi ma Nyemɛ a. ²² Am ni yiri kɛrɛ ayo kun n dɛɛ ti, amberɛ mmɔɔ ti Nyemɛ Sereebiri Awuru n wɔ lɛɛ, bo i Awiewiɛ Casi n wo nu ni.

3

Deke bo i yo wo fɛɛwa n nu na Nyemɛ yi kereeri Pɔɔlu ni

¹ Mini Pɔɔlu, m woori dansaraka nu, Yesu Kristo ni amberɛ bo am ti má Yudafom n dɛɛ ti wɔ. ² Nahɔrɛ, m niɛ ka am ati kabo Nyemɛ asi m aɲunfɔ ka m yo ahin juma n ma am ni. ³ Nyemɛ yo yiiri deke bo i wo i ahorembaa su n akere m, bo i koro ka i yo i na be si má i ni. Ma du mɔ akere i jɔrɛ kaan akere am. ⁴ Nzen am kaanri kadasi n bo ma kɛrɛ i ni, am ɲu kabo m koro siiri Kristo ɲusu jɔrɛ kɛrɛ bo i wo asiri nu ni. ⁵ Dawa sɔɲga ni, Nyemɛ ayo ayi má nyini asiri nu jɔrɛ n akere má adamande be. Ama, kisa, Nyemɛ ma i Awiewiɛ Casi n ayi i akere minem bo wɔ yi bu ka bu yo i jaramasam, ni i nɔaniɛ kanfom n a. ⁶ Asiri bo i wo bɛrɛ n la ka, ya de labari kpa n na ya ni Yesu Kristo ayo kun n dɛɛ ti, bo bu ti Yudafom, ni bo ti má Yudafom, ya kɛrɛ sɔɲga nya deke n bo Nyemɛ fá ma i minem, na ya sɔɲga yo i minem, na ya sɔɲga nya deke n bo Nyemɛ seeri ka i fá ma i minem ni.

⁷ Nyemɛ ahɔrɔma n dɛɛ ti, wɔ ce m aceeri ayi m ka m yo i labari kpa n amususufɔ, ye wɔ ma m yiko ka m fa yo i juma ni. ⁸ Nyemɛ minem n nu, mini ti bu kɛrɛ kaan, ama, haari ni nyini n kɛrɛ ni, Nyemɛ ayi m ama m ahin atin n ka m kɔ kan i labari kpa n jɔrɛ kɛrɛ minem bo bu ti má Yudafom ni, na bu si sakpa bo Kristo ayo i, na be koro si má i kɛrɛ bu ni. ⁹ Na wɔ kaaki ama m atin ka m ma sɔnɔ kɛrɛ ɲu sa bo minem si má i, na Nyemɛ koro ka i yo i na i yo yiiwa. Nyemɛ yiiri deke n kɛrɛ a, na wɔ bita nyini asiri nu sam n bo i koro ka i yo i, i ahore su dawa ni. ¹⁰ Deke n bo i ti na i yoori sɔ n la ka, nzen nfanɲafom ni yikofom bo bu wo aɲgoro n ɲu ka minem bo bu ti Yudafom, ni bo bu ti má Yudafom n abo kun ayo Kristo jama ni, ka kisa bu sí alecira barasu barasu bo Nyemɛ la i na i la má aɲusu ni.

¹¹ Nyeme yoori nyini kere, kabo dawa na i sunsun ka i yo i ni, ya Mibie Yesu Kristo dee ti, ye i ma i kere yoori yiiwa a. ¹² Kabo ya yo Kristo yarada na ya ni yiri ayo kun ni, nyini ma ya la ahoresi koro ba Nyeme nyunu na ya soro ma sere n a. ¹³ Nyini ti, m sere am wo, ma am ma am nunie yoroki am, fa ko wahara n bo m sudi i ambere dee ti ni, i ti deke bo i wura am kpiri wo.

Koro bo Kristo fa koro i minem barasu ni

¹⁴ Nyini kere dee ti ye mini Poolu kutu sere ya Si Nyeme ma am n a. ¹⁵ Yiri ti lamosi kere bo i wo angoro ni asienngu n kere Si a. ¹⁶ M nyemesere la ka, i la jirima woowa bo i la ma anusu n dee ti, i Awiewie Casi n ma am nya yiko bambaka am ahore su, ¹⁷ na kabo am yo Kristo yarada ni, i wo am ahore su, na m kaaki sere i ka am la koro nahore su, na am jina kenken, fa ko koro n bo am la i n su. ¹⁸ Adena am ni Nyeme minem kere sanja fiiti ni anyumboro, na am si kabo Kristo koro am agaya, ni kabo i koro la ma anusu ni. ¹⁹ M nyemesere bekun la ka, i ma am kaaki si kabo Kristo koro am ni, haari ni bo adamande koro si ma nyini koro n bo i la ma anusu ni, na m sere i ka i ma am woowa kere ti kabo yiri Nyeme woowa ti barasu ni.

²⁰ Nyeme yiko n bo i wo ya ahore su suyo juma n dee ti, i koro yo deke n kere ma ya tara kabo ma ya sunsun ka ya sere i barasu ni. ²¹ Nyeme ti ye ni ka ya kansi i sanja kere sanja, yere kere bo ya ti Kristo jama n na ya ni Kristo ayo deke kun ni. Ami.

4

Kristo jama n kere ti deke kun wo

¹ Nyini ti, mini Poolu bo m su Mibie n dee ti na m wo dansaraka nu ni, m susere am jande ka, am wo wo bo i ko atin su, kabo Nyeme fereeri am na i kereeri am ka am wo barasu ni. ² Am yo am nu kaan na am yo benle, na am yo sawore, na am la mindi de am benngu ni koro, sanja kere. ³ Anosse n bo Awiewie Casi n afa ama am na am ayo kun n dee ti, am boro am nyi na am tana laifie na am bita nyini anosse n ni am benngu. ⁴ Yere kere bo ya ti Kristo minem ni ayo ka anuniembaa kun wo. Na Awiewie Casi kun ni wo ya kere do a, na ya kere kaaki la ahoresi fa ko deke kun n bo i ti na wo fere ya ni. ⁵ Ya la Mibie kun wo, deke kun ye ya yo i yarada. Mibie kun n duma nu ye bu fa bie ya kere Nyeme nzue a. ⁶ Nyeme kun wo bere a, yiri ti ya kere Si a, yiri kaaki ti ya kere Mibie a, i ma ya kere yo i juma a, na i wo ya kere do.

⁷ Ama, Kristo akpaaki i aceeri n ama ya kun kun n kere kabo i koro ni. ⁸ Nyini ti, ye ba kere i Nyeme Jore Kadasi n nu ka, "Sanja bo i fun koori angoro ni, na wo fa domuem ako, na wo ce mine aceerim." ⁹ Bo ba kere i ka wo fun ako angoro n la ka, i du mo wo angoro do ye i jura baari asienngu fen a, ye wo kaaki ako angoro do bekun a. ¹⁰ Yiri n bo i jura baari asienngu n la bo wo fun ako angoro dede n wo, ye i woowa ade deke n kere a. ¹¹ Yiri faari i aceerim ceeri i minem n a, yiri la bo wo yi nbem ka bu yo i jaramasam, na wo yi nbem ka bu yo Nyeme noanie kanfom, ye wo yi nbem ka bu kan Nyeme labari kpa n jore kere minem, ye wo yi nbem ka bu yo sasafom, ni kerefom. ¹² Kristo faari nyini aceeri maari a, na bu sese Nyeme minem su, adena bu buka bu bengum na bu yo i juma ni, na Kristo jama n nya fanja buka su. ¹³ Na

ya kere fa anɔɔse fa kɔ kabo ya yo Nyeme Wa n yarada ni, na ya si i nahore su subuka su, na ya yarada yo biiwa, na ya kɔ ya nyunu buka su, na ya woowa kere ti kabo Kristo wo ti barasu ni. ¹⁴ Na má ya yo ka nbaatumam, adena má kɔrefom ba fa bu ngɔnletie kere ya na bu dadaka ya, na ya mini.

¹⁵ Ama, am ma ya koro ya benngu, na ya sujojo nahore, na ya kɔ ya nyunu buka su, na ya woowa kere ti kabo Kristo woowa ti barasu ni, dama yiri ti ya tii a. ¹⁶ Na yere bo ya ti i minem ni ti ka i nuniembaa a. Kristo ti bo i bita anuniembaa bue barasu n kere a, na ya kere bo kun, na ya kere suyo juma n bo wɔ fa ama ya ni, subuka ya benngu, na ya koro ya benngu, na anuniembaa n kere nya fanja buka su.

Kabo ya kaaki wo fɔfɔre barasu ni

¹⁷ Nyini ti, m koro ka m fa yiko n bo Mibie n afa ama m ni, na m bɔbɔ am, ka, má am ma am woowa ti kabo minem bo bu su má Nyeme woowa n ti barasu ni, dama bu sunsunni kere ti ngbeɛn wɔ. ¹⁸ Bu wo awosin nu n deɛ ti, bu la má ngɔɔ n bo Nyeme ma i minem ni, dama bu si má be, na bu ahorembaa kaaki ti kekereke n deɛ ti. ¹⁹ Nyinse ti má bu fa kɔ deke be su kun, sanja kere bu deɛ la ka, bu suyo sa ngbeɛnngbeɛnm wɔ, na bu suyo danɔgba sam, bu tara má bu nyu, na bu suyo anyii sam barasu kere.

²⁰ Ama, ambere yiri, sanja bo bu kereeri am fa kɔ Kristo nusu jɔre ni, má kabo bu kereeri am leɛ. ²¹ M nie ka am adu mɔ asonson i nusu jɔre kere, am nya ti i susufom ni, ba kere am ka Yesu ti bo i la nahore n a. ²² Nyini deɛ ti, am yaki am woowa dawa n bo i ti má kpa n ji. Am woowa dawa n koro ka i daka am na i saaki am a, dama i ma am yo dekem bo bu ti má kpa a, na bu mini am. ²³ Am ma Nyeme kaaki am sunsunni ni am ahorembaa fɔfɔre. ²⁴ Na am fa wo fɔfɔre n bo Nyeme afa ama am na i ferema ni yiri Nyeme deɛ woowa ni. Nyini woowa ni kɔ atin su a, na i kaaki ti casi nahore su a.

²⁵ Nyini ti, má am bu kɔre, am kan nahore ma am benngu, dama ya kere ti anuniembaa kun n bue barasu be wɔ. ²⁶ Nzen am be fa yaa, má i yo satie, má i fa yaa haari wie kɔ tɔ. ²⁷ Má am ma Sitana atin haari kaan sɔ, na i ma am yo satie. ²⁸ Sɔnɔ kere bo i yo wɔ, i ti ye ni ka i mi yaki awie, na i yo i tienngu juma ni anyumboro su, na i nya i koroowa, adena i koro buka yaarifom. ²⁹ Má am ma jɔre tie fite am nɔɔ nu, ama, am ma am nɔɔ fite kpa, na i buka minem, na bu kɔ bu nyunu buka su, na sɔnɔ kere bo i tiiri i, i mi koro su Nyeme atin n su nyunyumi. ³⁰ Má am saaki Nyeme Awiewie Casi n ahore, dama yiri ye Nyeme afa i ase am nyaari a, ka i bá de am tii ji ceɛn be a. ³¹ Má am ma am kunnu yo wiwi, má am ma yaa ti am, má am kan am benngu ndie, má am se akuruwa, má am kpie am benngu nzuko, má am kpo am benngu deke be ti. ³² Ama, am yo am benngu kpa, na am si am benngu anunfo, na am fa am benngum ngasi ce bu kabo Nyeme afa ace am Kristo deɛ ti ni.

5

Nyeme minem woowa a

¹ Nyini ti, kabo am nya ti Nyeme nbaa koroowam ni, am boro am nyi, na am ma am woowa ti kabo i woowa ti barasu ni. ² I ti ye ni ka

am ma koro wo am dɔ, kabo Kristo koro ya barasu na i faari i ɲu yoori yoowa maari ya na i suunri Nyeme nu ni.

³ Kabo am ti Nyeme minem ni, má am yo sakaraya, má am yo dangba sam, má am se ka am nyunu boro nenje kpini su, má am bo nyini sereyam n be mmɔɔ anzama am nu. ⁴ Na má am ma jɔɔɔ ɲɔɔɔ ɲɔɔɔ fite am nɔɔ nu, má am jɔɔɔ jɔɔɔ bo ɲɔɔɔ wo má nu, má am yo kɔkɔɔ tie. Ama, i ti ye ni ka am da Nyeme asi sanja kere. ⁵ Am si tenle su ka sɔɔ kere bo i yo sakaraya, ni dangba sam, ni bo i nyunu boro nenje kpini su, sɔɔ kere bo i yo sɔ, i mi su má Nyeme, i su nenjem wɔ. Kristo ni Nyeme bá nié má i su, na i nya má deke n bo Nyeme ase ka i fá ma i minem ni.

⁶ Má am ma be fa i jɔɔɔ ɲɔɔɔɔ be dadaka am, dama nyinim sɔ dɛɛ ti, ye Nyeme fá yaa cin minem bo ba kete ka bu de má i nɔɔɔɔ n sui n a. ⁷ Nyini ti, má am ni nyini minem sɔ sanja wo. ⁸ Sanja be, ambere mmɔɔ ni am tii yo woori awosin nu yo satie wɔ, ama, kisa, na am akaaki ya Mibie Yesu minem ni, am ti wein nufɔm wɔ lɛɛ. Nyini ti, am ma am woowa kere ka am ti wein nufɔm wɔ. ⁹ Má pui ti ye m se sɔ a, dama minem bo bu wo wein nu ni, bere la wo kpa a, ye bu yo sa bo i ti kpa kere a, na bu yo sa bo i kɔ atin su Nyeme dɔ, na bu bita nahɔɔɔ. ¹⁰ Nyini ti, am boro am nyi, na am si deke bo i sun Nyeme nu. ¹¹ Má am fa am ɲu bo minem bo bu wo awosin nu n su, na am yo sa ɲɔɔɔɔɔɔɔɔ n bo bu yo i ni, ama, am yi bu nyini sayoowam fite fofoe nu. ¹² I ti nyinse wɔ mmɔɔ, ka ya bo su fa kɔ bu nyini sam bo bu yo bu asiri nu ni. ¹³ Ama, deke kere bo i wo fieewa nu, na i nya fiteeri fofoe nu, nyini sanja, kabo i ti kere, i nyunu da casi wɔ lɛɛ, dama i wo wein nu wɔ. ¹⁴ Dama deke kere bo i nya fiteeri fofoe nu ti wein wɔ. Nyini ti ye ba se ka,

“Wɔɔɔ daafirifo ni, yasu

na a tenje u yiwee nu,

na Kristo dɛɛ wein n ta go u ɲu.”

¹⁵ Nyini ti, am si am ɲu sa na am si wo, má am wo kabo bo bu si má be n wo barasu ni, ama, am wo kabo minem bo bu la ɲɔɔɔɔ n wo barasu ni. ¹⁶ Sanja kere am boro am nyi na am suyo Nyeme juma, na má am tana ɲɔɔɔɔ, dama ahin sanja n bo ya wo nu ni, satieyo asunnu agaya. ¹⁷ Nyini ti, má am yo ka sinnzinm, ama, am boro am nyi, na am si deke bo Mibie n koro ka am yo i. ¹⁸ Má am nu nzan bo, dama nzan saaki sɔɔɔ tii wɔ, ama, am ma Awiewie Casi n wo am dɔ sanja kere. ¹⁹ Am fa Nyeme nɔɔɔɔɔ bo bu wo kansi jue kereewam n nu n fa di jue ma am benju, na am di jue n bo Awiewie Casi n kere am, na am di jue kansi Nyeme am ahore su. ²⁰ Am da ya Si Nyeme asi sanja kere, fa kɔ deke kere su, ya Mibie Yesu Kristo dɛɛ ti.

Nbaram ni bu hunm jɔɔɔ

²¹ Am soro Kristo n dɛɛ ti, am de am benju nɔɔɔɔ. ²² Nbaram, am de am hunm nɔɔɔɔ kabo am de Mibie n nɔɔɔɔ barasu ni. ²³ Dama biesɔ la yiko nié i yi su, kabo Kristo la yiko nié i jama n su barasu ni. Kristo jama n ti i ɲuniembaa a, yiri ni i tii, ti bu Tiidefo a. ²⁴ Kabo Kristo jama de i nɔɔɔɔ barasu ni, sɔ ye i ti ye ni ka nbaram de bu hunm nɔɔɔɔ deke kere nu n a.

²⁵ Nbiesɔm, am koro am yim kabo Kristo koro i jama n na i tɔɔri i ɲɔɔɔ wu maari bu barasu ni, ²⁶ adena i yo bu casi wɔ. Nyeme nɔɔɔɔ

n bo bu tiiri i ni, ye bu biɛeri bu Nyeme nzue yiiri satie kere bo i wo bu ahore su a, ²⁷ adena i fa bu bo i ɲu su na bu wo i do, na bu yo nyumi agaya, na bu yo casi na bu la má fin be wara bu la má ngasi be, na be koro jaraki má bu. ²⁸ So ye i ti ye ni ka nbiesom koro bu yim kabo bu koro bu ɲu barasu n a. Dama bieso kere bo i koro i yi koro i ɲu wo lɛɛ. ²⁹ Sono be wo má bere bo i koro má i ɲu, ama, sono kere nie i ɲu su wo nyunyumi, kabo Kristo nie i jama su barasu ni, ³⁰ dama ya kere ti Kristo ɲuniɛmbaa n wo lɛɛ. ³¹ Ba kere i Nyeme Jore Kadasi n nu ka, “Nyini deɛ ti, bieso yaki i si, ni i ni, na i fa i ɲu mata i yi, nyini sanja bu mine nnyo n ayo deke kun lɛɛ.”

³² Asiri nu jore bambaka be wo ahin noanie n nu, na ma ɲu i la ka, i sukan fa ko Kristo ni i jama n jore wo. ³³ Ama, jore n bo m koro ka m se am n la ka, i ti ye ni ka bieso kere koro i yi, kabo i koro i ɲu ni, na bara kere bu i hun.

6

Nbaatumam ni bu wufom jore

¹ Nbaatumam, am de am wufom noanie, Mibie n deɛ ti, dama nyini ti kpa a. ² Ka, “Bu u si ni u ni.” Ahin n ti Nyeme noanie maawa ciciri su bo Nyeme bukaari su seeri ka nzen a yoori so, i ma u deke kpa, ³ ka, “Nyini ma a ɲu u ɲu fie a, na u ngoo ko tintiin durunya n nu fen a.”

⁴ Nbaasim, má am yo sa bo i ye am nbaam yaa su. Ama, am ta bu ataari bo i ti kpa, na am tu bu fo fa ko Mibie n deɛ atin n su.

Akoom ni bu mibiem jore

⁵ Ambere bo am ti akoom ni, am de am mibiem bo bu wo durunya n nu fen n noanie, na am soro bu ahore, na am yo deke kere bo bu ɲa am yo i ni am ahorembaa kun, kabo am yo ma Kristo barasu ni. ⁶ Má am yo ka bu nie am deɛ ti, na am koro ka am yo na bu kunnu jo am ɲu, ama, am yo bo i sun Nyeme nu, ni am ahorembaa kun, ka am ti Kristo deɛ akoom ti. ⁷ Am yo am juma kere ma am mibiem ni ahorejo, ka am suyo ma ya Mibie Yesu wo, ama, má ka am suyo ma adamande wo. ⁸ Nahore, ye m ɲa am si ka, sono kere bo i yoori i juma nahore su, Mibie ni to i mi ɲkatɔ, nzen i ti akoo o, wara i ti má akoo o.

⁹ Ambere gusu bo am ti bu mibiem ni, am bita bu nyunyumi, má am suwura bu sere. Má am ma am wara fi ka am ni bere kere Mibie n bo i wo angoro n ti kun wo. I tambu má nu.

Biesoya nenje bo Nyeme afa ama ya n jore

¹⁰ Jore n bo wo ka n la ka, am ma Mibie n ma am fanga fa ko i yiko bambaka n bo i la i n su. ¹¹ Am fa biesoya nenje n kere bo Nyeme afa ama am n sana, adena am ba koro jina kenken na am kunma Sitana ngonletie kere bo i fa dadaka am ni. ¹² Dama má ya ni adamande kun lue n a, ama, ya kun lue n ni Sitana ni yikofom barasu barasum kere bo bu wo angoro ni, ni bo bu la yiko bita minem bo bu wo awosin nu durunya n nu fen n wo. ¹³ Nyini ti, am fa biesoya nengem bo Nyeme afa ama am sana, adena sanja kere bo Sitana ba kun am lue, am koro kete i na am kunma i nahore su, na am jina kenken. ¹⁴ Nyini ti, am kpa am ɲu, na am jina kenken, na am fa nahore fa yo ka dambara bo am wii nu, na am yo sa bo i ko atin su sanja kere, nyini kanda am a, ka bulaari peperepe bo am fa kanda am hoe su. ¹⁵ Na am ma

labari kpa n bo i ma ahoreda n yo ka gbagbaa bo am koro fa wura jina kenken. ¹⁶ Am yoori nyini wieeri na am nya fa yarada yo deke bo am fa kanda de Sitana awiem kere bo i tu bu na bu je ka sin ni. ¹⁷ Am fa tiide n bo Nyeme afa ama am n yo ka bulaari kere bo am fa butu kanda am tii, na am fa Nyeme noanie n yo ka takobe bo Awiewie Casi n afa ama am. ¹⁸ Am yoori nyinim kere ni, am sere Nyeme ka i jina am sin buka am, na am susere i sanja kere, kabo Awiewie Casi n kere am ka am sere i barasu ni. Nyini dee ti, sanja kere am sere i so, ma am daafi, na ma am fa am nu ji, na am susere Nyeme ma i minem kere. ¹⁹ Am sere Nyeme ma m, na sanja kere bo m na m jojo, na Nyeme ma m noanie bo m jojo, adena m koro jojo ni ahoresi, na m koro teke m noo kan labari kpa n bo minem si ma i n jore n kere minem. ²⁰ Dama Yesu Kristo ayi m ka m yo i jaramasa na m kan nyini labari kpa n jore dee ti, ye m wo dansaraka nu n a. Nyini ti, am sere Nyeme na i ma m ahoresi, na m kan labari kpa n jore kere minem, kabo ma i ti ye ni ka m kan kere bu ni.

Awieeri su dee anse yoowa ni

²¹ Ya niwa Tikikusi bo ya koro i agaya na i la dabunu na i yo Mibie n juma n ni, yiri ba kan m nusu jore kere kere am, na am si kabo m woowa ti barasu. ²² Nyini dee ti, ye m susunma i am do a, adena am si kabo ya kere woowa ti barasu, na i ma am ahoresi. ²³ M sere ya Si Nyeme ni ya Mibie Yesu Kristo ka bu ma ya ninbaam kere ahoreda, ni koro, ni yarada. ²⁴ Nyeme buka ambere kere bo am koro ya Mibie Yesu Kristo n ni koro bo i la ma awieeri ni.

Poolu kadasi bo i kere fa maari FILIPIYAFOM ni

¹ Mini Poolu ni Timoti bo ya ti Yesu Kristo akoom ni, yere sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mofom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Poolu sereeri Nyeme maari Filipiyafom ni

³ Sanja kere bo m ba tenge am jore su, m da Nyeme asi ma am wo. ⁴ Na sanja kere gusu bo m sere Nyeme ma am, m sere i ni ahorejo o, ⁵ dama fite ceen n bo am deeri Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju ceen n bo Yesu Kristo ba kaaki ba ni.

⁷ Sanja kere am jore wo m ahore su wo, nyini ti, kabo m sunsun fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara sanja bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su sanja kere a, ka m koro am ni koro bo Yesu Kristo fa koro ya ni. ⁹ M nyemesere la ka, am sukoro am benju buka su sanja kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko ceen bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa sanja kere, na mine nu i na bu kansi Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinijinafom ni minem kere bo bu wo fen n asi ka, m ti Kristo dee amususufo dee ti ye m wo dansaraka nu a. ¹⁴ M dansaraka n nu woowa n awura ya ninbaam dongu kperere kekereke Mibie n dee ti, wo ma ba nya ahoresi abuka su bo bu koro sukan labari kpa n jore sanja kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsunni kpa, ama bu bita anyii sunsunni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fie n la ka, bu ma Kristo labari kpa ni susandi bara ye buka su wo. Nzen bu kan ma i ni bu sunsunni kpa, wara bu kan i ni bu

akunnu fofoe, m dɛɛ la ka, sanɗa kɛrɛ m ahore ti jooɗa. ¹⁹ Dama m si ka nyɛmɛsere bo am sere Nyɛmɛ ma m sanɗa kɛrɛ n ni buka bo m nya i fite Yesu Kristo Awiewie Casi n do ni, nyini ma m nya m tii a. ²⁰ M fa ahoresi ni tama yo m juma ni anyumboro sanɗa kɛrɛ, na má nyinɛ ti m, adena nzen m wuuri, ni bo ma wu má kɛrɛ, m woowa koro ma mine kansi Kristo dɛɛ duma. ²¹ Mini do, nzen m la ngoo, Kristo dɛɛ ti a, nzen ma wu, i ti m kperɛ wo. ²² Ama, nzen m toko la ngoo ahin durunya n nu fɛn na m koro yo sa bo i kun kperɛ Nyɛmɛ do, nyini yiri, m si má bo m yi ahin deke nnyom nu. ²³ Ma ka afien ni afien wo, dama m koro ka má m wu wo na m ko wo Kristo do, m nu ka nyini n ti ye tara durunya n nu fɛn bo m wo ni. ²⁴ Ama, nzen m kaaki nie bekun a, ambere dɛɛ ti, i ti ye ni ka má m wu, ama, m wo ni m ngoo durunya n nu fɛn. ²⁵ To. Nyini dɛɛ ti, m si tenle su ka m wu má kisa, m wo bere wo, na m buka am na am koro yo Kristo yarada ni nahore, na am ahore jo. ²⁶ Adena nzen m ba kaaki ba niɛeri am busu bekun, nyini sanɗa, am lá deke bo am koro fa kansi Yesu Kristo, fa ko sa n bo wo yo ama m ni.

²⁷ To, kisa, jore kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba niɛeri am busu, wara ma koro aba má n kere, na m ti am jore ka Awiewie Casi n ma am la jinakunsu, na am la sunsunni kun ni anooɛ, suboro am nyi sutu ngoni kan Kristo labari kpa n jore kere minem na bu yo yarada. ²⁸ Na má am soro sere fa ko am kpofom do, am ma am ahore ti siiwa sanɗa kere, nyini má bu nu na bu si ka bu ka ngbeen a, ama, ambere yiri, am nya tiide, dama Nyɛmɛ má am nya tiide a. ²⁹ Dama Nyɛmɛ ace am aceeri Kristo dɛɛ ti, ka am yo Kristo yarada, má nyini ngumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo nuuri ka m tu i ngoni n a, ye kisa am ti ka m toko tu i ngoni n a.

2

Kabo Yesu Kristo yikofɔ n yoori i nu kaan barasu ni

¹ Kristo wo am nu n dɛɛ ti, yiri ma am ahore si a, na i dɛɛ koro bo i fa koro am ni, da am ahore. Am ni Awiewie Casi n la wo fie, am yo sakpa na am si am bengum anunfo. ² Nyini dɛɛ ti, m sere am wo, jande, am kere fa sunsunni kun, na am koro am bengu, na am fa anooɛ, na m ahorejo ko sin su. ³ Má am sunsun kabo am yo na ambere ngumi nya i, má am wura am nu kpiri, ama, am yo am nu kaan, am bu am bengu ka bu tara am. ⁴ Má am nie kabo am yo na ambere ngumi yo ye, ama, am nie kabo am yo na am bengum gusu yo ye. ⁵ Am ma am sunsunni ti kabo Yesu Kristo dɛɛ ti barasu ni. ⁶ I woowa ti kabo Nyɛmɛ woowa ti n wo sanɗa kere, ama, wo se má cɛɛn be ka i tu ngoni wura i nu kpiri na i ni Nyɛmɛ se, ⁷ ama, i keteri nyini n kere bo má i ti i dɛɛ n wo, na wo fa i nu ayo akoo, na wo kaaki adamande. I woowa ti kabo adamande woowa ti barasu n wo, ⁸ i yoori i nu kaan wo, na wo de Nyɛmɛ noaniɛ ni, haari na wo wu yiwee tie, yiri la bo bu kpamaari i baka jaanu n su ni. ⁹ Nyini dɛɛ ti, ye Nyɛmɛ awura i kpiri agaya aye i su angoro ama i duma bo i tara duma kere n a, ¹⁰ adena mine ni deke kere bo bu wo angoro, ni bo bu wo durunya n nu fɛn, ni bo bu wo asien bu n tiiri Yesu duma ni, bu kútu i na bu sú i. ¹¹ Na sono kere

teke i nɔɔ kan ka Yesu Kristo ti deke n kere Mibiɛ a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini deɛ ti, m ninbaa koroowam, am yo deeri m nɔaniɛ n wo sanɔa kere, kisa bo m wo má am dɔ ni, nyini ti ye ni ka am de m nɔaniɛ n tara kabo m yo wo am dɔ n a. Tiide n bo am anya i n deɛ ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i nɔaniɛ ni, na am yo i koroowa. ¹⁴ Deke kere bo am yo i ni, má am nɔnɔti na am se akuruwa, ¹⁵ adena am yo mine casim bo be koro jaraaki má am, na am yo Nyeme nbaam bo am la má nɔnɔti be na am ma am woowa ti wein, na am wo nyumafɔ satieyofɔ nɔnɔnɔm n nu, na am ta ka asarambaam. ¹⁶ Na am bita Nyeme nɔaniɛ ni, yiri ma minem nɔɔ a. Nzen am yo sɔ, nyini ma m koro bo m hoe fa ko am woowa n su a, cɛɛn n bo Kristo bá kaaki ba ni, na m si ka juma n bo m yiiri anyumboro yoori am nu ni, aka má nɔnɔnɔ. ¹⁷ Kabo am ayo Kristo yarada, na am sukun am nɔ yo i juma n ni nahore su ni, na haari nzen m wuuri mmɔɔ na am yarada buka su, m ahore ti jɔɔwa, na i yo m ni amberɛ kere fie, ¹⁸ am gusu ma am ahore jɔ kabo m ahore ti jɔɔwa barasu ni.

Timoti ni Ipaforoditosi jɔɔɛ

¹⁹ Nzen ya Mibiɛ Yesu soro su, m la ahoresi ka i cɛ má, m súnma Timoti am dɔ na i ba nie am busu, na i ba kaaki baari, na m gusu tí kabo am wo ti na m ahore da. ²⁰ Deke bo i ti na m sunma i am dɔ n la ka, be cɛɛ wo má am nu, yiri nɔnɔni ti bo i buka m su bo i cɛɛ wo am nu a. ²¹ Bo ba ka n kere, bu cɛɛ wo má Kristo juma n nu, se bu cɛɛ wo bu sa koroowam nu a. ²² Amberɛ mmɔɔ ni am tii si ka Timoti woowa kere kabo i su Nyeme atin n su ni nahore su, na am si ka m ni yiri sanɔa yo juma kabo baa ni i si bo su yo juma n wo, adena mine dɔnɔnɔ de labari kpa ni na bu yo yarada. ²³ Nyini ti, nzen m nɔnɔni m jɔɔɛ n kere nyaari, m súnma i kisa bere na i ba nie am busu. ²⁴ Nzen Mibiɛ n soro su, m la ahoresi ka i cɛ má, mini mmɔɔ ni m tii bá nie am busu.

²⁵ Ma nɔnɔni ka, i ti ye ni ka m súnma ya niwa Ipaforoditosi am dɔ. M ni yiri sanɔa yo juma na ya ti ka sojam bo bu buka bu benɔnɔni lue n nu wo, ya Mibiɛ Yesu deɛ atin su. Na amberɛ ni am tii sunmaari i m dɔ, na wo ba abuka m ni deke kere bo m koro ni. ²⁶ I wara ado am, ka i ba nie am busu, i ahore akaaki asaaki, dama am yo tiiri ka wo da tukpaki. ²⁷ Nahore, i tukpaki n wuraari i, kaan sɔ, má wo wu. Ama, na Nyeme asi i anɔnɔni, má yiri nɔnɔni, m ni yiri kere, adena má m ahore saaki buka su. ²⁸ Nyini deɛ ti, ye m koro ka i ba am dɔ ndende, na am nɔnɔni i na am ahore kaaki jɔ bekun, na má m ahore saaki kun. ²⁹ Am de i ni am saa nnyɔ ni ahorejɔ, Mibiɛ n deɛ ti. Na am bu minem kere bo bu woowa ti kabo i woowa ti barasu ni. ³⁰ Dama Yesu Kristo deɛ juma n deɛ ti, i yo tɔɔri i nɔnɔni, má wo ka kaan sɔ na i wu. I yoori sɔ ni, adena i buka m na i yo deke n bo am akoro ayo má i ni.

3

Sɔnɔ bo i yo sa bo i kɔ atin su Nyeme dɔ nahore su

¹ M ninbaam, jɔɛ bo i wo bɛɛ la ka, am ma am ahore jɔ kabo am ni Mibiɛ n ayo kun ni. I ti ye ni ka m kaaki kɛɛ na m tenje am su fa kɔ kabo m yo kɛɛ seeri am ni, dama i ti deke bo i buka am wɔ, na má am wura kekereke nu. ² Am si am nju sa, ni minem bo bu ti satieyofom na bu ti ka caam ni, na bu nja nzen sonɔ awura má kenkenne, i nya má tiide ni. ³ Yɛɛ ti Nyemɛ minem bo ba wura kenkenne nahɔɛ su a, má bɛɛ, dama Nyemɛ Awiewiɛ Casi ni buka ya ye ya koro su Nyemɛ na ya la ahorejɔ a, fa kɔ kabo ya ni Yesu Kristo ayo kun ni. Nyini ti, ya daafi má sayoowa be nju fa kɔ anuniɛmbaa su.

⁴ Mini ni m tii, má m la atin bo m koro se ka m daafi m nju fa kɔ sayoowam su. Nzen be nja i la atin, na i daafi i nju fa kɔ nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemɔcɛ cɛɛn bu wuraari m kenkenne wɔ. M ti Yisareliɓ baa a, na m fite Benjamin dɛɛ lɛɛ anɔ n nu wɔ, na m ti Hiburufom anuma a nahɔɛ su. M yo ti Farasifom kun wɔ, na m su Nyemɛ nɔaniɛ kpamaawa n su kabo i ti ye ni ka bu su i su barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa kɔ kabo sonɔ de Nyemɛ nɔaniɛ kpamaawa n na i su i su nahɔɛ su, mini la má ngasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo dɛɛ ti, ma nju ka bu kere ti ngbɛɛn wɔ kisa. ⁸ I ti nahɔɛ wɔ ka, ma nju ka deke n kere ti ngbɛɛn wɔ, adena m koro si m Mibiɛ Yesu Kristo, yiri tara deke n kere a. Yiri dɛɛ ti, ma yaki deke n kere bo m yo yoori bu n ka bu ti ngbɛɛn wɔ. M niɛ bu kere ka wura a, adena m koro de Kristo ni m saa nnyɔ, ⁹ na m ni yiri yo deke kun nahɔɛ su. Kisa m koro se má ka m yo sa bo i kɔ atin su Nyemɛ dɔ, kabo Nyemɛ nɔaniɛ kpamaawa n kere ni, ama, kisa, kabo ma yo Kristo yarada n dɛɛ ti, ye Nyemɛ de m ka m yo sa bo i kɔ atin su i dɔ a. Deke n bo i ma i de m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kere la ka, m si Kristo, na m nyá i yiko n bo i koro tenjeeri i yiwee n nu ni, na m dí i dɛɛ wahara n bo i diiri n be, na m wú i dɛɛ yiwee n be. ¹¹ Nyini ma m la tama ka mini gusu tɛnje m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyemɛ koro ka m ti ni, wara ma du mɔ ayo casi wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i dɛɛ sonɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kere bo m yo yoori bu n sa, ama, m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m miɛ m nyi wɔ na m kɔ m nyunu, adena m kɔ nju i awieeri, na m nya aceeri n bo Nyemɛ afere m ama m ngɔɔ i dɔ ni, Yesu Kristo dɛɛ ti. ¹⁵ I ti ye ni ka yɛɛ kere bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ngungumi, fa kɔ i nɔaniɛ n su, Nyemɛ yí i nyi kere am, na am tí i bu. ¹⁶ Ama, bo i wo bɛɛ la ka, kabo ya bita Nyemɛ atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m dɛɛ n ti barasu ni. Woowa kpa n bo ya du mɔ afa akere am ni, am niɛ minem bo bu bita nyini woowa kpa n ni, na am son bu su. ¹⁸ Dama sanja kere m nati se am ka, nbem woowa kere ka bu ti Kristo kpɔfom wɔ, fa kɔ i yiwee n bo i

wuuri i baka jaanu n su ni. Ye kisa m kaaki suse am bekun ni nyunvuin n a. ¹⁹ Nyini minem so, bu nyeme la bu kunnu wo, na deke bo ma i ti bu nyinse ni, bu fa nyini fa yo yanfoya. Bu sunsunni kere wo durunya n nu fen nengem ngumi so a, nyini ti, bu awieeri, bu ka ngbeen wo. ²⁰ Ama, yere yiri, ya ti Nyeme dika n bo i wo angoro n nu nbaam wo, ye ya sunminda ya Mibie Yesu Kristo, ya Tiidefo ni, ni anyumboro, ka i fite Nyeme dika n bo i wo angoro n nu ba. ²¹ Na i ba kaaki ya ahin anunie n bo i wu ni, na i ma i yo anunie fofore barasu be bo i ti kabo i dee anunie woowa n bo i la jirima n ti barasu ni. I fa i yiko n bo i fa nie deke n kere su ni fa yo nyini kere a.

4

Kabo Pɔɔlu tuuri bu fo ni

¹ M ninbaam, m koro am agaya, na m ahore abi ka m nu am ni, amberere ti, ye m ahore ti joowa sanja kere a, amberere ti m kperere bo ma di i m jumayoowa n nu a. Nyini ti, am bita Mibie n dee atin n ni nahore su. ² Yuwodiya, ni Sintiki, m sere am wo jande, ka, am fa anoose, dama am ti nibaam wo, Mibie n dee ti. ³ To, woro gusu bo a ti m matafo nahore su ni, m sere u wo, ka, a buka nyini nbara nnyom ni, dama bere yiiri anyumboro bukaari m, ye ya kaanri labari kpa n jore n a, fa sanja ni Kerementi, ni nyingam bo m ni bere sanja yo juma ni. Nyeme akere bu kere duma awura ngoo kadasi n nu. ⁴ Ya Mibie n dee ti, am ma am ahore jo sanja kere, m kaaki suse am bekun wo ka, am ma am ahore jo. ⁵ Am ma sono kere nu ka am ti benle, dama Mibie ni kaaki ba kisa. ⁶ Ma am koko fa ko deke be su, ama, am kan am sa bo i ti am mieewa kere fa kere Nyeme sanja kere, na am sere i, na am da i asi am ahore su. ⁷ Am yoori so, Nyeme ma am ahoreda bo i la ma anusu, na i sunie am dika fa ko am ahore su ni am sunsunni nu, dama am ni Yesu Kristo ayo kun n dee ti.

⁸ M ninbaam, jore n bo wo ka n la ka, am ma am sunsunni kere wo dekem bo bu ti kpa, na bu la kansu n su. Bere la deke bo i ti nahore, ni bo i la anyunuyi, ni sa bo i ko atin su, ni bo i ti casi, ni bo i ti koro sa, ni bo i la jirima. ⁹ Dekem bo am sonson bu fiteeri m do ni, ni bo am deeri m do ni, bere la m noanie ni, ni m sayoowa ni, am su bu su na am fa yo juma. Nyeme la ahoreda, yiri wo am do a.

Kabo Pɔɔlu yoori bu anse fa ko bu buka n su ni

¹⁰ Ya Mibie n dee ti, m ahore ajo ako asin su, dama wo ce bo m ti ma am nga, ama, kisa am akaaki akere ka am cee wo m nu. M si ka sanja kere am cee wo m do, se kabo am yo na am buka m n ye am anya ma atin a. ¹¹ Bo m suse so ni, i ti ma ka deke be mie m wo ye m sukan so n a, dama nzen m la i, ni bo m la ma i kere, m si kabo m tara m nu na m wo barasu. ¹² M si kabo yaari ti sono na i ti barasu, na m kaaki si kabo sono nya i agaya na i ti barasu. Deke kere bo m wo, na sa be atu m, nzen m di na m kunnu yi o, wara nzen m da ahoe o, nzen m la nenge beberebe o, wara i ti kaan o, m si kabo m tara m nu barasu na m nyunu yi i. ¹³ Yesu Kristo maari m fanja n dee ti ye m koro yo deke n kere a.

¹⁴ Ama, am ayo sakpa, kabo mie tuuri m na m ni amberere kere sanja di wahara ni. ¹⁵ Amberere Filipiyafom si ka fite sanja bo m boori i bu

ba kaanri labari kpa n jore kereeri am ni, nyini sin, na m ba fiteeri Makedoniya awore n nu ni, Kristo jama kun n kpein be mmoo ace ma m aceeri be, ma ka ambere ngumi ceeri m aceeri a. ¹⁶ Sanga bo m toko wo Tesalonika mie kpiri n nu ni, na mie tuuri m ni, am yo sunmaari m do ni aceeri kpe nnyo. ¹⁷ I ti ma ka m koro ka sanga kere m sude aceeri fite am do o, ama, m koro ka am yo so, na Nyeme yo am kisi. ¹⁸ Deke n kere bo am fa sunmaari m do ni, m saa akan i, am ace m atara kabo ma m koro ni mmoo. Kisa m koro ma pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wo sun i nu ade i ni akunnujo wo. ¹⁹ M Nyeme Feme ni, yiri la nenje ni ajeki kere a, i kere wo Yesu Kristo dee jirima nu wo, i ma am deke kere bo am fun i. ²⁰ Ya Si Nyeme ni, yiri ti ye ni ka ya kansu i sanga kere sanga. Ami.

Kabo Paulu yoori bu anse awieeri su ni

²¹ Am bisa Nyeme minem kere dongu ma m. Bere ti Yesu Kristo deem a. Ya ninbaam bo bu wo m do fen n bisa am kere dongu. ²² Nyeme minem kere bisa am dongu, maala bo bu yo juma Romafom Feme Kpisi Siza dika ni. ²³ Ya Mibie Yesu Kristo buka am kere.

Pɔɔlu kadasi bo i kerɛ fa maari KOLOSİYAFŪM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, m ni ya niwa Timoti ² sukere ahin kadasi n ma Nyemɛ minem bo wɔ yi bu Kolosiya miɛ kpiri n nu n a, na bu ti ya ninbaam bo bu su Kristo su nahɔre su ni. Ya Si Nyemɛ buka am na i ma am ahoreda.

Kabo Pɔɔlu sereeri Nyemɛ na i daari i asi ni

³ Sanja kerɛ ya sere Nyemɛ ma am wɔ, yiri ti ya Mibie Yesu Kristo Si a, na ya da i asi fa kɔ kabo am woowa ti barasu n wɔ, ⁴ dama ya ti kabo am ayo Yesu Kristo yarada, ni kabo am koro Nyemɛ minem kerɛ barasu ni. ⁵⁻⁶ Deke n bo i ti na am yoori sɔ n la ka, am la ahoresi ka am nyá deke n bo Nyemɛ afa ase angoro ka i fá ma am ni. Am du mɔ tiiri nyini ahoresi n jɔre sanja bo minem ba kaanri labari kpa n bo i ti nahɔre n jɔre kereeri am n wɔ. Labari kpa n bo am deeri i ni, wɔ terɛki abara aye durunya n kerɛ, mine ade i, bu suyo sakpa durunya n kerɛ nu. Fite sanja bo am tiiri i ni, am deeri i ye am siiri sakpa n bo Nyemɛ ayo ama am ni nahɔre su n a. ⁷ Ya lamokɔ akɔɔ Ipafarasi bo ya koro i ni, yiri du mɔ kereeri am ahin labari kpa n a. Yiri ti Kristo amususufɔ bo i la dabuɔ na i yo i juma buka am a, ⁸ yiri seeri ya kabo Nyemɛ Awiewie Casi n abuka am na am koro minem barasu n a.

⁹ Nyini ti, fite cɛɛn bo ya tiiri kabo Nyemɛ ayo sakpa n ama am ni, sanja kerɛ ya sere Nyemɛ ma am wɔ, ka i ma am si nahɔre su kabo i koro ka am yo barasu ni, na i kaaki ma Awiewie Casi ma am nya si ni alecira barasu kerɛ. ¹⁰ Nyini ma am koro wo kabo i ti ye ni ka Ya Mibie minem wo barasu n a, na am yo kabo i koro n kerɛ, na am yo sakpa barasu barasu kerɛ, na am si Nyemɛ nahɔre su buka su. ¹¹ Ya kaaki sere Nyemɛ ka i ma i jirima ni i yiko n bo i la má anusu n ma am fanja barasu kerɛ, na am koro mindi, na am la sawɔre fa kɔ kekereke kerɛ bo i tu am, ni ahorejɔ. ¹² Na am da ya Si Nyemɛ asi, dama yiri ama am ayo minem bo am aju su ka am sanja nya deke n bo i fá ma i minem bo bu wo wein n nu ni. ¹³ Yiri ye wɔ yi ya afite awosin dɛɛ femeya yiko n kerɛ nu, ye wɔ fa ya awura i Wa koroowa n dɛɛ femeya n nu a. ¹⁴ Yiri Kristo dɛɛ ti, ya nya tiide, ye wɔ fa ya satie ace ya.

Kabo Kristo woowa ni i juma ti barasu ni

¹⁵ Kabo Nyemɛ bo ya ɔu má i n woowa ti ni, yiri Kristo woowa ti sɔ ɔ, yiri ti Nyemɛ Wa kpɛn n bo i ti deke kerɛ bo Nyemɛ ayi bu n tii a. ¹⁶ Yiri ye Nyemɛ maari i yiiri deke kerɛ bo i wo angoro ni asiɛngu n a, ni dekem bo ya ɔu bu, ni bo ya ɔu má bu ni, ni yikofɔm kerɛ, ni nfanɔafɔm, ni nfemem kerɛ. Nyemɛ maari yiri yiiri deke n kerɛ a, adena deke n kerɛ wura i kpiri. ¹⁷ Yiri du mɔ woori bere wɔ ka, ye Nyemɛ nya ba yiiri deke n kerɛ a. Yiri ma deke n kerɛ toko wo bere a. ¹⁸ Yiri ti i jama n kerɛ tii a, ye i jama n ti i nuniɛmbaa ni, yiri ti i jama n bumboori a, yiri ye Nyemɛ adu mɔ atenge i yiwee nu a, adena i yo deke n kerɛ bo Nyemɛ ayi bu n mɔfɔ. ¹⁹ Dama wɔ sun Nyemɛ nu ka, i dɛɛ woowa kerɛ wo i Wa n nu. ²⁰ Na Baa n dɛɛ ti ma Nyemɛ akoro

akaaki deke n kere bo bu wo angoro ni asienḡu ama bu ni Nyeme ayo kun, i mbunja n bo i fiteeri i ḡunie nu baka jaanu n su ni, ayo bu ni Nyeme afien doḡu a.

²¹ Amberē, sanḡa be, am yo woori dede ni Nyeme wō, am yo ti i kpōfōm wō, dama am yo yo satiem wō, na am sunsunni ti má kpa, ²² ama, kisa i Wa n woori ka adamande wō, na i wuuri baka jaanu n su ni, nyini ma am ni yiri ayo kun a, adena i yó am casi, na má be koro jaraki am, na am lá má ḡgasi be Nyeme dō. ²³ Ama, i ti ye ni ka am subita yarada n bo am la i kenken sanḡa kere, na má am yaki i, má am ma deke be kanda am fa kō kabo am tiiri labari kpa n bo i maari am yoori i tama n jōre ni. Nyini labari n ye bu kaanri i jōre durunya n kere nu n a, ye mini Pōolu mmōō ti i amusuisufō, ye m kan i jōre n a.

Kabo Pōolu yo juma ma Kristo jama n barasu ni

²⁴ Ama, kisa wo yo m fie kabo m sudi wahara amberē dē ti ni, na wahara n bo m di i m ḡunie n nu ni, m sudi i sō haari m kō wie i, kabo Kristo gusu diiri wahara ni, m dí i ma i jamam bo bu ti i ḡuniēmbaa n wō. ²⁵ Nyeme ayi m ka m yo Kristo jama n amusuisufō a, ye wō ma m ahin juma n ka m yo buka am a. Nyini la bo i ḡa m kan i nōanie n kere pepere kere am ni. ²⁶ I ti jōre bo Nyeme yo fa fieeri dawafōm kere su wō, ama, kisa wō fa i akere i minem bo wō yi bu ni. ²⁷ Bere ye Nyeme koro ka i kere bu jōre bo i wo fieewa nu n a, yiri la alekutura sa bo i la má aḡusu na i koro ka i yo ma amberē bo am ti má Yudafōm ni. Yiri la ka, Kristo wo am nu, na am la ahoresi ka am nyá i dē jirima woowa n be. ²⁸ Ya kan Kristo jōre kere sōnō kere wō, na ya kere bu na ya bōbō bu, ni alecira bo wō fa ama ya ni, na bu ba i dō ba su i ka minem bo bu nyunu ati Kristo dē atin su. ²⁹ Nyini dē ti, ye m yo ahin juma n ni anyumboro n a. I dē yiko n bo i la má aḡusu ni ma m fanḡa ye m koro yo juma n a.

2

¹ M koro ka am si kabo m tu ḡgoni yo juma n ni anyumboro ma amberē, ni Lawodikayafōm, ni minem bo bu nya si má m ni. ² M koro ka m yo sō na i wura am kperē kekereke, na am la anōōse, na am koro am beḡu ni nahōre su, na am si Nyeme nahōre su, na am de i nōanie ni, na i ma am ahorejō, na am si jōre n bo Nyeme yo fa fieeri ni. Yiri la Yesu Kristo. ³ Yiri ḡgumi ti bo i koro ma ya alecira ni si kere fa kō Nyeme jōre n bo i wo fieewa nu wo i dō ni.

⁴ M koro má ka be fa anōōfieḡie daka am, nyini dē ti, ye m se am sō n a. ⁵ Haari ni bo m wo má am dō ni, m sunsunni yiri wo am dō, kabo am ayo Kristo yarada nahōre su na am la anōōse bita i atin kenken ni, nyini ayo m fieḡie agaya.

Am ma am woowa ti kabo Kristo dē ti ni

⁶ Kabo am asoro su ade Yesu Kristo ka am Mibie ni, am ma am woowa ti ka minem bo bu ni yiri ayo kun ni. ⁷ Am bita i kekereke, na am subuka su fa kō Nyeme atin su, na am ma am yarada yo biiwa nahōre su kabo ba kere am ni. Na am suda i asi agaya.

⁸ Am si am ḡu sa, na má be fa adamande ḡḡonle, ni sa ḡḡeen be dadaka am na am su bu su. Bere la adamande kereewam, ni durunya n nu satie yoowam bo bu fa kere minem na i ti má Kristo dē kereewa ni.

⁹ Dama Nyeme deɛ woowa kere wo Kristo deɛ nyeni n nu wo. ¹⁰ Kabo am ni yiri ayo kun ni, nyini ma am anya deke kere pepere a. Yiri ti yikofom, ni nfanɗafom kere tii a.

¹¹ Kabo am ni Kristo ayo kun ni, nyini kere ka am awura kenkenne nahore su a, ma anuniembaa su woowa bo adamande yo i ni, ama, yiri la bo Kristo ayi am satie n kere ni. ¹² Saɗga bo bu biɛri am Nyeme nzue ni, i kere ka ba saɗga ase am ni Kristo wo lee, na am ni yiri asaɗga atenge i yiwee n nu lee, dama am la yarada ka Nyeme deɛ yiko n nu ye wo tenge Kristo i yiwee n nu a. ¹³ Saɗga be, am yo ti fuinm wo, dama am ti satieyofom wo, na am ayo awura ma kenkenne na am su ma Nyeme. Ama, kisa Nyeme ama am ni Kristo asaɗga anya ngoo fofore. Wo fa ya satie kere ace ya. ¹⁴ Satie kere bo ya yo yoori na ba kere i ka i ti ngasi jore ni, Yesu yiwee n bo i wuuri baka jaanu n su n deɛ ti, wo nmisi ayi nyini ngasi sa n kere, ¹⁵ na wo kunma yikofom ni nfanɗafom kere, awura bu nyinse fofoe nu.

¹⁶ Nyini ti, ma am ma be jaraki am fa ko sayoowa be su, kabo am yo fa ko diire diiwam ni bu ciirem, wara deke nuuwam ni bu ciirem, wara ceenkpiri ciirem, wara sara fofore ciire yoowam, wara Numiyyi ceen n ciirem. ¹⁷ Nyini yoowam kere ferema ni deke n bo i suba n wo, yiri la Kristo. ¹⁸ Am si am nyu sa ni minem bo bu nyu ba nyu deke yikereewa nbem, na bu yo bu nyu ka bu ti tarakam, na bu su merkem ni. Adamande deɛ sunsunni nu kpirikoro la nyini n kere bo bu yo so ni. Ma am ma bu nyu am ngasi be. ¹⁹ Nyini minem so da ma Kristo bo i ti i jama n tii n nyu. I jama n ti i nyuniembaa a. Yiri nie i nyuniembaa barasu barasu n kere suyo i kun a, na i ma i wura i benju nu, na i sasa suyo fanɗa, na i buka nyemesu atin su, kabo Nyeme koro ni.

²⁰ Kabo am ni Kristo asaɗga awu ni, am anya am tii afite durunya n nu satie yoowam kere nu. Nzu ti ye am su bu nyini ciirem su a? ²¹ Bo bu nyu, ma am tara ahin, ma am di ahin, ni bo bu nyu ma am fa am saa kan ahin dekem ni. ²² Nyini ciirem kere ti adamande deɛ kereewam wo, nzen sono suuri bu su, bu kere kaari ngbeen wo. ²³ Nyini ciirem ni, mine sunsun ka bere n bo bu su nyini n kere su n ti alecirafom wo, ama, bu ti ma alecirafom, bu su dekem bo bu ahorembaa koro ni su a, na bu yo bu nyu taraka, na bu sukere bu nyu wahara, ama, nyini n kere bo bu yo i ni, bu koro tara ma bu nyu fa ko adamande konviki dika.

3

Woowa dawa n ni woowa fofore n jore

¹ Nyini ti, kabo am ni Kristo asaɗga atenge i yiwee n nu ni, am ma am ahorembaa kere wo dekem bo bu wo angoro n su, dika n bo Kristo tana Nyeme saa fomboro su ni. ² Am ma am sunsunni kere wo dekem bo bu wo angoro n su, ama, ma dekem bo bu wo durunya n nu fen ni. ³ Dama am ni Kristo asaɗga awu wo, ye am ni yiri ayo kun a, ye Nyeme afa am ni yiri ngoo afie yiri ni i tii do a. ⁴ Kristo ti am ngoo nahore su a, i ba baari, am ni yiri kere saɗga fite a, na am nya i jirima woowa ni.

⁵ Nyini deɛ ti, am yaki am nyuniembaa sa koroowa kere, ma am yo sakaraya, am yaki dangba sayoowam, am yaki konviki ngbeenngbeen, ma am ma am nyunu boro satieyo su. Ma am ma am nyunu boro

nenge kpini su, sɔnɔ kere bo i yo sɔ, i mi su má Nyeme, i su nengem wɔ. ⁶ Nyini dɛɛ ti, ye Nyeme fá yaa cin minem sui a, bere bo ba kete ka bu de má i nɔaniɛ na bu yo nyini sam ni. ⁷ Saŋga be, amberɛ mmɔɔ ni am tii yo yo nyini sam wɔ, dama kabo am woowa yo ti lɛɛ. ⁸ Ama, kisa, am yaki nyini kere fieo, yaafa ni anjunkturini, na má am ma nzuko kpie ni jɔre ngbɛɛngbɛɛn fite am nɔɔ nu, ⁹ má am bu kɔre sɔ am beŋgu, dama am ayaki am dawa dɛɛ yoowa n kere fieo fieo, ¹⁰ am afa wo fɔfɔre. Nyeme suma am nyini woowa fɔfɔre n a, adena i má am woowa ti kabo i dɛɛ woowa ti barasu ni, na am koro si i nahɔre su. ¹¹ Nyini woowa fɔfɔre n bo Nyeme ayo i n dɛɛ ti, Yudafɔm ni minem bo bu ti má Yudafɔm ti kun wɔ, minem bo ba wura kenkenne o, ni bo ba wura má kere ti kun wɔ, ni minem bo bu jɔɔ anie barasu nbem, ni minem bo bu nyunu nya teke má, ni akɔɔm ni awurunbaam, bu kere ti kun wɔ. Ama, bo i kɔ tara bu kere n la Kristo, yiri wo bu kere ahore su a.

¹² Am ti minem bo Nyeme koro am, na wɔ yi am afa ayo i dɛɛm wɔ. Nyini ti, i ti ye ni ka am si anjurfɔ na am buka minem, na am yo am ŋu kaan, na am yo benle, na am la mindi, ¹³ na am yo sawɔre de am beŋgum. Nzen be ni i beŋgu anya jɔre, am fa ce am beŋgu. Kabo Kristo afa am ŋgasi ace am ni, amberɛ gusu fa am beŋgum ŋgasi ce bu. ¹⁴ Bo i tara i kere n la ka, am koro am beŋgu, dama koro ma am yo kun a, na am yo anɔɔse nahɔre su. ¹⁵ Kristo afere am ayo am deke kun ama am ahoreda, nyini dɛɛ ti, am ma nyini ahoreda n wo am dɔ saŋga kere, na am suda Nyeme asi. ¹⁶ Am ma Kristo jɔre n wo am ahore su ni nahɔre su. Am fa Nyeme nɔaniɛ na am fa kere am beŋgu, ni alecira kere bo am la i ni, na am fa tu am beŋgu fɔ. Am fa Nyeme nɔaniɛm bo bu wo kansi jue kereɛwam n nu n fa di jue kansi Nyeme, na am di jue n bo Awiewie Casi n kere am, na am di jue da Nyeme asi am ahore su. ¹⁷ Am sayoowa, ni am jɔɔɔwa kere nu, am yo i ya Mibie Yesu dɛɛ duma n nu, na am da ya Si Nyeme asi Kristo dɛɛ ti.

Kabo i ti ye ni ka Kristo susufɔm bita bu awuru barasu ni

¹⁸ Nbaram, am de am hunm nɔaniɛ kabo i ti ye ni ka Mibie n susufɔm yo ni. ¹⁹ Nbiesɔm, am koro am yim, má am bita bu ni joko tie. ²⁰ Nbaatumam, am de am sim ni am nim nɔaniɛ fa kɔ deke kere su. Nzen am yo sɔ, nyini yo Mibie n fie a. ²¹ Nbaasim, má am yo sa bo i ye am nbaam yaa su, na bu ahore saaki. ²² Amberɛ bo am ti akɔɔm ni, am de am mibiɛm bo bu wo durunya n nu fen n nɔaniɛ deke kere nu, má am yo ka bu nie am dɛɛ ti, na am koro ka am yo na bu ahore jɔ am ŋu, ama, am yo deke kere bo bu ŋa am yo i n ni am ahorembaa kun, ka am su Mibie n dɛɛ ti. ²³ Am yo am juma kere ni am ahorembaa kun, ka am suyo ma Mibie n wɔ, ama, má ka am suyo ma adamande wɔ. ²⁴ Am si ka am nyá ŋkatɔ bo Nyeme ase ka i fá ma i minem ni. Dama am Mibie n bo am su i ni, yiri la Kristo wɔ. ²⁵ Sɔnɔ kere bo i yoori sa bo i ti má kpa, Nyeme tó i mi kaari, dama Nyeme tantambu má nu.

4

¹ Amberɛ gusu bo am ti mibiɛm ni, am yo am akɔɔm kpa, na am yo deke bo i ti ye ni ka am yo ma bu ni, dama am si ka am gusu la am Mibie n bo i wo angoro.

Nyemesere ni fōtu jōre

² Am susere Nyeme sanja kere ni anyumboro, má am fa am ŋu ji, am suda i asi. ³ Nzen am sere Nyeme, am sere ma ya gusu, na Nyeme teke atin ma ya na ya kan labari kpa n fa kō Kristo jōre n bo i yo wo fieewa nu n kere minem. Dama labari kpa n dee jōre ti, ye m wo dansaraka nu n a. ⁴ Am sere Nyeme ma m, na i jina m sin na m koro kan labari kpa n kabo i ti ye ni ka m yi i bu nyunyumi kere minem na bu ti i bu. ⁵ Am fa ŋgōnle na am si kabo am wo fa kō minem bo bu ti má Kristofōm dō. Sanja kere bo am nya atin, am fa yo sakpa, kabo i ti ye ni ka am yo ni. Má am saaki am sanja n bo am la i ni. ⁶ Sanja kere bo am ŋa am jōjō minem dō, am ma am nōanie fite kpa na i yo bu fiefie, na am si kabo am bō sōnō kere nu barasu.

Kabo Pōolu yoori bu anse awieeri su ni

⁷ Ya niwa Tikikusi bá kan m ŋusu jōre kere kere am. Yiri ye ya koro i agaya, i bita nahōre fa kō i juma su, i ti ya lamōkō akōō ō, fa kō Mibiē n juma n su. ⁸ Nyini ti, ye m susunma i am dō n a, ka i ba kan kere am kabo ya kere ti barasu, na am ahore si.

⁹ I ni Onisimō suba a. Yiri mmōō ti ya niwa bo ya koro i wō, i bita nahōre fa kō i juma su, i ti am be wō. Bu bá kan deke kere bo i suyo fen kere am.

¹⁰ Arisitakusi bo m ni yiri kere wo dansaraka nu fen ni, bisa am kere dōŋgu. Banabasi niēma Marako gusu bisa am kere dōŋgu. Ma du mō ase am kabo am yo barasu, ka i baari, am de i ni am saa nnyō. ¹¹ Yesu n bo bu kaaki fere i ka Jusitosi n gusu bisa am kere dōŋgu. Bere mine nsan n ŋgumi ti m lamōkō Yudafōm bo ba yo yarada, na m ni bere sanja yo Nyeme femeya n nu juma n a. Bu ti minem bo bu ma m ahoresi. ¹² Ipafarasi gusu bo i ti am be na i ti Kristo akōō n bisa am dōŋgu. Sanja kere i sere Nyeme ni anyumboro ma am wō, adena am la jinakunsu na am su Nyeme ni nahōre, na am yarada yo biiwa, na am de i nōanie ni kabo Nyeme koro n kere. ¹³ Mini mmōō ni m tii koro di i daani, kabo i yi anyumboro yo juma ma ambere, ni Lawodikayafōm, ni Herapolisifōm barasu. ¹⁴ Luka bo ya koro i na i ti dōkōtie ni, i ni Demasi kere bisa am dōŋgu.

¹⁵ Am bisa ya ninbaam kere bo bu wo Lawodikaya ni, ni Nimfa, ni Kristo jama n kere bo bu nati tien bu nōō i dika n dōŋgu. ¹⁶ Nzen am kaanri ahin kadasi n wieeri, am yo anie na am fa ma Lawodikayafōm na bu gusu kan i. Na am boro am nyi na am gusu kan m kadasi n bo bere Lawodikayafōm fa ma am ni. ¹⁷ Am se Akipusi ka i boro i nyi, na i yo juma n bo Mibiē n fa maari i ni, na i wie i.

¹⁸ Mini Pōolu ni m tii sufa m saa sukere ahin kereewa n bisa am dōŋgu a. Má am ma am wara fi ka m wo dansaraka nu wō. Nyeme buka am kere.

Pɔɔlu kadasi ciciri su bo i kerɛ fa maari TESALONIKAFŌM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme ni ya Mibie Yesu Kristo deɛ minem ni. Nyeme buka am, na i ma am ahoreda.

Kabo Tesalonikafom woowa ni bu yarada tiiri barasu ni

² Saŋga kere ya da Nyeme asi ambere kere deɛ ti wo, na ya susere Nyeme ma am, ³ na ya sutenge am su ya Si Nyeme do, kabo am fa am yarada fa yo juma barasu ni, ni kabo am la koro, na am fa yo juma barasu ni, ni kabo am bita am tama n kenken fa ko ya Mibie Yesu Kristo do ni. ⁴ Ya ninbaam, Nyeme koro am, na ya si ka wo yi am ka am yo i tienngu deɛ minem, ya si ka i ti so do, ⁵ dama saŋga bo ya kaanri labari kpa n kereeri am ni, wo ti ma noanie jooowa ngumi wo, ama, i fite Awiewie Casi n deɛ yiko n nu wo, ye am siiri tenle su ka i ti nahore a. Saŋga bo ya woori am do ni, am nuuri kabo ya wo tiiri barasu, i fiteeri ka ambere deɛ ti ye ya woori so a, adena i buka am. ⁶ Na am ason ya ni Mibie n deɛ wo n su, haari ni bo am diiri wahara agaya n kere ni, am deeru labari kpa n wo, ni ahorejo n bo i fite Awiewie Casi n do ni. ⁷ Am nyini wo n ti, yaradayofom kere bo bu wo Makedoniya ni Akaya aworem n nu anu ka i ti ye ni ka bu son am su. ⁸ Ma ka Makedoniya ni Akayafom tiiri Mibie n labari n fiteeri am do n ngumi, ama, yarada n bo am yoori Nyeme ni, i jore abara aye deke kere. Nyini ti, ya la ma jore be bo ya kan kun. ⁹ Nyini minem n kere kan kabo am deeru ya barasu, saŋga bo ya baari am do ni, ni kabo am kaakiiri am sin boori amem na am su Nyeme bo i ti nahorefɔ na i wo bere saŋga kere ni, ¹⁰ na am nminda i Wa Yesu, yiri fite Nyeme do angoro ba a, yiri ye Nyeme atenge i yiwee n nu n a, yiri yi ya fite jina cɛɛn deɛ kekereke n nu a.

2

Kabo Pɔɔlu yoori i juma Tesalonika mie kpiri n nu barasu ni

¹ Ya ninbaam, ambere mmoo ni am tii si ka, ba n bo ya baari am do ni, wo ka ma ngbeen. ² Am si kabo bu boori ya, na bu wuraari ya nyinse Filipiya mie kpiri n nu ka, ye ya nya baari am do Tesalonika a. Ama, na Nyeme ama ya ahoresi na ya koro akan i labari kpa n akere am, haari ni bo mine dongu asoro ma ya su mmoo ni. ³ Noanie n bo ya kan kereeri am ni, i ti ma ka ya mini atin wo, wara i ti ma ka ya la sunsunni tie be wo, i sa su ti ma ka ya koro ka ya dadaka be wo. ⁴ Ama, saŋga kere ya jooori kabo Nyeme koro n wo, dama yiri jina ya sin a, ye wo fa labari kpa n ama ya ka ya kan i. Ya yo ma ka i sun adamande nu wo, ya yo ka i sun Nyeme nu a, dama yiri fiiti si deke bo i wo ya ahore su a. ⁵ Am si tenle su ka ya ba abo ma am anooɛ wo, na ya ba akan ma labari kpa n ka ya nyunu aboro nenge kpini su wo. Nyeme wo ya daani, ⁶ ya yo akoro ma kansi am do, wara be do. ⁷ Ma kabo ya ti Kristo jaramasam ni, ma ya koro se am ka am yo deke kere ma

ya. Ama, san̄ga bo ya woori am d̄o ni, ya woori ben̄le w̄o, kabo bara baawuf̄o nīe i nbaam dika n w̄o. ⁸ Koro bo ya fa koro am n d̄e ti, ye ya kaanri Nyeme labari kpa n maari am a, na ya gusu akun ya ŋu ama am, dama ya koroori am agaya n d̄e ti. ⁹ Nah̄ore, ya ninbaam, am ten̄ge su kabo ya boroori ya nyi yoori juma nah̄ore su, ya yoori juma wiesu, ni k̄ongue, adena má ya fa ya fie fie be, san̄ga bo ya kaanri Nyeme labari kpa n maari am ni.

¹⁰ Ambere yaradayof̄om ni, am ni Nyeme mm̄o kere wo ya daani, kabo ya wo tiiri, san̄ga bo ya woori am d̄o ni. Ya woori am d̄o ni akunnu fofoe w̄o, na ya sa kere ak̄o atin n su, ya yo má sa be bo i fa jaraki ba. ¹¹ Am si ka san̄ga bo ya woori ni ambere ni, ya bitaari am kabo s̄on̄o bita i nbaam n w̄o. ¹² Ya maari am ahoresi, na ya dada am ahore, na ya ye am nyi ka am wo kabo i ti ye ni ka Nyeme minem wo barasu n a. Yiri fereeri am a, ka, am ba yo i d̄e minem bo i nīe am dika, na am bá nya i d̄e jirima ni.

¹³ Na ya gusu da Nyeme asi san̄ga kere, dama san̄ga bo am deeri Nyeme n̄oanīe n bo ya kan kereeri am ni, am ade má i ka i fite adamande d̄o o, ama, am ade i ka i ti Nyeme n̄oanīe w̄o, na i ti s̄o o nah̄ore su, ye i wo ambere yaradayof̄om ahore su yo juma a. ¹⁴ Ya ninbaam, sam bo bu yo tuuri Kristo jamam bo bu wo Yudiya asien n su ni, nyini sam ye ba tu ambere gusu n a. Kabo am tien̄gu minem akere am wahara barasu ni, s̄o ye Yudaf̄om yo fa kereeri Kristo jamam n a. ¹⁵ Bere kuunri Nyeme n̄oanīe kanf̄om ye bu kaaki kuunri ya Mibie Yesu, na ba kere ya wuwuruwa, na ba yo sa bo i sun má Nyeme nu, na ba yo adamande kere kp̄of̄om. ¹⁶ Na ba koro ka bu kanda ya ka má ya kan Nyeme n̄oanīe n kere minem bo bu ti má Yudaf̄om ni, adena má bu nya tiide. Na nyini satie n aba abuka bu satie n kere su ak̄o asin su. Ama, kisa, Nyeme afa yaa bu ŋu, i sudi bu j̄ore.

Kabo má P̄olu koroori ka i k̄o nīe Tesalonikaf̄om busu ni

¹⁷ Ya ninbaam, san̄ga bo ya kpaaki yakiiri am kaan s̄o ni, ya sunsunni yiri woori am d̄o o, na ya wara ado am agaya, na ya boro ya nyi ka ya ba nīe am busu. ¹⁸ Má ya koroori ka ya kpie ya nyi ba am d̄o. Haari na mini P̄olu ni m tii akoro ka m kpie m nyi ba am d̄o, kpe nyenȳe kere, ama, Sitana akanda ya. ¹⁹ Ya koro ka ya kpie ya nyi ba am d̄o, dama san̄ga bo ya Mibie Yesu bá kpie i nyi ba ni, ya lá ahoresi ambere d̄e ti, na ya lá ahorejo, na ya káaki koro f̄o ka ya nya teremasu i d̄o. ²⁰ Nah̄ore, ambere ti, ye ya la ahorejo koro bo ya hoe n a.

3

¹ Kabo ya ni ambere akpaaki ace n d̄e ti, ya wara ado am agaya, nyini ti, ya ŋa yere ka Atensi mīe k̄piri n nu. ² Na ya sunma ya niwa Timoti ka i ba nīe am busu. Ya ni yiri san̄ga yo juma fa k̄o Kristo labari kpa n kan su, ye ya sunmaari i ka i ma am nya ahoresi, na i ma am jina kenken fa k̄o am yarada n su. ³ Adena má am be ŋun̄ie yor̄oki i fa k̄o ahin wuwuruwam bo bu sukere am n ti. Ambere mm̄o ni am tii si ka, nyini sam bo bu tú yere yaradayof̄om ni, Nyeme koroowa l̄e. ⁴ Dama san̄ga bo ya toko wo am d̄o ni, ya yo seeri am ka bu bá kere ya wuwuruwa. Kabo am si ni, nyini l̄e ye w̄o tu ya n a. ⁵ Nyini ti, ma koro amindi má, ye m sunmaari Timoti na i ba nīe ka am toko bita am

yarada n kenken n a. Beni, kisa Sitana akoro anya atin adadaka am, wɔ ma ya juma n bo ya yo i am dɔ n kɛrɛ aka ŋgbɛɛn.

⁶ Ye kisa, Timoti akpie i nyi afa labari aba ama ya fa kɔ kabo am yarada, ni am koro n ti barasu. Wɔ se ya ka am la sunsunni kpa fa ma ya saŋga kɛrɛ, na am koro ka am ŋu ya kabo ya gusu koro ka ya ŋu am ni. ⁷ Nyini ti, ya ninbaam, haari ni bo ya wo kekereke nu na ya sudi wahara n kɛrɛ ni, am yarada n ama ya ahoresi. ⁸ Na nzen am jinaari kun su, fa kɔ Mibiɛ n dɛɛ atin n su, ya koro da na ya daafi. ⁹ Kisa ya si má kabo ya da Nyemɛ asi fa ma am mmɔɔ, fa kɔ ahorejo bambaka n bo wɔ fa ama ya, am dɛɛ ti. ¹⁰ Kɔŋgue ni wiɛsu kɛrɛ ya sereeri Nyemɛ nahɔrɛ su wɔ, ka, i ma ya ba ŋu ya ŋu, na ya kere am dekem bo i kpie am su fa kɔ am yarada n su.

¹¹ Ya sere ya Si Nyemɛ, ni ya Mibiɛ Yesu ka bu teke atin ma ya, na ya koro ba am dɔ. ¹² Na ya sere Mibiɛ ni, ka, i ma am la koro buka su, na am fa koro am beŋgu ni minem kɛrɛ kɔ sin su, kabo ya gusu koro am ni. ¹³ Na i ma am nya ahoresi, na am jina kenken, na am ba yo mine casim bo be koro jaraki má am, ya Si Nyemɛ dɔ, saŋga bo ya Mibiɛ Yesu bá baari ni i tienɔgu minem kɛrɛ ni.

4

Kabo ya wo wo bo i sun Nyemɛ nu barasu ni

¹ Ya ninbaam, ya yo kereeri am kabo i ti ye ni ka am wo barasu na i yo Nyemɛ fiɛ. Ya si ka am wo nyini wo n wɔ nahɔrɛ su. Ama, ya sere am jande wɔ, ya Mibiɛ Yesu duma n nu, ka, am wo wo bo i kɔ tara sɔ. ² Dama am si nɔaniɛ n bo ya Mibiɛ Yesu fa maari ya na ya gusu fa maari am ni. ³ Nyemɛ koro ka am wo wo casi wɔ, na má be yo sakaraya. ⁴ I ti ye ni ka biesɔ kɛrɛ ni i yi tara bu ŋu, na bu wo wo bo i ti casi na i la kansɔ. ⁵ Má am ma am konviki wo sakaraya sereya nu kabo minem bo bu su má Nyemɛ n yo ni. ⁶ Kabo i nya ti sɔ ni, má Kristo susufɔ be se ka i bu i niwa Kristo susufɔ ŋgbɛɛn fa kɔ nyini sam su. Ya yo seeri am wɔ ni nahɔrɛ kekereke, ka, sɔnɔ kɛrɛ bo i yoori sɔ, Mibiɛ ni cín i mi sui. ⁷ Nyemɛ fereeri ya ka ya wo wo bo i ti casi wɔ, i koro má ka ya fa ya ŋu wura sakaraya sereya n nu. ⁸ Nyini ti, sɔnɔ kɛrɛ bo i keteeri ahin kereewa ni, i ti má ka i sukete adamande wɔ, ama, i sukete Nyemɛ wɔ, yiri ma am i Awiewie Casi n a.

⁹ Tɔ, fa kɔ kabo am koro am ninbaam ni, ya la má jɔrɛ be bo i ti ye ni ka ya kɛrɛ ma am, dama Nyemɛ akere ambere ni am tii kabo am koro am beŋgu barasu. ¹⁰ I ti nahɔrɛ wɔ, ka, am koro ya ninbaam kɛrɛ bo bu wo Makedoniya awɔrɛ n nu ni. Haari ni nyini mmɔɔ, ya susere am wɔ, am koro bu koro bo i kɔ tara sɔ. ¹¹ Am yo anie na am wo benle, na am nie am tienɔgu juma bo am yo i, na am fien anjuye na am di, kabo ya du mɔ seeri am ni. ¹² Nzen am yoori sɔ, nyini má minem bo bu nya yo má Yesu yarada n bu am a, na am nie má be anyumbaa fa kɔ am sa koroowa su.

Kabo Mibiɛ ni bá kpie i nyi ba n jɔrɛ

¹³ Tɔ, ya ninbaam, ya koro ka am si deke bo i ti nahɔrɛ fa kɔ minem bo ba wu n dɔ, adena má am ahore saaki ka minem bo bu la má tama be ni. ¹⁴ Ya yo yarada ka Yesu wuuri wɔ na wɔ tenɔge bekun, nyini ti, ya kaaki la yarada ka Nyemɛ tɛnɔge minem bo bu yoori Yesu yarada

na ba wu ni, na i má bu su Yesu su ba. ¹⁵ Kereewa bo ya sufa kere am kisa n fite Mibié n do ɔ, ka, yere bo ya toko la ngoo ni, cɛɛn n bo Mibié n ba baari ni, yere, ya dú má bere n bo ba wu n mo. ¹⁶ Dama Mibié n ni i tii bá fite angoro n nu jura na i má noo, na Nyeme mereke kpian n tien, na bu kan Nyeme awie ni. Na minem bo bu yoori Yesu yarada na ba wu n dú mo tenge bu yiwee n nu. ¹⁷ Nyini sanja, na Nyeme fá bere, ni yere bo ya toko la ngoo ni, na ya kpá Mibié n atin angoro yinyingu n nu. Na ya kó wo Mibié n do sanja kere. ¹⁸ Nyini ti, am fa ahin noaniem fa si am benjum ahore.

5

¹ Ya ninbaam, fa ko sanja n bo Mibié ni bá ba ni, ya la má jore be bo i ti ye ni ka ya kere ma am fa ko nyini sanja n su kun. ² Dama amberé mmoo ni am tii si tenle su ka cɛɛn n bo Mibié ni bá kaaki ba ni, i yó kabo awiefɔ ba kongue ba wo n wo. ³ Sanja bo minem ba suse ka tanalaifie ni ahoreda wo bere ni, nyini sanja n nu ye kekereke kába ba tu bu a, kabo bara ba kutu ka i wu baa na i ti barasu ni. Nyini kekereke ni, sɔno be kóro fite má nu. ⁴ Ama, amberé, ya ninbaam ni, am wo má awosin nu bo Mibié n ba cɛɛn ni bá fura am nu, kabo awiefɔ ba fura sɔno nu na i wo n wo. ⁵ Amberé kere ti minem bo am wo wein n nu wo, kabo wiesu ti ni. Ya wo má kongue nu, wara awosin nu. ⁶ Nyini ti, má am ma ya daafi kabo nyingam daafi ni, am ma ya nyunu wo su na ya tara ya nu. ⁷ Kongue ye minem daafi a, kongue gusu ye minem nu nzan bo a. ⁸ Ama, yere wo wein nu wo, nyini ti, am ma ya tara ya nu, na ya fa yarada ni koro fa kanda ya nu ka bulaari peperepe bo ya fa kanda ya hoe su, na ya fa ahoresi ka ya nya tiide yo ka bulaari kere bo ya fa butu kanda ya tii. ⁹ Dama Nyeme ayi má ya ka i fá yaa na i cin ya sui wo, ama, i yiiri ya ka ya nyá tiide, ya Mibié Yesu Kristo deɛ ti wo. ¹⁰ I wuuri yere deɛ ti wo, na sanja bo i bá ba ni, nzen ya la ngoo o, wara nzen ya wu wo o, ya ni yiri sanja wo a. ¹¹ Nyini ti, am ma am benju ahoresi, na am buka am benju na am ko mo ni am nyemesu ni, kabo kisa na am suyo ni.

Fotu jore

¹² Ya ninbaam, ya sere am wo, ka, am bu mofom ni, bere bo bu yo Nyeme juma ni anyumbo ma am ni, na bu nie am su, na bu kere am Nyeme atin ni. ¹³ Am ma bu jirima nahore su, ni koro, fa ko bu juma n bo bu yo i n deɛ ti. Am ma tanalaifie wo am ni am benjum do.

¹⁴ Ya ninbaam, ya kaaki sere am wo, ka, am bobo nvieyafom ni, na am ma serefom n ahoresi, na am buka daburukafom ni, na am fa sawore ni sɔno kere. ¹⁵ Má be se ka i fa i benju satie bo i yo i fa to i mi kaari, ama, sanja kere am ma am sunsunni la ka, am yo sakpa ma am benjum ni sɔno kere.

¹⁶ Am ma am ahore jo, sanja kere, ¹⁷ na má am se ka am yaki am nyemesere, ¹⁸ na am da Nyeme asi, haari fa ko sa kere bo i tu am. Kabo Nyeme koro ka am yo lee, dama am ni Yesu Kristo ayo kun n ti. ¹⁹ Má am kanda Awiewie Casi ni, am ma i yo i juma. ²⁰ Noanie bo minem deeri i Awiewie Casi n do kan kereeri am ni, má am bu i ngbeen, ²¹ ama, am fiiti i kere nu na am nie, na am de bo i ti kpa ni, na am su i su, ²² na am kete sa ngbeenngbeen kere pepere.

Awieeri su deɛ anse yoowa

²³ Ya sere Nyeme, yiri n bo i ma ahoreda n ka, i nmisi am ahorembaa, ni am njunie, ni am sunsunni kere casi, adena am wo wo bo fin be mata ma am, haari fa ko ju sangba bo ya Mibie Yesu Kristo ba kpie i nyi ba ni. ²⁴ Yiri bo wo fere am ni, yiri la dabunu, i yo nyini sam n kere.

²⁵ Ya ninbaam, am sere Nyeme ma ya gusu, ²⁶ na am bisa ya ninbaam kere dongu ni koro. ²⁷ M susere am wo, am nie Mibie n ti, na am kan ahin kadasi n kere ya ninbaa yaradayofom n kere na bu ti.

²⁸ Ya Mibie Yesu Kristo buka am.

Pɔlu kadasi nnyɔ su bo i kerɛ fa maari TESALONIKAFŌM ni

¹ Mini Pɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme, ni ya Mibie Yesu Kristo dee minem n a.

² Ya Si Nyeme ni ya Mibie Yesu Kristo buka am, na bu ma am ahoreda.

Kabo Yesu ba di minem jore barasu ni

³ Ya ninbaam, wo yo daka ka ya da Nyeme asi, ambere ti, sanja kere. Atin wo nu ka ya yo so, dama am yarada n buka su wo nahore su, na koro bo am koro am benggu n gusu subuka su so o. ⁴ Nyini dee ti, ya fa am fo so o, deke bo Kristo jamam wo kere. Ya fo fa ko kabo am ayo yarada na am la mindi fa ko wuwuruwa n kere bo minem sukere am, ni wahara n kere bo am wo i nu ni. ⁵ Nyini kere ka Nyeme di minem jore ni i nahore atin su a, na i se ka ambere ti ye ni ka am wura i femeya n nu a, wahara n bo am adi i n dee ti. ⁶ Nahore, Nyeme yo sa bo i ko atin su wo, i ma minem bo bu sukere am wahara n gusu di wahara, ⁷ na i ma ambere bo am sudi wahara n ni yere kere nya ya nu. Nyini sam kere ba yo so sanja bo ya Mibie Yesu ba fite angoro ba ni i merkem, ni bu yiko bambaka ni, ⁸ ni sin, na i ba cin minem bo ba kete Nyeme n sui, ni bo ba de ma ya Mibie Yesu labari kpa ni. ⁹ Nyeme cin bu sui haari bu duma ba bo ma, na bu nu labi ma Mibie ni, ni i yiko bambaka ni. ¹⁰ Nyini ceen n bo i ba baari n ye i minem kere wura i kpiri a, na nyini minem kere bo bu yo i yarada n ma i jirima. Ambere mmoo wo nyini minem n nu, dama am ayo labari n bo ya fa maari am n yarada.

¹¹ Nyini dee ti, ye ya sere Nyeme ma am sanja kere n a. Ya sere i ka i ma am wo wo bo i ti ye ni ka i dee minem bo wo fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kere bo i ti kpa ko wie. ¹² Nzen am nya yoori so, nyini ma minem ma ya Mibie Yesu duma n jirima a, am dee ti, na i gusu ma am nya jirima. Nyeme ni ya Mibie Yesu Kristo dee ahorama n ma i yo so a.

2

Sonotie n jore

¹ To, ya ninbaam, m sujoko am do fa ko ya Mibie Yesu Kristo ba n su wo, ni kabo ya tien ya noo na ya ni yiri ko ye n wo. Ya sere am wo, ² ka, ma am kaaki am sunsunni wara am birisi, dama nbem na Mibie n adu mo aba asin n dee ti. Haari nzen be na wo de noanie Nyeme Awiewie Casi n do, wara nzen be jokori nyini jore n so, wara nzen be seeri ka yere akere i kadasi n nu ase so a, ma am de i. ³ Ma am ma be dadaka am fa ko deke be su fieo, dama nyini ceen ni ba ma, ma ka sanja n bo minem dongu ba kete ka bu su ma Nyeme ni, na sonotie n bo i bu ma ka pui wo bere n nya yi i nu fite fofoe nu, yiri n bo Nyeme fa i ji cema sin n nu ni. ⁴ I kete deke kere bo bu fere i ka Nyeme, ni

deke kere bo adamande kutu su i, na i kere i nu ka i tara bere kere pepere. Haari na i kó wura tana Nyeme Sereebiri Awuru n nu, na i sé ka yiri ti Nyeme a. ⁵ Am tenge má su ka sanja bo m woori am dɔ ni, m yo seeri am ahin jorem kere, nzen se? ⁶ Kisa, am si deke bo i kanda i na wɔ nya ba má ni, má ka sanja n aju bo i yí i nu fite fofoe nu. ⁷ Ama, sonotie n bo i bu má ka pui wo bere ni, yiri suyo i asiri nu juma wɔ kisa, má ka yiri n bo i kanda i ni, aba acin ayaki atin ni. ⁸ Dɔ na sonotie n nyá yi i nu fite fofoe nu, ama, sanja n bo ya Mibie Yesu bá ni, na i fita kun i, na i baawa n dee wein n gusu yó i ngbeen. ⁹ Tɔ, kabo sonotie ni bá ba n yaa. I bá ni Sitana dee yiko n na i bá yo alekutura sam beberebe fa dadaka minem ka nyini sam fite Nyeme dɔ, ¹⁰ na i bá bu kore ngbeenngbeen barasu barasu dadaka minem bo bu ngɔɔ ka ngbeen ni. Bu ngɔɔ ka ngbeen, dama ba koro má ka bu su atin n bo i ti nahore n su na bu nya tiide. ¹¹ Nyini ti, na Nyeme tá bu nyi, adena bu yó deke kere bo i ti kore n yarada. ¹² Nyini minem sɔ, bo ba yo má nahore n yarada ni, ama, na ba fa satieyo acici bu tii ni, Nyeme dí bu jore na i cín bu sui.

Kabo Nyeme ayi am ka am nya tiide ni

¹³ Ya ninbaam, amberɛ bo Mibie n koro am ni, wɔ yo daka ka ya da Nyeme asi amberɛ dee ti sanja kere, dama fite bumboori n ye Nyeme yiiri am ka am nya tiide a. Deke bo i ma am nya tiide n la ka, Awiewie Casi ni ma am yo Nyeme mine casim a, na am bita nahore atin, na am yo yarada. ¹⁴ Labari kpa n bo ya kan kereeri am na am deerɛ n dee ti, ye Nyeme fereeri am ka am nya tiide a, na am nyá ya Mibie Yesu Kristo dee jirima woowa n be. ¹⁵ Nyini ti, ya ninbaam, am bita nahore atin n kenken, bo ya kaanri i na ya kereeri i maari am ni, má am kaaki am sin bo i. ¹⁶ Ya sere ya Mibie Yesu Kristo ni i tii, ni ya Si Nyeme, yiri bo i koro ya, na i dee ahɔrɔma n nu, na wɔ ma ya ahoresi sanja kere, ni tama kpiri ni, ¹⁷ ya sere bu ka bu ma am ahoresi buka su, na bu ma am fanja, na am yo sakpa, na am jojo jore bo i kɔ atin su sanja kere.

3

Am sere Nyeme ma ya

¹ Ya ninbaam, jore bo wɔ ka n la ka, am sere Nyeme ma ya, na Mibie n labari kpa n sandi bara ye ndende na bu de i ni jirima, kabo am deerɛ i ni. ² Am kaaki sere Nyeme, na i yí ya fite mine tiem saa nu, dama má sonɔ kere yo labari kpa n yarada a. ³ Ama, Mibie n la dabuɔ, yiri má am fanja, na i yó am kanda bo Sitana koro yo má am pui. ⁴ Ya Mibie n ama ya ahoresi ka am suyo deke n kere bo ya ma am nɔɔ ka am yo i ni, am kɔ su suyo i sanja kere. ⁵ Ya sere Mibie n ka i ma am si kabo Nyeme koro am barasu, ni kabo Kristo mindiiri barasu ni.

Wɔ yo daka ka sonɔ kere yo juma

⁶ Ya ninbaam, ya maari am nɔɔ ya Mibie Yesu Kristo dee duma n nu ka, má am fa am nu gɔ ya ninbaam bo bu koro má ka bu yo juma, na bu ti nviɛyafɔm n nu, ba kete ka bu su má nɔanie n bo ya fa maari am n su lee. ⁷ Amberɛ ni am tii si tenle su ka, i ti ye ni ka am yo kabo ya yo ni. Am si ka sanja bo ya woori am dɔ ni, ya yo ti má nviɛyafɔm. ⁸ Ya dí má sonɔ be diire ngbeen. Ama, ya yoori juma wɔ nahore su, wiesu ni kɔngue, adena má ya bo be kaari. ⁹ Ya yoori sɔ ni, i ti má ka ya la

má atin bo ya se ka am buka ya a, ama, ya yoori so, adena am nu i na am gusu son ya su wo. ¹⁰ Saŋga bo ya woori am do ni, ya maari am ahin noo ni, ka, sono kere bo i kete ka i yo má juma, má am ma i na i di. ¹¹ Má pui ti ye ya se so a, dama ya ti labari ka am nbem wo bere bo bu ti nviyafom wo, bu yo má juma be, se bu nati ngbeenngbeen wo, na bu sufa bu noo bo minem jore nu. ¹² Nyini ti, ye ya sutu bu fo ni anyumboro su ya Mibie Yesu Kristo dee duma n nu n a, ka, bu yo anie tara bu nu, na bu yo juma na bu koro bita bu nu. ¹³ Ama, ya ninbaam, ambere yiri, má am ma am nunie yoroki am ni sakpayo. ¹⁴ Sono kere bo i keteeri nonie n bo ya kere i ahin kadasi n nu afa ama am ni, am yi koresi na am si i mi. Má am dodo i mi, adena nyinse ti i. ¹⁵ Ama, má am fa i mi yo am kporo, am tu i fo ka am niwa a.

Awieeri su dee anse yoowa

¹⁶ Ya sere Mibie n ni i tii, yiri bo i ma ahoreda ni, ka, i ma am ahoreda saŋga kere fa ko deke kere nu, na i wo am kere do.

¹⁷ Mini Poulu ni m tii sufa m saa sukere ahin kerewa n bisa am dongu a. Kabo saŋga kere na m kere lee. ¹⁸ Ya Mibie Yesu Kristo buka am kere.

Pɔlu kadasi ciciri su bo i kerε fa maari TIMOTI ni

¹ Mini Pɔlu sukere ahin kadasi n a. M ti Yesu Kristo jaramasa a, Nyeme bo i ti ya Tiidefɔ ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukere ahin kadasi n ma wɔɔ Timoti wɔ, a ti ka m wa a nahɔre su, dama mini ni wɔɔ yo yarada kun wɔ. Ya Si Nyeme, ni ya Mibie Yesu Kristo buka u, na bu si u aɲunfɔ, na bu ma u ahoreda.

Am si am ŋu sa ni minem bo bu kereewa kɔ má atin su ni

³ M koro ka a wo Efeso mie kpiri n nu, kabo saɲga bo m suko Makedoniya de awɔre n nu na m seeri u ni. Mine nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki kɔre jɔrem, ni nana dumam beberebe ni. Nyini jɔrem fa akuruwa ba a. Bu koro buka má sɔnɔ na i yo deke n bo Nyeme koroori ka i yo i. Be koro yo má kabo Nyeme koro, má ka i mi ayo i yarada. ⁵ Deke n bo i ti na m maari u ahin nɔanie n la ka, i fa koro ba a, nyini koro n fite ahorembaa fofoe wɔ, ni sunsunni kpa, ni yarada nahɔre su. ⁶ Nyini mine n nbem amini ahin kereewam ni, na bu subo anzama ŋgbɛenŋgbɛen. ⁷ Bu koro ka bu yo Nyeme nɔanie kerefɔm, bu kan i ni ahoresi wɔ, ama, bere ni bu tii si má bu tienju nɔanie jɔjɔwa n bu.

⁸ Ya si ka Nyeme nɔanie kpamaawa ni ti kpa a, nzen ya bitaari i kabo i ti ye ni ka ya bita i ni. ⁹ Ya kaaki si nu ka, ba fa má nɔanie kpamaawa n ase má sakpayofɔm n ti wɔ, ama, ba fa ase ama minem bo bu ma má Nyeme nɔanie kpamaawa n jirima n wɔ, ni bo bu kete i ni, ni bo bu soro má Nyeme ni, ni bo bu nati yo satie ni, ni bo bu woowa ti má casi ni, ni bo bu bu Nyeme ŋgbɛen ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ŋu kaaki ka nbaram na bu ni bu benju nbiesɔm saɲga da ka bara ni biesɔ de su ni, ni bo bu tara minem fanga tɔ bu ni, ni bo bu bu kɔre ni, ni bo bu di kɔre daani ni, ni sa kere bo i kɔ má kereewa kpa atin su ni, bere kere de ti, ye ba fa nɔanie kpamaawa n ase n a. ¹¹ Nyini kereewa n fite Nyeme labari kpa n nu wɔ, bo Nyeme afa ama m ka m kan kere minem ni. Labari kpa n ti Nyeme kpiri n de wɔ, yiri ti ye ni ka minem kansii a.

Pɔlu daari Nyeme asi fa kɔ kabo Nyeme siiri i aɲunfɔ ni

¹² M da ya Mibie Yesu Kristo asi ka, yiri ye wɔ ma m fanga, na m koro yo m juma n a. M da i asi ni kabo wɔ bu m ka m la dabuju, na wɔ yi m ka m su i ni, ¹³ haari ni bo m yo jɔjɔ wuraari i ŋgasi nu, na m kpiɛeri i nzuko, na m kereeri i wuwuruwa ni, ama, nyini n kere ni, Nyeme siiri m aɲunfɔ ɔ, dama m yo nya yo má i yarada, nyini ti, m yo si má sa bo m yo i ni. ¹⁴ Na yiri Mibie n ama ma di i ahɔroma akɔ asin su, na wɔ ma ma yo i yarada na m koro minem, kabo ya ni Yesu Kristo ayo kun n de ti. ¹⁵ Ahin nɔanie n ti nahɔre wɔ, i ti ye ni ka sɔnɔ kere de i ni bu saa nnyɔ, yiri la ka, Yesu Kristo baari durunya n nu ka

i ba de satiyofom tii ji wo. Mini ti sono bo m satie taraari sono kere dee a. ¹⁶ Ama, Nyeme siiri m aɗunfo. I yoori so o, adena Yesu Kristo koro kere kabo i la sawore beberebe ni mini bo m satie sunnu taraari sono kere dee ni. I yoori nyini so o, adena i fa m fa kere minem bo bu ba ka sin ni, na bu yo i yarada nya ngoo bo i la ma awieeri ni. ¹⁷ Yiri ti Feme Kpiri a, na i femeya n la ma awieeri, i wo bere wo sangga kere, na be gusu koro nu ma i, yiri ngumi kpein ti Nyeme a, i ti ye ni ka minem kere kansa i na bu ma i jirima. Ami.

¹⁸ M wa Timoti, m sufa ahin noanie n fa wura u saa n nu wo lee, i su kabo Nyeme noanie kanfom du mo jooori i fa ko u do n su wo. Fa nyini noaniem ni yo ka u biesoya nengem na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa ma sunsunni kpa na bu yo sa bo i ko atin su, nyini ti, bu yarada bo bu yo yoori i ni aka ngbeen. ²⁰ Bere nbem la Himenasi ni Alekizanda, bere ye ma fa bu awura Sitana saa nu ka i kere bu ngonle, adena bu sonson kabo ma bu wura Nyeme ngasi nu kun.

2

Kabo i ti ye ni ka ya su Nyeme barasu ni

¹ Deke bo i du mo la ka, m susere am ni anyumboro wo, ka, am sere Nyeme ma minem kere, fa ko deke bo i ti bu mieewa su, na am da i asi fa ma sono kere. ² Sere Nyeme ma nfemem, ni bo bu wo yiko woobiri n kere, na ya koro wo ni tanalaifie, na ya woowa kere ka ya su Nyeme atin n su ni nahore, na ya wo jirima wo ni ya bengu. ³ Nyini nyemesere n ti kpa a, na i sun Nyeme nu, yiri ti ya Tiidefo a. ⁴ Yiri koro ka sono kere nya tiide a, na bu si nahore atin ni. ⁵ Dama ya kere si ka

Nyeme kun n kpein wo bere a,

na sono kun be gusu wo bere

bo i yo adamande ni Nyeme afien dongu a,

yiri la Yesu Kristo,

⁶ i wu maari adamande na i de bu kere tii ji.

Kabo i yoori so n kere ka, sangga bo Nyeme koro ka i de adamande kere tii ji lee. ⁷ Nyini ti ye Nyeme yiiri m ka m ba yo Yesu jaramasa, na m kan i labari kpa n kere minem bo bu ti ma Yudafom ni, na m kere bu kereewam bo bu ti nahore ni. M sukan nahore wo, m bu ma kore.

⁸ Deke kere bo Kristo jamam tien bu noo, m koro ka nbiesom ye bu saa su sere Nyeme. Nyini nbiesom ni, i ti ye ni ka bu nyemesu ko atin n su, na ma yaafa wara akuruwa be wo bu ahore su. ⁹ M koro ka nbaram gusu di sunguruya nyunyumi, bo i se su. I ti ma ye ni ka bu di bu tiingmie sunguruya ko sin su, na ma bu wura sika, wara aferem bo bu la go agaya, wara suturam bo bu la go agaya. ¹⁰ Ama, bu nyumi kere fite bu sakpa yoowa a, kabo i ti ye ni ka nbaram bo bu se ka bu su Nyeme atin n su n yo ni. ¹¹ I ti ye ni ka nbaram mo bu noo na bu yo bu nu benle, na bu so bu sui ti kereewam bo i ti ye ni ka bu sonson i ni. ¹² M soro ma su na bu kere nbiesom kereewam, wara bu la yiko nie nbiesom su. Bu dee la ka, bu mo bu noo. ¹³ Dama Nyeme du mo yiiri Adam wo ka, ye i nya ba yiiri Awa. ¹⁴ Ma Adam ye woo dadakaari i a, ama, i dakaari Awa wo, na wo kete Nyeme noanie ni. ¹⁵ Ama, nzen

nbaram laari yarada, ni koro, ni wo casi, na bu bita bu ɲu nyunyumi sanɗa kere, bu nyá bu tiide fite bu baawu nu.

3

Kristo jama n mofom ni bukafom jore

¹ Ahin noanie jooɗwa n ti nahore wo, ka, sono kere bo i boro i nyi na i yo Kristo jama n mofom, i mi koro juma kpa le. ² Kristo jama n mofom ni, wo yo daka ka má i la ngasi be, na i ja bara kun n kpein, na i bita i ɲu, na i la tarabuɲu, na i yo sa bo i la anyunuyi. I ti ye ni ka i de wofom, na i koro kere minem Nyeme noanie nyunyumi. ³ I ti má ye ni ka i nu nzan agaya, wara i ti aluwa korofom, ama, i yo i ɲu benle, na i koro tanalaifie. I kaaki ti má ye ni ka i koro ɲwaa agaya. ⁴ Wo yo daka ka i koro bita i awurufom nyunyumi, na i ma i nbaam de i noanie na bu ma i jirima deke kere nu. ⁵ Dama nzen sono koro bita má i awurufom, i mi yo se koro bita Kristo jama n a? ⁶ I ti má ye ni ka i mi ti Yesu susufom fofore, adena má i wura i ɲu kpiri na Nyeme di i jore yo i ngbeen kabo i yoori Sitana ni. ⁷ Wo kaaki ayo daka ka i mi ti sono bo minem bo bu ti má Kristo jama n nufom ma i jirima, adena, má Sitana nya i taraabiri na i yo sa be bo i di nyinse.

⁸ I ti so o fa ko Kristo jama n bukafom gusu do. Wo yo daka ka bu ti minem bo bu la anyunuyi, na má bu yo anoo nnyo nnyofom, na má bu nu nzan agaya, na má bu nyunu boro ɲwaa kpini su. ⁹ Wo yo daka ka bu subita Kristo jama n kereewa n bo Nyeme ayi akere n kenken, na bu la má ngasi be bu sunsuni nu. ¹⁰ I ti ye ni ka bu du mo fiiti bere Kristo jama n bukafom ni na bu nie. Na nzen bu la má ngasi be, am ma bu yo bukafom n juma ni. ¹¹ I ti so o nbaram gusu do. Wo yo daka ka bu ti minem bo bu la anyunuyi, na má bu susaaki mine duma. Wo yo daka ka bu bita bu ɲu, na bu la dabuɲu deke n kere nu. ¹² Kristo jama n bukafom, i ti ye ni ka i ja bara kun n kpein, na i koro bita i nbaam, ni i dikafom nyunyumi. ¹³ Nyini bukafom bo bu yo bu juma na i ko atin su ni, bu kpini duma kpa ma bu ɲu wo, na bu kaaki koro joo ni ahoresi kabo bu yo Yesu Kristo yarada ni.

Kereewa n bo Nyeme ayi akere Kristo jamam ni

¹⁴ Kabo m sukere ahin kadasi n ma u ni, m la tama ka m ba u do kisa. ¹⁵ Ama, nzen haari ma ba aba má nde, ahin kadasi ni má a si kabo wo yo daka ka Nyeme minem wo ti barasu a. Bere ti Kristo jama n a, yiri n bo i wo bere sanɗa kere n deem a, bere bita i kereewa n bo i ti nahore n kenken a, kabo so o fa seewa n ni i jantarka n bita i kenken ni. ¹⁶ Be koro kete má ka ya nyemesu atin n bo i wo asiri nu la má anusu, ka o,
“Na wo kaaki adamande ayi i ɲu fofoe nu.

Na Nyeme Awiewie Casi n akere ka wo yo sa bo i sun Nyeme nu. Na Nyeme merkem anu i.

Na i susufom n ako ajojo i jore durunya n kere nu. Na durunya n nufom doggu ayo i yarada.

Na Nyeme afa i ako awo i bi angoro, jirima kere woobiri ni.”

4

Noanie barasu barasu bo Poolu fa maari Timoti ni

¹ Awiewie Casi n ajojo wein ka, ahin awieeri su sangha n bo ya wo nu ni, mine nbem yáki bu yarada atin ni, na bu su ajinim bo bu dadaka minem su, ni bu kereewam ni. ² Nyini kereewam so fite minem bo bu ti dadakafom na bu nati bu kore n do o, bo bu sunsunni akaaki haari na bu yo satie mmoo, na bu sunsunni ma má bu ka ba yo satie. ³ Nyini minem so kere minem wo, ka, má bu ja ajaa, na má bu kaaki di diire barasu nbem. Ama, Nyeme ayi nyini diirem n ka ya di bu wo, nyini ti, yere bo ya yo i yarada na ya si kabo nahore atin n ti barasu ni, i ti ye ni ka ya sere Nyeme, na ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme noanie n ni nyemesere ma nyini diire n yo casi wo Nyeme do.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amususufo kpa. Nyini kereewam bo a du mo ade bu ni, na a yo bu yarada, na a si ka bu ti nahore, na a su bu su ni, bu ti ka diire bo i ma u fanga n wo. ⁷ Ama, kete jore ngbeenngbeen bo bu ko má Nyeme atin su ni, na a boro u nyi na a sonson sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanga n la kperere kaan, ama, nzen a boro u nyi yo Nyeme dee atin n su sa, i la kperere beberebe, nyini ma a si ka a nya deke kpa kisa, na a kaaki nya deke kpa buka su fa ko fa ba. ⁹ Nyini noanie n ti nahore wo, bo i ti ye ni ka ya de i na ya yo i yarada. ¹⁰ Nyini dee ti, ye ya boro ya nyi, na ya yo juma ni nahore su, dama ya daafi Nyeme nu, yiri wo bere sangha kere a, yiri ti mine kere Tiidefo a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ngbeen ka a ti gbefene n dee ti, ama, ma yaradayofom ni nu u sayoowam na bu son u su. Bere la u noanie jooowa, ni deke bo a yo i, ni kabo a koro minem ni, ni u yarada n bo a la i ni, ni u woowa casi ni. ¹³ Yo anie na a sukan Nyeme Jore Kadasi n na Kristo jama n ti, na a sukan Nyeme jore, na a sukere minem Nyeme atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, sangha bo i noanie kanfom jooori na Kristo jama nkpienkpienm faari bu saa nanaari u nu sereeri Nyeme maari u ni, ma u cee wo i nu, na a fa i yo juma. ¹⁵ Yo ahin juma ni anyumbo na a fa u nu ma nyinim kere, adena minem kere nu kabo u nyemesu n ko atin su barasu. ¹⁶ Si u nu sa ni u kereewam ni. Ko su suyo ahin sam ni, dama nzen a nya yoori so, woro ni minem kere bo bu ti u noanie ni nya tiide.

5

Kabo i ti ye ni ka Kristo jama n mafon bita i jama n barasu ni

¹ Má a tien kpien nu, ama, joojo i do kabo a joojo u si do ni, na a tu ngbefenem fo ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bere wo ni ahorembaa casi.

³ Bita nkunafom bo bu la má bukafobe n ni jirima. ⁴ Ama, nzen kunafola nbaam, wara anumam, i ti ye ni ka bu sunie i dika kabo Nyeme koro ni. Nyini kere ka, bu sufa bu wufom nkato to bu kaari wo lee. Dama nyini n so yo Nyeme fie a. ⁵ Nzen kunafowu i ngumi na i la má bukafobe, wo fa i tama kere awura Nyeme saa nu lee. Na i susere

Nyeme jande wiesu ni kɔngue ka i buka i. ⁶ Ama, kunafo kere bo i nati yo i kunnu koroowa, haari ni bo i la ngɔɔ mmɔɔ ni, i ti ka wɔ wu wɔ lee. ⁷ Fa ahin kereewam kere kere nkunafom, ni bu dikafom, adena ma be ɲu bu ngasi. ⁸ Ama, nzen be cece wo ma nu ka i nie i lamɔsim dika, maala i dikafom, i ti ka i mi akete Kristo atin n lee. Nyini sangga ni, sɔno bo wɔ yo ma yarada tara i mi co lee.

⁹ Kunafo kere bo wo nya ju ma afo aburasen, ma a kere i duma buka Kristo jama nkunafom su. Bekun, na i ti bo wo du mo aja bieso kun wo, ¹⁰ na minem di i daani ka i yo sakpa a, ma pui ti, i ti bo wo ta nbaam ataari kpa, na wo de wafom i dika, na wo yo i ɲu kaan ka i su Nyeme minem, na wo buka minem bo bu woori kekereke nu, na wo su amusui kpa.

¹¹⁻¹² Ama, nkunafom bo bu nyunu nya ti ma ni, ma a kere bu duma buka nkunafom n su, dama nzen ajaa konvi ba wurari bu na bu koro ka bu kaaki ja ajaa, nyini sangga, sesesu bo bu faari i na bu diiri i di ni Kristo ni, bu koro su ma i su ni nahore su lee, bu yaki i wo, na bu kaaki bu sin bo Kristo lee. Nyini ti ye Nyeme di bu jore cin bu sui a. ¹³ Bekun, nyini ma bu koro ba yo nvieyafom na bu ba sunati awuru awurum nu, i ti ma ka bu yo nvieyafom ngumi wo, ama, na bu sukpara tere, na bu sufa bu noo suwura minem jore nu, na bu sujɔɔ jorem bo wo ti ma ye ni ka bu joɔ bu. ¹⁴ Nyini ti, mini do, nzen nkunafom toko ti tarawam, i ti ye ni ka bu ja na bu wu nbaam, na bu bita bu awurum, na ma ya kpofom koro ɲu ngasi be bo bu koro nya atin joɔ ya ngbeengbeeng kabo bu koro. ¹⁵ Dama nkunafo nbem adu mo akete Kristo atin n asu Sitana su. ¹⁶ Ama, Kristo susufɔ bara kere bo nkunafom wo i dika, i ti ye ni ka yiri ni i tii nie bu dika, na ma bu fa bu fie fie Kristo jama n ni, adena Kristo jama n koro nie nkunafom bo bu la ma bukafɔ be fieo n su.

¹⁷ Kristo jama ni nkpienkpienm bo bu yo mofɔ juma nyunyumi ni, i ti ye ni ka bu nya bu ɲkatɔ busu nnyɔ, maala bere bo bu yo bu juma ni anyumboro ka bu kan Nyeme jore na bu kaaki kere minem Nyeme atin n ni. ¹⁸ Dama ba kere i Nyeme Jore Kadasi n nu ka, “Nzen a bita toora subobo ngani, ma a cici i noo.” Na ba kaaki akere ka, “I ti ye ni ka jumayofɔ nya i ɲkatɔ.” ¹⁹ Ma a se ka a de jore be bo ba kpie aso Kristo jama n bukafɔ n kpien be, ma ka mine nnyɔ, wara nsan adi jore n daani ka i ti nahore. ²⁰ Ama, bo bu yo satie ni, se bu nahore jama n kere nyunu, adena nyingam kere soro sere. ²¹ M suma u noanie lee, Nyeme ni Yesu Kristo ni merkem kere nyunu, ka, a de ahin kereewam ni, na ma a fa tantambunu, wara ma a koro be tara be fa ko deke kere bo a yo i n su. ²² Ma a koro nde na a fa u saa nana sɔno be ɲu, na a sere Nyeme ma i mi ka i yo Nyeme juma, ma a ma u saa n wo be dee satie yoowa n nu. Ma u woowa yo casi.

²³ A la ma laifie sangga sangga n dee ti, ma a nu nzue ngumi, ama, nu nzan mmɔɔ kaan, na i buka u fa ko akunnuyaari n bo i yaki ma u ni.

²⁴ Mine nbem satie yoowa kere kaba da fofoe nu wo, na sɔno kere ɲu i, nyini satiem ye Nyeme fa di bu jore a, ama, na nbem gusu dee satie bo bu yo i ba fite fofoe nu kasin. ²⁵ I ti soɔ lee bekun, sakpa ti deke bo sɔno kere ɲu i fofoe nu wo, na nzen haari sakpa bo i wo ma fofoe nu ni mmɔɔ, i ti deke bo bu koro fie ma i.

6

¹ Kristo jama nbaam bo bu ti akoom ni, i ti ye ni ka bu ma bu mibiem jirima nyunyumi, adena be koro saaki má Nyeme duma, wara ya kereewam ni. ² Akoom bo bu mibiem gusu ti yaradayofom ni, i ti má ye ni ka bu bu bu mibiem ngbæen ka bu kere ti yaradayofom n ti, ama, i ti ye ni ka bu su bu tara mibiem bo bu ti má yaradayofom ni, dama bere n bo bu sudi bu amusui n kperere n ti bu ninbaam bo bu koro bu wɔ.

Kereewa bo i kɔ má atin su ni ηwaa koro awaraye jɔre

Fa ahin kereewam n kan kere u jama n na a se ka bu yo bu. ³ Mine nbem wo bere bo bu kere kereewa nbem bo bu ni ya dæe n ti má kun, na bu sunsun ka ya Mibiæ Yesu Kristo dæe noaniæ kereewam n ti kore wɔ, na bu kereewam kaaki su má Kristo dæe atin n su. ⁴ Nyini minem n ti kpirikorofom wɔ, na bu kaaki si má pui. Na bu la sunsunni tie, na bu se akuruwa ni minem fa kɔ noaniæ kereewam bu. Nyini ma bu si kore a, na bu di aluwa, na bu kpie bu beŋgu nzuko, na bu la sunsunmase fa kɔ bu beŋgu do, ⁵ na bu nati suse akuruwa. Bu la má sunsunni kpa, na nahore wo má bu do. Na bu sunsun ka nzen sono su Nyeme atin su, i nyá kperere wɔ. ⁶ I ti nahore wɔ, sono kere bo i nyunu yi deke bo i la i, na i su Nyeme atin su, i mi nyá kperere Nyeme do. ⁷ Dama ya fa má pui aba má durunya n nu fen. Ya kaaki koro fa má pui fite má fen. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minem bo bu nyunu aboro nenje kpini su agaya, na bu koro ka bu nya ajekæ beberebe ni, bu nyini nenje koro n so bu ηgæe wɔ, na i nya bu taraabiri fa kɔ bu konvikiya sunsunni ηgbæenηgbæen n su. Nyini ma bu kpaasi a, na bu ka ηgbæen. ¹⁰ Dama ηwaa koro awaraye ti satie kere bunlui a. Nbem wo bere bo bu koro ηwaa agaya, nyini so ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔrɔ Timoti, a ti Nyeme sono o, nyini ti, i ti ye ni ka má a dodo nyini sam kere be. Boro u nyi na a yo sa bo i kɔ atin su, na a su nyemesu atin n su, na a yo i yarada, na a koro minem, na a la mindi, na a wo benle. ¹² Boro u nyi na a tu ηgoni kpa bita u yarada n kenken. Nyini má a di nasara, na a nyá ηgɔɔ n bo i la má awieeri ni, ahin ηgɔɔ n ye Nyeme fereeri u ka i fá ma u a, na wɔrɔ ni u tii diiri i daani mine beberebe nyunu ni. ¹³ Nyeme ma deke n kere ηgɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini dæe ti ye m suma u nɔɔ Nyeme ni Yesu Kristo nyunu n a, ¹⁴ ka, a yo u juma n bo Nyeme afa ama u n ni nahore su, na u woowa ti casi na má be koro ηu u ηgasi be, haari fa kɔ ju cæen n bo ya Mibiæ Yesu Kristo bá kpie i nyi ba ni. ¹⁵ Nyeme afa nyini sanɔa n bo i koro ka Yesu ba n afa ase, nyini sanɔa n juuri, ye Nyeme má i ba a. Yiri ηgumi nie deke n kere su ye kansu wo i do a. Yiri ti nfeme ηgbingbirim kere Feme a, na i ti mibiem kere Mibiæ. ¹⁶ Yiri ηgumi kpein wo bere sanɔa kere a, na i woobiri n bo i wo n ti wein wɔ, na be koro dodo má nyini wein ni. Be nya ηu má i cæen be da, be gusu koro ηu má i wɔ mmɔɔ cæen be cæen be. I dæe la jirima ni fanɔa, sanɔa kere. Ami.

¹⁷ Se bo bu la ajekæ durunya n nu fen n ka má bu fo, na má bu fa bu tama go nyini ajekem bo bu ce má n ηu, ama, bu fa go Nyeme ηu, yiri

bo i ce ya deke n kere ko sin su n na ya fa yo ya koroowa ni. ¹⁸ Se bu ka bu yo sakpa dangu, na bu ce aceerim, na deke kere bo bu la i, na bu sukpaaki nu ma nyingam. ¹⁹ Nzen bu nya yoori so, i ti ka ba tien ajeke noo abo i bu afa ase fa ko fa ba lee, adena bu nya ngoo n bo i ti ngoo nahore su ni.

²⁰ Timoti, nie deke bo Nyeme afa ama u ka a nie i dika n su nyunyumi. Cin u nu yaki minem bo bu jojo jooowa ngbeenngbeen na bu bu ma Nyeme, na bu sunsun ka bu si wo, ama, bu si ma pui. ²¹ Dama nbem afun ajina su ka bu la si, nyini dee ti, ba mini Kristo atin ni.

Nyeme buka am kere.

Pɔɔlu kadasi nnyɔ su bo i kerɛ fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jamarasa a, Nyeme dee koroyanu, yiri Nyeme asunma m ka m ko kan kere minem kabo i yo seeri ka minem bo bu ni Yesu Kristo yo kun ni, bu nya ngoo.

² M sukere ahin kadasi n ma woro Timoti bo a ti ka m wa koroowa n wo.

Ya Si Nyeme, ni ya Mibie Yesu Kristo buka u, na bu si u anunfo, na bu ma u ahoreda.

Kabo Pɔɔlu maari Timoti ahoresi ka i yo juma barasu ni

³ M da Nyeme asi, yiri ye m su i ni sunsunni kpa, kabo m nam yo suuri i ni. M sere Nyeme so o, kongue ni wiesu, na m nati suda i asi ma u. ⁴ M tenge su kabo a yo suunri ni nyunvuin ni, m wara ado u, m koro ka m nu u, adena m ahore jo. ⁵ M wara fi ma u yarada n bo a yo i nahore su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka woro mmoo la i so o. ⁶ Nyini dee ti, aceeri n bo Nyeme Awiewie Casi n fa ceeri u ni, sangha bo m faari m saa nanaari u nu, na m sereeri Nyeme maari u ni, m koro ka m tenge u su ka a kaaki ye i su fa yo juma. ⁷ Dama Awiewie Casi n bo i fa maari ya ni, wo fa ama ma ya ka ya yo serefom wo, ama, i fa maari ya ka i buka ya fanja na ya koro minem na ya la tarabunu wo.

⁸ Nyini ti, ma a ma nyinse ti u ka a kan Mibie n jore n kere minem, wara ma a ma nyinse ti u ka m wo dansaraka nu, Kristo dee ti. Ama, woro mmoo di wahara fa ko labari kpa n kan su, kabo m diiri i ni, na Nyeme ma u fanja na a koro mindi de i. ⁹ I deeri ya tii ji wo, na wo fere ya ka ya yo i dee tiengu minem, ma ka ya sakpa bo ya yo i n dee ti, ama, i dee kunnu koroowa ni i ahorma n dee ti a. Sangha bo i nya yi ma durunya ni, ye i yoori ya nyini sakpa n a, Yesu Kristo dee ti. ¹⁰ Ama, kisa na Yesu Kristo, yiri bo i ti ya Tiidefo n aba durunya n nu ni, ya nu Nyeme koro ni. Labari kpa n dee ti, ya si ka Kristo akunma yiwee fanja, na ya koro nya ngoo n bo i la ma awieeri ni.

¹¹ Nyeme ayi m ka m yo Yesu jaramasa na m kan Nyeme labari kpa n kere minem, ¹² nyini dee ti ye m di ahin waharam n kere n a. Ama, nyinse ti ma m, dama m si sono bo ma daafi i nu ni, na labari kpa n bo wo fa ama m ni, m si tenle su ka i koro nie i su fa ko ju haari jina een. ¹³ Bitanone n kere bo ma kan akere u na i ti nahore n kenken, na a yo yarada na a koro minem, kabo ya ni Yesu Kristo ayo kun n dee ti. ¹⁴ Bitanone labari kpa n nyunyumi. I ti aceeri kpiri wo, ye Nyeme afa awura u saa nu a. Awiewie Casi n bo i wo ya do n buka u, na a bita i nyunyumi.

¹⁵ A si ka yaradayofom kere bo bu wo Esiya dee awore n nu ni, fa sangha ni Figelosi ni Hemogenesi n kere, anmati ayaki m. ¹⁶ M sere Nyeme ka i si Onesiforosi dikafom kere anunfo, dama sangha kere yiri titi m nyunu a. Nyinse ati ma i ka m wo dansaraka nu, ¹⁷ ama, i ba juuri Roma mie kpiri n nu fen ni, i nienieeri m busu wo ni anyumboro, haari na wo ba anu m. ¹⁸ M sere Nyeme ka i si Onesiforosi anunfo, jina

εεν. Woro ni u tii kaaki si buka bo i fa bukaari m barasu, sanƙa bo m wo Efeso mie kpiri n nu ni.

2

¹ Nyini deɛ ti, woro m wa, ahoroɓa n bo Yesu Kristo ma a diiri i n deɛ ti, ma a yoroƙi u ɗu, yo u ɗu kenken. ² Jore n bo a tiiri i m do, na mine beberebe woori do tiiri i ni, fa wura minem bo bu la dabuɗu n saa nu, na bere gusu koro fa kere nyingam. ³ Kabo a ti Yesu Kristo deɛ soja kpa ni, yo siriya na woro mmoo di wahara n kabo nyingam di i barasu ni. ⁴ Sono bo i yo soja juma, i cece wo ma juma bo i ti ma soja juma nu, se i deɛ la ka i yo i soja juma a, na i yo i kpien fie. ⁵ Bekun, sono bo i ɗmati ɗmatiiri ka i nya teremasu na i nya aceeri, ma ka i mi asu atin bo bu fa kere nyini deɛ ɗmatiirifom n su, i koro nya ma aceeri ni. ⁶ Dodoorifo bo i yo juma nahore su ni, wo yo daka ka yiri du mo nya diire fofore n be di a. ⁷ Sunsun fa ko deke bo m suse u n su, na Mibe n buka u na a ti i kere bu.

⁸ Tenje su fa ko Yesu Kristo jore n su, ka i fiteeri Feme Davidi deɛ busu n nu wo, ye i wuuri a, na wo tenje i yiwee n nu, m labari kpa n lee, so ye m kan i a. ⁹ Labari kpa n deɛ ti, ye m di wahara n a, haari ba wura m joroƙo ase ka m ti satieyofo o, ama, Nyeme deɛ noanie n yiri, i wo ma joroƙo nu. ¹⁰ Nyini ti, minem bo Nyeme ayi bu ka bu ti i deɛ minem n deɛ ti, ma mindi ade deke n kere, adena bere mmoo nya tiide n bo i fite Yesu Kristo do ni, na i ma bu jirima n bo i la ma awieeri Nyeme do ni. ¹¹ Ahin jooƙowa n ti nahore wo, bo i ɗa,
“Nzen ya ni yiri sanƙa wuuri,
ya ni yiri ba sanƙa nya ɗoo.

¹² Nzen ya mindi suuri i,
ya ni yiri ba sanƙa di i femeya n a.

Nzen ya keteeri i,
yiri gusu ba kete ya.

¹³ Nzen yere la ma dabuɗu,
yiri la dabuɗu wo sanƙa kere,
dama i koro kete ma i ɗu.”

Kristo jama n mof bo Nyeme da i ɗu ni

¹⁴ Tenje u minem su fa ko nyini jorem n su, na a se bu ka Nyeme wo u daani, ka ma bu se akuruwa fa ko noanie kereewam bo i la ma kpere, i saaki minem bo bu so bu sui ti nyini noanie n wo. ¹⁵ Boro u nyi na a fa u ɗu ma Nyeme juma na i sun i nu. Na a yo u juma nyunyumi na ma nyinse ti u, na a kere kereewa bo i ti nahore na i ko atin su nyunyumi. ¹⁶ Ma a so u sui ti jore ɗgbɛɛnɗgbɛɛnm bo bu ko ma nyemesu atin su ni, dama i ma minem wo dede ni Nyeme wo, na bu yo satie ko sin su. ¹⁷ Nyini kereewam so ti ka kambue bo i wie ma na i tereki sanƙa kere wo. Mine nnyom bo bu kere nyini kereewam n la Himenasi, ni Filetosi, ¹⁸ bere kere ka sanƙa bo minem wu na bu tenje bu yiwee nu asin n a. Ahin kereewam n ti kore wo, nyini kereewa n so ma mine nbem ɗunie ayoroƙi bu fa ko bu yarada bo bu la i n su wo. ¹⁹ Ama, deke bo Nyeme ayi akere i jama ni, i ti ka fa bumboori seewa a, pui koro kankan ma i. Nyini fa bumboori seewa ni, ye ba kere ahin noaniem n ago su n a, ka, “Micera n si minem bo bu ti i deɛ minem ni,” na “Bo bu ɗa bu ti Micera n deɛ n kere, i ti ye ni ka bu yaki satieyo.”

²⁰ Ya si ka awuru kpiri nu la taale ni ayaba barasu barasu kere, bu faari jete ni sika yoori nbem a, na nbem gusu ti baka ni yakati dee. Bu fa nbem fa yo juma ceenkpiri ceen, na bu fa nbem gusu yo juma ceen n kere ceen. ²¹ Nzen sono kere bo i yi i nu fiteeri nyini kore kereewam n nu, Nyeme fa i mi yo ka ceenkpiri ayaba a, dama wo fa i nu ama Mibie ni, na i yo juma kpa bo i kun kperere ma i, ma pui ti, wo sese i nu su ka i yo juma kpa ma i Mibie ni.

²² Tara u nu fa ko ngbefenem konviki tie sam su. Boro u nyi, na a yo sa bo i ko atin su, na a yo Nyeme yarada, na a koro minem, na a la tanalaife, nyini ma a buka minem bo bu su Nyeme ni ahore casi n su a. ²³ Ama, ma a fa u nso bo sinnzinya jorem n nu, ni bisaawa ngbeenngbeenm. A si ka nyini n so kpura mine tii wo. ²⁴ Wo yo daka ka ma Mibie n akoo n suse akuruwa. I ti ye ni ka i yo aye ma sono kere, na i koro fa sawore kere minem Nyeme jore n nyunyumi. ²⁵ Haari minem bo bu se i akuruwa ni mmoo, i ti ye ni ka i fa sawore ni bere, na i kere bu atin bo bu fa i, beni, a nu ka Nyeme ma bu kaaki bu wo na bu si nahore atin ni. ²⁶ Nyini ma bu kaaki fa sunsunni kpa na bu nmati fite toroku n nu a, bo Sitana n aso atara bu na i ma bu yo i koroowa ni.

3

Fa ko durunya n awieeri su dee jore

¹ M koro ka a si ka, fa ko durunya n awieeri, i yo kekereke. ² Mine yo anyii sam, na bu koro nwaa agaya, na bu fo, na bu sunsun ka bere ngumi wo bere a, na bu kpie mine nzuko, na bu de ma bu wufom nwanie, na bu si ma aye, na bu kete Nyeme woowa casi n jore, ³ na bu koro ma minem, na bu si ma anjifo, na bu saaki minem duma, na bu la ma tarabu, na bu yo wi, na bu kpo deke kere bo i ti kpa. ⁴ Na bu la ma dabu, na bu yo sa bo bu sunsun ma bu, na bu la karambani agaya, na bu koro bu tii di tara nyemesu, ⁵ na bu yo bu nu ka bu su Nyeme atin n su wo, ama, na bu kete Nyeme yiko ni. Ma a dodo nyini minem so. ⁶ Bu nbem nati wura awuru awurum nu wo, na bu bo nbaram bo bu la ma tarabu n anofie na bu su bu su. Nyini nbaram so satieyo akunma bu, na bu yo bu kunnu koroowam. ⁷ Sangha kere bu ti kereewam wo, ama, bu koro si ma nahore atin n fieo. ⁸ Kabo Janesi ni Jambaresi yo keteeri jore kere bo Moyisi yo jooori ni, so ye ahin kore kerefom n gusu akete Nyeme nwanie n a. Bu sunsunni yo ma juma, na ba kete yarada atin n su su ni. ⁹ Ama, bu juma koro ko ma i nyunu, dama sono kere ba si ka bu ti sinnzinm wo, bu si ma pui. Kabo mine yo siiri ka Janesi, ni Jambaresi yo ti sinnzinm ni.

Poolu awieeri su dee nwanie bo i fa maari Timoti ni

¹⁰ Ama, woro yiri, a nu m kereewa, ni m woowa, ni m sunsunni bo m taraari i ni, ni m yarada ni, ni m sawore ni, ni m koro, ni m mindi ni, ¹¹ ni m wuwuruwa bo bu kereeri m ni, ni wahara bo m diiri i n su. A si sam bo bu tuuri m, mie kpirim n bo bu fere bu ka Antiyoki, ni Ikoniyom, ni Lisitira ni, ma wuwuruwa lee ye minem kereeri m a. Ama, na Mibie n ayi m afite nyinim kere nu. ¹² Sono kere bo i koro ka i su Nyeme atin su na i ni Yesu Kristo yo kun, i mi nu wuwuruwa, ¹³ na mine tiem ni kerefo kerefom yo satie ko sin su, bu dadaka mine,

na mine dadaka bere gusu. ¹⁴ Ama, wɔɔ yiri, nahɔɛ atin n bo bu fa kereeri u, na a yoori i yarada nahɔɛ su ni, su i su ɔɔ, dama a si minem bo bu kereeri u nyini atin ni. ¹⁵ A si ka fite u kaan nu kere, ye a sɔnsɔnri Nyeme Jɔɛ Kadasi n kere n ye a siiri i a. Nyini koro ma u alecira a, na a yo Yesu Kristo yarada na a nya tiide. ¹⁶ Nyeme Jɔɛ Kadasi n bo ba kere i n kere fite yiri dɔ a, na i la kperɛ bo a koro fa kere minem nahɔɛ atin ni, na a fa kan sɔnɔ bo i yo satie ndie, na a fa kere sɔnɔ atin fa kɔ deke bo i kɔ má atin su, na a fa kere sɔnɔ na i yo sa bo i ti kpa. ¹⁷ Nyini n kere koro ma sɔnɔ kere bo i su Nyeme kpama bi a, na i koro yo juma kpa barasu kere.

4

¹ M suma u nɔanie lee, Nyeme ni Yesu Kristo n nyunu, yiri bá di ngɔɔfɔm ni yiweefɔm n jɔɛ a, na i bá di femɛ na i nie i minem su. ² Boro u nyi kan Nyeme nɔanie ni, sukan i sanɔa kere. Tenɔge yarada-yofɔm su fa kɔ kereewa bo i kɔ atin su. Jaraki bu na bu yaki satieyo. Joɔ bu dɔ na bu yo sakpa buka su. Na a yo sawɔɛ ni nyini n kere na a kere bu nyunyumi. ³ Dama fa kɔ fa ba, minem kóro má ka bu so bu sui, na bu ti Kristo kereewa n bo i kɔ atin su ni. Ama, bu sú bu dɛɛ koroowam su wɔ, na bu tien kerefɔm dɔngɔ nɔɔ bo bu kere bu dekem bo bu koro ka bu ti i ni. ⁴ Bu káaki bu sin bo nahɔɛ atin ni, na bu só bu sui ti kɔɛ jɔɛm. ⁵ Ama, wɔɔ yiri, tara u ŋu sanɔa kere, na a mindi ni wahara di, na a boro u nyi kan Yesu labari kpa n jɔɛ, na a yo u juma n kere kabo Nyeme koro ka a yo i ni.

⁶ Mini yiri, sanɔa n aju bo bu yí m ngɔɔ ni, Yesu Kristo dɛɛ ti, sanɔa n aju bo m fite durunya n nu fen. ⁷ Ma boro m nyi atu ngoni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri ŋminda m, dama wɔ de m ka m yo sa bo i kɔ atin su i dɔ ɔ. Ya Mibie Yesu Kristo, yiri di minem jɔɛ ye i kɔ atin su a, yiri fá nyini teremasu aceeri n ce m jina cɛɛn a, má mini ngumi, ama, sɔnɔ kere bo i koro Yesu na i tana ŋminda ka i ba n a.

Pɔɔlu ni i tii jɔɛ lee

⁹ Yo anie na a bra m dɔ kisa kisa. ¹⁰ Dama Keresensi akɔ Galatiya awɔɛ n nu, ye Titosi akɔ Dalamatiya awɔɛ n nu. Demasi anmati ayaki m, wɔ kɔ Tesalonika mie kpiri n nu, kisa i koro ka i wo kabo durunya n nufɔm wo n wɔ. ¹¹ Luka ngumi wo m dɔ a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso mie kpiri n nu. ¹³ A ŋa a ba, bita m ayere tanlee n ba ma m, bo m yakiiri i Tɔrasi mie kpiri n nu, Kapusi dika ni. Fa m kadasim n gusu bita m nu, maala bo ba fa nenɔndɔɛ ŋuma ayo bu ni.

¹⁴ Alekizanda bo i ti tunmi n ayo m satie agaya, Mibie ni tó i kaari fa kɔ sa bo wɔ yo i n su a. ¹⁵ Si u ŋu sa ni yiri, dama wɔ jina su kekereke akete nɔanie n bo ya kan i ni. ¹⁶ Ciciri su bo m sukan na m de m tii jɔɛ diibiri ni, be ajina má m sin, bu kere ŋmati yakiiri m wɔ. M sere Nyeme ka i fa bu ngasi ce bu. ¹⁷ Ama, na Mibie n ajina m sin a, na wɔ ma m fanɔa, na ma koro akan labari kpa n akere minem, na bo bu ti má Yudaɔm n kere akoro ati. Na wɔ de m afite minem bo bu koro ka bu kun m n saa nu. ¹⁸ Yiri Mibie ni yí m fite jɔɛ tie kere nu a, na i fá m kɔ wura i femeya n nu angoro ni laifie a. Jirima bambaka ti i dɛɛ sanɔa kere. Ami.

Awieeri su dεε anse yoowa ni

¹⁹ Bisa Pirisila ni i hun Akuyila fa tu Onesiforosi dikafom kere dongu ma m. ²⁰ Irasitisi kaari Korinto mie kpiri n nu wo, na ma yaki Torofimosi gusu Miletosi mie kpiri n nu, dama wo la ma i nu. ²¹ Yo anie na a bra ka, na fufuku nya ju. Ya ninbaam bisa u dongu, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibie n wo ni woro. Nyeme buka am kere.

Pɔɔlu kadasi bo i kerɛ fa maari TITOSI ni

¹ Mini Pɔɔlu sukere ahin kadasi n a. M ti Nyeme akoo o, na m kaaki ti Yesu Kristo jaramasa. Nyeme ayi m na wo sunma m ka m ko buka minem bo wo yi bu n na bu yarada yo biiwa, na bu si nahore fa ko Nyeme atin n su. ² Kana Nyeme ba yiiri durunya n ni, i yo seeri ka i ma ya ngoo n bo i la ma awieeri ni. Nyeme bu ma kore. Nyini ngoo n tama dee ti, ye ya la yarada ni si jina kun su n a. ³ Na sangha n ba juuri ni, na wo yi i noanie n afite fofoe nu, na wo fa ama m ka m ko kan i kere minem. Nyeme ni i tii, yiri bo i ti ya Tiidefo ni, maari m noo ka m ko kan i noanie n a.

⁴ Mini Pɔɔlu sukere ahin kadasi n ma woro Titosi a. A ti m wa a, nahore su, dama m ni woro kere asanga ayo Yesu Kristo yarada. Ya Si Nyeme ni ya Tiidefo Yesu Kristo buka u, na bu ma u ahoreda.

Juma bo Pɔɔlu na Titosi yo i Kereti asien n su ni

⁵ Deke bo i ti na m yakiiri u Kereti asien n su n la ka, m koro ka a yo juma n bo wo wie ma n wie, na a sese i su, na a yi Kristo jama nkpienkpienm se miem kere su, kabo m seeri u ni. ⁶ Nyini nkpienkpienm n kere bo a yi bu ni, i ti ye ni ka bu be la ma ngasi be. I ti ye ni ka bu ja bara kun n kpein. I ti ye ni ka bu nbaam yo Kristo yarada, na be koro jaraki ma nbaam ka bu nati yo sa ngbeenngbeen na bu de ma bu wufom noanie. ⁷ Nyeme afa i juma n awura nkpienkpienm saa nu n dee ti, wo yo daka ka, ma bu la ngasi be. I ti ma ye ni ka bu ti anukerefom, wara bu fa yaa ndende, wara bu nu nzan agaya, wara bu ti aluwa korofom, wara bu koro nwaa agaya. ⁸ Ama, i ti ye ni ka nkpienkpienm kere ti minem bo bu de wofom, na bu ti minem bo bu koro sakpayo, na bu la tarabu, na bu yo sa bo i ko atin n su, na bu ti casi, na bu bita bu nu. ⁹ I kaaki ti ye ni ka bu ti minem bo bu bita Nyeme noanie n bo i la dabu, n kenken, kabo ya kereeri bu ni, adena bu koro fa kereewa n bo i ti nahore n fa kere minem na bu nya ahoresi, na bu kaaki koro kan kere minem bo ba kete nyini kereewa n kabo ba mini barasu ni.

¹⁰ Dama minem dogu wo bere bo ba kete kereewa bo i ti kpa ni, na bu sujjo jore ngbeenngbeen na bu sudadaka minem, maala yaradayofom bo bu toko bita Yudafo sayoowa ni. ¹¹ Ma bu mo bu noo, dama bu sufa nyini kereewa n bo i ti ma ye ni ka bu fa kere ni, sufa saaki awurukpa lee. Nwaa dee ti ye bu yo so a. ¹² Haari bere Keretifom mmoo dee tiengu sifo be yo seeri ka, "Bere Keretifom ti korofom wo dada kere, na bu ti ka boro nenge tiem, na bu ti nviyafom, ni ayaa kpirifom wo." ¹³ Kabo i yo seeri n ti nahore wo. Nyini dee ti, jaraki bu, na bu yarada yo fanga, ¹⁴ na ma bu su Yudafo nana jorem su, na ma bu su deke bo minem bo ba kete nahore n akpama i n su. ¹⁵ Minem bo bu woowa ti casi ni, deke kere ti casi wo bu do, ama, minem bo bu woowa ti ma casi na bu yo ma Yesu Kristo yarada ni, deke be mmoo ti ma casi bu do. Bu sunsunni, ni bu ahore kere ti fin wo, na nzen haari bu yo satie mmoo, bu si ma ka i ti satie. ¹⁶ Bu na bu si Nyeme, ama, bu

sayoowa kere ka bu si má i, dama bu sayoowa kere ti ciire wɔ Nyeme dɔ, na bu de má Nyeme nɔaniɛ ni, na bu koro yo má sakpa be.

2

Kereewa n bo i ti kpa n dɛɛ jɔɛ

¹ Ama, wɔɔ yiri, i ti ye ni ka a fa kereewa bo i ti nahɔɛ na i kɔ atin su, na a sufa kere yaradayofɔm ni. ² Se nbiɛsɔ anyunufɔm ka, bu bita bu ɲu, na bu yo sa bo i la anyunuyi, na bu la tarabuɲu. Kaaki se bu ka, bu ma bu yarada yo faɲga, na bu koro minem nahɔɛ su, na bu la mindi nahɔɛ su. ³ Se nbara anyunufɔm gusu ka, bu ma bu woowa kere ka bu soro Nyeme. Nyini la ka, má bu susaaki mine duma, na má bu ma nzan ja bu. Kaaki se bu ka, bu kere kereewa kpa, ⁴ na bu tu tarawam fɔ ka, bu koro bu hunm ni bu nbaam, ⁵ na bu la tarabuɲu, na bu ma bu woowa ti casi, na bu bita bu awurum nyunyumi, na bu yo sakpa, na bu de bu hunm nɔaniɛ, adena má be koro bu Nyeme nɔaniɛ ni ɲgbɛɛn. ⁶ Tu ɲgbɛfenem gusu fɔ ka, bu tara bu ɲu, ⁷ ni deke kere. Wɔɔ mmɔɔ ni u tii, ma u sayoowa kere kɔ atin su, na minem ɲu i, na bu sɔn u su. Fa sunsunni kpa ni atin bo i la jirima fa kere minem ⁸ kereewa kpa, na be koro kan má jɔɛ be. Kere bu sɔ, adena minem bo bu kete ya kereewa n di nyinse, dama bu ɲu má ɲgasi be bo bu fa saaki ya. ⁹ Se akɔɔm gusu ka, bu de bu mibiɛm nɔaniɛ, na bu yo sa kere bo bu mibiɛm koro, na má bu se jɔɛ be. ¹⁰ Kaaki se bu ka, má bu wɔ awie mumuku, ama, bu kere ka bu la dabuɲu deke kere nu. Nzen bu yoori sɔ, bu woowa kpa ni kere minem ka, Nyeme, yiri bo i ti ya Tiidefɔ ni, i dɛɛ kereewa n ti nahɔɛ wɔ.

¹¹ Dama Nyeme ayi i ahɔɔma afite fofoe nu, na sɔnɔ kere nya tiide. ¹² I ahɔɔma ni kere ya ka ya yaki sam bo bu kɔ má nyemesu atin n su a, ni dekem bo bu wura ya konvi durunya n nu ni, na ya tara ya ɲu, na ya yo sa bo i kɔ atin su, na ya bita nyemesu atin, ahin durunya n bo ya wo nu ni. ¹³ Ya yo ahin na ya ɲminda deke n bo ya la i tama bambaka ka i fite fofoe nu, yiri la ya Mibiɛ Yesu Kristo, kabo i fite fofoe nu ni i jirima woowa ni. Yiri ti ya Nyeme kpiri, ni ya Tiidefɔ a. ¹⁴ Yiri wu maari ya, adena i ma ya nya ya tii, na i yi ya fite ya satɛ nu, na i kpakpara yi ya fin kere, na i yo ya casi, na ya yo i dɛɛ minem bo bu nyunu aboro sakpayo su.

¹⁵ Ahin kereewam kere, fa kere yaradayofɔm, na a ma bu ahoresi, na a kan bu ndiɛ. Fa yiko n bo Nyeme afa ama u n yo sɔ, na má a ma be bu u ɲgbɛɛn.

3

Kabo yaradayofɔm wo ti barasu ni

¹ Tenge yaradayofɔm su ka, bu yo bu ɲu benle ma nfemem ni gomina nkpienkpiɛnm, na bu de bu nɔaniɛ, na bu kpa bu ɲu na bu yo sa kere bo i ti kpa, ² na má bu saaki minem duma, na má bu se akuruwa ni minem, ama, bu yo bu ɲu kaan, na bu yo bu ɲu benle ma sɔnɔ kere.

³ Má pui ti, yere mmɔɔ ni ya tii yo ti sinnzinm wɔ, ya si má Nyeme jɔɛ, na ya kaaki de má i nɔaniɛ, na ya mini i atin ni, ya yo ti minem bo ya yo deke kere bo i wura ya konvi wɔ, na ya suyo ya sa koroowa, na ya la aɲunkpini, na ya si kɔɛ, na ya yo ti minem bo minem kpo

ya a, na ya gusu kpɔ ya beɔgu. ⁴ Ama, haari ni nyini mmɔɔ, Nyeme bo i ti ya Tiidefo ni, yo faari i sakpa, ni i koro kereeri ya, ⁵ na wo nya ade ya tii aji. Má ka ya sakpa yoowa dɛɛ ti, ye i deeri ya tii jiiri a, ama, i aɔunfo si dɛɛ ti. Kabo i deeri ya tii n la ka, i Awiewie Casi ni ɔmisiiri ya a, na wo ma ya wo fɔfɔre, ni ɔgɔɔ fɔfɔre. ⁶ Na Nyeme ama ya Tiidefo Yesu Kristo afa Awiewie Casi n ama ya ako asin su. ⁷ Nyeme yoori so ni, adena ya yó i nbaam, na ya yó tama ka ya nyá ɔgɔɔ n bo i la má awieeri. Nyeme ahɔroma n dɛɛ ti, wo de ya ka ya la má ɔgasi be i do, nyini ti ye wo fa ya ayo i nbaam n a. ⁸ Ahin jɔre n ti nahɔre wo.

M koro ka a kere ahin dekem ni anyumboro, adena bo bu yo Nyeme yarada ni, bu fa bu sunsunni kere yo sa bo i ti kpa. Ahin kereewam n la kperɛ, na bu kaaki ti kpa ma sɔno kere. ⁹ Ama, má a fa u ɔu wura akuruwa ɔgbɛɛnɔgbɛɛn barasu kere nu, ni ya nana Yudafoɔm dumam, ni aluwa ɔgbɛɛnɔgbɛɛnm fa ko Nyeme noanie kpamaawa n su. Ahinm kere ti ɔgbɛɛn wo, bu kunma kperɛ be. ¹⁰ Sɔno kere bo i fa kpakpaakinu ba, i ti ye ni ka a tu i mi fo kpe nnyo ɔ, na nzen wo nya de má i, má a bu i wura am nu. ¹¹ Si ka nyini sɔno n so akete kereewa kpa n lee, na i yo satie bo yiri mmɔɔ ni i tii si ka i ti satie wo.

Pɔɔlu dɛɛ awieeri su noanie bo i fa maari Titosi ni

¹² M súnma Aratema, wara Tikikusi u do, nzen bu be baari, boro u nyi na m ni wɔro sa nu Nikopoli mie kpiri n nu. M koro ka m wo do fufuku sanga a. ¹³ Zena bo i ti jɔredifo ni, i ni Apolosi, bu ba ɔa bu yasu, boro u nyi na a buka bu, na má deke be kpie bu su. ¹⁴ I ti ye ni ka a ma ya minem gusu sɔnsɔn kabo bu boro bu nyi suyo sa bo i ti kpa, na bu buka minem ni deke bo i ti bu miɛewam ni, adena má ya minem ni wo wo ɔgbɛɛn.

¹⁵ M labari n kere lee. Minem bo bu wo m do n kere bisa u. Bisa ya danfom kere bo bu yo Yesu yarada ni. Nyeme buka am kere.

Pɔɔlu kadasi bo i kɛrɛ fa maari FILEMON ni

¹ Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukɛrɛ ahin kadasi n a. Wɔrɔ Filemon bo ya koro u na ya ni wɔrɔ sanɔa yo juma ni, ya bisa u dɔŋgu. ² Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kɛrɛ ti ka soja ni, Yesu dɛɛ atin n su ni. ³ Ya Si Nyemɛ ni ya Mibiɛ Yesu Kristo buka am, na bu ma am ahoreda.

Filemon koro ni i yarada n jɔrɛ

⁴ M niwa Filemon, sanɔa kɛrɛ bo m sere Nyemɛ, m wara fi má u sa, m da i asi ma u wɔ. ⁵ Dama ma ti kabo a yo ya Mibiɛ Yesu yarada ni, ni kabo a koro Nyemɛ minem kɛrɛ ni. ⁶ M kaaki sere Nyemɛ ka i ma wɔrɔ ni bo ba yo yarada na am sanɔa su Nyemɛ ni la wo fie, nyini ma a si nahɔrɛ su kabo Nyemɛ afa deke kpa ama ya, Kristo dɛɛ ti. ⁷ M niwa, koro n bo a bita i ni, wɔ ma m ahore ajo agaya, na wɔ kaaki ama m ahoresi, dama wɔrɔ dɛɛ ti, Nyemɛ minem anya ahoresi.

Kabo Pɔɔlu taraari Filemon jaa maari Onisimɔ barasu ni

⁸ Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. ⁹ Ama, m koro u n dɛɛ ti, ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. ¹⁰ Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. ¹¹ Sanɔa be, i yo kun má kperɛ be ma má u, ama, kisa, i kun kperɛ ma wɔrɔ ni mini kɛrɛ wɔ.

¹² Yiri bo m koro i ni m ahorembaa kun ni, ye m suma i ba u dɔ n a. ¹³ Kabo Nyemɛ jɔrɛ kaanwa n dɛɛ ti na m wo dansaraka n nu ni, má m koro ka i wo m dɔ fen na i buka m, kabo má wɔrɔ wo fen na a buka m ni. ¹⁴ Ama, m koro má ka m yo deke be bo a soro má su, ama, m koro ka wɔrɔ mmɔɔ ni u tii buka m u koroyanu, má ka i yo ka m miɛ u wɔ. ¹⁵ Beni, Onisimɔ fiteeri u saa nu ni, wɔ cɛ kaan, adena i ba kaaki ba wo u dɔ sanɔa kɛrɛ. ¹⁶ Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔrɔ koro i tara ɔ. I ti u akɔɔ ɔ, ama, Mibiɛ n dɛɛ ti, i kaaki ti u niwa a.

¹⁷ Nyini ti, nzen a fa i ka m ti u matafo, de i kabo má a de m ni. ¹⁸ Nzen wɔ do u ŋgasi be, wara i bita u kaari, ma nyini kaari n yo m dɛɛ kaari. ¹⁹ Mini Pɔɔlu ni m tii sufa m saa sukɛrɛ ahin jɔrɛ n a, ka m tɔ kaari n kɛrɛ bo i bita i n ma u. M kaaki koro se u ka, m kaari su u su, fa kɔ u ŋgɔɔ bo a nyaari i Yesu dɔ ni. ²⁰ Nyini ti, m niwa, m koro ka a yo ahin sakpa n ma m, Mibiɛ n dɛɛ ti. Kabo ya kɛrɛ ti nibaa Kristo dɛɛ ti ni, da m ahore.

²¹ M la ahoresi ka a dé m nɔaniɛ ni, nyini ti ye m sukɛrɛ ahin kadasi n a. Na kabo ma se ni, m si ka a yó i kɔ tara ɔ. ²² Bo i buka su la ka, m koro ka a yo ɔɔ dɔŋgu se m, dama m la tama ka Nyemɛ bá de am sere, na i má m kaaki ba am dɔ.

Pɔɔlu awieeri su dɛɛ anse yoowa ni

²³ M lamoko Ipafarasi bo m ni yiri wo dansaraka nu, Yesu Kristo dee ti ni, i na m bisa u dogu. ²⁴ Marako, ni Arisitakusi, ni Demasi, ni Luka kere gusu na m bisa u dogu, m ni bere sanja yo juma. ²⁵ Ya Mibie Yesu Kristo buka am kere.

Kadasi n bo bu kere fa maari HIBURUFOM ni

Nyeme noanie n bo i jɔɔ fiteeri i Wa n do ni

¹ Dawa sanɔa Nyeme yo faari i noanie maari i noanie kanfom wɔ, sanɔa barasu ni atin barasu barasum, na bu sukan i kere ya nam.

² Ama, ahin awieeri su sanɔa n bo ya wo nu ni, Nyeme afa i Wa n su ye i fa i noanie n jɔɔ ya sɔ a. Nyeme maari yiri yiiri durunya n a. Na wɔ se ka, awieeri su, deke n kere bá yo i deɛ wɔ.

³ I jirima woowa wein ni kere kabo Nyeme ti a. Kabo Nyeme ti ni, i woowa ti sɔ ɔ. I noanie n bo i la yiko ni, i fa nyini bita durunya n kere a. I faari i ɲu fa yoori yoowa, adena Nyeme fa adamande satie ce i. Nyini deɛ sin, na wɔ nya akɔ atana aɲgoro, Micera Kpiri n saa fombɔɔ su. ⁴ Nyeme maari i jinaabiri bambaka bo i tara i merékem deɛ, na wɔ kaaki ama i duma bo i tara bu deɛ ni.

Kabo Nyeme Wa n tara i merékem barasu ni

⁵ Dama kabo Nyeme seeri i Wa n ni, ka,

“Wɔɔ ti m Wa a,
nyuma, m káaki u Si,”

wɔ se má i meréke n be sɔ. Bekun, i ɲa

“M yó u Si,

na u gusu yó m Wa.”

⁶ Sasu bekun, sanɔa bo Nyeme yo ɲa i sunma i Wa kun n kpein n durunya n nu ni, na wɔ se ka,

“Ma Nyeme merékem kere su i.”

⁷ Fa kɔ kabo Nyeme jɔɔɔri i merékem jɔɔɔ ni, i ɲa,

“Mini, m ma m merékem yo bu juma

kabo aɲuma, ni sin yo bu juma barasu n wɔ.”

⁸ Ama, kabo Nyeme jɔɔɔri i Wa n do ni, i ɲa,

“Wɔɔ ti Nyeme a, u femeya bie n la má awieeri.

A bita u femeya n ni nahɔɔɔ atin su wɔ.

⁹ A koro sa bo i kɔ atin su wɔ,

na a koro má sa bo i kɔ má atin su a.

Nyini deɛ ti ye Nyeme ayi u a,

ye wɔ ma u ahoreda bo i tara u bengum kere n a.”

¹⁰ Na Nyeme akaaki ase i Wa n ka,

“Ya Mibie, bumboori ni, wɔɔ yiiri asiɲgu a.

U sa bo a yoori i deɛ ti, ye aɲgoro wo bere a.

¹¹ I kere bá ka ɲgbeen wɔ,

ama, wɔɔ wo bere wɔ sanɔa kere.

Aɲgoro n ni asiɲgu kere yó dawa

kabo sutura yo dawa barasu n wɔ.

¹² A pɔɔndi bu ka sanvuin bo wɔ do wɔ,

na a bá kaaki i fɔfɔɔɔ.

Ama, wɔɔ kaaki má fieo,

na u afɔ la má awieeri.”

¹³ Na Nyeme akaaki ase i Wa n ka,

“Ba tana m saa fomboro su fen,
haari m bá ma a kunma u kpofom na a nana bu kere nu.”
Kabo i seeri so ni, wo nya ase má i mereke n be so.

¹⁴ Ye i merekem ti nzum wo? Bu ti awiewiem bo bu su Nyeme wo, na i sunma bu na bu ko buka minem bo bu bá nya tiide ni.

2

Tiide bambaka n jore

¹ Nyini dee ti, wo yo daka ka ya bita Nyeme noanie n bo ya du mo ati i nyunyumi, adena má ya mini. ² Ya si ka noanie n bo Nyeme yo fa maari i merekem, na bu kan kereeri ya nam ni, i ti nahore wo, na minem bo bu tiiri i na bu keteeri, na ba de má i ni, bere nyaari suicin n a. ³ Nzen yere gusu keteeri nyini noanie kpiri n bo i kere kabo Nyeme de ya tii ji ni, ya yo se koro fite nu na ya nya má suicin a? Ahin tiide n bo ya kan i jore ni, Mibie n ni i tii du mo kan kereeri minem a, na bo bu tiiri i n adi i daani, ase ya ka i ti nahore wo. ⁴ Nyini sangha n na Nyeme mmoo adi i daani abuka su, yiri la bo i yoori alekutura sa barasu barasum kereeri i yiko, na i maari minem nyaari i Awiewie Casi n acerim kabo i koro barasu ni.

Yesu ti adamandem goroo

⁵ Nahore, Nyeme afa má durunya fofore n bo ya kan i jore, na i suba ni, awura má i merekem saa nu. ⁶ Ama, be akere i Nyeme Jore Kadasi n awore be nu, ka,

“Ya Micera Nyeme, adamande gusu ti nzu wo,
ye u cee wo i nu a?

Adamande wa ti nzu wo,
ye a nie i dika?

⁷ Kabo a yoori i ni, a ma i jinaabiri kpieeri su sangha kaan afien ni u merekem dee,

na a nya awura i kpiri na a ma i jirima bambaka,

⁸ na a fa deke kere awura i saa nu.”

Ba kere i Nyeme Jore Kadasi n nu kabo Nyeme afa deke n kere awura adamande saa nu ka i nie i dika ni, nyini kere ka deke be wo má bere bo i ti má i dee. Ama, kisa, kabo i ti ni, ya nya nu má i so. ⁹ Ama, ya nu Yesu kabo Nyeme yoori i ni, i ma i jinaabiri kpieeri su sangha kaan afien ni i merekem dee wo. Na i dee ahoroma n nu na wo wu sono kere dee ti. Kisa, wahara n bo i diiri i na i wu n dee ti, Nyeme awura i kpiri, na wo ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dee ti, ye i ma Yesu ba diiri wahara n a, adena i yo minem mofa bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wo yo bu casi n sangha Si wo. Nyini dee ti, i la má i nyinse na i fere bu ka i ninbaam n a. ¹² Na wo se Nyeme ka,

“M bó u дума kere m ninbaam.
Na sangha kere bo bu tienri bu noo,
m dí jue kansi u дума.”

¹³ Na wo kaaki ase ka,
“Mini, m daafi Nyeme nu,”

Na wɔ kaaki ase bekun ka,

“Mini ni nbaam bo Nyeme afa ama m ni, yere yaa.”

¹⁴ Kabo nbaam n ti adamande ni, nyini dɛɛ ti ye yiri mmɔɔ kaakiiri adamande a, adena i wu na i yo sɔɔ bo i la yiwee yiko ni ngbɛɛn, yiri la Sitana a, ¹⁵ na i de minem tii ji, bere kere bo bu ngɔɔ su na bu soro yiwee n dɛɛ ti, na ba kaaki akɔɔm ni. ¹⁶ I ti nahore wɔ ka, má merɛkem ye i buka deeru bu tii a, ama, Abraham busu nufɔm ye i buka deeru bu tii a. ¹⁷ Nyini kere ka, wɔ yo daka ka i woowa ti ka i ninbaam i deke n kere nu wɔ, adena i yo Nyeme sayoowa dɔnguyofɔm kpɛɛn bo i la dabuɔu na i si anɔnfo fa kɔ i nyemesu n nu, na i fa i ɔu yo yoowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba sɔ i ngɛɛ na bu nie ni. Nyini dɛɛ ti, ye i koro buka minem bo bu sɔ bu ngɛɛ na bu nie n a.

3

Kabo Yesu tara Moyisi barasu ni

¹ M ninbaam, ambere bo Nyeme ayi am ni yere ka matafo casim ni, am fa am sunsunni se Yesu ɔu, yiri bo Nyeme asunma i na i ti ya sayoowa dɔnguyofɔm kpɛɛn n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahore su wɔ, kabo Moyisi mmɔɔ yo yoori i juma kere Nyeme awuru n nu, bukaari Nyeme minem ni nahore su n wɔ. ³ Kabo sɔɔ bo i ta awuru n la jirima tara awuru n ni i tii ni, sɔ ye Yesu la jirima tara Moyisi a. ⁴ Awuru kere la i tafɔ, ama, Nyeme ti deke n kere tii a. ⁵ Moyisi yo laari dabuɔu yoori i juma kere Nyeme awuru n nu, bukaari Nyeme minem n ka amusuisufɔ ɔ, na wɔ kere bu deke bo Nyeme koroori ka i bá se bu ni. ⁶ Ama, Kristo yiri ti Nyeme Wa a, yiri la dabuɔu Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufɔm a.

Nyeme minem ɔumiyi n dɛɛ jɔre

⁷ Nyini dɛɛ ti, kabo Awiewie Casi n se ni,

“Nyuma, nzen am tiiri kabo Nyeme suse,

⁸ má am ma am sui yo tantanantan,

kabo am nam yo yoori bu sui tantanantan na bu yoori Nyeme na bu nie ni,

sanɔa bo bu wo boro kpantain n nu na bu keteeri i nɔɔnie ni.

⁹ Na Nyeme ase ka,

‘Dɔ ye am nam yo yoori m na bu nie a,

haari ni bo bu ɔuuri sam bo m yoori bu,

nyini afo aburana n kere nu ni,

bu yoori m wɔ na ba nie.

¹⁰ Nyini dɛɛ ti ye m faari yaa bu ɔu a,

ye m seeri ka, ba mini atin n a,

dama ba yo má m sa koroowam ni.

¹¹ Na yaa ati m, na ma tan ndie ka,

bu ny má atin wura má asien n bo má m ma bu nya ɔumiyi n nu ni.’”

¹² M ninbaam, am si am ɔu sa na má am be ahorembaa yo kekereke, na i kaaki i sin bo Nyeme, yiri bo i wo bere sanɔa kere n dɛɛ atin ni.

¹³ Cɛɛn kere bo ale acin na bu fere i ka, “Nyuma,” am sutu am benggu fo,

na má am ma be dadaka am na am yo satie na am sui yo tantanantan. ¹⁴ Nzen ya koro bitaari bumboori su noanie n kenken haari ko juuri i awieeri, nyini n kere ka ya ni Kristo sanga yo juma kun wo lee. ¹⁵ Kabo ba kere i Nyeme Jore Kadasi n nu ni, ka, “Nyuma, nzen am tiiri kabo Nyeme suse, má am yo am sui tantanantan,

kabo am nam yo yoori bu sui tantanantan.”

¹⁶ Nmam yo tiiri Nyeme noanie n ye bu yoori bu sui tantanantan n a? Má minem kere bo Moyisi yo yiiri bu fiteeri Ijipiti asien n su ni, nzen se? ¹⁷ Ye nmam ye Nyeme yo faari yaa bu nu afo aburana n a? Má bo bu yo yoori satie na bu wuuri boro kpantain n nu ni? ¹⁸ Nmam ye Nyeme yo taanri ndie ka, “Bu nya má atin wura má asien n bo má m ma bu nya numiyi n nu n a?” Má bere n bo bu yo keteeri i noanie ni, nzen se? ¹⁹ Deke bo i ti na ya nu ka ba wura má asien n su na bu nya numiyi n la ka, ba yo má i yarada.

4

¹ Nyini ti, am ma ya si ya nu sa, na má be fun nyini numiyi n bo Nyeme ase ka i fá ma ya na atin toko wo bere ka ya nya i ni. ² Dama yere mmoo ati labari kpa n kabo bere mmoo yo tiiri i ni, ama, bere ayo má i yarada, nyini dee ti, ye wo kun má kperere ama má bu n a.

³ Ama, yere bo ya yo Yesu yarada ni, ya nya nyini numiyi n bo Nyeme seeri ka i fá ma i minem ni. I ti kabo Nyeme seeri n wo, i na, “Na yaa ati m, na ma tan ndie ka, bu nya má atin wura má asien n bo má m ma bu nya numiyi n nu ni.”

Fite sanga bo Nyeme yiiri durunya n kere wieeri ni, i juma awieeri lee. ⁴ Dama ba kere leso ceen n jore, Nyeme Jore Kadasi n awore be nu, ka, “Nyeme yo yiiri i numi, i jumayoowa kere nu wo leso ceen ni.” ⁵ Ya kaaki anu ka wo joro nyini jore n so ka, bu nya má atin wura má asien n bo m ma bu nya numiyi n nu. ⁶ Bo bu du mo tiiri labari kpa n ni, ba wura má nyini numiyi n nu, dama ba yo má Nyeme yarada. Ama, atin toko wo bere bo nbem nya nyini numiyi ni. ⁷ Nyini dee ti, na Nyeme ma wo ce ka, na wo kpama ceen fofore be, na wo fere i ka nyuma, na wo ma Feme Davidi ajoro nyini ceen n jore, kabo ba kere i Nyeme Jore Kadasi n nu ka,

“Nyuma, nzen am tiiri kabo Nyeme suse, má am ma am sui yo tantanantan.”

⁸ Nzen má Yosua koro maari Yisarelifom nyaari atin wuraari asien n bo Nyeme ma bu nya numiyi n nu, má Nyeme ayo akaaki ase má ka ceen n be wo bere bo i ma i minem nya numiyi kun. ⁹ Ama, kabo i ti ni, numiyi ceen wo bere bo Nyeme ba fa ma i minem. ¹⁰ Dama sono kere bo i nya numiyi Nyeme do, i mi yi i numi fa ko i juma su, kabo Nyeme yo yoori i juma wieeri na i yiiri i numi n wo. ¹¹ Nyini dee ti, am ma ya boro ya nyi, na ya nya numiyi n bo Nyeme ba fa ma ya ni. Ama, má am ma ya be kete Nyeme noanie ni, adena má ya fun numiyi ni, kabo Yisarelifom nbem yo keteeri na bu funri i ni.

¹² Nyeme noanie n la ngoo na i la fanga. I kaaki wo na tara takobe, i kpie wura sono ahorembaa su wo, ni i numi, ni i awiewie nu, na i kpie kpaaki buwe sasuubiri, na i ko kpura boroko nu, na i fiiti sono

sunsunni nu, na i si deke bo i ahorembaa koro, deke bo i ti kpa, ni bo i ti má kpa. ¹³ Deke be wo má bere bo i koro fie Nyeme, dama deke be wo má bere bo Nyeme ayi i na i nyumbaa nu má i. Yiri ye ya kere bá kan ya sayoowa kere i a.

Yesu ti Nyeme sayoowa dɔnguyofɔm kere kpien n a

¹⁴ Kisa, na ya la Nyeme sayoowa dɔnguyofɔ kpien bo i la má anusu, na wo ko angoro, na wo wura Nyeme dika n nu ni, yiri la Nyeme Wa Yesu, nyini dee ti, ye am ma ya bita i dee atin n bo ya na ya yo i yarada n kenken. ¹⁵ Ya dee Nyeme sayoowa dɔnguyofɔ kpien n ti má be bo i koro si má ya anunfo o. I koro si ya anunfo fa ko sangba bo ya fanga akpie su, ni i dee atin su, dama ngeɛ barasu barasu kere bo bu fa so ya ni, bu yo fa soori yiri mmoo so o, ama, haari ni nyini n kere ni, wo yo má satie be. ¹⁶ Nyini dee ti, am ma ya fa ahoresi, na ya cin dodo Nyeme femeya tanaabiri ni, yiri ti ahoromafɔ a, adena i si ya anunfo, na sangba kere bo ya ba koro buka, na i buka ya.

5

¹ Nyeme sayoowa dɔnguyofɔ kpien kere, bo Nyeme yo yiiri i minem n nu ka i yo juma ni, i dee la ka, i jina minem dee jinaabiri Nyeme do, na i de bu aceerim ni yoowam na i fa ma Nyeme fa ko minem satie bo ba yo i n dee ti. ² Yiri mmoo ni i tii koro si minem anunfo bo ba si má na ba mini atin ayo satie ni, dama yiri mmoo fanga akpie su Nyeme do. ³ Nyini dee ti, wo yo daka ka i du mo yo yoowa ma i nu fa ko i ngasi bo wo do i ka, ye i nya koro yo yoowa ma minem kere ngasi n a. ⁴ Be koro wura má i nu kpiri na i se ka i ti Nyeme sayoowa dɔnguyofɔm kpien, má ka Nyeme ni i tii ayi i mi, kabo i yo yiiri Aaron ni.

⁵ Nyini dee ti, Kristo gusu awura má i nu kpiri ayo má i nu Nyeme sayoowa dɔnguyofɔ kpien, se Nyeme yiiri i a, na wo se i ka,
“Woro ti m Wa a,
nyuma, m kaaki u Si.”

⁶ Ba kaaki akere i Nyeme Jore Kadasi n awore be nu ka, Nyeme na,
“Woro ti Nyeme sayoowa dɔnguyofɔ,
kabo Melekisideki busu nu ti n a,
a wo bere so o sangba kere, be de má u.”

⁷ Sangba bo Yesu wo durunya n nu fen ni, i yo sereeri Nyeme ni anyumboro su, na wo bo afere Nyeme na wo sun, ka, i de i fite yiwee n nu. I yo yoori i nu kaan, na i soro Nyeme n dee ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deeri Nyeme noanie ni. ⁹ Sangba bo Nyeme ma i tiiri kabo i koro ka i ti ni, ye wo ma sono kere bo i deeri i noanie n nya tiide bo i la má awieeri n a. ¹⁰ Dama Nyeme yiiri i ka i yo Nyeme sayoowa dɔnguyofɔ kpien, kabo Melekisideki yo ti barasu n a.

Fotu fa ko kabo má ya fa ya yarada n ji ni

¹¹ Má ya la deke dɔngu bo ya kan kere am fa ko jore bo ya jojo i n su, ama, i ti kekereke kabo ya kan teke am nyi, dama am koro ti má i bu ndende. ¹² Sangba bo am boori i bu ka am su Nyeme ni, am ace nu, má am aju bo am sukere minem Nyeme noanie ni, ama, am toko tana koro ka bu kere am dekem bo ba du mo afa akere am, fa ko Nyeme

nɔaniɛ n su. Am toko nu nyufini wɔ, am nya koro di má diire nɔnɔri. ¹³ Dama sɔnɔ kɛrɛ bo i nu nyufini toko ti baakan wɔ lɛɛ, i nya koro si má deke bo i kɔ atin su Nyɛmɛ dɔ. ¹⁴ Minɛm bo bu nyunu ati Nyɛmɛ dɛɛ atin n su, bɛrɛ di diire nɔnɔri a. Ba sɔnsɔn Nyɛmɛ nɔaniɛ ni, na bu su i su kabo i kere ni. Nyini ti ye bu la alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su nɔaniɛ kereewam ngumi su, ama, am ma ya boro ya nyi na ya kɔ mɔ. I ti má ye ni ka ya sukan nyini jɔrɛm ni sangga kere. Nyini jɔrɛm ni la kaaki bu wo, fa kɔ bu satie su na bu yo Nyɛmɛ yarada ni, ² ni kabo bu biɛ bu Nyɛmɛ nzue barasu, na bu fa bu sa nana yaradayofom ɔu ka Nyɛmɛ yo bu kisi, ni kabo minɛ ba wu na bu tenge bu yiwee nu ni, ni kabo Nyɛmɛ ba di minɛ jɔrɛ na be koro kaaki má i kun ni. ³ Nzen Nyɛmɛ soroori su, ya koro kɔ mɔ bo i tara sɔ. ⁴ Minɛm bo ba yo asi ka Nyɛmɛ atin n ti wein, na ba kaaki bu sin abo i ni, bu yo se koro kaaki ba Nyɛmɛ dɔ bekun a? Dama bu yo nyaari Nyɛmɛ acerim wɔ, na ba de Awiewiɛ Casi ni. ⁵ Ba yo asi kabo Nyɛmɛ nɔaniɛ n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minɛm ɔusu koro kaaki ba i dɔ bekun, dama bu sayoowa kere ka bu sukaaki kpama Nyɛmɛ Wa n baka jaanu n su bekun wɔ lɛɛ, na bu suwura i nyinse minɛm nyunu. ⁷ Asien kere bo nzue tɔ sangga kere na minɛ dɔ su, na i yo diire nyunyumi, Nyɛmɛ wura nyini asien n abaraka beberebe. ⁸ Ama, asien bo buwe ni wura ngbɛɛngbɛɛnm fi su na i kunma kperɛ, i cɛ má, Nyɛmɛ yó i ngbɛɛn, na i awieeri su, sin bá yara i kɛrɛ.

⁹ Ama, m ninbaam, haari ni bo ya kan sɔ n kere ni, ya la ahoresi fa kɔ amberɛ dɔ, dama am bita atin kpa n wɔ, yiri la tiide n bo am anya i ni. ¹⁰ Nyɛmɛ ti kpa, i wara fi má sakpa n bo am yo i ni, kabo am abuka i minɛm, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari kɔ ju awieeri, adena deke n bo am la i tama n yo yiiwa. ¹² Má am ma nviɛya ti am, ama, minɛm bo bu yo yarada na bu la sawɔrɛ, na bu nya deke n bo Nyɛmɛ seeri ka i fá ma bu ni, am su bu dɛɛ sayoowam su.

Deke bo Nyɛmɛ seeri ka i yó i ni, i kaaki má

¹³ Sangga bo Nyɛmɛ seeri Abraham ka i bá yo i kisi ni, be wo má bɛrɛ bo i tara yiri Nyɛmɛ. Nyini dɛɛ ti, ye i faari i duma taanri ndiɛ maari i a. ¹⁴ Na wɔ se i ka, “M yó u kisi, na u busu nufom bá sunnu beberebe.” ¹⁵ Na Abraham amindi haari na wɔ ba anya deke n bo Nyɛmɛ seeri ka i má i ni. ¹⁶ Nzen sɔnɔ ɔa i tan ndiɛ, i tan deke bo i tara i mi n wɔ. Deke bo akuruwa nya yoori na bu taanri ndiɛ, wɔ kun akuruwa n kɛrɛ nɔɔ lɛɛ. ¹⁷ Nyɛmɛ yo koroori ka i kere i minɛm ka deke bo i bá ma bu ni, i wɔrɔ má i nɔɔ i busu, nyini ti ye i kaaki taanri ndiɛ n a. ¹⁸ Deke bo i seeri ka i yó i ni, ni i ndiɛ taanwa n ti deke nnyɔ lɛɛ, bo bu kaaki má. Nyini kere ka Nyɛmɛ koro bu má kɔrɛ a. Nyini ti ye yɛrɛ bo ya ba i dɔ ka ya nya tiide n la ahoresi bita ya tama n bo ya la i ni anyumboro n a. ¹⁹ Tama n bo ya la i ni, i ti kabo ba kpama lee barasu n wɔ. Nyini ma ya ahorembaa abi kekereke, ye ya kaaki yaki má atin n bo ya bita i n a. Nyini tama n ti bo wɔ sin tani bambaka

n bo i kanda n ñu awura Soó Casi n nu a. Yiri bita ya a. ²⁰ Dó ye Yesu adu ya mó awura, ade ya dæ jinaabiri a. Yiri ti ya Nyeme sayoowa dɔnguyofó kpíen n bo i la má defó fieo, kabo Melekisideki busu nu n ti n a.

7

Nyeme sayoowa dɔnguyofó Melekisideki n jɔre

¹ Melekisideki ni, yiri yo ti mie n bo bu fere i ka Salem dæ femé a, na i kaaki ti Micera Kpíri sayoowa dɔnguyofó. Sanja bo Abraham kó kuunri lue ni nfemé nna nbem na i kunmaari bu na i sukaaki kó awuru ni, yiri Melekisideki ni kpaari Abraham atin ye i yoori kisi góori i ñu n a. ² Na Abraham ayi dekem kéré bo i kun lue n na i deer i ni, deke buru kéré nu, na wó yi i kun kun ama Melekisideki. I duma Melekisideki n bu la ka, femé bo i sayoowa kó atin su. I kaaki ti Salem femé wó, i bu la ka, femé bo i fa tanalaifíe ba. ³ Melekisideki ni, be si má i si, wara i ni, wara i busu nufóm, wara kabo bu wuuri i, wara kabo i wuuri. I yo ti Nyeme sayoowa dɔnguyofó bo wó la má defó, kabo Nyeme Wa n ti n wó.

⁴ Am nié kabo i yo ti sɔnɔ bambaka barasu a. Dama ya kéré na Abraham yo yiiri deke n kéré bo i kó kuunri lue n na i deer i ni, deke buru kéré nu, i yiiri kun kun maari yiri Melekisideki n wó. ⁵ Nyeme nɔanie maawa n kun bo i wo i nɔanie kpamaawa n nu n kere ka, deke buru kéré nu, bu yi kun kun fa ma Levifóm, bu ti Nyeme sayoowa dɔnguyofóm n dæ ti, haari ni bo bu kéré ti mine kunm na bu ti Abraham busu nufóm ni. ⁶ Melekisideki yo fite má Levifóm dæ busu n nu, ama, Abraham yo yiiri deke n kéré buru nu kun kun maari i wó, na wó yo kisi agó Abraham ñu, yiri Abraham ye Nyeme yo seeri ka i bá yo i kisi n a. ⁷ Sɔnɔ kéré si ka, sɔnɔ bo i yo kisi gó minem ñu n tara bo bu de kisi ni. ⁸ Levifóm bo bu ti Nyeme sayoowa dɔnguyofóm na minem yo yiiri bu deke kéré buru nu kun kun maari bu ni, bu ti yiweefóm wó. Ama, Melekisideki bo Abraham yiiri i deke kéré buru nu kun kun maari i ni, Nyeme Jɔre Kadasi n kere ka i toko wo béré wó læ. ⁹ Nyini ti, sanja bo Abraham yiiri deke n kéré nu buru kun kun maari Melekisideki ni, ya koro se ka i wa Levi bo i ni i busu nufó yo deer i nyini n sɔ ni, bu minem gusu mmóó ató læ. ¹⁰ Dama sanja bo Melekisideki ni Abraham yeeri ni, na Abraham nya wu má Levi bo i fite i busu nu ni, nyini ti, ya koro se ka Abraham deer i wa Levi dæ jinaabiri, ye i yi maari Melekisideki n a.

Nyeme sayoowa dɔnguyofó be bo i ti ka Melekisideki ni

¹¹ Nyeme nɔanie kpamaawa ni, i yo wo Levifóm bo bu ti i sayoowa dɔnguyofóm n saa nu a. Ama, nzen má Levi busu nufóm dæ sayoowa dɔnguyofóm dæ juma n koro yoori deke n kéré bo má i ti ye ni ka bu yo i ni, má Nyeme ayi má i sayoowa dɔnguyofó bo i ti ka Melekisideki. Má i kaaki yi i sayoowa dɔnguyofó bo i fite Aarón dæ Levifóm busu n nu ba. ¹² I ti nahóre wó ka, nzen Nyeme akaaki anó fɔfóre fa kó i sayoowa dɔnguyofóm dæ atin n su, wó yo daka ka i kaaki i nɔanie kpamaawa n gusu. ¹³ Kabo bu kéréeri Mibíe n ñusu jɔre ni, i fite anó barasu be nu a, nyini anó n nufó be ayo má Nyeme sayoowa dɔnguyofó juma be fieo. ¹⁴ Sɔnɔ kéré si ka i fite Yuda dæ anó n nu wó, ama, fa kó

Yuda dɛɛ anɔ n nu, ya ti má ka Moyisi kerɛeri ka bu be ba yo Nyemɛ sayoowa dɔɔguyofɔ.

¹⁵ Deke bo i ma ya ti jɔrɛ n bu nyunyumi n tara nyini su n la ka, Nyemɛ ayi i sayoowa dɔɔguyofɔ bo i ti ka Melekisideki ama ya. ¹⁶ Má i nam busu dɛɛ ti ye i la atin ka i yo Nyemɛ sayoowa dɔɔguyofɔ a, se i la ɔgɔɔ bo i la má awieeri n dɛɛ ti, ye i la atin a. ¹⁷ Dama ba kerɛ i Nyemɛ Jɔrɛ Kadasi n nu ka,

“Wɔrɔ ti Nyemɛ sayoowa dɔɔguyofɔ bo a la má defɔ fieo,
kabo Melekisideki busu n nu ti n a.”

¹⁸⁻¹⁹ Nyemɛ nɔaniɛ maawa dawa n la má kpɛrɛ ni fanga, dama wɔ ma má deke n ati má kabo má Nyemɛ koro ka i ti n a. Nyini dɛɛ ti, ye Nyemɛ ace i ase, ye wɔ ma ya tama n bo i tara nyini n a. Nyini tama n dɛɛ ti, ye ya koro cin dodo Nyemɛ n a.

²⁰ Nyini sin, na Nyemɛ atan ndiɛ. Ama, sanɔa bo Nyemɛ yo yiiri Levifom n ka bu yo i sayoowa dɔɔguyofom ni, wɔ yo atan má ndiɛ. ²¹ Sanɔa bo Nyemɛ yiiri Yesu ka i yo Nyemɛ sayoowa dɔɔguyofom ni, i taanri ndiɛ wɔ, ka,

“Mini Micɛra Nyemɛ n atan ndiɛ,
m wɔrɔ má m nɔɔ,

wɔrɔ ti Nyemɛ sayoowa dɔɔguyofɔ bo a la má defɔ fieo a.”

²² Nyemɛ taanri nyini ndiɛ n dɛɛ ti, nyini ma ya si ka Yesu jina sesesu fɔfɔrɛ n sin ka i ti kpa tara dawa n a.

²³ Deke bo i ma i kaaki wo i ɔgumi n la ka, Levifom dɛɛ Nyemɛ sayoowa dɔɔguyofom yo wu wɔ, na bu nbem de bu jinaabiri, nyini dɛɛ ti ye bu yo sunnu n a. ²⁴ Ama, Yesu yiri, i ti Nyemɛ sayoowa dɔɔguyofom bo i wo bɛrɛ sanɔa kerɛ n dɛɛ ti, be wo má bɛrɛ bo i koro de i jinaabiri na i yo yoowa. ²⁵ Nyini dɛɛ ti ye i koro de minem tii ji fieo n a, bɛrɛ bo i ma bu cin dodo Nyemɛ ni, dama yiri wo bɛrɛ sanɔa kerɛ de bu nyemɛsere, fa kɔ Nyemɛ dɔ a.

²⁶ Nyini ti, Yesu ti Nyemɛ sayoowa dɔɔguyofom kpɛn bo i koro yo deke n kerɛ bo wɔ yo daka ka i yo ma ya nahɔrɛ su a, yiri ti bo i ti casi na i la má ɔgasi be a, i la má satɛ be, i woowa wo bɛrɛ i ɔgumi ni satɛyofom, ye Nyemɛ awura i kpɛri atara sɔnɔ kerɛ bo i wo anɔgoro n a. ²⁷ Kabo Nyemɛ sayoowa dɔɔguyofom nkpiɛn nyingam yo ti ni, yiri ti má sɔ. Bɛrɛ dɔ, ale kerɛ bo i cin, bu du mɔ yo yoowa ma bu ɔu fa kɔ satɛ bo ba yo i wɔ ka, na bu nya ba yo ma minem satɛ bo ba yo i. Ama, yiri yiri, yoowa kpekun n kpɛn ye i yoori i a, yiri la bo i faari i ɔu yoori i ni. ²⁸ Kabo Nyemɛ nɔaniɛ kpamaawa n kere ni, haari ni bo minem bo bu yiiri bu ka bu yo Nyemɛ sayoowa dɔɔguyofom nkpiɛnm n akoro ayo má deke n kerɛ bo má wɔ yo daka ka bu yo i ni, bu yiiri bu wɔ. Ama, nyini nɔaniɛ kpamaawa n dɛɛ sin, na Nyemɛ afa i tiɛɔgu duma atan ndiɛ, na wɔ yi i Wa n ka i yo i sayoowa dɔɔguyofom kpɛn. Yiri ti bo Nyemɛ ma i tiiri kabo i koro ka i ti sanɔa kerɛ n a.

8

Yesu ti ya Nyemɛ sayoowa dɔɔguyofom kpɛn n a

¹ Deke n bo m koro ka m se n kerɛ la ka, ya la ahin Nyemɛ sayoowa dɔɔguyofom kpɛn n bo i tana anɔgoro, Micɛra Kpɛri n saa fɔmbɔrɔ su. ² I yo i Nyemɛ sayoowa dɔɔguyofom kpɛn juma n dika n nu wɔ, bo i ti Nyemɛ sereebiri nahɔrɛ su, Nyemɛ ni i tii taari nyini dika n a,

má adamande taari i a. ³ Nyeme sayoowa dɔnguyofɔ kpien kere bo Nyeme yo yiiri i, i dɛɛ la ka, i de minem aceerim, ni bu yoowam na i fa ma Nyeme. Nyini dɛɛ ti ye wɔ yo daka ka ahin Nyeme sayoowa dɔnguyofɔ kpien n gusu la yoowa be bo i yo ma Nyeme n a. ⁴ Nzen má Yesu wo durunya n nu, má i yo má Nyeme sayoowa dɔnguyofɔ fieo, dama minem bo Nyeme adu mɔ ayi bu ka bu yo sayoowa n wo bere wɔ, kabo Nyeme noanie kpamaawa n kere lɛɛ. ⁵ Juma n bo Nyeme sayoowa dɔnguyofɔm yo i ni, i ti kabo i wo angoro n wɔ, ama, i ti má kun. Moyisi dɛɛ n gusu yo ti sɔ ɔ, nyini ti ye sanɔa bo i ɔa i bo Nyeme Sereebiri Nambue n ye Nyeme seeri i ka, “Si nu, na a yo deke n kere kabo m kereeri u buka n su ka a yo i ni.” ⁶ Ama, kisa, Yesu dɛɛ Nyeme sayoowa dɔnguyofɔ juma n tara nyingam dɛɛ ni. Sɔ ye sesesu fɔfɔre n bo Yesu afa aba na i yo Nyeme ni minem afien dɔngɔ n tara dawa dɛɛ n a. Dama sesesu fɔfɔre n dɛɛ ti, ye Nyeme ɔa i fa deke n bo i ti kpa na i la má anusu n fa ma ya n a.

⁷ Nzen má sesesu n bo Nyeme du mɔ diiri i di n koro yoori deke n kere bo wɔ yo daka ka i yo ni, má i kaaki fa má sesesu fɔfɔre na i di i di kun. ⁸ Ama, na Nyeme anu i minem ni ngasi, na wɔ se bu ka,

“Micera n ɔa o,
sanɔa suba bo m fá sesesu fɔfɔre
na m dí i di ni Yisarelifom ni Yudafom.

⁹ I ti má ka dawa dɛɛ sesesu ni,
bo m yo faari i na m diiri i di ni am nam ni,
sanɔa bo m yiiri bu fiteeri Ijipiti asien n su ni.

Ba yo abita má i kabo m yo seeri bu ni,
nyini dɛɛ ti, ye m cɛɛ awo má bu nu n a.

Kabo Micera n seeri lɛɛ.

¹⁰ Sesesu n bo m bá di i di ni Yisarelifom la ka,
fa kɔ fa ba,

m fá m noanie n wura bu sunsunni nu,
na bu bita i bu ahore su,

mini yó bu Nyeme a,
na bu yó m minem.

Kabo Nyeme seeri lɛɛ.

¹¹ Be wɔ má bere bo i bá kere i lamoko
ka i si Micera ni.

Dama sonɔ kere bá si m,
fa i tarakam kɔ tu i nfangafom kere.

¹² M sí bu anunfo, na m fá bu satie bo ba yo i n fa ce bu,
na m tɛnge má i su fieo.”

¹³ Deke bo i ti na Nyeme yo kaanri sesesu fɔfɔre be jɔre ni, i bu la ka, ciciri su dɛɛ n ayo dawa. Deke kere bo i nya yoori dawa wieeri, i ce má, i busu míni wɔ.

9

Ciciri su sesesu n ni sesesu fɔfɔre n dɛɛ nyemesu jɔre

¹ Kabo i ti n la ka, ciciri su dɛɛ sesesu n bo Nyeme diiri i di ni, yo la atin kereewa kereewam bo bu fa su Nyeme, na i kaaki la dika bo ba ta i ase durunya n nu fen na bu wo nu su Nyeme. ² Bu yo boori nambue be wɔ, na ba fa sanvuin ati i nu nnyɔ. Anɔ nu dɛɛ sɔɔ ni, fitana takaabiri, ni teebiri, ni kpɔnɔ bo bu fa ma Nyeme n wo do, bu

fere bere n ka Sɔɔ Casi. ³ Mɔ dɛɛ sɔɔ ni, bu fere i ka Casi Kere Casi Sɔɔ. ⁴ Mikun yoowa yoobiri n bo ba mata i sika n wo dɔ, nyini yoobiri n su ye bu kunkun tulaaleɛ nvanvani fa ma Nyeme a. Alaka n bo ba mata i sika n gusu wo dɔ, nyini alaka n kere kabo Nyeme faari sesesu diiri i di n a. Deke bo bu wo alaka n nu n la sika torose n bo ba fa diire n bo bu fere i ka *mana* n awura nu ni, ni Aaron kpama n bo i fiefieeri nyawa ni, ni yabue pɛpɛrepe nnyom bo Nyeme akere i noanie maawa burum n ago su ni. ⁵ Na ba yo deke nnyo nbem bo bu la lan̄kpete ase alaka n tii su, nyini dekem ni kere kabo Nyeme wo i minem dɔ barasu a, bu fere bu ka *Cerubim*, ba fa bu lan̄kpetem akata dika n bo Nyeme si i minem an̄unfo n su. Kisa, ya koro kere má deke n kere kun kun kabo bu ti barasu.

⁶ Kabo i ti ni, bu nya sese nyini nengem kere su wieeri, nyini san̄ga, Nyeme sayoowa dɔnguyofom suwura sɔɔ n bo i wo anɔ nu n wo, na bu suyo bu Nyeme juma san̄ga kere. ⁷ Ama, Nyeme sayoowa dɔnguyofɔ kpian ni ngumi koro wura sɔɔ n bo i wo mɔ n nu a. Afo kere afo, i wura dɔ kpekun wɔ, nzen i n̄a i wura dɔ gusu, i bita nengendorem mbunja a, na i du mɔ yo yoowa ma i n̄u ka, na i nya yo ma minem dɛɛ satie bo ba yo i na bu si má ni. ⁸ Deke bo i ti na Awiewie Casi n fa nyini atin n sɔ ni, na i kere ya ka, san̄ga bo bu yo boori nyini nambue na bu sese deke n kere su ni, Nyeme nya teke má atin na minem kere koro wura Casi Kere Casi Sɔɔ n nu. ⁹ Nyini n kere bo bu yo yoori i ni, i la bu ma ya kisa. I bu la ka, aceerim ni nengem kere bo bu yo fa yoori yoowa suuri Nyeme ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu n̄misi bu n̄u na bu yo bu n̄u casi ngumi wɔ. Nyini n kere la i san̄ga nyaari wɔ, yiri la bo bu suyo i sɔ ɔ, haari kɔ ju san̄ga bo Nyeme bá yo deke n kere dɔngu.

¹¹ Ama, kisa, Kristo aba, yiri ti Nyeme sayoowa dɔnguyofɔ kpian n a, yiri bita atin kpa n bo bu yo seeri ka i fa ba n a. Nyeme Sereebiri Nambue n bo wɔ wura nu, na i suyo i Nyeme sayoowa dɔnguyofɔ kpian juma ni, nyini nambue n la má an̄usu durunya n nu fen, i ti kabo Nyeme koro ka i ti n wɔ, dama i ti má deke bo adamande taari i ni bu saa a, wara dekem bo Nyeme yiiri bu durunya n nu fen n be wɔ. ¹² Má naanim ni sirim dɛɛ mbunja ye i fa wuraari nambue n nu a, ama, i faari i tien̄gu mbunja a, na wɔ fa awura Casi Kere Casi Sɔɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minem bo fin yo wo bu n̄u, na bu koro cin dodo má Nyeme ni, bu fa sirim ni tooram mbunja ye bu fa yɔyɔkoti gɔ bu n̄u a, na bu yara nambaa, na bu fa nzuin n gɔ bu n̄u. Nyini san̄ga, ba kpakpara bu fin ayo bu casi læ. ¹⁴ Nzen nyini yoowam bo bu yo bu n ma mine yo casi, nyini yiri, Kristo dɛɛ mbunja ni koro yo bo i tara sɔ ɔ. Awiewie Casi ni, yiri bo i wo bere san̄ga kere n dɛɛ yiko n nu ma Kristo koro faari i n̄u yoori yoowa bo i la má gela be maari Nyeme n a. I dɛɛ mbunja ni koro kpakpara yi satiem bo bu ma ya ka ngbeen ya ahore su, ni ya sunsunni nu n a, nyini ma ya koro su Nyeme bo i wo bere san̄ga kere n a.

¹⁵ Kristo yoori sɔ n dɛɛ ti, yiri ti afien dɔnguyofɔ n bo wɔ fa sesesu fɔfɔre n aba, adena minem kere bo Nyeme afere bu n nya deke n bo i diiri i di ka i ma bu ni. Nyini deke n la aja n bo bu di i na i la má

awieeri ni. Yiwee n bo Kristo wuuri ni, nyini de minem tii ji fa ko bu satie ti, na ba do Nyeme ngasi, ni ciciri su sesesu de atin n su. ¹⁶ Sesesu fofore n bo Nyeme diiri i di ni, i ti kabo sono toko la ngoo na i kere kabo bu ba kpaaki i aja nu barasu n wo, ma ka wo wu ka, ye bu koro di i aja n a. ¹⁷ Sanja bo i toko la ngoo ni, be koro di ma i aja ni, ma ka wo wu ka. ¹⁸ Nyini de ti, ye haari kana ciciri su sesesu n bo Nyeme diiri i di n ba yo juma, ma ka ba yi nengendore mbunja. ¹⁹ Nyini sanja, Moyisi du mo kaanri Nyeme noanie maawam n kere kereeri minem n wo, kabo bu wo Nyeme noanie kpamaawa n nu n ka, na i nya fa tooram ni sirim mbunja na i sanja nzue nu, na i fa nyawa ni be ndore kokore bo ba wu i tani, na i fa bo nu, na i fa yokoti go Nyeme noanie kpamaawa kadasi n su ka, na i nya yokoti go minem kere nu, ²⁰ na i nya se bu ka, "Ahin mbunja ni ti deke bo i kere sesesu n bo Nyeme adi i di ase am ka am bita i noanie n a." ²¹ So ye Moyisi yo fa mbunja n yokoti go nambue n su a, ni nenge n kere bo bu bita yo juma ma Nyeme n gusu. ²² Nahore, kabo Nyeme noanie kpamaawa n kere ni, i ti ka deke kere bo bu na bu yo i casi, ma ka ba fa mbunja ayokoti su ka. Nyeme fa ma bu ngasi ce ma bu, ma ka ba yi deke mbunja.

Kabo Yesu faari i nu yoori yoowa na i deeri mine dongu fiteeri bu satie nu ni

²³ Nyini de ti, Nyeme Sereebiri Nambue ni, ni dekem n kere bo bu wo nu ni na bu ferema ni angoro deem ni, wo yo daka ka bu fa nengendore mbunja yo bu casi. Ama, nengem n bo bu wo angoro n yiri, wo yo daka ka bu fa deke bo i mbunja tara nengendorem de fa yo bu casi a. ²⁴ Kristo awura ma dika casi n bo i ferema ni angoro de n nu a, bo minem taari i ni, ama, i wuraari angoro de n ni i tii nu a, ye kisa, wo de ya jinaabiri Nyeme do. ²⁵ Afo kere afo Nyeme sayoowa donguyofom kpien ni yo wura Casi Kere Casi So n nu wo, na i fa nengendore mbunja n yo yoowa. Ama, Kristo yiri awura ma angoro de dika n nu ka i sufa i nu yo yoowa sanja kere sanja. ²⁶ Nzen ma i na i sufa i nu yo yoowa sanja kere sanja, ma i sudi wahara a sanja kere, fite kabo Nyeme yiiri durunya n ba ju ni nyuma. Ama, kabo i ti n la ka, ahin sanja n bo deke n kere aba awieeri su ni, na wo ba kpekun n kpein, afa i nu ayo yoowa, adena Nyeme fa adamande satie ce i. ²⁷ Nyeme akpama i ka adamande kere wu kpekun wo, nyini sin, na Nyeme di i jore. ²⁸ Kabo Kristo gusu yoori lee. Kpekun n kpein ye i faari i nu yoori yoowa, adena i de mine dongu satie bo ba yo i ni. Nyini sin, i kaaki ba bekun. Ma mine satie bo ba yo i n de ti ye i ba, ama, i ba de minem bo bu nie i atin nu n tii ji wo.

10

Kabo Yesu yoori yoowa kpekun n kpein ni

¹ Nyeme noanie kpamaawa ni, i ferema ni deke kpa n bo Nyeme na i fa ba n wo, ama, ma yiri lee. Nyini ti, yoowa n bo bu yo bu sanja kere akoro ama ma bere bo bu cin dodo Nyeme ni, ati ma kabo ma i koro ka bu ti ni. ² Nzen ma nyini yoowam n kere koro yiiri minem n bo bu su Nyeme n fiteeri bu satiem nu, ma bu sunsunni ma ma bu cen be ka ba yo satie, ma bu yaki nyini yoowam wo. ³ Ama, kabo i ti n la ka,

nyini yoowa n bo bu yo i afo kere afo n tenge bu su fa ko bu satiem bo ba yo bu n su wo. ⁴ Dama tooram ni sirim mbunja koro yi ma satie bo i wo adamande ahore su ni, ceen be.

⁵ Nyini dee ti, sanja bo Yesu koro ka i ba durunya n nu fen ni, na wo se Nyeme ka,

“A koro ma ka mine fa aceerim
ni nengendorem n yo yoowa ma u,
ama, adamande juniembaa ye a fa ama m
ka m fa yo yoowa n a.

⁶ U nyunu ayi ma yoowam
bo bu yo bu na bu kpie nengendorem kom,
na bu yara bu sayoowa yoobiri n su ni,
ni yoowam n bo bu yo satie na bu yo bu ni.”

⁷ Na wo kaaki ase Nyeme ka,

“Mini yaa, ma ba ka m ba yo u koroowa n wo,
kabo ba kere m nusu jore u noanie kpamaawa n dee kadasi n nu
ni.”

⁸ I du mo seeri Nyeme ka, “A koro ma ka mine fa aceerim ni nengendorem n fa yo yoowa ma u, u nyunu ayi ma yoowam bo bu yo na bu kpie nengendorem kom, na bu yara bu sayoowa yoobiri n su ni, ni yoowam n bo bu yo satie na bu yo bu ni.” I seeri so o, haari ni bo Nyeme noanie kpamaawa n kere so ni. ⁹ Na wo se Nyeme ka, “Mini yaa, ma ba ka m ba yo u koroowa n wo.” Nyini la ka, Nyeme akun ciciri su dee yoowam kere noo lee, ye wo fa fofore aba. ¹⁰ Nyeme koroowa n lee ye i yoori n a. Kpekun n kpein ye i faari i nu yoori yoowa. Nyini ti ye wo kpakpara ya kere fin ayo ya casi n a.

¹¹ Yudafo Nyeme sayoowa donguyofa kere yo i Nyeme juma ceen n kere wo, na i suyo nyini yoowa kun n sanja kere. Haari ni nyini yoowam n kere, bu be koro yi ma minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wo, bo i yo juma sanja kere, fa ko mine satie bo bu yo i su. Na wo nya ako atana angoro Nyeme saa fomboro su. ¹³ Fite nyini sanja ni, i nminda kabo Nyeme ba ma i kunma i kpofom na i nana bu kere nu. ¹⁴ Nyini yoowa kun n dee ti, wo kpakpara minem fin kere na wo ma ba ti kabo Nyeme koro ka bu ti ni, sanja kere.

¹⁵ Awiewie Casi n gusu kaanri i so kereeri ya. Wo du mo ase ka,

¹⁶ “Micera na, sesesu n bo m ni bere adi i di
fa ko sanja bo i suba n la ka,
m fa m noanie kpamaawa n wura bu sunsunni nu,
na m kere i go bu ahore su.”

¹⁷ Na wo kaaki ase ka,

“M tenge ma bu satiem bo ba yo bu n su,
kabo bu keteeri na ba su ma m noanie kpamaawa n su kun.”

¹⁸ To, Nyeme afa satie bo minem ayo i ace bu, nyini la ka, yoowa be wo ma bere bo be yo i fa ko satie su kun.

Am ma ya cin dodo Nyeme

¹⁹ M ninbaam, Yesu dee mbunja n ti ye ya la ahoresi kere ka ya koro cin dodo Nyeme a, na ya koro wura Casi Kere Casi Soo n nu a. ²⁰ Yesu ateke atin fofore bo i ma ngoo nahore su ama ya. Kabo i faari i nu yoori yoowa ni, i ti ka wo teke atin ama ya na ya koro sin tani bambaka n

bo bu fa kanda n ɲu, na ya wura Casi Kere Casi Soɔ n nu. ²¹ Tɔ, kisa na ya la Nyeme sayoowa dɔnguyofɔ bambaka bo i nie yere n bo ya ti Nyeme minem n su ni. ²² Nyini dɛɛ ti, am ma ya cin dodo Nyeme ni ya ahorembaa kun, na má ya yo sika be. Yesu mbunja n akpakpara ayi satie kere bo i wo ya ahore su a, na má ya sunsunni nu suma ya sangá kere ka ya yo satie. Nyeme nzue n gusu bo ba fa abie ya ni ama ya ɲunie ayo casi a. ²³ Tama n bo ya ɲa ya la i ni, am ma ya bita i ni ya saa nnyɔ, má am ma ya fa sika wura nu, dama ya si ka Nyeme yo deke n bo wɔ fa sesesu adi i di ka i yo i ni. ²⁴ Am ma ya sutu ya bengum fɔ, na ya buka ya bengu, na koro wo ya afien na ya yo sakpa. ²⁵ Kabo i ti ye ni ka ya sutien ya nɔɔ na ya su Nyeme sangá kere ni, má am ma ya yaki i kabo nbem suyo barasu ni, ama, am ma ya sutu ya bengu fɔ na bu nya ahoresi buka su, dama ya kere ɲu ka Micera n dɛɛ cɛɛn n adodo lɛɛ.

²⁶ Tɔ, kisa na ya si kereewa n bo i ti nahɔre ni, na nzen ya toko kete i yo satie ni, yoowa be wo má bere bo ya yo i na Nyeme fa ya satie ce ya kun, ²⁷ má ka ya ɲminda ni sere fa kɔ cɛɛn n bo i suba na Nyeme bá di minem jɔre, na i fa bo ba kete i nɔɔnie n wura sin n bo i ti kekere agaya n nu, na bu ka ɲgbɛɛn ni. ²⁸ Nyeme nɔɔnie kpamaawa n bo i yo fa maari Moyisi ni, nzen sɔnɔ be keteeri na i yoori satie, na mine nnyɔ wara nsan diiri daani ka i ti sɔ, nkpienkpienm si má i mi aɲunfɔ, bu kun i wɔ. ²⁹ Ye nzen i nya ti sɔ, sɔnɔ kere bo i buuri Nyeme Wa ni ɲgbɛɛn na i sunsun ka Yesu mbunja n bo i yo ya casi n ti ɲgbɛɛn, na i jɔɔ wura Awiewie Casi n bo i si ya aɲunfɔ ni ɲgasi nu, suicin barasu bɔnɔ ye am sunsun ka Nyeme fá cin i a? ³⁰ Dama ya si ka Micera n ase ka, “Mini cin bu sui a. Mini tɔ bu kaari a,” na wɔ kaaki ase ka, “Mini dí m minem jɔre a.” ³¹ Wɔrɔ kere bo a to Nyeme saa nu, yiri bo i wo bere sangá kere ni, i la sere agaya.

³² Am tenge su, na am nie sangá bo am du mɔ nyaari anyunuteke fa kɔ labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. ³³ Sangá be bu yo kpie am nzukɔ, na bu kere am wuwuruwa jama nu. Na sangá be gusu na am asangá adi wahara ni am bengum bo bu kere bu wuwuruwa ni. ³⁴ I ti nahɔre wɔ ka, am asi dansarakam aɲunfɔ. Bekun, haari nzen mine fiinri am nengem kere bo am la i ni, am ahore ti jɔɔwa a, dama am si ka am la deke bo i tara nyinin bo ba de am dɔ ni, nyini deke n yiri wo bere wɔ sangá kere. ³⁵ Nyini dɛɛ ti, má am ma am ɲunie yɔrɔki am, dama ahoresi n bo am la i ni, nyini ma am nya aceeri bambaka Nyeme dɔ a. ³⁶ Kisa, wɔ yo daka ka am la mindi, adena am yo Nyeme koroowa, na am nyá deke n bo Nyeme afa sesesu adi i di ka i ma am ni. ³⁷ Dama ba kere i Nyeme Jɔre Kadasi n nu ka,

“Wɔ ka kaan, i cé má,
yiri n bo i suba ni, i bá.

³⁸ M sɔnɔ bo i yo sa bo i kɔ atin su m dɔ,
i nyá ɲɔɔ, i yarada n dɛɛ ti,
ama, sɔnɔ kere bo i kaakiiri i sin boori m,
m ahore jɔ má i mi ɲu.”

³⁹ Yere yiri, ya ti má minem bo bu kaaki bu sin, na bu ka ɲgbɛɛn ni, ama, ya ti minem bo ya yo Nyeme yarada na ya nya tiide wɔ.

11

Yaradayo jore

¹ Nzen ya yo Nyeme yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa nju má i n wo bere nahore su. ² Dawafom yoori Nyeme yarada n deɛ ti, ye i se ka i nyunu ayi bu sayoowa n a.

³ Ya yo Nyeme yarada n deɛ ti, ye ya koro fa si ka Nyeme yo jɔjɔri noaniɛ wɔ, ye i fa yiiri durunya n a. Nyini ma ya si ka, dekem bo ya nyumbaa koro nju bu ni, Nyeme afa deke bo ya koro nju má i ayi bu n a.

⁴ Abeli yo yoori Nyeme yarada n deɛ ti, ye i koro yoori yoowa bo i ti kpa tara i gɔrɔ Keen deɛ n bo i yo maari Nyeme n a. I yarada n deɛ ti, ye Nyeme nyunu yiiri i aceeri n ye i seeri ka i ti sɔnɔ bo i yo sa bo i kɔ atin su i dɔ n a. Abeli ti sɔnɔ bo wɔ wu wɔ, ama, haari ni kisa, i yarada sayoowa toko yo juma ya dɔ.

⁵ Henoki yo yoori Nyeme yarada n deɛ ti, wɔ wu má, na Nyeme afa i ako i bi angoro, nyini ti ye be anju má i n a, dama Nyeme afa i ako i bi. Ba kere i Nyeme Jore Kadasi n nu ka, sanja bo Nyeme nya fa má i kɔ má i bi angoro ni, Nyeme nyunu yiiri i sayoowa a. ⁶ Nzen sɔnɔ ayo má Nyeme yarada, i mi koro yo má sa bo i yi Nyeme nyi, dama sɔnɔ kere bo i ba Nyeme dɔ, wɔ yo daka ka i mi yo yarada ka Nyeme wo bere, na i tɔ mine n bo bu nienie i busu ni njkatɔ nahore su.

⁷ Nowa yo yoori Nyeme yarada n deɛ ti, ye i yo deeri kabo Nyeme bɔbɔri i fa kɔ sam bo bu bá yo n su n a. I deeri Nyeme noaniɛ n kpaari lee bambaka n ye i ni i dikafom wuraari nu ye ba wu má n a. I yoori sɔ n deɛ ti, nyini kere ka minem bo bu kaari durunya n nu n ti satiseyofom a, ama, Nowa yiri, i yarada n deɛ ti, Nyeme ade i ka i yo sa bo i kɔ atin su i dɔ ɔ.

⁸ Abraham yo yoori Nyeme yarada n deɛ ti, sanja bo Nyeme fereeri i, na i seeri i ka i kɔ asien be bo i seeri ka i fá ma i n su ni, haari ni bo i si má deke bo i sukɔ ni, yarada n deɛ ti, ye i yo deeri Nyeme noaniɛ n ye i fiteeri i nam asien su kɔri nyini asien n su a. ⁹ Yarada n deɛ ti, ye i kɔ juuri asien n bo Nyeme ase ka i fá ma i n su n a, dɔ ye i tanaari ka i ti wɔfɔ n a. I ni i wa Izaki, ni i anuma Jakɔbu yo boori nambue woori dɔ sanja be su wɔ. Haari ni bo bere yo ti minem bo bu nyaari deke n bo Nyeme ase ka i fá ma bu n a. ¹⁰ Abraham boroori i nyi nienieeri mie kpiri n bo Nyeme ni i tii ata i na i la má awieeri n a.

¹¹ Abraham yi Saara mmɔɔ yo yoori Nyeme yarada n deɛ ti, haari ni bo wɔ yo buke na i ti njɔrɔka ni, yarada n deɛ ti, ye i koro wuuri baa n a. I yo yarada ka Nyeme yó deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufom asunnu ka asarambaam bo bu wo angoro n a, ni kabo kunma nmie sunnu na i la má nɔ n a.

¹³ Nyini minem kere yoori Nyeme yarada a, haari bu ba wuuri. Ba nya má deke n bo Nyeme seeri ka i yó ma bu, bu ngɔɔ su ni. Ama, yarada deɛ n ti, bu njuuri deke n ka i wo dede wɔ, na ba de i ni ahorejo, na ba soro su ase ka bu ti wɔfom wɔ, wara nanatiirifom wɔ, durunya n nu fen. ¹⁴ Nyini minem kere bo bu seeri sɔ ni, i kere ka, bu boro bu nyi nienie bu tienju asien busu wɔ. ¹⁵ Nzen má bu faari bu ahorembaa seeri asien n bo ba yo ayaki i n su ni anyumboro, má bu koro nya atin

bo bu kaaki kɔ nyini asien n su bekun. ¹⁶ Ama, bu yo koroori asien be bo i tara bo bu yo yakiiri i n wɔ, yiri la Nyeme dɛɛ woobiri n bo i wo angoro ni, nyini dɛɛ ti, ye i ti má nyinse Nyeme dɔ ka bu fereeri i ka bu Nyeme n a, dama yiri ye wɔ sɛsɛ miɛ kpiri be su ase bu a.

¹⁷ Abraham yo yoori Nyeme yarada n dɛɛ ti, ye i yo faari i wa Izaki ka i fa yo yoowa, sanɓa bo Nyeme yo koroori ka i yo i na i nie n a. Yiri bo Nyeme yo seeri i ka i yó sakpa ma i ni, i soroori su wɔ, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, “Izaki dɛɛ ti, ye a nyá busu nufom a.” ¹⁹ Abraham siiri ka Nyeme koro tenge Izaki fite yiwee nu. Nahɔre, i yarada n dɛɛ ti, na Nyeme atenge Izaki yiwee nu, dama Abraham dɔ, Izaki ti ka sɔnɔ bo wɔ wu ye wɔ tenge a.

²⁰ Izaki yoori Nyeme yarada n dɛɛ ti, ye i yo seeri i nbaa nnyom ni Jakobu ni Esawu ka, fa kɔ fa ba, Nyeme yo bu kisi n a. ²¹ Jakobu yoori Nyeme yarada n dɛɛ ti, sanɓa bo i ba sudodo ka i wu ni, na wɔ sere Nyeme ayo Yosefu nbaam nnyo ni kisi, na wɔ miɛ i kpama su ayasu asu Nyeme.

²² Yosefu yoori Nyeme yarada n dɛɛ ti, sanɓa bo i ba suwu ni, ye i jɔjɔori ka, Yisarelifom bá fite Ijipiti asien n su n a, na wɔ kere kabo bu yo i fuin n barasu.

²³ Moyisi si, ni i ni yo yoori Nyeme yarada n dɛɛ ti, bu wuuri i ni, ba soro má noanie n bo Ijipitifom fɛme n fa maari ni, na ba fa i afie sara nsan, dama bu nyuuri ka i yo nyumi agaya. ²⁴ Moyisi yo yoori Nyeme yarada n dɛɛ ti, ye sanɓa bo i ba biiri biɛsɔ, i keteeri ka má bu fere i ka fɛme wa baabara n dɛɛ wa n a. ²⁵ I koroori kabo i ni Nyeme minem sanɓa di wahara n tara bo i di fiefie n bo i cɛ má na i do Nyeme ngasi ni. ²⁶ Yiri dɔ, nzen bu kpiɛeri i nzuko kabo bu kpie Kristo Tiidefo n ni, nyini la kperɛ tara deke kere bo má i nya i Ijipiti asien n su ni, dama i nyunu yo boroori aceeri n bo i bá nya i Nyeme dɔ ni su a. ²⁷ I yoori Nyeme yarada n dɛɛ ti, ye i fiteeri Ijipiti asien n su n a, haari ni bo fɛme n faari yaa i nyu ni, wɔ soro má sere. I ti ka i nie nyuuri Nyeme wɔ, yiri bo be koro nyu má i ni, nyini dɛɛ ti ye i koro mindi jinaari ni nahɔre su n a. ²⁸ I yoori Nyeme yarada n dɛɛ ti, ye i yo kpamaari Butara cɛenkpiri n a, na wɔ kaaki ase Yisarelifom ka, bu kun nbombaam, na bu fa mbunja bɔrɔki bu sɔɔ anom su, adena Nyeme mereke n bo i kun n ba baari, na má i kun Yisarelifom nbaabiesɔ nkpienm n a.

²⁹ Yisarelifom yo yoori Nyeme yarada n dɛɛ ti, ye sanɓa bo bu nyuuri kpie kunma kpiri n bo bu fere i ka Kunma Kɔkɔre ni, ye i tiiri nu nnyo na atin ada afien, na ba nati asien wuruuwa su asin n a. Ama, sanɓa bo Ijipitifom koroori ka bu kpie ni, nzue n diiri bu kere wɔ.

³⁰ Yisarelifom yo yoori Nyeme yarada n dɛɛ ti, sanɓa bo bu bara yeeri Yeriko miɛ kpiri n leso ni, na kobe n bo ba ta abara aye miɛ n kere ato. ³¹ Bara sakara n bo bu fere i ka Rahabu yo yoori Nyeme yarada n dɛɛ ti, sanɓa bo Yisarelifom kuunri i minem bo bu keteeri na ba de má Nyeme noanie n ni, ba kun má i, dama yiri yo deeri Yisarelifom kɔresiyifom wɔfɔ faari bu fieeri a.

³² Tɔ kisa, m si má kabo m se kun, m la má sanɓa bo m kan fa kɔ Gedeyon, ni Balaki, ni Samson, ni Yefeta, ni Fɛme Davidi, ni Samuweli, ni Nyeme noanie kanfom n jɔre n su. ³³ Bu yoori Nyeme yarada n dɛɛ ti, bu nbem kunmaari bu kpɔfɔ nfanɓafom lue nu wɔ, na nbem ayo

sa bo bu kɔ atin su, na nbem anya deke n bo Nyeme seeri ka i yó ma bu ni, na nbem gusu akata jaram nɔɔ bo ba koro ayo má pui. ³⁴ Na ba fa nbem awura sin bambaka nu ka bu yara bu, ama, na sin n aɔ, wɔ koro ayo má bu pui. Na ba koro ka bu kpɛ nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fanɔa a, na ba tu lue ni asien nbem su sojam, na ba kunma bu. ³⁵ Nbara nbem yo yoori Nyeme yarada n deɛ ti, na Nyeme atenge bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki má bu nɔɔ na bu yaki bu nu ji, dama bu si ka bu bá tenge bu yiwee nu, na bu nya ngɔɔ bo i la má anusu. ³⁶ Na ba yo bu nbem anzasi afin bu ngbere, na ba cici bu nbem jɔrɔkɔ, na ba fa bu awura dansaraka nu. ³⁷ Na ba tu nbem yabue abo akun bu, na ba kpɛ ati nbem nu nnyɔ, na ba fa takobe akun bu, na yaari ati nbem na bu sufa nbɔem ni sirim nɔma sufa yo bu suturam kata bu nɔ, na minem akere bu wahara ayo bu ngbɛɛnngbɛɛn kere. ³⁸ Bu ti mine kpam bo bu woowa tara durunya n nufom woowa, bu wo má woobiri kun, bu nati yerenɔi boro kpantain n nu wɔ, ni bukam su, na bu suwura yabue buem, ni asienɔu kunma n nu suda.

³⁹ Nyeme nyunu yo yiiri nyini minem kere sayoowa, bu yarada n deɛ ti, ama, ba nya má deke n bo Nyeme seeri ka i yó ma bu ni. ⁴⁰ Dama Nyeme koro ka i ma yere deke kpa nahore su, kana deke n bo i koro ka i yo n yo yiiwa, má ka ya ni bere abo kun na i ma ya kere ti kabo i koro ka ya ti ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su má Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya mɔfo a, na i ma ya yo Nyeme yarada kabo wɔ yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cece awo má nu, dama i nie nɔuri fiefie n bo i bá di i ni, nyini ti, ye kisa, i tana Nyeme saa fombɔɔ su i femeya n nu n a.

³ Am nie kabo i yo diiri wahara satieyofom saa nu, na ba koro má i jore, na i laari mindi barasu a. Am su i su, adena má am nɔnie yɔrɔki am. ⁴ Kabo satieyofom kere am wuwuruwa na am mindi ni, am nya mindi ju má juubiri bo bu yi am ngɔɔ. ⁵ Kabo am ti Nyeme nbaam na wɔ tu am fɔ asi am ahore ni, má am ma am wara afi nyini ni, bo i na,

“M wa, nzen Nyeme tu u fɔ, má a kete,

nzen i cin u sui gusu a, má a ma u nɔnie yɔrɔki u.

⁶ Dama minem bo i koro bu n ye i tu bu fɔ a,

na minem kere bo wɔ fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wɔ leɛ, dama baa be wo má bere bo i si cin má i sui. ⁸ Nzen Nyeme acin má am sui kabo i cin bo bu ti i nbaam kere sui ni, nyini la ka, am ti má i nbaam nahore su, am ti ka soma nbaam wɔ leɛ. ⁹ Ya sim bo bu wuuri ya ni, bu ba yo, bu cin

ya sui wɔ, na ya ma bu jirima. Nzen i nya ti sɔ yiri, wɔ yo daka ya de ya Si Nyeme nɔanie tara bu dɛɛ, adena ya nya ngɔɔ. ¹⁰ Saŋga bo ya yo ti nbaatumam ni, ya sim yo cin ya sui saŋga kaan wɔ, kabo i ti ye ni ka bu yo ni, ama, Nyeme yiri cin ya sui, i yo i ni kpa dɛɛ ti wɔ, i koro ka ya nya i dɛɛ woowa n be wɔ. ¹¹ Saŋga kere bo bu cin ya sui ni, i ti ka ya ahore ti saakiiwa a, i yo má ya fie, ama, nyini n kere sin, minem kere bo Nyeme cin bu sui na bu si ka ba yo sa bo i kɔ má atin su, bu nya ahoreda na bu wo wo kpa.

¹² Nyini ti, má am ma am nɔnie yɔrɔki am, ama, am ma am kpekperɛ yo kenken. ¹³ Am susu Nyeme atin n su, na am nya faŋga, adena má am gbaraki buka su.

Fɔtu kabo wɔ yo daka ka má ya kete Nyeme nɔanie n ni

¹⁴ Am kere boro am nyi na am tana laifie ni sɔnɔ kere, na am wo wo bo i ti casi, dama wɔrɔ kere bo a ti má casi, a nɔ má Nyeme. ¹⁵ Am si am nɔ sa, na má be fun Nyeme ahɔrɔma ni. Am kaaki si am nɔ sa, na má be fa sunsunni tie be ba saaki mine dɔnggu na bu kaaki bu sin bo Nyeme. ¹⁶ Am si am nɔ sa, na má be sukpini nbaram, na má be gusu yo i nɔ ngbɛɛn na i cɛɛ wo má Nyeme su nu, ka Esawu, bo diire dɛɛ ti na i tɔori i tienɔ baawu kpɛn jinaabiri maari i niema ni. ¹⁷ I tɔori i baawu kpɛn jinaabiri n dɛɛ sin, saŋga bo i seeri i si ka, i yo nyini kisi gɔ i nɔ ni, na i si akete, haari ni bo i sun ni nyunvuin ni, wɔ koro akaaki má deke n bo wɔ yo i n kun.

¹⁸ Juubiri n bo am aba aju ni, i ti má deke bo am koro nɔ i, i ti má ka buka n bo Yisarelifom yo kɔ juuri su na bu fere i ka Sinayi ni. Bu kɔ juuri su ni, na ba nɔ ka i suje sin fofoe, na awosin awura dika n nu, na wɔ kata liim, na aɔuma akpisi dika ni. ¹⁹ Na ba ti awie nɔga ka i fita ni faŋga su, na ba ti akonvi nɔga ka i sujɔɔ faŋga su. Bu tiiri akonvi ni nɔga sɔ ni, na bu seeri ni anyumbo kɔ bu koro má ka bu ti nyini jɔɔɔwa n kun. ²⁰ Dama ba koro ade má nɔanie n bo Nyeme fa maari bu ni, i nɔ, haari nzen nengendɔre be faari i nɔ kaanri buka ni, bu tu i yabuɛ bo kun i. ²¹ Dekem bo bu nɔuri bu buka n su n laari sere agaya n dɛɛ ti, na Moyisi mmɔɔ ase ka, “Sere ati m agaya, na m nɔnie subobo m.”

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere saŋga kere n dɛɛ mie kpɛri ni, yiri la mie kpɛri n bo bu fere i ka Yerusalem na i wo aŋgoro ni, dɔ ye Nyeme mereke akpiim atien bu nɔɔ ni ahoreɔ n a. ²³ Am aba jama n bo bu ti ka Nyeme nbaakpienm, na ba kere bu duma Nyeme dika n nu ni dɔ a. Am aba Nyeme dɔ, yiri bo i di sɔnɔ kere jɔre ni. Am aba dawafom woobiri ni, bere bo bu yoori sa bo i kɔ atin su Nyeme dɔ na wɔ ma ba ti kabo i koro ka bu ti n wɔ. ²⁴ Am aba Yesu dɔ ɔ, yiri ti afien dɔnguyofɔ a, yiri ye wɔ fa sesɛsu fɔfɔre n aba. I mbunja n bo wɔ fite agɔ ni, ayo ya casi a, i la kperɛ tara Abeli dɛɛ.

²⁵ Am si am nɔ sa, Nyeme sujɔɔ am dɔ, má am kete i, dama saŋga bo i yo jɔɔori Yisarelifom dɔ durunya n nu fɛn na bu keteeri ni, wɔ yaki má bu. Nyini ti, nzen i wo aŋgoro sujɔɔ ya dɔ, na ya keteeri, ya yo se koro fite nu a? ²⁶ Nyini saŋga, i konvi ngumi mmɔɔ ma asien kpisi wɔ. Ama, kisa, wɔ se ka, “M kpisi asien n ni aŋgoro n kere kpekun buka su.” ²⁷ Kabo i seeri ka i kpisi i kpekun buka su n kere ka, deke n kere bo wɔ yi bu ni, i bá kpisi yi bu, adena dekem bo be koro kpisi má bu

n bá ka. ²⁸ Nyini ti, kabo Nyeme ama ya atin ka ya ni yiri sanja di i femeya n bo be koro kpisi má i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wo yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti má kpa n wo.

13

Kabo ya yo na i sun Nyeme nu ni

¹ To, kabo Kristo dee ti na am ayo ka nibaa kun ni, am sukoro am bengu. ² Am tenge su na am sude wofom. Nbem yo yoori so o haari na ba de merékem wofó, ama, ba si má ka bu ti merékem. ³ Má am ma am wara fi minem bo bu wo dansaraka nu n sa, am fa i ka am ni bere ye ba sanja anyi am a. Na má am ma am wara fi minem bo bu sudi wahara n gusu sa, am fa i ka ambere sudi wahara n a.

⁴ Am ma jirima wo am ajaam nu, na bieso n ni bara n kere bita bu nu, na má be yo ngbeenngbeen, dama Nyeme bá di minem kere jore bo bu kpini nbaram, ni bo bu ko somaya ngbeenngbeen n kere. ⁵ Má am ma am nyunu boro njwaa koro su agaya, ama, am ma am nyunu yi deke n bo am la i ni, dama Nyeme ase ka, “M yáki má am ngbeen, m káaki fa má am ji má.” ⁶ Nyini ti, am ma ya fa ahoresi, na ya se ka, “Mícera ni ti m bukafo,

m soro má sere.

Adamande koro yo m nzu wo?”

⁷ Am nie am wofom bo bu kan Nyeme jore n kereeri am ni. Am nie kabo bu woori wo kpa barasu, na am son bu yarada bo bu yoori i n su. ⁸ Yesu Kristo kaaki má, kabo i yo ti ni, i toko ti so o, na i ti so o sanja kere. ⁹ Má am su kereewa fofore barasu nbem su, na bu ma am mini atin kpa ni. I ti ye ni ka ya de Nyeme dee ahoroma n bo i ma ya ahoresi ni, na má ya de atin bo bu ciirem kere fa ko diire diiwam su, bo bu su nyini ciirem su ni, i buka má bu. ¹⁰ Sa bo Yesu ayo ama ya n dee ti, ya fa i ka ya la Nyeme sayoowa yobiri n dee diire bo Yudafoam Nyeme sayoowa donguyofom bo bu yo juma Nyeme Sereebiri Nambue n nu n la má atin na bu di be. ¹¹ Afo kere afo, Nyeme sayoowa donguyofó kpien n fa nengendorem mbunja a, na i fa wura Casi Kere Casi Soo n nu. Na i fa yo yoowa ma Nyeme, fa ko minem satie bo ba yo i n su, na i ma bu nya fa nie n kere fite mie n aheme, na bu yara i sin. ¹² Nyini dee ti, ye Yesu gusu wuuri mie n aheme n a, adena i koro fa i mbunja n yo minem casi. ¹³ Sa n bo wo yo ama ya n dee ti, am ma ya ko i do mie n aheme, na ya su i atin su, na ya ni yiri kere sanja di nyinse n bo i diiri n be. ¹⁴ Dama durunya n nu fen, ya la má mie be bo ya suwo nu sanja kere, ama, ya boro ya nyi sunienie mie kpiri n bo i bá ba n wo. ¹⁵ Nyini ti, buka n bo Yesu ayo ama ya n dee ti, am ma ya fa kansi fa ma Nyeme sanja kere. Ya saraka yoowa n bo ya fa ma Nyeme n la ka, ya teke ya noo, na ya kan kere minem ka Yesu ti Mibie n a. ¹⁶ Má am yaki kpayo, am buka am bengum sanja kere, dama nyini saraka yoowam so, ye Nyeme koro a.

¹⁷ Am de am wofom noanie, na am su atin n bo bu fa kere am su, dama bere sukpie daafiri am busu n dee ti, ye Nyeme bá bisa bu kabo bu yoori bu juma n barasu n a. Nzen am deerí bu noanie, bu yó bu

juma ni ahoreda a, ama, nzen am ade má bu nɔanie, nyini ma bu yo bu juma ni ahoresaaki a, na nyini sɔ gusu buka má am.

¹⁸ Am susere Nyeme ma ya sanɔa kere. Yere dɔ, i ti nahore wɔ ka ya yo sa bo i kɔ atin su wɔ, na ya sunsunni nu ma ya ka ya yo sa bo i kɔ atin su wɔ sanɔa kere. ¹⁹ M sere am wɔ, am boro am nyi sere Nyeme ma m, na i buka m, adena i ce má, na m kaaki ba am dɔ bekun.

Awieeri su dɛɛ nyemesere ni

²⁰ Nyeme ahoredafɔ n atenge ya Mibiɛ Yesu Kristo i yiwee n nu. Nyeme faari Yesu mbunja n faari sesesu diiri i di n ti ye Yesu yoori ya sasafɔ kpiri n a. Nyini sesesu n la má awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jɔ ya ŋu. Yesu Kristo dɛɛ ti, ye i yo nyini n kere a. Yiri ti ye ni ka ya kansa i sanɔa kere sanɔa. Ami.

²² M ninbaam, m sere am wɔ, am yo sawore, na am so am sui, na am de ahin jore n bo i wo ahin kadasi n nu, na m sufa tu am fɔ ni. Dama jore n bo m sukere ma am n sunnu má. ²³ M koro ka am si ka, ya niwa Timoti wo má dansaraka nu kun, ba yaki i, nzen i ba tuuri m nde, na m ba suba, m ni yiri kere bá nie am busu.

²⁴ Am bisa am mɔfɔm kere ni Nyeme minem kere donɔgu ma ya. Ya ninbaa yaradayofɔm bo bu wo Itali asien n su n kere bisa am donɔgu.

²⁵ Nyeme buka am kere.

Kadasi n bo YAKOBO akerε i ni

¹ Mini Yakobo bo m ti Nyeme ni ya Mibie Yesu Kristo dεε akoo ni, m bisa Kristo jamam n kerε dongu, bere bo ba sandi abara aye durunya n kerε nu ni.

Yaradayo ni alecira jore

² M ninbaam, nzen gberεgbere be tu am, am ma am ahore jo. ³ Dama am si ka am yarada bo am ayo Nyeme n dεε ti, ye nyini gberεgbere n tu am a, na am mindi njuuri i awieeri, am koro mindi nju gberεgberem bo bu tara nyini n mmoo awieeri. ⁴ Am ma am mindi n sun am nu, adena am woowa kerε ti kabo Nyeme koro ka i ti ni na má pui kpie am su.

⁵ Ama, nzen alecira akpie am nu be su, i ti ye ni ka i mi sere i Nyeme do, yiri bo i ce sono kerε aceeri ni i kunnu kun ni, na i wura má be nyinse ka i mi asere i n dεε ti. Nyini ti, nzen be sere Nyeme, yiri má i mi alecira n a. ⁶ Ama, nzen be sere Nyeme, i ti ye ni ka i mi yo yarada ka deke bo i sere i ni, Nyeme má i wo, na má i mi yo sika, dama sono kerε bo i yo sika, i ti ka nzue bo anjuma bo i ko i sin ba i nyunu wo. ⁷⁻⁸ Nyini sono n bo i yo sika so ni, i sunsunni ti nnyo nnyo o, fa ko Nyeme do, i si má i jinaabiri. Má i mi n sunsun ka i nya pui fite Mibie n do.

Fotu fa ko Kristo jama n jaarifo m ni nengefom do

⁹ To, ya niwa bo i ti jaarifo, na Nyeme awura i kpiri, i ti ye ni ka i mi ma i ahore da. ¹⁰ Na ya niwa bo i ti nengefō gusu, na Nyeme ayo i kaan, i ti ye ni ka i mi ma i ahore da. Dama i ce má na i ni i nenge n kerε bá wo má bere, kabo wura pum ce má, na i ni i nyumi n kerε kpōnkpōn barasu ni. ¹¹ I ti so o, kabo wie ba bi, na i kekere n bo kpōnkpōn wura pum na i wu, na i nyumi wie ni. Kabo nengefō n gusu ni i nenge n ti lee. Sanja bo i nyunu aba aboro i juma su ni, i ni i nenge n kerε bá wo má bere kun.

Fotu fa ko sanja bo am wo gberεgbere nu ni

¹² Terefie wo sono kerε bo gberεgbere tu i, na i mi saaki má i noo n do. Nyini sono n koro mindi njuuri nyini gberεgbere n awieeri, i nyá ngoo Nyeme do, nyini la aceeri n bo i yo seeri ka i fá ma bere bo bu koro i ni. ¹³ Nzen gberεgbere n so n atu be na i ma i wura satie nu, má i mi se ka, “Nyeme ayo m ye m wura satie nu a.” Dama pui koro yo má Nyeme na i wura satie nu, na i gusu yo má be na i mi wura satie nu. ¹⁴ Ama, deke bo i ma sono wura satie nu n la i mi ni i tii dεε konvikiya a, nyini ma i cin dodo satieyo a, ¹⁵ na nyini konvikiya n nya cin i wura satie nu na i mi yo satie be, na nyini satieyo n nya ba bi wieeri, i fa yiwee ba a.

¹⁶ M ninbaa koroowam, má am daka am nju. ¹⁷ Aceeri kerε bo i ti kpa na i ti kabo Nyeme koro ka i ti ni, i kerε fite angoro ya Si Nyeme do o, yiri yiiri deke n kerε bo i ta angoro n a. I wo ti i wo wo, na i ma má awosin yo má na i kaaki deke be. ¹⁸ I dεε koroyanu, na wo fa i

nɔ́aniɛ n bo i ti nahɔ̀rɛ n ama ya, ye ya yo i nbaam. I yoori sɔ ɔ, adena ya yo deke n kɛrɛ bo wɔ yi bu n tii.

Am de Nyɛmɛ nɔ́aniɛ n na am yo kabo i kere ni

¹⁹ M ninbaa koroowam, i ti ye ni ka am ti ahin sereya n bu, ka, sɔnɔ kɛrɛ so i sui ndende na i ti, má i mi koro nde jɔjɔ, má i kaaki fa yaa ndende. ²⁰ Dama yaa kere má sɔnɔ na i yo sa bo i kɔ atin su Nyɛmɛ dɔ. ²¹ Nyini ti, am yaki sa ɲɔbɛɛɲɔbɛɛn, ni satie kere yo. Am yo am ɲu kaan fa ma Nyɛmɛ, na am de i nɔ́aniɛ n bo wɔ fa awura am ahorembaa su ni. Dama nyini nɔ́aniɛ ni koro de am tii ji a.

²² Am yo kabo Nyɛmɛ nɔ́aniɛ n kere ni. Má am dadaka am ɲu ka am ati i na am yo má kabo i kere ni. ²³ Dama nzen be tiiri nɔ́aniɛ n na i yo má kabo i kere ni, i mi ti ka sɔnɔ bo i fa niɛnu nie, na i ɲu i ɲu wɔ, ²⁴ ama, na i nya faari niɛnu n seeri, na i kɔ wieeri, a ɲu ka i wara afi kabo i nyunuawa ti barasu. ²⁵ Ama, sɔnɔ kere gusu bo i fiitiiri Nyɛmɛ nɔ́aniɛ kpamaawa n nu, nɔ́aniɛ kpamaawa n bo i ti kabo Nyɛmɛ koro ka i ti n na i ma minɛm nyaari bu tii ni, na nzen i mi boro i nyi su nɔ́aniɛ n su, na i mi ti má sɔnɔ bo i ti nɔ́aniɛ n na i wara afi i, ama, na i ti sɔnɔ bo i yo kabo nɔ́aniɛ n kere ka i yo ni, i mi yiri, Nyɛmɛ yó i kisi fa kɔ i sayoowa kere nu.

²⁶ Sasu bekun, sɔnɔ kere bo i ɲa i su Nyɛmɛ atin su, na i koro tara má i nɔɔ, i mi daka i ɲu wɔ lɛɛ, na i nyɛmɛsu atin n ti ɲɔbɛɛn wɔ. ²⁷ Nyɛmɛsu atin bo be su i su n na i la má gela be ya Si Nyɛmɛ dɔ n la ahin, ka, i mi nie ayikam ni nkunafɔm su, bɛrɛ bo bu di yaari ni, na i mi kaaki tara i ɲu na má durunya n nufɔm ma i yo fin be Nyɛmɛ dɔ ɔ.

2

Fɔtu fa kɔ tantambunu

¹ M ninbaam, kabo am yo Yesu Kristo yarada ni, yiri bo i ti ya Mibie Jirimafɔ ni, má am fa tantambunu ni am beɲgu. ² Ma m fa i ka, nzen mine nnyɔ nbem ba wuraari am tientienbunɔɔ sɔɔ n nu, na kun wura sutura kpakpa ni sika ɲгаа, na nyiɲga n ti yaarifɔ na i wura sutura titiwa, ³ na nzen am nu kun se bo i wura sutura kpakpa n ka, “Jande, ba tana ahin tanaabiri nyunyumi n su,” na i nya se yaarifɔ n ka, “Wɔrɔ, ka jina dɔ, nzen má nyini, ba tana m jaa bu fɛn,” ⁴ nyini kere ka am sufa tantambunu atin lɛɛ, na am sunsunni tie ma am sufa kpakpaakinu ba lɛɛ, má sɔ?

⁵ M ninbaa koroowam, am ti fɛn. Má Nyɛmɛ yiiri yaarifɔm bo bu wɔ durunya n nu n ka bu ti ajekefɔm i dɔ, bu yarada n dɛɛ ti a, na bu nyá femeya n bo wɔ se ka i fa ma minɛm bo bu koro i n a, nzen sɛ? ⁶ Ama, ambɛrɛ bu yaarifɔm ɲɔbɛɛn wɔ. Nɲmam kere am wahara n a? Nɲmam kaaki cin am kɔ jɔrɛ diibirim n a? Má neɲgefɔm n a? ⁷ Má bɛrɛ jɔjɔ wura duma n bo i la anyunuyi ni ɲgasi nu n a? Yiri ye Nyɛmɛ afa ama am na i kere ka am ti i dɛɛm ni.

⁸ Ba kere i Nyɛmɛ Jɔrɛ Kadasi n nu ka, “Koro u beɲgu kabo a koro u ɲu ni.” Nyɛmɛ femeya n nu nɔ́aniɛ kpamaawa bambaka n lɛɛ. Nzen am yo sɔ, nyini ti kpa a. ⁹ Ama, nzen am laari tantambunu, am ayo satie, na Nyɛmɛ nɔ́aniɛ kpamaawa n kere ka am ti ketemafɔm wɔ lɛɛ. ¹⁰ Wɔrɔ kere bo a suuri Nyɛmɛ nɔ́aniɛ kpamaawa n kere su, ama, na a saakiiri i kun n kpein mmɔɔ, a saaki nɔ́aniɛ kpamaawa n kere lɛɛ.

11 Nyeme bo wo se ka, “Má a kpini u beɗgu yi” ni, yiri akaaki ase ka, “Má a kun sɔnɔ” n a. Ama, nzen haari a kpini má u beɗgu yi, ye a kuunri sɔnɔ, a yo ketemafɔ fa kɔ nɔanie kpamaawa n su lee. ¹² Am ma am jojɔwa ni am sayoowa kere ka am ti minem bo Nyeme bá fa i nɔanie kpamaawa ni fá di am jɔre a, nyini nɔanie kpamaawa n bo i ma minem nya bu tii ni. ¹³ Dama jɔredi cɛen, minem bo bu si má bu beɗgum aɗunfɔ ni, Nyeme si má bere mmɔɔ aɗunfɔ. Ama, aɗunfɔ sifom ni, bere dí nasara, jɔredi cɛen ni.

Fɔtu fa kɔ yarada ni i sayoowa

¹⁴ M ninbaam, nzen sɔnɔ ŋa i yo Nyeme yarada, na i sayoowa kere má ka i la yarada, nyini yarada ni kóro de i tii ji, nzen se? Ai, nyini ti ŋgbɛen wo lee. ¹⁵ Ma m fa i ka, nzen am ninbaa Kristo jama nbem wo bere bo bu la má diire, na bu la má sutura, ¹⁶ na nzen am nu kun seeri i ka, “Kɔ ni ahoreda. Nyeme ma u na a di, na i ma a nya sutura.” Nzen a seeri sɔ, na a ma má i mi koroowa ni, i kpa la bɔnɔ? ¹⁷ Nyini ti, nzen a la yarada n ŋgumi, na u sayoowa kere má ka a la yarada, i ti yarada ŋgbɛen wo lee.

¹⁸ Be koro se ka, “Ahin sɔnɔ n yiri yo Nyeme yarada wo, ama, ahin n yiri yo sakpa a.” Tɔ, ye sɔnɔ yo se kere ka i yo Nyeme yarada, bo i yo má sakpa a? Mini yo sakpa a, nyini kere ka m yo Nyeme yarada. ¹⁹ A ŋa a yo yarada ka Nyeme ŋgumi wo bere a. Nfan. Haari ajinim mmɔɔ si i sɔɔ, na bu ŋunie subobo bu ni sere. ²⁰ Wɔro sinnzin ŋgbɛen ni, a koro ka m kere u ka yarada yoowa bo i kere má sakpa n ti yarada ŋgbɛen wo, nzen se? ²¹ I yo se ye Nyeme deerɩ ya na Abraham ka i yo sa bo i kɔ atin su i dɔ a? Abraham sayoowa n dɛɛ ti ye Nyeme deerɩ i sɔ a, dama Abraham yo faari i wa Izaki fa seeri Mikun n yoowa yoobiri n ka i fa i yo yoowa ma Nyeme ni. ²² A ŋu má i? I yarada yoowa fa sanɓa ni i sakpa yoowa kere yoori kun wo. Na i sayoowa n akere ka i yarada n ti kabo Nyeme koro ka i ti n wo. ²³ Sɔ ye deke n bo bu kerɛeri i Nyeme Jɔre Kadasi n nu n ayo yiiwa a, ka, “Abraham yoori Nyeme yarada n dɛɛ ti, na Nyeme ade i ka i yo sa bo i kɔ atin su i dɔ.” Nyini ti, ye bu fereeri i ka Nyeme danfo n a. ²⁴ Tɔ, m ŋa am aɗu i e, ka sɔnɔ sayoowa ma Nyeme de i ka i yo sa bo i kɔ atin su i dɔ a, má ka i mi yarada ŋgumi ti. ²⁵ I ti sɔɔ lee, fa kɔ bara sakara be bo bu fere i ka Rahabu n dɔ. Dama dawa sanɓa, yiri yo bukaari Yisarelifom dɛɛ kɔresiyifom n a, na wo kere bu atin na ba foro bu kpɔfom saa nu. Nyini sayoowa n dɛɛ ti, na Nyeme ade i ka i yo sa bo i kɔ atin su i dɔɔ. ²⁶ Tɔ, kabo ŋumi awo má aɗuniembaa n nu na i ti fuin ni, sɔ ye i ti a, nzen a la yarada na u sayoowa kere má ka a la yarada, yarada ŋgbɛen lee.

3

Fɔtu fa kɔ kabo ya bita ya taferema

¹ M ninbaam, má am dɔɗgu yo am ŋu kerefom. Dama am si ka yere bo ya ti kerefom ni, ya jɔre diiwa bá yo kekereke agaya a. ² Ya kere ba yo, ya yo sam bo bu kɔ má atin su wo. Ama, nzen sɔnɔ kere bo i jojɔwa kere kɔ atin su, i mi woowa n ayo kabo Nyeme koro ka i yo n wo lee. I kere ka i mi n la tarabunju sa kere nu lee. ³ Am ma ya nie kpɔɗɔ. Ya fa karafi wura kpɔɗɔm nɔɔɔ, na ya kunma bu fanɓa na

bu yo deke kere bo ya koro ka bu yo i ni. ⁴ Am ma ya nie lee bambaka gusu, i ni i bambaka n kere ni, haari nzen anuma bambaka subo i ko deke be, lee kanfo n koro fa napoku baka n bo i ti kaan ni lee ni, na i kan i ko deke kere bo i koro. ⁵ I ti so lee ni taferema n gusu, i ni bo i ti kaan anuniembaa n nu n kere ni, i koro saaki deke donggu.

Nie kabo sin ti barasu a, haari i ti kaan se, i koro je boo bambaka. ⁶ Taferema n ti ka sin wo lee. Bekun, ya nuniembaa n nu, i kaaki ti ka satiem bo ba yi durunya n nu n wo, i satie n sa anuniembaa n kere wo. I yo juma ka sin wo, na i saaki sono nuniembaa n fite ceen n bo bu wuuri i n fa ko ju haari i yiwee ceen. Yiko bo taferema n la i na i yo so n fite ceema sin n nu wo. ⁷ Adamande kunma deke n kere fanga, i ajaannam o, i lanjketefom o, i cinbukunnusufom o, ni jombaam o. Na wo koro ata bu kere. ⁸ Ama, taferema yiri, sono be nya koro kunma ma i fanga. I ti deke tie wo, bo be koro tara ma i. I ti ka wo yi ni bore bo i kun wo. ⁹ Ya fa yiri fa kansi Micera n bo i ti ya Si n a. Na ya kaaki fa yiri saaki minem bo Nyeme ayi bu ka bu ferema ni yiri n a. ¹⁰ Nyini anoo kun n ye kansi ni saaki fite nu a. M ninbaam, wo yo ma daka ka i ti so. ¹¹ Bura kun koro tie nzue kpa, ni nzue tie, nzen se? Ai, i koro yo ma. ¹² M ninbaam, am si ka damba baka koro su ma nguimbbaa. Cumi baka gusu koro su ma damba. I ti so o lee, bura bo i nzue ti lalaraki, i koro tie ma nzue bo i yo fie.

Fotu fa ko alecira bo i fite Nyeme do ni

¹³ Nma wo am nu bo i la alecira ni si a? I ti ye ni ka i mi kere ka i ti so o, fa ko i woowa kpa su, na i yo sakpa, na i wo benle, nyini kere ka i la alecira. ¹⁴ Ama, nzen am susi kore ahorembaa su, na am suyo wi, na am bita anyii sunsunni, ma am bita fo ka am la alecira, na ma am bu kore jara ni nahore n so. ¹⁵ Nyini alecira n so fite ma Nyeme do, ama, i fite durunya n nu fen wo, i nati ma Nyeme atin su, i ti Sitana dee wo. ¹⁶ Deke bo koresi, ni anyii wo, kpakpaakinu ni satie yoowa barasu kere wo do o. ¹⁷ Ama, sono bo i la alecira n bo i fite Nyeme do n la ka, i woowa ti casi. Bo i to su n la ka, i koro tanalaifie, na i la wo benle, na i de fotu, na i si anunfo agaya, na i yo sakpa beberebe, na i la ma tantambunu, na i kaaki la ma burukoonu. ¹⁸ Tanalaiefom bo bu yo tanalaifie juma ni, bu nkatoo n la sam bo bu ko atin su Nyeme do n wo.

4

Fotu fa ko kabo ya da ya nu asienngu fa ma Nyeme ni

¹ Nzu ti ma am di aluwa, na am suse akuruwa am nju nu a? I fite ka am sunsunni ti tie, fa ko am ahorembaa koroowa beberebe n bo i wo am nuniembaa nu, na i kpie am daafiri n dee ti a, ma so? ² Am koro deke nbem, na am nya ma bu n ti, ye am koro ka am kun am bengum n a. Am konviki wura minem nenge nu, na am nya ma i n ti, ye am se akuruwam, na am di aluwa n a. Am sere ma Nyeme n dee ti, ye am nya ma am koroowa n a. ³ Deke bo i ti na am sere Nyeme na am nya ma i n la ka, am sere ni sunsunni tie wo. Am sere dekem ka am fa yo am kunnu koroowa a. ⁴ Amere bo am su ma Nyeme ni, am si ma ka sono kere bo i koro durunya n nu nenjem agaya, ti Nyeme kpoo o, nzen se? Nyini ti, sono bo i fa i ahorembaa se durunya n nu nenjem su, i mi ti Nyeme kpoo o lee. ⁵ Ma am sunsun ka deke bo ba

kere i Nyeme Jore Kadasi n nu n ti ngbeen wo, ka, “Sono kere bo i fa i awiewie n bo Nyeme afa ama i n suuri deke be sin Nyeme nu, Nyeme si i kore agaya.” ⁶ Ama, ahoroma n bo Nyeme afa ama ya n sunnu. Nyini ti, ye ba kere i Nyeme Jore Kadasi n nu ka, “Nyeme kete kpirikorofom wo,

ama, na i fa i ahoroma n ma tarakam.”

⁷ Nyini ti, am fa am nu ma Nyeme. Am kete Sitana, na i nmáti yaki am.

⁸ Am cin dodo Nyeme, na i gusu cin dodo am. Ambere satieyofom, am yi am saa fite satie nu. Ambere anoo nnyo nnyofom, am yo am ahorembaa casi. ⁹ Am satie dee ti, am ma am ahore saaki, na am sun. Am fa am siri fa kaaki sun, na am fa am ahorejo fa kaaki ahoresaaki.

¹⁰ Am da am nu asienngu ma Nyeme, na yiri bá wura am kpiri.

Fotu fa ko kabo má ya jaraki ya benjumu ni

¹¹ M ninbaam, má am jajo tie ma am benjumu. Woro bo a jajo tie ma u lamoko, wara a jaraki i, a jajo tie afa ako Nyeme noanie kpamaawa n su ajaraki i lee. Nzen a nya yoori so, a nya ti má sono bo i de Nyeme noanie kpamaawa n lee, ama, a yo u nu ka joredifo lee. ¹² Nyeme ngumi ti i noanie n kpamafa a, na yiri ngumi kaaki ti i joredifo a, yiri bo i koro de minem tii ji na i kaaki koro ma bu ka ngbeen ni. Woro la nma na a jaraki u benjumu a?

Fotu fa ko yanfoya atin su

¹³ Am ti fen, ambere bo am se ka, “Nyuma, wara ahunma, ya kó ahin mie n su, na ya kó yo afo kun do, na ya yó juma, na ya nyá njwaa beberebe ni.” ¹⁴ Ambere, haari am si má sa bo i bá yo am ahunma mmoo. Am ni am ngoo ti ka se? Am ti ka bore wo, bo i to na i ce má, na wie ba tie, a nu ka wo kponkpon ni. ¹⁵ Deke bo i ti ye ni ka am se n la ka, “Nzen Nyeme diiri su, ya wó bere, na ya yó ahin ni ahin.” ¹⁶ Ama, kabo i ti ni, ambere koro kpiri wo, na am sufó. Nyini yanfoya so n kere ti má kpa. ¹⁷ To, nyini ti, sono kere bo i si sakpa bo i yo i, na i yo má i, i mi yo satie wo lee.

5

Fotu fa ko nenjefom do

¹ Ambere nenjefom, am ti fen. Sa ngbeenngbeenm bo bu bá tu am n dee ti, am sun na am subo awie. ² Am ajeke n kere susaaki, na nvorem sumuka am suturam n kere. ³ Am sika ni am jete kere suwura ngambulaari, na bu ngambulaari wuraawa ni bá ma Nyeme jaraki am, na i káaki ba yara am ka sin, am nuniembaa nu. Am atien ajeke noo afa ase fa ko durunya n awieeri wo lee. ⁴ Sasu bekun, am akete ka am to má jumayofom nkató, bere bo bu tambu am fiesu nenje mbaa ni. Am ti kabo bu kan am ndie a, bu awie bo n kere ato Micera Yikofó n sui nu. ⁵ Kabo am wo durunya n nu fen ni, am adi fie, na am ayo am kunnu koroowa. Am adi ayo ngbingbiri ka toora dodoorifom bo bu sukó ka bu kpie bu kom ni. ⁶ Minem bo bu la má ngasi be ni, bere n ye am ama ba di bu jore acin bu sui akun bu a. Bu kete má am wo.

Awieeri su dee fotu jorem ni

⁷ Nyini ti, m ninbaam, am yo sawore nminda fa ko ceen n bo Mibie ni bá ni. Am nie kabo dodoorifo yo sawore nminda, haari kabo bu

fiesu diire bá yo kpakpa barasu. I yo sawɔre nminda kpanyini nzue kɔ tu takoku wɔ. ⁸ Am gusu yo sawɔre. Am ma am ahore si, dama Mibiɛ n ba sanɔa n adodo. ⁹ M ninbaam, má am wo waraki su, sukan am benɔu ndiɛ, adena má Nyeme bá di am jɔre. Am ti fen, yiri Jɔredifo n læɛ, yiri jina anɔ n nu n a. ¹⁰ M ninbaam, am ma ya tenɔe su, fa kɔ Nyeme nɔanie kanfɔm n bo bu yo jɔjɔri Micera n duma n nu ni. Am su bu jaa yiiwa su, kabo bu yo yoori sawɔre mindi diiri wahara ni. ¹¹ Nahɔre, minem bo sa tu bu, na bu la mindi kɔ ŋu i awieeri ni, bere ye ya fere bu ka terefiɛfɔm a. Am tiiri kabo sɔnɔ be bo bu fere i ka Yobo n yo laari mindi barasu, fa kɔ ni wahara n kere bo i yo diiri i ni. Am si kabo kasin na Micera n abuka i ni. Dama Micera n si anɔnɔ na i la koro agaya.

¹² M ninbaam, jɔre bo i buka i kere su n la ka, má am tan deke be ndiɛ fieo. Má am se ka am tan asiɛngɔ, wara am tan anɔoro. Nzen u jɔjɔwa n bu la ka ɛɛn, am se ka, “ɛɛn.” Na nzen u jɔjɔwa n bu la ka ai, am se ka, “Ai.” Adena, má Nyeme di am jɔre na i yo am nɔbɛɛn.

¹³ Nzen be wo am nu bo sa be atu i, i ti ye ni ka i mi sere Nyeme. Na nzen be wo am nu bo i la má laifiɛ, i ti ye ni ka i mi fere Kristo jama nkpienkpienm na bu ba sere Nyeme ma i, na bu nunuka i nɔuin, Mibiɛ n duma n nu. ¹⁵ Nyini nyemesere n bo bu sere i ni yarada ni, i má tukpakifo n nya laifiɛ, na Mibiɛ ni má i yasu. Na nzen haari wɔ yo satie mmɔɔ, Nyeme fá i satie n ce. ¹⁶ Nyini dɛɛ ti, am kan am satie bo am ayo i kere am benɔu, na am sere Nyeme ma am benɔu, adena am nya laifiɛ. Sɔnɔ bo i yo sa bo i kɔ atin su Nyeme dɔ ni, i nyemesere la fanɔa, na i yo juma nahɔre su. ¹⁷ Nyeme nɔanie kanfɔ n bo bu fere i ka Eliya ni, i yo tiiri adamande ka yere wɔ, na wɔ sere Nyeme ni anyumboro su, ka, má nzue tɔ, na nzue n atɔ má asien n su afɔ nsan ni sara nsen. ¹⁸ Na wɔ kaaki asere Nyeme, ka, i ma nzue n tɔ, na wɔ tɔ, na asien n diire mbaa kere akaaki ayo.

¹⁹ M ninbaam, nzen am nu kun miniiri nahɔre atin ni, na am nu kun be faari i kpieeri i nyi baari atin n su, ²⁰ i ti ye ni ka i mi n si nu ka, sɔnɔ kere bo i yiiri satieyofɔ fiteeri i satie atin n su, i mi de nyini sɔnɔ n tii fite yiwee nu, na i ma Nyeme fa i mi satie beberebe n fa ce i.

Kadasi ciciri su bo PETORO akerε i ni

¹ Mini Petoro bo m ti Yesu Kristo jaramasa ni, sukere ahin kadasi n na m fa ma ambere Nyeme minem bo wo yi am na am ti wofom na am asandi abara aye, na am wo Pontusi, ni Galatiya, ni Kapadosiya, ni Esiya, ni Bitiniya aworem n nu ni. ² Nyeme koroyanu dee ti, ye wo du mo ayi am ye i Awiewie Casi n ama am ayo i dee minem a, adena am de Yesu Kristo noanie ni, na i mbunja n nmisi am na i yo am casi. Nyeme buka am na i ma am ahoreda ko sin su.

Deke bo ya la i tama ni

³ Am ma ya kansi Nyeme, yiri bo i ti ya Mibie Yesu Kristo Si. Wo si ya anjufo agaya n dee ti, ye wo ma ya yo mine fofore, ye ya la tama wo ni ngoo a, dama i tengeeri Yesu Kristo i yiwee n nu wo. ⁴ Na am nya acerim bo Nyeme afa ase angoro anminda ka i fa ma am ni. I ti aceeri bo i saaki ma, i yo ma fin, na i kaaki wie ma. ⁵ Am ayo Kristo yarada n dee ti, Nyeme la yiko bo i sasa am haari ni bo am ba nya tiide n bo wo sese i su ka am ba nya i awieeri su sangani.

⁶ Nyini kere dee ti, ye am la ahorejo n a, haari nzen wo yo daka ka am ahore saaki kaan fa ko kekereke barasu barasu n bo kisa am sunu i ni. ⁷ Nzen am koro mindi deeri nyini kekereke barasu n kere, nyini kere ka am ayo Kristo yarada nahore su a. Kabo am ayo Kristo yarada ni, i la anyunuyi tara sika bo i ka ngbeen ni. Sika yiri, bu fa i wura sin nu wo, na bu nie kabo i ti barasu, so ye Nyeme ma am di nyini waharam n a, na i nie kabo am ayo Kristo yarada n barasu ni. Nzen am ayo i yarada ni nahore su, ceen n bo Yesu Kristo ba yi i nu fite fofoe nu ni, am nya kansi, na bu wura am kpiri, na bu ma am jirima. ⁸ Am nyumbaa nya nu ma yiri Yesu ni, ama, am koro i, haari ni bo am nyumbaa koro nu ma i kisa ni, am yo i yarada a, na am ahore ajo ako asin su, na am si ma kabo am se barasu, ⁹ dama am anya am yarada n kpere, yiri la tiide n bo am anya i ni.

¹⁰ Nyini tiide n jore ye dawa dee Nyeme noanie kanfom fitiiri i nu na bu si i n a, ye bu kan kereeri minem fa ko sakpa n bo Nyeme ba yo ma am n su n a. ¹¹ Na Kristo Awiewie n bo i wo bu do n adu mo akere bu kabo Kristo, Tiidefo n bo Nyeme ase ka i sunma i n ba diiri wahara ni, ni kabo i woowa ti kpiri barasu ni, i wahara di n sin. Na ba boro bu nyi na bu si kabo yiri Kristo Tiidefo n ti barasu, ni sangani bo nyini sam ni ba yo ni. ¹² Na Nyeme ama bu asi nu ka jore n bo ba kan i ni, i ti ma ka i buka bere ni bu tii wo, ama, i ti deke bo i buka ambere wo. Yiri ye kisa am ati i afite minem bo bu kan labari kpa n kereeri am do n a. Nyeme maari i Awiewie Casi n fiteeri angoro ba maari bu yiko ye bu kaanri i jore n kereeri mine a. Nyini jorem ye Nyeme merkem mmoo koro ka bu nie nu na bu si i bu n a.

Kabo i ti ye ni ka ya woowa ti casi barasu ni

¹³ Nyini dee ti, am sese am sunsuni su, na am tara am nu, na am fa am tama kere wura sakpa n bo Nyeme ba yo ma am n nu, sangani bo Yesu Kristo ba yi i nu fite fofoe nu ni. ¹⁴ Am de Nyeme noanie n ka

nbaatumam bo bu de bu si nɔaniɛ ni, má am yo am kunnu koroowa, na am suyo satiem n bo am yo bu sanɔa bo am yo si má Nyeme atin ni. ¹⁵ Ama, am ma am woowa kere ti casi, kabo yiri Nyeme woowa ti casi ni, yiri bo wɔ yi am ka i dɛem ni, ¹⁶ dama ba kere i Nyeme Jɔre Kadasi n nu ka, “Mini, m ti casi wɔ, nyini ti, wɔ yo daka ka ambere gusu ti casi.”

¹⁷ Kabo am sere Nyeme, na am fere i ka am Si ni, am tara am ŋu na am bu i fa kɔ deke kere bo am yo i am ŋɔɔ su ni, ahin durunya n bo i ti má am woobiri n nu ni, dama kabo i di minem jɔre fa kɔ bu kere sayoowa su ni, i tambu má nu. ¹⁸ Am si kabo Nyeme ade am tii aji afite am sayoowa ŋgbɛnŋgbɛnm n bo am nam yo fa maari am n nu ni. Deke n bo wɔ fa ade am tii aji n ti má ka sika wara jete bo bu koro ka ŋgbɛn ni, ¹⁹ ama, wɔ fa Yesu Kristo dɛɛ mbunja n bo i la má aɔusu na i ti ka bɔmbaa bo i la laifie na i la má fin be n dɛɛ n wɔ. ²⁰ Nyeme du mɔ yiiri i ka i ba yo sɔ ka, ye i nya ba yiiri durunya n a. Ama, ahin awieeri su sanɔa n bo ya wo nu n ye Nyeme ma wɔ fite fofoe nu, ambere dɛɛ ti a. ²¹ Yiri dɛɛ ti ye am ayo Nyeme yarada n a. Nyeme tengeeri i yiwee n nu, na wɔ wura i kpiri, nyini dɛɛ ti ye am yo yarada na am la tama fa kɔ Nyeme dɔ n a.

²² Kabo am ade Nyeme nɔaniɛ n bo i ti nahɔre, na wɔ yo am casi ni, nyini ma am koro am beɔgu bo dadaka wo má nu a. Nyini ti, am sukoro am beɔgu ni am ahorembaa fofoe ni nahɔre su. ²³ Am akaaki mine fɔfɔrem, i ti má kabo adamande wu baa na i wu ni, ama, bo i wuuri am ni, i wu má. Nyeme faari i nɔaniɛ n bo i la ŋɔɔ na i la má awieeri n ye i ma am akaaki mine fɔfɔrem n a. ²⁴ Dama ba kere i Nyeme Jɔre Kadasi n nu ka,

“Adamande kere ti ka wura a,

i ce má na i wu,

Na bu nyumi kere ti kabo wura pum yo nyumi barasu n wɔ,

i ce má na i yɔrɔki na i kpɔnkpɔn.

²⁵ Ama, Micera n dɛɛ nɔaniɛ n wo bere wɔ sanɔa kere.”

Nyini nɔaniɛ n ti labari kpa n bo ba kan akere am n a.

2

Nyeme mine n bo wɔ yi bu n jɔre

¹ Nyini dɛɛ ti, am yaki sa kere bo i ti má kpa, má am kpɔ am beɔgum, má am sisi am beɔgum, má am yo am beɔgum burukɔɔnu sa, má am si am beɔgum kɔre, má am kan am beɔgum jɔre saaki bu. ² Kabo baakan koro nyufini ni, am gusu, am koro Nyeme nɔaniɛ n bo i ti ka nɔnɔ casi ni, nyini buka am ye am koro nyi na am nya tiide a, ³ dama ambere ni am tii si kabo Micera n ti kpa barasu. ⁴ Am bra Kristo dɔ, yiri ti ka yabuɛ n bo i la ŋɔɔ n a. Yiri ye fatafɔm ayi i atu n a. Ama, Nyeme ayi i ka i la anyunuyi. ⁵ Ambere gusu, am ti ka yabuɛm n bo bu la ŋɔɔ n wɔ, na Nyeme sufa am ta awuru n bo i Awiewie Casi n wo nu, na am yo i sayoowa dɔɔɔguyofɔ casim, na Awiewie Casi buka am na am yo yoowa bo i sun Nyeme nu, Yesu Kristo dɛɛ ti. ⁶ Dama ba kere i Nyeme Jɔre Kadasi n nu ka, Nyeme ŋa,

“Am ti fɛn, m sufa yabuɛ bo i la anyunuyi

sufa bo Siyon mie kpiri n bu,

sɔnɔ kere bo i yoori i yarada,

i mi dí má nyinse.”

⁷ Tɔ, amberɛ bo am ayo i yarada ni, am anya deke bo i la anyunuyi ni, ama, minem bo bu yo má i yarada ni, ba kɛrɛ i Nyemɛ Jɔrɛ Kadasi n nu ka,

“Yabue n bo bondo tafɔm n faari i tuuri ni,
yiri ye wɔ kaaki bondo n jaa yabuem n kɛrɛ tii a.”

⁸ Na ba kaaki akɛrɛ i Nyemɛ Jɔrɛ Kadasi n nu ka,

“Nyini yabue ni, minem bo bu jaa su,
na bu kpaasi.”

Deke n bo i ti na bu kpaasi n la ka, ba de má Nyemɛ nɔaniɛ ni, kabo wɔ yo daka ka i yo lɛɛ.

⁹ Ama, amberɛ, am ti daanfɛ n bo Nyemɛ ayi am wɔ, am ti sayoowa dɔnguyofɔm bo am su Nyemɛ bo i ti am fɛmɛ n wɔ, am ti Nyemɛ dɛɛ mine casim wɔ, am ti Nyemɛ dɛɛ awurunbaam wɔ. Yiri ye wɔ yi am ka am kan i sakpam kere minem a, dama wɔ yi am afite awosin nu, afa am awura i dɛɛ wein n bo i la má aɲusu n nu. ¹⁰ Ba kɛrɛ i Nyemɛ Jɔrɛ Kadasi n nu ka,

“Sanga be, am yo ti má i dɛɛ minem,
ama, kisa, am ti Nyemɛ dɛɛm wɔ.

Nyini sanga, Nyemɛ yo si má am aɲunfɔ,
ama, kisa, wɔ si am aɲunfɔ.”

Kabo Nyemɛ akɔɔm woowa ti barasu ni

¹¹ M danfo kpam, am ti wɔfɔm wɔ, ni minem bo bu la má woobiri durunya n nu fɛn, nyini dɛɛ ti, m sere am ni anyumboro wɔ, má am ma am nyunu boro am aɲuniembaa koroowa su, dama am aɲuniembaa koroowam sukoro ka bu kunma am wɔ. ¹² Am ma am woowa ti kpa, na nzen minem bo bu su má Nyemɛ n jaraki am fa kɔ satie be su, bu ba ɲu am sakpa n bo am yo i ni, na bu kánsi Nyemɛ, cɛɛn n bo i bá nie i minem su ni.

¹³ Ya Mibiɛ n dɛɛ ti, am de nfanɲafɔm kɛrɛ nɔaniɛ, fɛmɛ bo i nie adamande kɛrɛ su ni, ¹⁴ ni nkpienkpiɛnm bo wɔ yi bu ka bu sunie am su ni, am de bu nɔaniɛ, dama ba fa bu ase ka bu cin minem bo bu yo satie n sui wɔ, na bu kansí minem bo bu yo sakpa ni. ¹⁵ Nyemɛ koro ka am yo sakpa a, na minem bo bu ti sinnzinm na bu si má be ni, na bu si má kabo bu kan. ¹⁶ Am ti minem bo am ade am tii wɔ, má am nie ka am anya am tii n dɛɛ ti, na am sufie yo satie. Ama, am ma am woowa ti kabo Nyemɛ akɔɔm woowa ti barasu ni. ¹⁷ Am bu sɔnɔ kɛrɛ sɔnɔ, am koro am ninbaam kɛrɛ, am soro Nyemɛ, na am bu Romafɔm fɛmɛ kpiri ni.

Kabo ya sɔn Kristo wahara diiwa n su ni

¹⁸ Amberɛ bo am ti akɔɔm ni, am de am mibiɛm nɔaniɛ, na am bu bu nahɔrɛ su, má ka bo bu ti benle na bu yo am sakpa ni ɲgumi, ama, haari bo bu ti tie ni mmɔɔ, am bu bu. ¹⁹ Nzen am ayo má satie be, na bu kere am wahara na am mindi deeri i, ka am soro Nyemɛ n dɛɛ ti, nyini ti kpa a. ²⁰ Nzu kperɛ ye am nyá i a, nzen am yoori satie na bu boori am na am mindi deeri i? Ama, nzen am yoori sakpa, na bu kere am wahara, na am mindi deeri i, nyini ti kpa Nyemɛ dɔ a. ²¹ Nyini dɛɛ ti, ye Nyemɛ afere am a, dama Kristo ni i tiɪ adi wahara ama am, nyini kere am ka i ti ye ni ka am sɔn i su di i wahara n be. ²² Bu ɲa, yiri,

“Wɔ yo má satie be,
wɔ kaaki abu má kɔre be.”

²³ Bu kpɛeri i nzuko ni, wɔ wɔro má nzuko ama má bu. Bu kereeri i wahara ni, wɔ se má bu ka bu nɔ i. Ama, yiri faari i deke kere maari Nyeme wɔ, yiri bo i di jɔre bo i kɔ atin su ni. ²⁴ Ya satie deɛ ti, ye Kristo deerɛ ya jinaabiri diiri wahara wuuri baka jaanu n su a. I yoori sɔ, adena i kere ka ya wu wɔ, fa kɔ ya satie su, na ya la nɔɔ bo ya koro yo sakpa. Wahara n bo Kristo diiri i nɔnie nu n deɛ ti, ye am anya laifie a. ²⁵ Am yo ti ka nbɔem bo ba mini wɔ, ama, kisa, am akaaki aba yiri bo i ti am sasafɔ na i nie am dika n dɔ.

3

Kabo i ti ye ni ka nbaram ni bu hunm wo barasu ni

¹ Tɔ, ambere nbaram gusu, am de am hunm nɔanie. Na nzen bu nbem nya yo má Nyeme nɔanie n yarada, na am woowa ti kpa, nyini ma bu yo yarada, má ka am nɔanie jɔjɔwa n deɛ ti, ² ama, nzen bu nɔuri ka am woowa ti casi, na am ma bu jirima, nyini ma bu kaaki bu wo na bu su Nyeme a. ³ Deke bo i kere ka am yo nyumi ni, i ti má kabo am yo am nɔ di am tiɔmie sunguruya ni, ni kabo am wura sikam, ni kabo am kara sutura kpakpam n barasu ni, ⁴ ama, deke bo i kere ka am yo nyumi n la wo kpa bo i fite am ahorembaa su, na i saari má ni. I ti ye ni ka am yo am nɔ kaan, na am wo benle, nyini ti deke bo i la anyunuyi nahɔre su Nyeme dɔ a. ⁵ Dama kabo dawa sanga, nbaram nbem bo bu ti casi na bu la tama ni Nyeme n yo yoori bu nɔ nyumi lee, bu deerɛ bu hunm nɔanie wɔ, ⁶ kabo Saara gusu yo yoori lee, i deerɛ i hun Abraham nɔanie wɔ, na wɔ fere i ka “M awurufobie.” Nzen am yoori sa bo i ti kpa na am soro má sere, am akaaki Saara nbaam wo lee.

⁷ Ambere nbiesɔm, i ti ye ni ka am gusu yo sɔ. Am si kabo am fa nɔnle bita am yim barasu. Am si ka nbaram fanga ni am deɛ se má, nyini ti, am bu am yim. Dama am ni bere kere sanga nya Nyeme aceeri n a, yiri la nɔɔ bo i la má awieeri ni. Am bita bu nyunyumi, adena má deke be kanda am nyemesere.

Kabo yaradayofɔm diiri wahara fa kɔ sakpa deɛ ti

⁸ Tɔ, deke bo m koro ka m fa kun jɔre n kere nɔɔ n la ka, am kere fa aɔɔse, na am ceɛ wo am beɔgu nu, na am koro am beɔgu ka am ti nibaam wɔ, na am si am beɔgu aɔunfɔ, na am yo am nɔ kaan ma am beɔgu.

⁹ Nzen be yo am satie, má am yo tie tɔ i kaari, na nzen be kpɛeri am nzuko, má am wɔro nzuko ma i, ama, kabo am yo la ka, am yo bu kisi, dama deke n bo i ti na Nyeme afere am la ka, i yó am kisi wɔ. ¹⁰ Dama ba kere i Nyeme Jɔre Kadasi n nu ka,

“Sɔnɔ kere bo i koro ka i nɔ i nɔ fie,
na i wo wo bo i yo fie,
i mi tara i taferema na má i sujɔ jɔre tie,
na má i sudadaka minem.

¹¹ I mi yaki satieyo,
na i yo sa bo i ti kpa,
i mi boro i nyi
na i sukpini tanalaifie busu.

12 Dama Nyeme nyumbaa ta minem bo bu yo sa bo i ko atin su ni, na i so i sui ti bu nyemesere, ama, i koro má ka i nyumbaa nu bo bu yo satie ni.”

13 Nzen am nyunu aboro ka am yo sa bo i ti kpa, nma koro yo am pui a? 14 Ama, nzen am yo sa bo i ko atin su n dɛɛ ti, ye am sudi wahara, am terefie lee, má am soro bu, má am ma am ahore saaki. 15 Ama, am ma Kristo yo am Mibie n na am bu i am ahore su. Na am kpa am nu nmindanda sanɔa kere, na nzen be ba bisa am fa ko deke n bo i ti na am la tama ni, na am si kabo am bo i nu barasu, 16 ama, am jojo benle, na am bu i mi, na am si am sunsunni nu ka am ayo sakpa, adena nzen minem jojɔri am ngbɛɛnngbɛɛn fa ko am wo kpa n su ka am su Kristo dɛɛ ti, na bu dí nyinse. 17 Dama nzen am yo sakpa na am di wahara na i ti Nyeme koroyanu, i ti ye ni bo am yo satie na bu kere am wahara.

18 Ya satie dɛɛ ti ye Kristo gusu diiri wahara kpekun n kpein a, na yiri bo i yo sa bo i ko atin su n awu, yere bo ya ti satieyofom dɛɛ ti, na i yo ya ni Nyeme afien donɔgu. Bu kuunri i ni, na Nyeme ama i ngɔɔ awiewie n nu, 19 na wo nya ako akan jore akere awiewiem bo bu wo dansaraka n nu ni. 20 Dawa sanɔa, bere yo keteeri Nyeme noanie n a, na Nyeme ayo sawore anmindanda, sanɔa bo Nowa sukpa lee bambaka n ni. Nyini lee ni, mine kaan so wurari nu n a, bu mocue nyaari tiide, ye nzue n adi má bu a. 21 Nyini nzue n ti deke bo i kere fa ko Nyeme nzue bieewa bo i ma am anya tiide nyuma n wo. Nyeme nzue bie ti má deke bo i yi am nunie su fin, ama, i kere ka am si am sunsunni nu ka, am la má ngasi be Nyeme do, dama Yesu Kristo tengeeri i yiwee n nu n dɛɛ ti. 22 Yiri ye wo ko angoro ako atana Nyeme saa fomboro su n a, ye i la yiko nie merkem kere su a, ni yikofom, ni nfangafom barasu kere.

4

Kabo i ti ye ni ka yaradayofom wo ni

1 To, kabo Kristo diiri wahara i nunie n nu ni, i ti ye ni ka am gusu kpa am nu bita nyini sunsunni ni, dama sonɔ kere bo i diiri wahara i nunie mbaa nu yo má satie kun. 2 Nyini dɛɛ ti, má am yo am kunnu koroowa, ama, am yo kabo Nyeme koro ni, haari am ngɔɔ awieeri. 3 Sanɔa be am yo yoori am kunnu koroowa, deke bo minem bo bu si má Nyeme n yo i ni, wo se su so. Am yo tara má am nu, na am yo su konvikiya ngbɛɛnngbɛɛnm, na am nu nzan bo, na am nu nzan yo sa ngbɛɛnngbɛɛn kabo nzan nufom yo ni, na am susu amɔɛm, deke bo Nyeme koro má i ni. 4 Kisa na am ni bere sanɔa wo má nyini wo ngbɛɛn ni, jore n amie bu wo, nyini dɛɛ ti ye bu kpie am nzuko n a. 5 Ama, bere ni bu tii, bu bá jina Nyeme nyunu, na bu kán deke kere bo ba yo i. Yiri ye wo yo siriya ka i dí minem bo bu la ngɔɔ ni bo ba wu n jore a. 6 Nyini dɛɛ ti, ye bo ba wu n gusu tiiri labari kpa n jore kaanwa n a, adena haari ni bo bu wuuri kabo adamande kere wu ni, bu nyá ngɔɔ awiewie n nu kabo Nyeme la ngɔɔ ni.

Nyeme amuisufom kpa jore

7 Deke n kere suko awieeri lee. Nyini dɛɛ ti, má am fa am nu ji, am tara am nu na am koro sere Nyeme. 8 Sa n bo i tara deke n kere n la ka, am koro am benggu ni nahore su, dama koro kata satie donɔgu

su wɔ. ⁹ Nzen am benɔm aseke am wɔfɔ, am de bu, má am ɲuɲuti. ¹⁰ Nyeme ama am kere aceeri barasu barasu, nyini ti, i ti ye ni ka am fa nyini aceerim buka am benɔm. Sɔnɔ kere suyo i juma nyunyumi kabo Nyeme afa ama am ni. ¹¹ Wɔrɔ kere bo Nyeme ama u aceeri ka a kan i jɔre, si ka Nyeme jɔre ye a sukan i a, wɔrɔ kere bo Nyeme ama u aceeri ka a fa buka minem, buka bu ni faɲga n bo Nyeme afa ama u ni, adena am sayoowa kere nu na Nyeme nya kansu, Yesu Kristo deɛ ti. Yiri la yiko ni jirima saɲga kere saɲga. Ami.

Kabo i ti ye ni ka Kristo susufɔm di wahara barasu ni

¹² M danfo kɔm, má am ma wahara kekereke n bo am sudi i n yo am fura nu, dama Nyeme suyo am na i nie a. Má am sunsun ka i ti sa bo wɔ nya tu má be wɔ. ¹³ Ama, kabo am sudi Kristo deɛ wahara n bo i diiri i n be ni, am ma am ahore jɔ, adena cɛen n bo Kristo jirima woowa bo i la má aɲusu n bá fite fofoe nu, am ahore jɔ na i yó am fie. ¹⁴ Nzen bu kpieri am nzuko, ka am ti Kristo deɛm ti, nyini la ka am terefie lee, dama Nyeme Awiewie Casi n wo am do lee, yiri bo i la jirima woowa n na i la má aɲusu ni. ¹⁵ Ama, nzen am be diiri wahara, má i yo ka i mi akun sɔnɔ, wara wɔ wɔ, wara wɔ yo sa ɲɔbɛɛɲɔbɛɛn be, wara wɔ wura minem jɔre nu, nyini n sɔ ti má kpa. ¹⁶ Ama, nzen sɔnɔ sudi wahara ka i ti Kristo susufɔ n deɛ ti, má i mi ma nyinse ti i, ama, i mi kansu Nyeme, ka i ti Kristo deɛ ti.

¹⁷ Dama saɲga n aju bo Nyeme dí minem jɔre. I dú mɔ bo i bu di i tieɲgu minem jɔre wɔ ka. Ye nzen i nya du mɔ diiri yere jɔre, minem n bo ba ka na ba de má i labari kpa ni, bu wíe se wɔ lee? ¹⁸ Dama ba kere i Nyeme Jɔre Kadasi n nu ka,

“Nzen i ti kekere ka minem bo bu ti kɔm nya tiide,
ye satieyofɔm, ni bo bu bu má Nyeme ni,
i yó bu se wɔ?”

¹⁹ Nyini ti, minem bo bu sudi wahara Nyeme koroyanu n deɛ ti ni, i ti ye ni ka bu boro bu nyi na bu suyo sakpa, na bu fa bu ɲu wura Nyeme saa nu, dama yiri bo wɔ yi bu ni, i yáki má bu cɛen n be da.

5

Kristo jama n woowa jɔre

¹ Ambere bo am wo Kristo jama n nu, na am ti nkpienm ni, mini mmɔɔ ti Kristo jama n kpien kun wɔ, ma ɲu kabo Kristo diiri wahara barasu ni, na m bá nya i deɛ jirima woowa n be, saɲga bo i bá fite fofoe nu. Nyini ti, m susere am jande wɔ, ² am nie Nyeme minem bo bu wo am do n su, kabo boesasafo nie i nbɔem su barasu ni. Am nie bu dika nyunyumi, má ka bu mie am wɔ, ama, am koroyanu, dama Nyeme koro ka am yo i a, má am yo i ka ɲwaa kpini deɛ ti, ama, am yo i ka am nyunu aboro ka am yo i wɔ. ³ Bere n bo Nyeme afa bu ama am ka am nie bu su ni, má am mie bu ka am ti bu mibiem wɔ. Ama, am ma am sayoowa kɔ atin su, na bu ɲu i na bu sɔn am su. ⁴ Nzen am yoori sɔ, cɛen bo boesasafo kpian n bá fiteeri fofoe nu, am nyá aceeri bo i la má aɲusu na i wie má fieo ni.

⁵ Ambere gusu bo am nyunu nya ti má ni, am bu nkpienm ni, na am de bu nɔnie. Am kere yo am ɲu kaan na am buka am benɔm, dama ba kere i Nyeme Jɔre Kadasi n nu ka,

“Nyeme kete kpirikorofom wo,
ama, na i fa i ahoroma n ma tarakam.”

⁶ Nyini ti, am da am nu asienngu fa ma Nyeme yikofo ni, na sanja n ba juuri, yiri wura am kpiri a. ⁷ Deke kere bo i mie am, am fa tu Nyeme nyunu, dama yiri cace wo am nu a.

⁸ Am tara am nu sanja kere, ma am fa am nu ji. Dama am kprof Sitana ni, i sansan am kabo jara sansan nuundi koro sono na i krese i n wo. ⁹ Am yo Nyeme yarada jina kenken na am kete Sitana, dama am si ka am ninbaam bo bu wo durunya n kere nu n gusu sudi wahara n bo am sudi i n be n wo. ¹⁰ Nzen am diiri wahara sanja kaan su, Nyeme sese am su yo am dongu a, yiri ma am jina kun su a, na i wura am fanga, na i kpama am. Buka kere fite yiri Nyeme do a, Kristo dee ti ye wo fere am ka am ba nya i dee jirima woowa n bo i la ma awieeri n be a. ¹¹ Yiri la yiko sanja kere a. Ami.

Awieeri su dee nwanje ni

¹² Ya niwa Silivansi, m si i ka i la dabunu am do, yiri bukaari m ye ma kere ahin kadasa kaan n sufa ma am n a, na am ahore si, na m ma am si ka jore n bo ma kere ama am ti Nyeme aceeri wo nahore su, na am jina kenken. ¹³ Kristo jamam bo Nyeme asanja ayi am ni bere kere, na bu wo Babilon mie kpiri n nu ni, ni m wa Marako kere bisa am dongu. ¹⁴ Am bisa am benngu dongu ni koro. Nyeme ma ambere kere bo am ti Kristo deem ni ahoreda.

Kadasi nnyo su bo PETORO akerε i ni

¹ Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma ambere bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada. ² Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

Minem bo Nyeme afere bu, na wo yi bu n jore

³ Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a. ⁴ Nyini n dee ti, wo se ka i ce ya aceerim bambaka bo bu la ma anusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

⁵ Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si. ⁶ Ma am kpini si ngumi, ama, am la tarabuju. Ma am la tarabuju ngumi, ama, am la mindi. Ma am la mindi ngumi, ama, am ma am woowa ko Nyeme atin su. ⁷ Ma am ma am woowa ko Nyeme atin su ngumi, ama, am yo am bejgu kpa. Ma am yo am bejgu kpa ngumi, ama, am koro minem kere. ⁸ Nzen am la nyini woowam ni, na am woowa ti so nahore su sanja kere, nyini kere ka, kabo am asi ya Mibie Yesu Kristo ni, am woowa la kperε, i ti ma ngbeen. ⁹ Ama, sono kere bo i la ma nyini woowam ni, i mi ti ka sono bo i koro nu ma nyunyumi, wara i ti ka anyinsin wo, na i kaaki ti ka sono bo i wara afi ka Nyeme akpakpara ayi i afite i satie dawam nu ayo i casi. ¹⁰ Nyini dee ti, m ninbaam, kabo Nyeme afere am na wo yi am ni, am boro am nyi, adena am woowa kere ka am ti i dee minem. Nzen am yoori nyinim so, am kpaasi ma fieo. ¹¹ Nyini ma am nya aceeri bambaka bo am la atin, na am wura Yesu Kristo dee femeya woobiri n nu a, yiri bo i ti ya Mibie ni ya Tiidefo na i femeya n wo bere sanja kere ni.

¹² Nyini dee ti, ye i wo m ahore su ka m sutenge am ahin jorem su sanja kere n a, haari ni bo am si bu na am ade kereewam bo bu ti nahore n na am bita bu kenken n ni. ¹³ Mini do, wo yo daka ka m sutenge am su so, sanja bo m toko la ngoo ni. ¹⁴ Dama m si ka i ce ma, m ba wo ma bere, kabo ya Mibie Yesu Kristo yi kereeri m ni. ¹⁵ Nyini ma m boro m nyi yo deke kere bo m koro yo i n a, adena sanja bo m ba wo ma bere, na am koro tenge nyini jorem su sanja kere.

¹⁶ Ya yo kan kereeri am ka, kabo ya Mibie Yesu Kristo la yiko na i kaaki ba barasu ni, bo ya kan so ni, i ti ma ka ya faari ngonle boori ya tieenu kaanri i a, ama, yere mmoo ni ya tii nyumbaa juuri kabo i la yiko bambaka barasu ni. ¹⁷ Sanja bo ya Si Nyeme yo wuraari i kpiri na i maari i woowa taari wein ni, Nyeme konvi yo fiteeri angoro dika

n nu na i jòjòri i dɔ ni, na yiri bo i woowa la má anjusu n ase ka, “M dɛɛ Wa bo m koro i n lɛɛ, m ahore ajo i ɲu.” ¹⁸ Yere ni ya tii tiiri kabo akonvi n fite angoro ni, sanɗa bo ya woori i dɔ, Nyeme buka n su ni.

¹⁹ Nyini n kere ma ya la ahoresi buka su, ka jorem bo Nyeme noanie kanfom yo kaanri bu n ti nahore wo. Nyini ti, am boro am nyi na am de kabo bu yo seeri ni, na am su i su. Noanie n bo bu jòjòri i n ti ka fitana bo i taari awosin nu n ti n wo, i teke am nyi ko ju cɛen bo Kristo káaki ba ni, na i fa wein n ba teke am nyi nahore su, kabo alecin na asaakojo tie fa wein ba ni. ²⁰ Jore bo i tara bu kere na am si i n la ka, noanie n kere bo Nyeme fa maari i noanie kanfom na bu kereeri i Nyeme Jore Kadasi n nu ni, be wo má bere bo i koro fa adamande si ngumi na i fa kere nyini noanie n bu. ²¹ Dama má adamande koroyanu ye bu kaanri Nyeme noanie n a, ama, Nyeme Awiewie Casi ni maari bu noo ye bu kaanri noanie n bo Nyeme koro ka bu kan i n a.

2

Korefom bo bu bu ɲu ka bu kere Nyeme noanie n jore

¹ Kabo mine korefom woori Nyeme minem nu dawa sanɗa ni, bere bo bu yo bu ɲu ka bu ti Nyeme noanie kanfom ni, so ye kerefɔ korefom bá wo am gusu nu a. Bu fie wo, na bu fá bu dɛɛ kereewam kere am, kereewa bo bu ma am mini Nyeme atin ni, haari na bu káaki bu sin bo Mibie ni, yiri bo wo to bu tii su nkato ni. Nyini ti, bu sayoowam má Nyeme yo bu ngbeen anyumbaa kata ni i teke. ² Na mine dongu sɔn bu sayoowa ngbeenngbeenm su. Bere dɛɛ ti, mine bá bu atin n bo i ti nahore ni ngbeen. ³ Nyini kerefɔ korefom ni, bu nyunu aboro nenɗe su dɛɛ ti, bu bó bu tieɗu jore kan ma am a, na bu fá am kpini. Ama, Nyeme daafi má, wo du mo adi bu jore, i bá yo bu ngbeen wo.

⁴ Ya si ka Nyeme merékem bo bu yo yoori satie ni, Nyeme ayaki má bu. I faari bu tuuri cɛema sin n nu wo, na wo bo bu tobari ase awosin n nu, ka bu suwo dɔ haari jina cɛen n bo i bá cin bu sui ni. ⁵ Ya si ka, dawa sanɗa, minem bo bu soro má Nyeme ni, wo yaki má bu, i cin bu sui wo, na wo ma wambu bambaka adi bu kere, ama, na wo de Nowa tii aji, i ni mine nso nbem, yiri kan kereeri minem deke bo i ti sakpa na i ko atin su n a. ⁶ Ya si ka Nyeme yo saakiiri Sodom ni Gomora miem ni, i faari sin jiiri su yaraari bu wo, na i kere aje ato nzuin. I yoori so ni, i kere kabo i bá yo minem n bo bu soro má Nyeme n wo lɛɛ. ⁷ Ya si kabo i yo deeru Loti tii jiiri ni, i yo ti sɔno bo i yo sa bo i ko atin su Nyeme dɔ o, na i ahore yo ti saakiwa fa ko minem bo bu bu má deke be na bu nati yo sa ngbeenngbeenm ni. ⁸ Nyini sɔno n bo i yo sa bo i ko atin su ni, yiri ni nyini minem ni yo sanɗa wo a, cɛen kere cɛen, na i sunu sa ngbeenngbeenm bo bu yo bu ni, na i sui suti jore ngbeenngbeen bo bu jɔjo bu ni, nyini dɛɛ ti, na wo di wahara ahoresaaki nu, yiri bo i ahore ti fofoe ni. ⁹ To, nyini n kere kere ka Nyeme si kabo i yó na i dé minem bo bu su i atin su n fite kekereke nu a. Na i si kabo i sucin minem bo bu su má i atin su n sui, ko ju sanɗa bo i bá di bu jore ni. ¹⁰ Bere n bo i cin bu sui tara minem kere n la bo bu su anuniembaa koroowa ni dangba sam su, na bu kete ka má Nyeme nie bu su ni.

Nyini minem ni, bu tii ti kekereke, bu soro má be. Haari ngɔɔfom bo bu wo angoro na bu la jirima woowa ni, bu kpie bu nzuko o, bu

soro má sere. ¹¹ Haari Nyeme merékem bo bu la yiko ni fanja tara nyini minem ni, bu kpie má nyini ngoofoṃ ni nzuko na bu jaraki má bu kere má Mikun ni. ¹² Nyini minem so, kabo bu koro, ye bu yo a, bu ti ka boro nenje tiem bo mine tara bu na bu kpie bu kom n wo. Bu kpie nzuko fa ko dekem n bo bu si má bu n su wo. Kabo mine ma boro nenje tiem ka ngbeen ni, so ye Nyeme má bu gusu bá ka ngbeen a. ¹³ Kabo bu ma minem di wahara ni, bere gusu bá di wahara so o. Bu konvikiya sam bo bu yo bu ni, i yo bu fie wo, bu yo bu wiesu wo, bu fie má su. Bu ti dangbafom wo, na bu wura am nyinse sanja bo am ni bere tien am noo sudi diire ni, bu sunsunni kere la ka bu daka am. ¹⁴ Bu nyunu boro mine yim kpini su wo, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wo, na bu yaki i, adena bu su bu dee kereewam n su. Bu ahorembaa abi nenje kpini su wo. Nyeme ayo bu ngbeen awie lee. ¹⁵ Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba son i su lee. I yo koroori nwaa bo minem ma i n wo, na i yo satie. ¹⁶ Ama, na Nyeme akan i ndie, i satie yoowa n dee ti. Ya si ka kaako koro jajo má, ama, Nyeme ama kaako ajajo Baalam do, kabo adamande jajo ni. Na Baalam bo i ti Nyeme noanie kanfo ni, na wo yaki sa n bo má i suyo i na i ti ka i nyunu ti má koroowa ni.

¹⁷ Nyini minem ti ka bura bo i tie má nzue wo, na bu kaaki ti ka nzue munaawa bo anjuma fa i sin n wo. Bere ye Nyeme asese awosin n bo i la má anjusu ase bu n a. ¹⁸ Bu fo yanfoya a, na bu sujajo ngbeenngbeen, na bu fa anjuni korooa na bu fa dadaka minem bo ba kaba afite kore jorem nu na ba nya ace má ni. ¹⁹ Bu se minem ka bu má bu nya bu tii wo. Ama, bere ni bu tii bo bu kan so ni, bu ti ka akoom wo, satie bo i ma bu ka ngbeen ni aja bu, dama deke bo wo kunma sono ni, i mi n ti nyini deke n akoo lee. ²⁰ Minem bo bu si Yesu Kristo ni, yiri bo i ti ya Mibie ni ya Tiidefo ni, na i ma ba yaki durunya n nu dee dangba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tie tara bumboori ni. ²¹ Nzen má ba si má woowa bo i ko atin su ni, má i ti ye tara bo ba kaaki bu sin abo Nyeme noanie maawa n bo ba du mo ade i ni. ²² Kabo bu yoori so ni, nyini kere ka ahin anyunderem ni ti nahore wo, bo bu na,
“Caa kaaki fa deke n bo wo fi i n di bekun wo,”
na bekun,

“Nzen a taraari afa bieeri i nzue,
i kaaki ko wura natie nu wo bekun.”

3

Ya Mibie n ba n jore

¹ M danfo kpam, ahin kadasi ni ti kadasi nnyo su bo m sukere ma am a. Ahin kadasi nnyo n kere, m koro ka m tenje am su na am bita sunsunni kpa. ² M koro ka am tenje su fa ko noaniam bo Nyeme noanie kanfoṃ yo seeri bu dawa sanja ni, na am kaaki tenje su fa ko noanie maawa n bo Mibie n bo i ti ya Tiidefo n kaanri i, na i jaramasam seeri am ni.

³ Jore bo i tara bu kere na am si i n la ka, fa ko durunya n awieeri su, mine nbem ba ba, na bu susu anjuniembaa korooa su, na bu yo am anzasi fa ko am yarada n su, ⁴ na bu se ka, “I seeri ka i kaaki ba bekun, ye i wo ni? Ya nam wo má bere kun, ama, deke n kere toko

ti i tii wɔ, kabo Nyeme yiiri durunya n ba ju ni nyuma.”⁵ Bu si tenle su, ama, ba kete ka bu tenge má su ka, dada sanɔa, Nyeme yo faari i nɔɔ jɔjɔri ye angoro wo bere a, na wɔ jɔjɔ na wɔ kpaaki nzue n ni asien n nu, na asien n afite nzue n nu.⁶ Nyini nzue n ye i fa saakiiri durunya n a dawa sanɔa, sanɔa bo wombu nzue n diiri deke n kere ni.⁷ Ama, angoro ni asiengu n bo i wo bere ni, Nyeme yo jɔjɔri i noanie bekun wɔ, ka, i bita bu wɔ, na bu wó bere haari sanɔa bo i bá fa sin saaki i kere. I má i kere wo bere wɔ, kɔ ju sanɔa bo i bá di minem jɔre, bere bo bu soro má i ni, na bu ká ngbeen.

⁸ M danfo kpam, am si tenle na má am wara fi ahin jɔre kun ni, yiri la ka, cɛen kun ti ka afo akpii wɔ Nyeme do, na afo akpii gusu ti ka cɛen kun wɔ i do.⁹ Kabo Mícera n seeri ka i yo ni, mine nbem bita kan ka i ti niniki. I ti má ka i ti niniki wɔ, ama, i la mindi ni amberɛ wɔ, i koro má ka be ka ngbeen, ama, i koro ka sɔnɔ kere kaaki i wo wɔ.¹⁰ Ama, Mícera n cɛen ni, i bá kabo awiefɔ ba fura nu na i wɔ n wɔ. Nyini cɛen ni, angoro ni yó nanmie fanɔa su, na i busu míni, na sin yára deke kere bo i wo angoro ni, na i ká ngbeen. Na asien n ni deke kere bo i wo asien n su n bá wo má bere.

¹¹ Kabo nyini deke n kere bá ka ngbeen sɔ ni, wɔ yo daka ka am ti nzu mine barasum wɔ? Wɔ yo daka ka am woowa ti casi, na am fa am ŋu ma Nyeme ngumi,¹² na am ŋminda fa kɔ Nyeme cɛen ni, na am boro am nyi yo sa bo i ma i ba ndende. Nyini cɛen n ye sin yára angoro n kere na i ká ngbeen n a, na i kekere má deke n kere bo i wo angoro n koro.¹³ Ama, ya ŋminda sa bo Nyeme yo seeri ka i bá yo ni, ka, i yí angoro ni asien fɔfɔre, do ye bu nati yo sa bo i kɔ atin su ngumi a.

¹⁴ Tɔ, m danfo kpam, kabo am ŋminda fa kɔ nyini cɛen n ni, am boro am nyi, adena Nyeme bá ŋu ka am ni yiri nɔɔ ayo kun, na am woowa ti casi na am la má ngasi be i do.¹⁵ Am tenge su ka ya Mibie mindi n dɛɛ ti, ye mine nyá tiide a. Sɔ ye ya niwa koroowa Pɔɔlu yo kere maari am a, Nyeme ceeri i alecira n a.¹⁶ Wɔ kere ahin n be sɔ i kadasi n kere n nu, ama, jɔre nbem wo nu, bo i ti kekereke na sɔnɔ ti i bu. Nyini ye minem bo bu si má be na bu nya bi má Nyeme su atin su ni, nbem fa bu dɛɛ ngɔnlɛ kaaki i, ye i kɔ má atin su n a, kabo bu kaaki kereɛwa nyingam bo bu wo Nyeme Jɔre Kadasi n nu n lɛɛ. Kabo bu yo sɔ ni, nyini ma bu ka ngbeen a.

¹⁷ M danfo kpam, amberɛ, am du mɔ si nyini ni. Nyini ti, am si am ŋu sa, adena má am sɔn minem bo bu má be n su, na am mini atin n bo am su i su ni.¹⁸ Ama, am kɔ su, na am subita Yesu Kristo dɛɛ atin ni, yiri bo i ti ya Mibie ni ya Tiidefɔ ni, adena am koro di i ahɔɔma, na am si i buka su. Yiri Yesu Kristo ni, i ti ye ni ka minem kere wura i kpiri, kisa ni sanɔa kere. Ami.

Kadasi ciciri su bo YOHANE akerε i ni

Nɔanie n bo i ma ηƔɔɔ n dεε jɔre

¹ Ya sukere ma am fa kɔ nɔanie n bo i ma ηƔɔɔ n su wɔ. Kana Nyeme ba yi durunya n ni, nyini nɔanie n bo i ma ηƔɔɔ n woori bere wɔ. Deke bo ya ti i, na ya nyumbaa anu i, na ya nie anu i kabo i ti barasu, na ya fa ya saa akan i, ye ya sukere fa ma am n a. ² Nyini nɔanie n la Yesu bo i ma ηƔɔɔ ni, i yo fiteeri fofoe nu wɔ, na ya nyumbaa anu i, nyini ti ye ya di ηƔɔɔ n bo i la má awieeri n daani kan i kere am n a. Yiri bo i ma ηƔɔɔ n bo i la má awieeri n yo woori i Si Nyeme dɔ ɔ, ye wɔ yi i ηu akere ya a. ³ Deke n bo ya ηu i, na ya ti i ni, ye ya sukan i kere am n a, adena ya ni ambere la wo fie ni ya benƔu, na ya kere la wo fie ni ya Si Nyeme ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyeme Wa n dɔ n lee, ye ya sukan kere am n a, ka Nyeme ti wein wɔ, na awosin haari kaan so wo má i dɔ. ⁶ Nzen ya ηa ya ni yiri la wo fie ni ya benƔu, ama, na ya toko wo awosin nu yo satie, ya ti koreƔom wɔ lee, ya bita má nahore. ⁷ Ama, nzen ya bita wein atin kabo yiri Nyeme atin n ti wein ni, ya ni yiri la wo fie ni ya benƔu lee, na i Wa Yesu mbunja ni kpakpara yi ya satie kere bo i wo ya ηu ni. Nyini ti, am ma ya bita wein n atin ni.

⁸ Nzen ya ηa ya ti má satieyofom, ya dadaka ya ηu wɔ lee, na nahore wo má ya ahore su. ⁹ Ama, nzen ya kan ya satie kereeri Nyeme, i fá ya satie n ce ya a, na i kpakpara yi ya fite ya sa kere bo i kɔ má atin su nu, dama i la dabunju, na i yo sa bo i kɔ atin n su. Nyini ti, am ma ya kan ya satie kere kere Nyeme. ¹⁰ Nzen ya ηa ya yo má satie, ya yi Nyeme korefo lee, na i nɔanie n wo má ya ahore su lee.

2

Yesu Kristo ti ya bukafɔ a

¹ M nbaam, m koro má ka am yo satie, nyini dεε ti ye m sukere ahin jɔre n ma am n a, ama, nzen am be yoori satie, ya la sɔnɔ be bo i yo ya ni ya Si Nyeme afien dɔnƔu, yiri la Yesu Kristo bo i yo sa bo i kɔ atin su sanƔa kere ni. ² Ya satie ti, na yiri Yesu ade ya jinaabiri, na wo fa i ηu ayo tie afa ama Nyeme, adena Nyeme fá ya satie ce ya, má yere ηƔumi dεε satie, ama, durunya n nufom kere dεε satie.

³ Am ma ya de Nyeme nɔanie maawam ni, nyini kere ka ya si yiri Nyeme lee. ⁴ Sɔnɔ kere bo i ηa, i si Nyeme, na i de má i nɔanie maawam ni, i mi ti korefo ɔ, na nahore wo má i ahore su. ⁵⁻⁶ Ama, sɔnɔ kere bo i deerri Nyeme nɔanie ni, i mi ti sɔnɔ bo i koro Nyeme nahore su a. Na sɔnɔ kere bo i ηa i wo ni Nyeme, wɔ yo daka ka i mi wo kabo Yesu wo ti ni. Nyini ye ya fa si ka ya wo ni Nyeme a.

⁷ M ninbaa koroowam, má nɔanie maawa fɔfɔre ye m sukere ma am n a, ama, nɔanie maawa dawa n bo am du mɔ tiiri i n a. Nyini nɔanie

maawa dawa n la jore n bo am yo tiiri i sanga bo am boori i bu suuri Yesu su ni. ⁸ To, ama, noanie maawa n bo m sukere ma am ni, i kaaki ti noanie maawa fofore wo bekun, na ya nu ka i ti nahore wo, fite kabo Yesu Kristo wo ti ni, ni kabo am wo ti ni, dama awosin n susin, ye wein nahore su wo ta su.

⁹ Sono kere bo i na i wo wein n nu, na i kpo i niwa, i mi toko wo awosin nu wo lee. ¹⁰ Sono kere bo i koro i niwa wo wein n nu wo, i yo ma sa be bo i ma i niwa bo i jaa kpaasi. ¹¹ Sono kere bo i kpo i niwa, i mi wo awosin nu wo, na i suyo satiem, dama awosin n ata i nyi, nyini ti, ye i si ma dekem bo i yo bu n a.

Sono bo i na i si Nyeme, i ti ma ye ni ka i koro durunya ni

¹² M nbaam, deke bo i ti na m sukere ahin kadasi n ma am n la ka, Nyeme afa am satie ace am, Yesu Kristo dee ti.

¹³ Sim, deke bo i ti na m sukere ma ambere n la ka, am si Yesu, yiri bo i wo bere kana Nyeme ba yiiri durunya n kere ni.

Ngbefenem, deke bo i ti na m sukere ma ambere n la ka, am akunma Sitana n dee ti.

¹⁴ M nbaam, deke bo i ti na m toko kere ma am n la ka, am si ya Si Nyeme n dee ti.

Sim, deke bo i ti na m toko kere ma am n la ka, am si Yesu bo i wo bere durunya n bumboori n kere ti.

Ngbefenem, deke bo i ti na m toko kere ma am n la ka, am yarada n ti fanga, na Nyeme noanie n wo am ahore su, na am akunma Sitana n dee ti.

¹⁵ To, ma am koro durunya n ni, ni deke n kere bo bu wo nu ni. Sono kere bo i koro durunya ni, i mi koro ma ya Si Nyeme lee. ¹⁶ Dama deke n kere bo i wo durunya n nu fen na i wura sono konvi, ni deke bo sono nyumbaa nu i na i koro i, ni deke bo sono nya i na i fa fo, i fite ma ya Si Nyeme do, ama, i kere fite durunya n nu fen wo. ¹⁷ Durunya n ni deke kere bo i wura mine konvi kere la awieeri, ama, sono kere bo i yo Nyeme sa koroowa, i nya ngoo bo i la ma awieeri.

Kabo ya si ya nu sa ni Kristo kpofon ni

¹⁸ M nbaam, durunya ni sukoo awieeri lee. Am yo tiiri ka nzen durunya n ba sukoo awieeri, Kristo kpofon ni ba, ama, kisa Kristo kpofom dongu ayi bu nu fofoe nu. Nyini ti, ya si ka durunya ni sukoo awieeri lee. ¹⁹ Nyini minem n bo bu ti Kristo kpofom na ba fite ya nu ni, nahore su, bu ti ma ya minem. Nzen ma bu ti ya minem, ma bu ka ya do o. Ama, ba fite ya nu, nyini ye ya si ka, bu be mmoo ti ma ya minem a.

²⁰ Ama, ambere yiri, Kristo n afa i Awiewie Casi n awura am ahore su, na am si deke bo i ti nahore ni. ²¹ Ma ka am si ma nahore n dee ti, ye m sukere ma am n a, ama, am si i, na am si ka kore koro yo ma nahore. ²² Nma ti korefom kere tii n a? Korefo n la sono kere bo i na Yesu ti ma Kristo Tiidefo n bo Nyeme sunmaari i ni, yiri n bo i yo so n akete ya Si Nyeme, ni i Wa n lee, i mi ni ti Kristo kpofon n a. ²³ Dama sono kere bo i keteeri Nyeme Wa ni, akete i Si Nyeme mmoo lee. Ama, sono kere bo i na Kristo ti Nyeme Wa ni, i mi n ade i Si Nyeme mmoo lee. ²⁴ Nyini ti, noanie n bo am tiiri i sanga bo am boori i bu suuri Kristo su ni, am ma i wo am ahore su. Nzen am bita nyini noanie ni

am ahore su, nyini ma am ni Nyeme Wa ni, ni i Si n yo deke kun a. ²⁵ Deke bo Kristo seeri ka i fá ma ya n la ngɔɔ bo i la má awieeri ni.

²⁶ M sukere ahin noanie n ma am, na am si am nju sa fa ko minem bo bu koro ka bu dadaka am ni. ²⁷ Ama, amberɛ yiri, Awiewie Casi n bo Kristo afa ama am wo am do. Nyini ti, i ti má ye ni ka be fa kereewa be kere am kun, dama Awiewie Casi ni kere am deke kere a, na deke kere bo i kere am ti nahore wo, kore wo má nu. Nyini deɛ ti, am wo ni Kristo kabo Awiewie Casi n akere am ni.

²⁸ M nbaam, kisa am wo ni Kristo, na cɛɛn n bo i ba yiiri i nju fiteeri fofoe nu n na ya la ahoresi, na má nyinse ti ya. ²⁹ Am si ka Yesu yo sa bo i ko atin n su, nyini ti, am si ka sɔno kere bo i yo sa bo i ko atin n su, i ti Nyeme wa a.

3

Bo bu ti Nyeme nbaam ni

¹ Am nie koro bo ya Si Nyeme fa koro ya barasu a. Nyini deɛ ti, ye i fere ya ka i nbaam n a, i ti nahore ka ya ti i nbaam wo. Durunya n nufom si má ya Si Nyeme, nyini deɛ ti, ye bu si má ka ya ti i nbaam n a. ² M ninbaa koroowam, kisa ya ti Nyeme nbaam wo, na Nyeme nya yi kere má ya kabo ya bá ti barasu, ama, ya si ka Yesu bá baari, ya tí kabo i ti n wo, dama ya nú i kabo i ti barasu. ³ Nyini ti, sɔno kere bo i la tama ka i bá yo kabo Yesu ti ni, i bita i nju casi, kabo Yesu ti casi ni.

⁴ Sɔno kere bo i yo satie, i mi ti Nyeme noanie kpamaawa n ketefo o, dama satieyo ti Nyeme noanie kpamaawa n kete wo. ⁵ Am si ka Yesu baari durunya n nu, ka i ba yi satie bo i wo ya nju n wo, ama, yiri ni i tii la má satie be. ⁶ Nyini ti, sɔno kere bo i wo ni Yesu, koro suyo má satie, ama, sɔno kere bo i toko yo satie, nyini kere ka, wo nya nju má i læ, na i mi kaaki si má i.

⁷ M nbaam, má am ma be dadaka am. Sɔno kere bo i yo sakpa, Nyeme de i ka i mi yo sa bo i ko atin su i do, kabo Yesu ti ni. ⁸ Sɔno kere bo i yo satie, i mi ti Sitana deɛ sɔno o, dama fite durunya n bumboori n kere ye Sitana n yoori satie a. Deke bo i ti na Nyeme Wa n baari durunya n nu la ka, i ba yo Sitana n juma ngbeen wo. ⁹ Sɔno kere bo i ti Nyeme wa koro suyo má satie, dama Nyeme woowa n wo i mi do, na Nyeme ti i Si n deɛ ti, i koro suyo má satie. ¹⁰ Deke bo ya fa si minem bo bu ti Nyeme nbaam, ni bo bu ti Sitana n nbaam n la ka, sɔno kere bo i yo má sakpa, wara sɔno kere bo i koro má i niwa, i mi ti má Nyeme wa.

Kabo ya koro ya bengum barasu ni

¹¹ Jɔre n bo am tiiri i sangá bo am boori i bu suuri Yesu su n la ka, am ma ya koro ya bengum. ¹² Má am ma ya yo ka Keen, bo i yo ti Sitana deɛ wa ni, na i kuunri i niema ni. Nzu ti ye i kuunri i niema n a? I sayoowa ti má kpa n deɛ ti, na i niema n deɛ n ti kpa n ti. ¹³ Nyini ti, m ninbaam, nzen durunya n nufom kpo am ka am yo sakpa n deɛ ti, má am ma i yo am alekutura. ¹⁴ Kabo yere koro ya ninbaam n ti, nyini ma ya si ka ya fite yiwee n nu anya ngɔɔ nahore su a. Sɔno kere bo i koro má i niwa toko wo yiwee nu wo læ. ¹⁵ Sɔno kere bo i kpo i niwa ti sɔno kunfo o Nyeme do. Am si ka sɔno kere bo i kun sɔno la má ngɔɔ bo i la má awieeri ni. ¹⁶ Yesu deeri ya deɛ jinaabiri wo, na wo to i ngɔɔ awu ama ya, nyini ma ya fa si kabo koro ti barasu a. Nyini ti, wo

yo daka ka ya gusu tɔ ya ŋɔɔ ma ya ninbaam, haari nzen i yo yiwee mmɔɔ. ¹⁷ Sɔnɔ kere bo i la nenɛge, na i ŋu ka i niwa wo yaari nu, na i si má i aɲunfɔ ka i buka i, Nyeme koro wo má i mi n ahore su lɛɛ. ¹⁸ M nbaam, má am ma ya jɔjɔwa n ŋgumi kere ka ya la koro, ama, am ma ya sayoowa kere ka ya koro ya ninbaam nahɔre su. ¹⁹ Nyini ma ya fa si ka ya su nahɔre n su a, na i ma ya la ahoresi Nyeme dɔ a, ²⁰ na nzen ya sunsunni maari ya ka ya yo satie, ya si ka Nyeme tara ya sunsunni ni, na i kaaki si deke n kere. ²¹ Nyini ti, m ninbaa koroowam, nzen ya sunsunni ase má ya ka ya yo satie, ya la ahoresi Nyeme dɔ lɛɛ. ²² Na deke kere bo ya sereeri i, ya nya i wɔ, dama ya de nɔanie maawa n bo Nyeme fa maari ya ni, na ya yo sa bo i sun i nu. ²³ Nɔanie maawa n bo Nyeme fa maari ya n la ka, ya yo i Wa Yesu Kristo yarada, na ya koro ya ninbaam ni, kabo wɔ se ya ni. ²⁴ Sɔnɔ kere bo i deeri Nyeme nɔanie maawam n wo ni Nyeme, na Nyeme mmɔɔ wo ni i mi ni. Awiewie Casi n bo wɔ fa ama ya ni, ma ya si ka Nyeme wo ni yere a.

4

Awiewie n bo i ti nahɔre ni bo i ti kɔre n jɔre

¹ M ninbaa koroowam, má am yo minem kere bo bu ŋa Nyeme Awiewie n wo bu dɔ n yarada, ama, am yo bu na am nie ka bu kereewa n fite Awiewie Casi n dɔ, nzen i fite má. Dama kɔrefɔm dɔŋgu bo bu yo bu ŋu ka bu ti Nyeme nɔanie kanfɔm n asandi abara aye durunya n nu. ² Nyeme nɔanie kanfɔ kere bo i se ka Yesu Kristo kaakiiri adamande baari durunya n nu fɛn, yiri ye Nyeme Awiewie n wo i dɔ a. Nyini ye am fa si bo Awiewie Casi n wo bu dɔ, ni bo i wo má bu dɔ a. ³ Ama, sɔnɔ kere bo i keteeri ka, Yesu akaaki má adamande ni, Nyeme Awiewie n wo má i mi dɔ, ama, i deɛ kereewa n fite Kristo kpɔfɔ n dɔ ɔ. Yiri ye am yo tiiri ka i bá durunya n nu, ye kisa wɔ ba n a.

⁴ M nbaam, am ti Nyeme deɛ minem wɔ, ye am akunma nyini kɔrefɔm bo bu yo bu ŋu ka bu ti Nyeme nɔanie n kanfɔm ni, dama Awiewie Casi n bo i wo am nu n la yiko tara Sitana n bo i wo durunya n nufɔm nu ni. ⁵ Nyini kɔrefɔm bo bu yo bu ŋu ka bu ti Nyeme nɔanie kanfɔm ni, bu kan durunya n nu jɔre kere minem a, na durunya n nufɔm de kabo bu kere ni, dama bu ti durunya n nufɔm wɔ. ⁶ Ama, yere yiri, ya ti Nyeme deɛ minem wɔ, sɔnɔ kere bo i si Nyeme de kabo ya kere n wɔ, ama, sɔnɔ kere bo i ti má Nyeme deɛ de má kabo ya kere ni. Nyini ye ya fa si minem bo bu la Nyeme Awiewie n bo i kere nahɔre n a, ni bo bu bu kɔre n fite Sitana dɔ n a.

Ya koro ya beɲgu kabo Nyeme koro ya ni

⁷ M ninbaa koroowam, am ma ya koro ya niwa, dama koro fite Nyeme dɔ ɔ, na sɔnɔ kere bo i koro i beɲgu ti Nyeme wa a, na i mi si Nyeme a. ⁸ Nyeme ti koro wɔ, nyini ti, sɔnɔ kere bo i koro má i beɲgu si má Nyeme. ⁹ Kabo Nyeme kereeri i koro fa kɔ ya dɔ n la ka o, wɔ sunma i kunnu Wa kun n kpein durunya n nu, adena yiri deɛ ti na ya nya ŋɔɔ. ¹⁰ Kabo koro ti lɛɛ, má ka yere koroori Nyeme a, ama, yiri koroori ya a, na wɔ sunma i Wa, na wɔ de ya jinaabiri na wɔ fa i ŋu ayo tie afa ama Nyeme, adena Nyeme fa ya satie ce ya. ¹¹ M ninbaa koroowam, kabo Nyeme koro ya sɔ ni, wɔ yo daka ka ya gusu koro ya beɲgu. ¹² Be nya ŋu má Nyeme, ama, nzen ya koroori ya beɲgu,

Nyeme wo ya do lee, na nyini ma i dee koro n wo ya do na i ti kabo i koro ka i ti n a.

¹³ Awiewie Casi n bo Nyeme afa ama ya ni, nyini ma ya si ka ya wo ni yiri a, na i gusu wo ni yere a. ¹⁴ Na yere anu kabo ya Si Nyeme n asunma i Wa n ka i ba yo durunya n nufom Tiidefo, ye ya di i daani a. ¹⁵ Sono kere bo i tekeeri i noo seeri ka Yesu ti Nyeme Wa, Nyeme wo i mi n do, na i mi n gusu wo ni Nyeme lee. ¹⁶ Yere mmoo ni ya tii si kabo Nyeme koro ya barasu, ye ya yo yarada ka i koro ya.

Nyeme ti koro wo, nyini dee ti, sono kere bo i koro i bengu ni, i mi wo ni Nyeme, na Nyeme wo ni yiri. ¹⁷ Nyeme koro wo ya do, i ti kabo i koro ka i ti n wo, nyini ti ye ya ba koro jina i nyunu ni ahoresi, ceen n bo Nyeme ba di durunya n nufom kere jore ni, ma pui ti, kabo Kristo ti ni, ya gusu wo ti so o, durunya n nu. ¹⁸ Sono kere bo Nyeme koro wo i do soro ma sere, dama koro bo i ti kabo Nyeme koro ka i ti ni, i fon yi sere wo, nyini ti, sono kere bo i soro sere, Nyeme koro wo ma i do kabo ma Nyeme koro ka i ti ni, dama sere ni suicin nati a. ¹⁹ Nyeme du ma koroori ya, nyini dee ti ye ya gusu la koro n a. ²⁰ Sono kere bo i na i koro Nyeme, na i koro ma i ninbaam ni, i mi ti korefo o. Nzen i koro ma i niwa bo i nyumbaa nu i ni, i yo se koro Nyeme bo i nyumbaa nu ma i n a? ²¹ Nkanie maawa n bo Yesu afa ama ya n la ka, sono kere bo i koro Nyeme, wo yo daka ka i mi koro i ninbaam gusu.

5

Kabo ya kunma durunya n ni

¹ Sono kere bo i yo yarada ka Yesu ti Kristo Tiidefo n bo Nyeme asunma i ni, i mi ti Nyeme wa a, na sono kere bo i koroori baa n wufo ni, i koro baa n gusu. ² Deke bo ya fa si ka ya koro minem bo bu ti Nyeme nbaam n la ka, ya koro Nyeme, na ya de nkanie maawam n bo wo fa ama ya ni. ³ Nzen ya deeri Nyeme nkanie maawam ni, nyini kere ka ya koro i a. I nkanie maawam n gusu ti ma kekereke, ⁴ dama sono kere bo i ti Nyeme wa kunma durunya n wo. Deke bo ya fa kunma durunya n la kabo ya yo Yesu yarada n wo. ⁵ Nma koro kunma durunya n a? Bo i koro kunma durunya n la sono bo wo yo yarada ka Yesu ti Nyeme Wa ni.

Daani diiwa fa ko kabo Yesu Kristo ti Nyeme Wa ni

⁶ Yiri Yesu Kristo yo baari durunya n nu n a, na ba bie i Nyeme nzue, nyini sin, na wo ba awu, na i mbunja afite ago. I baari ni, ma ka bu bieeri i Nyeme nzue n ngumi wo, ama, i wuuri wo, na i mbunja afite ago. Awiewie Casi ni di i daani a, dama Awiewie Casi n ti nahorefo o. ⁷ Deke nsan di i daani a. ⁸ Bu daani diiwa n ti kun wo. Bere la Awiewie Casi ni, ni kabo bu bieeri i Nyeme nzue ni, ni kabo i wuuri na i mbunja fite goori ni. ⁹ So ye Nyeme ni i tii adi i tienngu Wa n daani a. Ya de minem daani diiwa, nyini ti, i ti ye ni ka ya de Nyeme daani diiwa, dama i daani diiwa n la fanga tara minem dee. ¹⁰ Nyini ti, sono kere bo i yoori Nyeme Wa n yarada, i mi la daani difo, yiri la Awiewie Casi n bo i wo i ahore su ni, na sono kere bo wo yo ma i yarada ayi Nyeme korefo lee, dama wo yo ma daani n bo Nyeme adi i fa ko i Wa n su yarada. ¹¹ Nyeme daani diiwa n la ka o, wo ma ya ngoo n bo i la ma awieeri ni, nyini ngoo n wo i Wa n do o. ¹² Sono kere bo i ni Nyeme

Wa n ayo kun, i mi la nyini ngoo ni, na sono kere bo i de má Nyeme Wa ni, i la má ngoo.

Ngoo bo i la má awieeri n jore

¹³ M koro ka ambere bo am ayo Nyeme Wa n yarada n si ka am la ngoo bo i la má awieeri ni, nyini dee ti ye ma kere ahin kadasi n ama am n a. ¹⁴ Ya la ahoresi ni Nyeme, ka, deke kere bo ya sereeri i, na i ti i dee koroowa, i de ya sere wo. ¹⁵ Ya si ka deke kere bo ya sereeri i, na i de ya sere, ya si ka wo yo i ama ya lee.

¹⁶ Nyini ti, nzen sono nu ka i niwa be ayo satie be bo i kpaaki má i ni Nyeme afien fieo, i mi sére Nyeme ma yiri n bo wo yo satie ni, na Nyeme má i ngoo. Ama, satie be wo bere bo i kpaaki sono ni Nyeme afien fieo, m suse má ka am sere Nyeme ma minem bo bu yo nyini satie n wo. ¹⁷ Sa kere bo minem yo i na i ti má kpa ti satie wo Nyeme do, ama, satieyo nbem wo bere bo i kpaaki má sono ni Nyeme afien fieo.

¹⁸ Ya si ka minem kere bo bu ti Nyeme nbaam koro suyo má satie, dama Nyeme Wa ni nminda i a, na Sitana koro yo má i mi pui. ¹⁹ Ya si ka durunya n nufom kere wo Sitana n saa nu wo, ama, yere ti Nyeme deem wo. ²⁰ Ye ya kaaki si ka Nyeme Wa n aba na wo ba ateke ya nyi wo, adena ya si yiri n bo i ti Nyeme nahore su ni. Ye ya wo ni Nyeme n bo i ti nahore n ni i wa Yesu Kristo ni. Yiri ti Nyeme nahore su n a, na i ma ngoo bo i la má awieeri n a.

²¹ To, m nbaam, am tara am nu, na má am su amoem.

Kadasi nnyo su bo YOHANE akerε i ni

¹ Mini bo m ti am kp̄ien ni, sukere ahin j̄ore n fa ma w̄oro bara bo Nyeme ayi u, ni u nbaam n a. M koro am nah̄ore su, má mini nḡumi koro am a, ama, bo bu si nah̄ore atin n kere koro am w̄o, ² dama nah̄ore n wo ya d̄o ɔ, na i bá wo ya d̄o ɔ, san̄ga kere bo i la má awieeri.

³ Ya Si Nyeme, ni i Wa Yesu Kristo buka ya, na bu si ya an̄unfo, na bu ma ya ahoreda, na ya su nah̄ore atin su ni koro.

Am koro am beṅgu na am si am ṅu sa ni dadakaf̄om ni

⁴ Ma ṅu ka am nbaam nbem bita nah̄ore n kabo ya Si Nyeme afa i n̄oan̄ie n ama ya ni, nyini d̄e ti, w̄o yo m fiε agaya. ⁵ Kisa, bara, m susere am w̄o, ka am ma ya koro ya beṅgu. Ahin ti má n̄oan̄ie maawa f̄of̄ore ye m sukere ma am n a, ama, i ti n̄oan̄ie maawa kun n bo ya tiiri i san̄ga bo ya boori i bu suuri Yesu su n w̄o. ⁶ Koro n bo m sujojo i j̄ore n la ka, ya wo kabo Nyeme n̄oan̄ie maawa n kere ni. N̄oan̄ie maawa n bo am du m̄o tiiri i n la ka, am koro am beṅgu.

⁷ Dadakaf̄om beberebe asandi abara aye durunya n nu, bu ṅa Yesu Kristo akaaki má adamande aba má durunya n nu. Bere ti dadakaf̄om w̄o, na bu ti Kristo kp̄of̄om. ⁸ Nyini ti, am si am ṅu sa, na má deke n bo ya yi anyum̄oro afa akere am n ka nḡbeεn, ama, na am ba nya i kere ṅkat̄o. ⁹ Sono kere bo i su má Kristo d̄e kereewa n su, na i kere i d̄e kereewa k̄o sin nyini ṅu, Nyeme wo má i mi d̄o, ama, sono kere bo i su Kristo d̄e kereewa n su, ya Si Nyeme, ni i Wa n wo i mi n d̄o l̄eε. ¹⁰ Nyini ti, sono kere bo i baari am d̄o, na i bita má Kristo d̄e kereewa ni, má am ma i mi wura am dika, má am yo i an̄se ni ba mm̄o. ¹¹ Dama w̄oro kere bo a yoori nyinim be s̄o an̄se, a jina i mi sin fa k̄o i satiem n bo i yo bu n su w̄o l̄eε.

Awieeri su d̄e j̄ore ni

¹² Má m la j̄ore beberebe bo má m se am, ama, m koro má ka m kere i kere wura ahin kadasi n nu, ama, m la tama ka m bá niε am busu, na ya ṅú ya ṅu, na ya bó anzama, bo ya ahore jo ni nah̄ore su.

¹³ U niemabara n bo Nyeme ayi i ni i nbaam kere bo bu wo fen n bisa am kere d̄oṅgu.

Kadasi nsan su bo YOHANE akerε i ni

¹ Mini bo m ti u kpien ni, sukere ahin jore n fa ma woro m don Gayosi bo m koro u nahore su n a.

² M don koroowa, m nyemesere la ka, Nyeme ma u anuniembaa nu laifie, na u deke kere ko atin su nyunyumi, kabo u nyemesu ni sukɔ atin su ni. ³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo. ⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wofɔ

⁵ M don koroowa, a bita nahore kabo a nati yo sakpa ma u ninbaam bo bu ba u do wofɔ ni, haari ni bo a si ma bu ni mmoo. ⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu sukɔ ni. ⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do. ⁸ Nyini ti, yere bo ya ti Kristo susufom ni, wo yo daka ka ya buka bu ni juma n bo bu yo i ni. Nzen ya bukaari bu, nyini la ka, ya ni bere abo kun sukan Kristo noanie n bo i ti nahore n kere minem wo lee.

⁹ M yo kereri jore be maari Kristo jama ni, ama, Diyoterefesi bo i koro ka i kere ka yiri ti mofɔ n atana su, wo bo ma jore be nu. ¹⁰ Nyini ti, nzen m baari, m yi i sayoowa fite fofoe nu, dama wo jɔjɔ jore ngbeen-ngbeen abu kore aso ya, ma nyini ngumi, wo kete ka i de ma Kristo minem wofɔ, na nzen nbem koro ka bu de minem wofɔ mmoo, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sono kere bo i yo sakpa ti Nyeme dee wo, ama, sono kere bo i yo satie si ma Nyeme. ¹² Sono kere di daani kpa fa ko kabo Demetirosi bita nahore n wo, na i woowa gusu kere ka i bita nahore wo. Yere mmoo di i daani wo, ye a si ka kabo ya se n ti nahore wo.

Kasin dee anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu. ¹⁴ M la tama ka m ba nie u busu kisa, na ya nu ya nu, na ya bo anzama. ¹⁵ Nyeme ma u ahoreda. U danfom kere bo bu wo fen bisa u dongu. Woro gusu bisa ya danfom kere dongu ma ya.

Kadasi n bo JUDA akerε i ni

¹ Mini Juda bo m ti Yakobo niema na m ti Yesu Kristo akoo ni, sukere ahin kadasi n ma ambere kere bo ya Si Nyeme koro am na wo fere am, na Yesu Kristo bita am ni. ² Nyeme si am anunfo agaya, na i ma am ahoreda buka su, na i koro am ko sin su.

Korefo m bo bu yo bu nu ka bu kere Nyeme noanie n dee jore

³ M ninbaa koroowam, ma m suboro m nyi wo, na m kere kadasi ma am fa ko tiide n bo m ni ambere kere anya i n su ni. Ama, wo yo daka ka m du mo kere am, na m sere am jande ka am boro am nyi tu ngoni bita am yarada n kenken, nyini yarada ni, yiri ye Nyeme afa ama i minem kpekun n kpein n a. ⁴ Dama minem nbem awo awura am nu benle, nyini minem ni, bu soro ma Nyeme, bu kaaki Nyeme ahoro ma n bo wo fa ama ya n wo, na bu su bu dee konviki koroowa atin n su, na bu kete Kristo. Yiri ngumi ti ya Tiidefo ni ya Mibie a. Dawa dee Nyeme noanie kanfo m kereeri bu jore, ka, Nyeme di bu jore na i yo bu ngbeen.

⁵ Haari ni bo am adu mo asi ahin jore n kere ni, m koro ka m tenge am su wo, fa ko kabo Micera n yo yiiri Yisarelifom fiteeri Ijipiti asien su ni, ama, kasin na wo ma bo ba yo ma i yarada n kere aka ngbeen. ⁶ Na Nyeme merékem nbem bo bu keteeri ka bu wo ma bu yiko woobiri ni, na bu yakiiri bu jinaabiri ni, bere ye Nyeme awura bu joro ko bo bu fite ma nu kun, afa bu ase awosin liim nu n a, ka bu wo do, haari fa ko ju jore di bambaka n ceen. ⁷ So ye Sodom ni Gomorafom, ni miem bo bu bara ye bu n mmoo yoori a, bu faari bu nu wuraari sakaraya sereyam nu wo, na bu suyo konviki sam bo bu ko ma atin su. Nyini dee ti, na Nyeme acin bu sui, afa bu awura sin n bo i je sanja kere n nu. Nyeme yoori so o, na mine nu i, na bu fa tu bu nu fo.

⁸ So ye nyini minem nati cin alele ngbeenngbeen a, na bu suyo dangba sam, na bu kete Nyeme yiko ni, na bu kpie ngoofo m nzuko, bere bo bu wo angoro na bu woowa la jirima ni. ⁹ Haari Mikali bo i ti Nyeme merékem n kere ti ni mmoo, wo yo abo ma su ka i jaraki Sitana kpie i nzuko, sanja bo Moyisi wuuri na bu seeri akuruwa fa ko i nuniembaa n busu ni. Ama, kabo i seeri i n la ka, "Nyeme bisa u."

¹⁰ Ama, ahin minem ni, bere yiri, deke bo bu si ma i ni, nyini ye bu kpie i nzuko a. Haari nzen bu na ba ti deke bu, bu sunsunni ti ka nengendorem dee wo. Bu nyini sunsunni n bo bu bita i na i ti ma kpa ni, nyini ma bu ka ngbeen a. ¹¹ Keto, keto, bu nu kekereke. Dama ba fa satie atin n bo Keen faari i ni, na nwaa dee ti, bu su Baalam dee dadaka atin n su wo, na ba kete nahore atin kabo Kora yo keteeri ni. Nyini ti, kabo i kaari ngbeen ni, bere gusu ka ngbeen so o. ¹² Nzen am ba tien am noo sudi anoose diire, bu sata am afien kabo fin ta sutura n wo, dama bu ni ambere sanja di a, na bu san ma nya, bu koro ka bere ngumi kunnu yi a, bu la ma kperε be. Bu ti ka nzue bo i muna na anuma fa i sin n wo. Na bu kaaki ti ka baka bo i su ma suuwa bakam su sanja, na i wu kporo na i bu to n wo. ¹³ Bu nyinse sam bo bu yo

bu ni, bu ti kabo tieku nzue bo na i yasu fufuku n wɔ. Bu kaaki ti ka asarambaa bo bu jengbe bara ye n wɔ. Nyeme asese awosin liim su aɲminda bu ka bu kɔ wo dɔ sanɟa kere.

¹⁴ Sɔnɔ be bo bu fere i ka Henoki, na i tɔ ya na Adama su nso su ni, Nyeme yo faari i nɔanie n maari i wɔ, na wɔ yo ajoɔ nyini jɔre n ka, “Am ti fen, Micera ni suba ni i merɛkem akpii akpii buru, ¹⁵ na i bá di sɔnɔ kere jɔre, na i cín bu sui fa kɔ bu satiem bo ba yo bu n su, ni kabo bu jɔɔɔri ɲgbɛɛnɲgbɛɛn na bu keteeri Nyeme ni. Bu ti satieyo-fom wɔ, nyini ti, ye bu keteeri Nyeme nɔanie n a.” ¹⁶ Nyini minem ni sɔ, bu ɲɲuti wɔ sanɟa kere, na bu sujaraki bu benggu, na bu susu bu konvikiya sa ɲgbɛɛnɲgbɛɛn bo bu bita i n su, na bu sufɔ yanfoya, na bu subo minem anɔɔfiɛ, adena bu nya bu dɛɛ sa koroowam.

Jɔre bɔbɔɔwam ni atin kereewam ni

¹⁷ Ama, amberɛ, m danfo kɔm, wɔ yo daka ka am tenge su fa kɔ jɔre n bo ya Mibiɛ Yesu Kristo jaramasam yo seeri am ni. ¹⁸ Bu seeri am ka, “Sanɟa bo durunya n ba sukɔ awieeri su ni, mine nbem bá ba, na bu yó am anzasi, fa kɔ am yarada n su, na bu sú bu dɛɛ tienɟu aɲuniɛmbaa sa koroowam n su bo bu kɔ má Nyeme atin su ni.” ¹⁹ Ahin minem sɔ, bu sutiti am nu wɔ lɛɛ, bu su adamande dɛɛ ɲɔnle su a, Nyeme Awiewie Casi n wo má bu dɔ. ²⁰ Ama, amberɛ, m danfo kɔm, am boro am nyi na am ma am yarada casi n buka su, na am sere Nyeme, Awiewie Casi n dɛɛ yiko nu, ²¹ na am ma Nyeme dɛɛ koro n wo am dɔ. Na am ɲminda fa kɔ sanɟa bo ya Mibiɛ Yesu Kristo bá si am aɲunfo, na am nya ɲɔɔ bo i la má awieeri ni. ²² Nbem wo am nu bo bu la sika bu sunsunni nu, am si bu aɲunfo, ²³ nbem gusu, am cin yi bu fite sin nu, na am de bu tii ji, na nyingam gusu, am si bu aɲunfo, ama, am si am ɲu sa haari na má am ma bu sutura fin mmɔɔ ta am.

Awieeri su dɛɛ nyemesere

²⁴⁻²⁵ Nyeme ɲgumi ti ya Tiidefo a, ya Mibiɛ Yesu Kristo dɛɛ ti. Yiri koro bita am na am kpaasi má a, yiri koro fa am ba jina i jirima bie n nyunu a, na am la má ɲgasi be na i ma am ahoreɔ a. Yiri ye i ti ye ni ka ya kans i na ya wura i kpiri a, yiri ti yikofɔ a, yiri ti fanɟafɔ a, yiri yo woori bere a, yiri toko wo bere kisa ni sanɟa kere a. Ami.

SAYIKEREWA bo Yesu yi kereeri YOHANE ni

¹ Ahin jore n ye Nyeme seeri Yesu Kristo ka i yi kere i akoom fa ko sam bo i ce ma na bu ba yo n a. Na Yesu asunma i merere i akoo Yohane do, na i ko se i jore ni. ² Jore n bo Nyeme ni Yesu Kristo yi kereeri Yohane na i nuuri i ni, nyini ye wo di i daani akere i n a.

³ Sono kere bo i kaanri ahin kadasi ni, terefie wo i do. Na minem kere bo bu tiiri i jore na bu deeri i, terefie wo bu do, dama sanja n adodo bo nyini sam kere ba yo.

Kabo Yohane kereeri kadasi yoori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama asese nso n bo bu wo Esiya awore n nu n a. Nyeme bo i wo bere, na i yo woori bere, na i ba wo bere sanja kere ni, ni i awiewie busu nsom n bo bu wo yiri Nyeme kpiri n nyunu ni ma am ahoreda, na am di bu ahoroma. Bekun, Yesu Kristo, yiri bo i di i daani na i la dabunu ni, na yiri ti bo i du mo tengeeri yiwee nu ni, na i kaaki ti durunya n nu nfemem kere tii ni, ma am ahoreda, na am di i ahoroma. Yiri koro ya, na wo fa i mbunja ade ya afite ya satie kere nu, ⁶ na wo yo ya i femeya n nu minem na ya yo i sayoowa danguyofom, na ya su i Si Nyeme. Yiri Yesu Kristo ni, yiri ti ye ni ka ya wura i kpiri a, i dee la yiko sanja kere. Ami.

⁷ Am nie, i fite angoro yinyingu n nu ba,

na sono kere nyumbaa ba nu i,

fa sanja ni minem bo bu wori i kpie n kere.

Yiri ti, durunya n nufom kere sun.

I ti so o. Ami.

⁸ Ya Mi Nyeme Feme Kpiri bo i wo bere ni, na i yo woori bere, na i ba wo bere sanja kere n ase ka, "Mini ti mofa, na m kaaki ti kasinfu."

Kabo Yohane nuuri Kristo ka alele nu ni

⁹ Mini Yohane ti am niwa bo m ni ambere kere sanja di wahara ni mindi Yesu dee ti, na ya ti i femeya n nu minem ni. Nyeme noanie n bo ma kan i ni, ni Yesu daani n bo ma di i n dee ti, na ba fa m ako aji mie be bo i wo lui bambaka n bo i wo tieku n nu na bu fere i ka Patamosi n su. ¹⁰ Ya Mibie n dee ceen ni, na Nyeme Awiewie Casi n awura m nu, na ma ti akonvi bambaka be nga m sin, ka awie dee su. ¹¹ Na wo se m ka, "Kere deke n kere bo a nu i n wura kadasi n nu, na a fa ma Kristo jama asese nsom bo bu wo ahin mie kpirim n su ni, bere la Efeso, ni Samirina, ni Peragamon, ni Tiyatira, ni Saradisa, ni Filadelfiya, ni Lawodikaya."

¹² Na ma ce anie m sin ka m nu sono n bo i joko m do ni, m ce nieeri ni, na ma nu fitana takaabiri nsom bo bu ti sika ni. ¹³ Na ma nu be ka adamande wa ni, i wo bu afien, i wura tanlee tintiin yorom, na wo fa sika dambara abo i hoe su. ¹⁴ I tiinmie kere ti fofoe papasi ka gise wo, na i nyumbaa kere je ka sin fofoe. ¹⁵ Na i jaa gbagbaa kere boro ka jawii bo ba fa awura sin nu na wo boro sonsoen, na i konvi bo awie kabo nzue beberebe songi na i bo awie barasu ni. ¹⁶ I bita

asarambaam nso i saa fomborɔ nu, na takobe nana afite i nɔɔ nu. I nyunu je kabo wiɛ ba bi na i je n wɔ.

¹⁷ M ɲuuri i sɔ ni, na ma kaba ada i jaa bu asiɛngu ka ma wu dɛɛ su wɔ, na wɔ fa i saa fomborɔ anana m ɲu, na wɔ se m ka, “Má a soro sɛrɛ. Mini ti deke kɛrɛ bumboori ni i awieeri a. ¹⁸ Mini ti bo i wo bɛrɛ sanɓa kɛrɛ n a. Niɛ fɛn. M yo wuuri wɔ, ama, kisa, ma tenge yiwee nu. M la ɲɔɔ bo i la má awieeri. Mini bita yiwee ni Yiweefɔm Woobiri kadombaa a. ¹⁹ Nyini ti, kɛrɛ sam bo a ɲu bu ni, ni bo bu suyo kisa ni, ni bo bu bá yo ahin dɛɛ sin ni. ²⁰ Asarambaa nsom bo a ɲu bu m saa fomborɔ n bu la ka, Kristo jama asese nsom n merɛkɛm. Na fitana takaabiri nsom bo bu ti sika ni gusu bu la ka, Kristo jama asese nsom ni.”

2

Nɔɔniɛ n bo bu fa maari Kristo jama n bo i wo Efeso ni

¹ Na wɔ se m ka, “Kɛrɛ kadasi fa ma merɛkɛ n bo i niɛ Kristo jama n bo i wo Efeso miɛ kpiri n nu ni, na a se bu ka, ‘Ahin nɔɔniɛ n fite mini bo m bita asarambaa nsom m saa fomborɔ nu ni, na m kaaki nati fitana takaabiri nsom bo bu ti sika n afien n dɔ ɔ. ² M si am sayoowam, m si kabo am ayo am juma ni anyumboro barasu, ni kabo am la mindi barasu ni, na m si kabo am de má satieyofɔm ni. Na m kaaki si kabo am ayi kɔrɛsi aɲu minɛm bo bu ɲa bu ti m jaramasam, ama, bu woowa kere ka bu ti má sɔ, na am aɲu ka bu ti kɔrɛfɔm ni. ³ Mini dɛɛ ti, am ayo sawɔrɛ amindi am wahara nu, am nya fie má, am toko su m su.

⁴ Ama, jɔrɛ kun bo m fa jaraki am la ka, kisa am koro má m kabo am yo koro m ni. ⁵ Nyini ti, am bu am tii nu fɔ na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni. ⁶ Ama, am sa kun bo i yo m fie n la kabo am koro má Nikolaitafɔm sayoowam ni, mini mmɔɔ koro má bu sayoowam ni.’

⁷ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara, m má i atin na i di baka n bo i ma ɲɔɔ n dɛɛ suuwa na i wo Nyemɛ dika n nu ni.”

Nɔɔniɛ n bo bu fa maari Kristo jama n bo i wo Samirina ni

⁸ Na wɔ se m ka, “Kɛrɛ kadasi fa ma merɛkɛ n bo i niɛ Kristo jama n bo i wo Samirina miɛ kpiri n nu ni, na a se bu ka, ‘Ahin nɔɔniɛ n fite mini bo m ti deke kɛrɛ bumboori ni i awieeri ni, na m yo wuuri na ma tenge yiwee nu ni dɔ ɔ. ⁹ M si kabo am adi wahara agaya barasu, ni kabo am ti yaarifɔm ni, ama, am ti nenɓefɔm wɔ Nyemɛ dɔ. Na m si kabo minɛm kpie am nzukɔ ni, bo bu yo bu ɲu ka bu ti Yudafɔm, ama, bu ti má Yudafɔm ɲgba, bu ti Sitana dɛɛ jama n wɔ. ¹⁰ Am dí wahara kisa, ama, má am soro sɛrɛ. Am ti fɛn, Sitana wúra am nbem saraka na i yó am na i niɛ na am ɲú kekereke leburu. Ama, am su m ni nahɔrɛ haari am bá wu, na m tó am ɲkatɔ, yiri la ɲɔɔ bo i la má awieeri n a.’

¹¹ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara ɲú má yiwee kpe nnyɔ su n kun.”

Nɔɔniɛ n bo bu fa maari Kristo jama n bo i wo Peregamon ni

¹² Na wɔ se m ka, “Kere kadasi fa ma mɛrɛkɛ n bo i niɛ Kristo jama n bo i wo Peregamon miɛ kpiri n nu ni, na a se bu ka, ‘Ahin nɔɔniɛ n fite mini bo m la takobe nana n dɔ ɔ. ¹³ M si deke bo am woori ni, am woobiri n ti Sitana femeya tanaabiri wɔ, ama, am toko su m ni nahɔre wɔ, am ayaki má m yaradayo, haari ni sanɔa bo bu kuunri Antipasi bo i diiri m daani nahɔre su am miɛ n nu, deke bo Sitana wo ni. ¹⁴ Ama, m la jɔre nbem bo m fa jaraki am, am nbem bita Baalam kereewa atin n wɔ. Yiri yo kereeri Feme Balaki, ye i maari Yisarelifom yoori satie diiri tie niɛ, na ba yo sakaraya. ¹⁵ Am nbem gusu ti sɔ ɔ, bu su Nikolaitafom dɛɛ atin kereewa n su wɔ. ¹⁶ Nyini ti, am kaaki am wo, má nyini, m bá am dɔ kisa, na m fá takobe n bo i wo m nɔɔ nu kun lue ni minem bo bu yo sɔ ni.’

¹⁷ Sɔnɔ kere bo i koro ka i ti ahin jɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sɔnɔ kere bo i di nasara, m má i mi diire n bo bu fere i ka *mana* * ni, na i wo fiɛewa nu ni. Na m káaki ma i mi yabue fofoe be, ba kere duma fofore su, be koro si má duma n bo i wo su ni, má ka yiri n bo i de i ni si i a.”

Nɔɔniɛ n bo bu fa maari Kristo jama n bo i wo Tiyatira ni

¹⁸ Na wɔ se m ka, “Kere kadasi fa ma mɛrɛkɛ n bo i niɛ Kristo jama n bo i wo Tiyatira miɛ kpiri n nu ni, na a se bu ka, ‘Ahin nɔɔniɛ n fite mini Nyeme Wa n dɔ ɔ, mini bo m nyumbaa je ka sin fofoe, na m jaa gbagbaa kere boro ka jawii dɛɛ su ni. ¹⁹ M si am sayoowam, m si kabo am la koro barasu, ni kabo am su m ni nahɔre su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jɔre bo m fa jaraki am la ka, am amɔ am nɔɔ ye am niɛ Yezebeli, bara n bo i yo i nɔa ka i ti Nyeme nɔɔniɛ kanfo ni. I kere m akɔom wɔ na i daka bu, na bu suyo sakaraya, na i ma m minem di tie niɛ. ²¹ Ma se i ka i kaaki i wo na i yaki somaya kɔ ni, wɔ kete ka i kaaki má. ²² Nyini ti, m má i da tukpaki kekereke, na i ni minem bo bu yo sakaraya n dí wahara agaya, nzen ba kaaki má bu wo ayaki má sam bo bu ni yiri yo bu ni. ²³ Na m kún i nbaam, na Kristo jama asese n kere sí ka, mini fiti si deke bo i wo sɔnɔ kere ahore su, ni i sunsunni nu. Na m fá sɔnɔ kere sayoowa tɔ i kaari.

²⁴ Ama, amberɛ Tiyatirafom nbem bo am aka, na am su má i kereewa atin n su ni, amberɛ asɔnɔn má deke bo nbem fere i ka Sitana asiri nu sa bambaka ni. M suse am wɔ lɛɛ, m sɔ má am sɔɔri nɔnɔɔri buka má su. ²⁵ Ama, atin bo am bita i ni, am bita i kenken haari sanɔa bo m bá kaaki ba.

²⁶⁻²⁸ Sɔnɔ kere bo i di nasara na i yo m sa koroowa kɔ juuri awieeri, m má i yiko kabo m Si ama m yiko ni, na i niɛ daanfie daanfie kere su. Na i bita bu kekereke kabo nanɔkasi fa bulaari kɔrɔma tu bo i naanim barasu ni, na i fúfu bu kabo bu fufu yakatise barasu ni. Na m má i asaakojo.’ ²⁹ Sɔnɔ kere bo i koro ka i ti ahin jɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

3

Nɔɔniɛ n bo bu fa maari Kristo jama n bo i wo Saradisa ni

¹ Na wɔ se m ka, “Kere kadasi fa ma mereke n bo i nie Kristo jama n bo i wo Saradisa mie kpiri n nu ni, na a se bu ka, ‘Ahin noanie n fite mini bo m la Nyeme awiewie busu nso n na m bita asarambaam nso m saa nu do o. M si am sayoowam, am wo ka am la ngoo, ama, am ti fuinm wo. ² Nyini ti, am yasu na am bita deke n bo am toko la i n kenken, ma nyini, i wu wo. Dama ma nu ka am sayoowam n akpie su Nyeme do. ³ Am tenge su, kabo am yo tiiri Nyeme noanie n na am deer i ni, am kaaki am wo na am bita i, nzen am ayasu ma, am si ma sanja bo m ba ni, dama m ba fura am nu ka awiefɔ dee su wo.

⁴ Ama, m la mine nbem bo bu wo Saradisa Kristo jama n nu, bo ba saaki ma bu sutura ayo ma bu fin, bu sayoowam nu. Bere ba wura tanlee fofoe na m ni bere sanja nati a, dama bu ti ye ni so o. ⁵ Sono kere bo i di nasara, i wura nyini tanlee fofoe n be so o. Na m yi ma i mi duma fite ma ngoo kadasi n nu, ama, m ba jina m Si ni i merekem nyunu, na m se bu ka i ti m dee sono o.’ ⁶ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Noanie n bo bu fa maari Kristo jama n bo i wo Filadelfiya ni

⁷ Na wɔ se m ka, “Kere kadasi fa ma mereke n bo i nie Kristo jama n bo i wo Filadelfiya mie kpiri n nu ni, na a se bu ka, ‘Ahin noanie n fite mini bo m ti casi na m ti nahorefo, na m bita Feme Davidi kadombaa n bo i kere ka m la i dee yiko n be wo, na nzen m tekeeri ano, be koro tu ma i, na nzen m tuuri i gusu, be koro teke ma i. ⁸ M si am sayoowam, am nie, ma teke ano ama am bo be wo ma bere bo i koro tu i. M si ka am la ma fanja agaya, ama, haari ni nyini mmoo, am fite ma m sin, am toko bita m noanie n ni nahore wo. ⁹ Am yaki bo bu su Sitana n na bu yo bu nu ka bu ti Yudafom ni, bu ti korefom wo, bu ti ma Yudafom ngba. M ma bu ba kutu am nyunu na bu si ka m koro am. ¹⁰ Am ade m noanie ni, na am amindi n dee ti, m yi am fite kekereke n bo Nyeme ba fa yo durunya n nufom kere na i nie ni.

¹¹ M ce ma, m kaaki ba kisa. Atin n bo am bita i ni, am bita i kenken na ma be fin am nkatɔ ni. ¹² Sono kere bo i di nasara, m fa i yo jantarako Nyeme Sereebiri Awuru n nu na i wo nu do sanja kere. Na m kere Nyeme duma mata i, na m kere Nyeme mie n duma, mie n bo i fite angoro Nyeme do na bu fere i ka Yerusalem fofore, na m kaaki kere m duma fofore n gusu mata i mi nu.’ ¹³ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Noanie n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kere kadasi fa ma mereke n bo i nie Kristo jama n bo i wo Lawodikaya mie kpiri n nu ni, na a se bu ka, ‘Ahin noanie n fite mini bo m ti Ami na m la dabunu, na m di daani ni nahore su n do o. Mini ni Nyeme du mo yo woori bere a, ye ya yiiri deke n kere a. ¹⁵ M si am sayoowam, am ti ma niniki, am kaaki ti ma kekere, nzen ma am ti niniki wara kekere, ma m koro. ¹⁶ Ama, am ti boboroki n dee ti, m puuti am m noo nu butu. ¹⁷ Am na am ti nengefom wo, deke be kpie ma am su, ama, am si ma ka am la anunfo, na am si ma ka am ti yaarifom, na am kaaki si ma ka am ti anyinsinm, na am kaaki si ma ka am nati am nunie ngbeen wo. ¹⁸ Nyini ti, m koro ka m tu am fo,

na am bra m do ba to sika kpa bo ba fa awura sin nu na wo fite casi ni, adena am yo nengefom nahore su, na am ba to sutura fofoe m do, na am fa kata am nu, na ma mine nu ka am nati am nuni engbeen na i la nyinse. Na am ba to anyumbaa ayiri m do, na am fa wura am nyumbaa nu na am koro nu asi nyunyumi. ¹⁹ Bo m koro bu ni, bere ye m jaraki bu na m cin bu sui a, nyini ti, am boro am nyi na am kaaki am wo. ²⁰ Am ti fen, m jina soo ano n sin subobo, sono kere bo i ti m konvi nga na i tekeeri ano ni, m ba wura i mi do, na m ni yiri sangga di diire.

²¹ Sono kere bo i di nasara, m ma i atin na i ba tana m bi m femeya bie n su, kabo ma di nasara na m ni m Si sangga tana i femeya bie n su ni.' ²² Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni."

4

Kabo bu su Nyeme i femeya n nu barasu ni

¹ Nyini sin, na wo yo m ka alele dee su, na ma nu ka ano be ateke angoro. Na ma ti akonvi nga ka awie dee su sujoko m do, i ti akonvi n bo i du mo jokori m do n wo. I na, "Fun bra angoro fen, na m kere u sam bo bu ba yo ahin sin."

² Jina nu n bere na Awiewie Casi n aba awura m nu na ma nu ka femeya bie wo angoro, be tana su. ³ Bo i tana femeya bie n su je pipieu kabo cenceri nbem je barasu wo, nbem je fofoe na nbem je kokore, na i femeya bie ni, deke be je pipieu angoro kabo nzue ba muna na ayi kpie nu ni. ⁴ Femeya bie aburanyo ni nna nbem taka bara ye i femeya bie ni, na nkpienkpienm aburanyo ni nna tana biem su, bu wura tanlee fofoen na bu butu sika kere. ⁵ Na femeya bie ni sukpe se ka nzue dee su, na i sutientien, na i suyo nanmie. Fitana nso taka femeya bie n nyunu wo je su, bere la Nyeme awiewie busu nsom ni. ⁶ Deke be gusu da femeya bie n nyunu ka nzue bambaka dee su, i nyunu da cain ka nienu wo.

Deke ngwofa nna nbem gusu abara aye femeya bie ni, bu la anyumbaa beberebe, bu nyunu ni bu sin n kere. ⁷ Ciciri su dee n ti ka jara a, nnyo su n ti ka toora, nsan su n nyunuawa ti ka adamande wo, na nna su n ti ka kajiri bo i sutu landi. ⁸ Bu kun kun kere la lanquete nsen nsen wo, bu la anyumbaam bu juniembaa nu, ni bu nuniere kere su. Na bu sudi jue kongue ni wiesu kere, ka,

"Casi, casi, casi la ya Mi Nyeme Feme Kpiri,

i yo woore bere, na i toko wo bere, na i ba wo bere sangga kere ni."

⁹ Nzen bu nya sudi jue na bu fa kansu, ni jirima, ni anse ma yiri n bo i tana femeya bie n su ni, na i wo bere sangga bo i la ma awieeri ni, ¹⁰ nyini sangga, a nu ka nkpienkpienm aburanyo ni nna n sukutu i nyunu, na bu su i, yiri bo i wo bere na i la ma awieeri na i tana femeya bie n su ni. Na bu yi bu kere, sufa se femeya bie n nyunu, na bu sudi jue, ka,

¹¹ "Ya Miera ni ya Nyeme, woro ti ye ni ka a de kansu a, ni jirima, ni yiko.

Dama woro yiiri deke n kere a,

u koroyanu ye a maari deke n kere la ngwo a."

5

Kadasi n ni Bɔmbaa n jɔre

¹ Na ma ɲu ka kadasi nyanyaawa be wo yiri n bo i tana femeya bie n su n saa fɔmbɔɔ n nu, kerɛewa wo i kunnu ni i sin kere su, ba fa wie mɛnɛ amie amata i busu nso. ² Na ma ɲu Nyemɛ merɛkɛ faɲgafo be ka i subo ndoori faɲga su ka, “Nma ti ye ni bo i koro cin ɲmanɲi wie mɛnɛ n na i teke kadasi n a?”

³ Ama, aɲgoro, ni asienɲu, ni bo bu wo asien bu, be awo má berɛ bo i koro teke kadasi ni, na a ba kan ka i koro nie nu. ⁴ Be awo má berɛ bo i ti ye ni bo i koro teke kadasi ni, na a ba kan ka i koro nie nu n deɛ ti, na ma sun ni nyunvuin ɲgba. ⁵ Na nkpienkpienm n nu kun, ase m ka, “Má a sun. Nie fɛn, Fɛmɛ Davidi anuma kpiri ni, bo bu fere i ka Yudafoɔm busu nu jara n adi nasara, i koro cin ɲmanɲi wie mɛnɛ nso n na i teke kadasi ni.”

⁶ Na ma ɲu bɔmbaa be, i ti ka ba kpɛ i kɔm wɔ, i jina femeya bie n afien. Deke ɲɔɔfo nnam, ni nkpienkpienm n abara aye i. I la mbie nso wɔ, i nyumbaa gusu ti nso wɔ. Berɛ la Nyemɛ awiewie busu nsom bo wɔ sunma bu durunya n kerɛ nu ni. ⁷ Na wɔ ko yiri n bo i tana femeya bie n su n do, na wɔ de kadasi n afite i saa fɔmbɔɔ nu. ⁸ I ko deerɛ kadasi n ni, na deke ɲɔɔfo nnam, ni nkpienkpienm aburanyɔ ni nnam n akutu i nyunu. Bu kerɛ la bieku, na bu kerɛ bita sika ayaba bo wɔ yi ni ayiri kunkuunwa nvanvani ɲgumi wɔ. Ayiri kunkuunwa nvanvani n ti nyemɛsere bo Nyemɛ deɛ mine sere i wɔ. ⁹ Na ba di jue fɔfɔre ama yiri Bɔmbaa n ka,

“Wɔɔɔ ti ye ni ka a de kadasi ni,

na a ɲmanɲi wie mɛnɛ n a,

dama wɔɔɔ ye bu kpɛeri u kɔm, ye a fa u mbunja ade minem tii aji a.

Adamande kerɛ, ni daanfɛ kerɛ, ni aniem kerɛ,

ni asien barasu kerɛ bo bu wo durunya n nu ni,

bu nbem ayo Nyemɛ deɛ minem.

¹⁰ A fa bu ayo u femeya n nu minem,
na bu yo u sayoowa doɲguyofɔm,
na bu nie durunya n kerɛ su.”

¹¹ Na ma nie aɲu Nyemɛ merɛkem beberebe, akpii akpii buru no, ka, ba bara aye femeya bie ni, ni deke ɲɔɔfo nnam, ni nkpienkpienm ni.

Na ma ti ka ¹² ba ye bu konvi su sudi jue, ka,

“Bɔmbaa n bo bu yo kpɛeri i kɔm ni,

yiri ti ye ni ka i de yiko a, ni nenɲe, ni alecira, ni faɲga,

ni jirima, ni kpiri, ni kansɛ a.”

¹³ Na ma ti ka deke kerɛ bo bu wo aɲgoro, ni asienɲu, ni bo bu wo asien bu, ni bo bu wo nzue nu, ni deke kerɛ bo Nyemɛ ayi bu, ka bu sudi jue, ka,

“Yiri n bo i tana femeya bie n su n ni Bɔmbaa ni,

berɛ ti ye ni ka bu de kansɛ a, ni jirima, ni kpiri, ni yiko,
saɲga kerɛ saɲga.”

¹⁴ Na deke ɲɔɔfo nnam n ase ka, “Ami.”

Na nkpienkpienm n akutu asu Nyemɛ ni Bɔmbaa ni.

6

Wie mɛnɛ bo bu fa mata kadasi n jɔre

¹ Na ma ɲu ka Bɔmbaa n aba acin aɲmanɲi wie mene nso n bo bu fa mataari kadasi n nu kun. Na ma ti deke ɲɔɔfo nnam n nu kun konvi ɲga, kabo nzue tientien barasu ni, ka, “Fite.”

² M niɛeri na ma ɲu ka, kɔɲɔɲɔ fofoe lɛɛ. Bo i fun i n bita taa ni awie, na ba butu i femɛya kere, na wɔ kɔ ka luekunfo na i di nasara.

³ Na Bɔmbaa n acin aɲmanɲi wie mene nnyɔ su ni, na ma ti ka deke ɲɔɔfo nnyɔ su ni suse ka, “Fite.”

⁴ Na kɔɲɔɲɔ kɔkɔre afite, na ba ma i funfo n takobe tintiin, na ba ma i yiko ka i yi tanalaifie fite durunya n nu, na minem kun bu bengum.

⁵ Na Bɔmbaa n acin aɲmanɲi wie mene nsan su ni, na ma ti ka deke ɲɔɔfo nsan su n suse ka, “Fite.”

M niɛeri na ma ɲu ka, kɔɲɔɲɔ biri lɛɛ. I funfo n bita deke bo bu bita sunsun diire ni i saa nu. ⁶ Na ma ti akonvi be ɲga deke ɲɔɔfo nnam n nu, i ɲa, “Ngani ayaba ɲgboroko kun ti jumayofɔ lekun ɲkatɔ ɔ. Na abuwe ayaba ɲgboroko nsan ti jumayofɔ lekun ɲkatɔ. Ama, má am saaki ɲguin ni nzan ni.”

⁷ Na Bɔmbaa n acin aɲmanɲi wie mene nna su ni, na ma ti ka deke ɲɔɔfo nna su n suse ka, “Fite.”

⁸ M niɛeri na ma ɲu kɔɲɔɲɔ nzuin faa, i funfo n duma la Yiwee, na bo bu fere i ka Yiweefɔm Woobiri n gusu su i su. Na Nyeme ama bu durunya kpaaki nu nna buekun yiko ka bu fa lue, ni ahɔɛ, ni tukpaki, ni boro nenɲendɔre tiem, na bu kun bu.

⁹ Na Bɔmbaa n acin aɲmanɲi wie mene nnu su ni, na ma ɲu minem awiewie Mikun yoowa yoobiri n bu, bere la minem bo bu yo kuunri bu fa kɔ bu Nyeme jɔre kaanwa, ni bu daani diiwa n deɛ ti. ¹⁰ Na bu sutien faɲga su ka, “Ya Mí Nyeme Feme casi, nahɔrefo, cɛɛn nzu ye a dí minem bo bu yo kuunri ya n jɔre na a cín bu sui ma ya?”

¹¹ Na Nyeme awura bu kun kun kere sutura fofoe, na wɔ se bu ka, “Am yi am ɲumi kaan ka, na bu bá kun am benɲu akɔɔm, ni am benɲu Kristofɔm kere kɔ wie ka, kabo bu yo kuunri am barasu ni, na m dí bu jɔre.”

¹² Na ma ɲu ka Bɔmbaa n acin aɲmanɲi wie mene nsen su ni, na asien akpisi faɲga su, na wie akaaki biri didiki ka nambiri ɲuma, na sara n akaaki kɔkɔre ka mbunja deɛ su. ¹³ Na asarambaam afite aɲgoro ati atɔtɔ kabo aɲuma ba kpisi damba baka na i poorim titi tɔtɔ barasu ni. ¹⁴ Na aɲgoro n kere anyanya kabo bu nyanya bie ni, na wɔ mini, na bukam, ni nzue nu lui bambakam kere ayasu bu tanaabiri. ¹⁵ Na durunya n nu nfemem, ni tereterefo, ni soja nkpienkpienm, ni nenɲefɔm, ni nfaɲgafɔm, ni akɔɔm, ni sɔnɔ kere akɔ afie yabue ɲgbingbirim buem nu, ni yabue bambakam bu, bukam su. ¹⁶ Na ba se ka, “Má bukam bereki gɔ ya ɲu, na má yabue ɲgbingbirim kata ya ɲu, má i ti ye, adena má sɔnɔ n bo i tana femɛya bie n su n ɲu ya, na má Bɔmbaa n gusu cin ya sui. ¹⁷ Dama cɛɛn bo Nyeme ni Bɔmbaa ni cin sɔnɔ kere sui n aju, ye ɲma koro jina bu nyunu a?”

7

Yisarelifom mine akpii yaa ni akpii aburana ni nna n jɔre

¹ Nyini sin na ma ɲu merékem nna, ka bu jina durunya n awɔre nna n kere nu na bu kanda aɲuma, na má i kpie asien n su, ni tieku nu, wara i kpie gɔ baka su. ² Na ma ɲu meréke be ka i fite wie afiiri, i bita

deke be bo Nyeme bo i wo bere sangha kere n fa se i minem nyaari. Na wo tien fanga su ajojo merere nnam bo Nyeme ama bu yiko ka bu saaki asien n ni tieku n ni do, ³ na wo se bu ka, “Má am se ka am saaki asien n ni tieku n ni bakam ni, má ka ya ba ase Nyeme minem kere njuma su nyaari awie ka.”

⁴ Na wo kan minem bo ba se bu nyaari bu njuma su ni, na wo kere m bu no, bu kere ko yasuuri mine akpii yaa ni akpii aburana ni nna a, bu fite Yisarelifom dee busu n kere nu wo.

⁵ Yuda dee busu nufom ti mine akpii buru ni akpii nnyo bo ba se bu nyaari, na Ruben dee busu nufom ti mine akpii buru ni akpii nnyo, na Gadi dee busu nufom ti mine akpii buru ni akpii nnyo. ⁶ Na Aseri dee busu nufom ti mine akpii buru ni akpii nnyo, na Nafatali dee busu nufom ti mine akpii buru ni akpii nnyo, na Manase dee busu nufom ti mine akpii buru ni akpii nnyo. ⁷ Na Simeyon dee busu nufom ti mine akpii buru ni akpii nnyo, na Levi dee busu nufom ti mine akpii buru ni akpii nnyo. ⁸ Na Zabulon dee busu nufom ti mine akpii buru ni akpii nnyo, na Yosefu dee busu nufom ti mine akpii buru ni akpii nnyo, na Benjamin dee busu nufom ti mine akpii buru ni akpii nnyo.

Jama beberebe bo ba nya tiide n jore

⁹ Nyini sin na ma nu jama beberebe, bu la má no, bu fite durunya asien n kere su, ni adamande kere nu, ni durunya daanfie n kere nu, ni durunya aniem kere nu, ka, bu jina yiri n bo i tana femeya bie n su n ni Bombaa n nyunu. Bu wura tanlee fofoe yorom, bu bita kpakpa nyawam bu saa nu. ¹⁰ Na ba bo afere fanga su ase ka, “Nyeme bo i tana femeya bie n su n ni Bombaa n ama ya nya ya tii a.”

¹¹ Na merkem n kere ajina abara aye femeya bie, ni nkpienkpienm, ni deke ngwofa nnam ni, na ba dada bu nyunu su asien gu Nyeme bo i tana femeya bie n su n nyunu, na ba su i. ¹² Na bu suse ka, “Ami. Kansi, ni kpiri, ni alecira, ni anse, ni jirima, ni yiko, ni fanga ti ya Nyeme dee wo sangha kere sangha. Ami.”

¹³ Na nkpienkpienm n nu kun abisa m ka, “Nmam ye a nu ka bu wura tanlee fofoe yorom n a, ye bu fite ni wo?”

¹⁴ Na ma se i ka, “M mibie, woro si a, mini si má.” Na wo se m ka, “Bere ti minem bo ba fite anyumboro kekereke nu n a, bere ye ba nmisi bu sutura Bombaa ni mbunja n nu ayo bu fofoe n a.

¹⁵ Nyini dee ti, ye bu jina Nyeme Sereebiri Awuru n nu, i femeya bie n nyunu ye bu su i kongue ni wiesu n a, na Nyeme bo i tana i femeya bie n su n wo bu do na i yo bu kanda.

¹⁶ Ahoe ni nzuehoe ti má bu kun ceen be, wie bó má bu, na i kekere gusu wura má bu.

¹⁷ Dama Bombaa n bo i wo femeya bie n afien ni yo bu sasafu a, na yiri fá bu ko bura nzue bo i tie na i ma ngwo bo i la má awieeri n a.

Na Nyeme núuka bu nyunvuin kere bu nyunu.”

8

Wiε mεnε nso su n jɔrε

¹ Saŋga bo Bɔmbaa n cin ηmangiiri wiε mεnε nso su n ni, na deke kere ato amuna aŋgoro n nu, haari miti aburasan.

² Na ma ηu mereke nsom bo bu jina Nyεmε nyunu ni, na ba fa awie fitaawa nso ama bu.

³ Na ma ηu mereke nyinga ka i bita sika ayaba, bo bu fa ayiri kunkuunwa nvanvani gɔ nu na bu kunkun i ni, na wɔ kɔ ajina Mikun n yoowa yoobiri n bi. Na ba ma i ayiri kunkuunwa nvanvani beberebe ka i fa buka Nyεmε minem nyemesere su, na i fa kunkun Mikun yoowa yoobiri n bo bu fa sika mata su, na i wo femeya bie n nyunu ni. ⁴ Na ayiri kunkuunwa nvanvani n ηmisini n ni Nyεmε minem nyemesere n ayasu mereke n saa nu afun akɔ Nyεmε nyunu. ⁵ Na mereke n ayi sin Mikun n yoowa yoobiri n su, na wɔ fa awura ayaba n nu, na wɔ yi, na wɔ fa atu asandi durunya n nu. Na nzue sukpara sutientien, na i sujeje, na i sukpekpepe, na asien n akpisi.

Awie nso n bo bu kan i n jɔrε

⁶ Na mereke nsom n bo bu bita awie fitaawam n asese bu ηu su ka bu kan awiem ni.

⁷ Na mereke n bo i du mɔ n akan i dεε awie ni. Na nzue yabue, ni sin, saŋga ni mbunja ato durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mɔne kere.

⁸ Na mereke n bo i tɔ su nnyɔ su n akan i awie ni, na deke be, i ti ka buka bambaka wɔ, ye wɔ so sin su a, na ba fa i atu tieku n nu, na tieku n kpaaki nu nsan buekun akaaki mbunja. ⁹ Na deke ηgɔɔfɔm kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

¹⁰ Na mereke n bo i tɔ su nsan su n akan i awie ni, na asarambaa bambaka bo i je sin ka wura sin afite aŋgoro aba ato kunmam ni nzuetinm bo bu wo durunya n nu kpaaki nu nsan buekun nu. ¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dεε ti, na minem dɔŋgu bo bu nuuri nyini nzue n awu.

¹² Na mereke n bo i tɔ su nna su n akan i awie ni, na deke be aba ato wiε, ni sara, ni asarambaam kere kpaaki nu nsan buekun su asaaki bu, na ba kaaki biri tuum. Wiesu ni kɔŋgue n kpaaki nu nsan buekun, ayo má wein.

¹³ Na ma niε, na ma ηu ka kajiri be sulaandi tu aŋgoro, na ma ti kabo i tien barasu ni, i ηa, “Oi, keto, keto, keto wo sɔnɔ kere bo i wo durunya n nu n ηu, kabo mereke nsanm bo ba ka n koro ka bu kan bu awiem ni, na bu tiiri.”

9

¹ Na mereke nnu su n akan i awie ni, na ma ηu ka asarambaa be afite aŋgoro n aba ato asienɔgu. Na ba ma i kadombaa ka i teke kunma n bo i kɔ ηgɔŋgo na i la má awieeri ni. ² Na wɔ teke nyini kunma n ni. I tekeeri i ni, na ηmisini afite kunma n nu, i ti ka sin bambaka tɔɔwa ηmisini wɔ. Na ηmisini n bo i fite kunma n nu n ama wiε ni aŋgoro n kere asi biri didiki. ³ Na lalom afite ηmisini n nu asandi ade asien

n su, na Nyeme ama bu yiko, ka bundaanim dɛɛ su. ⁴ Na wɔ se bu ka má bu di wura ni diire mbaa wara bakam, ama, bu kan minem n bo bu la má Nyeme anyaari seewa bu nɔma su ni. ⁵ Wɔ ma má bu yiko ka bu kun minem wɔ, ama, bu kere bu wahara sara nnu. Wahara ni ti kabo bundaani kan sɔnɔ na i yo ya n wɔ. ⁶ Nyini sangga ni, adamande sún kpini yiwee busu na bu wú, ama, bu nyá má i.

⁷ Lalom n ti ka kpɔŋgɔm bo ba cici bu ka bu kɔ lue dɛɛ su wɔ, deke be wo bu tii su, ka sika kere dɛɛ su, na bu nyunuawa ti ka adamande dɛɛ su. ⁸ Bu ndɔre ti tintiin kabo bara bo i la tiɪmɪe tintiin ti n wɔ, na bu jee ti ka jara dɛɛ. ⁹ Deke be kata bu hoe su pɛpɛrɛpɛ ka bulaari dɛɛ su, na bu lanɔkpetem suyo nanɪmɪe kabo kpɔŋgɔm ni bu torokum n beberebe suɪmati kɔ lue na bu yo nanɪmɪe n wɔ. ¹⁰ Bu lɔ, bo bu fa kan n ti ka bundaani dɛɛ su wɔ. Bu la yiko bu lɔ n nu, bo bu fa kere mine wahara sara nnu. ¹¹ Bu fɛmɛ n la mereke n bo i niɛ kunma ŋgɔŋgo n bo i la má awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² Tɔ. Ciciri su dɛɛ ahoresaaki n asin, nnyɔ wo sin suba.

¹³ Na mereke nsen su n akan i awie n na ma ti akonvi be ŋga ka i fite Mikun yoowa yoobiri n bue nna n kere, ba fa sika amata su na i wo Nyeme nyunu ni. ¹⁴ Na akonvi n ajoɔ mereke nsen su n bo i bita awie n dɔ, i ŋa, “Kɔ mereke nnam bo bu wo kunma kpiri n bo bu fere i ka, Yufarati n dɔ, na a nyanggi bu ji.”

¹⁵ Na wɔ nyanggi mereke nnam bo ba du mɔ akpa bu ŋu anɪmɪnda nyini cɛɛn n gbingbin na bu kun mine bo bu wo durunya n nu kpaaki nu nsan buekun ni. ¹⁶ Na ma ti kabo bu sojam bo bu fun kpɔŋgɔ nɔ ti, bu nɔ kɔ yasuari akpii akpii busu yaa nnyɔ ɔ.

¹⁷ Deke n bo i yo m ka aleɛ ni, m ŋuuri kpɔŋgɔm, ni bo bu fun bu ni, ka bulaari pɛpɛrɛpɛ be kata bu hoe su, nbem boro kɔkɔre ka sin wɔ, na nbem ti biri ka bura nzue, na nbem ti ka ndere nzue, kpɔŋgɔm tii dika ti ka jara tii wɔ. Na sin, ni ŋmisini, ni ferewita sufite bu nɔɔ nu. ¹⁸ Ahin deke kekereke nsanm ni kuunri mine n bo bu wo durunya n nu kpaaki nu nsan buekun n a, bere la sin, ni ŋmisini, ni ferewita n bo i fite bu nɔɔ nu ni. ¹⁹ Dama kpɔŋgɔm n yiko kere wo bu nɔɔ, ni bu lom nu wɔ. Bu lom ti ka woom wɔ, bu la atiim, ye bu fa kere mine wahara a.

²⁰ Minem bo ahin wahara n akun má bu na bu kaari ni, ba kaaki má bu wo, ba yaki má amɔɛm su, ni dekem bo ba fa sikam, ni jetem, ni jawiim, ni yabuɛm, ni bakam ayo bu ka bu amɔɛm, nyini dekem koro ŋu má asi, na bu koro ti má asui, na bu koro nati má ni, ba yaki má bu su. ²¹ Ba kaaki má bu wo fa kɔ kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu wɔ awie ni.

10

Mereke ni kadasi kaan n jɔre

¹ Na ma ŋu mereke fanɔfaɔ be bekun ka i fite angoro sujura ba. Na yinyingu akata i ŋu ka tani dɛɛ su. Na ayi bo i kpɪe angoro n abara aye i tii, i nyunu ti ka wie wɔ, na i jaam ti ka sin taferema. ² I bita kadasi kaan be i saa nu, i ti tekeewa a. Na wɔ fa i jaa fɔmbɔɔ atien tieku n su, na wɔ fa i jaa bie atien asien n su. ³ Na wɔ tien fanɔfa su kabo jara ŋuundi ni, na nzue tieɛnwa nso n abɔ i nu. ⁴ Nzue n tieɛnri kpe nso

ni, má m ña m kere wɔ, na ma ti akonvi be ñga angoro. I ña, “Má a kere jɔjɔwa n bo nzue tiɛnwa nso n ase ni. Má a kan kere be.”

⁵ Na mereke n bo m ñuuri i ka i jina tieku n ni asien n su, n aye i saa fɔmbɔɔ su akere angoro, ⁶ na wɔ tan Nyeme bo i la ñgɔɔ na i wo bere sanja kere ni, yiri bo i yiiri angoro, ni asien, ni tieku, ni deke kere bo bu wo nu ni, na wɔ se ka, “Nyeme ñminda má kun. ⁷ Ama, sanja n bo mereke nso su n ba sukan i awie n ye Nyeme asiri nu jɔre ni yó yiiwa, kabo i yo seeri i akɔɔm bo bu ti i ñoanie kanfɔm ni.”

⁸ Na akonvi n bo i jɔjɔri m dɔ angoro n nu n ajɔjɔ m dɔ bekun, i ña, “Kɔ de kadasi kaan n bo wɔ teke na i wo mereke n bo i jina tieku n ni asien n su n saa nu.”

⁹ Na ma kɔ mereke n dɔ, na ma se i ka, “Fa kadasi kaan n ma m.” Na wɔ se m ka, “De na a kpese i, i yó u nɔɔ nu mamari ka wie wɔ, ama, i to u kunnu, i yó wiwi wɔ.”

¹⁰ Na ma de kadasi kaan n mereke n dɔ, na ma kpese i. I ti mamari m nɔɔ nu ka wie wɔ, m miiri na wɔ yo wiwi m kunnu. ¹¹ Na wɔ se m ka, “Kaaki jɔjɔ sam bo Nyeme ase ka bu bá tu mine barasu dɔngɔ, ni daanfie barasu dɔngɔ, ni nfemem dɔngɔ.”

11

Daanidifo nnyɔm jɔre

¹ Na ba fa deke be bo bu bita sunsun ama m, i ti ka kpama a, na ba se m ka, “Kɔ sunsun Nyeme Sereebiri Awuru n ni Mikun n yoowa yoobiri ni, na a kan minem bo bu wo nu dɔ su Nyeme ni. ² Ama, má a sunsun awɔre n bo i bara yeeri Nyeme Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su má Nyeme ni, na bu náti saaki Nyeme mie casi ni, sara aburana ni nnyɔ afien. ³ M súnma m daanidifo nnyɔm ni, na bu fá bɔtɔ kara ka tani dɛɛ su, bo i kere ka bu wo ahoresaaki nu, na bu kán m ñoanie n kere minem, nyini cɛen akpii kun ni yaa nnyɔ ni aburasen n nu.”

⁴ Daanidifo nnyɔm ni, bere la ñguinmbaa baka nnyɔm, ni fitana takaabiri nnyɔm bo bu jina Nyeme bo i dɛɛ la asien nyunu ni. ⁵ Sono kere bo i koro ka i yo bu sa be, sin fite bu nɔɔ nu ba yara bu kpɔfɔm. Nyini ti, nzen be ña i yo bu sa be, kabo i ti ye ni ka i wu lɛɛ. ⁶ Bu la yiko bo bu koro kanda nzue angoro na má nzue tɔ, sanja bo bu wo Nyeme ñoanie n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alɔɔba tɔ durunya n nu, sanja kere bo bu koro.

⁷ Nzen bu ba diiri bu daani kaanri Nyeme jɔre n wieeri, na boro nenɔndɔre n bo i fite kunma n bo i kɔ ñgɔngɔ na i la má awieeri ni kún lue ni bere, na i kúnma bu, na i kún bu. ⁸ Na bu fuin ká da mie bambaka n atin afien. Nyini mie n nufɔm sayoowa ti tie wɔ, nyini ti ye bu fa bu sunsun Sodomfɔm wara Ijipitifɔm n a. Nyini mie n nu ye minem kpamaari bu Mibie baka jaanu n su n a. ⁹ Bu fuin ni ká da bere lesan ni wie sin, na minem, ni daanfem, ni aniem, ni asienm kere bo bu wo durunya n nu, bu nu nbem sín na bu nie bu, na bu dú má su na be se bu. ¹⁰ Bu yiwee n dɛɛ ti, durunya n nufɔm síri taari, na bu gó agɔre, na bu cé bu beɱɱum aceerim, dama nyini Nyeme ñoanie kanfɔ nnyɔm bo ba wu n akere bu kere wuwuruwa.

¹¹ Lesan ni wiε sin n dεε sin, na Nyeme ayi i ηumi bo i ma ηgɔɔ n agɔ bu ηu, na ba yasu ajina, na sere ati sɔnɔ kere bo bu ηuuri bu ni. ¹² Na bere Nyeme nɔanie kanfɔ nnyɔm n ati akonvi bambaka be ka i jojo angoro nu, i ηa, “Am fun bra angoro fen.” Na ba wura yinyingū n nu ako angoro, bu kpɔfɔm jina suniε bu. ¹³ Jina n nu bere na asien akpisi fanja su, na miε bambaka n kpaaki nu buru buekun afufu, na wɔ kun mine akpii nso, na sere ati minem bo bu kaari ni, na bu sukansi Nyeme bo i wo angoro ni.

¹⁴ Tɔ. Na nnyɔ su dεε ahoresaaki n gusu asin, bo i tɔ su nsan su ni suba kisa.

Awie nso su n jɔrε

¹⁵ Na mereke nso su n akan i awie ni, na akonvim atien fanja su angoro n nu, bu ηa,

“Durunya n nu femeya kere fanja ti ya Micera

ni Kristo Tiidefɔ n dεε wɔ.

I dεε femeya ni wɔ bere sanja kere a.”

¹⁶ Na nkpienkpien aburanyɔ ni nnam n bo bu tana bu femeya biem su Nyeme nyunu n ada bu nyunu su asienjgu na bu subo tuntun Nyeme.

¹⁷ Bu ηa,

“Ya Mi Nyeme Kpiri bo a la má anusu ni,
wɔrɔ bo a wo bere na a yo woori bere ni,
ya da u asi, dama a de u yiko bambaka n
ye a suniε durunya n kere su a.

¹⁸ Durunya n nufɔm kere afa yaa,
ye sanja aju bo u gusu ahore ayasu,
na a dí minem bo ba wu n jɔrε.

Na sanja n akaaki aju bo a tɔ u akɔɔm ηkatɔ,

berε bo bu ti Nyeme nɔanie kanfɔm ni,

ni u minem kere bo bu su u ni,

nfanɔafɔm ni tarakam kere.

Ye sanja n akaaki aju bo a sáaki bere n bo bu saaki durunya ni.”

¹⁹ Na Nyeme Sereebiri Awuru n bo i wo angoro n ateke, na ma ηu Nyeme alaka n bo i kereeri ka wɔ fa sεsε su adi i di n ka i wo dɔ, na nzue sukpeε na i sutiɛntien, na i suyo nanmie, na asien sukpisi, na nzue yabue ηgbingbiri sutɔɔ.

12

Bara ni Sitana n dεε jɔrε

¹ Na alekutura sa be ayo angoro dɔ. Bara be awo dɔ, wɔ fa wiε akara ka tani dεε su, na sara gusu awo i jaa bu, asarambaa buru ni nnyɔ butu i tii ka femeya kere dεε su. ² I bita akunnu, na baawu yaari afa i na i subo awie.

³ Na alekutura sa be gusu ayo angoro dɔ, m ηuuri woo tie kɔkɔrε bambaka be, i tii ti nso wɔ, na i la mbie buru, femeya kere nso butu atii nso kun kun n kere su. ⁴ Na wɔ fa i lo abaandi asarambaam kpaaki nu nsan buekun aji asienjgu. Na wɔ ba ajina bara n nyunu, adena i wuuri baa n na i kaba fa baa n mi. ⁵ Na bara n awu baabiesɔ, bo i bá niε daanfie daanfem kere su, na i bita bu kekereke kabo nanɔkasi fa bulaari korɔma tu bo i naanim barasu ni. Na ba fa baa n ako yiri Nyeme ni, i femeya tanaabiri n dɔ. ⁶ Na bara n anmati ako boro

kpantain awɔre be nu, bo Nyeme asese i su ama i na bu sunie i dika haari ko ju ceen akpii kun ni yaa nnyɔ ni aburasen.

⁷ Tɔ, na Nyeme merɛke Mikali ni i jamam, ni woo tie ni i deɛ jamam sukun lue ni bu benɔ angoro. ⁸⁻⁹ Ama, na Mikali ni i deɛ jamam n akunma woo tie n ni i deɛ jamam ni, na ba fon bu afite angoro, ba nya ma woobiri do kun. Na ba fa woo tie bambaka n ni i deɛ jamam n kere aji asiengu. Yiri ti dada deɛ woo tie n a, yiri la Sitana, bu kaaki fere i ka Dadakafɔ, yiri dadaka durunya n nufom kere n a.

¹⁰ Na ma ti akonvi bambaka be nɔga ka i sutien fanɔa su angoro. I nɔ,

“Kisa, ya nɔ kabo ya Nyeme n la fanɔa na i de i minem tii ji,
na i di i femeya ni.

Kisa, ye Kristo Tiidefo n akere i yiko a,
dama ba fon ayi Sitana angoro aji durunya n nu fen,
yiri bo i ti saakifo na i jina Nyeme nyunu
na i jaraki ya ninbaam konɔue ni wiesu ni.

¹¹ Bombaa n deɛ mbunja, ni bu daani diiwa
ye bu fa kunmaari i a,

ba soro ma bu yiwee,
bu soroori su wo, ka bu wu.

¹² Nyini ti, angoro ni amberɛ kere
bo am wo angoro ni,

am ma am ahore jo,
dama Sitana la ma am fanɔa kun.

Ama, ahoresaaki ba to asien n ni tieku n su,
dama Sitana ajura am do.

Yaa ti i agaya,
dama i si ka i sanɔa sunnu ma kun.”

¹³ Sanɔa bo woo tie n nɔ ka ba yi i angoro aji asiengu ni, na wo nya nɔmati afon bara n bo i wuuri baabieso n ka i tara i. ¹⁴ Ama, na Nyeme ama bara n kajiri bambaka lanɔpete nnyɔ, adena i tu ko boro kpantain n awore n bo wo sese su ama i ni, na i nie i dika afo nsan ni kpaaki nu, na ma woo tie n tu i. ¹⁵ Na woo tie n apuuti nzue afite i nɔo nu ka wombu nzue deɛ su, na ma i so bara n ko. ¹⁶ Ama, na asien n ade bara n aji, i kpaaki nu nnyɔ o, na nzue n bo i songi fiteeri woo tie n nɔo nu n awura asien bu, nyini ti, nzue n atu ma bara ni. ¹⁷ Woo tie n atu ma bara n deɛ ti, na yaa ati i agaya, na wo kaaki ka i ko kun lue ni bara n busu nufom, bo ba de Nyeme nɔanie maawam n na bu di daani ni Yesu labari kpa n ni. ¹⁸ Na woo tie n ako ajina tieku n nɔo su.

13

Boro nengendɔre nnyom jɔre

¹ Na ma nɔ boro nengendɔre be ka i sufite tieku n nu, i la atii nso wo, na i mbie ti buru, mbie n kere butu femeya kere, ye duma kerɛewa be bo i kpie Nyeme nzuko n wo atii kun kun n kere su. ² Boro nengendɔre n bo m nɔuri i n ti ka awoba a, ama, i jaa ti bambaka, na i la fanɔa, na i nɔo ti ka jara deɛ. Woo tie n afa i deɛ yiko, ni i femeya, ni i fanɔa afa ama i. ³ Na ma nɔ ka ba kpie boro nengendɔre n kun tii, i ti ka ba kpie i kom wo, ama, kani n awie, na wo yo durunya n nufom kere alekutura na bu susu i su. ⁴ Na bu kere sukutu na bu su woo tie ni,

dama wɔ fa i yiko ama boro nengendɔre ni, na bu sukutu na bu su boro nengendɔre n gusu, na bu suse ka, “Nɔma ti ka boro nengendɔre n a? Nɔma ni yiri koro kun lue na i kunma i a?”

⁵ Na ba ma boro nengendɔre n atin ka i jojo kpiri koroya jojoori, na i jojo wura Nyeme ngasi nu, na ba ma i atin ka i la yiko haari sara aburana ni nnyo. ⁶ Na i jojo sukpie Nyeme nzuko, na i susaaki i duma ni i dika ni, ni bo bu wo Nyeme dika n nu angoro n kere. ⁷ Na wo nya yiko ka i kun lue ni Nyeme minem na i kunma bu, na wo kaaki anya yiko na i nie adamande kere, ni daanfie kere, ni aniem kere, ni asien barasu kere bo bu wo durunya n nu. ⁸ Minem kere bo bu wo durunya n nu ni su i wo, ma ka minem n bo ba du mo akere bu duma ago ngoo kadasi n nu, na durunya n boori i bu ni. Kadasi n ti Bombaa n bo ba kpie i kom n dee wo.

⁹ Sono kere bo i koro ka i ti ahin jore n bu, i ti ye ni ka i mi so i sui na i ti.

¹⁰ “Sono kere bo Nyeme ase ka bu wura i dansaraka,

bu wura i wo,

na sono kere bo Nyeme ase ka bu kun i ni takobe,

bu kun i wo.”

Nyini dee ti, i ti ye ni ka Nyeme minem fa sawore ni mindi ni yarada na bu fa su Nyeme.

¹¹ Na ma nu boro nengendɔre n be bekun ka i fite asien n nu, i la mbiem nnyo, bu ti kabo Bombaa dee ti n wo, ama, i jojo kabo woo tie n jojo n wo. ¹² I jina bumboori dee boro nengendɔre n jinaabiri wo, na i la i yiko n kere, na i sumie durunya n nufom kere ka bu su bumboori dee boro nengendɔre bo ba kpie i tii ni, i ti ka ba kpie i kom wo, ama, kani n awie. ¹³ Na boro nengendɔre nnyo su n ayo alekutura sam beberebe, na i ma sin fiteeri angoro ba toori asienju wo, na minem anju i. ¹⁴ Alekutura sam n bo i nya yiko yoori bu bumboori dee boro nengendɔre n nyunu n dee ti, na wo dadaka durunya n nufom. Na wo se bu ka bu ta amoe na i ferema ni boro nengendɔre n bo bu faari takobe fondoori i ni, ama, i toko la ngoo. ¹⁵ Na boro nengendɔre nnyo su n anya atin, na wo ma amoe numi, na wo nya ngoo na i koro jojo na i koro kun minem kere bo ba kete ka bu su ma i ni. ¹⁶ Na i sumie mine barasu kere, nfanfafom ni tarakam, nengefom ni yaarifom, minem bo ba de bu tii, ni akoom, na wo ma ba se bu nyaari bu saa fomboro wara bu numa su. ¹⁷ Sono kere bo i la ma nyini nyaari seewa n be, koro to ma deke be na i kaaki koro to ma deke be gusu, dama nyini nyaari seewa n ti boro nengendɔre n duma, wara i duma lamba.

¹⁸ Sono koro si ma boro nengendɔre lamba n bu, ma ka i mi la alecira, i ti adamande duma a. I lamba n ti yaa nsen ni aburasen ni nsen wo.

14

Bombaa n ni minem bo wo de bu tii aji n jore

¹ Na ma nie anju Bombaa n ka i jina Siyon Buka n su. Mine akpii yaa ni akpii aburana ni nnam wo i do. Bere ye ba kere Bombaa n ni i Si Nyeme duma ago bu numa su n a. ² Na ma ti ka mine nbem sudi jue angoro, i yo nanmie kabo nzue songi na i yo nanmie n wo, na i yo kabo nzue tientien na i yo nanmie ni, na i sun kabo bu bo bieku na i sun barasu ni. ³ Na mine akpii yaa ni akpii aburana ni nnam n

jina femeya bie n nyunu, ni nenje ngoofo nnam ni, ni nkpienkpienn n nyunu, na bu sudi jue fofore. Be wo má bere bo i koro sɔnsɔn i, má ka bere ngumi bo Nyeme ade bu afite durunya n nufom n nu ni. ⁴ Bere la minem n bo bu ni bara be ada má, na bu ti casi ni. Bere la bo deke kere bo Bombaa n ko na bu su i su ni. Bere ye Nyeme ade bu tii aji afite durunya n nufom nu n a, na ba yo i ni Bombaa n dee ciciri su minem. ⁵ Kore be mmoo wo má bu noo nu. Na bu kaaki la má ngasi be.

Mereke nsanm jore

⁶ Na ma nu mereke be bekun ka i wo tu su angoro, na i sukan labari kpa n bo i la má awieeri n jore kere adamande kere, ni daanfie kere, ni aniem kere, ni asien barasu kere bo bu wo durunya n nu ni. ⁷ Na mereke n aye i konvi su atien fanga su agaya ase ka, “Am soro Nyeme na am wura i kpiri, dama sanja n aju bo i dí minem jore. Am su Nyeme bo i yiiri angoro ni asien, ni tieku ni nzue ni.”

⁸ Na mereke nnyo su n afite asu ciciri dee n su, na i suse ka, “Wo kpaasi, Babilon mie kpiri n akpaasi, yiri bo i maari durunya n nufom kere nuuri i nzan n na bu yoori sa ngbeennngbeen ni.”

⁹ Na mereke nsan su n afite ago ciciri deem su. Na i sujoko fanga su suse ka, “Soo kere bo i suuri boro nengendore n ni i amoe ni, na wo se bu numa su wara bu saa fomboro su n nyaari, ¹⁰ Nyeme fá yaa bu nu, na i cin bu sui agaya, na i má sin ni ferewita to bu nu na bu dí wahara agaya, i mereke casim n ni Bombaa n nyunu. ¹¹ Na nmisini sufite nyini sin n bo i kere bu wahara n nu ko angoro sanja kere, i la má awieeri. Minem kere bo bu suuri boro nengendore n ni i amoe n na wo se bu nyaari ni, bu nya má niumiyi, kongue ni wiesu kere.”

¹² Nyini ti, i ti ye ni ka Nyeme minem la mindi, bere bo bu de i noanie maawam ni, na bu bita bu yarada n kenken fa ko Yesu do ni.

¹³ Na ma ti ka akonvi be sujoko angoro suse m ka m kere ka, “Terefie wo minem n bo bu suuri Mibie n na bu wuuri n do fite kisa fa ko.”

Na Nyeme Awiewie Casi n asoro su ka, “I ti nahore wo, bo ba wu ni, bu yi bu numi, bu nkato ye bu sudi i n a, dama bu sakpayo su bu su a.”

Kabo Nyeme di durunya n nufom kere jore ni

¹⁴ Na ma nie anu yinyingu fofoe be angoro n su, be tana su, i ferema ni adamande wo, i butu sika femeya kere, i bita goroku nana i saa nu. ¹⁵ Na Nyeme mereke n be bekun afite Nyeme Sereebiri Awuru bo i wo angoro n nu, na i sutien fanga su suse yiri n bo i tana yinyingu n su ka, “Durunya n nu alembaa n abi, fa u goroku n fa wura nu na a kpie i, dama sanja n a ju.” ¹⁶ Na yiri n bo i tana yinyingu n su n afa i goroku n ada awura durunya n nu na wo kpie alembaa ni.

¹⁷ Na mereke n be bekun afite Nyeme Sereebiri Awuru bo i wo angoro n nu, i gusu bita goroku nana be.

¹⁸ Na mereke n be bekun bo i nie sin su afite Mikun yoowa yoobiri n dika, na wo tien fanga su ase nyini mereke n bo i bita goroku n ka, “Fa u goroku n fa kpie durunya n nu baka suuwam go, dama baka suuwa n aboro.”

¹⁹ Na mereke n afa i goroku n ada awura durunya n nu akpie baka suuwam n kere atien bu noo ago kunma bambaka n bo bu miemie yiiri baka suuwa nzue n nu ni. Nyini kere kabo Nyeme ahorembaa

ayasu na i cin minem sui. ²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asongi afite kunma n nu. Nzen kpoggo wura nu, na i ko se ka wo dodo ngoggo dika, i tii nyaari ngumi ko ka. I tintiin gusu waari agaya.

15

Merekem bo bu bita awieeri su kekereke ayaba nsom jore

¹ Na ma nu alekutura sa bambaka be angoro, ka Nyeme mereke nso nbem bita kekereke barasu nso n bo bu ti awieeri su dee ni. Nyini kekereke n dee sin, Nyeme fa ma yaa kun.

² Na ma nu deke be, i ti ka nzue bambaka a, i je ka nieenu wo, wo sangha ni sin. Na ma nu minem bo ba kunma boro nengendore n ni, ba ko ayaki i ni i amoe n ni i duma lamba. Bu jina tieku n bo i je ka nieenu n su, bu bita biikum n bo Nyeme afa ama bu ni. ³ Na ba di Nyeme akoo Moyisi ni Bombaa n dee jue, ka,
“Ya Mi Nyeme Feme Kpiri,

woro ti adamande kere feme durunya n nu a.

U sayoowa ti bambaka na i ti alekutura.

U sayoowa kere ko atin su wo, na i ti nahore.

⁴ Micera, nma wo bere bo i soro ma u a,
na i wura ma u kpiri a?

Dama woro ngumi ti casi a.

Adamande kere bo bu wo durunya n nu,

bu ba kutu u na bu kansu u,

dama u nahore sam n afite fofoe nu.”

⁵ Nyini sin, na ma nu Casi Kere Casi Soo n bo i wo Nyeme Sereebiri Nambue n nu, na i wo angoro n ka bu suteke i. ⁶ Na mereke nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su. ⁷ Na deke ngoofo nnam nu kun, afa sika ayabam n nso afa ama Nyeme mereke nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ngoo na i la ma awieeri n afa yaa agaya. ⁸ Na Nyeme yiko ni i jirima woowa n ama Nyeme Sereebiri Awuru n ayi ni nmisini, bo be akoro awura ma awuru n nu, fa ko ju sangha bo mereke nsom fa kekereke nsom n fa jiiri durunya n nu n ko wieeri.

16

Ayabam bo bu kere ka Nyeme afa yaa n jore

¹ Na ma ti akonvi bambaka be nga Nyeme Sereebiri Awuru n nu, i sujoko mereke nsom do, i na, “Am ko na am ko kaaki Nyeme ahore yasu ayaba nsom n go durunya n nu.”

² Na mereke ciciri su n ako akaaki i ayaba n ago durunya n nu, na kani tiem, bo bu yo ya agaya, akpie minem bo bu la boro nengendore n nyaari seewa n na bu su i amoe n ni.

³ Na mereke nnyo su n akaaki i ayaba n ago tieku nzue n nu, na tieku nzue n akaaki ka sono bo wo wu mbunja. Na deke ngoofo kere bo bu wo tieku n nu awu.

⁴ Na mereke nsan su n akaaki i ayaba n ago kunmam nzue ni buram nzue nu, na i kere akaaki mbunja. ⁵ Na ma ti ka mereke n bo i nie nzue n su n ase ka,

“Nyeme, wɔɔ ti casi a,

wɔɔ bo a wo bere na a yo woori bere ni,
kabo a cin minem sui sɔ ni,
u sayoowa akɔ atin su.

⁶ Dama ba kun u dɛɛ minem, ni u nɔaniɛ kanfɔm
na bu mbunja afite,
ye u gusu ama bu nzuem n akaaki mbunja na bu nu.
I ti ye ni ka a yo bu sɔ ɔ.”

⁷ Na ma ti akonvi be nɔa ka i fite Mikun yoowa yoobiri n bi, i nɔa,
“Ya Mi Nyeme Feme Kpiri,
kabo a di bu jɔɛ ni, i ti nahɔɛ wɔ, na i kɔ atin su.”

⁸ Na mereke nna su n akaaki i ayaba, n ago wie n nɔu, na Nyeme ama
i kekere agaya suyara minem ka sin dɛɛ su. ⁹ Na sin n kekere ayara
minem, na ba kpiɛ Nyeme nzuko, yiri bo i la yiko na i ma bu di nyini
wahara ni, na ba kete ka bu kaaki mɔ bu wo na bu ma i jirima.

¹⁰ Na mereke nnu su n akaaki i ayaba n ago boro nengendɔɛ n
femeya biɛ n su, na i femeya asien n kere asi biri didiki. Na minem
sukan bu saa, yaari n ti. ¹¹ Kambue n ni yaari n bo i wo bu nɔu n dɛɛ ti,
ye bu sukpiɛ Nyeme bo i wo angoro ni nzuko a, haari ni nyini mmɔɔ,
ba kaaki mɔ bu wo na bu yaki bu satie ni.

¹² Na mereke nsen su n akaaki i ayaba n ago kunma kpiri n bo bu fere
i ka Yufarati n su, na nzue n kere anu, na wɔ kpiɛ atin ama nfemem
bo bu fite wie afiiri ni. ¹³ Na ma nɔu awiewie tie nsan nbem, bu ti ka
pɔntirim wɔ, kun sufite woo tie n nɔɔ nu, kun sufite boro nengendɔɛ
n nɔɔ nu, na kun gusu sufite sɔɔ bo wɔ yi i nɔu ka i ti Nyeme nɔaniɛ
kanfɔ n nɔɔ nu. ¹⁴ Bu ti Sitana dɛɛ awiewie barasu nbem wɔ, na bu
suyo alekutura sam, na bu kɔ durunya n nu nfemem kere dɔ kɔ tien
bu nɔɔ, na bu cici lue n minda ya Mi Nyeme Feme Kpiri n jina cɛɛn.

¹⁵ Ya Mi Nyeme nɔa o, “Am ti fen, m ba ni yɔ am fura nu ka awiefɔ
dɛɛ su wɔ, terefie wo sɔɔ kere bo i n minda fa kɔ m ba n dɛɛ su, i fa
mɔ i nɔu ti mɔ, na i wura i sutura, adena mɔ i nati i bu nɔbɛɛn, na mɔ
mine nɔu i, na nyinse ti i.”

¹⁶ Na Sitana awiewiem n atien nfemem nɔɔ dika n bo bu fere i Hiburu
aniɛ nu ka, *Amagedon* n ni.

¹⁷ Na mereke nso su n akaaki i ayaba n ago anɔma n nu. Na akonvi
bambaka be ajojo afite femeya biɛ n nu, Nyeme Sereebiri Awuru n nu,
i nɔa, “Wɔ yo awie.”

¹⁸ Na nzue sukpekpese, na i sutientien, na i suyo nanɔmie, na asien
sukpisi fanɔa su. Kabo Nyeme yiiri adamande ni, be nya nɔu mɔ nyini
asien kpisiwa n nɔsu sɔ. ¹⁹ Na mie kpiri n ati nu nsan, na miem kere
bo bu wo durunya n nu n atɔtɔ, dama Nyeme atenje Babilɔn mie kpiri
n jɔɛ su, nyini ti ye wɔ fa yaa i nɔu, sucin i sui n a. ²⁰ Na lui bambakam
kere bo bu da nzue afien, ni bukam kere amini. ²¹ Na nzue yabuem
sutɔtɔ minem nɔu, i kun kun nɔnɔri la nɔma. Na minem sukpiɛ Nyeme
nzuko, dama nzue yabue n bo i tɔtɔ ni sukere bu wahara agaya.

17

Bara sakara n jɔɛ

¹ Na Nyeme mereke nsom n nu kun, bo i bita ayaba nsom n nu kun,
aba m dɔ, aba ase m ka, “Bra fen, na m kere u kabo Nyeme cin bara

sakara tie n sui ni, yiri bo i tana kunma nzue beberebem n su ni. ² Yiri ye durunya n nu nƚemem akpini i afa ayo bu soma, na wɔ fa i sakaraya asa durunya n nufɔm kere, na bu gusu akpini i afa ayo bu soma.”

³ Na Awiewie Casi n deɛ yiko nu, na mereke nu, na mereke n afa m ako boro kpantain nu. Na ma ɲu bara be ka i tana boro nengendɔre kɔkɔre be su, duma kereɛwa nbem bo bu kpie Nyeme nzuko n wo boro nengendɔre n ɲunie kere su. I la atii nso, na i mbie ti buru. ⁴ Bara n adi sunƚuruya anyɔnyɔndi i ɲu, i wura sutura kɔkɔre nyunyumi, na wɔ wura i kɔm, ni i saam, ni i suim jɔɔkɔm, ni lalankundim, ni afere nyunyumim, ni sikam, ni afere fofɔem bo bu la gɔ agaya. I bita sika kɔpu i saa nu, wɔ yi ni dangba ni i sayoowa ɲgbɛɛnɲgbɛɛn n wɔ. ⁵ Ba kere i asiri nu duma i ɲuma su, nyini duma n bu la ka, Babilon mie kpiri, bo i ti sakaram kere ni, na i kaaki ti saa ɲgbɛɛnɲgbɛɛn yofɔm kere bo bu wo durunya n nu n ni. ⁶ Na ma ɲu ka bara n anu Nyeme minem mbunja abo, ni minem bo bu di Yesu daani n deɛ ti na ba kun bu ni gusu mbunja abo.

M ɲuuri i sɔ ni, na wɔ yo m alekutura. ⁷ Na mereke n abisa m ka, “Nzu ti ye a ma wɔ yo u alekutura? M kere u asiri nu jɔre bo i wo bere fa kɔ bara n ni boro nengendɔre n bo bara n tana su, na i la atii nso ni mbiem buru ni. ⁸ Boro nengendɔre n bo a ɲuuri i ni, ti deke bo i yo woori bere wɔ, ama, kisa i wo má bere kun. Wɔ ka kaan na i fite kunma ɲgoɲgo n bo i la má awieeri n nu, na i kó di wahara na i ká ɲgbɛɛn. Na durunya n nufɔm bo bu duma wo má ɲgɔɔ kadasi n nu, fite sanƚa bo Nyeme nya yi má durunya ni, bu ba ɲuuri i, i yó bu alekutura, dama i yo woori bere, ye kisa, i wo má bere kun, na i bá kaaki ba cɛɛn be.

⁹ Nyini deɛ ti, sɔnɔ kere fa i alecira ni sunsunni na i ti ahin jɔre n bu. Boro nengendɔre n tii nso n ti buka nso bo bara n afun atana su wɔ. Bu gusu kaaki ti nƚemem nso wɔ. ¹⁰ Bu nu nnu akpaasi, nsen su n toko wo bere, nso su n nya ba má, ama, i ba baari, i cɛ má, i femeya ni kpáasi wɔ. ¹¹ Boro nengendɔre n bo i yo woori bere, ama, kisa i wo má bere kun ni, yiri ti femɛ n bo i buka su mɔcɛ su n a, ama, i ti nƚeme nsom nu kun wɔ, na i kó di wahara na i ká ɲgbɛɛn.

¹² Mbie burum bo a ɲuuri bu n ti nƚeme burum bo bu nya di má femeya, ama, bu nyá yiko na bu dí femɛ buka boro nengendɔre n su sanƚa kaan sɔ. ¹³ Nyini nƚeme burum n yó bu nɔɔkun, na bu fá bu fanƚa ni bu yiko kere na bu fá ma boro nengendɔre ni. ¹⁴ Bu kún lue ni Nyeme Bɔmbaa ni, ama, i ni i minem ni kúnma bu, dama yiri ti mibiem kere Mibie, na i ti nƚemem kere Femɛ. I minem bo bu wo i dɔ n la bo wɔ fere bu ni, ni bo wɔ yi bu na bu jina i sin nahɔre su ni.”

¹⁵ Na mereke n ase m ka, “Kunmam nzue n bo a ɲuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni daanfie kere wɔ lɛɛ. ¹⁶ Mbie burum bo a ɲuuri bu ni, ni boro nengendɔre ni, bu bá kpɔ bara sakara ni, bu dé i nenƚe kere na i ká i bu ɲgbɛɛn, na bu dí i ɲuniembaa kere, na bu yára bo wɔ ka n sin. ¹⁷ Dama Nyeme maari bu yoori kabo i koro a. I maari bu yoori bu nɔɔkun na bu fa bu femeya n kere buka boro nengendɔre, na i dí femeya n kɔ ju sanƚa bo Nyeme nɔanie ni bá yo yiiwa ni.

¹⁸ Bara n bo a ɲuuri i n la mie kpiri n bo i ti durunya n nu nƚemem kere tii n a.”

18

Kabo Babilon mie kpiri n kpaasi barasu ni

¹ Nyini sin, na ma kaaki anju mereke be ka i fite angoro sujura, i la yiko agaya, na i woowa n ata wein abara aye durunya n kere. ² Na wo ye i konvi su atien fanja su ka,

“Wo kpaasi. Babilon mie kpiri n akpaasi.

Wo kaaki awiewie tiem, ni ajinim,

ni deke ngbεεnngbεεnm,

ni anuma tiem woobiri wo.

³ Dama durunya n nufom kere nuuri i nzan

ye bu koori somaya yiri do a.

Na durunya n nu nfemem kere ko kpiniiri yiri yoori bu soma.

Na kabo i la ajeke na i koro tara ma i nu ni,

durunya n nu watafom gusu nya bu ajeke fite i do o.”

⁴ Na ma kaaki ati akonvi be nga bekun, ka i sujojo angoro n nu, i na,

“M minem, am fite mie n nu,

na ma am yo bu satie yoowa n be,

na ma wahara n bo i suba bu do n tu am.

⁵ Dama mie n nufom satie yoowa n aju Nyeme do angoro,

na i wara koro fi ma bu satie yoowa n sa.

⁶ Sam bo bara n yoori bu ni, yo i gusu so,

to i kaari i nusu nnyo.

Ma i nu kekereke tara kabo i yo ma minem nuuri kekereke ni.

⁷ Kabo i yo wuraari i nu kpiri na i diiri i tii barasu ni,

kere i kekereke na i ahore gusu saaki so.

Dama i na, ‘Ma di femε, m ti ma kunafε,

m ahore saaki ma cen be.’

⁸ Nyini dee ti, lekun ye kekereke ba to i nu a.

Yiri la tukpaki, ni ahoresaaki, ni ahε.

Na sin yara i,

dama Micera Nyeme n bo i cin i sui n la yiko agaya.”

⁹ Na durunya n nu nfemem bo bu ko kpiniiri i na bu ni yiri diiri bu tii ni, bu nu kabo sin je i, na bu nu kabo nmisini yasu ko angoro barasu, na bu sun, na bu bo awie. ¹⁰ Kekereke n bo wo tu i n dee ti, i ma bu sere wo, na bu jina dede, na bu nya suse ka,

“Keto, keto, am nie ahin mie bambaka ni.

Babilon bo i ti mie kpiri n lee

ye ba kaba acin i sui, ye i kere aka ngbεεn,

anyumbaa kata ni i teke n nu bere n a.”

¹¹ Na watafom bo bu wo durunya n nu ni susun, na bu sukoko mie ni, dama be to ma bu goori n kun. ¹² Be to ma bu sika, ni jete, ni afere barasu nbem bo bu yo nyumi na bu la go ni. Be to ma bu suturam barasu barasu bo bu yo nyumi na bu la go ni. Be to ma bu bakam bo bu fa yo bie kpakpam ni, ni bu ayaba barasu kere bo bu fa sui jee yo bu ni, ni deke kere bo bu fa baka fa sense bu, ni deke kere bo bu fa jawii bulaari, ni yabue fa yo bu na bu la go agaya. ¹³ Be kaaki to ma bu toro nenje barasum bo bu la nvanvani, ni ayiri kunkuunwa nvanvani, ni baka nyunvuin nvanvanifo, ni nzan, ni nguin, ni kpono samene, ni diire, ni naanim, ni nbem, ni kponjom, ni kponjo torokum, ni akom, ni domuem. ¹⁴ Na watafom n ase i ka,

“Dekem bo a yo koro bu agaya n kere
 aḡmati ayaki u,
 u ajeḡem, ni u nenḡe kpakpam kere bo a la bu
 ako ayaki u,
 a nyá má i be kun.”

¹⁵ Watafom bo bu yoori nenḡefom nyini mie n deḡ ti ni, bu kó jina dede wo, dama sere ti bu fa ko kekereke n bo wo to mie n nu ni, na bu ahore saaki agaya na bu sun. ¹⁶ Na bu se ka,
 “Keto, keto, am nie ahin mie bambaka ni.
 I yo kara sutura barasu barasu nyunyumi,

na i la sika jorokom,
 ni aferem barasu barasu
 bo bu yo nyumi na bu la go agaya ni.

¹⁷ Nyini nenḡe n kere akaba aka ḡbɛɛn,
 anyumbaa kata ni i teke n nu bere n a.”

Na lee bambaka kanfom, ni leefom, ni lee wurafom, ni bo bu juma nati tieku nzue n su n kere ako ajina dede. ¹⁸ Na bu jina nie kabo mie ni suje sin barasu na ḡmisini yasu ko angoro ni, na bu bo awie se ka,
 “Mie bono wo bere bo i ju ahin mie bambaka n a?”

¹⁹ Na bu susasa tuturi go bu tii su na bu kere ka bu ahore asaaki agaya, na bu susun, na bu suse ka,
 “Keto, keto, am nie ahin mie bambaka n ni.
 Dama minem kere bo bu la lee bambakam na bu juma nati tieku nzue
 n su n

nya bu nenḡem fite nyini mie n deḡ ajeke n nu wo.

Ye wo kaba aka ḡbɛɛn,
 anyumbaa kata ni i teke n nu bere n a.

²⁰ Ambere bo am wo angoro nu,
 ni Nyeme minem, ni Yesu jaramasam, ni Nyeme noanie kanfom,
 am ma am ahore jo

fa ko kabo mie kpiri n aka ḡbɛɛn barasu bere ni,
 dama Nyeme subisa i noo nu ma am a.”

²¹ Na Nyeme mereke fanḡafo be n afa yabue bambaka, na wo fa atu aji tieku nzue n nu, na wo se ka,

“So ye Nyeme fa Babilon mie kpiri n

fa ji wuum a,
 na i busu be ba ḡu ma.

²² Be ti ma deke be ḡga mie n nu kun,
 i bieku kanfo o, i jue difo o, i tere kanfo o, ni awie kanfom.
 Na jumayofa barasu be mmoo gusu wo ma mie n nu kun,
 be ti ma ḡgani san yabue be ḡga mie n nu kun.

²³ Na fitana haari kun n kpein
 je ma mie n nu cɛɛn be na be ḡu i.

Be ti ma konya ni konyafan kuyigindi ḡga mie n nu kun,
 dama watafom bo bu yo wo nyini mie n nu
 yo ti nfanḡafom wo durunya n kere nu,
 na mie nufom yo boboyaya sam dadaka durunya n nufom kere.

²⁴ Nyeme acin mie n nufom sui a,
 dama bere yo kuunri Nyeme minem, ni i noanie kanfom n a,
 ni minem kere bo ba kun bu durunya n nu ni, bere yiiri bu
 mbunja.”

19

¹ Nyini sin, na ma ti akonvi be nga angoro, ka jama beberebe akonvi, bu na,

“*Haleluya*, ya kansi Nyeme,
ya Mi Nyeme n ama ya nya tiide a,
yiri ti kpiri ni yikofa a.

² I di jore ni i atin su, ni nahore wo.

Wo di bara sakara n jore,
yiri bo i maari durunya n nufom kere kpini nbaram
na bu ko somaya
na bu yo sa ngbænnngbænnm kere,

na wo cin i sui, dama yiri yo kuunri Nyeme akoom n a.”

³ Na jama n bo bu wo angoro n akaaki aye bu konvi su atien ase ka,
“*Haleluya*.

Sin n bo i sudi mie ni nmisini n suyasu sukõ angoro
haari ni sanja bo i la má awieeri.”

⁴ Na nkpienkpien aburanyo ni nnam, ni deke ngõõfõ nnam sukutu
sukansi Nyeme bo i tana femeya bie n su ni, na bu se ka,
“Ami. *Haleluya*.”

Nyeme Bombaa n konyaya jore ni

⁵ Na akonvi be afite femeya bie n nu, i na,
“Amberè Nyeme akoom kere,
tarakam ni nfanngafom,
bo am soro Nyeme ni,
am kere kansi i duma.”

⁶ Na ma ti akonvi be nanmie nga, i ti ka jama beberebe suyo
nanmie wo, na i yo nanmie, kabo nzue songi na i yo nanmie ni, na
i kaaki ti kabo nzue tientien na i yo nanmie ni, i na,
“*Haleluya*,

Ya Mi Nyeme Feme Kpiri n
adi i femeya n kisa.

⁷ Am ma ya ahore jo na ya yo ya kunnu koroowa,
na ya wura i kpiri,
dama sanja n aju bo Bombaa ni já i konya ni,
konya n gusu asese i nu su anminda i.

⁸ Nyeme ama i sutura casi fofoe papasi ka i fa kara.”

Sutura fofoe papasi n la Nyeme minem sakpa yoowam ni.

⁹ Na mereke n ase m ka m kere ka, “Terefie wo minem bo Bombaa n
abaandi bu ka bu ba di konyaya diire n be i do.”

Na wo kaaki ase ka, “Ahin noanie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka má m yo
so, ama, m kansi Nyeme ngumi. Na wo kaaki ase m ka, “M ti u bengu
akoo, ni u ninbaam bo bu di Yesu daani kere mine n be wo.” Jore n kere
bo Nyeme noanie kanfom kaanri i ni, bu diiri ahin Yesu n daani wo.

Sõõõ n bo i fun kpõngõ fofoe n jore

¹¹ Na ma nu ka angoro ateke, kpõnga na ma nu kpõngõ fofoe be, bu
fere bo i tana su n duma ka, Bo i la Dabuõu ni Nahorefo, i di minem
jore kabo i ti ye ni ka i di bu nahore su wo, na i kun i lue ni nahore
su. ¹² I nyumbaa kere je ka sin fofoe, na i butu femeya kere beberebe
i tii su. Duma kereewa be mata i, be si má nyini duma ni, má ka yiri

ngumi si a. ¹³ I wura sutura yorom barasu be bo ba fa i awura mbunja nu, na bu fere sɔnɔ n duma ka Nyeme Nɔanie. ¹⁴ Na Nyeme sojam bo bu wo angoro n fun kpɔngɔ fofoe su i su, bu wura sutura casi fofoe papasi. ¹⁵ Takobe nana bo i fá kunma durunya n nufɔm wo i nɔɔ nu, na i bita bu kekereke kabo narƙasi fa bulaari korɔma tu bo i naanim barasu ni, na i tɛntien bu su kabo bu fa baka suuwa gɔ kunma nu na bu miemie yi i nzue ni, dama Micera Nyeme Kpiri n afa yaa agaya. ¹⁶ Ba kere i duma i sutura n su, ni i jaa sɔɔwa su ka, “Nfemem kere Feme ni mibiem kere Mibie.”

¹⁷ Na ma ɲu mereke be ka i jina wie n su, na wɔ ye i konvi su atien fanga su ase anumam kere bo bu tu angoro na bu di nie n ka, “Am bra na am ba tien am nɔɔ na am di ahin diire beberebe n bo Nyeme sufa ma am ni, ¹⁸ am ba di nfemem ɲuniembaa, ni sojam nkpienm ɲuniembaa, ni nfanƙafɔm ɲuniembaa, ni kpɔngɔ nie, ni minem bo bu fun kpɔngɔm n ɲuniembaa, ni adamande barasu kere ɲuniembaa, bo bu ti akɔɔm ni bo ba de bu tii, ni bo bu ti mine ngbingbirim, ni bo bu ti mine kan kanm ni.”

¹⁹ Na ma ɲu boro nengendɔre n ni durunya n nu nfemem, ni bu sojam, ka, ba tien bu nɔɔ acici na bu kun lue ni yiri n bo i tana kpɔngɔ fofoe n su ni, ni i jama nbaam. ²⁰ Na ba tara boro nengendɔre n ni korɛfɔ n bo i yo i ɲu ka i kan Nyeme nɔanie ni. Yiri yo yoori alekutura sam boro nengendɔre n nyunu, na wɔ dadaka minem bo bu deerri boro nengendɔre n anyaari seewa na ba su i amɔe ni. Na ba fa boro nengendɔre n ni korɛfɔ n ni bu ɲgɔɔ aji sin n nu, bo i je ka ferewita na i da ka tieku ni. ²¹ Minem bo bu kaari ni, na yiri n bo i tana kpɔngɔ n su n afa takobe n bo i wo i nɔɔ nu n akun bu kere. Na anumam kere adi nie na bu kunnu ayi.

20

Kabo bu nyi Sitana afo akpii kun n jɔre

¹ Na ma ɲu mereke be ka i fite angoro suba, i bita deke nbem i saa nu, kun la kadombaa bo i tu kunma ngongɔ bo i la má awieeri ni, na kun gusu la jɔrɔkɔ bambaka fanƙafɔ be. ²⁻³ Na wɔ tara woo tie ni, dada dɛe woo tie n bo i ti Sitana ni, na bu kaaki fere i ka Dadakafɔ ni, na wɔ fa jɔrɔkɔ n acici i, na wɔ fa i atu kunma ngongɔ n bo i la má awieeri n nu, ka i wó dɔ haari afo akpii, na wɔ tu kunma n anɔ ni, na wɔ ta akata su, na má i koro fite na i dadaka durunya n nufɔm bekun, ama, i wo dɔ haari afo akpii n ba ju. Nyini sin, na bu nyángi i ji kaan.

⁴ Na ma ɲu femeya biem, Nyeme ama bo bu tana sum n atin ka bu di minem jɔre. Na ma kaaki anu bere bo bu yo wuuri Yesu ti ni. Mine yo kpiɛeri bu tii a, dama bu yo kaanri Nyeme jɔre na ba di Yesu daani n dɛe ti. Bere keteeri ka bu su má boro nengendɔre n ni i amɔe n a, bere la bo bu kaaki keteeri ka bu de má i nyaari seewa bu ɲuma wara bu saa su n a, ye ba tenge bu yiwee n nu anya ɲgɔɔ, na bu ni Kristo Tiidefɔ n sanƙa di femeya afo akpii. ⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge má haari kɔ ju afo akpii n awieeri. ⁶ Bere n bo bu du mɔ tengeeri bu yiwee nu ni, na bu ti mine casim n ni, terefie wo bu dɔ, bere ɲú má yiwee nnyɔ su n kun, bere yó Nyeme ni Kristo Tiidefɔ sayoowa donɲuyofɔm a. Na bu ni yiri sanƙa di femeya n afo akpii.

Kabo Nyeme kunmaari Sitana ni

⁷ Afɔ akpii n nyaari kɔ juuri, na Nyeme má bu yi Sitana n dansaraka sɔɔ n nu ji. ⁸ Na i kɔ dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere nɔɔ na bu kɔ kun lue. Bu sunnu beberebe ka kunma nmiɛ wɔ. ⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i minem wo ni, ama, na sin afite angoro aba ayara bu. ¹⁰ Na ba fa Sitana n bo i dadaka bu n aji cɛema sin n nu, bo i je ka ferewita na i da ka tieku ni, deke bo bu faari boro nenɔndɔre n ni kɔrefɔ n bo i yo i nɔ ka i kan Nyeme nɔanie n jiiri nu ni. Dɔ na bu dí wahara, kɔngue ni wiesu sanɔa kere.

Kabo Nyeme dí minem jɔre awieeri su ni

¹¹ Na ma nɔ femeya bie bambaka fofoe be, ni bo i tana su ni. Na angoro ni asienɔgu kere amini i nyunu, bu wo má bere kun. ¹² Na ma nɔ minem bo ba wu ni, nfanɔafɔm ni tarakam kere, ka bu jina femeya bie n nyunu. Na ma kaaki anɔ ka be suteke kadasim, na be gusu suteke kadasim bo i ti nɔɔ dɛɛ ni. Nyini kadasim ye bu fa diiri minem bo bu wuuri n jɔre a, bu sayoowa kere bo bu yo yoori wo nyini kadasim n nu. ¹³ Na tieku n awɔɔ minem bo ba wu n ama, na Yiwee, ni Yiweefɔm Woobiri n awɔɔ minem bo ba wu n ama, na Nyeme afa bu sayoowa bo bu yo yoori adi bu jɔre. ¹⁴ Na wɔ fa Yiwee, ni Yiweefɔm Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyɔ su n a. ¹⁵ Na ba fa sɔnɔ kere bo i duma awo má nɔɔ kadasim n nu aji sin ni.

21*Angoro ni asien fɔfɔre n jɔre*

¹ Na ma nɔ angoro fɔfɔre ni asien fɔfɔre, dama angoro dawa n ni asien dawa n kere wo má bere kun, na ma nɔ ka tieku nzue n gusu wo má bere kun. ² Na ma nɔ mie casi ni, Yerusalem fɔfɔre n ka i fite Nyeme dɔ angoro sujura ba asienɔgu, wɔ sese i nɔ su ka konya bo i sukɔ ajaa. ³ Na ma ti akonvi bambaka be nɔa femeya bie n nu, i nɔa, “Am nie fen, Nyeme woobiri wo adamandem dɔ,

na i wó bu dɔ.

Na i fá bu yo i minem.

Yiri ni i tii wó bu dɔ na i yó bu Nyeme a.

⁴ Yiri núnuka bu nyunvuin kere bu nyumbaa nu a, yiwee wo má bere kun, ahoresaaki wó má bere kun, minem sún má kun, na minem dí má yaari kun, dama deke dawam kere asin.”

⁵ Na bo i tana femeya bie n su n ase ka, “Nie fen, m suyo deke kere fɔfɔre.” Na wɔ kaaki ase m ka, “Kere ahin nɔanie ni, dama i ti nahɔre wɔ, na i la dabunɔ.” ⁶ Na wɔ se m ka, “Wɔ yo awie, mini ti mɔfɔ a, na m kaaki ti kasinfɔ, mini ti deke kere bumboori ni i awieeri a. Sɔnɔ kere bo nzuehɔe tiiri i, m má i nu nzue n bo i ma nɔɔ ni, na i mi tó má kaari. ⁷ Sɔnɔ kere bo i diiri nasara, m má i ahin aceerim ni, na m yó i Nyeme, na m fá i yo m wa. ⁸ Ama, serɛfɔm, ni minem bo ba yo má m yarada, ni dangba yofɔm, ni mine kunfɔm, ni nbara kpinifɔm, ni somaya kɔfɔm, ni bo bu di ayiri nɔbɛnɔnɔ, ni munzueyifɔm, ni amɔe sufɔm, ni kɔrefɔm kere, bu woobiri la cɛema

sin n bo i je ka ferewita na i da ka tieku ni. Nyini yiwee ni ti yiwee nnyo su n a.”

Yerusalem fɔfɔre n jɔre

⁹ Na mereke kun aba m do, i ti mereke nsom bo bu bita awieeri su dɛɛ kekereke ayaba nsom nu kun wo, na wo ba ase m ka, “Bra, na m kere u Bombaa n konya ni.”

¹⁰ Na Awiewie Casi n dɛɛ yiko nu, na mereke n afa m ako buka bambaka n bo i ti lenlenge n tii su, na wo kere m Yerusalem mie kpiri n bo i ti casi ni, i fite Nyeme do angoro sujura ba. ¹¹ Na i je na i ta wein kabo Nyeme jirima woowa n ti ni, na i sujeje kokore ni sosofura nzue ka afere nyunyumi barasu be bo i da cain ka nienu. ¹² Ba ta kobe bambaka bo i wo angoro abara aye mie ni, na i la anɔ buru ni nnyo, anɔm kere su la mereke kun kun bo bu jina nminda. Ba kere Yisareli anɔ barasu buru ni nnyo n duma ago anɔ n kun kun kere su. ¹³ Kobe n bue nna n kere la anɔ nsan nsan, nsan wo wie afiri, na nsan wo wie atɔori, na nsan nsan wo gbɛɛngbɛɛn bue nnyo n kere. ¹⁴ Mie n kobe n ajaari seewa yabue n ti buru ni nnyo o, ye bu nya taari kobe n taka su. Ba kere Bombaa n jaramasa buru ni nnyom duma ago yabue n kun kun kere su.

¹⁵ Na mereke n bo i jɔjɔori m do n bita sika kara i saa nu, bo i fa sunsun nie kabo mie n ti bambaka barasu, ni kabo kobem n anɔm ti tetere barasu, na i kaaki sunsun nie kabo kobe n angoro ti barasu. ¹⁶ Mie n ataari n ti ka soɔ langba dɛɛ su wo, i tintiin, ni i tetere kere se wo. Na mereke n afa i sika kara sunsunwa n asunsun mie ni, i tintiin su ti kilo akpii nnyo ni yaa nna wo, nyini ti, i tintiin, ni i tetere, ni i angoro kere se wo. ¹⁷ Na mereke n asunsun kobe n gusu, kabo adamande bo ajaari ni, na i angoro ako ayasu ka ajaari boowa kun kun ko ju yaa ni aburana ni nna. ¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka nienu, ata mie n ni i tii. ¹⁹ Yabue n bo bu fa seeri mie n kobe n ajaari n ti yabue barasu nyunyumi, na i kere busu wo i ngumi ngumi. I ti kabo Nyeme sayoowa donɔguyofɔ kpien n sana i tanlee su na i wo i hoe su ni. Bu fere bu ka jasapa, ni safiri, ni agata, ni emeradi, ²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti. ²¹ Bu faari afere fofoe nyunyumi barasu be fa yoori anɔ buru ni nnyom n a. Bu faari sika fa yoori mie n atin natiwa kere a, na i da cain ka nienu.

²² Ma ŋu má Nyeme Sereebiri Awuru be mie n nu, dama ya Mi Nyeme Feme Kpiri n ni Bombaa n ade Nyeme Sereebiri Awuru n jinaabiri a. ²³ Mie n koro má wie ni sara na bu ta wein ma i, dama Nyeme jirima woowa ni ti i wein a, na Bombaa n ti i fitana. ²⁴ Na durunya n nu adamande barasu kere sunati i wein nu wo, na durunya n nu nmemem fa bu ajeke kere ba wura nu. ²⁵ Mie n anɔ ni téke wo sanɔga kere, dama ka kɔngue wo má do. ²⁶ Na adamande barasu kere bo bu wo durunya n nu ni fá bu nenɔge kpakpam ni bu jirima na bu fá wura nu. ²⁷ Ama, deke kere bo i ti má casi wúra má mie n nu, ni minem bo bu su amɔem, ni minem bo bu bu kɔrem ni. Má ka minem bo bu duma wo Bombaa ni ngɔɔ kadasi n nu ni ngumi wúra nu a.

22

¹ Na mereke n akaaki akere m kunma nzue bo i ma ηγγω, i da cain kabo niεenu ti n wω, i songi fite Nyeme ni Bōmbaa n femeya bie n nu wω, ² na i susongɔ miε n atin n afien ni. Kunma n bue nnyo n kere, baka n bo i ma ηγγω n jinjina aheme. Na i susu suuwa barasu buru ni nnyo afo kere, sara kere ni i suuwa. Na bu sufa i nyawa n tuntun durunya n nu adamande kere tōrem. ³ Deke bo Nyeme ayo i nωo ηgbεen wó má miε n nu. Ama, Nyeme ni Bōmbaa n femeya bie ni wó dō, na i akōom n sūsu i. ⁴ Bu nū i nyunuawa dika kabo i ti barasu, na i kére i duma gō bu ηuma su. ⁵ Awosin wó má dō, be koro má fitana dō, na bu kaaki koro má wie dō, dama ya Mi Nyeme Feme ni i tii yó bu wein a. Na bu dí femeya bo i la má awieeri.

Kabo Yesu seeri ka i cé má, i káaki ba ni

⁶ Na mereke n akaaki ase m ka, “Ahin nōaniem n ti nahōre wω, na i ti deke bo sōno yo i yarada. Ya Mi Nyeme Feme bo i faari i Awiewie Casi n wuraari i nōanie kanfōm nu ni, yiri asunma i mereke n ka i ba se i akōom fa kō sa bo i yó kisa bere n a.”

⁷ Ya Mibie Yesu ηa, “Am so am sui. I cé má, m bá kisa. Terefie wo sōno kere bo i deeri nōanie n bo i wo ahin kadasi n nu na i jōjo fa kō sa bo i bá yo n ηu.”

⁸ Mini Yohane tiiri, ye m ηuuri ahin deke n kere, m tiiri na m ηuuri i sō ni, na ma kutu mereke n bo i kereeri nyini dekem n jaa bu ka m su i. ⁹ Na wω se m ka, má m yo sō, ama, m kansi Nyeme ηgumi. Na wω kaaki ase m ka, “M ti u benngu akōo, ni u ninbaam bo bu ti Nyeme nōanie kanfōm, ni bo bu de nōanie n bo i wo ahin kadasi n nu n be wω.” ¹⁰ Na wω kaaki ase m ka, má m se ka m fie nōanie n bo i wo ahin kadasi n nu na i jōjo fa kō sa bo i bá yo n su, dama i cé má, i kere yó kisa. ¹¹ I ηa sōno kere bo i yo satie, ma i kō su yo i satie, sōno kere gusu bo i yo i dangba sa ni, ma i kō su yo i dangba sa ni, na sōno kere gusu bo i yo sakpa, ma i kō su yo i sakpa ni, na sōno kere gusu bo i ti casi, ma i kō su wo i casi wo.

¹² Ya Mibie Yesu ηa, “Am so am sui. I cé má, m bá kisa, na m bá tō sōno kere kaari kabo i jumayoowa ti barasu. ¹³ Mini ti mōfo a, na m kaaki ti kasinfo, mini ti deke kere bumboori ni i awieeri n a.”

¹⁴ Terefie wo minem bo ba ηmisi bu suturam ayo casi n dō, adena bu koro nya atin di baka n bo i ma ηγγω n deε suuwa ni, na bu fa miε n anō n wura miε n nu. ¹⁵ Ama, dangba yofōm, ni bo bu di ayiri ηgbεenηgbεen, ni bara kpinfo, ni somaya kōfōm, ni mine kunfōm, ni amōe sufōm, ni bo bu bu kōre bu nōanie jōjōwa ni bu sa yoori nu n kere koro wura má miε n nu.

¹⁶ “Mini Yesu asunma m mereke n ka i ba se am ahin jōre n a, ambere bo am wo Kristo jamam n nu ni. Mini ti Feme Davidi anuma a, na m ti asaakōjo bo i ta ni.”

¹⁷ Awiewie Casi n ni konya n ηa, “Bra.”

Sōno kere bo i ti ahin, ma i mi gusu se ka, “Bra.”

Na sōno kere bo nzuehōe ati i,

na i koro ηγγω nzue ni,

i bra na i ba de nu ηgbεen.

Awieeri su n jōre

18 Mini Yohane subobo sono kere bo i ti ahin kadasi n nu jore fa ko sa n bo i ba yo n le, ka sono kere bo i faari nonie be bukaari su, Nyeme fa kekereke n kere bo i wo ahin kadasi n nu n buka i mi su. 19 Na sono kere gusu bo i yiiri nonie n bo i wo ahin kadasi n nu n be, Nyeme yi i mi n aceeri na i nya ma baka n bo i ma ngoo n de suuwa n be, na i ma i wura ma mie casi n nu, kabo ba kere bu jore ahin kadasi n nu.

20 Yiri n bo i di ahin jorem kere daani n ase ka, "Nahore. I ce ma, m ba kisa."

Ma i yo so. Ya Mibie Yesu, bra. Ami.

21 Ma ya Mibie Yesu buka Nyeme minem kere. Ami.